









Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.462




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.462



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.462

2.6.462





3
6
462

CHRONICON ANTIQUVM


SACRI MONASTERII CASSINENSIS,

Olim à Leone Cardinali, & Episcopo Ostiensi conscriptum:

Nunc vero à Reuerendo Patre

*D. MATTHAEO LAVRETO HISPANO,
Cassinensi Monacho, & Abbate S. Saluatoris de Castellis
recognitum, & pristinae integritati restitutum, ac plu-
ribus Adnotationibus illustratum, & auctum.*

Adiecta insuper, ab eodem Autore, breui de Monachatu
S. Gregorij Magni, sub Regula S. Bene-
dicti, disputatione.



NEAPOLI, Ex Typographia Tarquinij Longhi. 1616.
SVPERIORVM PERMISSV.

374


CHRONICA
V. V. V. V. V.

...
...
...
...
...
...
...
...



2.6.462

...
...
...



SANCTISSIMO
AC BEATISSIMO PATRI,
ET DOMINO NOSTRO
PAVLO QVINTO
PONTIFICI OPTIMO MAXIMO,

Abbas, & Conuentus Sacri Monasterij Cassinen-
sis, post humilima pedum oscula, æter-
nam exoptant felicitatem.



*ISI omnes Orbis Ecclesia, Pater Bea-
tissime, vera filia sint, ac discipula
sanctæ sedis Apostolicæ, cui, Deo au-
ctore, S. V. præest: ipsamq. tamquam
unicam, & veram matrem, ac magi-
stram agnoscant, diligant, & hono-
rent: inter eas tamen, Ecclesia Cassi-
nensis in amore, deuotione, ac reueren-
tia erga eandem sanctam sedem (absit verbo inuidia) vi-
detur quodammodo excellere, & eminere: quippe, quæ in
a 2 diffici-*

...amitojijimisq. temporibus, quando Pontifices
Summi, siue ut furorem impiorum Imperatorum sanctam
Romanam Ecclesiam hostiliter impugnantium, fugerent: siue
ut rabiem eandem sanctam sedem nequiter inuadentium,
& occupantium, declinarent, ab Vrbe migrare, & exulare
cogebantur: tunc Cassinensis Ecclesia, tamquam filia dile-
ctissima, eisdem occurrens, dulciter amplectebatur, in sinu
suo fouebat, eorum necessitates subleuabat, & quantum pote-
rat in omnibus sedulo ministrabat.

Testantur hæc pleriq. Summi Pontifices in priuilegijs, quæ
benignitate Apostolica Cassinensi Ecclesie contulerunt. Vrbani-
nus secundus sic ait. Præter generale charitatis debitum,
præter singularem vestri coenobij prærogatiuam, qua in
Monasticæ legis latrone, & latore sanctissimo Benedicto,
vniuersorum per Occidentem Monasteriorum caput à Do-
mino institutum est: Illa etiam magnificentia, qua semper
(& nostris præcipuè temporibus) congregatio vestra san-
ctæ Romanæ subuenit Ecclesie, multum nos eidem loco fo-
re compellit obnoxios. Is enim locus nostrorum pauperum
releuatio, fugientium refugium, fessorum sedis Apostolicæ
filiorum requies indefessa, permansit, & permanet; & rur-
sus. In quo præcipuè Monasterio, quod sanctæ nostræ fedi
Apostolicæ semper familiaris, ac deuotius adhæsit, & in
omni opportunitate, promptius, ac benignius adfuit. In-
nocentius item secundus. Cum iniunctū, inquit, nobis Apo-
stolicæ sedis officium, vniuersis per orbem Ecclesijs efficiat
debitores, vestro Cassinensi coenobio quammaxime obno-
xios faciunt, & Beatissimi Patris nostri Benedicti Monasti-
cæ legis latoris præsentia corporalis: & in vobis, per Dei
gratiam, vsque ad nostra tempora, indefessa perdurans eius
obseruantia mandatorum. Accedit ad hoc, quod idem
venerabilis locus Romanæ Ecclesie filiorum vnicum in ad-
uersis solatium, & in prosperis infatigata requies, perse-
uerat.

Ex

Ex quibus planè constat, Cassinensem Ecclesiam singulari
quodam dilectionis, ac pietatis affectu, sanctam Romanam,
& Apostolicam Ecclesiam semper prosecutam fuisse, speciali-
busq. officijs, & obsequijs eam pro viribus honorasse, & co-
luisse. Vnde etiam effectum est, ut ipsi summi Patres, & Pa-
stores Ecclesie catholicae, eandem Cassinensem Ecclesiam
propensus dilexerint, atque innumeris gratijs, fauoribus,
priuilegijs, immunitatibus, indultis, exemptionibus, praeoga-
tijs, ac praeminentijs, ornauerint, decorauerint, illustra-
uerint, ac sublimauerint: quibus reconfendis supersedemus,
ne S. V. tadio simus, modumq. Epistolae excessisse videamur.
Vnum vero nullo modo possumus praeterire, quod valde Cas-
sinensem Ecclesiam apud S. V. & sanctam Sedem Apostoli-
cam commendabilem reddat: Illud autem est, Gloriosum
Apostolorum Principem Petrum Cassinensem Ecclesiam, adeo,
post Romanam, dilexisse, ut illam vniuersis alijs praetulisse
videatur. Cum enim sancta Romana Ecclesia, factione im-
pijssimi haeresiarcae Guiberti Apostolicae sedis inuasoris, ma-
gnis procellis agigaretur, atque in ipsa sanctorum Apostolo-
rum praecipua solemnitate, Basilica Vaticana armatis mili-
tibus ab eo acriter oppugnaretur, factum est, ut eadem Basi-
lica (heu, pro dolor) in eadem solemnitate, omni diuino of-
ficio tam diurno, quam nocturno caruerit. Gloriosus igitur
Apostolus Petrus, huiusmodi perturbationum fluctibus à pri-
maria sua Ecclesia, quasi violenter expulsus, Cassinum se-
contulit, & in ea Ecclesia, passionis suae festum eo die cele-
brauit. Qualiter autem ista contigerint, refert Leo Cardi-
nalis, & Episcopus Ostiensis cap. 67. lib. 3. Chronici Cassi-
nensis, quod modo S. V. supplices offerimus: ut sit index, ac
testis filialis amoris, & affectus, quem nos omnes erga
S. V. & sanctam Sedem Apostolicam, hereditaria succeffio-
ne, intimo corde retinemus. Parati enim sumus, quoties opus
fuerit, non solum bona temporalia, verum etiam sanguinem
proprium, & ipsam vitam in obsequium S. V. & sanctae se-
dis



dis Apostolica profundere. Interim autem preces continuas
effundimus, ac iuge sacrificium offerimus, ut Deus, & Do-
minus noster Iesus Christus S. V. pro totius Ecclesie bono,
diutissime seruet incolumem, ac demum cum sanctissimis
Prædecessoribus suis, vitam largiatur eternam. Suscipiat
ergo S. V. solita sua benignitate, & librum quem offerimus,
& una pariter uniuersam Cassinensis cœnobij Congregatio-
nem, quam ad instar suorum Prædecessorum, protegere, de-
fendere, tueri, ac fouere Paterna charitate, & Apostolica
auctoritate, dignetur.

M A T.

MATTHAEI LAVRETI

MONACHI CASSINENSIS,

Et Abbatis S. Saluatoris de Castellis,
ad Lectorem Præfatio.



PRODIT in lucem superioribus annis, optime Lector, Bibliotheca Floriacensis, opera Ioannis à Bosco Cœlestini, impressa Lugduni Anno 1605. Quam cum euoluere cœpissem, incidi in tractatum quemdam de Translatione S. P. Benedicti, in quo præfatus Ioannes acriter infestatur Monachos Cassinenses, illosq; mendacij, falsitatis, & imposturæ insinuat, quasi omnia, quæ habentur in Chronico Cassinensi, commentitia sint, ac suppositicia. Et nequis me impostorem existimet, legat obsecro, paginam 365. prædictæ Bibliothecæ, ubi post adductum quoddam testimonium ex martyrologio Adonis Archiepiscopi Treuerensis, in fauorem Translationis S. Benedicti, hæc verba subnectit. *Hic præclarus Pontifex post Leonem Cassinensem scripsit: & licet assiduus esset Romanorum Pontificum aula, ut Aloysius Eypomanus indicat, bullas tamen, quas Leo ipse confingit, utpote numquam datas, in recensenda Translatione S. Benedicti haud pertimuit. Caterum, si quod verisimiles coniecturæ mihi suadent, expromere liceret dicerem: neothericos Cassinenses Leoni Ostiensi (ut ab eius antiquitate, & dignitate sibi compararent fidem, & auctoritatem) partum supposuisse, cuius, si rediuius esset, se minime patrem inscriberet. Nam quod rem urget vehementer, illud est, quod S. R. E. Cardinalis, multa de Pontificibus summis sui sæculi dicat quæ veritati nulla ratione quadrare conuincuntur. Et pag. 381. hæc ait. Verum cum in Leonis narrationibus, multa, ac pene omnia me haud leuiter admonerent de earum veritatis atq; integritatis certa fide dubitandi, imo & penè compellerent. Denique pag. 384. asserit. Leonem glorianter, ac mendaciter esse locutum. His, & alijs similibus verbis proscindit Ioannes à Bosco, non solum neothericos Cassinates, verum etiam ipsum Leonem Ostiensem.*

Ostiensē. Quæ cum legissem, obstupui, ac ferè exœandui, quod vir alioqui religiosus, ac Regulam S. Benedicti professus, talia effutire sit ausus: nec erubuerit Fratres, imo Patres suos, adeo temere, ac procaciter insectari, contraq; omnem rationem, ac veritatem manifestam, eisdem falsitatis, & imposturæ notam iurare. Cui modo non respondeo, quia id abunde præstiti in libello de existentia corporis S. Benedicti apud Cassinum cap. 40. 41. & sequentibus.

Clamoribus igitur, & criminationibus, præfati Ioannis excitatus, atque commotus, cepi diligentius Chronicon Leonis Ostiensis, Venetijs impressum, Anno 1513. perlegere, atque cum antiquissimo eiusdem M. S. quod in archiuio sacri Cassinensis cœnobij asseruatur, conferre. Quo factò deprehendi Chronicon illud impressum, multis scatere erroribus, valde multumq; à M. S. dissidere, & discrepare. Cumq; animaduertēterem facile possē Lectorem ex illius deprauata lectione ansam, & occasionē errandi, imo & veraci Leonis Ostiensis Chronico detrahendi, sumere: Patres Cassinenses, in præfato libello monui, vt prædictum M. S. Leonis Chronicon fideliter transcribere, ac properè in lucem edere curarent: vt sic fides, & sinceritas Leonis Ostiensis veridici, ac integerrimi sui temporis scriptoris, omnibus innotesceret: & ora loquentium iniqua obstruerentur. Valde namq; indignum iudicabam, propter ea, quæ in Chronico illo male impresso, perperam scripta reperiuntur, fidem, & auctoritatem Leonis Ostiensis in dubium reuocari, famamq; & integritatem Monachorum Cassinensium denigrari, & deturpari.

Hoc igitur Chronicon (optime Lector) tibi modo exhibent Patres Cassinenses: quod ego in gratiam tui, vita sanctissimi Patriarchæ nostri Benedicti, plurimisq; Additionibus, seu Adnotationibus locupletari, & illustrare curavi: adiecto insuper tractatu de Monachatu S. Gregorij Magni sub Regula S. Benedicti, quem in fine pro coronide apposui. Fruere igitur veris, ac sinceris Leonis Ostiensis narrationibus; & nostras qualescumque Adnotationes, æqui, boniq; consule. Vale.

A D.



ADMONITIO AD LECTOREM.

Super vita sanctissimi Patris nostri
BENEDICTI.




PARANTI mihi in lucem edere
Cassinense Chronicon, congruum,
immo necessarium visum est, vi-
tam sancti Patris Benedicti Cassi-
nensis Cænobij conditoris ei præfi-
gere, ut cunctis, qui librum istum
legerint, quis, qualis, quantusq;
fuerit vir beatus, cuius gloriosis
meritis toti mundo celebre, ac ve-
nerandum redditum est præfatum Monasterium, innotef-
cat. Cumq; diu mecum cogitarem, utrum ex scriptis Di-
ui Gregorij Magni eam in compendium redactam, an ve-
rò fusè, ut ab eo descripta est, euulgare deberem, gratius
Lefflori, ipsiq; Beato Patri Benedicto acceptius fore putavi,
si eam, ut à magno Gregorio contexta fuit, legendam propo-
nerem.

A

neream.



nerem. Ad honorem namq; sanctissimi Patris Benedicti arbitror pertinere, quod vitam eius non quilibet scriptor, sed tam insignis Ecclesie Doctor, tamq; egregius Apostolicae sedis Praesul, descripserit. Et multorum quidem Sanctorum duo, aut tria defloravit miracula, nostri autem Patriarchae qualis ab ineunte aetate fuerit vita, qualis in progressu, qualem denique, quamq; mirandum habuerit exitum, dulcissima facundia promulgavit. Diuinitus certe dispositum esse videtur, ut cum isdem excellentissimus Legislator multis modis sit à Deo decoratus, etiam hinc maiori auctoritate, tam ipse, quam eius legislatio roboretur, quod eiusdem vitam summus Apostolicae sedis Pontifex ordinaverit, regulamq; adeò laudaverit, ut ex occasione Dialogi eius, tanti Patris vita, & doctrina pluribus esset cognita: nec solum apud Latinos, sed etiam apud Græcos notissima foret, translatis in eorum linguam Dialogorum Gregorij libris à sancto Zaccharia Papa primo. Vnde Græci in suo Menologio, die decimaquarta Martij, de sancto Benedicto sic aiunt. Sancti Patris nostri Benedicti, multorum Monasteriorum Patris celeberrimi, pietate, & miraculorum multitudine illustris. Accipe igitur, optime Lector, eius præclarissimas res gestas, quas beatus Gregorius toto secundo Dialogorum libro complexus est, in hunc qui sequitur modum.

PROOE-



P R O O E M I V M
B. GREGORII PAPAE

in vitam S. Benedicti Abbatis.



VIT vir vitæ venerabilis, gratia, Benedictus, & nomine, ab ipso pueritiæ suæ tempore cor gerens senile. Aetatem quippe moribus transiens, nulli voluptati animum dedit: sed dum in hac terra adhuc esset, quo temporaliter liberè uti potuisset, despexit iam quasi aridum mundum cum flore. Qui liberiori genere ex Prouincia Nursiæ ortus, Romæ liberalibus litterarum studijs traditus fuerat. Sed cum in eis multos irreper abrupta vitiorum cerneret, eum quem quasi in ingressu Mundi posuerat, retraxit pedem: ne si quid de scientia eius attingeret, ipse quoque in immane præcipitium totus iret. Despectis itaque litterarum studijs, relicta domo, rebusque patris, soli Deo placere desiderans, sanctæ conuersationis habitum quæsiuit. Recessit igitur scienter nesciens, & sapienter indoctus.

Huius ergo omnia gesta non didici, sed pauca quæ narro, quatuor discipulis illius referentibus agnoui: Constantino scilicet reuerentissimo valde viro, qui ei in Monasterij regimine successit: Valentiniano quoque, qui annis multis Lateranensi Monasterio præfuit: Simplicio, qui congregationem illius post eum tertius rexit: Honorato etiam qui nunc adhuc cellæ eius in qua prius conuersatus fuerat, præest.

VITA SANCTI
ADNOTATIO.

Parentes B. Benedicti non prodidit Gregorius, plerique ta-
men scriptores, Patrem illius Proprium, siue Eupro-
prium Matrem verò Abundantiam, vocatos fuisse referunt, na-
tumq; asserunt Anno Domini quadringentesimo octogesimo,
uno eodemq; partu cum sorore sua Scholastica.

De Capisterij fracti reparatione. Cap. I.

Nutri-
cem
hanc,
quidam
Cyrillā
vocant.



Nutrix itaq; cum iam relictis litterarum studijs,
petere desertā decreuisset, Nutrix, quæ hunc
arctius amabat, sola secuta est. Cumq; ad lo-
cum venisset, qui dicitur Effide, multisq; ho-
nestioribus viris pro charitate se illic reti-
nentibus, in beati Petri Ecclesia demoraren-
tur, prædicta Nutrix illius ad purgandum triticum à vicinis
mulieribus præstari sibi capisterium petijt, quod super men-
sam incautè derelictum, casu accidente fractum est, sic vt in
duas partes inueniretur diuisum. Quod mox rediens Nutrix
illius, vt ita inuenit, vehementissimè flere cœpit, quia vas,
quod præstitum acceperat, fractum videbat. Benedictus au-
tem religiosus, ac pius puer, cum nutricem suam flere con-
spiceret, eius dolori compassus, ablatis secum vtrisque fracti
Capisterij partibus, se se cum lacrymis in orationem dedit:
qui ab oratione surgens, ita iuxta se vas sanum reperit, vt in
eo inueniri fracturæ nulla vestigia potuissent: moxq; nutri-
cem suam blandè consolatus, ei sanum Capisterium reddidit,
quod fractum tulerat. Quæ res in eodem loco à cunctis est
agnita, atque in tanta admiratione habita, vt hoc ipsum
Capisterium eius loci incolæ in Ecclesiæ ingressu suspende-
rent: quatenus præsentibus, & futuri omnes agnoscerent à quan-
ta Benedictus puer conuersationis gratiam perfectione cepis-
set: quod annis multis illic ante omnium oculos fuit, & vsque
ad hæc Longobardorum tempora, super fores Ecclesiæ pe-
pendit.

Sed Benedictus plus appetens mala mundi perpeti, quàm
laudes, & pro Deo laboribus fatigari, quàm vitæ huius fauo-
re extolli, nutricem suam occultè fugiens, deserti loci seces-
sum

sum petijt, cui Sublacus vocabulum est, qui à Romana Vrbe quadraginta ferè millibus distans, frigidas, atque perspicuas emabat aquas: quæ illic videlicet aquarum abundantia in extenso prius lacu colligitur, ad extremum vero in amnem deriuatur. Quò dum fugiens pergeret, Monachus quidam Romanus nomine, hunc euntem reperit, quò tenderet requisit. Cuius cum desiderium cognouisset, & seceetum tenuit, & adiutorium impendit, eiq; sanctæ conuersationis habitum tradidit, & in quantum licuit ministravit. Vir autem Dei ad eundem locum perueniens in arctissimum specum se tradidit, & tribus annis, excepto Romano Monacho, hominibus ibi incognitus mansit: qui videlicet Romanus, non longè in Monasterio sub Theodati Patris Regula degebat. Sed piè eiusdem Patris sui oculis furabatur horas, & quem sibi ad manducandum surripere poterat, diebus certis Benedicto, panem ferebat. Ad eundem verò specum à Romani cella iter non erat, quia excelsa desuper rupes eminebat, sed ex eadem rupe in longissimo fune ligatum Romanus deponere panem consueuerat, in qua etiam resti paruum tintinnabulum inseruit, vt ad eius sonum vir Dei cognosceret, quando sibi Romanus panem præberet, quem exiens acciperet. Sed antiquus hostis, vnus charitati inuidens, & alterius refectiōi, cum quadam die submitti panem conspiceret, iactauit lapidem, & tintinnabulum fregit. Romanus tamen modis congruentibus ministrare non desijt.

Cum verò iam Deus omnipotens, & Romanum vellet à labore quiescere, & Benedicti vitam in exemplum hominibus demonstrare, vt posita super candelabrum lucerna claresceret, quatenus omnibus, qui in Domo Dei sunt luceret, cuidam Presbytero longius manenti, qui refectiōem sibi in Paschali festiuitate parauerat, per visum Dominus apparere dignatus est, dicens: Tu tibi delicias paras, & seruus meus illo in loco fame cruciatur. Qui protinus surrexit, atque in ipsa sollempnitate Paschali cum alimentis, quæ sibi parauerat ad locum tetendit, & virum Dei per abrupta montium, per concaua vallium, per defossa terrarum quasiuit, eumq; latere in specu reperit. Cumq; oratione facta benedicentes Dominum omnipotentem confedissent, post dulcia vitæ colloquia, is qui aduenerat Presbyter dixit: Surge sumamus cibum, quia

A 3 hodie

hodie Pascha est. Cui vir Dei respondit dicens: Scio quia Pascha est, quia hodie videre te merui. Longe quippe ab hominibus positus, quia die eodem Paschalis sollemnitas esset ignorabat. Venerabilis autem Presbyter rursus asseruit dicens: Veraciter hodie Resurrectionis Dominicæ Paschalis dies est, abstinere tibi minimè congruit, quia & ego ad hoc missus sum, ut omnipotentis dona Dei pariter sumamus. Benedicentes igitur Dominum, sumpserunt cibum. Expleta itaque refectione, & colloquio, ad Ecclesiam suam Presbyter recessit.

Eodem quoque tempore hunc in specu latitantem etiam Pastores inuenerunt: quem cum vestitum pellibus inter frutera cernerent, aliquam bestiam esse crediderunt: sed cognoscens Dei famulum, eorum multi ad pietatis gratiam à bestiali mente mutati sunt. Nomen itaque eius per vicina loca innotuit cunctis. Factumque est, ut ex illo iam tempore à multis frequentari cepisset: qui cum ei cibum afferrent corporis, ab eius ore in suo pectore alimenta referebant vitæ.

A D N O T A T I O.

Cardinalis Baronius tomo *Annal.* 6. Anno quadringentesimo nonagesimo quarto, de recessu sancti Benedicti ab Urbe, sic ait: Hoc eodem anno magnus ille Monachorum Patriarcha Benedictus Occidentalis decus Ecclesiæ, Nursinus patria, Romæ litteris dans operam, ab Urbe recedens, profecturus in solitudinem, sublimioris vitæ Monastica prima iecit feliciter fundamenta.

Postquam verò longam de sancti Benedicti ætate texuit dissertationem, eam tandem amplectitur opinionem, ut anno quadringentesimo octogesimo sit natus, anno verò quadringentesimo nonagesimo quarto, cum annum ageret decimumquartum, ab Urbe, ut Eremum peteret, recesserit. Quibus sic constitutis ista subnectit: sed falli, mea quidem sententia puto, qui Benedictum eius ætatis puerum, Eremum petisse existimant, haud assequuti Gregorij verborum sententiam. Nec sanè verisimile est, ut tam teneræ ætatis puer adeò arduum vitæ arripuerit institutum, à quo potius per Romanum prudentem Monachum reuocandus fuisset, quàm famulatu pollicito impellendus. sic ille.

Ad

*Ad hac breuiter dico. In scripturis sanctis, in Patribus, ac vniuersis denique scriptoribus, ea quae dicuntur accipienda esse iuxta propriam verborum significationem, nisi aliquid obstat, quò minus ita intelligi possint: aliter enim unicuique licebit scripturas quoslibet ad libitum interpretari, relicto verò, ac germano verborum sensu, qui maximè in historica narratione retinendus est. Cum ergo Beatus Gregorius, in praesenti narratione historiam texat, & sanctum Benedictum puerum fuisse asserat, nihilq; obstat si dicamus eum decimoquarto aetatis suae anno ab Vrbe recessisse, Ereum petisse, atque in spelunca sese abdidiisse ita profecto dicendum est. Nec enim aliter intelligendus est Gregorius dum de Beato Benedicto ait, quòd ab ipso pueritia sua tempore cor gerens senile, aetatem moribus transiens, nulli voluptati animum dedit, sancto Spiritu in ipso operante, cuius gratia ab infantia fuit perfusus, et ait sancta Hildegardis in vita sancti Disibodi, quae habetur apud Surium tom. 4. die 8. Iulij. Tenera verò aetas quam causatur Cardinalis Baronius, nihil obstat, cum opus hoc non humanis viribus, aut consilio metiendum, sed diuinae gratiae inspiranti, mouenti, ac impellenti ascribendum sit. Plures namque alios legimus, qui hoc idem vitae genus in tenera aetate arripuerunt. Et ut omit-
tam sacrum Baptisam, de quo canit Ecclesia Diuum Lucam*
se quita. Antra deserti teneris sub annis, ciuium turmas su-
giens petisti. Sanctus Hilarion decimoquarto aetatis suae anno
ad magnum Antonium in solitudinem perrexit, neque ab eo ob
teneram aetatem reiectus est: cumq. apud ipsum per aliquot
mensēs mansisset, eiusq. vitae rationem didicisset, nec dum an-
num decimum quintum egressus, Ereum solus incolere coepit.
Quin & Patrum nostrorum memoria, sanctus Franciscus de
Paula decimum tertium annum circiter agens, in Ereum so-
lus habitaturus secessit. Sed quid? Nonne Maurus duodennis,
& Placidus septennis ad vitam rigidiorē excolendam, eidem
Beato Benedicto traditi sunt? quos tamen vir sanctus ob tene-
ram aetatem minimè repulit. Cum ergo sanctus Gregorius asse-
rat puerum fuisse Benedictum cum Ereum petijt, retinenda
est omnino communis sententia, quae anno aetatis suae decimo-
quarto eum petisse Ereum asserit: nec est cur aliter inter-
pretemur verba Gregorij cum simpliciter, ut iacent intelligi
possint, atque ab vniuersis, qui de Beato Benedicto haecenus


Luci.

A 4 scripse-

scripserunt, ita sint, intellecta.

Pergit verò Cardinalis Baronius dicere in laudem Beati Benedicti. Quod admiratione dignum est, sanè quidem in sancti Benedicti vocatione, summa Dei in consulendo sue Ecclesie innotuit providentia. Etenim tempore, quo uniuersa Italia, Gallia, Hispania, atque Aprica à Gothis, & Vandalis Hæreticis Arianis possidebatur, Oriensq. penè totus esset infectus hæresibus; in tam tetra noctis obscuritate, densaq. caligine, eiusmodi claritudo lucis effulsit, qua uniuersus catholicus orbis illustraretur. Quantus autem splendor ex viro Dei Benedicto ad Ecclesiam illustrandam diuinitus emicuerit, inferius suis locis ordine temporis enarrabimus. Sed quibus ista sint auèta progressibus, breuiter audi. Egit vir Dei tres annos in specu, tantum conscio sancto Romano, ut sanctus Gregorius tradit: inde verò Dei reuelatione notior factus, & virtute miraculorum, redditus uniuersa Regioni illi conspicuus, inuidiæ iaculis ab hominibus appetitus, postquam vires Satana confregit, victor in omnibus ad vitæ sanctæ emulationem suo exemplo quamplurimos traxit: cum tamquam ex alueario excrescentia apum examina in alia vasa ipse inferens, duodecim à se erecta Monasteria, repleuit: sicq. perseuerasse vsque ad annum Domini quingentesimum undetrigesimum, atque postea migrasse Cassinum, ex Cassinensi Chronico compertum habetur. Hæc ibi Cardinalis Baronius: sed nos Gregorium Papam ista fusius prosequentem audiamus.

De tentatione carnis superata. Cap. II.



QVADAM verò die dum solus esset, tentator adfuit. Nam nigra paruaq; auis, quæ vulgo Merula nominatur, circa eius faciem volitare cœpit, eiusq; vultui importunè insistere, ita vt manu capi posset, si hanc vir sanctus tenere voluisset, sed signo crucis edito, recessit auis. Tanta autem carnis tentatio, cui eadem recedente, sequuta est, quantam vir sanctus nunquam fuerat expertus. Quandam namq; aliquando fœminam viderat, quam malignus spiritus ante eius mentis oculos reduxit. tantoq; igne serui Dei animum, in specie illius accendit, vt dum in eius pe-

store

Storæ amoris flamma vim caperet, etiam pœnè deferere Ere-
mum, voluptate victus, deliberaret. Tunc subito superna
gratia respectus, ad semetipsum reuersus est, atque vrtica-
rum, & veprium iuxta densa succrescere fruteta conspiciens,
exutus indumento, nudum se in illis spinarum aculeis, & vr-
ticarum incendijs proiecit: ibiq; diu volutatus, toto ex eis
corpore vulneratus exijt, & per cutis vulnera, eduxit à corpo-
re vulnus mentis, quia voluptatem traxit in dolorem. Cumq;
benè pœnaliter foris arderet, extinxit, quod intus illicitè ar-
debat. Vicit itaque peccatum, quia mutauit incendium. Ex
quo videlicet tempore (sicut post discipulis ipse perhibebat)
ita in eo est tentatio voluptatis edomica, vt tale aliquid in se
minimè sentiret. Cœperunt postmodum multi iam mundum
relinquere, atque ad eius magisterium festinare. Liber quippe
à tentationis vicio, vero iure iam factus est virtutum Magi-
ster. Vnde & per Moysen in Exodo præcipitur, vt Leuitæ à vi-
ginti quinque annis, & supra ministrare debeant. Ab anno ve-
rò quinquagesimo custodes vasorum fiant.

Leu. 8.
vers. 34

P E T R V S.

Iam quidem prolati testimonij mihi aliquantum intellectus
interlucet, sed tamen hoc plenius exponi postulo.

G R E G O R I V S.

Liquet Petre, quod in iuuentute carnis tentatio ferueat. Ab
anno autem quinquagesimo calor corporis frigescat: vasa
autem sacra sunt fidelium mentes. Electi ergo cum adhuc in
tentatione sunt, subesse eos, ac seruire necesse est, & obsequijs,
laboribusq; fatigari. Cum verò iam mentis ætate tranquilla
calor recesserit tentationis, custodes vasorum sunt, quia
Doctores animarum fiunt.

P E T R V S.

Fateor, placet quod dicis: sed quia prolati testimonij clau-
sa reueraſti, quæſo vt de vita iusti debeas ea, quæ sunt inchoa-
ta percurrere.

De

GREGORIUS.



RECEDENTE igitur tentatione, vir Dei, quasi spinis erutis exculta terra, de virtutum segete feracius fructus dedit. Præconio itaque eximia conversationis celebre nomen eius habebatur. Non longè autem Monasterium fuit, cuius Congregationis Pater defunctus est, omnisq; ex illo Congregatio ad eundem venerabilem Benedictum venit, & magnis precibus, ut eis præesse deberet petijt. Qui diu negando distulit, suos, illorumq; Fratrum mores convenire non posse prædixit, sed victus quandoq; precibus, assensum dedit. Cumq; in eodem Monasterio regularis vitæ custodiam teneret, nulliq; ut prius per actus illicitos in dexteram, levamq; partem deflectere à conversationis itinere liceret: suscepti fratres insanè sævientes, semetipsos prius accusare cœperunt, quia hunc sibi præesse poposcerant, quorum scilicet tortitudo in norma eius rectitudinis offendeat. Cumq; sibi sub eo conspicerent illicita non licere, & se dolerent assueta relinquere, durumq; esset, quod in mente veteri cogebantur nova meditari, & quia gravis est semper pravis moribus vita bonorum, tractare de eius morte aliqui conati sunt: qui inito consilio venenum vino miscuerunt, & cum vas vitreum in quo ille pestifer potus habebatur, recumbenti Patri ex more Monasterij ad benedicendum fuisset oblatum, extensa manu Benedictus signum crucis edidit, & vas quod longius tenebatur, eodem signo rupit, sicq; confRACTUM est, ac si in illo vase mortis, pro cruce lapidem dedisset. Intellexit protinus vir Dei, quia potum mortis habuerat, quod portare non potuit signum vitæ: atque illico surgens, vultu placido, mente tranquilla, convocatos Fratres alloquutus est dicens: Misereatur vestri, Fratres, omnipotens Deus, quare in me facere ista voluistis? Nunquid non prius dixi vobis, quia vestris, ac meis moribus minimè conveniret? ite, & iuxta vestros mores Patrem vobis querite, quia posthac me habere minimè potestis. Tuncq; ad locum dilectæ solitudinis redijt, & solus in superni spectatoris oculis habitavit secum.

P E-

P E T R V S.

Minus patenter intelligo, quidnam sit, habitauit secum.

G R E G O R I V S.

Si sanctus vir contra se vnanimiter conspirantes, suq; conuersationi longè dissimiles, coactos diu sub se tenere voluisset, fortassis sui vigoris vsum, & modum tranquillitatis absunderet, atque à contemplationis lumine suæ mentis oculum declinasset. Dumq; quotidie illorum correptione fatigatus, minus curaret sua, & se forsitan relinqueret, & illos non inueniret: nam quoties per cogitationis motum nimium extra nos ducimur, & nos sumus, & nobiscum non sumus, quia nosmetipsos minimè videntes per alia vagamur. An illum secum fuisse dicimus, qui in longinquam regionem abiit, portionem quam acceperat consumpsit, vni in ea ciuium adhaesit, porcos paut, quos cùm manducare videret siliquas, & has esuriret, tamen cum postmodum cœpit cogitare bona, quæ perdidit, scriptum de illo est: In se reuersus dixit: Quanti mercenarij in domo patris mei abundant panibus? Si igitur secum fuit, vnde ad se rediit? hunc ergo venerabilem virum secum habitasse dixerim, quia in sua semper custodia circumspectus, ante oculos conditoris se semper aspiciens, se semper examinans, extra se mentis suæ oculum non diulgauit.

P E T R V S.

Quid ergo, quod de Apostolo Petro scriptum est, dum de carcere ab Angeloeductus fuisset, qui ad se reuersus dixit: Nunc scio verè, quia misit Dominus Angelum suum, & eripuit me de manu Herodis, & de omni expectatione plebis Iudæorum?

Act. 12.

G R E G O R I V S.

Duobus modis, Petre, extra nos ducimur: quia aut per cogitationis lapsum sub nosmetipsos recidimus, aut per contemplationis gratiam super nosmetipsos leuamur. Ille itaque, qui porcos paut, vagatione mentis, & immunditiæ sub semetipsum cecidit: iste verò quem Angelus soluit, eius mentem in ecstasim rapuit, extra se quidem, sed super semetipsum fuit.

fuit. Vterque ergo ad se redijt, quando & ille ab errore operis se collegit ad cor, & iste à contemplationis culmine ad hoc redijt, quod in intellectu communi, vt prius fuit. Venerabilis igitur Benedictus in illa solitudine habitauit secum, in quantum se intra cogitationis claustra custodiuit: nam quotiescumque hunc contemplationis ardor in altum rapuit, se proculdubio sub se reliquit.

P E T R V S.

Placet, quod dicis: sed quæso respondeas, si deferere fratres debuit, quos semel suscepit.

G R E G O R I V S.

Vt ego, Petre existimo, ibi adunati æquanimiter portandi sunt mali, vbi inueniuntur aliqui, qui adiunguntur boni. Nam vbi omnimodè de bonis fructus deest, fit aliquando de malis labor vacuus, maximè si è vicino causæ suppetant, quæ fructum Deo ferre valeant meliorem. Vir itaque sanctus propter quem custodiendum staret, qui omnes vnanimiter sepersequentes cerneret? Et sæpè agitur in animo perfectorum (quod silentio prætereundum non est) quia cum laborem suum sine fructu esse considerant, in locum alium ad laborem cum fructu migrant. Vnde ille quoque egregius prædicator, qui dissolui cupit, & esse cum Christo, cui viuere Christus est, & mori lucrum, qui passionum certamina non solum ipse appetijt, sed ad toleranda hæc, & alios accendit, Damasci persecutionem passus, vt posset euadere, murum, funem, sportamq; quæsiuit, seq; latenter deponi voluit. Numquid nam Paulum mortem dicimus timuisse, quam se ipse pro amore Iesu testatur appetere? Sed cum in eodem loco minorem fructum adesse conspiceret, graui labore ad laborem se alibi cum fructu seruauit. Fortis enim præliator Dei teneri intra claustra noluit, certaminis campum quæsiuit: vnde idem quoque venerabilis Benedictus, si libenter audis, citius agnosceis, quia non tantos ipse indociles deseruit, quantos in locis alijs à morte animæ suscitauit.

P E T R V S.

Ita esse, vt doces, & manifesta ratio, & prolatum congruum testimo-

testimonium declarat. Sed quæso, ut de vita tanti Patris ad narrationis ordinem redeas.

GREGORIUS.

Cum sanctus vir diu in eadem solitudine virtutibus, signisque succresceret, multi ab eo in eodem loco ad omnipotentis Dei sunt seuitium congregati: ita ut illic duodecim Monasteria cum omnipotentis Iesu Christi Domini opitulatione construeret: in quibus statutis Patribus, duodenos Monachos deputauit, paucos verò secum retinuit, quos adhuc in sua præsentia aptius erudiri iudicauit. Cœpere etiam tunc ad eum Romanæ Urbis nobiles, & Religiosi concurrere, suosque ei filios omnipotentis Deo nutriendos dare. Tunc quoque bonæ spei suas soboles Eutichius (*alias Acquitius*) Maurum. Tertullus verò patricius Placidum tradidit: è quibus Maurus iunior, cum bonis polleret moribus, Magistri adiutor cœpit existere. Placidus verò puerilis adhuc indolis gerebat annos.

A D N O T A T I O.

Quæti fuerit hi duo pueri Beato Patri Benedicto Anno Domini quingentesimo vigesimo tertio: cum Maurus duodecim: Placidus verò septem esset annorum, Beatus verò Pater tertium supra quadragesimum ageret annum, atque ab eius conuersione viginti nouem fluxissent anni.

De castigatione Monachi vagi. Cap. IV.

IN vno autem ex eis Monasterijs, quæ circumquaque construxerat, quidam Monachus erat, qui ad orationem stare non poterat: sed mox, ut se Fratres ad studium orationis inclinabant, ipse egrediebatur foras, & mente vaga, terrena aliqua, & transitoria agebat. Cumque ab Abbate suo sæpius fuisset admonitus, ad virum Dei deductus est: qui ipse quoque stulticiam eius vehementer increpauit, & ad Monasterium reuersus vix duobus diebus viri Dei admonitionem tenuit. Nam die tertia ad vsum proprium reuer-


reuerſus, vagari tempore orationis cœpit. Quod cum ſeruo Dei ab eodem Monasterij Patre, quem cōſtituerat, nunciatum fuiſſet, dixit: Ego venio, & hunc per me meriſum emendo. Cumq; vir Dei veniſſet ad idem Monasterium, & conſtituta hora, expleta Pſalmodia, ſe ſe Fratres in orationem dediſſent, aſpexit quod eundem Monachum, qui in oratione manere non potuit, quidam niger puerulus per veſtimenti ſimbriam foras traheret. Tunc eidem Patri Monasterij Pompeiano nomine, & Mauro Dei famulo ſecretè dixit. Numquid non aſpiciſtis quis eſt, qui iſtum Monachum foras trahit? qui reſpondentes dixerunt: Non, quibus ait: oremus, vt vos etiam videatis, quem iſte Monachus ſequitur. Cumq; per biduum eſſet oratum Maurus Monachus vidit, Pompeianus verò eiſdem Monasterij Pater videre non potuit. Die igitur altera expleta oratione vir Dei oratorium egreſſus, ſtantiſſem foris Monachum reperit, quem pro cæcitate cordis ſui, virga percuffit: qui ex illo die nihil perſuaſionis vltèrius à nigro iam puerulo pertulit, ſed ad orationis ſtadium immobilis permāſit: ſicq; antiquus hoſtis dominari non auſus eſt in eiſus cogitatione, ac ſi ipſe percuffus fuiſſet ex verberè.

*De fonte in vertice montis viri Dei oratione produ-
cto. Cap. V.*

IN his autem Monasterijs, quæ in eodem loco conſtruxerat, tria ſurſum in rupibus montis erant, & valde erat fratribus laborioſum, quod ſemper ad lacum oportebat deſcendere, vt aquam haurire debuiffent: maxime quia è deuexo montis latere erat graue deſcendentibus in timore periculum. Tunc collecti Fratres ex eiſdem Monasterijs, ad Dei famulum Benedictum venerunt, dicentes. Laborioſum nobis eſt propter aquam quotidie vſque ad lacum deſcendere, & iccirco neceſſe eſt ex eodem loco Monasteria mutari. Quos blandè conſolans dimiſit, & nocte eadem cum paruo puerulo nomine Placido, cuius ſuperius memoriam feci, eiſdem montis rupem aſcendit, ibiq; diutius orauit, & oratione completa, tres petras in loco eodem pro ſigno poſuit, atque ad ſuum, cunctis illis neſcientibus Monasterium

nasterium redijt. Cumq. die alia ad eum pro necessitate aque prædicti Fratres redijissent, dixit. Ite & rupem illam in qua tres super inuicem positas petras inueneritis, in modicum cauate, valet enim omnipotens Deus etiam in illo montis cacumine aquam producere, vt vobis laborem tanti itineris dignetur auferre. Qui euntes, rupem montis, quam Benedictus prædixerat, iam sudantem inuenerunt. Cumq; in ea cōcauum locum fecissent, statim aqua repletus est, quæ tam sufficienter emanauit, vt nunc vsque vbertim defluat, atque ab illo montis cacumine, vsque ad inferiora deriuetur.

De reiunctione ferri cum manubrio. Cap. V I.



ALIO quoque tempore Gothus quidam pauper spiritu ad conuersionem venit, quem Dei vir Benedictus libentissimè suscepit. Quadam verò die ei dari ferramentum iussit, quod ad falcis similitudinem falcastrum vocatur, vt de loco quodam vepres abscinderet, quatenus illic hortus fieri deberet. Locus autem ipse, quem mundandum Gothus suscepit, super ipsam laci ripam iacebat. Cumq; Gothus idem densitatem veprium totius virtutis annisu succideret, ferrum de manubrio profiliens, in lacum cecidit, vbi scilicet tanta erat aquarum profunditas, vt spes requirendi ferramenti, nulla iam esset. Itaque ferro perduto, tremebundus ad Maurum Monachum cucurrit Gothus, damnum quod fecerat nunciavit, & reatus sui egit pœnitentiam. Quod Maurus quoque Monachus mox Benedicto famulo Dei curauit indicare.

Vir igitur Domini Benedictus hæc audiens, accessit ad lacum, tulit de manu Gothi manubrium, & misit in lacum: & mox ferrum de profundo redijt, atque in manubrium intrauit. Qui statim ferramentum Gotho reddidit, dicens: Ecce labora, & noli contristari.

De

De ambulatione Mauri super aquas. Cap. VII.

VADAM verò die, dum idem venerabilis Benedictus in Cella confisteret, prædictus Placidus puer sancti viri Monachus, ad hauriendam de lacu aquam egressus est: qui vas, quod tenuerat in aquam incautè submittens; ipse quoque cadendo sequutus est. Quem mox vnda rapuit, & penè ad vnius sagittæ cursum, eum à terra introrsus traxit. Vir autem Dei intra Cellam positus, hoc protinus agnouit, & Maurum festinè vocauit dicens. Frater Maurice curre, quia puer ille, qui ad hauriendum aquam perrexe- rat, in lacum cecidit, iamq; eum vnda longius trahit. Res mira, & post Petrum Apostolum inusitata. Benedictione etenim postulata, atque percepta, ad Patris sui imperium concitus perrexit Maurus. Itaque vsque ad eum locum, quò ab vnda deducebatur puer, per terram se ire existimans, super aquam cucurrit, eumq; per capillos tenens, cursu rapidò redijt. Qui mox, vt terram tetigit, ad se reuersus post tergum respexit, & quia super aquas cucurrisset agnouit, & quod præsumere non potuisset, vt fieret, miratus extremuit factum. Reuersus itaque ad Patrem, rem gestam retulit. Vir autem venerabilis Benedictus, hoc non suis meritis, sed illius obedientiæ deputare cœpit. At contra Maurus pro solo eius imperio factum dicebat: seq; conscium in illa virtute non esse, quam nescius fecisset. In hac itaque mutua humilitatis, & amica contentione, accessit arbiter puer, qui ereptus est, nam dicebat: Ego cum ex aqua traherer, super caput meum, Melotem Abbatis videbam, atque ipsum me ex aquis educere considerabam.

P E T R V S.

Magna sunt valde, quæ narras, & multorum ædificationi pro futura: Ego autem boni viri miracula, quo plus bibo, eo plus fitio.

De

*De infecto per venenum pane per coruum longius
proiecto. Cap. VIII.*

VM iam loca eadem in amorem Domini nostri Iesu Christi, longè lateq; feruescerent, & secularem vitam multi relinquerent, & sub leni Redemptoris iugo ceruicem cordis edomarent: sicut mos prauorum est inuidere alijs virtutis bonum, quod ipsi habere non appetunt: vicina Ecclesie Presbyter Florentius nomine, huius nostri Subdiaconi Florentij Auus, antiqui hostis malitia percussus, sancti viri studijs cœpit æmulari, eiusq; conuersationi derogare: quosq; etiam posset, ab illius visitatione compescere. Cumq; se iam conspiceret eius profectibus obuiare non posse, & conuersationis illius opinionem crescere, atque multos ad statum vitæ melioris, ipso quoque eius opinionis præconio indefinenter vocari, inuidiæ facibus magis magisque succensus, deterior fiebat: quia conuersationis illius appetebat habere laudem, sed habere laudabilem vitam nolebat. Qui eiusdem inuidiæ tenebris cœcatus ad hoc usque perductus est, vt seruo omnipotentis Dei infectum veneno panem, quasi pro benedictione transmitteret. Quem vir Dei cum gratiarum actione suscepit: sed eum, quæ pestis lateret in pane, non latuit. Ad horam verò refectionis illius ex vicina silua Coruus venire consueuerat, & panem de manu eius accipere. Qui cum more solito venisset, panem quem Presbyter transmiserat, vir Dei ante Coruum proiecit, eiq; præcepit, dicens. In nomine Iesu Christi Domini nostri tolle hunc panem, & tali eum in loco projice, vbi à nullo hominum possit inueniri. Tunc Coruus aperto ore, expansis alis circa eundem panem cœpit discurrere, & crocitare: ac si apertè diceret, & obedire se velle, & tamen iussa implere non posse. Cui vir Domini præcipiebat iterum, atq. iterum dicens. Leua leua securus, atque ibi projice, vbi inueniri non possit. Quem diù demoratus, quandoq. Coruus momordit, leuauit, & recessit. Post trium verò horarum spatiū abiecto pane rediit, & de manu hominis Dei annonam, quam consueuerat accepit. Venerabilis autem Pater contra vitam suam exardescere Sacerdotis animum videns, illi magis, quam sibi doluit.

B

Sed

Sed prædictus Florentius, quia Magistri corpus necesse non potuit, se ad extinguendas discipulorum animas accendit: ita ut in horto cellæ, cui Benedictus inerat, ante eorum oculos nudas septem puellas mitteret, quæ coram eis sibi inuicem manus tendentes, & diutius ludentes, illorum mentes ad peruerstatem libidinis inflammarent. Quod vir Sanctus de cella conspiciens, lapsumq. adhuc tenerioribus discipulis pertimescens, idq. pro sui solius persecutione fieri pertractans, inuidiæ locum dedit, atque oratoria, & cuncta, quæ construxerat, substitutis præpositis, adiunctis Fratribus ordinavit, & paucis secum Monachis ablatis habitationem mutavit loci. Sicq. vir Dei eius odia humiliter declinavit, quem omnipotens Deus terribiliter percussit. Nam cum prædictus Presbyter stans in solario Benedictum discessisse cognosceret, & exultaret, perdurante immobiliter tota domus fabrica, hoc ipsum tantum, in quo stabat solarium, cecidit, & Benedicti hostem conterens, extinxit. Quod viri Dei discipulus Maurus nomine statim venerabili Patri Benedicto, qui adhuc à loco eodem, vix decem millibus aberat, æstimavit esse nuntiandum, dicens. Revertere, quia Presbyter, qui te persequabatur, extinctus est. Quod vir Dei Benedictus audiens, se se in graubus lamentationibus dedit, vel quia inimicus occubuit, vel quia de inimici morte discipulus exultavit. Quia de te factum est, ut eidem quoque discipulo pœnitentiam indiceret, quod mandans talia, gaudere de inimici interitu præsumpisset.

P E T R V S.

Mira sunt, & multum stupenda, quæ dicis. Nam in aqua ex petra producta Moysen, in ferro verò quod ex profundo aque redijt Heliseum: in aqua itinere Petrum, in corui obedientia, Heliam, in luctu autem mortis inimici, David video, & ut perpendo vir iste spiritu iustorum omnium plenus fuit.

G R E G O R I V S.

Vir Dei Benedictus, Petre, vnius Dei spiritum habuit, qui per cōcessa redemptionis gratiam, electorum corda omnium implevit, de quo Ioannes dicit. Erat lux vera, quæ illuminat omnem hominem venientem in hunc mundum. De quo rursus scriptum est: de plenitudine eius nos omnes accepimus.

Nam

Ioan. 1

Nam sancti Dei homines potuerunt à Domino virtutes habere, non etiam alijs tradere. Ille autem signa virtutis dedidit subditis, qui se daturum signum lonæ promisit inimicis, ut coram superbis mori dignaretur, coram humilibus resurgeret: quatenus & illi viderent, quod contemnerent, & illi, quod venerantes amare debuissent. Ex quo mysterio actum est, ut dum superbi aspiciunt despectum mortis, humiles contra mortem acciperent gloriam potestatis.

Matth.
13.

A D N O T A T I O.

A Pertè docet hic sanctus Gregorius beatum Patrem Benedictum, locum quem aqua Sublacum elegerat, diuque incoluerat, reliquisse, aliòque migrasse, ut inuidiam Florentij Presbyteri declinaret, salutique spiritali discipulorum suorum, quorum animas Florentius perdere conabatur, consulere. Ex quibus planè constat mendum esse, & manifestum errorem, quod in Annalibus Ecclesiasticis Illustrissimi Cardinalis Baronij tom. 7. ad annum Christi quingentesimum vigesimum tertium habetur, videlicet migrasse Cassinum sanctum Benedictum visitantem Fratrum inuidiam; nam ut vidisti, Gregorius (quem Cardinalis Baronius ibidem consulendum censet) non Fratrum, sed Florentij Presbyteri inuidiam, expresse ipsum asserit declinasse, proptereaque recessisse. Errorem hunc volui adnotare, ut honori, & famæ discipulorum, & Monachorum sancti Benedicti consulerem. Crediderim tamen errorem hunc adeò crassum non esse imputandum sapientissimo Cardinali, sed vel ositantia exceptoris, vel incogitantia correctoris impressionis irrepressæ.

P E T R V S.

Quæso te posthæc, ad quæ loca vir sanctus migraverit, vel si aliquas in eis virtutes postmodum ostenderit, innotescere.

G R E G O R I V S.

Sanctus vir ad alia demigrans, loca non hostem mutavit: nam tanto post grauiora prælia pertulit, quantum contra se apertè pugnantem ipsum malitiæ Magistrum inuenit. Cassinum namque quod Cassinum dicitur in excelsi montis latere

B a situm

fitum est, qui videlicet Mons distenso sinu hoc idem Castrum recipit, sed per tria millia in altum se subrigens, velut ad aera cacumen tendit: vbi vetustissimum sanum fuit, in quo ex antiquorum more gentilium, à stulto rusticorum populo Apollo colebatur. Circumquaque etiam in cultu demonum luci succreuerant, in quibus adhuc eodem tempore infidelium infana multitudo sacrificijs sacrilegis insudabat. Illuc itaq. vir Dei perueniens, contriuit Idolum, subuertit aram, succendit lucos, atque in ipso templo Apollinis oraculum Beati Martini, vbi verò Ara eiusdem Apollinis fuit, oraculum sancti Ioannis construxit, & commorantem circumquaque multitudinem prædicatione continua ad fidem vocabat.

Sed hæc antiquus hostis tacitè non ferens, non occultè, vel per somnium, sed aperta visione eiusdem Patris oculis se se ingererat, & magnis clamoribus vim se perpeti conquerebatur, ita vt voces illius etiam Fratres audirent, quamuis imaginem minimè cernerent. Vt enim discipulis suis venerabilis Pater dicebat, corporalibus eius oculis idem antiquus hostis terribissimus, & succensus apparebat, qui in eum ore, oculisq. flammantibus sauire videbatur. Iam verò, quæ diceret, audiebant omnes: prius enim hunc vocabat ex nomine: cui cum vir Dei minimè responderet, ad eius mox contumelias erumpebat. Nam cum clamaret dicens: Benedicte, Benedicte, & cum sibi nullo modo respondere conspiceret, protinus adiungebat, Maledicte non Benedicte, quid tecum habes? quid me persequeris? Sed iam nunc spectanda sunt contra Dei famulum, antiqui hostis noua certamina. Cui pugnam quidem volens intulit, sed occasiones victoriæ ministravit inuitus.

A D N O T A T I O.

DE hoc recessu à Monasterio Sublacensi, & accessu ad Castrum sinum Castrum, ista refert Gordianus sancti Benedicti discipulus in vita sancti Placidi martyris cap. 5. Sanctus Benedictus lapsus tenerioribus discipulis (ex facto Florentij) pertimescens, eos custodiri præcepit, dareq. inuidiæ locum disposuit. Hæc dum sollicita secum mente tractaret, reuelatio celestis, tali illum adhortari est dignata oraculo. Vt quid dulcissime, ac dilectissime Benedicte tristaris? numquid nam non re-

minister-

minisces illud, quod ego discipulis meis loquutus sum, dicens. Si me persequuti sunt, & vos persequentur? Tibi alia est eligenda via, aliud iter querendum. Te namq. elegi ex omnibus incolentibus orbem. Tu Euangelij mei tuba celsis existes Spiritu meo repletus. Surge iam, & vade ad Castrum Cassinum, & populum eiusdem Prouincie, qui adhuc Idolorum nefandis cultibus seruit, & in quorum precordijs Satana versutia regnat, qui nihil sciunt, aut dicunt, nisi quod in cordibus eorum veteris serpentis astutia scripsit. sermone verifico predicans, meum ad cultum conuertere stude, quia tecum ego ero, & non te deseram, & confundam omnes aduersarios tuos. Proficiscere Idolorum ad pugnam, confortare, & esto robustus, quia castrum tibi tradam, & illic sedes nominis tui in perpetuum erit. Talia dum sanctus Pater Benedictus audisset, suos ad se discipulos euocans, sic eis orsus est fari. Audite me fratres, & filij, coheredes, & socij in promisso Regis aeterni. nam mihi Dominus meus Iesus Christus praecepit, ut ad culturam Idolorum exterminandam, aeternaeq. obliuioni tradendam, Castrum petam Cassinum: ideoq. voluntas Dei nostris voluntatibus modis omnibus anteponenda est. Nostis praeterea, & bene nostis quantos dolos, quantasq. insidias Florentius Presbyter intulit, qui me veneno interficere, & discipulorum meorum Placidi, & Mauri animas extinguere voluit. Quapropter cedendum loco est, iuxta illud aeterni Regis eloquium: Si vos persequuti fuerint in una Civitate, fugite in aliam. Et quia ita est, instig. eiusdem Domini nostri Iesu Christi imminet parere debemus, eundem est. Super hoc autem, & illa nobis lex est, ut viscera pietatis omnibus aperiamus, & fraterno charitatis amore omnibus mortalibus inuamen conferamus, sicut & nos accepimus à Domino Iesu Christo. Vos autem stete, & permanete in gratia, & conuersatione sanctae Religionis, preculdubio scientes, quia quanto studiosius in spiritualibus disciplinis permanseritis, tanto maiora premia in futuro examinis die percipitis. Haec cum dixisset, anno Dominicæ incarnationis quingentesimo vigesimo nono, temporibus Iustini Monocratoris, oratoria cuncta, quae construxerat adiunctis in vnoquoque duodenis Fratribus sub statutis Praepositis ordinavit, & duobus Angelis, tribusq. coruis se comitantibus, ad Cassinum Castrum pergere cepit. Haeclenus Gordianus.

B 3 Venisse

Venisse beatum Benedictum ad Cassinum Castrum diuina reuelatione monitum, asserit etiam sanctus Zacharias Papa primus in priuilegio concesso Monasterio Cassinensi, tempore Petronacis eiusdem Monasterij Abbatis, ubi sic habet. Qui Pater sanctissimus, dum vitam eremiticam duceret diuina reuelatione monitus, ad eundem locum (Cassinum scilicet) peruenit, duobus se Angelis comitantibus, cum beatissimo Mauro, & Placido Tertulli patricij filio, alijsq nonnullis: ubi templum Idolorum destruens, Monasteriumq. construens, apostolicis illud decorauit virtutibus. Alexander quoque secundus in quadam diplomate, agens de fundatione Monasterij Cassinensis, ait: illud non studio hominum, sed diuino imperio à sanctissimo Patre Benedicto constructum fuisse. Agunt etiam de accessu beati Benedicti ad montem Cassinum, Petrus Damiani Cardinalis, sermone in vigilia sancti Benedicti, & eius aqualis Leo aequae Cardinalis, & Episcopus Ostiensis lib. 1. & cap. 1. Historia Cassinensis cœnobij, & ambobus antiquior Paulus Diaconus lib. 1. Historiæ Longobardorum cap. 26. ad finem, qui omnes asserunt beatum Benedictum diuino oraculo monitum, Cassinum venisse, duobus Angelis, & tribus coruis comitatum, quæ omnia se asserunt accepisse à Marco Poeta beati Patris Benedicti discipulo, qui ad eundem Patrem Benedictum buc veniens, aliquot versus in eius laudem composuit, in quibus inter cætera, sic ait.

*Ad quam tu ex alio monitus cum Monte venires
Per deserta tibi, dux fuit ipse Deus.
Namq. duos iuuenes, biuium perduxit ad omne:
Qui te firmarent, quod sequereris iter.
Hic quoque viuenti iustorum dixerat vni,
His tu parce locis, alter amicus adest.
Credeq. ficta loqui, nisi ternis solus abiret,
Tres subito corui promeruere sequi.*

Cardinalis item Baronius tom. 7. anno quingentesimo vigesimo nono affirmat beatum Benedictum ex angustijs Sublacentium Montium, diuino monitu egressum, Cassinum petiisse. Postquam verò Cassinum peruenit antequam Idola destrueret, & eorum aras subuerteret, per dies quadraginta in oratione permansit, ut refert Gordianus, ubi supra in vita sancti Placidi.

Ex

Ex quibus omnibus constat beatum Patrem Benedictum, ut ait Diuus Thomas opusc. 19 cap. 4. diuino iudicio reputatum fuisse idoneum, ut ei immediatè à Deo prædicationis committeretur officium. Fuit igitur sanctus Benedictus Prædicator Apostolicus, immò fuit verè Apostolus, cum fuerit homo missus à Deo ad disseminandam fidem catholicam in ijs regionibus idolorum cultui deditis, munusq. sibi diuinitus traditum, virtutibus, ac signis mirabilibus confirmauerit. Quod si verè dixit Beda in Historia de gestis Anglorum lib. 2. cap. 13. beatum Gregorium Magnum Apostolum esse Anglorum, quia per discipulos suos Augustinum, Mellitum, aliosq. Monachos, gentem illam ab infidelitate ad fidem catholicam reduxit: non minori iure, & ratione dicimus nos beatum Benedictum Apostolum esse harum Regionum, cum non solum per discipulos, sed præcipuè per seipsum idola contriuerit, aras subuerterit, lucos succenderit, Ecclesias fundauerit, & commorantem circumquaque multitudinem prædicatione continua ad fidem vocauerit, ut beatus Gregorius in hoc cap. aff. mat.

Cardinalis Baronius tom. 7. Anno quingentesimo vigesimo nono, postquam egit de aduentu sanctissimi Patris Benedicti ad Montem Cassinum ista subnectit. Ut autem ad Cassini Montem Christi aibleta diuinitus vocaretur, certamen quod aduersus daemones, mox ibi esset initurus, causa fuisse videtur. Nescio enim qua incuria dormitantium Episcoporum, quæ longè, lateq. in christiano orbe extincta erat, idololatria, in monte illo altioribus fixa radicibus, adhuc vigeat. Ibi namq. fortis armatus, tamquam impietatis arce munitus, cultum à sibi subditis, infeliter exigebat. Sed cum fortior ipso venit penitus cedere cogitur. At quemodo id acciderit, à sancto Gregorio paucis accipe. Prosequitur deinde Cardinalis Baronius totam huius facti Historiam, sicut à nobis hoc capite, ex Gregorio, narrata est.

Circa ea quæ Illustrissimus Cardinalis Baronius hoc loco dicit, quædam mihi animaduertenda occurrunt. Primum, Beatissimum Patrem Benedictum, diuinitus electum atque ad Cassini Montem destinatum, ut incuriam, & negligentiam dormitantium Episcoporum Cassinensium suppleret, atq. idolorum cultum, adhuc hoc in Monte vigentem, sua sollicitudine, & vigilantia, radicitus extirparet, abolere, q. quod Deo præstante, & ad-

B 4 iuuan-

Pagin.
148.

inuante feliciter adimpleuit, perfecitq. Destruxit enim idolum, subuertit aram, succendit lucum, & sua suorumq. alumnorum continua predicatione, commorantem circumquaque multitudinem, ad Christi fidem vocauit, conuertit, atque perduxit.

Secundò notandū. Hanc diuinam missionem, & directionem, qua almus Pater Benedictus, ad hoc munus Apostolicum in his partibus obeundum, directus, ac destinatus est, fuisse veluti quandam Dei electionem, qua idem Pater sanctissimus, ad regimen, & gubernationem animarum Cassinensis Diocesis, (quæ proprio Pastore, & Episcopo destituta, sua neglecta, infernalis leonis unguibus laniabantur) assumptus est. Quarum salutem per se, suosq. discipulos, omni studio, & sollicitudine, curare non destitit: sicq. dormitantiam, & incuriam Cassinensium Episcoporum suppleuit.

Pagin.
420.

Habuisse verò priscis illis temporibus Ecclesiam Cassinensem, suum proprium, & peculiarem Episcopum, nullo modo est ambigendum: cum legamus in 2. tom. conciliorum, Seuerum Cassinatem Episcopum, subscripsisse cuidam concilio, Romæ in Basilica Constantiniana, sub Felice Tertio, circa annum Domini quadringentesimum octogesimum tertium celebrato. cuius quidem Seueri vitam, Petrus Cassinensis Diaconus descripsit: atque in eodem Monasterio Seueri festum, die vigesima Iulij celebratur. Doctissimus etiam Pater Thomas Bozius, in egregio illo, de notis veræ Ecclesiæ opere signo duodecimo, meminit Fortunati Episcopi Cassinensis, qui ex tempore, quo floruisse dicitur, videtur fuisse præfati Seueri in Episcopatu successor. Postquam verò sanctus Pater Benedictus ad Cassini montem venit, ibiq. sedem fixit, non amplius legimus Episcopos Cassinenses, ut vel hinc appareat, ex illo tempore Episcopatum Cassinensem, in Abbatiam sancti Benedicti transmigrasse: quod nutu, & dispositione diuina contigisse ex prænarratis, possumus rationabiliter affirmare.

Ex quibus euidenter apparet Abbatiam Cassinensem, nunquam extitisse intra fines alicuius Diocesis, sed ab initio suæ foundationis habuisse proprium, & distinctum territorium, illud videlicet, quod prius ad Cassinensem Diocesim pertinebat. Vnde cum sacrum concilium Tridentinum sess. 23. cap. 10. de reformat. constituit, atque decernit, ne Abbates quantumuis exempti, possint tonsuram, vel minores ordines conferre cuiquam,

quam, qui regularis subditus sibi non sit: non comprehendit, nec includit in isto decreto Abbatem Monasterij Cassinensis, cum non consistat, nec aliquando constiterit intra fines alicuius Diocesis, sed semper habuerit proprium, & separatum territorium, ut dictum est. Nec etiam comprehenditur, aut aliquatenus includi debet, in ijs sacri concilij decretis, in quibus aliquid interdicatur Abbatibus nullius, seu intra fines alicuius Diocesis, consistentibus. Successit enim, & successus est in locum Episcopi Cassinensis, & sic exercet omnimodam iurisdictionem Episcopalem in propria Diocesi, in quam prius illam exercebant Episcopi Cassinenses: unde non habet Episcopum vicinorem, cui committantur, ea quæ concilium decreuit committenda Episcopo viciniore. Quare Summus Pontifex Sixtus V. statuit, ut omnia committantur Abbati Cassinensi in sua Diocesi tam iustitiam, quàm gratiam concernentia: & in hac possessione hodie existit, & ipsi Abbati committitur cognitio causarum matrimonialium, beneficialium, & aliarum huiusmodi, quæ ad solos Episcopos pertinere noscuntur. Ipse propriam Synodum celebrat, Seminarium proprium instituit, & habet: examinatores Synodales in sua Diocesi eligit, confessores approbat, promouendorum ad sacros ordines examen habet: tonsuram, & minores ordines suis subditis tam regularibus, quàm secularibus tribuit: litteras dimissoriales ad maiores ordines clericis suæ Diocesis, confert: concursus pro beneficijs facit: Sacramentum confirmationis administrat; & alia plura, quæ concilium susulit inferioribus Prelatis, exercet. Immo & cognitio causarum pro immunitate Ecclesiastica tuenda, quæ iuxta bullam sel. record. Gregorij XIV. ad solos Episcopos spectat, ipsi attributa est, & in eius possessione existit. Denique uniuersa, quæ de iure communi, vel privilegio poterat in suos subditos tam regulares, quàm seculares ante sacrum concilium exercere, potest & modo post concilium, quia non est illi sublata in his, aut limitata potestas, ob prædictam rationem: unde utitur pleno iure Episcopali, nec ullus ex vicinis siue cõterminis Episcopis, quidquam iurisdictionis in Cassinensi Diocesi sibi arrogat: sed omnia Abbati regenda, & moderanda pacifice relinquuntur. Quin & mensum alternatiua illi concessa fuit.

Antequam hinc digrediamur, visum est adnotare quædam circa rationem, seu modum, quem sanctus Pater Benedictus in
victu,

viētū, & vestitu seruauit toto tempore vitæ suæ, desumpta ex Fausto eiusdem sancti Patris discipulo in vita sancti Mauri. Ibi enim agens de rigore, & austeritate, qua beatus Maurus corpus suum macerabat, sic ait. Quis enim vnquam austerius corpus proprium ieiunijs, abstinentia, vigilijs, squaloribus quoque, & nimijs domuit frigoribus? Frequenter enim eum vidimus in diebus sanctæ quadragesimæ, nec tunica, nec cuculla, nisi solummodo sacco vti cilicino, & duabus tantummodo vicibus in hebdomada parvissimum potius praguflare, quam sumere cibum. Hac de sancto Mauro Faustus: quibus statim subnectit. Isse quippe mos in omni vita sanctissimo fuit Benedicto: cuius ille exemplo prouocatus afflictione perualida corpus suum macerabat, in quantum illi eiusdem Patris sui permittebat licentia. Sic Faustus. Imitatus est Maurus Patrem suum Benedictum, imitemur & nos quantum possumus, vt inter veros, ac legitimos ipsius filios, & discipulos computari mereamur: & quod ille toto vitæ suæ tempore acētuit, nos statutus saltem, ac certis quibusdam diebus, peragere studeamus.

Quod vero ad rationem temporis spectat, recessit sanctus Pater Benedictus à Sublaco, Cassinumq. profectus est, anno Domini quingentesimo vigesimonono, ibiq. vsque ad annum quingentesimum quadragesimumtertium (quo ex hac vita migravit) permansit. Ex quibus facile colligitur totius beati Patris vitæ chronologia. Ortus est anno quadringentesimo octogesimo, anno vero Domini quadringentesimo nonagesimoquarto, annum agens ætatis suæ decimumquartum, Eremum petijt: perseuerauit autem in illis montibus, & solitudine annis trigintaquinque, ab anno videlicet quadringentesimo nonagesimoquarto, vsque ad annum quingentesimum vigesimumnonum. Tandem apud Cassinum annos peregit tredecim, & aliquot insuper menses, scilicet ab anno quingentesimo vigesimonono, vsque ad annum quingentesimum quadragesimumtertium, in quo sanctissimæ vitæ cursum glorioso fine conclusit, cum ageret ætatis suæ annum sexagesimumtertium. Hæc sunt, quæ de tempore, & ætate sancti Patris Benedicti ab vniuersis ferè, qui de his scribunt, traduntur.

Chro-
nolo-
gia san-
cti Pa-
tris Be-
nedicti

De

De ingenti saxo per viri Dei orationem leuato .
Cap. IX.

G R E G O R I V S .




V A D A M die dum Fratres habitacula eiusdem cellæ construerent, lapis in medio iacebat, quem in ædificium leuare decreuerunt. Cumq. eum duo, vel tres mouere non possent, plures adiuncti sunt, sed ita immobilis mansit, ac si radicitus in terra teneretur, vt palam daretur intelligi, quod super eum ipse per se antiquus hostis sederet, quem tantorum virorum manus mouere non possent. Difficultate igitur facta, ad virum Dei missum est, vt veniret, & orando hostem repelleret, vt lapidem leuare possent. Qui mox venit, & orationem faciens, benedictionem dedit, & tanta lapis celeritate leuatus est, ac si nullum prius pondus habuisset.

De phantastico coquina incendio . *Cap. X.*



V N C in conspectu viri Dei placuit, vt in eodem loco terram foderent, quam dum fodiendo altius penetrarent, æreum illic Idololum Fratres inuenerunt: quo ad horam casu in coquinam proiecto exire ignis repente visus est, atque in cunctorum Monachorum oculis, quia omne eiusdem coquinae ædificium consumeretur, ostendit. Cumq. iaciendo Fratres aquam ad ignem quasi extinguendum perstreperent, pulsatus eodem tumultu vir Dei, aduenit. Qui eundem ignem in oculis Fratrum esse, in suis vero non esse considerans, caput protinus in orationem flexit, & eos quos phantastico reperit igne deludi, vocauit, Fratres monuit, vt oculos suos signarent, vt & sanum illud coquinae ædificium assistere cernerent, & flammæ, quas antiquus hostis finxerat, non viderent.



De

De puero confracto à pariete sanato. Cap. XI.

R V R S V M, dum Fratres parietem, quia res ita exigebat, paulò altius erigerent, vir Dei in orationis studio intra cellæ suæ claustra morabatur. Cui antiquus hostis insultans apparuit, & ei, quod ad laborantes fratres pergeret, indicauit. Quod vir Dei per nuncium celerrimè Fratribus indicauit, dicens. Fratres cautè vos agite, quia ad vos hac hora malignus spiritus venit. Is qui mandatum detulit, vix verba compleuerat, & malignus spiritus eundem parietem, qui ædificabatur euertit, atque vnum puerulum Monachum cuiusdam curialis filium opprimens, ruina contriuit. Contristati omnes, ac vehementer afflicti, non damno parietis, sed contritione Fratris, venerabili Patri Benedicto celeriter cum graui luctu nunciarunt. Tunc idem Pater Benedictus dilaceratum puerum ad se deferri iubet: quem portare nonnisi in sacco potuerunt, quia collapsi saxa parietis, non solum eius membra, sed etiam ossa contriuerant. Precepitq; vir Dei statim cum in cella sua in ptyacio quo orare consueuerat, proijci, missisq; foras Fratribus cellam clausit, qui orationi instantius, quàm solebat incubuit. Mira res, eadem hora hunc incolumem, atque vt prius valentem, ad eundem iterum laborem misit: vt ipse quoque parietem cum Fratribus perficeret, de cuius se interitu antiquus hostis Benedicto insultare credidisset.

De Monachis, qui extra cellam comederant. Cap. XII.

C OE PIT vero inter ista vir Dei prophetiæ etiam spiritu pollere, ventura prædicere, præsentibus etiam absentia nunciare. Mos etenim cellæ fuit, vt quoties ad responsum aliquod egrederentur Fratres, cibum, potumq; extra cellam minimè sumerent. Cumq; hoc de vsu Regulæ sollicitè seruaretur, quadam die ad responsum Fratres egressi sunt, & in eo tardiori compulsi sunt hora demorari. Qui manere iuxta religiosam fœminam nouerant, cuius ingressi habitaculum, sumpt-

In Re-
gula c.
51.

sumpserunt cibum, Cumq; iam tardius ad cellam rediissent, benedictionem Patris ex more petierunt. Quos ille protinus percontatus est dicens. Vbi comedistis? qui responderunt, nusquam. Quibus ille ait. Quare ita mentimini? Numquid illius talis sceminae habitaculum non intraistis? Numquid hos atque illos cibos non accepistis? Numquid tot calices non bibistis? Cumq; eis venerabilis Pater, & hospitium mulieris, & genera ciborum, & numerum potionum diceret, recognoscens cuncta, quae egerant, ad eius pedes tremefacti ceciderunt, & se deliquisse confessi sunt. Ipse autem protinus culpa pœnitentiam pepercit, perpendens, quod in eius absentia ultra non facerent, quem præsentem sibi esse in spiritu sci-
rent.

*De Fratre Valentiniani Monachi, quem vir Dei in via
comedissee carpsit. Cap. XIII.*

FRATER quoque Valentiniani eius Monachi, cuius superius memoriam feci, vir erat laicus, sed religiosus. Qui ut serui Dei orationem perciperet, & germanum fratrem videret, annis singulis de loco suo ad cellam eius ieiunus venire consueuerat. Quadam igitur die, dum iter ad Monasterium faceret, se se illi alter viator adiunxit, qui sumendos cibos in itinere portabat. Cumq; iam hora tardior excreuisset, dixit. Veni Frater, sumamus cibum ne lassemur in via. Cui ille respondit. Absit, Frater, hoc non faciam: quia ad venerabilem Patrem Benedictum, ieiunus semper peruenire consueui. Quo responso percepto ad horam conuiator tacuit: sed cum post aliquantulum itineris spatium egissent, rursus admonuit, ut manducarent. noluit consentire, qui ieiunus peruenire decreuerat. tacuit quidem, qui ad manducandum inuitauerat, & cum eo ieiunus adhuc pergere modicum consensit. Cumq; iter longius agerent, & eos tardior hora fatigaret ambulantes, inuenerunt in itinere pratum, & fontem, & quaecumque poterant ad reficiendum corpus delectabilia videri. Tunc conuiator ait. Ecce aqua, ecce pratum, ecce amœnus locus in quo possumus refici, & parum quiescere, ut valeamus iter nostrum
postmodum

postmodum incolumes explere. Cum igitur, & verba auribus, & loca oculis blandirentur, tertia admonitione persuasus consensus, & comedit: vespertina vero hora peruenit ad cellam. Præsentatus autem venerabili Benedicto patri, sibi orationem petiit: sed mox ei vir sanctus hoc, quod in via egerat impropertavit, dicens. Quid est, Frater, quod malignus hostis, qui tibi per conuiatorem tuum loquutus est, semel tibi persuadere non potuit, secundo non potuit, tertio vero persuasit, & te ad hoc, quod voluit, superavit? Tunc ille reatum infirmæ sue mentis agnoscens, eius pedibus prouolutus, tanto magis cœpit culpam defflere, & erubescere, quanto se cognouit etiam absentem in Benedicti Patris oculis deliquisse.

P E T R V S.

Ego sancti viri præcordijs Helisæi spiritum video inesse, quia absenti discipulo præsens extitit.

De simulatione Regis Totila deprehensa. Cap. XIV.


G R E G O R I V S.



PORTET, Petre, vt interim fileas, quatenus adhuc maiora cognoscas Gothorum, namq. temporibus, cum Rex eorum Totila, sanctum virum prophetiæ habere spiritum audisset, ad eius Monasterium pergens, paulò longius subleuit, eiq; se venturum esse nuntiavit: cui dum protinus mandatum fuisset, vt veniret, ipse sicut perfidæ mentis fuit, an vir Dei prophetiæ spiritum haberet, explorare conatus est. Quidam vero eius spatarius Riggo dicebatur, cui calciamenta sua præbuit, eumq. indui vestibus regalibus fecit, quem quasi in persona sua pergere ad Dei hominem præcepit. In cuius obsequio tres, qui sibi præ cæteris adherere consueuerant, comites misit, scilicet Vultericum, Rudericum, & Blindinum, vt ante serui Dei oculos ipsum Regem Totilam esse simulantes eius lareri obambulant, cui alia quoque obsequia quasi spatarij praberent, vt tam ex eisdem obsequijs, quam ex purpureis vestibus, Rex esse putaretur. Cumq. idem Riggo decoratus vestibus obsequientium

quentium frequentia comitatus, Monasterium fuisset ingres-
sus, vir Dei eminus sedebat. Quem venientem conspiciens,
cum iam ab eo audiri potuisset, clamavit dicens. Pone fili
pone hoc, quod portas, non est tuum. Qui Riggo protinus in
terram cecidit, & quia tanto viro illudere præsumpsisset, ex-
pauit. omnesq; qui cum eo ad hominem Dei veniebant, ter-
ræ consternati sunt. Surgentes autem, ad eum propinquare
minimè præsumperunt, sed ad suum Regem reuersi, nuncia-
uerunt trepidi, in quanta velocitate fuerant deprehensi.

*De Prophetia Regi Totila, & Canusina Ecclesie Anti-
stites facta. Cap. XV.*



VNC per se idem Totila ad Dei hominem
accesit, quem cum longè sedentem cerneret,
non ausus accedere, se se in terram dedit. Cui
cum vir Dei bis, teruè diceret, surge, sed ipse
ante eum de terra erigere se non auderet: Be-
nedictus Christi Iesu famulus per semeripsum
dignatus est accedere ad Regem, prostratumq; de terra leua-
uit, & de suis actibus increpauit, atque in paucis sermonibus
cuncta, quæ illi erant ventura prænuñciauit, dicens. Multa
mala facis, multa mala fecisti, iam aliquando ab iniquitate
conquiesce. Equidem Romam ingressurus es, Mare transitu-
rus, nouem annis regnabis, decimo morieris. Quibus auditis
Rex vehementer territus oratione petita recessit: atque ex
illo iam tempore minus crudelis fuit, & non multo post Ro-
mam adiit, & Siciliam perrexit. Anno autem Regni sui deci-
mo omnipotentis Dei iudicio, Regnum cum vita perdidit.

Præterea Canusina Antistes Ecclesie ad eundem Dei famu-
lum venire consueuerat, quem vir Dei pro viræ suæ merito
valde diligebat. Is itaque dum cum illo de ingressu Regis To-
tilæ, & Romanæ Urbis perditione colloquium haberet, dixit:
Per hunc Regem Ciuitas ista destruetur, vt iam amplius non
inhabitetur. Cui vir Domini respondit. Roma à gentibus non
exterminabitur, sed tempestatibus, coruscis turbinibus, ac
terremotu fatigata, in semetipsa marcescet. Cuius prophe-
tiæ mysteria nobis iam facta sunt luce clariora, qui in hac
Urbe dissoluta mœnia, euersas domus, destructas Ecclesias
turbine

turbine cernimus : eiusq; ædificia longo senio laxata , quia
ruinis crebrescentibus prosternantur, videmus. Quamuis hoc
Honoratus eius discipulus , cuius mihi relatione compertum
est, nequaquam ex ore illius audisse se perhibet , sed quia hoc
dixerit, dictum sibi à fratribus fuisse testatur .

De Clerico à demone liberato usque ad tempus.

Cap. XVI.

HODEM quoque tempore quidam Aquinen-
sis Ecclesiæ clericus à dæmonio vexabatur,
qui à venerabili viro Constantio eiusdem Ec-
clesiæ Antistite per multa fuerat martyrum
loca transmissus, vt sanari potuisset. Sed san-
cti Dei martyres noluerunt ei sanitatis do-
num tribuere, vt quanta esset in Benedicto gratia demonstra-
rent . Ductus itaque est ad omnipotentis Dei famulum Bene-
dictum, qui Iesu Christo Domino preces fundens, antiquum
hostem de obsessio homine protinus expulit . Cui sanato præ-
cepit dicens. Vade, & posthac carnem non comedas, & ad sa-
crum ordinem nunquam accedere præsumas . Quacunque
autem die ad sacrum ordinem accedere præsumperis, statim
iuri diaboli iterum mancipaberis . Discessit igitur Clericus
sanus , & sicut terrere solet animum pœna recens , ea quæ vir
Dei præceperat, interim custodiuit . Cum verò post annos
multos omnes priores illius de hac luce migrassent , & mino-
res suos sibimet superponi in sacris ordinibus cerneret, verba
viri Dei, quasi ex longo tempore oblitus , postposuit, atque
ad sacrum ordinem accessit: quem mox is, qui reliquerat dia-
bolus tenuit , eumq; vexare quousque animam eius excute-
ret, non cessauit .

P E T R V S.

Isle vir Dei, diuinitatis vt video, etiam secreta penetrauit :
quia perspexit hunc Clericum iccirco diabolo traditum, ne ad
sacrum ordinem auderet accedere.

G R E G O R I V S.

Quare diuinitatis secreta non nosset , qui diuinitatis præ-
cepta

cepta seruaret? Cum scriptum sit. qui adhæret Domino vnus spiritus est cum illo. 1. Cor. 6.

P E T R V S.

Si vnus sit cū Domino spiritus, qui Domino adhæret, quid est, quod idem ipse egregius prædicator dicit: quis cognouit sensum Domini, aut quis consiliarius eius fuit? Valde enim esse inconueniens videtur, eius sensum, cum quo vnum factum fuerit ignorare. Rom. 11.

G R E G O R I V S.

Sancti viri in quantum cum Deo vnum sunt, sensum Domini non ignorant. Nam idem quoque Apostolus dicit: Quis enim scit hominum, quæ sunt hominis, nisi spiritus hominis, qui est in ipso? ita & quæ Dei sunt, nemo cognouit, nisi spiritus Dei. Qui vt se ostenderet nosse, quæ Dei sunt, adiunxit. 1. Cor. 2.
Nos autem non spiritum huius mundi accepimus, sed spiritum, qui ex Deo est. Hinc iterum dicit: Quod oculus non vidit, nec auris audiuit, nec in cor hominis ascendit, quæ præparauit Deus diligentibus se, nobis autem reuelauit per spiritum suum.

P E T R V S.

Si ergo eidem Apostolo ea, quæ Dei sunt per Dei spiritum fuerant reuelata: quomodo super hoc, quod proposui pramissit, dicens. O altitudo diuitiarum sapientiæ, & scientiæ Dei, quam incomprehensibilia sunt iudicia eius, & inuestigabiles viæ eius? Sed rursus mihi hæc dicenti alia suboritur quæstio: nam David Propheta Domino loquitur dicens. In labijs meis pronunciaui omnia iudicia oris tui. Et cum minus sit nosse, quam etiam pronunciare, quid est, quod Paulus incomprehensibilia esse Dei iudicia asserit, David autem, & se omnia non solum nosse, sed etiam in labijs pronunciaſſe testatur? Rom. 11.
Psalm. 118.

G R E G O R I V S.

Ad vtraque hæc tibi superius sub breuitate respondi dicens, quod Sancti viri in quantum cum Domino vnum sunt, sensum Domini non ignorant. Omnes enim, qui deuotè Dominum sequuntur, & iam deuotione cum Deo sunt, & adhuc
C carnis

carnis corruptibilis grauati pondere, cum Deo non sunt: occulta itaque Dei iudicia in quantum coniuncti sunt, sciunt, in quantum disuncti sunt, nesciunt quia enim secreta eius adhuc perfectè non penetrant, incomprehensibilia eius iudicia esse testantur. Quia vero mente ei inhaerent, atque inhaerendo, vel sacris scripturae eloquijs, vel occultis reuelationibus in quantum accipiunt, agnoscunt: & non erunt hæc, & pronunciant Iudicia igitur, quæ Deus tacet, nesciunt: quæ Deus loquitur, sciunt. Vnde & David Propheta cum dixisset: In labijs meis pronunciaui omnia iudicia, protinus addidit, oris tui: ac si apertè dicat. Illa ego iudicia, & nosse, & pronunciasse potui, quæ te dixisse cognoui. Nam ea, quæ ipse non loqueris, à nostra proculdubio cognitione abscondis. Concordat ergo prophetica, apostolicaq; sententia, quia, & incomprehensibilia sunt Dei iudicia, & tamen quæ de ore eius prolata fuerint, humanis labijs pronunciantur: quoniam sciri ab hominibus, & prolata per Deum possunt, & occulta non possunt.

P E T R V S.

In obiectione meæ quaestiunculæ patuit causa rationis, sed quæso te si qua sunt adhuc de viri huius virtute, subiunge.

De destructione Monasterij viri Dei ab ipso prædicta. Cap. XVII.

G R E G O R I V S.



IR quidam nobilis Theoprobus nomine eiusdem Benedicti Patris fuerat admonitione conuersus, qui pro vitæ suæ merito magnam apud eum familiaritatis fiduciam habebat. Hic cum quadam die eius cellam fuisset ingressus, hunc amarissimè silentem reperit. Cumq; diù subsisteret, eiusq; non finiri lacrymas videret, nec tamen vt vir Dei consueuerat orando plangeret, sed mœrendo, quænam causa tanti luctus existeret, inquisiuit. Cui vir Dei illicò respondit. Omne hoc Monasterium, quod construxi, & cuncta, quæ fratribus præparau; omnipotentis Dei iudicio gentibus tradita sunt. Vix autem obtinere potui, vt
mihi

mihi ex hoc loco animæ concederentur. Cuius vocem tunc Theoprobis audiuit: Nos autem cernimus, qui destructum modo à Longobardorum gente eius Monasterium scimus. Nocturno enim tempore, & quiescentibus Fratribus, nuper illic Longobardi ingressi sunt: qui diripientes omnia, ne vnum quidem hominem illic tenere potuerunt: sed impleuit omnipotens Deus, quod fidei famulo suo Benedicto promiserat, ut si res gentibus traderet, animas custodiret. Quam re Pauli vicem video tenuisse Benedictum, cuius dum naus rerum omnium pertulit iacturam, ipse in consolatione vitam omniam, qui eum comitabantur, accepit.

A D N O T A T I O.

F *Austus beati Benedicti discipulus in prologo vite sancti Mauri de hac reuelatione scribens: addit qualiter omnipotens Deus cœlesti consolatione illum releuare, ac confortare dignatus est. Noli, inquit, probatissime, ac dilectissime Leo Benedicte, pro his qua huic euentura didicisti loco, maflum vlllo modo gerere animum, quoniam quod semel præfixum, atque decretum est inſcrutabili ſumma Deitatis conſilio, intransibile, atque irrenuocabile, ſine dubio patrabitur, ſolis tibi tuo merito cunctorum conceſſis habitantium animabus. Sed aderit omnipotentis quàm nuperrimè diuina propitiatio, & conſolatio, quæ & locum hunc in priſtinum, immò in ampliorem quàm nunc videtur, tuis meritis reſtituet gradum, & alijs perinde nationibus huius lumen religioſitatis, de hoc eodem irradiabis loco. Et Zaccharias in quodam diplomate Caſinenſis Monafterij eadem ſerè verba habet, hac tantum adiungens, Monafterium Caſinenſe à Longobardis peruaſum, & igne crematum fuiſſe. Qualiter vero poſtea reſeclum, ac reſtauratum fuerit, habetur in Chronico Caſinenſi Leonis Oſtiienſis libro primo cap. quarta.*

De absconſione flaſconis à beato Benedicſto cognita. Cap. XVIII.

GREGORIUS.



VODAM quoque tempore Exhilaratus noſter, quem ipſe conuerſum noſſi, tranſmiſſus à Domino ſuo fuerat, vt Dei viro in Monaſterium, vino plena duo lignea vaſcula, quæ vulgo flaſcones vocantur, deferret: qui vnum detulit, alterum verò pergens in itinere abſcondit. Vir autem Domini, quem facta abſentia latere non poterant, vnum cum gratiarum actione ſuſcepit, & diſcedentem puerum monuit, dicens. Vide fili ne de illo flaſcone quem abſcondiſti bibas, ſed inclina illum cautè, & inuenies, quid intus habet. Qui conſuſus valde à Dei homine exiuit: & reuerſus, volens adhuc probare, quod audierat, cum flaſconem inclinaffer, de eo protinus ſerpens egreſſus eſt. Tunc prædictus Exhilaratus puer, per hoc quod in vino reperit, expauit malum, quod fecit.

A D D I T I O.

Aſcendentibus ad Monaſterium Caſſinenſe per viam ſancti Germani, in medio ferè itineris, occurrit quoddam ſacellum, titulo ſanctæ Crucis inſignitum, ſuper cuius altare viſitur quadam vetuſta ſcriptura, in lapidea tabula ſculpta, tenoris ſequentis. Anno Domini milleſimo ducentefimo nonageſimoquarto, ſanctiſſimus Pontifex Cœleſtinus Quintus, cum limina beati Benedicſti deuotè viſitaret, & ad cappellam ſanctæ Crucis, quæ in via publica eſt conſtructa, euntibus ad Caſſinenſe Monaſterium perueniſſet: & miracula, quæ beatus Benedicſtus operatus eſt, ibidem certa relatione reperiſſet: ob reuerentiam almiſſici Patris, indulgentiam eidem cappelle conceſſit: vt quicumque in prædictam cappellam ſanctæ Crucis ingrederetur, & Dominicam Orationem cum Aue Maria diceret, centum annos, & centum quadragenas, toties quoties inde tranſiret, miſericorditer obtineret, & haberet. Sic ibi. Quæ autem fuerint miracula, ob quæ ſummus Pontifex motus fuerit ad præſatam indulgentiam concedendam, videtur colligi

gi posse, ex subiectis litteris Rosfredi Abbatis Casinensis, & Cardinalis, ad Ioannem de Salerno aequè Cardinal. m. data: quarum tenor talis est.

Domino Ioanni de Salerno Presbytero Cardinali Rosfredus tituli sanctorum Marcellini, & Petri, & Casinensis Abbas.

Cum omnium, quæ circa nos geruntur non modicè vos cura sollicitet, & ut verè diligens participem vos nostri & ex animo compassibilem in singulis offeratis: præter iuris ordinè incederemus vobiscum, & in lege amicitia quam maxime peccaremus, si celaremus illud à vobis, quod compertum conferat gaudium, & de nostra calamitate deficientem quodammodo vestrum spiritum relaxaret. Ecce enim, quia magnificauit Dominus facere nobiscum, facti sumus latantes: sepulcis enim omnium gaudiorum organis, solam qua premebamur, miseriam pensabamus. Absorbuerat nos siquidem iam masstitia ultra modum, & hinc rerum inopia, inde nos hostili metu prementibus eramus iam, & de vita dubij, & de morte securi. Concluserat namq; Dominus in gladio populum suum depascebantur filij Belial vineam Domini, faciesq; pauperum demoliebantur, & in tantum sauitia processerat malignorum, cuncta ferro flammisq; vastantium, ut iam non tantum corde, sed etiam ore insipiens diceret: Non est Deus, miseriq; pusillanimes, qui in miserijs non subsistunt, ignorantes quia de humo non egreditur dolor: clamauerunt, & Dominus non exaudiuit eos, quia cum occideret eos, tunc inquirebant eum Non sic generatio querentium faciem Dei Iacob, qui in die tribulationis suæ requirunt Dominum manibus suis, idest operibus suis. Exquirunt & inueniunt: petunt & accipiunt: pulsant, & aperitur eis. Expertus est hoc sic esse, ut dicimus, claudus ille Ioannes de Vairano, vobis & cunctis, qui domum nostram frequentant, notissimus. Hic etsi homo dictus sit ratione utens, quod est homini, in eo tamen minus homine putabatur, quia non pedibus gradiebatur, ut homo, sed ut reptile manibus, natibusq; serpebat.

Dedit se hic talis Patri nostro confessori permagnifico Benedicto, ab eo tempore, quo castrum Vairani nobis est munificentia imperiali collatum: & ceteris illius terra incolis à nostra

C 3 ditione

ditione recedentibus, non recessit. Expectans expectauit si forte veniret tempus miserendi eius, si forte ab illius impetu fluminis, qui totam latificat ciuitatem Dei, aliqua misericordia stilla profueret, qua membris emortuis, nervisq. ariditate nimia tenuatis, aliquis infusus vigor stupentes articulos viuacibus officijs ordinaret. Adfuit eius votis misericordia Creatoris, nec meritum defuit Benedicti, cuius in hac causa patrocinio utebatur. Nam sexta feria proxima praterita, qua Kalendas subsequuta est Iulij, excubans ante fores atrij, quod dicitur paradisus, super triticum, quod ibi congesum erat ad desiccandum, reuerendi vultus senex, semel, & secundo assitit. & ut resurgeret, ac abiret, satis imperiose mandauit. Excitatus est homo, & quasi in ecstasi positus, quid ageret ignorabat; nesciebat enim senem, qui mandatum dederat, nesciebat ad quid surgeret, vel quod abire se vellet. Obdormiuit iterum, verum visio priori similis, immo longè expressior, & efficacior est sequuta. Idem namq. senex in eodem habitu, scapulare videlicet indutus, & tunica, assitit homini, mandauit ut surgeret fratrem Benedictum se esse nominans, locum etiam in quem eum ire vellet, designauit ex nomine. Vade, inquit, ad locum, qui dicitur sancta Crucis, ubi in memoriam mei nominis Oratorium est constructum, illuc cum inueris sanitatem, quam suspirasti diutius, consequeris. Est enim locus ille in memoriam signorum, qua fecit ibi Dominus per merita confessoris sui, ab antiquis in multa habitus deuotione, & à modernis de cetero plus habendus: ubi inter alia, qua referuntur gesta miracula, duo precipua memorantur, quorum alterum ex scriptura, alterum relatione didicimus seniorum. De vasis, qua vulgo dicuntur flascones, in quibus viro Dei vinum fidelis cuiusdam deuotio destinauit, in dialogo suo beatus Gregorius refert, quod vinigerulus alterum sancto viro portauit, alterum quod sibi nequiter retinere posse sperabat, illo in loco dicitur occultasse. Mox autem, ut altero allato, alterum sibi sumere vellet, serpens de vase, iuxta verbum viri Dei, prodijt, & pro vino inique sublato, ipsum iniquitatis emisit autorem.

Ab antiquis etiam usque ad nos processit opinio, quod cum vellet vir Dei, mula insidens, montem scandere, in scabrosam lapideam impingens, mula corruit: sed ne vir sanctus, vel animal, quo utebatur lesionem aliquam pateretur, in cera molitum

litem resolutus lapis, carnis teneritudini cessit duritia eius: & signi huius memoriam omnibus locum visentibus dereliquit. Est quoque non modicum medicinalis febribus lapis ille, prout testantur multi, qui de illo in remotissimas deferunt regiones. Ad hunc locum, (prout sibi sanctus mandauerat) praefatus Ioannes mane surgens accessit, non absque multo desiderio facta sibi promissionis praestolans euentum. Adest vir sanctus, & quod dictu mirabile est, sicut eum imaginariè per visum nocte perspexerat, intuitu corporeo deprehendit. Stupet homo colores vultus varios induit: nunc ex gaudio rubicundus color exoritur, nunc ex timore pallefcit: in sudorem totus resoluitur, atque inter spem metumq. medius, quid ageret nesciebat: Vocat eum iterum sanctus ex nomine. Ioannes, inquiens, surge; ad domum concitus reuertere meam: porrectaq. manu, viam qua ad Ecclesiam rediret suam, tam verbo, quam ipsa manus extensione monstrabat. Exiliens continuo claudus ambulauit, illudq. modicum itineris, quod vix toto reptando corpore in montis descensu confecerat, tanta rediens agilitate peregit; ut plures, qui eum habuerunt obuiam, non claudum, sed cursorem aliquem aestimarent. Vidimus, & audiimus hac omnia nos omnes, vidit etiam populus claudum ambulante, & laudante Dominum: cuius laudibus, & nos nostras subiecimus, & ut vos vestras adijciatis, oramus.

Fuit Roffredus iste Abbas Cassinensis quinquagesimus secundus, electus Anno Domini millesimo centesimo octogesimo septimo. Postmodum vero a Celestino Tertio Cardinalis creatus Anno 1189.

De mappularum receptione à viro Dei cognita.

Cap. X I X.



ON longè autem à Monasterio vicus erat, in quo non minima multitudo hominum, ad fidem Dei ab Idolorum cultu Benedicti fuerat exhortatione conuersa. Ibi quoque quaedam sanctimoniales faemine erant, & crebrò illuc pro exhortandis animabus fratres suos mittere Benedictus Dei famulus curabat. Quadam vero die misit ex more: sed is, qui missus fuerat Monachus post admoni-

C 4 tione.n

tionem factam, à sanctimonialibus sceminis rogatus, mappulas accepit, sibiq; eas abscondit in sinu, qui mox, vt reuersus est, eum vir Dei vehementissima amaritudine cœpit increpare, dicens: Quomodo ingressa est iniquitas in sinum tuum? at ille obstupuit, & quid egisset oblitus, vnde corripiebatur, ignorabat. Cui ait: nunquid ego illic præsens non eram, quando ab ancillis Dei mappulas accepisti, tibiq; eas in sinu misisti? qui mox eius vestigijs prouolutus, stulte se egisse pœnituit, & eas quas in sinu absconderat mappulas abiecit.


De cogitatione Monachi superba à Dei viro cognita. Cap. XX.



QUADAM quoque die dum venerabilis Pater vespertina iam hora, corporis alimenta perciperet, eius Monachus cuiusdam defensoris filius fuerat, qui ei ante mensam lucernam tenebat. Cumq; vir Dei ederet, ipse autem cum lucernæ ministerio adstaret, cœpit per superbiæ spiritum in mente sua tacitus voluere, & per cogitationem dicere. Quis est hic, cui ego manducanti assisto, lucernam teneo, seruitium impendo? quis sum ego, vt isti seruiam? ad quem vir Dei statim conuersus, vehementer cœpit eum increpare, dicens. Signa cor tuum frater, quid est, quod loqueris? signa cor tuum. vocatisq; statim Fratribus, præcepit ei lucernam de manibus tolli, ipsum vero iussit à ministerio recedere, & sibi hora eadem quietum sedere. Qui requisitus à Fratribus, quid habuerit in corde, per ordinem narrauit quanto superbiæ spiritu intumuerat, & quæ contra virum Dei verba per cogitationem tacitus dicebat. Tunc liquidò omnibus patuit, quod venerabilem Benedictum latere, nihil poterat, in cuius aure tacitæ etiam cogitationis verba sonuissent.

De

*De ducentis modijs farinae ante viri Dei cellam
inuentis. Cap. XX I.*



LIO quoque tempore in eadem Campaniae Regione fames incubuerat, magnaq; omnes alimentorum indigentia coangustabat: iamq; in Benedicti Monasterio triticum deerat: panes verò pœnè omnes consumpti fuerant, vt non plus quam quinque ad refectiōis horam, Fratribus inueniri potuissent. Cumq; eos venerabilis Pater contristatos cerneret, eorum pusillanimitatem studuit modesta increpatione corrigere, & rursus promissione subleuare dicens. Quare de panis inopia vester animus contristatur? hodie quidem minus est, sed die crastina abundanter habebitis. Sequenti autem die ducenti farinae modij ante fores cellæ in saccis inuenti sunt, quos omnipotens Deus, quibus deferentibus transmississet, nunc vsque manet incognitum. Quod cum Fratres cernerent, Domino gratias referentes, didicerunt iam de abundantia, nec in egestate dubitare.

P E T R V S.

Dic quæso te, numquid nam credendum est huic Dei famulo semper prophetiæ spiritum adesse potuisse, an per interval-
la temporum eius mentem prophetiæ spiritus implebat?

G R E G O R I V S.

Prophetiæ spiritus (Petre) prophetarum mentes non semper irradiat: quia sicut de sancto spiritu scriptum est: vbi vult spirat: ita sciendum est, quia, & quando vult spirat. Hinc est enim, quod Nathan à Rege requisitus, si construere templum, posset, prius consensit, & postmodum prohibuit. Hinc est, quod Helisæus cum stentem mulierem cerneret, causamq; nescisset, ad prohibentem hanc puerum dixit: dimitte eam, quia anima eius in amaritudine est, & Dominus celauit à me, & non indicauit mihi. Quod omnipotens Deus ex magnæ pietatis dispensatione disponit: quia dum prophetiæ spiritum aliquando dat, & aliquando subtrahit, prophetantium mentes, & eleuat in celsitudine, & custodit in humilitate, vt & accipientes spiri-

Ioan. 3

2 Reg. 7.

4. Reg. 4.

spiritum inueniant, quid de Deo sint, & rursus prophete spiritum non habentes cognoscant, quid sint de semetipsis.

P E T R V S.

Ita hoc esse, vt asseris, magna ratio clamat. Sed quæso de venerabili Patre Benedicto, quicquid adhuc animo occurrit, exequere.

De dispositione Monasterij per visionem habitæ.

Cap. XXII.

G R E G O R I V S.



L I O quoque tempore à quodam fideli viro fuerat rogatus, vt in eius prædio iuxta Tarracinensem Urbem missis discipulis suis construere Monasterium debuisset: qui roganti consentiens deputatis Fratribus Patrem constituit, & quis eis, secundus esset, ordinauit. Quibus euntibus spopondit, dicens. Ite & die illo ego venio, & ostendo vobis in quo loco Oratorium, in quo refectorium Fratrum, in quo suscepcionem hospitem, vel quæq; sunt necessaria ædificare debeat. Qui benedictione percepta illico perrexerunt, & constitutum diem magnopere præstolantes, parauerunt omnia, quæ his, qui cum tanto Patre venire potuissent, videbantur esse necessaria. Nocte vero eadem qua promissus illucescebat dies, eidem seruo Dei, quem illic Patrem constituerat, atque eius Præposito vir Domini in somnis apparuit, & loca singula, vbi quid ædificare potuissent, subtiliter designauit. Cumq; vtrique à somno surgerent, sibi inuicem, quod viderant reculerunt. Non tamen visioni illi fidem omninò dantes, virum Dei sicut se venire promiserat, expectabant. Cumq; vir Dei constituto die minimè venisset, ad eum cum mœrore reuersi sunt dicentes. Expectauimus Pater, vt veni res sicut promiseras, & nobis ostenderes, vbi quid ædificare deberemus & non venisti. Quibus ipse ait: Quare Fratres, quare ista dicitis? Nunquid sicut promisi non veni? cui cum ipsi dicerent, quando venisti? respondit. Numquid vtrisque vobis dormientibus non apparui, & loca singula designaui? Ite & sicut per visionem

nem vidistis omne habitaculum Monasterij, ita construisse.
Qui hæc audientes vehementer admirati ad prædium præ-
dium sunt reuerſi, & cuncta habitacula sicut ex reuelatione
didicerant, construxerunt.

P E T R V S.

Doceri velim, quo fieri ordine potuit, vt longè iret re-
sponſum dormientibus dicere, quod ipsi per visionem audi-
rent, & recognoscerent.

G R E G O R I V S.

Quid est, quod perscrutans rei gestæ ordinem ambigis, Pe-
tre? liquet profecto, quia nobilioris naturæ est spiritus, quam
corpus. Et certè scriptum teste nouimus, quod Propheta ex
Iudæa subleuatus, repente est cum prandio in Caldæa depofi-
tus, quo videlicet prandio prophetam refecit, seq; repente
in Iudæa iterum inuenit. Si igitur tam longe Habacuc potuit
sub momento corporaliter ire, & prandium deferre, quid mi-
rum si Benedictus Pater obtinuit, quatenus iret per spiritum,
& Fratrum quiescentium spiritibus necessaria narraret? vt fi-
cut ille ad cibum corporis corporaliter perrexit, ita iste ad
institutionem spiritalis vitæ spiritaliter pergeret.

P E T R V S.

Manus tuæ loquutionis terſit meæ fateor dubietatem men-
tis: sed velim noſſe in communi loquutione, qualis iſte vir
fuerit.

*De ſanctimonialibus ſceminis poſt mortem, abſolu-
tis. Cap. X X I I I.*

G R E G O R I V S.



I X ipla (Petre) communis eius loquutio
à virtutis erat pondere vacua: quia cuius
cor ſe ſe in alta ſuſpenderet, nequaquam
verba de ore illius in caſſum cadebant. Si
quid verò vnquam non iam decernendo, ſed
minando diceret, tantas vires ſermo illius
habebat, ac ſi hoc non dubiè, atque ſuſpen-
ſè,

sè, sed iam per sententiam protulisset. Nam non longè ab eius Monasterio duæ quædam sanctimoniales fœminæ nobiliori genere exortæ in loco proprio conuersabantur, quibus quidam religiosus vir ad exterioris vitæ vsum præbebat obsequium. Sed sicut nonnullis solet nobilitas generis parere ignobilis mentis, vt minus se in hoc mundo despiciant, qui plus se cæteris aliquid fuisse meminerunt: nec dum prædictæ sanctimoniales fœminæ perfectè linguam suam sub habitus sui fræno restrinxerant, & eundem religiosum virum, qui ad exteriora necessaria eis obsequium præbebat, incautis sæpè sermonibus ad iracundiam prouocabant. Qui dum diu ista toleraret, perrexit ad Dei hominem, quantasq; patere- tur verborum contumelias enarrauit. Vir autem Dei hæc de illis audiens, eis protinus mandauit dicens. Corrigitur linguam vestram, quia si non emendaueritis, excommunico vos, quam videlicet excommunicationis sententiam non proferendo intulit, sed minando. Illæ autem à pristinis moribus nihil mutatæ, intra paucos dies defunctæ sunt, atque in Ecclesia sepultæ. Cumq; in eadem Ecclesia Missarum solemnia celebrarentur, atque ex more Diaconus clamaret: si quis non communicat det locum. Nutrix earum, quæ pro eis oblationem Domino offerre consueuerat, eas de sepulchris suis progredi, & exire videbat. Quod dum sapius cerneret, quia ad vocem Diaconi clamantis, exibant foras, atque intra Ecclesiam permanere non poterant, ad memoriam reduxit, quæ vir Dei illis adhuc viuentibus mandauit. Eas quippe se communionem priuare dixerat, nisi mores suos, & verba corrigerent. Tunc seruo Dei cum graui mœrore indicatum est. Qui manu sua protinus oblationem dedit dicens. Ite, & hanc oblationem pro eis offerre Domino facite, & vltius excommunicatæ non erunt. Quæ oblatio dum pro eis fuisset immolata, & à Diacono iuxta morem clamatæ est, vt non communicantes ab Ecclesia exirent, illæ exire ab Ecclesia vltius visæ non sunt. Qua ex re indubitanter patuit, quia dum inter eos, qui communionem priuati sunt, minimè recederent, communionem à Domino per seruum Domini recepissent.

P E T R V S.

Mirum valde, quod dicis, quamuis venerabilem, & sanctissimam

&issimum virum, adhuc tamen in hac carne corruptibili degentem, potuisse animas soluere in illo iam inuisibili iudicio constitutas.

G R E G O R I V S.

Numquid nam (Petre) in hac adhuc carne non erat, qui audiebat : Quodcunque ligaueris super terram erit ligatum. & in cœlis, & quæ solueris super terram soluta erunt & in cœlis? Cuius nunc vicem ligando, & soluendo obtinent, qui locum sancti Regiminis fide, & moribus tenent. Sed vt tanta, valeat homo de terra, Cœli, & terræ conditor in terram venit è cœlo, atque vt iudicare caro etiam de spiritualibus possit, hoc ei largiri dignatus est, factus pro hominibus Deus caro : quia inde surrexit vltra se infirmitas nostra, vnde sub le infirmata est firmitas Dei.

Matth.
16.

P E T R V S.

Cum virtute signorum concorditer loquitur ratio verborum.

A D N O T A T I O.

EX his, quæ beatus Gregorius in hoc cap. narrat, probabiliter valdè colligitur, beatum Patrem Benedictum sacerdotali ordine insignitum fuisse. Cum enim Petrus dubitauerit, qualiter vir Dei Benedictus adhuc in carne degens potuerit soluere animas in Dei iudicio iam constitutas : respondet Gregorius, hoc potuisse auctoritate Christi dicentis Petro. Quodcunque ligaueris super terram, erit ligatum & in cœlis, & hanc potestatem tribuit Benedicto. Præterea capite sequenti docet, qualiter beatus Benedictus manu sua communionem dominici corporis dederit quibusdam : tractare autem hæc sacrosancta mysteria manibus proprijs Sacerdotum est. Deinde ipse beatus Benedictus cap. 7. suæ Regulæ, gradu quinto humilitatis docet, tunc Monachum ad hunc gradum peruenisse, cum omnes cogitationes malas cordi suo aduenientes, vel mala a se absconsc commissa, per humilem confessionem Abbati non celauerit suo. Quod de confessione sacramentali intelligit, & exponit Cardinalis Turrecremata in commentario eius loci. Sic etiam cap. 46. agens


agens beatus Pater de his, qui in aliquo opere delinquant, quomodo debeant satisfacere, in fine capituli hac habet. Si anima vero peccati causa fuerit latens, tantum Abbati, aut spiritualibus senioribus patefaciat: Qui sciant curare sua, & aliena vulnera, non detegere, & publicare. Quod similiter de confessione sacramentali intelligendum est. Adde his ea, quae idem sanctus Pater ordinat cap. 9. & 11. Regula sua, videlicet, ut Abbas benedicat in choro eos, qui dicturi sunt Lectiones, & legat Lectionem de Evangelio cum honore, & tremore, &c. & data benedictione incipiunt Matutinos, id est Laudes. Vltimus cap. 69. precipit, ut Sacerdotes Monachi stent post Abbatem, & benedicant, &c. Sciebat igitur beatus Pater potestatem benedicendi esse Sacerdotalis officij. Cumque ipse fuerit Abbas, & suae Regula obseruantissimus, dicendum est fuisse Sacerdotem. Denique ipse beatus Gregorius lib. 1. Dialogorum cap. 4. agens de sancto Equitio, narrat quendam ipsius familiarem Felicem nomine, familiaritatis ausu ei dixisse. Qui sacrum ordinem non habes, atque à Romano Pontifice sub quo degis, praedicationis licentiam non recepisti, praedicare quomodo praesumis? & subiungit Gregorius quarelam datam summo Pontifici adversus eundem sanctum virum, quod praedicationis officium sibi usurpare praesumpisset, & cetera, quae sequuntur. Cum autem beatus Pater Benedictus missus fuerit à Deo ad praedicandum, sicut & beatus Equitius, nec sciamus eum facultatem praedicandi à summo Pontifice obtinuisse, quod Gregorius non tacuisset. Videamus praeterea non solum ipsum praedicasse, verum etiam Monachos suos ad praedicandum misisse, ut dicit Gregorius supra cap. 19. nec inde fuerit orta murmuratio, aut quarela aliqua contra eum, sicut contra sanctum Equitium, videtur dicendum illum Sacerdotem fuisse, & sic liberè, & licite praedicare potuisse. Quibus adde beatum Benedictum diuinitus fuisse electum in Pastorem, & Rectorem animarum Diocesis Cassinensis, ut docuimus supra in Adnotatione ad cap. 8. ad quod munus ritè, & rectè adimplendum, oportebat eum esse Sacerdotem. Quae quidem omnia in unum collecta, euidenter ferè concludunt, beatum Patrem Benedictum sacerdotali dignitate fuisse praeditum.

De

De puero post sepulturam à terra proiecto.

Cap. XXIV.

GREGORIVS.



VADAM quoque die dum quidam eius puerulus Monachus parentes suos ultra, quam deberet diligens, atque ad eorum habitaculum tendens, sine benedictione de Monasterio exiisset, eodem die mox, ut ad eos peruenit, defunctus est. Cumq; esset sepultus, die altero proiectum foras corpus eius inuentum est, quod rursus tradere sepulturæ curauerunt: sed sequenti die iterum proiectum exterius, atque inhumatum sicut prius inuenerunt. Tunc concitè ad Benedicti Patris vestigia currentes, cum magno fletu petierunt, ut ei suam gratiam largiri dignaretur. Quibus vir Dei manu sua protinus communionem dominici corporis dedit, dicens. Ite atque hoc dominicum corpus super pectus eius cum magnâ reuerentia ponite, & sic sepulturæ eum tradite. Quod dum factum fuisset, susceptum corpus eius terra tenuit, nec ultra proiecit. Perpendis Petre apud Iesum Christum Dominum, cuius meriti iste vir fuerit, ut eius corpus etiam terra proiecerit, qui Benedicti gratiam non haberet.


PETRVS.

Perpendo planè, & vehementer stupeo.

De Monacho, qui de Monasterio discedens draconem in itinere inuenit.

Cap. XXV.


GREGORIVS.



VIDAM autem eius Monachus mobilitati mentis deditus erat, & permanere in Monasterio nolebat, cumq; cum vir Dei assidue corripere, & frequenter admoneret, ipse vero nullo modo consentiret in Congregatione persistere, atque importunis præcibus, ut relaxaretur, insisteret, quadam die idem venerabilis Pater nimietatis eius cædio affectus, iratus iussit, ut discederet. Qui
mox,

mox, vt Monasterium exijt, contra se adfistere aperto ore draconem in itinere inuenit. Cumq; eum idem draco, qui apparuerat, deuorare vellet, coepit ipse tremens, & palpitans magnis vocibus clamare, dicens. Succurrite, succurrite, quia draco iste me deuorare vult. Currentes autem Fratres, draconem minimè viderunt, sed trementem, atque palpitantem Monachum ad Monasterium reduxerunt, qui statim promisit nunquam se iam à Monasterio recessurum, atque ex hora eadem in sua promissione permansit. Quippe qui sancti viri orationibus contra se adfistere draconem viderat, quem prius non videndo sequebatur.

De puero ab elephantino morbo curato. Cap. XXVI.



ED neque hoc silendum puto, quod illustri viro Antonio narrante cognoui, qui aiebat, patris sui puerum morbo elephantino fuisse correptum, ita vt iam pilis cadentibus, cutis intumesceret, atque incrementem sanie occultare non posset. Qui ad virum Dei ab eodem patre eius missus est, & saluti pristinae sub omni celeritate restitutus.

De solidis per miraculum pauperi redditis. Caput XXXVII.



EQVE illud taceam, quod eius discipulus, Peregrinus nomine, narrare consueuerat: quia die quadam fidelis vir quidam necessitate debiti compulsus, vnum sibi fore remedium credidit, si ad Dei virum pergeret, & quæ eum, vrgeret debiti necessitas, indicaret. Venit itaque ad Monasterium, omnipotentis Dei famulum reperit, quod à creditore suo pro duodecim solidis grauitè affligeretur, intimaui. Cui venerabilis Pater, nequaquam se habere duodecim solidos respondit, sed tamen eius inopiam blanda loquutione consolatus, ait. Vade & post biduum reuertere, quia deest hodie, quod tibi debeam dare. In ipso autem biduo more suo in oratione fuit occupatus.

occupatus. Cumq; die tertio is, qui necessitate debiti affligebatur rediret, super arcam Monasterij, quæ erat frumento plena, subito tredecim solidi sunt inuenti: quos vir Dei deferri iussit, & afflicto petitori tribuit, dicens: vt duodecim redderet, & vnum in expensis proprijs haberet. Sed ad ea, nunc redeam, quæ eius discipulis in libri huius exordio prædictis referentibus agnoui.

Quidam vir grauissima aduersarij sui æmulatione laborabat, cuius adhuc vique odium prorupit, vt ei nescienti in potu venenum daret, qui quamuis vitam auferre non valuit, cutis tamen colorem mutauit, ita vt diffusa in corpore eius varietas, lepræ morem imitari videretur. Sed ad Dei hominem deductus, salutem pristinam citius recepit: nam mox, vt eum tetigit, omnem cutis illius varietatem fugauit.


De ampulla vitrea in saxis proiecta, & non fracta. Cap. XXXVIIII.

IO quoque tempore, quo alimentorum inopia, campaniam grauiter affligebat, vir Dei diuersis indigentibus Monasterij sui cuncta tribuerat, vt pœnè nihil in Cellario nisi parum quid olei in vase vitreo remaneret. Tunc quidam, Subdiaconus, Agapitus nomine, aduenit, magnoperè postulans, vt sibi aliquantulum olei dari debuisset. Vir autem Domini, qui cuncta decreuerat in terra tribuere, vt in Cælo omnia reseruaret, hoc ipsum parum, quod remanserat olei, iussit petenti dari: Monachus vero, qui Cellarium tenebat, audiuit quidem iubentis verba, sed implere distulit. Cumq; post paululum si id, quod iusserat, datum esset inquireret, respondit Monachus, se minimè dedisse: quia si illud ei tribueret, omninò nihil Fratribus remaneret. Tunc iratus, alijs præcepit, vt hoc ipsum vas vitreum, in quo parum olei remansisse videbatur, per fenestram proijcerent, ne in cella aliquid per inobedientiam remaneret. Factumq; est ita. Sub fenestra autem eadem ingens præcipitium patebat saxorum molibus asperum. Proiectum itaque vas vitreum, venit in saxis, sed sic mansit incolume, ac si proiectum minimè fuisset: ita vt neque frangi, neque oleum effundi potuisset.

D set.

set. Quod vir Domini præcepit leuari, atque vt erat integrum petenti tribui. Tunc collectis Fratribus, inobedientem Monachum de infidelitate sua, & superbia coram omnibus increpauit.

De dolio vacuo oleo impleto. Cap. XXIX.



QUANDO increpatione completa, se se cum eisdem Fratribus in orationem dedit. In eo autem loco, vbi cum Fratribus orabat, vacuum erat ab oleo dolium, & coopertum. Cumq; sanctus vir in oratione persisteret, cœpit operimentum eiusdem dolij oleo excrecente subleuari.

Quo commoto, atque subleuato, oleum quod excreuerat, ora dolij transiens, pauimentum loci, in quo incubuerat, inundabat. Quod Benedictus Dei famulus, vt aspexit, protinus orationem compleuit, atque in pauimentum oleum desfluere cessauit. Tunc diffidentem, inobedientemq; Fratrem latius admonuit, vt fidem habere disceret, & humilitatem. Idem vero frater salubriter correptus erubuit; quia venerabilis Pater virtutem omnipotentis Dei, quam admonitione intimaue- rat, miraculis ostendebat, nec erat iam, vt quisquam de eius promissionibus dubitare posset, qui in vno, eodemq; momento pro vitreo vase, penè vacuo, plenum oleo dolium reddidisset.

De Monacho à damonio liberato. Cap. XXX.



QUANDO die, dum ad beati Ioannis oratorium, quod in ipsa montis celsitudine situm est, pergeret, ei antiquus hostis in mulo, medicis specie, obuiam factus est, cornu, & trepidicam ferens, quem cum requisisset dicens: quo vadis? ille respondit. Ecce ad Fratres vado potionem eis dare, itaque perrexit venerabilis Pater Benedictus ad orationem, qua completa concitus redijt. Malignus vero spiritus vnum seniore Monachum inuenit aquam haurientem, in quem statim ingressus est, eumq; in terram proiecit, & vehementissimè vexauit. Quem cum vir Dei ab oratione

tione rediens, tam crudeliter vexari conspiceret, ei solummodo alapam dedit, & malignum ab eo spiritum protinus excussit, ita ut ad eum redire ulterius non auderet.

P E T R U S.


Velim nosse, si hæc tanta miracula, virtute semper orationis impetrabat, an aliquando etiam solo voluntatis exhibebat nutu.

G R E G O R I U S.

Qui deuota mente Deo adhærent, cum rerum necessitas expolcit, exhibere signa, modo utroque solent, ut mira quæque aliquando ex prece faciant, aliquando ex potestate. Cum enim Ioannes dicat: Quotquot autem receperunt eum, dedit eis potestatem filios Dei fieri. Qui filij Dei ex potestate sunt, Ioan. 1 quid mirum si signa facere ex potestate valeant? Quia enim Act. 5. utroque modo miracula exhibeant, testatur Petrus, qui Thabitam mortuam orando suscitauit, Ananiam vero, & Saphiram mentientes morti increpando tradidit. Neque enim orasse in eorum extinctione legitur, sed solummodo culpam, quam perpetrauerant, increpasse. Constat ergo, quod aliquando hæc ex potestate, aliquando verò exhibentur ex postulatione, dum & istis vitam increpando abstulit, & illi reddidit orando. Nam duo quoque fidelis famuli Dei Benedicti facta nunc replico, in quibus apertè clareat, aliud hunc acceptum diuinitus ex potestate, aliud ex oratione potuisse.

De ligato rustico solo aspectu viri Dei soluto.


Cap. X X X I.



GOTHORVM quidam, Galla nomine, perfidia fuit Arianæ, qui Totilæ Regis eorum, temporibus contra Catholicæ Ecclesiæ religiosos viros ardore immanissimæ crudelitatis exarsit, ita ut quisquis ei Clericus, Monachusue ante faciem venisset, ab eius manibus viuus nullo modo exiret. Quadam vero die auaritiæ suæ æstu succensus, in rapinam rerum inhians, dum quendam rusticum tormentis crudelibus affligeret, eumque per supplicia diuersa

D 2 lania-

laniaret, victus pœnis rusticus se se, res suas Benedicto Dei famulo commendasse professus est, vt dum hoc à torquente creditur, suspensa interim crudelitate, ad vitam hora reparatur. Tunc idem Galla cessauit rusticum tormentis affligere, sed eius brachia loris fortibus astringens, ante Equum suum cœpit impellere, vt quis esset Benedictus, qui eius res susceperat, demonstraret. Quem ligatis bracchijs rusticus antecedens, duxit ad sancti viri Monasterium, cumq; ante ingressum cellæ solum sedentem reperit, & legentem Eidem autem subsequenti Gallæ rusticus dixit: Ecce iste est, de quo dixeram tibi, Benedictus Pater. Quem dum feruido spiritu cum peruersæ mentis insania fuisset intuitus, eo terrore, quo consueuerat, acturum se existimans, magnis cœpit vocibus clamare dicens: Surge, surge, & res istius rustici redde, quas acceperisti. Ad cuius vocem vir Dei protinus oculos leuauit à lectione, cumq; intuitus, mox etiam rusticum, qui ligatus tenebatur, attendit. Ad cuius brachia dum oculos deflexisset, 'miro modo tanta se celeritate cœperunt illigata brachijs lora deuoluere, vt dissolui tam concitè nulla hominum festinatione potuissent. Cumq; is, qui ligatus venerat, cœpisset subito ad stare solutus, ad tantæ potestatis vim tremefactus Galla ad terram corruit, & ceruicem crudelitatis rigida ad eius vestigia inclinans, se orationibus illius commendauit. Vir autem sanctus à lectione minimè surrexit, sed vocatis Fratribus, eum introrsus tolli, vt benedictionem acciperet, præcepit. Quem ad se reductum, vt à tantæ crudelitatis insania quiescere deberet, admonuit. Qui fractus recedens nihil vltius petere à rustico præsumpsit, quem vir Domini non tangendo, sed respiciendo soluerat. Ecce ita est Petre, quod dixi, quia hi, qui omnipotenti Deo familiarius seruiunt, aliquando mira facere etiam ex potestate possunt. Qui enim ferocitatem Gothi terribilis, sedens repressit, lora verò, nodosq; ligaturæ, quæ innocentis brachia astrinxerant, oculis dissoluit, ipsa miraculi celeritate indicat, quia ex potestate acceperat habere, quod fecit. Rursum quoque quale quantunque miraculum orando valuit obtinere subiungam.



De



Q U O D A M die cum Fratribus ad agri opera
 fuerat egressus. Quidam vero rusticus defun-
 cti filij corpus in vlnis ferens, orbitatis lu-
 ctu æstuans, ad Monasterium venit, Benedi-
 ctum Patrem quæsiuit. Cui cum dictum esset,
 quia idem Pater cum Fratribus in agro mo-
 raretur, protinus ante Monasterij ianuam corpus extincti fi-
 lij proiecit, & dolore turbatus, ad inueniendum venerabilem
 Patrem, se se in cursum concitus dedit. Eadem vero hora vir
 Dei ab agri opere iam cum Fratribus reuertebatur. Quem
 mox, ut orbatus rusticus aspexit, clamare cœpit. Redde fi-
 lium meum, redde filium meum. Vir autem Dei in hac voce
 substitit dicens. Numquid ego filium tuum tibi abstuli? Cui
 ille respondit. Mortuus est, veni resuscita eum. Quod ut mox
 Dei famulus audiuit, valdè contristatus est, dicens. Recedite
 Fratres, recedite, hæc nostra non sunt, sed sanctorum Aposto-
 lorum. Quid nobis onera vultis imponere, quæ non possumus
 portare? at ille, quem nimius cogeabat dolor, in sua petitione
 perstitit, iurans quod non recederet, nisi eius filium resuscita-
 ret. Quem mox Dei famulus inquisiuit dicens. Vbi est? cui il-
 le respondit. Ecce corpus eius ad ianuam Monasterij iacet.
 Vbi cum vir Dei cum Fratribus peruenisset, flexit genu, & su-
 per corpusculum infantis incubuit, se seq; erigens ad cœlum
 palmas tetendit, dicens. Domine non aspicias peccata mea,
 sed fidem huius hominis, qui resuscitari filium suum rogat, &
 redde in hoc corpusculum, animam quam abstulisti. Vix in
 oratione verba compleuerat, & regrediente anima, ita cor-
 pusculum pueri omne contremuit, ut sub oculis omnium, qui
 aderant, apparuerit concussione mirifica tremendo palpita-
 se. Cuius mox manum tenuit, & eum Patri viventem, atque
 incolumem dedit. Lique Petre, quia hoc miraculum in po-
 testate non habuit, quod prostratus petijt, ut exhibere po-
 tuisset.

P E T R V S.

Sic cuncta esse, ut asseris, constat patenter: quia verba,
 quæ proposueras, rebus probas. Sed quæso te, ut indices si

D 3 sancti

sancti viri omnia, quæ volunt possunt, & cuncta impetrant, quæ desiderant obtinere.

De miraculo scholastica sororis eius. Cap. XXXIII.

GREGORIVS.



VISNA M erit Petre, in hac vita Paulo sublimior, qui de carnis suæ stimulo, ter Dominum rogauit, & tamen, quod voluit, obtinere non valuit? Ex qua re necesse est, vt tibi de venerabili Patre Benedicto narrem, quia fuit quiddam, quod voluit, sed non valuit implere. Soror namq; eius, Scholastica nomine, omnipotenti Domino ab ipso infantia tempore dedicata, ad eum semel per annum venire cōsueuerat: ad quam vir Dei non longè extra ianuam in possessione Monasterij descendebat. Quadam vero die venit ex more, atque ad eam cum discipulis venerabilis eius descendit Frater: qui totum diem in Dei laudibus, sacrisq; colloquijs ducentes, incumben-
tibus iam noctis tenebris, simul acceperunt cibos. Cumque adhuc ad mensam sederent, & inter sacra colloquia tardior se hora protraheret, eadem sanctimonialis scēmina soror eius eum rogauit dicens. Quæso te, vt ista nocte me non deseras, vt vsque mane de cœlestis vitæ gaudijs loquamur. Cui ille respondit. Quid est, quod loqueris soror? Manere extra cellam nullatenus possum. Tanta vero erat cœli serenitas, vt nulla in aere nubes appareret. Sanctimonialis autem scēmina, cum verba Fratris negantis audisset, infertis digitis manus super mensam posuit, & caput in manibus omnipotentem Dominum rogatura declinavit. Cumq; de mensa leuaret caput, tanta coruscationis, & tonitruī virtus, tantaq; inundatio pluuiæ erupit, vt neque venerabilis Benedictus, neque Fratres, qui cum eo aderant, extra loci limen, quo confederant, pedem mouere potuissent. Sanctimonialis quippe scēmina caput in manibus declinans, lacrymarum fluuium in mensam fuderat, per quas serenitatem aeris ad pluuiam traxit. Nec paulò tardius post orationem inundatio illa sequuta est, sed tanta fuit conuenientia orationis, & inundationis, vt de mensa caput iam cum tonitruo leuaret: quatenus vnum,
idemq.


idemq; esset momentum, & leuare caput, & pluuiam deponere. Tunc vir Dei inter coruscationes, & tonitrua, atque ingentis pluuiæ inundationem, videns se ad Monasterium non posse remeare cœpit conqueri contristatus dicens. Parcat tibi omnipotens Deus soror, quid est, quod fecisti? cui illa respondit. Ecce rogavi te, & audire me noluisti, rogavi Dominum meum, & audiuit me: modò ergo si potes egredere, & me dimissa ad Monasterium recede. Ipse autem exire extra tectum non valens, quia remanere sponte noluit, in loco mansit inuitus: sicq; factum est, vt totam noctem peruigilem ducerent, atque per sacra spiritalis vitæ colloquia se se vicaria relatione satiarent. Qua de re dixi, eum voluisse aliquid, sed minimè potuisse: quia si venerabilis viri mentem aspiciamus, dubium non est, quin eandem serenitatem, voluerit, in qua descenderat, permanere: sed contra hoc, quod voluit, in virtute omnipotentis Dei ex fœmine pectore miraculum inuenit. Nec mirum, quod plus illo fœmina, quæ Fratrem videre cupiebat, in eodem tempore valuit: quia enim iuxta Ioannis vocem, Deus charitas est, iusto valde iudicio illa plus potuit, quæ amplius amauit. 1. Ioa.
4.

P E T R V S.

Fateor, multum placet, quod dicis.

De anima sororis eius visa. Cap. XXXIV.

G R E G O R I V S.

 V M Q. die altero eadem venerabilis fœmina ad cellam propriam recessisset, vir Dei ad Monasterium redijt. Cum ecce post triduum in cella consistens, eleuatis in aera oculis, vidit eiusdem sororis suæ animam de eius corpore egressam, in columbæ specie cœli secreta penetrare. Qui tantæ eius gloriæ congaudens, omnipotentis Deo in Hymnis, & Laudibus gratias reddidit, eiusq; obitū Fratribus denunciauit. Quos etiam protinus misit, vt eius corpus ad Monasterium deferrent, atque in sepulchro, quod sibi ipse parauerat, ponerent. Quo factò contigit, vt quorum mens vna semper in Deo fuerat, eorum quoque corpora, nec sepultura separaret.

D 4 De

*De mundo ante oculos eius collecto, & de anima Germani
Capuanae Ciuitatis Episcopi. Cap. XXXV.*



ALIO quoque tempore Seruandus Diaconus, atque Abbas eius Monasterij, quod in Campania partibus à Liberio quondam Patricio fuerat constructum, ad eum visitationis gratia ex more venire consueuerat. eius quippe Monasterium frequentabat, ut quia idem quoque vir doctrina gratia celestis affluebat, dulcia sibi inuicem vitæ verba transfunderent, & suauem cibum celestis Patriæ, quem adhuc perfectè gaudendo non poterant, saltem suspirando gustarent. Cumq; hora iam quietis exigeret, ut membra satori dari debuissent, in cuiusdam turris superioribus se venerabilis Benedictus, in eius quoque inferioribus se Seruandus Diaconus collocavit: quo videlicet in loco inferiora superioribus, peruius continuabat ascensus. Ante eandem vero turrim largius erat habitaculum, in quo vtriusque discipuli quiescebant. Cumq; vir Dei Benedictus, quiescentibus adhuc Fratribus instans vigilijs, nocturnæ orationis tempora prænisset, ad fenestram stans, & omnipotentem Deum deprecans, subito intempesta noctis hora respiciens, vidit fusam lucem de super, cunctas noctis tenebras effugasse, tantoq; splendore clarescere, ut diem vinceret lux illa, quæ in tenebris radiasset. Mira autem res valdè in hac speculatione sequuta est: quia sicut post ipse narrauit, omnis etiam mundus velut sub vno solis radio collectus, ante oculos eius adductus est. Qui venerabilis Pater, dum intentam oculorum aciem in hoc splendore coruscæ lucis infingeret, vidit Germani Capuani Episcopi animam in sphaera ignea ab Angelis in cælum deferri. Tunc tanti sibi testem volens adhibere miraculi, Seruandum Diaconum, iterato bis terq; eius nomine, cum clamoris magnitudine vocauit. Cumq; ille fuisset insolito tanti viri clamore turbatus, ascendit, respexit, partemq; iam lucis exiguam vidit. Cui tantum hoc obstupefcenti miraculum, vir Dei per ordinem, quæ fuerant gesta narrauit: statimq; in Cassinum Castrum Religioso viro Theoprobo mandauit, ut ad Capuanam Urbem sub eadem nocte transmitteret, & quid de Germano Episcopo ageretur agnosceret, & indicaret. Factumq;

Cumq; est, & Reuerentissimum virum Germanum Episcopum, is qui missus fuerat iam defunctum reperit, & requirens subtiliter, agnouit eodem momento fuisse illius obitum, quo vir Domini eius agnouit ascensum.

P E T R V S.

Mira res valde, & vehementer stupenda. Sed hoc, quod dictum est, quia ante oculos ipsius, quasi sub vno solis radio collectus omnis mundus adductus est, sicut nunquam expertus sum, ita nec conijcere scio, quonam ordine fieri potest, ut mundus omnis ab homine vno videatur.

G R E G O R I V S.

Fixum tene (Petre) quod loquor, quia animæ videnti creatorem angusta est omnis creatura. Quamlibet etenim parum de luce Creatoris aspexerit, breue ei fit omne, quod creatum est: quia ipsa luce visionis intimæ mentis, laxatur sinus, tantumq; expanditur in Deo, ut superior existat mundo: fit vero ipsa videntis anima etiam super semetipsum. Cumq; in Dei lumine rapitur, super se in interioribus ampliatur, & dum sub se conspicit exaltata, comprehendit quam breue sit, quod comprehendere humiliata non poterat. Vir ergo Dei, qui in turri globum igneum, Angelos quoque ad cælos redeuntes videbat, hæc proculdubio cernere nonnisi in Dei lumine poterat. Quid itaque mirum, si mundum ante se collectum vidit, qui subleuatus in mentis lumine extra mundum fuit? Quod autem collectus mundus ante eius oculos dicitur, non cælum, & terra contracta est, sed videntis animus est dilatatus, qui in Deo raptus, videre sine difficultate potuit omne, quod infra Deum est. In illa ergo luce, quæ exterioribus oculis fuisse, lux interior in mente fuit, quæ videntis animum cum ad superiora rapuit, ei quàm angusta essent omnia inferiora, monstrauit.

P E T R V S.

Videor mihi vtiliter non intellexisse, quæ dixeras, quando ex tarditate mea tantum creuit expositio tua. Sed quia hæc liquidè meis sensibus infudisti, quæso ut ad narrationis ordinem redeas.

A D-

Circa ea, quæ à beato Gregorio in hoc capite tradita sunt, selet à plerisque dubitari, an beatus Pater Benedictus in hoc raptu, viderit diuinam essentiam. Non est in animo quæstionem hanc scholastico more disputare, aut definire, sed tantum Lectori proponam, quid de hac re senserint viri sanctissimi, Doctoresq; grauissimi.

PL. 84. In primis sanctus Bernardus in quodam Sermone super illud Psalmi. Audiam quid loquatur in me Dominus Deus, qui incipit. Inuisibilia Dei, &c. sic habet. Interim vero opus habet humana anima, velut quodam vehiculo, creatura. ut ad cognitionem Creatoris assurgat: cum è contra longe beatus, perfectusq. Angelica natura in Creatore notitiam habeat creatura: ad quam nimirum excellentiam, licet ad modicum rapti fuisse videtur Anima illa, quæ collectum sub vno solis radio mundum vniuersum conspexit: de quo miraculo beatus Papa Gregorius in lib. Dialogorum scribens: Videnti (inquit) Creatorem, angusta est omnis creatura; & Rupertus Abbas lib. 3. de gloria, & honore filij hominis, de ista visione beati Benedicti, sic ait. Beatus Papa Gregorius de vno vite venerabilis viro, nomine & gratia Benedicto, refert, quia dum quiescentibus Fratribus instans vigilijs, nocturnæ orationis tempora prauenisset, ad fenestram stans, & omnipotentem Dominum deprecans, subito vidit fusam lucem desuper, & cetera, quæ hic narrat Gregorius. Postea subdit. Verum illa res admirationem habet aliam, quia sicut iam dictum est, anime videnti Creatorem, angusta est omnis creatura: & quod ante illius sancti oculos collectus fuisse mundus dicitur, hoc egit cum homine omnipotens Deus, & non cælum, & terra contracta, sed videntis animus dilatatus est, qui in Deo raptus, videre sine difficultate potuit omne, quod infra Deum est. Cum hæc dicit, addens etiam hæc, in illa ergo luce, quæ exterioribus oculis fulsit, lux interior in mente fuit, quæ videntis animum, quia ad superiora rapuit, ei quam angusta essent omnia inferiora monstrauit. Cum, inquam, hæc dicit, palam astringit, quia prospectus ille mentis magis, quam oculorum fuit. His dictis concludit Rupertus dicens: Illud mirantes veneramur, quod egit cum homine omnipotens Deus. Similiter sanctus Bonaventura lib. de luminina-

minaribus sermone vigesimo, qui habetur inter eius opuscula, exponens hæc eadem verba Gregorij, sic ait. *Mundus non fuit coangustatus in uno radio solis, sed eius animus dilatatus, quia vidit omnia in illo, cuius magnitudine, omnis creatura angusta est, & parua, & modica.* Dionysius etiam Carthusianus vir sapientissimus, atque in materia raptuum exercitatissimus, in quodam sermone habito in festo sancti Patris Benedicti, postquam retulit præfata verba sancti Gregorij, hæc addit. *Sed & in diuitijs gloriæ Dei fuit æberrimè raptus, & in lumine Creatoris ita expansus, quod faciliter in eius luce conspiciere quivit, quicquid sub illo fuit.* Propter ista sanctorum dicta, probabiliter valde asserere possumus, beatissimum Patrem Benedictum in hoc raptu diuinam vidisse essentiam.

Quod Regulam Monachorum scripserit.
Cap. XXXVI.

GREGORIUS.

IBET (Petre) adhuc de hoc, venerabili Patre multa narrare, sed quædam eius studiosè prætereo, quia ad aliorum gesta voluenda festino. Hoc autem nolo te lateat, quod vir Dei inter tot miracula, quibus in mundo clauit, doctrinæ quoque verbo non mediocriter fulsit: nam scripsit Monachorum Regulam, discretione præcipuam, sermone luculentam. Cuius si quis vult subtilius mores, vitamque cognoscere, potest in eadem institutione Regulæ omnes Magisterij illius actus inuenire: quia sanctus vir nullo modo potuit aliter docere, quam vixit.

A D N O T A T I O.

Mellissus Bernardus in declamatione super Euangelij. Ecce nos reliquimus omnia, Regulam sancti Patris Benedicti commendare volens, sic ait. Ceterum habent proficientes editum olim de duodecim gradibus humilitatis, ex sermonis occasione, libellum: quos videlicet gradus, ille iustorum omnium Spiritu plenus in Regula sua tradidit, verè per omnia Benedictus. Ille enim nobis Spiritualem crexit scalam, cuius utique summi-

*summitas cœlos tangit : quod in eius glorioso transitu evidenti
 legimus miraculo commendatum, beato Papa Gregorio sic scri-
 bente . Inter discipulorum manus imbecillia membra suspen-
 tans, erectus in cœlum manibus stetit, & ultimum Spiritum
 inter verba orationis efflauit . Qua scilicet die duobus Patri-
 bus, uni longius posito, alteri autem in cella commoranti, re-
 uelatio unius, atque indissimilis visionis apparuit . Viderunt
 namque, quia strata pallys, & innum. eris corusca lampadibus
 via recta Orientis tramite ab eius cella in cœlum usque tende-
 batur . Cui venerando habitu vir desuper clarus assistens, cu-
 ius esset via, quam cernerent, inquisiuit : illi vero se nescire
 professi sunt. Quibus ille ait. Hæc est via, qua dilectus Domini
 Benedictus cœlum ascendit . Quæ est enim via ab eius cella
 progrediens, nisi ordo, quem idem vir beatus instituit, & for-
 ma vite, quæ ab eo sumpsit exordium ? qua nimirum via, Do-
 mini dilectus ascendit, quia non potuit vir sanctus aliter doce-
 re, quam vixit. Et hæc quidem eorum, vel maxima fiducia est,
 qui ipsius utcumque student inharere vestigijs, ipsum precepto-
 rem, præuiumq; sequuntur . Neque enim venire aliquatenus
 in dubium potest, quin omninò sacer sit modus, & diuina ma-
 gis inspiratione, atque consilio, quam humana prudentia, vel
 adinventionem formatus, quo nimirum tantam in vita gratiam
 sanctitatis, tantam post obitum gloriam felicitatis idem verè
 Benedictus obtinuit . Hactenus Bernardus . Quibus consonat
 sanctus Bartholomæus discipulus sancti Nili, & Abbas Mo-
 nasterij Cryptæ ferratæ: is enim vitam sancti Nili describens,
 atque de aduentu ipsius ad Monasterium Cassinense agens, qua-
 literque ab Aligerno Abbate, & Monachis, vir ille sanctus fue-
 rit susceptus, narrans sic ait . Nec aliud quippiam videbantur
 audire, aut videre, quam si magnus Antonius Alexandria ad-
 uenisset, vel è mortuis magnus Benedictus surrexisset, diuinus
 ille ipsorum Legislatores, & Magister . Diuinum Legislatorem,
 & Magistrum vocat Benedictum, eo quod non humano studio,
 aut magisterio, sed diuina magis inspiratione, atque consilio,
 (ut dixit supra Bernardus) Regulam suam, & modum vi-
 uendi Monasticum instituit, & ordinauit . Sancta quoque
 Hildegardis in vita sancti Disibodi Episcopi quæ habetur apud
 Surium tom. 4. die octaua Iulij, narrans qualiter sanctus iste
 Monasterium sub beati Benedicti Regula construxerit, hæc ha-
 bet .*

bet. Agente autem Spiritu sancto omne animi sui studium, & voluntatem ad vitam, & doctrinam sancti Benedicti (qui iam ad Deum transferat, & quosdam beatos viros sancte institutionis sue fideles administratos ijs temporibus adhuc superstites reliquerat) appulit: & ad longinqua loca, ubi ea institutio religiosè, & sanctè colebatur; nuncios misit, supplices preces offerens, ut quidam ad ipsam venirent, vineam Domini Sabaoth, ad prescriptum doctrinæ beati Benedicti plantaturi. Is enim sanctus Pater Benedictus Regulam, quæ spiritualibus hominibus esset accommodata, è sanctorum vitis, sancto Spiritu docente, & ostendente condiderat. hæc ibi. Denique idem beatus Gregorius lib. 4. commentariorum in lib. Regum cap. 4. pag. 153. iuxta Romanam editionem, hæc ait: Qui arctissimam conuersationis viam imperant, nouiter accedentibus facillè aditum non impendant: quare, & eiusdem arctissimæ vitæ Magister optimus, summæ veritatis discipulus eruditus, præcipit dicens. Probate spiritus si ex Deo sint, & iterum: nuncientur ei dura, & aspera, per quæ itur ad Deum. Quæ verba desumpta sunt ex Regula sancti Benedicti cap. 58. ubi agit de disciplina suscipiendorum Fratrum. Notandum ergo, qualiter beatus Gregorius vocat sanctum Benedictum, arctissimæ vitæ Magistrum optimum, quo titulo neminem alium inuenio honorasse: vocat præterea eundem sanctum, summæ veritatis discipulum eruditum, ut planè doceat Regulam sancti Benedicti non in schola hominum, sed in schola Spiritus sancti fuisse compositam, eruditionemq. ac doctrinam beati Benedicti diuinam potius, quàm humanam esse censendam. Laudatur præterea sancti Patris Benedicti Regula à beato Antonino, & alijs: immò & à diuersis summis Pontificibus, & Concilijs, quibus allegandis supersedeo, ne nimia prolixitate Lectorem tadio afficiam.

Regula sancti Patris Benedicti fuit promulgata ipso adhuc viuente apud Montem Cassinum, ut asserit scilicet Zaccharias Papa in quodam priuilegio Monasterio Cassinensi concessio, de quo nos pluribus egimus in libello de existentia corporis sancti Benedicti in Monasterio Cassinensi cap. 3. & 4. Ex Historijs etiam authenticis, & omni fide dignissimis constat, beatum Patrem Benedictum, Regulam suam, dum adhuc viueret, promulgasse. Misit namque beatum Placidum cum socijs in Siciliam, qui

qui ibi cœnobium iuxta sancti Benedicti institutionem condiderunt. Misit præterea sanctum Maurum cum alijs in Gallias, cui proficiscenti (ut testatur Faustus in eius vita) Regulam suam manu descriptam Pater sanctus tradidit. Immo ante hos omnes misit beatus pater alios discipulos in Hispaniam, qui celebre Monasterium sancti Petri de Cardegna Anno Domini quingentesimo trigesimo septimo construxerunt sumptibus, & impensis Sanctiæ, siue Sanctiue Hispaniarum Regina. Ita docent antiquissima illius Monasterij monumenta. Quinimodò sanctus Maximus Casaraugustanus Episcopus, qui floruit circa annum Domini sexcentesium, in Historia Gothorum, agens de obitu prædictæ Regina, sic habet. Aera quingentesima septuagesima octaua (estis Annus Domini quingentesimus quadragessimus) Sanctiua Seueriani mater, adificato Monasterio, Monachis, quos sanctus Benedictus primum misit ad Hispaniam, ad sanctum Petrum Cardignensem: Toleti moritur, & in eodem Monasterio conditur.

Propagauit præterea sanctus pater Benedictus ordinem suum per vniuersam Italiam condendo noua cœnobia per diuersa loca, Romæ præsertim, ubi duo condidit Monasteria: vnum iuxta Lateranense patriarchium, cui præfecit Valentinianum discipulum suum, de quo Gregorius in prologo secundi libri Dialogorum. Alterum in Monte Cœlio titulo sancti Erasmi, ut scribit Gordianus sancti Benedicti discipulus in vita sancti Placidi: plurimaq. ex Monasterijs antea constitutis ad suam Regulam, & institutum suscipiendo, & admittendo: unde factum est, ut ante ipsius obitum vniuersa ferè totius Italia Monasteria Regulam ipsius susceperint, atque seruauerint. Hæc autem omnia confirmantur grauissimo sancti Mauri testimonio, relato à Fausto eius condiscipulo in ipsius vita. Refert enim qualiter cum beatus Maurus in Gallias missus à beato patre Benedicto, ut monasticam disciplinam illic institueret, cum peruenisset Aurelianis, nuncium accepit de morte Bertigranni Episcopi Cœnomannensis, ad cuius preces Maurus a beato Benedicto cum eodem Fausto, & alijs fuerat missus: huiusmodi Nuncio perculsi, ac tædio afflictis comitibus beatus Maurus modesta oratione, eorum deiectos animos studuit releuare, & consolari, quam is verbis terminauit, atque conclusit. Itaque & nos nostra congaudentes peregrinationi, expectemus, et deuotif-

deuotissimi serui consolationem Domini, & per omnia vestigia Patris nostri sanctissimi Benedicti imitari satagamus, qui relicta domo, & rebus patrijs, & ad ultimum Nutricem suam occultè fugiens, ac soli Deo placere desiderans, tantam à Domino promeruit gratiam, ut nemini post beatos, & primos Apostolos unquam fuerit secundus: sed potius Deo se iuuante, tot sanctorum extiterit fundator cœnobiorum, tantaq. Domino acquisierit millia perfectorum Monachorum. Hæc verba beatus Maurus dixit socijs, & condiscipulis suis, decem aut duodecim diebus post transitum beati Benedicti in cœlum. Dixit autem ea hominibus, qui non poterant ignorare veritatem eorum, quæ ipse referebat, quippe qui & discipuli beati Patris Benedicti erant, ut ipse, unaq. cum ipso è monte Cassino processerant, & quæ ipse assererat, poterant facillè (si vera non fuissent) falsitatis arguere: nec potuisset falsa relatione eorum contristatos animos mulcere, & in spem, & confidentiam bonam erigere, ut volebat. Dicimus ergo cum beato Mauro, cui consentiunt, & alij condiscipuli, beatum patrem Benedictum, dum adhuc in humanis ageret, fundatorem extitisse plurimum sanctorum cœnobiorum, multaq. Domino acquisuisse millia perfectorum Monachorum. His accedit sensus Ecclesiæ Catholicæ, quæ in sanctorum Martyrologio à sancta sede Apostolica reformato, ad duodecimum Kalendas Aprilis agens de sancto Benedicto, sic ait. In Monte Cassino, Natalis sancti Benedicti Abbatis, qui monachorum disciplinam in Occidente penè collapsam restituit, ac mirificè propagauit. Quæ verba intelligenda sunt sicut ea, quæ supra retulimus, dicta à beato Mauro, ut scilicet mirifica propagatio disciplinæ monasticæ referatur ad plurima Monasteria, quæ beatus Pater per diuersa loca construxit: restitutio vero eiusdem monasticæ disciplinæ collapsæ referatur ad alia Monasteria, non quidem ab ipso erecta, seu fundata, sed ad ea, quæ ipsius Regulis, & institutis imbuta, ad normam optimæ disciplinæ monasticæ restituta sunt, atque reducta.

Regulam sancti patris Benedicti fuisse primum ab Ecclesia Dei confirmatam, & approbatam, communis opinio est. Primus, qui eam approbauit fuit Ioannes Tertius, qui circa annum Domini quingentesimum sexagesimum secundum in privilegio concessio Monasterio sancti Medardi in suburbio Suesionensi,

tionensi, tunc nouiter erecto, ordinat, ac precipit, ut Monachi illius Monasterij Regulam sancti patris Benedicti seruent. Tradendo namq. Monachis illis sancti Benedicti Regulam, et iuxta illius leges, & instituta, vitam ac mores suos dirigerent, & ordinarent; proculdubio approbavit eam, quamuis litteras peculiares, seu formales, ut dicunt, huius approbationis non expedierit, meminit huius diplomatis sanctus Gregorius in quodam suo privilegio eidem Monasterio concessio. Habetur in registro sancti Gregorii lib. 2. post epistol. 38. Post annos vero triginta sanctus Gregorius in Concilio Romae habito eandem Regulam plenius, ac solennius confirmavit, & approbavit. Cuius approbationis extat rescriptum ipsius sancti Gregorii ad Heneratum Abbatem Sublacensis Monasterij in hac verba.

Ego Gregorius sanctae Romanae Ecclesiae Praesul scripsi vitam sancti Benedicti, & legi Regulam, quam ipse sanctus manu propria scripsit; laudaui eam, & confirmavi in sancta Synodo, & per diuersas partes Italiae, & ubicunque latinae litterae legerentur, praecepi ut diligentissime obseruarent, quicunque ad conuersionis gratiam accessuri essent, usque in finem mundi.

De prophetica sui exitus denunciatione.

Cap. XXXVII.

GREGORIUS.

LODEM vero anno, quo de hac vita erat exiturus, quibusdam discipulis secum conuersantibus, quibusdam longè manentibus, sanctissimi sui obitus denunciavit diem: praesentibus indicens, ut audita per silentium tegerent, absentibus indicans, quod vel quale eis signum fieret; quando eius anima de corpore exiret. Ante sextum vero sui exitus diem aperiri sibi sepulcrum iubet. Qui mox correptus febribus, acri capite ardore fatigari. Cumq; per dies singulos languor ingrauesceret, sexta die portari se in oratorium à discipulis fecit, ibiq; exitum suum Dominici corporis, & sanguinis perceptione muniuit, atque inter discipulorum manus imbecillia.

lia membra sustentans, erectis in cœlum manibus stetit, & ultimum spiritum inter verba orationis efflauit. Qua scilicet die duobus de eo Fratribus vni in cella commoranti: alteri autem longius posito, reuelatio vnius, atque indistinctis visionis apparuit. Videntur namq; quia strata pallijs, atque innumeris corusca lampadibus via, recto Orientis tramite ab eius cella in cœlum vsque tendebatur. Cui venerando habitu vir desuper clarus assistens, cuius esset via, quam cerne- rent, inquisiuit: illi autem se nescire professi sunt. Quibus ipse ait. Hæc est via, qua dilectus Domino cœlum Benedictus ascendit. Tunc itaque sancti viri obitum, sicut præsentis discipuli viderunt, ita absentes ex signo, quod eis prædictum fuerat agnouerunt. Sepultus vero est in Oratorio beati Ioannis Baptiste, quod, destructa Ara Apollinis, ipse construxit. Qui & in eo specu, in quo prius habitauit, nunc vsque si penitentium fides exigat, miraculis coruscat.

A D N O T A T I O.

DE tempore obitus sancti patris Benedicti varia sunt scriptorum sententia, quibus diligenter excussis, ea videtur esse amplectenda, quæ asserit beatum Benedictum diem clausisse extremum Anno Domini quingentesimo quadragésimo tertio, duodecimo Kalendas Aprilis. Die qua sacrosancti Pasche sabbatum illucescebat. Cuius opinionis assertor est Leo Ostiensis lib. 1. Chronici Cassinensis cap. 1. quem sequuti sunt postea alij. Et quidem obijisse illum Sabbatho sancto Pascha illucescente, certissimum est, id ita asserente Fausto in vita beati Mauri. Cum enim sanctum pascha appropinquasset, sanctus Maurus cum socijs ex itinere diuertens ad Monasterium beati Romani, qui beatissimum Benedictum in specu aluerat, diuertebant, & die parasceue hora sexta illuc peruenientes, deuotissime a beato Romano suscepti sunt. Et cum iam vespertina hora appropinquaret, vir Dei Maurus beato Romano dixit. Crastina die beatissimus pater noster Benedictus, terreno deposito corporis onere, cœlestem gaudens, & hilaris scandet ad patriam. Noctem vero illam, quæ duodecimo Kalendarum Aprilis habebatur, & qua sacratissimum vigiliarum pascha illucescebat sabbatum, tam beatissimus Maurus, ac nos, qui cum eo ibamus,

E mus,

mus, quam sanctus Romanus cum aliquibus discipulis suis, ieiunium peragilem duximus, unusquisque nostrum secretò apud se, ut in illis diebus in Ecclesia Romana mos erat, psalmos, & orationum preces deuotè pro exitu eiusdem Patris nostri Deo dilectissimi Benedicti consummantes.

Cum verò transacta iam hora quasi tertia ipsius sacratissime disi, beatissimus Maurus in Ecclesia confisteret, ut transitum eius, qualicunque eueniret hora orando. & psallendo prænūnare (longè licet positus) satageret: seq; pauimento in orationem decesset; raptus Spiritu, subito se transpositum in loco, de quo egressi fueramus, vidit: conspexitq. viam pallijs stratam, ac innumeris coruscant lampadibus, recta Orientis tramite ab eius cella in cælum usque tendentem. In qua etiam visione duos Congregationis nostræ Fratres, socios habuit, cum quibus simul eandem visionem conspexit. Mox vero, ut beatus ad se reuersus est Maurus, ocyus sanctum Romanum ad nos euocans, cuncta quæ viderat, lucidè nobis per ordinem retulit. Diem illam, & sequentem dominicam, qua specialiter Resurrectionis Dominica celebratur dies, sollennem, & celebrem cum omni gaudio, & latitia peregrimus. Hactenus ex Eusebio, cuius testimonio standum omnino est, cum ipse fuerit oculatus testis eorum, quæ scripsit, & potuit verè dicere, quod scimus loquimur, & quod vidimus testamur. De die igitur obitus sanctissimi Patris Benedicti, nullus restat ambigendi locus. Superest tantum respondere difficultati, quæ mentes quorundam scriptorum torset, atque eos circa tempus transitus beati Benedicti grauitè errare fecit. Difficultas ea est, nam anno Domini quingentesimo quadragésimotertio, iuxta calculum. & rationem temporum, tam Dionysij Abbatis, quàm Victoris Episcopi Capuani, non potuit sacrosanctum festum Paschæ incidere in diem vigesimamsecundam Martij, sed incidisse voluit in diem decimamnonam Aprilis. Quibus breuiter respondemus, tunc temporis non fuisse adhuc receptum cyclum, seu computum à Dionysio Abbate de ordine summi Pontificis correctum & emendatum, & præcipuè in Gallijs, ut constat ex Concilio quarto Aurelianensi, quod fuit celebratum anno Domini quingentesimo quadragésimoquinto, duobus videlicet annis ab obitu sancti Benedicti, in cuius Canone primo, & secundo præcipitur, & ordinatur, ut omnes sequantur Paschalem Cyclum iuxta rationem,

tionem, & computum Victoris Episcopi Capuani. Quinimod Bedalib. 3. Historia Ecclesiastica cap. 25. refert longius post annum sexcentimum, dubitatum adhuc fuisse circa dies Paschae celebrationem, qui à diuersis diuerso tempore celebrabatur, ita ut in eadem domo vir celebraret uno die pascha, mulier altero: unde, & coactum fuit Concilium ad dirimendas contro- uersas huius rei. Maneat ergo fixum Fausti testimonium asse- rentis, beatum patrem Benedictum obisse eo die, quo sacrosan- ctum paschae Sabbathum illucescebat quem sequitur Leo Ostien- sis, & alij ferè omnes. M. assens Cameracensis in Chronicis anno Domini quingentesimo quadragesimotertio, hanc nostram de tempore obitus sancti Benedicti tenet sententiam, & respondens difficultati proposita sic ait. Noueris ergo temporibus illis, quo die pascha celebrandum esset, sapè fuisse dubitatum, quod nouus Dionysij Cyclus, non esset receptus ab omnibus, & Cyclus Vi- clory. quo tunc utebantur, ostenderet diem paschae incidere de- cimonono Aprilis, & maluisse vigesimo secundo Martij celebra- re, & voluisse pro Embolismo, communem annum obseruare. Nullum igitur fundamentum solidum habet proposita difficul- tas, cum temporibus illis nihil certum, & praefixum obseruaretur circa celebrationem Paschatis, nisi tantum, quod die Do- minico celebrandum esset, & post decimam quartam Lunam primi Mensis; cuius Luna exordium, cum in diuersis locis di- uersimodè sumeretur, etiam sanctum paschae Festum diuersis diebus celebrabatur. Eo autem anno, quo vita sanctus est bea- tus Benedictus, celebratam fuisse paschalem sollemnitatem in partibus Galliarum die 22. Martij, testis locupletissimus est Faustus, qui praesens aderat.

Quod verò obitus sancti patris Benedicti inciderit in annum quingentesimum quadragesimum tertium, & non ante, nec post, sic probatur; & primum, quod non ante. Nam, ut docet Car- dinalis Baronius ex Procopio lib. 2. de bello Gothorum, Totila fuit euellus ad solium Regni anno quingentesimo quadragesi- mosecundo. Hic autem Rex uiuente adhuc sancto Benedicto Cassinum venit, ut docet Gregorius supra cap. 14. & 15. Age- bat ergo inter uiuos eo anno sanctissimus Pater. Quod autem non fuerit transgressus annum quingentesimum quadragesi- mum tertium, ex duobus locis colligitur, uno ex Gordiano: al- tero vero ex Fausto desumpto. Gordianus in vita sancti Placi-

tom. 7.
Anno
542.

di afferit beatos Maurum, & Placidum oblatos à parentibus
fuisse beato Benedicto anno Dominicae Incarnationis quingen-
tesimo vigesimo secundo quamvis Cardinalis Baronius, cui &
ego assentior, corrigendum putet esse numerum, & pro vige-
simosecundo, supponendum vigesimum tertium. Faustus verò af-
ferit beatum Maurum adhaesisse sancto Benedicto, atque apud
eum mansisse annos viginti, quousque videlicet ab eodem beato
Patre in Gallias missus est: afferit praterea, beatum Benedictum
eodem anno non multo post discessum sancti Mauri diem clau-
sisse extremum. Modo sic probo intentum. Ab oblatione beati
Mauri usque ad eius discessum in Gallias fluxere anni vigin-
ti, cumq. eodem anno obierit sanctus Benedictus, oportet asse-
rere, nullo modo transgressum fuisse annum quingentesimum,
quadragesimum tertium, sed in hunc incidisse gloriosum eius
transitum. Si enim à prædicta oblatione computes viginti annos
incipiendo ab anno quingentesimo vigesimotertio, annus vige-
simus completur anno quingentesimo quadragesimotertio: si au-
tem inceperis computare ab anno quingentesimo vigesimo secun-
do, tunc usque ad annum quingentesimum quadragesimum ter-
tium, conficies annos viginti completos & praterea vigesimum-
primum inchoatum, quod in idem recidit. Adde his, quod bea-
tus Benedictus, ut supra docuimus ex Fausto, obiit die Sabba-
thi: at verò anno quingentesimo quadragesimosecundo, dies vi-
gesima prima Martij incidit in feriam sextam, anno vero
quingentesimo quadragesimo quarto, incidit in diem
Dominicum; anno vero quingentesimo quadragesi-
motertio, incidit in diem Sabbathi. Et sic con-
sonant uniuersa. Maneat ergo stabile,
& firmum, beatum Patrem Benedi-
ctum obiisse duodecimo Kalen-
das Aprilis, anno quin-
gentesimo quadrage-
simotertio, die
quo san-
ctum
Pascha Sabbathum
illucescebat.


•••••

De

De infana muliere in eius specu sanata.

Cap. XXXVII.

GREGORIUS.



NUPER namq; est res gesta, quam narro. Quædam mulier mente capta, dum sensum funditus perdidisset, per montes, & valles, sylvas, & campos, die noctuq; vagabatur, ibi tantummodo quiescebat, vbi hanc quiescere lassitudo coegisset. Quadam verò die dum vaga nimium erraret, ad beati Benedicti specum deuenit; ibiq; nesciens ingressa mansit. Mane autem facto, ita sanato sensu egressa est, ac si eam nunquam infania capitis vlla tenuisset: quæ omni vitæ suæ tempore in eadem, quam accepit salute, permanfit.

PETRUS.

Quidnam esse dicimus, quod plerumque in ipsis quoque patrocinijs martyrum, sic esse sentimus, vt non tanta per corpora sua, quanta beneficia per reliquias ostendant, atque illic maiora signa faciunt, vbi minimè per semetiplos iacent?

GREGORIUS.

Vbi in suis corporibus sancti Martyres iacent, dubium (Petre) non est, quod multa valeant signa demonstrare, sicut & faciunt, & pura mente quærentibus innumera miracula ostendunt. Sed quia ab infirmis potest mentibus dubitari, vtrum ne ad exaudiendum ibi præsentis sint, vbi constat, quia in suis corporibus non sint, ibi necesse est eos maiora signa ostendere, vbi de eorum præsentia potest mens infirma dubitare. Quorum vero mens in Deo fixa, tanto maius habet fidei meritum, quando illic eos nouit, & non iacere corpore, & tamen non deesse ab exauditione. Vnde ipsa quoque veritas, vt fidem discipulis augeret, dixit. Si ego non abiero, Paraclytus non veniet ad vos. Cum enim constet, quia Paraclytus (spiritus à Patre semper procedat, & Filio, cur se filius recessurum dicit, vt ille veniat, qui à Filio nunquam recedit? Sed quia discipuli in carne Dominum cernentes, corporeis hunc oculis semper videre sitiebant, rectè eis dicitur. Nisi ego abiero, Pa-

Io. 16.

E 3 racy-

radlytus non veniet. Ac si apertè diceretur. Si corpus non subtraho, quis sit Amor spiritus non ostendo. Et nisi me desideritis carnaliter cernere, nunquam me discetis spiritualiter amare.

P E T R V S.

Placet, quod dicis.

G R E G O R I V S.

Aliquantulum iam à loquutione cessandum est, ut si ad aliorum miracula enarranda tendimus, loquendi vires interim per silentium reparemus.

A D N O T A T I O,

cum peroratione.

Aymoinus Monachus sancti Germani Pratenfis apud Parisios lib. 2. de gestis Francorum cap. 22. agens de beato patre Benedicto, inter alia hæc ait. In cuius autem (ut pace omnium Sanctorum loquar) non dicam Martyris, verum & Apostoli transitu, tam innumeris diuini fulgoris splendens apparuit via luminaribus, vestibusq. ornata nuptialibus? Nihil porro mirandum, hunc diuinæ Laterem legis, hæc in assumptione spiritus promeruisse gloriam, qui corruptibilis adhuc circumamictus tegmine carnis, tantis effulsit miraculorum signis, ut nisi vir toto venerabilis orbe, Papa videlicet Gregorius, cuius esset vita relator, simulq. assertor eximius, profecto ab Infidelibus tam mirandis derogaretur actibus. Verum, ut prateream, quod adhuc puerulus eremum petijt intrepidus, illud certè non omittendum, quod post multiplicia charismatum dona ab omnipotente sibi concessa, tribus admirandis, nec seculo antea cognitis, resplenduit miraculis. In eo namq. quod solo intuitu ligati soluit vincula rustici: quodq. sub momento quasi sub uno solis radio vniversus ante conspectum eius collectus est mundus: siue quod strata pallijs, ac innumeris corusca lampadibus via, ad polorum subuectus est alta, neminem illi puto conferendum Sanctorum. Magna porro nobis, si dissimulare volumus, indicta probitatis est necessitas, quibus donatum est tantum, ac talem habere patronum: ut ab illius nunquam propof-

se,

se, magisterio discedentes, quæ audiuius ab illo, & mentis oculis vidimus in illo, scētemur. Aderit pro certo nobis, utq. quendam corporales rustici nexus sic nostrorum soluet vincula peccaminum: animasq. nostras ipsius sequentes vestigia, cum magno diuini luminis splendore in æterna deducet habitacula. Hactenus Aymoinus.

Ecce proposita est nobis, Patres Venerandi, vita & conuersatio sanctissimi Patriarchæ, & institutoris nostri Benedicti: ut de ipsa, seu de quodam purissimo, ac limpidissimo fonte bibamus: ex ipsa hauriamus aquas omnis virtutis, & honestatis: aquas inquam salutare, sancta videlicet exempla viuendi: in ipsa enim tanquam in optimo exemplari, quid corrigere, quid vitare, quid denique amplecti, ac tenere debeamus expressum, inueniemus. Precessit nos Pastor, & Dux noster, fecit, quod nos facere voluit: impleuit munus suum, dum quæ docuit verbis, operibus præstitit: impleamus & nos seruitutis nostræ pensum, sequamur præeuntem. Monachi sumus, & ex vi status ac professionis nostræ, tenemur sub æternæ damnationis reatu, tendere ad perfectionem: Hoc unum est nobis necessarium, hoc est certamen, & brauium nobis propositum, ad quod toto adnusu, & conatu currere debemus, si cupimus illud comprehendere. Curramus igitur, & sine pigritia, & intermissione curramus, ut tandem peruenire valeamus. Viam nos docuit legifer noster, viam tutam, ac securam: via est regula eius, via est vita eius: seruiamus illam, imitemur istam. Sequamur ducentem nostrum: studeamus amare, quod amauit, & opere exercere, quod docuit. Neque enim possumus de Patre, & Pastore nostro cōqueri, quasi voluerit onera graua, & importabilia super humeros nostros imponere, quæ ipse digito suo mouere noluerit. Non ita est, sed nobis iugum suauē, & onus leue regulæ imposuit, sibi vero duriora, arctiora, & grauiora semper imperauit. Admoneamus ergo manum operi, cum Dei adiutorio, nemo se excuset: infirmus dicat, quia fortis ego sum, & potens. Tot miriades sanctorum Monachorum nos præcedunt, & adhuc cunctamur? Tot Imperatores, Reges, & Principes: tot Reginae, tot nobiles, & delicatae scemina viam hanc intrepidè cucurrerunt, & nos trepidabimus?

Arripimus iter sanctæ conuersationis, misimus manum ad aratrum, respicere retro non licet. Memores simus uxoris Lot.

E 4 Iota

tota unum, aut apicem unum non prætereamus ex his, quæ sanctissimus noster Legislatoꝝ nobis seruanda præscripsit, ne paulatim ad maiora omittenda dilabamur, & pereamus. Audiamus sanctum Anselmum nostri ordinis alumnũ de his nos serio cõmonentem, in epist. 6. ad Monachos scripta. Certissimum, inquit, est, quod in multis Ecclesijs experimento didicimus: quia in Monasterio, ubi minima districtè custodiuntur: ubi rigor Monachorum inuiolabilis permanet: ibi pax inter Fratres, & in capitulo proclamationes conquiescunt. Vbi vero minimi excessus negliguntur, ibi totus ordo paulatim dissipatur, & destruitur. Si ergo de virtute in virtutem vultis ascendere: semper timete in singulis minimis Deum offendere. Hæc Diuus Anselmus. Et ne vpicus, ac singularis huius sententiæ assertor esse videatur, adiungamus illi beatum Antoninum 2. par. histor. tit. 15. cap. ult. §. 2. ubi postquam de multis religionibus egit, sic scribit. Præfatæ religiones, quæ cum magno seruire, & vitæ sanctimoniam initium habuerunt, minima negligentes traditionum paternarum in processu temporis, paulatim defluerunt, & exinanitæ sunt usque ad fundamenta, vota scilicet substantialia. sic ille. Ne ergo tale quid nobis contingat, sectemur toto corde, tota anima, & tota virtute Patris, & institutoris nostri vestigia: viriliter, ac strenuè certemus in hac sacra religionis palestra, in qua descripti sumus; ut aduersarijs colluctatoribus elisis, atque prostratis, cum eodem sanctissimo Patre nostro, alijsq. ipsius sectatoribus, immarcescibilem æternæ gloriæ coronam adipisci mereamur. Amen.

Explicit secundus liber Dialogorum B. Gregorij
Papæ de vita, & miraculis sanctissimi
Patris Benedicti.



P R AE.

PRÆFATIVNCVLA
IN VITAS SANCTORVM
PLACIDI, ET MAVRI.

INTER discipulos, quos gloriosus Pater Benedictus suo Magisterio sanctimoniam insignes instituit, duo potissimum emicuerunt, Placidus martyrij gloria excellens, & Maurus sanctitate, miraculis, ac monastica vite propagatione illustris. Hi cum fuerint Beati Patris Benedicti coadiutores, & cooperatores eximij, tam in structura materiali, quam in adificatione spirituali Cassinensis Monasterij: congruum visum est, post descriptam Beati Benedicti vitam, istorum etiam laudabilem vite cursum, breuiter, ac succincte narrare, quatenus legentes primordia conuersionis eorum apud Beatum Gregorium lib. 2. Dialog. cap. 3. noscant etiam eorundem gloriosam consummationem.

Epithomæ vitæ S. Placidi martyris
discipuli Beati Patris Benedicti.

PLACIDVS Tertulli patricij Romani filius, puer adhuc septennis à Patre, omnipotenti Domino nutriendus, Beatissimo Benedicto traditus est: quem sanctus Pater ea nocte secum solum duxit, qua in Rupis vertice fontem sua oratione à Domino impetrauit. Hic puer adhuc ad hauriendam de lacu aquam egressus, vas incaute in aqua submittens, ipsum cadentem.

cadendo sequutus est. Quod in spiritu Beatus Pater Benedictus prospiciens, Mauro imperauit, vt festinus Placidum vnda, qua longius iam trahebatur, eximeret: quod, super vndas currens longo lacus tractu, Maurus effecit.

Cum autem Placidus annum vigesimumsecundum ageret in maxima morum sanctitate, Nuncij ad Beatum Benedictum à Sicilia peruenerunt, qui dicerent, prædæ illa, quæ à Tertullo in vñbus seruorum Dei oblata fuerant Beato Patri, inculta & penè deserta villicorum negligentia iacere. Beatus ergo Pater Placidum eò misit, vt nouo militum Christi nomine eam Insulam illustraret. Quò dum pergeret, multos in itinere varijs morbis afflictos, mirabiliter curauit. Messanam igitur cum appulisset, benignissimè à Messalino, & alijs Tertulli Amicis exceptus, de condendo extra Ciuitatem Cœnobio iuxta Mare, cum illis agit: quo intra annos quatuor constructo, sancti Ioannis Baptistæ nomine consecratum est. Vbi plures Monachi sub Placidi Magisterio, & sancti Benedicti Regula congregati, magnam de se, ne dum vicinis, verum & longè distantibus populis, opinionem sanctitatis præbebant: Placido ipso multis miraculis coruscante. Quorum fama, cum Romam quoque repleset, Euthitius, Victorinus, & Flauia virgo Placidi fratres, ab Vrbe in Siciliam ad Fratrem visendum nauigarunt.

Eo tempore Barbarorum ingens Classis, Mamuca Duce, Siciliam prædabunda inuasit: qui cum Messanam obsiderent, Placidi Cœnobium effringentes, quibusdam interfectis, Placidum, Euthitium, Victorinum, & Flauiam virginem, cum alijs triginta Monachis viñctos, ac plurimis cruciatibus, vt Christum abnegarent, tortos, in Christi confessione vnanimiter perseverantes, tandem iugulant. Eorum corpora post dies aliquot, Gordianus Monachus, qui fuga Barbarorum manus euaserat, intacta à canibus, & volatilibus, quibus projecta fuerant, inueniens, sepultura tradidit. Passus est autem Placidus anno ætatis suæ vigesimosexto, Domini vero quingentesimo quadragesimosecundo, supersilite adhuc Beato Patre Benedicto: qui accepto Nuncio de felici morte, & passione dilectissimi sui discipuli, vltra modum spiritali læticia congaudens, congregatis Monasterij sui Monachis, talem ad eos habuit orationem.

Sicut

Sicut Patris est gaudere in suorum profectibus filiorum, ita & filiorum est augmentum Patris lucra sua reputare. Quapropter noneritis, dilectissimum filium meum Placidum martyrij trabea adornatum migrasse ad Dominum. Iam enim meis interioribus oculis eius immaculatam hostiam, & Deo benè placentem deduxi in alta cœlorum. Hanc nempe, tempore quo illam à Patre suo suscepi, noueram esse mortalem: nunc non est, quod conquerar, sed habeo in quo Deo gratias agam, quia semper optavi, ut de fructu cordis mei omnipotenti Deo sacrificium offerretur. Nihil enim hoc sacrificio habui pretiosius, nihil amabilius, nihil charius. Elegit namq; Placidus pro Christo momentaneam mortem, & peruenit ad eum in cœlesti solio ad dexterâ Patris regnantem. Ob id enim Christus pro omnibus mortuus est, ut nos non nobis, sed Christo viueremus. Grates autem omnium Redemptori refero, quia ingratus esse non possum. Congaudendum enim mihi est, quod talem discipulum habuerim, non dolendum, quod amiserim: nam illud munus fuit, hoc debitum est. Functus sum famulatu discipuli mei, quamdiu Deus voluit, & post, quod dedit recepit. Quod naturæ communis fuit Placidus pro Christo posuit, & quod singularis est gratiæ meruit. Cur autem, ego doleam Placidum filium meum mihi ereptum, cum ob salutem nostram Deus filio suo non parcens, pro nobis omnibus tradidit illum? quis vnquam exceptus est à conditione moriendi, qui non est exceptus à conditione nascendi? Non ergo Placidum desceam filium, quem scio transisse de morte ad vitam. In illius namq; morte gaudendum est, non dolendum, quia illam pro veritate, & æterni Regis fide gustauit. Nam cur ego te Placide fili charissime desceam, qui mihi sic ereptus es, ut omnium esses? Non enim perdidisti vsum naturæ tuæ, sed in melius commutasti: ante corpore separabilis à Deo existens, nunc indiuiduus cum Deo permanes. Felicia verba, que in te expendi, felices labores, quos in te sustinui. Dum viueres mecum, non te Tertulli Parricij Patris tui amor à me diuellere potuit, nec ipse mihi vnquam Patrem prætulisti, quousque ad æternam vitam migrasti.

Hæc, & his similia Patre Benedicto proloquente, de consilio totius Congregationis Cassinensis, quosdam ex discipulis suis ad Siciliam direxit, præcipiens illos citius properare

ad

ad prædictam Insulam ad Monasterium Beati martyris Placidi restaurandum, atque Monasticum ordinem propagandum. Qui præceptis eius obsecundantes, breui tempore in Siciliam, Deo duce, peruenerunt, atque restorationi præfati Monasterij operam dare ceperunt, ac tandem ad optatum finem perduxerunt. Hæc ex Gordiano, qui horum martyrum passionem descripsit, desumpta sunt.

Post annos vero plus mille, anno videlicet millesimo quingentesimo octogesimo octauo, pridie nonas Augusti, Præsidente in sede Petri Sixto Quinto Pontifice Maximo, corpora horum sanctorum martyrum inuenta fuere in Ecclesia Sancti Ioannis Baptistæ extra, & prope muros Ciuitatis Messanæ. Extat ea de re diploma præfati Pontificis. Datum

Romæ idibus Nouembris, Pontificatus ipsius Anno quarto. Libellum etiam edidit de inuen-

tione, & eleuatione horum sanctorum

martyrum Petrus Villa de Canibus

nobilis Messanensis: quem

poterit consulere, qui

ampliolem huius rei

optat cogni-


tionem.

∴



VITA

V I T A
S. MAVRI ABBATIS
DISCIPVLI BEATI BENEDICTI
in compendium redacta.



MAVRVS, Patre Euthitio (sive Aequitio) Romano Senatore, & religiosa Matre Iulia ortus, duodennis Beato Benedicto, sanctis moribus educandus, oblatus est. Qui cum bonis polleret moribus, ut sanctus Gregorius ait, Magistri adiutor coepit existere. Tantæ præterea sanctitatis adolescens adhuc fuit, ut Dæmonem, cuius astu vagus quidam Monachus ab oratione pellebatur, cum Patre Benedicto sub nigri forma puelluli viderit, quem tamen alij videre minime potuerunt. Placidum etiam puerum ab vnda raptum, Benedicti Patris iussu, super aquas currens, ne mergeretur, eripuit. Continentiæ vero, & austeritatis tantæ fuit, ut in quadragesima bis tantum in hebdomada paucissimum sumeret cibum. Somnus illi stanti, vel cum nimia cum lassitudo compulisset, sedenti super aggestum calcis, & sabuli, strato cilicio, capiebatur. Litterarum diuinarum lectioni, assiduusq; lacrymis, & orationibus adeo deditus, ut vel ipsi sanctissimo Benedicto admirationi esset. Quapropter Mauri virtutes, suppresso illius nomine, apud suos Monachos frequenter laudans, Maurum illis imitandum proponebat. Miraculorum quoque signis, iuuenis admodum clarescere cepit, claudo eidemq; muto sanitate restituta.


Interea ex Gallia ad Beatum Benedictum (cuius sanctitatis fama totum orbem repleuerat) legati à Bertigranno Cenomannorum Episcopo veniunt: qui oblati Episcopi sui nomine,

mine, litteris, ac muneribus, efflagitant, ut è suis Monachis probata vita viros mitteret, qui Galliam sanctitatis exemplo illustrarent. Cui muneri obeundo, beatus Pater Maurum elegit, additis comitibus Fausto, Simplicio, Antonio, & Constantiniano, viris omni virtute, & sanctitate præditis: quibus Regulam manu sua descriptam, & panis pondus, viniq; mensuram tradidit.

Ad Maurum vero iam iter agentem, Epistolam qua obitus sui indicabat diem, necnon capsulam cum quibusdam sanctorum reliquijs, beatus Pater transmisit. Superatis deinde Alpibus, sanctorum martyrum Mauritij, & sociorum corpora, dum visitat Maurus, & cæco cuidam lumen restituit, & moribundum adolescentem incolumitati, reddidit. Ex itinere cum aliquantum diuertisset, beatum Romanum, qui sanctum Benedictum in specu latentem aluerat, inuisit: ubi semita illa splendens, & ornata, qua sanctus Benedictus cælum petiuit, sibi ostensa est.

Aurelianis tandem cum peruenissent, Bertigrannum Episcopum ad Dominum migrasse comperiunt: vnde in Andegauensem agrum diuertunt, ubi ingentia prædia possidebat Florus ex prima nobilitate, Regiq; Theodeberto charissimus. Qui cænobium in proprio prædio construxit, Mauriq; sanctitate illectus, in eodem Monachus effectus est. Nomen Cænobio (à loco, ubi situm est) Glanofolium, quod Regum Gallorum liberalitate, & Beati Mauri miraculis, ac sanctitate, mirabiliter auctum, ac locupletatum est: indeq; Religio Monastica per vniuersam Galliam disseminata. Maurus igitur annum agens septuagesimum tertium, laterali morbo correptus, grauius agrotare cepit. Qui cum vocatos ad se Monachos saluberrimis admonitionibus instruxisset, sacramentis Ecclesiæ deuotissime susceptis, spiritum Deo reddidit, decimo octauo Kalendas Februarij, anno Domini quingentesimo octogesimo quarto: ab obitu vero sanctissimi Patris Benedicti quadragesimo primo. Hæc ex Fausto Monacho B. Mauri comite indiuiduo, qui vitam eius fusè descripsit, à nobis summatim collecta sunt.

D E
LEONE OSTIENSI
 CHRONICI CASSINENSIS
 A V T H O R E.




LEO Monachus Cassinas, natione Marficanus, decimoquarto ætatis suæ anno vix completo, Cassinum venit, atque à Desiderio Abbate benignè susceptus, instructus, atque nutritus fuit, ut ipse testatur in Prologo lib. 3. huius Chronici. Annum probationis, siue (ut vulgo dicitur) Nouitiatus, exegit sub disciplina, & magisterio Aldemarij religiosissimi Monachi: de quo idem Leo cap. 26. eiusdem libri, agens de Monachis huius Monasterij ab Alexandro II. ad diuersas Ecclesiasticas dignitates assumptis, hæc scribit. Aldemarium quoque fœlicis memoriæ, Capuanæ Ciuitatis prudentissimum, ac nobilem Clericum, & Richardi Principis olim Notarium, qui meus in conuersione magister extiterat, quiq. in Abbatem prius in Sardiniam missus dudum fuerat ordinatus: postquã reuersus ad Monasterium est, in Ecclesia S. Laurentij, quæ appellatur foris muros, Cardinalem simul, & Abbatem sacrauit. Leo noster ab Urbano II. Cardinalis, & Episcopus Ostiensis creatus fuit. Quo tandem anno obierit, adhuc reperire nequini. Constat ex lib. 4. Chronici Cassinensis cap. 38. ipsum usque ad annum millesimum centesimum undecimum, quo Paschalis II. ab Henrico IV. Imperatore dolo captus est peruenisse. Sic enim ait Petrus Diaconus, ubi supra. Ioannes interea Tusculanensis Episcopus, & Leo Ostiensis Papam in vinculis tentum, ut perspexere, habitu plebeio induti, in Urbem se receperunt. Quinimmò attigisse annum mille.

millesimum centesimum duodecimum, constat ex his, quæ
 Cardinalis Baronius tom. 12 hoc eodẽ anno scribit. Sed quæ
 insuper ad hunc annum spectant, memoriæ de rebus gestis
 sub Paschali, hæc habentur in titulo S. Laurentij in Lucina.
 Tempore Domini Paschalis II. Papæ, anno eius XIII. Do-
 mini vero millesimo centesimo duodecimo, indictione quinta,
 decimosexto Kalendas Februarij, per manus eiusdem Pon-
 tificis, craticula, super quam proculdubio B. Laurentius emi-
 sit spiritum, de quodam altari veteri educta est, cum duabus
 ampullis vitreis medijs sanguine eiusdem martyris: quæ cū
 nonnullis diebus videretur à Romano Populo, coram eius
 multitudine, per manus Leonis Ostiensis Episcopi, sub hoc no-
 uo altari nono Kalendas Februarij recondita est. Ex sede
 verò marmorea S. Laurentij in Lucina retro altare prima-
 rium, ac rursum in tabula marmorea eiusdem Ecclesiæ (quæ
 item ad præsentem annum spectant) hæc habentur. Anno
 Domini millesimo centesimo duodecimo, indictione quinta in
 Kalendis Februarij, dedicatum est hoc altare per manus Leo-
 nis Ostiensis Episcopi. Ex quibus constat, Leonem nostrum
 attigisse annum millesimum centesimum duodecimum: quam-
 diu vero postea supervixerit incertum est. Scripsit adhuc
 Monachus præsens Chronicon, iubente Odoriso Cassinensi
 Abbate, ut idem Leo testatur in Epistola dedicatoria: illudq.
 in tres libros digessit, quibus Petrus Diaconus quartum li-
 brum adiunxit. Cardinalis Baronius tom. 11. Anno mille-
 simo quinquagesimonono, vocat Leonem nostrum, scriptorem
 sui temporis integerrimum. Et anno millesimo septuagesimo
 septimo, eundem appellat synceræ fidei Scriptorem. Huius
 Chronicon tibi proponimus, optimè Lector, aliquibus Adno-
 tationibus auctum, & locupletatum. Fruere igitur scriptis
 integerrimi, & synceræ fidei scriptoris. Vale.

P R O.

PROLOGVS LEONIS
OSTIENSIS EPISCOPI
in Chronicon Cassinense.



DOMINO, & Patri sanctissimo venerabilis Cœnobij Cassinensis Abbati Oderisio, Frater Leo, cognomine Marsicanus, debitæ obedientiæ famulatum. Iniunxerat mihi iam dudum vestra Beatitudo, Pater venerandissime, vt gloriosi prædecessoris tui sanctæ memoriæ Abbatis Desiderij, singularis plane, & vnici hoc tempore sui ordinis viri, magnifica gesta ad posterorum memoriam, scribendi operam darem; nimis videlicet indignum iudicans, loci huius veterum te desidiâ imitari, qui de tot Abbatum gestis, seu temporibus, nihil ferè litteris tradere studuerunt; & si quæ forte super hoc aliqui descripserunt, inepto prorsus, & rusticano stylo digesta, fastidium potius, quam scientiam aliquam legentibus conferunt. Quod tua Paternitas, ne Desiderio nostro contingat solertissime prouidens, huic me operi placuit destinare, imponendo mihi sarcinam meis profectò viribus imparem, ita vt ipsa tantum sui consideratione succumbens, iam ferè per annum id attentare timerim. Nuper itaq. cum à Capua redeuntem te pro meo comitarer officio, inter ambulandum reminiscens tuæ ipsius egregiæ iussione, percunctatus es, vtrem desiderium tuum super scribendis Desiderij gestis explesem; Ego, vero subita hac sciscitatione conuentus, id quod in re erat respondere coactus sum. Nihil om-

F

nino

ninò me inde fecisse, moxq. aliquantulum resumpta constantia; & quando (inquam) huic tuo parere imperio potui? quando toto ferè hoc anno, cum in seruitio Domni Apostolici ex iussione tua, tum quoque in tui- met ipsius diuersis negotijs occupatus, vix per octo dies continuos in Monasterio constitui? Cùm videlicet, opus istud non paruo indigeat otio: neque occupati alicuius tantam materiam aggredi; sed potius curis omnibus expediti. Hac igitur patienter ratione suscepta, & negligentia me modesta admodum inuectione coarguens, & nunc (inquis) otium, quod desideras arripe, & inscribendo Desiderio ne velis amplius moras innectere; Imò etiam volo, atque præcipio. Quandoquidem vsque ad hunc diem res ipsa procrastinata est, vt ab ipso Patre Benedicto eiusdem tuæ inscriptionis initium sumens, vniuersorum vsque ad eundem Desiderium, nostri loci Abbatum series, tempora, seu gesta vndecunq; studiosissimus indagator exquiras. Et quæ, vel à quibus, seu qualiter sub singulis Abbatibus possessiones, seu Ecclesias, quas possidere videmur, nostro Monasterio accesserint. Imperatorum, ac Ducum, Principumq. præcepta, nec non aliorum, quorumcunque fidelium munimina scrupulosè disquirens, instar Chronici historiam non parum nobis, nobisq. succedentibus utilem condas. Super hæc præterea tam destructionem, quàm & restorationem Monasterij huius, bis diuersis temporibus factam, nec non, & si quæ interim occurrunt de operibus, seu gestis clarorum virorum, harum dumtaxat partium, digna memoria, suis in locis, vel breuiter annectere non graueris. Cuius ego imperij pòdus postquam coepi sollicitus in memet considerare, coeperunt mihi hinc inde plurima cogitationum spineta succrescere, & vnde, vel quomodo id perficere nauiter possem,

sem, pro paupertate sensus mei non facile peruidens, an recusare, an suscipere tantum opus, vtrum eligerem, ignorabam. Siquidem in suscipiendo temeritas, inobedientia me in recusando pungebat. Adhæc memineram, præfatum Dominum meū Desiderium hoc ipsum opus olim Alfano Archiepiscopo Salernitano, viro nostrorū temporum sapientissimo, iniunxisse; sed eum laboriosam valde materiam peruidentem, periculo se huiusmodi subduxisse: Quod si ille, qui & scientia, & eloquentia incomparabiliter tunc pollebat, huic se oneri cauit submittere, quid mihi esset agendum, cui nec scientia aliqua, & eloquentia nulla prorsus inesset? Angebat iterū conscientiam meam, cur opus istud non alicui alij confiatrum nostrorum, qui longe vtrique me scientiores, ac dictandi vsu peritiores existerent, à te committeretur. Quos videlicet, vel ex diuersis partibus orbis eiusdem sancti prædecessoris tui diligentia in hunc locum aggregauerat, vel in hoc eodem Coenobio doceri studiosissime fecerat. His, & huiusmodi cogitationibus fluctuans æstuabam, quoniam, & res hæc altior erat, quam vt à me posset attingi, & obtrusior certè, quam vt valeret à me perscrutari; verū quoniam pro deuotione, quam ab olim erga tuam Paternitatem singularem gerebam, nil vnquam tibi refutare iam dudum decreueram: stabiliui tandem animum, & qui sola prius Desiderij gesta pusillanimis attentare timueram, vniuersorum postmodum prædecessorum eius, confidens de adiutorio Dei, & ita mihi prorsus iudicans expedire, quoquo modo scribenda suscepi. Mox itaque repertis illis scriptiunculis, quæ de hac eadem materia, lacinioso licet stylo, videbantur, vel breuiter exarata, & præcipuè Chronicon Ioannis Abbatis, qui primus in Capua noua Monasterium nostrum construxit: adhibitis

F 2 n̄hi:

nihilominus libris huic operi necessarijs . Historiam videlicet Longobardorum, Chronicon quoque Romanorum Imperatorum ; atque Pontificum . Necnon & diligenter indagatis priuilegijs, atque præceptis, necnon & concessionibus diuersorumq. nominum scriptis, tam scilicet Pontificum Romanorum, quam diuersorum Imperatorum, Regum, Principum, Ducum, seu Comitum, cæterorumq. virorum Illustrum, ac fidelium, quæ dumtaxat nobis ex duobus Cœnobij huius incendijs residua esse videntur; quamuis nec ad eadem ipsa omnia potuerim peruenire . Postremo , & scrupulose interrogatis ijs , quos modernorum temporum , seu Abbatum gesta, vel audire in proximo contigerat, vel videre , prout tenuitas ingenioli mei suppetit, peragere , quod præcepisti aggressus (auxiliante Domino) sum; magis certe de obedientia , quam tibi , vt Patri , ac Domino debeo, quam de aliqua præsumēs scientia. Adsit Deus, & gratia Spiritus eius, vt tam efficaciter id possim implere , quam tu mihi es diligenter dignatus iniungere : quatenus opusculum istud, & tibi gratissimum, & multis valeat esse proficuum. Hæc tantisper ne fortasse ea, nescientibus temeritatis arguerer, mihi prospiciens, in præfatiuncula necesse habui prænotare , vt etsi me accuset incertitia, auctoritas tamen præceptoris excuset.

In tres porro decisiones , quasi pro legentium lenamine, statui libellum istum diuidere . Quoniam tribus præcipuè Cœnobij huius Abbatibus concessum est post Beatum Benedictum in huius loci restauratione , supra cæteros studuisse , atque ideo forsitan diuinitus illis præstitum est amplius reliquis in hac Prælatione vixisse , & beato quidem Patre cum quatuor subsequenti-
bus quasi in præfatione præmisso, à Petronace, qui post
centum quadraginta annos à Longobardorum destru-
ctione

Aione locum hunc restaurare cœpit, primæ fortis ini-
 tium faciam, qua vsque ad secundam destructionem,
 quæ à Saracenis sub Berthario facta est, ordine suo pro-
 ducta, eiq; insuper illis adiunctis, quæ per annos sep-
 tem, & sexaginta destituto hoc loco, à septem Abbati-
 bus apud Teanum, & Capuam commorantibus gesta
 sunt. Secunda pars ab Aligerno mihi incipiet, qui non
 tantum in huius Monasterij restauratione, verùm etiam
 in reconciliatione totius huius Terræ, quæ Saraceno-
 rum infestatione destituta cultoribus fuerat, studiosissi-
 me studuit, & hac quoad Desiderium vsque nostrum
 particula protelata, & gestis illorum, qui ipsius tempo-
 ris spatium huic Monasterio præfuerunt, consequenter
 annexis, ipse Desiderius initium erit, & terminus to-
 tius tertix partis. Qui nec Petronace, nec Aligerno in-
 ferior; imò longe (meo iudicio) potior, magnificum,
 ac speciosissimum ex integro Monasterium nouum, at-
 que pretiosissimum, ac si alter Salomon; nostris tempo-
 ribus construxit Domino templum; iam verò si iuuat
 tribus his portionibus addere quartam, à vobis (auxi-
 liante Domino) illius erit princi-
 pium. Hoc vnum
 præterea, simul cum paternitate vestra, Lectorem
 meum expostulem, vt non distantis imperitiam; sed
 materiam dignetur attendere vtilissimam. Sicut enim
 non peritus artifex, si de purissimo auro, gemmisq; pre-
 tiosis Imperiale diadema confecerit, licet opus ipsum
 non rectè formatum videatur ob imperitiam artificis,
 non tamen non charum esse potest, tam propter pretio-
 sam materiam, quam etiam propter ipsius vocabuli di-
 gnitatem: sic, & opusculum istud, quamuis omninò
 despicabile propter itili inertiam possit videri, propter
 vtilia tamen multa, quæ continet, ingratum alicui ha-
 beri non debet; licet enim minus eleganter, simplici-


ter tamen , atque veraciter , quantum ad me, ea, quæ
dicenda sunt, pro meæ scientiæ modulo exequar , quæ
neque doctis (si inuidia desit) ingrata, nec minus do-
ctis possint ad intelligendum videri profunda . Confi-
do autem , quod etsi fortè non omnibus , pluribus ta-
men hæc nostra sit Historiuncula placitura . Quo-
niam tempore hoc nostro, licet difficulter in-
uenias aliquem, qui velit huiusmodi
aliquid scribere; multos tamen
est reperire , qui huiusmodi
narrationes, vel audi-
re delectentur,
vel lege-
re.




LIBER PRIMVS

HISTORIÆ CASSINENSIS

C O E N O B I I .



CAPVT PRIMVM.



GREGIVS, & sanctissimus Pater, huiusq, Cassinensis Cœnobij primus Fundator, gratia, & nomine Benedictus (sicut Beatus Papa Gregorius in secundo Dialogorum libro pleniter scribit) Nursia Prouincia oriundus fuit, Romæ vero ad erudiendum liberalibus studijs à parentibus traditus, non multo post (vt præfati Doctoris sermonibus vtar) recessit scienter nescius, & sapienter indoctus. Relictis itaque litterarum studijs, pariterq; Nutrice, clam fugiens, ad locum, qui Sublacus dicitur (quadraginta ferme ab Vrbe millibus disparatum) deuenit. Vbi in speleo quodam per triennium (excepto Beato Romano, qui sanctæ illum conuersationis habitum induerat) nulli cognitus mansit. Posthæc à pastoribus repertus, & demum à plurimis agnitus, à Romanæ quoque Urbis nobilibus frequentatus, duodennem ab Aequitio Maurum, à Tertullo vero Patrio Placidum adhuc puerulum, monastica doctrina instituendos accepit. Vbi etiam duodecim Monasteria Christi auxilio construens, per singula quoque eadem duodecim Monachos, substitutis Patribus deputauit, inde persecutione Presbyteri Florentij loco cedens, paucos secum Fratres assumpsit, atque duobus se Angelis comitantibus, & tribus coruis, quos solitus erat alere, consequentibus, per quinquaginta circiter millia, ad hunc locum, Christo iubente, peruenit. Cuius videlicet sedis, Varronem illum

F 4 tot

tot sæculis celebratum, & omnium Romanorum (Tullio teste) sapientissimum, auctorem fuisse refert antiquitas, ubi contrito (quod ibidem à rusticis colebatur) Apollinis Idolo, subuersa Ara, lupoq, succenso, Monasterium sibi construxit, & circumquaque manentes populos, continuis prædicationibus ad Christi fidem conuertit. Vbi etiam quantis, qualibusq; refulsit miraculis, quoniam non huius est operis; si quis eorum desiderat habere notitiam, in præfato Beati Gregorij libro, facundè scripta reperiet. Inter quæ cum die quadam diuinitus sibi revelatum fuisset, idem Monasterium, quod ipse construxerat, à gentibus destruendū, atque propterea inconsolabiliter fletet, Cœlesti protinus Oraculo consolatus, audiuit, eundem locum, suis nihilominus meritis, in potiore, & ampliorem, quam tunc statum fore venturum, & in multas exinde Orbis Romani partes, regularis normæ, ac disciplinæ ordinem profecturum. Ipso itaq; anno, quo de hac vita migraturus erat ad Christum, rogatus in Galliam ad Monasterium construendum, suos mittere Monachos (quamuis finem dierum suorum non ignoraret) nihil moratus Beatum Maurum illuc cum eisdem Legatis direxit. Cum quo etiam Beatum Faustum, qui eius postmodum historiam pleniter scripsit, & tres alios mittere studuit. Hinc factum est, ut per hunc virum Dei sanctissimum Maurum, eiusq; discipulos omnis ordo, & regularis disciplinæ norma, quæ per Beatissimum Patrem Benedictum in hoc loco fuerat instituta, per totam Galliam disseminata, atque diffusa sit. Beatum etiam Placidum discipulum suum vir Domini Benedictus ad Siciliam misit, ubi Pater eiusdem Placidi Tertullus patritius, decem, & octo patrimonij sui Curtes eidem Beato Benedicto concesserat. Posthæc idem sanctus vir, expleto sui temporis cursu laudabili, ea die, qua sacrosancti paschæ Sabbatum illucebat, duodecimo videlicet Kalendas Aprilis, in Oratorio sancti Ioannis Baptiste à discipulis se ferri præcipiens, inter ipsorum manus, orans, migravit ad Dominum. Anno eiusdem Incarnationis quingentesimo quadragessimotertio, indictione sexta. Sepultusq; est in eodem Oratorio ante ipsum altare, quod idem (Apollinis ara destructa) construxerat:

Supra in
vita sancti
Mauri.

Supra in,
vita sancti
Placidi.

Obitus S.
Benedicti.

Anno, 43.

struxerat : ubi iam antea Beatam Scholasticam sororem suam posuerat. Claruit autem temporibus Imperatorum Iustini Senioris, & Iustiniani, Romanorum verò Pontificum Ioannis Primi, & Quarti Fœlicis, quem sanctus Papa Gregorius Atauum suum fuisse testatur. Theodorico apud Italiam Ariano regnante.

A D N O T A T I O.

BEatus Gregorius libro secundo Dialogorum in principio instituens vitam sancti Benedicti describere, ait. Huius ergo omnia gesta non didici, sed pauca, qua narro, quatuor discipulis illius referentibus agnoui. Et capite trigesimo sexto Libet (inquit) Petre adhuc de hoc venerabili Patre multa narrare, sed quadam eius studiose pratero. Ex quibus constat Beatum Gregorium, nec omnia gesta sancti Benedicti sciuisse, nec uniuersa, qua sciuit litteris mandasse. Inter ea vero, qua vel nesciuit, vel non scripsit, vnum est id quod de duobus Angelis, ac tribus coruis eum, dum Cassinum pergeret, comitantibus, hic narrat Leo. Scripsit de his Petrus Damiani Cardinalis sermone in vigilia sancti Benedicti, ubi de hac eius migratione sic ait. Planè cum vir Dei Benedictus in loco, qui Sublacus dicitur, constructis circumquaque Monasterijs, solitarius degeret, diuinitus est admonitus ut loco cederet, Castrumq., quod Cassinum dicitur, properaret. Illico vir sanctus iter arripuit, & per quinquaginta fere passuum millia gradiens, locum, quò vocabatur, inuit. Sed cum per ignota loca viator incederet, ubicumque biuium occurrebat, duo protinus iuuenes videbantur assistere, qui sibi, quò gressus dirigere debebat, indicarent. Qui nimirum iuuenes qui alij sunt credendi, nisi Angelici spiritus, ad sancti viri custodiam deputati? quid autem mirum, si Angeli sancti veri hominum amatores iter edocebant ne vir sanctus erraret, cum & bruta animalia eius vestigia sequerentur? Nam tres corui per omnem viam indiuidui sibi comites fuerunt, eius assidue vestigia prosequentes: hodieq. in silua, qua venerabili Monasterio Cassini montis adiacet, duo, siue, ut serunt, tres corui, annua semper reuolutione nidificant, quos

Petrus Da
miani.

quos ab illis antiqui temporis coruis nonnulli prodire per-
traducem seminis, assuerant. Et reuera quotidie Monaste-
rij scribis aduolant, ut crocitanter, & alas, & rostra pan-
dentes, solitam escam, velut debitum censum, ex vitusta pos-
sessionis iure, deposcant. Et ut clarius innotescat, quam per-
uigil super Beatum virum diuina gratia coruscauerit: San-
ctus quidam vir, in praedicti Cassini montis tunc arce dege-
bat, cui diuina voce praeceptum est, ut abscederet, alijq. qui
nouus habitator accederet, locum daret. Hac plane de Mar-
ci, eiusdem venerabilis Beati Benedicti discipuli, venusto
carmine deslorauimus, quia in veneranda Gregoriana histo-
ria serie minimè reperimus. Haetenus ex Petro Damiani.

Paulus
Diaconus.

Multo antiquior Petro Paulus Diaconus libro primo Hi-
storiae Longobardorum cap. 26. ad finem sic ait. Libet me
breuiter referre, quod B. Gregorius Papa, minimè in huius
sanctissimi Patris vita descripsit. Denique cum diuina ad-
monitione à Sublacu in hunc, ubi requiescit locum, per quin-
quaginta ferme millia aduentaret, tres eum corui, quos alere
solitus erat, sunt circumuolantes sequuti; cui ad omne con-
uiuium, usque dum huc veniret, duo Angeli in figura lue-
num apparentes, ostenderunt ei, quam viam arripere debe-
ret. In loco autem isto, quidam Dei seruus tunc habitaculum
habebat, ad quem diuinitus ita dictum est. His tu parce lo-
cis, alter amicus adest. Huc autem (hoc est in Cassini arcem)
perueniens, in magna se semper abstinentia coarctauit; sed
praecipue Quadragesimae tempore inclusus, & remotus à mū-
di strepitu mansit. Hac omnia ex Marci Poeta carmine
sumpsi, qui ad eundem Patrem huc veniens, aliquot versus
in eius laudem composuit, quos in his libellis, cauens nimiam
longitudinem, minimè descripsi. Haetenus Paulus Diacono-
nus.

Sanctus
Benedictus
Cassini re-
quiescit.

Aduertendum est, ac diligenter notandum, Paulum hoc
in loco expresse asserere, sanctum Patrem Benedictum Cassi-
ni requiescere, dum ait: Beatum Benedictum à Sublacu in
hunc, ubi requiescit, locum aduenisse. Quod rursum confir-
mat lib. 6. cap. 40. ubi asserit: Petronacem hortatu Gregorij
Papae Cassinum Castrum petiisse, atque ad sacrum corpus B.
Patris Benedicti peruenisse; igitur quando cap. 2. eiusdem
lib. 6.

lib. 6. loquitur de translatione sancti Patris Benedicti in Gallias, intelligendus est loqui secundum aliorum opinionem, iuxta interpretationem à nobis datam in libello de translatione sancti Patris Benedicti cap. 12. quam etiam insinuat Leo noster lib. 2. huius Chronici cap. 44.

Marcus autem iste, cuius meminit hic Paulus Diaconus, & supra Petrus Damiani, fuit discipulus sancti Patris Benedicti, de quo agit Petrus Diaconus Cassin in libro de viris illustribus eiusdem Cœnobij cap. 3. in hæc verba. Marcus Patris Benedicti discipulus & Cassinensis Monachus, vir egregius, & in scripturis apprimè eruditus, de aduentu sancti Benedicti ad Cassinum, de situ loci, constructioneq. Cœnobij, elegantissimos versus composuit.

Tempus huius transmigrationis fuit annus Domini quingentesimus vigesimus nonus, de quo Cardinalis Baronius tomo septimo pag. 147. sic ait. Hoc ipso anno magnus ille Benedictus ex angustijs Sublacensium montium diuino monitu egressus, Cassinum petens, ad cuius montis radices erat sita villa Marci Varronis, illic erecto Monasterio. Monasticum Ordinem mirifice propagauit. Agit de his sanctus Gregorius in Dialogis, ubi & res ibi ab eo præclare gestas enarrat. Quod vero ad tempus spectat, id firmatum habemus ex Cassinensi Chronico, & Leone Ostiensi Episcopo, atque ex actis sancti Placidi, Gordiani nomine conscriptis, dum anni quinque traduntur intercesse ab aduëtu Placidi in Sublacense Monasterium ad sanctum Benedictum usque ad eius migrationem factam Cassinum; sed & id expressius confirmat Auctor in actis Placidi, dum hoc ipso anno Domini quingentesimo vigesimonono, contigisse tradit.

At quis Dei consilium non magnopere admiretur, dum considerat eodem ferme tempore, quo in Oriente Monachismus esset magna ex parte collapsus, compluribus ex ijs à fide catholica ad diuersos hæresum errores deficientibus; alijs quoque ab illo vetere instituto rigido in delicias perlabentibus; Eodem (inquam) tempore in Occidenti instaurari, atque longe, lateq. diffundi obseruantiam monasticæ disciplinæ, eandemq. ad o sœcundo germine propagari, cum veluti ex tenui surculo præ grandium exorta sint frugiferarum arborum

De propagatione
Ordinis
Sancti Be-
nedicti.

borum silua, quae uniuersam repleuerint Occidentalem Ecclesiam; extiteritq. locuples seminarium, ex quo plurimi progressi sint sanctissimi diuersarum Ecclesiarum Episcopi, nec defuerint ex ijs, qui in Throno Apostolico confidentes, uniuersam catholicam Ecclesiam, cum uehementiores urgerent fluctus, constantissime gubernarint; progressiq. ex eodem.

Monachorum ordine sint, qui Apostolico munere complures barbaras nationes, Christi iugum ferre impatientes, tandem ad christianam fidem sponte capeffendam conuerterint; prodierintq. alij, qui ob suscepta grandia pro Religione certamina, sint victores consequuti coronam martyry. Praetereamus modo illos, qui sacrarum rerum scientia nobiles inter Scriptores Ecclesiasticos floruerunt; nec numeramus, quae numerari vix possint, sacrarum examina virginum; sicut nec facile sit recensere, quot ex hoc vno vere dicendo sui humilitate fonticulo, immensa flumina sint deriuata; quot, inquam, ex Benedicto diuersorum Ordinum sint progressa agmina.

Monachorum, qui licet diuerso nomine, in Ecclesia Dei circumamicta varietate, censeantur; instituti tamen esse sancti Benedicti, & ab ipso progredi gloriantur. Haec tanta hic vno intuitu, tamquam immensum caelum in paruo globo descriptum, inspicienda proponimus, ut hinc facile intelligat Lector, quam uberes fruges sanctissimus Monachorum Patriarcha Benedictus in horrea dominica intulerit. Hinc Romanum Martyrologium die vigesima prima Martij sic de hoc sanctissimo Patre pronunciat. In monte Cassino natalis sancti Benedicti Abbatis, qui Monachorum disciplinam in Occidente pene collapsam restituit, ac mirifice propagauit.

Petrus Damiani.


Et Petrus Damiani in sermone de sancto Benedicto: Hoc solum (inquit) dixisse sufficiat, quia solus iste militarem manum excelso Principi ceteris abundantius presentabit, & Monachorum turmis, Angelorum more viuentibus, Caelorum adimplebit palatia. Quam igitur refulgens, & splendidus miles astitit Imperatorio Tribunali, plenus infinitis virtutibus, agminibus innumeris comitatus, consiliarius Regis, Iudicis amicus, unicus hostis, hostis antiqui? sic Petrus.

Greg. lib. 2. Dialog. cap. 3.

Vt autem Lector, aliquid peculiare de mirifica propagatione discipline monasticae sub Beato Benedicto percipiat, proponimus

ponimus illi primum duodecim Monasteria, quæ apud montes Simbruios construxit; deinde plura alia, quæ postquam Cassinum aduenit, diuersis in locis erexit. Romam Valentinianũ, qui multis annis, vt D. Gregorius testatur, Monasterio Lateranensi, præfuit, destinauit. vide Trithe. lib. 3. de viris illustribus ordinis sancti Benedicti cap. 9. Sanctum Placidum in Siciliam, Beatum verò Maurum in Gallias, alios vero in Hispaniam, vt eas Prouincias nouo militum Christi genere illustrarent, transmisit. De quibus egimus in vita sancti Patris Benedicti in Adnotatione ad caput trigessimum sextum.

C A P V T I I.



VIC sanctissimo Patri successit in Monasterij regimine vir Reuerendissimus Constantinus eiusdem sancti Patris discipulus. Tertius autem à Beato Benedicto præfuit eidem Congregationi Simplicius. Quartus Vitalis. Quintus verò Bonitus. Quo præfidente, Langobardi, (qui nuper sub Iustino minore Italiam inuaserant, cum iam ab Incarnatione Domini quingentorum sexaginta, & octo annorum circulus volueretur) præfatum Cœnobium nocturno tempore, quiescentibus Fratribus, ingressi sunt. Qui vniuersa diripientes, ne vnum quidem illic hominem capere potuerunt, videlicet, vt sermo sancti Patris Benedicti compleretur, quem Theoprobo dixerat. Vivere potui, vt mihi ex hoc loco animæ concederentur. Fugientes itaq. ex eodem Cœnobio Fratres, Romam profecti sunt, codicem sanctæ Regulæ, quam Beatus Benedictus descripserat, & quædam alia scripta, necnon & pondus panis, viniq. mēsuram, & quidquid suppellectilis potuerunt surripere, deferentes. Atque ex concessione Romani Pontificis Pelagij, qui tunc sedi Apostolicæ præerat, iuxta Lateranense Patriarchium Monasterium construxerunt; ibiq. per centū quadraginta vnum annos (quibus Cassinense Monasterium destructum permansit) habitauerunt.

Langobardi, quo tempore Italiam inuaserint. Monasterij Cassini. desolatio.

Monasterium Cassini. quāto tpe desolatum permansit.

C A-

CAPVT III.

Reditus
Fausti ex
Gallijs.



TERTIO interea Bonifacio sedem Apostolicam gubernante, supradictus Faustus, (qui ad Gallias cum Beato Mauro perrexerat) ad prædictum Lateranense Cœnobium reuersus est. Atque à Beato Theodoro, qui tunc post sanctæ memoriæ Valentinianum tertius eandem Congregationem regebat, compulsus, atque rogatus, Historiam de vita Beati Mauri veracissimam composuit; quam prædictus Papa Bonifacius approbans, laude dignam duxit, suaq; auctoritate roborauit.

A D D I T I O.

Scripsimus in vita sancti Placidi, qualiter beatus pater Benedictus, habita notitia de illius glorioso transitu, nouam Monachorum turmam in Siciliam ad restaurandum beati martyris Placidi Monasterium, monasticumq. ordinem propagandum, transmiserit, quæ quidem fuit secunda missio Monachorum ab ipso beato Patre in Siciliam directâ Anno Domini quingentesimo quadragesimo secundo, cum prima fuerit illa, qua ab eodem beato patre sanctus Placidus, & socij in eandem Insulam missi sunt. Perseuerauerunt autem Monachi sancti patris Benedicti in Sicilia post istam secundam missionem annis fere centum viginti, videlicet usque ad tempora Vitaliani Papæ. Qualiter autem, & ipsi per martyrium ad Dominum migrauerint, scribit Petrus Diaconus Cassinensis in appendice ad acta sancti Placidi martyris in hunc, qui sequitur modum.

Tempore illo, quo Constans Imperator voluit nouæ Romæ Imperium in seniores Romam transferre, ab Vrbe Roma Siciliam veniens remoratus est ibi per annos sex. Cum autem balneum Daphniæ, quod apud Syracusas est, causa lauandi ingressus fuisset, capissetq. sapone gallico deliniri, Andreas filius Troyli sumens situlum, dedit eam in vertice Imperatoris, fugaq. lapsus euasit. At Imperator cum tardaret in bal-

neo

neo, inſiliunt hi, qui foris erant, inuenientesq. Imperatorem occiſum, ſepultura tradere ſtuderunt, & in loco eius Meſſentium quendam abſque voluntate Romanorum elegerunt. Contra quem Conſtantine Imperator iam dicti Conſtantis filius, cum Romanorum exercitu veniens, in Ciuitate Syracuſana eum morti addixit.

Hæc dum ad notitiam Sarracenorum (qui iam Aegyptum peruaſerant) deueniſſent: ſubito cum multitudine nauium venientes, Siciliam inuadunt, Syracuſas ingrediuntur, multamq. ſtragem chriſtianorum facientes, ad Beati Placidi Monasterium tandem deueniunt, illudq. prædonum more, diſruptis manibus, ad ſolum uſque proſtrauerunt, ſolâ tantum eiſdem Monasterij Eccleſiam relinquentes. Monachos verò quotquot ibidem inuenerunt, diuerſis ſupplicijs affectos, letho tradiderunt, vix paucis chriſtianorum euadentibus, qui per munitiſſima caſtra, & iuga montium confugerunt. Auferentes quoque prædam nimiam, & omnem illum ornatum, quem Conſtans Auguſtus ab Vrbe Roma abſtulerat in are, & diuerſis ſpeciebus, Alexandriam redierunt.

Sicilia à
Sarrace-
nis inua-
ditur.

Itaque dum Caſſinenſi Congregationi, tunc Laterani degenti relatum fuiſſet, qualiter Sarraceni iam dicti martyris Placidi Monasterium ruinæ, & Monachos morti dediſſent, Vitaliani Papæ adminiculo ſulti, cum ingenti apparatu mittentes Siciliam, idem Monasterium reſtaurauere. Hactenus Petrus Diaconus.

Hæc fuit tertia miſſio Monachorum Caſſinenſium in Siciliam. Quem autem finem ſortita fuerit tertia hæc Monachorum claſſis, infra hoc eodem primo libro poſt caput quinquageſimum primum ex eodem Petro referemus. Nec miretur Lector ſi apud Leonem noſtrum, nec verbum ullum de his miſſionibus legat, cum nec de alijs ad Monachos Caſſinenſes pertinentibus, toto tempore, quo Monasterium Caſſinenſe iacuit deſolatum, & eiſus Congregatio Romæ deguit, aliquid omnino ſcripſerit. Et quamuis iſta de Monachorum Caſſinenſium nece in alijs chronologijs notata non ſint, ſatis eſt ad earum fidem, quod habeantur in Hiſtoria Caſſinenſium, tunc Romæ degentium; quos cariſſimorum Fratrum

certa-

certamen, & triumphus latere non potuit, & quorum intererat, ut hac memoria commendarentur; ne tantæ virtutis specimen excideret, & ut domestica fortitudinis exempla suppeterent, & ne immortalia, & gloriosa suorum actuum honorem, ac decorem totius ordinis redundantia, scriptorum defectu interirent. Consulendus Abbaas Maurolicus Sicani-
cæ historia lib. 3. fol. 86.

CAPVT IV.



Anno 731

VM autem omnipotens Deus præfatum, beati Benedicti Cœnobium iam decreuisset miseratione illa sua omnipotentissima restaurare, & cœnobialem institutionem, quæ inde principium sumpserat, ex eiusdem Patris loco, per orbis circulum propagare, contigit (disponente Deo) ut Petronax ciuis Brianzæ Vrbis, vir valde religiosus, diuino afflatus amore, Romam venisset: quem Reuerendissimus Tertius Papa Gregorius cœlitus inspiratus admonuit, ut hoc Casinum Castrum peteret, atque Monasterium beati Benedicti, quod iam per tot annos destructum manserat, suo studio reconciliare satageret. Quo annuente, mox idem venerabilis Pontifex cum illo aliquantos de Lateranensi Congregatione Fratres direxit, & alia quoque illi nonnulla adiutoria contulit. Is ergo huc ad sacrum beati Benedicti corpus perueniens, tam cum illis, qui secum venerant, quam etiam cum aliquot simplicibus viris, quos inibi iam dudum reledisse reperit, habitare cœpit. Anno Domini septingentesimo trigésimoprimo, atque ab eisdem Fratribus in Abbatem prælatus, cooperante Deo, & beati Benedicti iussuantibus meritis, constructis decenter habitaculis, ac multorum ibi Fratrum congregatione statuta, sub regulæ sanctæ doctrina viuere studuit. Quem videlicet tres quidam nobiles viri Beneuentani Paldo, & Taso, atque Tato germani fratres, qui ante quindecim circiter annos Monasterium sancti martyris Christi Vincentij iuxta ortum Vulturni fluminis, de proprijs sumptibus construere cœperant, cum

cum eſſent potentes, ac diuites, in ipſo opere, tam per ſe-
metipſos, quàm per ſuos, vſque ad reſtaurationem loci hu-
ius plurimum adiuuerunt. Hic in Eccleſia beati Martini,
quam paruulam reperit, ſexdecim ferme cubitos auxit:
ibidemq; abſidam efficiens in honore Beatæ Mariæ ſemper
Virginis, & ſanctorum martyrum Fauſtini, & Iouitæ in ea
altarium ſtatuit, in quo etiam & brachium vnus illorum,
quod ſecum de Brixia aſportauerat, decenter recondidit.
In ſequenti tempore ſanctiſſimus Papa Zacharias, qui Gre-
gorio ſucceſſerat, plurima huic adiutoria contulit, libros
ſcilicet aliquot ſanctæ ſcripturæ, necnon codicem ſanctæ
regulæ, quam Pater Benediſtus manu propria ſcripſerat,
pondus etiam libræ panis, & menſuram vini, quæ olim in-
de (ſicut ſupra diximus) ſub Langobardorum inuaſione,
Monachi fugientes ſecum Romam detulerunt. Diuerſa et-
tiam ad Eccleſiaſticum miniſterium ornamenta, nonnulla
quoque ad diuerſas vtilitates Monafterij pertinentia, illi
Apoſtolica liberalitate largitus eſt. Ab hoc etiam ſanctiſſi-
mo Papa prædictus Abbas priuilegium primus accepit, vt
hoc Monafterium cum omnibus cellis ſibi pertinentibus,
vbicunq; terrarum conſtructis, ob honorem, ac reueren-
tiam ſanctiſſimi Patris Benediſti, ab omnium Epiſcoporum
dictione ſit liberum, ita vt nullius iuri ſubiaceat, niſi ſolius
Romani Pontificis.

Zacharias
Papa Mo-
naſterium
Caſſin. or-
nat.

Zachariæ
priuile-
giũ.

A D N O T A T I O.

E Verſionem ſacri Cœnobij Caſſinenſis à Langobardis fa-
ctam contigiſſe Pelagio ſecundo Romano Pontifice,
non ſolum Leo ſupra cap. 2. verùm etiam Zacharias primus
in quodam diplomate (de quo latius egimus in libello noſtro
de exiſtentia corporis ſancti Benediſti apud Caſſinum cap. 3.
& ſequent.) aſſerit. De anno vero prædictæ euerſionis pro-
babilior eſt opinio Leonis noſtri aſſerentis contigiſſe, anno
quingentefimo octogefimonono, qui fuit vltimus eiufdem Pe-
lagij. Cum enim hoc capite dicat: Petronacem reſtaurare
capiſſe Monafterium Caſſinenſe anno ſeptingentefimo trige-
ſimo primo, & capite ſecundo dicat deſtructum permanſiſſe,

Anno 589
contigit
euerſio
Caſſinen-
Cœnobij.

G per

S. Grego-
rius.

Paulus
Diaconus

Zacharie
diploma.

per annos centum quadraginta unum, constat iuxta hunc computum incidisse cladem illam in annum quingentesimum octogesimumnonum: huius sententia fuit etiam Carolus Sigonius lib. 1. de Regno Italia, et seq. communior scriptorum opinio, cui consonant verba beati Gregorii lib. 2. Dialog. cap. 17. ubi asserit recentem illam fuisse euerfionem, quando eisdem libros scripsit, ait enim. Nocturno tempore, & quiescentibus Fratribus nuper illic Langobardi ingressi sunt. Scripsisse autem Gregorium Dialogorum libros quarto sui Pontificatus anno aperte colligitur ex cap. 36. 47. & 55. libri 4. in quibus agens de peste illa, qua Romam eo anno, quo ipse Pontifex creatus est, inuaserat, ante triennium fuisse asserit. Vnde & Paulus Diaconus lib. 4. cap. 18. ob vicinitatem temporum, hanc euerfionem sub Gregorio ponit, sed credendum est eum non seruasse ordinem temporum, sicut nec in alijs multis. Quod autem idem Paulus lib. 6. cap. 40. ait, desolationem predicti Cœnobij perdurasse annis ferè centum, & decem, omninò corrigendum est, nam ab ultimo Pelagij II. anno usque ad Pontificatum Gregorij Tertij (à quo proculdubio Petronax ad restaurandum Cassinense cœnobium directus fuit) fluxere anni centum quadraginta unus. Immo si velimus interpretari Paulum loqui de Gregorio secundo, non poterit stare numerus ille annorum centum, & decem; cum ab ultimo Pelagij anno, usque ad Gregorij secundi pontificatum, intercesserint ad minus anni centum vigintiquatuor. Quod autem Petronax ad restaurandum hoc Cœnobium fuerit à Gregorio Tertio missus, præter Leonem Ostiensem hoc capite id asserentem, habemus irrefragabile testimonium Zacharie Papæ primi, præfati Gregorij Tertij immediati successoris. Is enim in diplomate à nobis supra citato, sic ait: Sed cum iam omnipotens Deus censuisset Cassinense Cœnobium restaurare, ac cœnobiałem institutionem, qua inde principium sumpserat, ex eodem loco propagare, a Reuerentissimo Gregorio tertio prædecessore nostra, Petronax filius noster, est ad restaurandum directus.

Quæ vero hic dicuntur de Monasterij Cassinensis euerfione, quod scilicet inciderit in annum Domini quingentesimum octogesimumnonum, facile probari possunt, ex his, quæ
de

de Regno Langobardorum traduntur à Baron. tom. 7. Anno 585. & à Sigonio lib. 1. de Regno Italiae. Antharit fuit creatus Rex à Langobardis Anno Domini quingentesimo octogesimoquinto. Qui postea Beneuentum cum tota Samnii provincia, debellauit, atque in suam redegit potestatem. Deinde Rhegium usque Calabriae Urbem maritimam, uniuersamque obuia vastando, ac depopulando, peruenit. Tandem reuersus Beneuentum, caput totius prouinciae esse decreuit, ac Ducatus titulo decorauit: primumque illius Ducem Zotonem constituit: quo Duce Cassinense Monasterium dostrutum est, et asserunt communiter omnes. Ex his facile colligitur Monasterium Cassinense vastatum fuisse à Langobardis Anno 589. ut affirmat Leo. Zoto namque sub quo illud destructum est, constitutus fuit Lux Beneuentanus ab Antharit post debellatas praefatas prouincias: quod facere non potuit, nisi duobus, aut tribus annis postquam ad Regnum assumptus est: Zoto etiam post aliquod temporis interuallum à sui constitutione in Beneuentanum Ducem, ad diripiendum, & deuastandum Cassinense cœnobium se accinxit.

Nemo vero arbitretur locum Cassinensis cœnobij tanto tempore perseuerasse absque hominum habitatione, sed solum absque Monasterio, ad monachorum regnarem vitam transigendam, constituto: cum alioquin nunquam illic defuerint habitatores, qui ad venerandum corpus sancti patris Benedicti excubias agerent. Nam ante constructum à Petronace Monasterium, habitatores ipsum ibi inuenisse, qui eum in suum Seniores, seu Abbatem elegerunt, Paulus Diaconus lib. 6. cap. 40. testatur, & Leo noster hic. Vnde Cardinalis Baronius tom. 9. Annal. anno septingentesimo decimosexto, ita scribit. Sic igitur illud exploratissimum est, à tempore euerisionis Cassinatensis Monasterij à sancto Benedicto constructi, usque ad erectum à Petronace Monasterium, locum illum destitutum fuisse, sicut Monasterij habitatione, ita & monastica regulari institutione, cum tamen nunquam defuerint, qui illic habitauerint serui Dei, excubantes ad sepulchrum sancti Benedicti.

Mirum dictu quanta mox ex noua plantatione Petronacis fuerint propagata eo in loco germina Monachorum, & aucta

Baronius
pag 7.

Monastici
Ordinis
ppagatio

Monaste-
rij Cassi-
nensis laur.

ancla ipsorum examina, instar apum, quæ exturgescuntibus aluearijs prodeunt, in diuersa loca ad fetus multiplicationem volauerint. Sed & illud securè absque trepidatione mendacij asseri iure potest, nullum unquam toto christiano orbe extitisse aliquando Monasterium, ex quo tot viri sanctitate conspicui, atque doctrina tanta numerositate ad regimen sanctæ Apostolicæ sedis adsciti fuerint, ut planè dici possit, fuisse idem aliquando Seminarium sacrorum Antistitum, prout quæ suo tempore dicturi sumus manifestè docebunt: hæc Baronius.

S. Antoni-
nus Surre-
tinus.
Martyrol.
Roman.

Obseruandum præterea non omnes Monachos tempore euersionis à Langobardis factæ Cassini commorantes, Romam cum Abbate fuisse profectos, sed quosdam timore perterritos fugam arripuisse, atque diuersis in locis, sedes sibi ad Deo seruendum quasiuissæ. Fuit ex eorum numero insignis ille Dei famulus Antoninus, de quo in martyrologio Romano ad diem 14. Februarij hæc habentur. Apud Surrentum sancti Antonini Abbatis, qui è Monasterio Cassinensi à Langobardis deuastato, in solitudinem eiusdem Urbis secedens, ibidem sanctitate celebris obdormiuit in Domino, cuius corpus multis quotidie miraculis, & præsertim in liberandis energumenis, effulget. Baronius quoque in notis sic ait. Plura de ipso in monumentis Ecclesiæ Surrentinæ, quibus tam eius res gestæ, quàm miracula post obitum facta, intexuntur. Edidit eadem Paulus Regius. Migravit ex hac vita (ut ferunt) anno Domini sexcentesimo vigesimo-quinto, Honorio Romano Pontifice. Quæ autem nostra ætate ad sepulchrum eius admiranda fiunt, eademq. crebrius iterantur, percepi non à quibusuis narrata, sed à sincerissimis, prudentissimisq. Sacerdotibus, qui interfuerunt. Hæc Baronius.

Cardina-
lis Baron.

Volui autem huius sanctissimi viri hic mentionem facere, quia in toto Chronico nullus se se offerebat opportunior locus, & indignum videbatur tantum virum silentio præterire.

C A-

C A P V T V.



ISVL FVS praterea iunior, nepos Luitprandi Regis Langobardorum, qui post Godescalcum Beneuentanorum Dux extitit: cum per eos dies in hanc Arcem Cassini, (quæ tunc Mello vocabatur) ascendisset, atque iuxta corpus sanctissimi Patris Benedicti tam religiose prædictos Fratres in Dei seruitio vivere reperisset, diuino tactus instinctu, cuncta in circuitu tam campestris, quàm montana eidem Patri Benedicto contulit in scriptis, firmisq; donarijs in perpetuum eadem posteris habenda concessit. Per has videlicet terminationes, & fines. Quemadmodum incipit ab ipso fluuio, qui dicitur Carnellus, & ascendit per aquam, quæ vocatur Bantra vsque in Riuum siccum, & sicut ascendit per ipsum Riuum vsque in furcam sancti Martini. Et inde ascendit per serras, & vadit in montem, qui dicitur Cifinus. Et sicut inde pergit in Pesclum nomine Coruarum. Et qualiter vadit per ipsas serras ad Furcam, quæ dicitur Popplu. Et inde pergit ad Lacum, qui vocatur Vitecus. Et inde vadit ad Aquam fundatam, & ascendit in montem, qui dicitur de Sile; & vadit exinde in caput aquæ de rapido. Et inde ascendit in montem, qui dicitur Caballus; & pergit in montem, qui vocatur Rendenaria maior. Et inde per serras montium venit ad Rendenariam minorem. Et qualiter inde directè vadit per pedes montium, qui vocantur Frelona; & pergit in aquam de Mellarino. Et descendit per eandem aquam cum vtrisque ripis, & vadit in parietibus de Balnearia. Et inde vadit per locum, qui dicitur Anglone, & ascendit ad Furcam, quæ dicitur de Valle lucis. Et quomodo vadit per ipsas serras montium, & descendit ad Petram scriptam. Et exinde ascendit ad serras montis, qui dicitur Orticosa. Et quomodo vadit per serras montium, & peruenit ad Pesclora, quæ vocatur Falconari. Et qualiter vadit per duos montes, quorum vnus vocatur Spinarius, alter autem Porcacijs. Et qualiter inde vadit ad Cristas montis, qui vocatur Caria. Et ascendens venit ad pe-

G 3 tras

tras super aquam vocabulo Viuolam. Et inde ascendit ad collem, qui vocatur Gimberuti. Et descendit in quercitulum; & inde in Fossatum iuxta sanctum Damasum, quem videlicet sanctum Amasum vulgus appellat. Et exinde directè pergit in silicem, in loco vbi dicitur arcus Gezzuli. Et qualiter vadit ad lacum, qui vocatur Radeprandi. Et quemadmodum inde pergit in Farnietum, & inde in Riuum qui dicitur Marocze. Et qualiter descendit in ipsum fluuium Carnellum, & per eundem fluuium ascendit in aquam, quæ nominatur Cosa. Et sicut ascendit per serras montis sancti Donati. Et quomodo descendit super morticellos de Marti, & vadit ad ipsos Pesclos, qui sunt in pede montis, qui dicitur Balua. Et qualiter directè vadit per duos Leones; & inde pergens ascendit per ipsas serras montis super Casale. Et sicut descendit per ipsum montem vsque ad villam de Gariliano, inde ad pescum, qui nominatur Cripta Imperatoris. Indeque pergit vsque ad iam dictum flumen Garilianum. Atque per ipsum flumen ascendit vsque ad priores fines, vna cum omnibus Castellis, Vicis, Domibus, Ecclesijs, Molendinis, & aquis. Cæterisque omnibus, quæ intra prædictos fines tunc temporis habebantur. Vxor etiam eiusdem Ducis Scauniperga nomine, templum Idolorum, quod antiquitus in Cassino Castro constructum fuerat, in Beati Petri Apostoli honorem conuertens: Iconas, ibi, & cætera Ecclesia officijs congrua ministeria in posterorum memoriam deuotissima contulit.

De his
duob. leo-
nibus in
fra lib. 3.
cap. 12.

A D N O T A T I O.


DOcet hic Leo quisnam fuit, qui Monasterio Cassinensi bona stabilia, quæ circumquaque possidet contulit, & concessit, asseritque fuisse Gisulfum iuniorem Bencuentanum Ducem, Luitprandique Langobardorum Regis nepotem. Id ipsum asserit Zacharias Papa primus in saepe nominato priuilegio eidem Monasterio concesso: vbi confirmans diuersas honorum oblationes à Christi fidelibus prædicto cœnobio factas, sic ait. Concedimus etiam vobis, atque in perpetuum confirmamus, & corroboramus cuncta in circuitu, tam

Zachariæ
diploma.

tam campestris, quàm montana, quæ dilectissimus filius noster Gisulfus Beneuentanorum Dux in perpetuum eidem Monasterio concessit, per has videlicet terminationes, & fines. Deinde sequitur in bulla descriptio rerum à Gisulfo oblatarum, eodem ferè modo, quo hic à Leone descripta est, ut exinde appareat manifeste, Leonem vniuersa, quæ hoc capite scripsit, ex illo Zacharie diplomate huc transcripsisse. Consideranda vero est diuina prouidentia erga seruos suos: statim enim ut Monasterium Cassinense à Petronace restauratum est, & in eo Monachi, qui secundum regulam sancti Benedicti altissimo Deo famulatum perpetuò impenderent, congregati: corda fidelium, & præcipuè Gisulfi principis, mouit, & induxit ad offerenda largiter eidem Monasterio bona temporalia, ut religiosi ipsius cultui mancipati, alimenta, & quibus tegerentur haberent. Nec enim deficere potest diuina illa promissio Matthæi 6. Primum querite regnum Dei, & hæc omnia adicientur vobis. Consideranda etiam est diuina prouidentia in eo, quod ab his, qui olim Cassinense Monasterium spoliauerunt, modo ditatur, ac veluti de nouo vestitur. Zoto namq. qui Monasterium Cassinense destruxit, Dux Beneuentanus fuit; Gisulfus etiam, qui illud multis donis locupletauit, similiter Beneuentanorum princeps extitit. Et in sequentibus multa leguntur in hoc libro concessa præfato cænobio à principibus, & ciuibus Beneuentanis.

Matth. 6.

CAPVT VI.



LIVS Ducis temporibus quidam Sculdais Beneuentanus Saracenus nomine, in loco, qui Cingla vocatur, territorio Aliphano, Ecclesiam in honore sancti Cassiani à fundamentis construxit: eamq; ex permissione præfati Ducis, cum omnibus, quæ ibi acquirere potuit, simul etiam cum omni ex integro substantia, & hæreditate sua, præter seruos, & ancillas, quos omnes libertate donauit, quoniam filium non habebat, in Monasterio beati Benedicti obtulit. Qui locus cum oculis

Oblatio
Sculdais
Beneuentani.


G 4 venera-

Monaste-
rium; san-
ctæ Mariæ
inCingla.

Alia Gi-
sulfii obla-
tio.

venerabilis Petronacis valde utilis visus fuisset, cum consensu, & maximo adiutorio eiusdem gloriosi Ducis Gisulfii, & Scaunipergæ vxoris eius; construxit ibidem Monasterium puellarum Dei, ad honorem Beatæ Dei Genitricis, & semper Virginis Mariæ. Concessa insuper ibi à prædicto Duce Ecclesia sanctæ Crucis cum omnibus territorijs, & pertinentijs eius, quam Giselpertus noster Præpositus à quodam Abbate, Deusdedit nomine, cum consilio, & adiutorio eiusdem Ducis emerat. Necnon & alijs Ecclesijs, & Curtibus non paucis in circuitu, iuxta quod munimina eiusdem cœnobij continent. Quod videlicet sanctæ Dei Genitricis Monasterium annuente præfato Abbate, idem Dux Gisulfus tunc confirmavit tribus ancillis Dei, idest Gausani Abbatissæ, Pancritudæ, & Garipergæ: quæ postpositis parentibus, & vniuersis opibus suis, peregrinari pro Deo in partibus istis elegerant. Eo utique tenore, vt quamdiu qualibet earum adiuueret, loci ipsius regimen sine alicuius contradictione teneret. Post illarum verò excessum, & potestas, & ordinatio eiusdem loci ad Monasterij nostri ditionem rediret. Eodem tempore supra dictus Dux de territorio Gentianæ concessione beato Benedicto satis liberaliter fecit. Ille Gisulfus cepit ædificare Ecclesiam sanctæ Sophiæ in Benevento, quam, cum morte præuentus, explere non posset: Arichis, qui ei successit, mirificè illam perfecit. Ibiq; sanctimonialium cœnobium statuens, Monasterio sancti Benedicti hic in Cassino concessit, sicut in sequentibus ostendemus.

CAPVT VII.



Carolus
Mannus fit
Monach.

DE idem tempus Carolus Mannus filius Caroli Regis Francorum, amore cœlestis regni, regnum terrenum relinquens, Romam ad Beatum Petrum Apostolum deuotus aduenit; se seq; eidem Apostolo tradidit. Quem præfatus Papa Zacharias clericum faciens; post aliquot dies huc eum ad beati Benedicti Monasterium, Domino cum cæteris, sub regulari magisterio

rio seruiturum , transmisit . Vbi sub regimine prædicti Ab-
 batis cum omni humilitate, & deuotione Domino seruiens;
 per aliquot deguit annos. Non autem videtur otiosum ,
 si quantæ humilitatis in Monasterio , quantæq; obedientie
 idem Rex fuit ; litteris ad posterorum exemplum mande-
 mus. Denique præfatus Abbas cernens eiusdem Caroli ser-
 uere propositum , volensq; iuxta tenorem Regulæ , ipsius
 perseverantiam, sufferentiamq; cognoscere, sicut scriptum
 est: Nolite omni spiritui credere, sed probate spiritus si ex
 Deo sunt , tentauit, illi curam paucorum ouium, quas ha-
 bebat, iniungere , vt quotidie scilicet ad pastum illas edu-
 ceret, pascentes custodiret, pastasq; reduceret . Quam ille
 obedientiam, ac si ex ore Domini, serueret amplexus, sa-
 tagebat quotidie, quæ sibi fuerant imperata, perficere. Post
 paucos dies, cum longiusculè pascendas oues duxisset , su-
 bito quidam latrunculi irruentes, conabantur de ouibus il-
 li commissis violenter abripere . Quibus Carolus constan-
 ter obuius factus , de ouibus, inquit, auferendis, quæ meæ
 curæ commissæ sunt, nullo pacto pro meo posse assentior ;
 de me verò quod Dominus vobis permiserit facere , non
 contendo . Illi autem peruersæ mentis homines funditus
 eum expoliantes, ceperunt abire . Tunc Carolus pudorem
 pudendorum membrorum non sufferens, femoralia tantum
 sua violenter ab eis eripuit. Cætera nolens contendere, pa-
 tienter illos auferre permisit . Cumq; seminudus ad Mona-
 sterium reuersus fuisset , interrogatus ab Abbate , vel Fra-
 tribus, rem gestam ordine pandit. Abbas verò, vt cognosce-
 ret si patientiam, quam de foris ostendebat, gereret intus,
 cepit eum vehementer increpare, eiq; tam segnitiam ,
 quam simulationem exprobrando obijcere . Cum ille nihil
 aliud ad omnia illa, nisi solummodo, se peccasse protestare-
 tur. Iubetur ergo vestiri , & ad commissam obedientiam
 de consuetudine egredi. Reuertente igitur eo quadam die
 cum præfatis ouiculis, cepit vna earum egerrima claudi-
 care. Videns ergo se propterea non posse ad constitutam
 horam occurrere, eandem claudicantem ouiculam hume-
 ris suis imposuit , sicq; cum omnibus ad Monasterium re-
 diit. Sed inter redeundum, ouiculæ illius quam gestabat in
 humeris

1. Ioan. 4.

humeris profundi eum lotio contigit. Quod ille quondam præpotens, ille regali dignitate conspicuus, tanta cordis patientia pertulit, tanta animi virtute toleravit, ut nec ouiculam ob hoc deposuerit, nec alicui, vel modicæ quidem murmurationis verbum inde protulerit. Hoc cum Abbati ab his, qui cognouerant, relatum fuisset, admiratus nimium tantam tanti viri humilitatem, ac tolerantiam, & verè Dei spiritum in illo esse perpendens, præcepit, ut de cætero ab obedientia illa quiesceret, & ibi iuxta, hortulū prout sciret, excoleret. Postmodum verò ab Aistulfo Langobardorū Rege pro quibusdam Regni sui vtilitatibus ad fratrem suum Pipinum Regem in Franciam ire rogatus, cū nullo modo Regi vellet acquiescere, tandem annuente Abbate, profectus est. Ibidemq; negotio pro quo abierat impediēte, aliquandiu retardatus, defunctus est. Cuius postmodum corpus idem frater eius Rex Pipinus in locello aureo positum, cum multis alijs muneribus huc ad suum Monasterium retransmisit.

Caroli
Manni o-
bitus.

A D D I T I O.

DE Carolo Manno isto rebusq. ab eo præclare gestis, postquam in sacro Cassinensi cœnobio Monasticum induit habitum, plurima leges apud Baronium tomo nono Annalium, anno septingentesimo quadragesimo septimo. De legatione verò eiusdem ad Pipinum fratrem suum ad instantiam Aistulfi Langobardorum Regis nefandissimi, & quare ab Abbate suo fuerit ad eam obeundam compulsus, vide eundem Baronium, ubi supra pag. 211. ad finem.

Baronius
pag. 186.

Baronius
pag. 211.

C A P V T V I I I.

HI S quoque diebus Rachis Rex Langobardorum ad capiendam Perusinam Urbem cum valido exercitu pergens, eam vndiq; fortiter expugnabat. Ad quem prædictus Papa Zacharias profectus, multis precibus, ac monitis, multisq; illi concessis donarijs, ad sua illum redire coegit. Cuius idem Rex monitionum

nicionum sollicitè reminiscens , non multo post diuino afflatus instinctu , relinquens Regalem dignitatem , & gloriam , cum iam per annos quinque , & sex menses regnasset , Romam vna cum vxore , & filia ad Beati Petri Apostolorum Principis limina , deuotus aduenit . Ibiq; à præfato Apostolicæ sedis Præfide Zacharia Comam attonsus , & clericus factus , Monachico etiam habitu simul cum vxore , & filia est indutus . Maxq; ad Monasterium beati Benedicti , eodem Apostolico transmittente perueniens , & sub regulari magisterio instituendum se tradens , post religiosam satisfactionem , ac Deo placitam conuersationem , ibidem vitæ finem sortitus est . Extat in hodiernum diem vinea satis Monasterio vicina , quæ vulgo vinea Rachisi vocatur . Quam eundem Rachis , & plantauisse , & incoluisse nonnulli nostrorum existimant . Vxor verò illius nomine Tasia , & filia Ratruda concedente , & adiuuante præfato Abbate , Monasterium puellarum non longè à Cassino in loco , qui Plûbariola vocatur , proprijs sumptibus extruxerunt , multisq; ditatum opibus , ibi sub magna cautela , & districtione regulari vitam agentes , vltimum diem clauferunt . Fuit autem prædictus Abbas sextus à beato Benedicto . Temporibus Imperatorum Leonis , & Constantini , & Luitprandi Regis Langobardorum , Romanorum verò Pontificum , Gregorij , & Zachariæ , & Gregorij Beneuentani Ducis , atque præfati Gisulfi iunioris , qui cum præfisset huic Monasterio annis viginti duobus , defunctus est pridie nonas Maij , & sepultus in porticu iuxta Ecclesiam sancti Martini .

Operatus Abbas septimo loco à beato Benedicto ordinatus , sedit annis quatuor . Hic fuit temporibus prædicti Constantini Imperatoris , & Leonis filij eius , & præfati Ducis Gisulfi , & Stephani secundi Papæ . Quo videlicet tempore , Aistulfus Langobardorum Rex , & Rauennam cepit , & Romam per tres menses obsedit . Qua de causa prædictus Pontifex Franciam ire compulsus est ad excellentissimum Regem Pipinum , à quo cum magna gloria , & honore receptus , eundem Pipinum , & duos filios eius Carolum , & Carolomānum , vniuit in Reges Francorum . Fecitq; idem gloriosus Rex vna cum prædictis suis promissionem , & concessionem

Beato

Rachis Lā
gobardorum Rex
fit Monachus.

Monasterium Plûbariolæ.

Petrone
cis obitus
anno 753.

Stephanus
Papa in
Galliam
proficiscitur.

beato Petro eiusq; Vicario de Ciuitatibus, ac territorijs Italiae per designatum confinium. Alunis cum Insula Corsica. Inde in Suranum. Inde in montem Bardonem. Inde in Vercetum. Inde in Parmam. Inde in Regium. Inde in Mantuam, & montem Silicis. Simulq; vniuersum exarchatum Rauennae, sicut antiquitus fuit. Cum prouincijs Venetiarum, & Istriae, necnon & cunctum Ducatum Spoletinum, & Beneuentanum. Eamq; donationem propria manu suorumq; suorum, multorumq; Iudicum, & optimatum suorum corroborauit. Demum idem Rex simul cum praefato Romano Pontifice Italiam veniens, & Rauennam, & viginti alias Ciuitates supradicto Aistulfo abstulit, & sub iure Apostolicae sedis redegit. Propter quod tunc Romanorum etiam Patritius constitutus est. Praefatus verò Abbas completo sui temporis cursu, defunctus est pridie nonas Iunij, atque iuxta praedecessorem suum, apud Ecclesiam Beati Martini sepultus.

Anno 757

Hermeris Abbas octauus sedit anno vno temporibus supradicti Constantini Imperatoris, & Leonis filij eius, & Stephani Papae secundi. Obijt autem 15. Kal. Augusti, & sepultus est iuxta Ecclesiam sancti Benedicti.

Anno 758

A D N O T A T I O.


Stephanus iste Papa sub quo Optatus, & Hermeris Cassinensi Monasterio praefuisse dicuntur, verè fuit tertius: sed quia Stephanus secundus Zachariae Papae primi immediatus successor, tres vel quatuor tantum dies in Pontificatu sedit, hinc factum est, ut à pluribus omittatur, nec in serie Romanorum Pontificum, quamuis verè Pontifex fuerit, reponatur. Cumq; loco ipsius alius eiusdem nominis in Apostolica sede successerit, illo praetermisso, hic qui verè tertius erat, Stephanus secundus à multis dictus est.

Anno 757

Sedit autem hic Stephanus in pontificatu annos quinque, & dies 28. migravitq; ex hac vita 6. Kal. Maij anno septingentesimo quinquagesimo septimo. Sub hoc ergo Pontifice Optatus septimus Cassinensis Abbas praefuit annis quatuor, atque sub eodem electus est Hermeris huius Optati successor, qui vno tantum anno praefuit.

CA-

CAPVT IX.



CRATIANVS Abbas à beato Benedi-
cto Nonus, sedit annis quatuor mense
vno temporibus Imperatorum, quos su-
pra diximus, & prædicti Aistulsi Longo-
bardorum Regis. Arichis quoque Bene-
uentani Ducis, & Principis. De quo vi-
delicet Arichis Dominus Herchempertus
in Historia, quam de Langobardorum gente post Paulum,
Diaconum composuit, ita refert. Hic Arichis, primus Be-
neuenti Principem se appellari iussit. Cum vsque ad istum,
qui Beneuento præfuerant, Duces appellarentur. Nam &
ab Episcopis vngi se fecit, & coronam sibi imposuit, atque
in suis chartis, scriptum in sacratissimo nostro palatio, in
finem scribi præcepit.

Arichis Be-
neuentanus
Princeps.

Hic intra mœnia Beneuenti templum Domino opulentis-
simum, ac decentissimum condidit, quod Græco vocabulo
ΑΙΘΑΝ ΣΑΦΗΑΝ, idest sanctam sapientiam nomina-
uit. Ditatumq; amplissimis prædijs, & varijs opibus, ac
sanctimonialium cœnobium statuens, germanamq; suam
ibidem Abbatisam efficiens, cum omnibus omnino perti-
nentijs, & possessionibus eius, id sub iure beati Benedicti in
monte Cassino tradidit in perpetuum permanfurum. In
quo videlicet templo, sanctorum martyrum duodecim Fra-
trum corpora, diuersis in locis per Apuliam, in quibus, &
decollati fuerant quiescentia, honorabiliter allata, ad tu-
telam, & honorem patriæ, in singulis capsis pariter sub vno
altare recondidit. Postmodum verò corpus præfossi marty-
ris Mercurij, necnon & aliorum tam martyrum, quam
confessorum numero triginta, & vnum, sancta corpora ex
diuersis Italiæ partibus per tempora diuersa adeptus: ibi-
dem nihilominus attulit, & per diuersa altaria in circuitu
maioris altaris satis reuerenter locauit. Vbi dum maxima
deuotione (quoniam vicinum, loco illi, palatium erat)
frequentem consuetudinem in oratione pernoctandi habe-
ret, fertur, quadam nocte oranti illi sanctos duodecim Fra-
tres apparuisse, eumq; pariter inclinatis amicabiliter vul-
tibus

Ecclesia
S. Sophiae
de Bene-
uento.

tibus salutauisse. Quos dum toruo nimis aspectu, exteros quoslibet esse existimans, qui nam illi essent, qui nocturno tempore sanctimonialium claustra sic audacter ingredi presumplissent, inquireret; illi leniter arridentes: Nos, inquit, sumus O, Princeps, quos tua deuotio per diuersa loca repertos, summo huc studio detulit. Quod nobis quidem, quam bonum, & quam iocundum: tibi autem quam sic diuina pietate proficuum: vltima dies ostender. Et his dictis subito Principi visio, quæ videbatur disparuit. In quo etiam Monasterio Ecclesiam sancti Modesti, quam nuper intra eandem Ciuitatem quidam Leonianus construxerat, eiq; omnem suam substantiam per chartulam offerens in arbitrio præfati Principis illam reliquerat, ipse per suum præceptum postmodum cum omnibus eius pertinentijs obrulit, & confirmauit. Depositus est autem prædictus Abbas 11. Kalend. Septembris, & sepultus in porticu Ecclesiæ sancti Martini.

Anno 762

CAPVT X.

Anno 769

TOMICHS decimus Abbas, sedit annis sex, mensibus quinque, & diebus vigintiuno obiit octauo Kal. Februarij. Huius temporibus, vir quidam nobilis, atque ditissimus Beneuentanæ Ciuitatis, Leo nomine, se ipsum & omnia sua, tam mobilia, quam immobilia in hoc Monasterio tradidit. Eiusdemq; oblationis chartulam propria manu scriptam super corpus sancti Benedicti, in præsentia præfati Abbatis Tomichis, & vniuersorum Fratrum posuit. Et seruos quidem, & ancillas suas omnes, primitus per chartulam libertate donauit. Postmodum verò eosdem omnes, ita vt liberi erant, simul cum turribus proprijs, & cum omnibus pariter, quæ ipsi possidere videbantur, sub prædicti Monasterij potestatem redegit. Conditione videlicet huiusmodi, vt singuli eorum quatuor per mensem operas, vbi necessarium esset Monasterio facerent. Res suas, siue substantias, nulli omnino, nisi inter se vendere, aut donare illis liceret. Res eorum, qui sine liberis

liberis defuncti fuissent in Monasterij ditionem transirent. Pueros tamen, siue puellas eorum alicui ad seruiendum tradere (utpote liberos) Monachis fas non esset. Curtium autem, & seruorum illius nomina, & numeros, summatim hic, præter cætera annotare curauimus. Curtis Gaydepert Presbyteri. Adelpert cum quatuor filiis, & vxoribus eorum. Bonecausus cum quatuor filiis, & vxoribus eorum, ac filiis. Grimoaldus cum quatuor filiis, & vxoribus, ac filiis eorum. Ciminulus cum vxore, & filiis. Vrsus cum vxore, & filiis. Fuscari cum vxore, & filiis. Curtius Grifi. Landulfus cum Arniperto filio suo, & filiastris duobus. Bonitus cum tribus filiis, & vxoribus eorum. Curtem Cerbuli Presbyteri. Leoaldus cum quatuor filiis, & vxoribus, ac liberis eorum. Agenulfus nepos eius cum filiis suis. Desiderius cum tribus filiis. Bassacius cum tribus filiis, & Genere vno. Curtem Lupi. Sadipertus cum filio, & Genere suo. Sico cum filio suo, & vxore ipsius. Stephanus cum filiis duobus. Formosus cum tribus filiis suis. Curtem Lupi pictari. Maurus cum quatuor filiis. Ioannes cum tribus filiis suis. Curtem Duleiperti. Bonerisius cum filio suo, & vxore eius, ac filiis. Tres filij Ragenolfi cum vxoribus, ac filiis eorum. Curtem Erfemari. Bonus. Adelchis. Maio. Bonulus. Ioannes. Vrsus. omnes isti cum vxoribus, ac filiis eorum. Rozzius cum quatuor filiis suis, idest Leone, Stephano, Sellittulo, ac Ciminulo, cum vxoribus, & filiis suis. Adelgarius cum filio vno, & Generis duobus. Præter hæc autem, vnum Casale suum, qui dicitur Pantanum, prope Beneuentum, concessit cuidam Amitæ suæ in vsus proprios diebus vitæ ipsius, cum seruis de Abellino, & de Transmonte, ad ipsum casale pertinentibus. Eo tenore, vt post mortem illius omnia redirent in ius Monasterij huius, sicut cætera, quæ supradicta sunt.

Poto Abbas vndecimus, sed sic annis quatuor, mensibus quinque. Hic ædificauit deorsum Ecclesiam parua in honore sancti Benedicti, in eo loco, vbi nunc est Ecclesia sancti Germani. Fecit etiam alteram Ecclesiam in honore sancti Michaelis Archangeli ad radices alterius montis, in loco satis amano, vbi nunc est Oliuetum Monasterij huius.

Eamq.

Eamq; & picturis insignibus, & carminibus in gyro deco-
rauit honestis. Ex quibus hic aliquanta, quæ vix præ vetu-
state valuimus legere, describemus. Principia igitur illo-
rum, post aliquanta, quæ legi non poterant. Hæc contine-
bant de situ, & habitudine loci.

*Ore truces ululare lupi sub nocte silenti
Alopicesq. olida dudum gannire solebant*

Implexisq. vrsi diro cum murmure villis

Setigeriq. Apri . . . & post pauca.

Dama fugax pauidiq. simul discurrere cerith,

Optimus at postquam Poto sacra septa regenda

Suscepit, vigili studio pater . . . Itemq; post pauca

Quin Regi altithrono vaslum, qui continet orbem

Cui citè Cœlicola comportant nuntia iussi,

Addidit hoc magni Michaelis nomine templum.

Sanguine rubentem cœlo, qui depulit hydrum,

Isdem sed celeri prauentus morte Sacerdos

Inde dicatam Aram pariterq. reliquit Asylum, &c.

Anno 773

Defunctus verò est idem Abbas 3. Kalen. Iulij, & sepultus
iuxta Ecclesiam sancti Benedicti.

C A P V T X I.



Templum
sanctæ Ma-
riæ de Tur-
ribus. 3


THEODEMAR duodecimo loco a
beato Benedicto Abbatiam sortitus, se-
dit annis decem, & nouem. Fuit autem
temporibus Imperatoris Leonis, qui &
Zacharis, & Costantini, & Hirenæ ma-
tris eius, atque Adriani Papæ. Princi-
pum autem Beneuentanorum, præfati
Arichis, & Grimoaldi filij eius. Hic iuxta prædictam Ec-
clesiam sancti Benedicti, quam prædecessor suus fecerat,
construxit pulchro opere templum in honore sanctæ Dei
Genitricis, & Virginis Mariæ. Super ipsum videlicet fon-
tem vnde Iyris fluuius procedit. Cuius templi fabrica qua-
drifida, in duodecim est columnis erecta. Ita vt per vnâ-
quamque faciem quatuor columnæ consistent. super quas
turris altior à subiectis porticibus est leuata. Alijs quatuor
turri-

turribus per singulos angulos eiusdem porticus circa eandem turrim erectis. Quod videlicet templum plumbeis laterculis coopertum, & figuris pulcherrimis, & versibus optimis adornavit. Quodq; his præcipuum est: omnium fere Apostolorum, & multorum Martyrum, Confessorumq; magnificis pignoribus compsit. De prædictis autem verbis, quatuor tantum, qui à foris in circuitu medianz turris descripti sunt hic ponere placuit.

*Sublatis tenebris, quia per te mundus habere,
Lumen promeruit Virgo, & sanctissima Mater.
Celsa tibi iccirco consurgunt templa per orbem,
Et merito totis coleris celeberrima terris.*

Ecclesiam quoque sancti Michaelis Archangeli, quam indedicatam à prædecessore suo relictam prædiximus, cum omni honorificentia dedicari fecit, ibiq; iuxta claustrum, & habitacula nonnulla construxit.

CAPVT XII.



HIVS temporibus Carolus Magnus filius Pipini, inuitatus ab Adriano Papa, cum valido Francorum, Alamannorum, atque Saxonum exercitu venit super ciuitatem Papiam, propter Desiderium sanctissimum Regem Langobardorum, qui ciuitates sancti Petri inuaserat. Eamque per sex continuos menses obsidens, cepit. Cunctumq; sibi Langobardorum Regnum victoriosissime subdens, Pipino filio suo contradidit. Prædictum verò Desiderium secum in Franciam asportauit. Anno Domini septingentesimo septuagesimoquarto. Interim vero cum Papiam obsideret, amore Principis Apostolorum, in ipso sancto Paschali Sabbatho, Romam cum multis Episcopis, Abbatibus, atque Iudicibus venit. Et celebrata ibi Paschali festiuitate, à prædicto Papa commonitus, simul atque rogatus est, ut donationem illam, quam genitor eius Pipinus, vna secum Beato Petro, eiusq; Vicario Domino Stephano Papæ dudum fecerat, adimpleret in omnibus. Cuius postulationibus idem

Carolus
Magnus
Italiam
venit.

Anno 774

H Rex

Rex annuens, bono, ac libenti animo aliam donationis promissionem ad instar prioris describi præcepit per Eucherium Notarium suum: eamq; propria manu Rex ipse corroborans, & vniuersos Episcopos, & Abbates, Duces etiam & Graphiones, ac plures, qui secum venerant honoratos, ibi subscribere faciens, super altare Beati Petri, manu propria posuit. Et tam ipse Rex, quam & vniuersi magnates eius, id se in perpetuum conseruatueros Beato Petro, & eius Vicarijs, sacramento terribili firmauerunt. Postmodum, verò præfatus Rex vna cum Pipino filio. Beneuentum perrexit cum magno exercitu super Arichis, quem supra iam memorauimus. Qui erat Gener prædicti Desiderij Regis. Cum quo idem Carolus diuersis, ac varijs euentibus dimicans, demum arctatus Arichis, & coronam suam, & maximam partem thesauri, necnon & geminas soboles, Grimoaldum scilicet, & Adelfisam eidem Carolo obsides, pacis, gratia tradidit. Hic Francorum metu perterritus ciuitatem nouam Beneuento addidit. Salernum quoque inter Lucaniam, & Nuceriam antiquitus conditam mirifice restaurauit. Præfatus verò Rex prospere à Beneuento reuertens, causa orationis huc ad beatum patrem Benedictum ascendit. Seq; tam ipsi, quam vniuersis hic degentibus, ac Deo seruientibus Fratribus commendauit. Tuncq; ab hoc primum Rege præfatus Abbas præceptum confirmationis de tota hac terra recepit. Alio etiam præcepto prædictus Rex confirmauit sancto Benedicto, Monasterium sanctæ Mariæ in Cingla, & sanctæ Mariæ in Plumbariola, & sanctæ Sophiæ in Beneuento, & cetera, quæ tunc temporis videbatur habere. Necnon & vniuersas aquas, cum ripis vtriusque partis, ubicumque fuissent terris huius Monasterij iunctæ: sed auctoritatem dedit, vt Monachi iuxta tenorem sanctæ Regulæ Abbatem sibi absque alicuius præiudicio, seu violentia eligerent. Ad hunc Abbatem idem Carolus per Aldegarium Episcopum litteras à Francia destinauit. Rogans, vt aliquot sibi de Monasterio Beati Benedicti Monachos ad ostendendam in illis partibus regularis disciplinæ normam, transmitteret. Quod & fecit mittens illi etiam Regulam, & Hymnos, qui tunc ex traditione regulæ in.

Theode-
mar Mo-
nachos in
Galliam
mittit.

in hoc Monasterio canebantur. Pondus quoque librę panis, & mensuram vini, necnon & mensuram calicis, quam in mixto seruitores debent accipere. Et vniuersam consuetudinem, quę in loco tunc temporis habebatur, in scriptis ei transmisit.

CAPVT XIII.



IS temporibus vir quidam de gente Anglorum mutus cum quibusdam proprię gentis socijs ad limina venit Apostolorum. Inde cum socios ad memoriam Beati Michaelis Archangeli, quę in monte Gargano sita est, properare conspiceret, simul cum eis iter arripiens, venit ad hoc Monasterium. Cumq; ad Oratorium ingressi ante corpus sanctissimi Patris Benedicti, orationis gratia se pariter prostrauissent, ceteri post modicum ab oratione surgentes, eundem quoque, vt surgeret, secumq; recederet pulsare cęperunt. Verum ille cęlesti visitatione compunctus, gemitibus cordis, mentisq; vocibus, prout poterat, atque sciebat orationem prote-lans, Beati Patris Benedicti auxilium pectore fidissimo implorabat. Cũ ecce post non integram horam de loco se in quo prostratus fuerat erigens (Benedictus, & mirabilis Deus) recepto auditu, pariter, & loquela, non solum in lingua patria, hoc est Anglica, sed etiam in Romana cępit absolutissime loqui.

Miraculum.

CAPVT XIV.

HVIC Abbati prædictus Arichis Princeps, concessit partes maiores in territorio Gentianę, super id, quod Gisulfus Dux, iam Petronaci Abbati concesserat. Sequenti etiam tempore Grimoldus filius eius (quem Carolo obsidem datum præmissimus) eiusdem Regis concessione post patris obitum Beneuentum remissus, & Princeps effectus, per præceptum donationis concessit sancto Benedicto, vniuersa domnicalia

H 2 sua,

sua, cum seruis, & ancillis in eodem territorio Gentianæ, & cellam sancti Agapiti; portum quoque Traiectensem, & Vulturensem, necnon & totam piscariam de ciuitate Lessina, vna cum ipsa foce sua. Per idem tempus Hildebrandus quoque Spoleti Dux obtulit in hoc Monasterium Curtem, quæ dicitur Castrillanum, cum omnibus pertinentijs eius, in Comitatu Pinnensi, & Oliuetum in Tronto, loco qui dicitur Turri. In comitatu verò Marforum, loco qui Paternus vocatur, Curtem quingentorum simul modiorum, & familias multas cum omnibus earum, necnon & aliquot pisces in lacu Fucino, cum portu ipsius lacus vocabulo ad Restina; sed & Gualdum suum nomine Cusanum. Quidam etiam vir diues Vvacco nomine Beneuentanus Gastaldeus in expeditione constitutus, obtulit in hoc sancto Cœnobio filium suum nomine Vvachipertum, cum rebus inferius designatis. Casale in Trane, vbi dicitur Cimilianum, casale in Trepucio, casale in Ariano, casale in Virgilie, casale in Terranea: aliud in Vicarium, aliud in Costra cum Oliuero, aliud in Culmo, aliud in Genne, aliud in Montenigro, & in Massa, & ad Ripam, & Innoceto, & in Corneto: in Tamaro, in Latiniano, in Marsico, in Trelicio, in finibus Potentia, & casale in sancta Agnete. Casam verò suam intra ciuitatem, iudicauit Tarsia vxori suæ, in vita dumtaxat ipsius. Seruos autem suos, & ancillas omnes, libertate donauit, sub ditione tamen, & tutela Monasterij huius, ita vt per singulos, singulas operas annualiter, vbi nostri ordinati præciperent, exercerent.

CAPVT XV.

Paulus
Diaconus
fuit Mona-
chus Cas-
sini.

HVIVS tempore Paulus Diaconus supradicti Regis Desiderij Notarius, post captionem ipsius Desiderij, & Arichis Beneuentani Principis obitum, ad hoc Monasterium venit, & sanctæ sibi religionis habitum induit. Quis autem, vel qualis, vel vnde Donnus Paulus hic fuerit, non est ab re perstringere. Iste siquidem ex Langobardorum gente originem duxit. Eius namq; ab auus Leupichis nomine, eo tempore quo primum in

in Italiam Langobardi ingressi sunt, cum eis venit. Cuius Pauli pater nomine Vvarnefrid, mater Theodelinda fuit. Qui à puero disciplinis liberalibus eruditus, maximum in curia Desiderij Regis ob suam industriam familiaritatis locum obtinuit, atque Aquileiensis Patriarchij Diaconus extitit. Hic post captam (vt supra diximus) Papiam, cum Regi quoque Carolo pro sua prudentia admodum charus, & familiaris effectus esset: ac non multo post accusatus apud eundem Regem fuisset à quibusdam inuidis, quod eum propter fidelitatem Desiderij domini sui voluisset occidere; fecit eum idem Rex comprehendere, & coram se adduci. Quem cum interrogasset, vtrum vera essent, quæ super morte sua de eo dicerentur; constanter respondit, se pro certo fidelissimum domini sui fuisse, & in eadem se fidelitate cum vita perseverare. Ad hæc Rex subito ira succensus; præcepit eum manibus sine mora priuari. Sed mox in se reuersus, & reminiscens sagacitatis eius, atque prudentiæ; suspirans, ait, & si eius manus abscindimus, vbi tam elegantem scriptorem reperiemus? Et ait Proceribus assistentibus sibi, dicite, quid super hoc vobis videtur: at illi. Iubete, inquiunt, vt eruantur eius oculi, ne aliquando aliquas alicui contra vos litteras dirigat; & vbi, vel quando, ait Rex, tam insignem Historiographum, aut Poetam inuenire valebimus? Illi vero videntes circa illum Regis compassionem, ac beneuolentiam: suaserunt tandem, vt in Diomedis insulam, quæ hodiè à tribus montibus Tremiti dicitur, eum exiliaret. Factumq; est, vbi cum per aliquot annos exul mansisset, homunculus quidam, qui ei propter Deum obsequium faciebat, clam illum de ipsa insula expulit, & cum eo pariter Beneuentum perrexit. Quo viso Arichis, qui filiam præfati Desiderij Regis Adelpergam nomine uxorem habebat, valde tam ipse, quam eadem eius coniug gauisi sunt: eumq; secum in palatio honorificentissimè retinuerunt. Quo videlicet tempore vtrumque palatium, quæ idem Princeps, vnum in Beneuento, alterum in Salerno nobiliter construxerat: præfatus Paulus versibus luculentissimis exornauit. Eiusdem etiam Adelpergæ rogatu, in Historia Romana, quam Eutropius breuiter composuerat,

Insula
Tremiti,
vnde sic
dicta.

H 3 pluri.

plurima hinc inde de historijs Ecclesiasticis addidit. Ad ultimum verò duos libellos à tempore Iuliani Apostatæ, in quem ipsam historiam Eutropius terminauctat, vsque ad tempora primi Iustiniani Imperatoris eidem annexuit. Necnon & vniuersas ferè annalis cõputi le&tiunculas richmice composuit. Defuncto autem Arichis, mox ad hoc Monasterium, vt supra diximus, properauit, & factus Monachus, non paucò ibi tempore vixit. Rogatusq; à prædicto Abbate, vel Fratribus, expositionem super Regulam sancti Benedicti valde vtilissimam edidit. Vbi multa de veteri huius loci consuetudine necessaria testatur. Nonnulla etiam alia scripta eleganti stylo composuit, inter quæ versus quoque reciprocos, & hymnos de singulis Beati Benedicti miraculis satis diserto sermone conscripsit. Ad hunc præfatus Carolus Rex, qui eum exiliari iusserat, audito, quod in hoc loco Monachicum habitum assumpsisset, plurimum illi congratulans, satis affabiles, & iocundas litteras metricè compositas misit. De quibus aliquot hic versus inferere libuit. Ait enim post aliquanta, chartulam suam alloquens.

Versus Caroli Magni ad Paulum Diaconum.

Hinc celer egrediens facili mea charta volatu

Per siluas, colles, valles quoque perpete cursu ..

Alma Deo chari Benedicti tectâ require,

Est nam certa quies fessis venientibus illuc.

Hic olus hospitibus, piscis, hic panis abundat

Pax pia, mens humilis, pulchra, & cõcordia fratrum;

Laus, amor, & cultus Christi, simul omnibus horis:

Dic patri, & socijs cunctis: Saluete, valete.

Colla mei Pauli gaudendo amplectere benignè

Dicito multoties salue pater optime. salue. & reliqua.

Cui similiter idem Paulus versificè rescribere, & gratias pro visitatione, & salutatione sua, cunctorumq; Fratrum referre maximas studuit. Iam verò ætate maturus vitæ huius cursus expleuit; & in claustro Monasterij iuxta capitulum honorabiliter est sepultus. Hoc tempore pulchro satis opere constructa est Ecclesia sancti Vincentij, quæ appellatur maior, in loco suprascripto, iuxta Vulturum, à Iosue Abbate eiusdem loci. Præfatus autem Abbas Theodemar

demar defunctus nonis Iunij, sepultus est iuxta Ecclesiam sancti Martini. Anno 790

CAPVT XVI.



ISVLPHVS Abbas Tertiusdecimus à Beato Benedicto, ordinatus tēpore Adriani primi anno Domini septingētesimo nonagesimosecundo, præsuit annis viginti vno. Hic ex nobili Beneuentanorum Ducum prolapia ducens originem, mox ut Abbas effectus est, cepit satagere, qualiter posset ad utilitatem Fratrum, quorum tunc maxima deorsum pars morabatur, tam Ecclesiæ, quàm reliquarum officinarum angustias spatiare. Incitabat etenim illum ad hoc, & loci amanita s, & opum copia non paruarum. Simul etiam arcta, & ardua montis habitatio, iam non erat sufficiens tam numerosæ multitudini Fratrum. Itaq; cuidam Garioald, qui eiusdem loci post eum curæ fungebatur officio: mandauit, ut super hoc negotio omni studio studeat, & ut eum locum, ubi prius à Potone Abbate, Ecclesia parua sancti Benedicti constructa fuerat, ad ædificandas Monasterij officinas aptare protinus debeat. Quod ille imperium promptus arripens, quoniam instar paludis totus ille locus carectis, & quisque stagnabat, multis terræ ruderibus, saxorumq; aggeribus, vniuersa repleuit. Atque amplam Basilicam in loco prioris paruulæ, in honore Domini Saluatoris opere satis pulchro construxit. Quæ videlicet Basilica marmoreis basibus, & columnis viginti quatuor hinc inde suffulta, & amplius porricibus circumsepta, habet in longitudine cubitos octuaginta duos. In latitudine quadraginta, & tres. In altitudine viginti octo. Desuper autem satis mirificatrabibus, tabulisq; cipressinis est laqueata, ac tegulis cooperta. Parietibus in circuitu figuris pulcherrimis insignitis, iam verò pauimenti opus, quàm speciosum, quàm solidum, quàm variorum lapidum sit diuersitate conspicuum, & circuitus chori, quàm sit pulchris, ac magnis marmorum tabulis septus, in promptu videntibus est. In Ab-

Anno 791


H 4

fida

Ada porrò eius Basilicæ mediana ad quam per gradus septem ascenditur, constituit altarium, ut diximus in honore Domini Saluatoris. In dextera autem altarium sancti Benedicti. In sinistra verò altarium fecit ad honorem sancti Martini. Ante eandem verò Basilicam fecit atrium longitudine cubitorum quadraginta, latitudine simili, & in marmoreis illud columnis numero sexdecim vndique versus erexit, atque in circuitu ipsius lapides canales iuxta pavementum, vnde semper aqua decurreret, posuit. Porrò à parte Orientali eiusdem atrij in conspectu Ecclesiæ absidam fecit, & altarium ibi sancti Michaelis constituit. In medio verò ipsius campanarium valde pulcherrimum super octo magnas columnas erexit. Ex vtraque autem parte eiusdem Ecclesiæ diuersorum officiorum multas, & maximas, atque pulchras, tam ad suas, quàm ad Fratrum utilitates officinas efficiens, totum etiam Monasterij spatium, propter aquarum exundantiam, magnis saxorum tabulis strauit.

CAPVT XVII.

Ecclesia
sancti Be-
nedicti
ampliatur, &
ornatur.



VERSVM etiam præfatus Abbas non segnus se exercens, aliquot ibi habitacula decenter construxit. Ecclesiam quoque, vbi Beati Benedicti corpus est reconditum, quoniam parua erat, ex toto ampliorem efficiens, tectumq; ipsius vniuersum, cypressinis contignatum lignis, plumbo cooperiens, diuersis illam ornamentis, tam aureis, quàm argenteis decorauit. Super altare siquidem sancti Benedicti argenteum ciborium statuit: illudq; auro simul, & smaltis partim exornans, cætera eiusdem Ecclesiæ altaria tabulis argenteis induit. In loco etiam, qui vallis lucis dicitur, Ecclesiam in honorem sancti Angeli construxit. Necnon & Ecclesiam sancto Christi martyri Apollinari, in loco qui tunc temporis Albianus vocabatur, nunc verò ex eiusdem martyris nomine sanctus Apollinaris dicitur, statuit. Fuit autem temporibus Beneuentanorum Principum præfati Grimoaldi


di filij Arichis, & alterius Grimoaldi cognomine Theſaurarij. Romanorum autem Pontificum Adriani, & Leonis Tertij, videlicet, cui oculis, & lingua à Romanis priuato, omnipotens Deus mirabiliter, & viſum reſtituit, & loquelam. Imperatorum verò ſupradictorum Conſtantini, & Hirenæ. Huic prædictus Princeps Grimoaldus præcepto ſuo firmavit omnes ſcæminas liberas, quæ ſeruis huius Monafterij fuerant copulata, à tempore primi Giſulfi uſque ad eam diem, cum filijs, & filiabus, & vniuerſis eorum. Alio quoque præcepto conceſſit in hoc loco Monafterium ſanctæ Mariæ in Banze, quod ſitum eſt in finibus Acerenciæ, cum ſeruis, & ancillis, atque colonis, & cum omnibus ex integro poſſeſſionibus, ac pertinentijs eiſdem Monafterij. Eodem tempore ſupradictus Vvaco Beneuentanus obtulit in Eccleſia ſancti Benediſti, quam ipſemet in iure proprio intra ciuitatem Beneuentanam ad portam Ruſini conſtruxerat: omnia ſua, ideſt caſam propriam eidem Eccleſiæ coniunctam cum omnibus pertinentijs ſuis. Caſale in ſep-
tinio: caſale in ſancto Angelo ad præte: hæreditatem in Salerno: caſale in Caudis: caſale in Forcle: caſale ad ſanctum Ianuarium cum ſeruis, & ancillis: oliuetum in Ariano: molendina ſua in fluuio Sabbatho: quinque pueros clericos, cum ſeruis quamplurimis, præter multos alios, quos liberos dimiſit. Eo tamen tenore, vt ſemper ſub ditione prædicti Monafterij manerent. Iterum aliam caſam intra Beneuentum, vbi ipſe manebat ſimul cum curte ſua, & coquina, & aliam caſam nouam iuxta plateam, vbi eſt ſancta Archellais cum curte, & pertinentia ſua. Caſale ſub Apice, & Toroniano erga fluuium Arbi: caſale in Autiano, & Ceppaluni: campum nepetarum: caſale in croſta cum oliueto. Obtulit etiam idem Vvaco in Eccleſia ſancti Benediſti, quæ ſita eſt in Liburia loco caſa Gentiana: campum de Porcari: pratum quoque, quod dicitur Porcile, & duodecim familias ſeruorum cum omnibus ex integro illorum pertinentijs, commanentes in vico, qui vocatur Baluſanu. Alios etiam ſeruos, & ancillas ſuas in prædicta caſa Gentiana habitantes cum vniuerſis omnino rebus illorum. Hæc autem omnia ex integro ſimul cum prædictis Eccleſijs obtulit

Leo Papa
Tertius.

rulit in hoc Beati Benedicti cœnobio : dimissa medietate horum omnium vsufructuario vxori suæ Tasiæ in vita dumtaxat ipsius. Sub his quoque diebus vir quidam Colo nomine de territorio Calazzano obtulit in Ecclesia sancti Martini cella huius cœnobij, quæ supra Vulturum sita est, integram curtem suam in loco, qui dicitur Adicianum, cum omnibus ad se pertinentibus rebus, tam in monte, quam in plano, similiter etiam Maximus quidam de prædicto territorio, obtulit Beato Benedicto omnem ex integro substantiam suam in supradicto loco sancti Martini. Hic Abbas fecit libellum quibusdam hominibus de Termule, de omnibus rebus sancti Benedicti, quas ibi possidebamus, pro censu quatuordecim solidorum, & medietate totius pastionis. Huius Abbatis temporibus factum est Breuiarium de cellis de Marca. Qui depositus 9. Kal. Ianuarij, sepultus est iuxta Ecclesiam Beati Benedicti, ante capitulum, introeuntibus in Ecclesia ad læuam.

Anno 813

CAPVT XVIII.



APOLLINARIS Abbas quartodecimo loco in Abbatiam prælatus, sedit annis quindecim. Fuit autem temporibus Romanorum Pontificum Paschalis, & Eugenij, & Siconis, qui eodem anno Beneuenti Princeps effectus est. Fuit creatus anno Domini octingentesimo decimo tertio. De hoc sanctissimo viro celebris fama est, & seniorum nostrorum attestazione firmata. Quia cum quadam die necessitate cogente ad Monasterij possessiones visendas esset egressus, necesse illi fuit Lirim fluuium transuadare. Sed cum naus deesser, qua transire potuisset, vir Dei fide repletus, salutiferæ crucis se signaculo munivit, & ad fluminis oram accedens, ita vt erat indutus, & calciatus, in eum intrauit: sicq; ad vltiorem ripam miro modo, Apostoli Petri exemplo, siccis pedibus est aduectus, vt non super aquas ambulasse, sed super aridam terram crederetur. Sub huius Abbatis diebus, quidam vir nobilis nomine Arripertus

Anno 813

nipertus natione Compſanus obtulit Beato Benediſto curtes ſuas in diuerſis locis, numero quinque, cum omnibus omninò pertinentijs earum, tam mobilibus, quàm immobilibus, & cum ſeruis, & ancillis quamplurimis: necnon & tunicam vnā cum liſta aurea, & circellos de auro, & liſtam vnā auream cum margaritis, & fibulatorium nihilominus aureum, cum medietate omnium mobilium ſuorum; ſed & clericus quidam nomine Daniel, natione Tarentinus, nobili genere ortus, ad extrema veniens, & ſeipſum, & omnia ſua cum plurimis ſeruis, & ancillis apud Aquinum, & apud ipſam cellam ſancti Gregorij, quæ in ipſius vicinia ſita eſt: per chartulam oblationis huic Monafterio tradidit. Vnde nonnulli noſtrum nunc vſquequaque credant de prædictis eiſdem Daniel ſeruis, eos, quos hodieq; habemus famulos propagatos. Similiter etiam Dachenaldus quidam Capuanus genere, obtulit in hoc Monafterio vniuerſam omninò ſubſtantiam ſuam, in loco, qui dicitur Cannetum, & per alia diuerſa loca Comitatu Calazzano, cum terris. & colonis, atque animalibus diuerſis, & omnibus tam mobilibus, quàm immobilibus ſuis. Rodegarius quoque Gaſtaldeus Beneuentanus fecit hoſpitale iuxta Beneuentum, de proprijs rebus ſuis, vbi obtulit, & caſas ſuas intra ciuitatem, & Eccleſiam ſancti Saluatoris, quæ ſita eſt foris caſam maiorem, & molendinum in loco Taſſile, necnon & decimam omnium rerum ſuarum, & conſtituit illud ſub hoc Monafterio. Per idem tempus Tranſemundus quidam nobilis de Beneuento, obtulit in hoc Monafterio caſas ſuas intra Beneuentum: caſalē quoque, quem poſsidebat in loco ad Pantanum, rebus Monafterij noſtri coniunctum: aliud caſale in Valle de caudis, vbi dicitur Lardecene: caſale in Forinum: caſale in finibus Aliphanis, vbi dicitur Vulcanum, cum omnibus pertinentijs eorundem caſalium. Seruos etiam ſuos omnes liberos ſtatuens, tres per menſem operas noſtris ordinatis in loco, quo habitant, exercere conſtituit. Sed & Dacopertus quidam Capuanus genere, obtulit Beato Benediſto caſale ſuum in loco qui Colimniana vocatur, cum caſis, & cortaneis, & omnibus ex integro pertinentijs eiſ.

De

DE sancto Apollinari isto agit Desiderius Cassinensis Abbas, qui & Victor tertius dictus est lib. 1. Dialog. dicens. Res valde, & noua quam narro, seniorum nostrorum assertione roborata de Reuerendissimo viro Apollinari Abbate nostri Monasterij, cui Deo fauore, licet indignus, deseruio. Cuius sanctitas, benignitas, largitas omnibus pend in hac prouintia commorantibus lucidissime patuit. Qui dum quadam die necessitate cogente pradia requireret Monasterij, venit ad fluuium Lirim: cumq. nauis deesset, qua fluuium transire potuisset, plenus fide, signaculo sancte Crucis se muniens, accessit ad oram fluminis, atque ut erat illud ingressus, ita sicco vestigio ad alteram ripam venit, ut nec calciamenta, quidam ipsius madefacta viderentur. Animaduerte precor quanta sanctitatis, quantaq. religionis, ac meriti apud omnipotentem Dominum iste vir extitit, cui adhuc pondere grauato corporis, concessum est super liquidum elementum, quasi super aridam ambulare: ut videlicet Apostolorum Principi similis hoc in facto habeatur, cum super undas, iubente Domino, sicco vestigio gradiebatur. hac Desiderius.

CAPVT XIX.

PORRO Radechis Compsanus Comes, qui interfecto Grimoaldo, pradiatum Siconem Principem constituerat: non multo post penitentia ductus, relicto saeculo ceruite nus catena ligatus, huc ad beati Benedicti cenobium se contulit. Cuius nimis austeræ penitentiae diabolus condolens, & inuidens: multis audientibus circa Monasterij claustra sapissime clamitabat. Heu me, heu me Benedicte, cur me sic instanter persequeris? non sufficit tibi, ut me ipsum hinc expelleres; insuper & meos fideles vndecumque tibi vindicare non desinis. Iste Sico cum diu Neapolim obsedisset, & afflixisset, tandem sancti martyris Ianuarij corpus auferens, Beneuentum detulit, & cum sanctis Festo, & Desiderio, in ipso Episcopio hono-

Transla-
tio sancti
martyris
Ianuarij.

honorabiliter recondidit, ſicut in hiſtoria Erchemperti re-
fertur.

Quarto huius Abbatis anno, Ludouicus Imperator, qui cognominatus eſt almus, vel ſanctus, filius Caroli Ma-
gni. Quarto anno imperij ſui in Auiſgrani palatio cum plurimis totius Franciæ Abbatibus, Monachisq; religioſis conuentum faciens, valde vtiliſſima noſtri ordinis obſeruationi ſeptuaginta, & duo generalia capitula conſtituit: quæ ita ſerè omnia apud nos, ac ſi Beati Benedicti regula, obſeruantur. Hic Ludouicus pactum conſtitutionis, & confirmationis ſecit Beato Petro, eiusq; Vicario Dôno Paſchali ad inſtar priorum parentum ſuorum Pipini, & Caroli, & propriæ manus ſignaculo, ac trium filiorum ſuorum illud corroborans, decem Episcopos, & octo Abbates, & Comites quindecim, Bibliothecarium, Manſionarium, & Oſtium vnum in illo ſubſcribere ſecit, & per legatum ſanctæ Romanę Eccleſiæ Theodorum nomen clatorem, Donno Paſchali Papæ tranſmiſit.

Anno 817
Ludoui-
cus Impe-
rator.

CAPVT XX.

HIVS Abbatis ſextimo anno, Saraceni à Babi-
lonia & Africa venientes, Siciliam ingreſſi ſunt,
& Panormum ceperunt, Anno Incarnationis Do-
minicæ octingenteſimo, & vigeſimo. Præfatus ve-
rò Abbas Apollinaris obiit 5. Kal. Decembris, & ſepultus eſt
propè Eccleſiam ſancti Benedicti, iuxta gradus porticus,
qua tunc pergebatur ad Eccleſiam ſancti Martini. Anno
Domini octingenteſimo vigeſimo octauo.

Anno 810

Anno 828

CAPVT XXI.

EVSD EDIT quintusdecimus Abbas,
præſuit annis ſex. Huic ſupradictus Sico
Princeps ſecit præceptum de fluuij, qui di-
citur Lauri cum omnibus limitibus, & piſ-
carijs ſuis, & vniuerſis, quæ iuxta ipſum
fluuium hinc, & inde ad ius ſui palatii per-
tinebant. Mortuo Sicone, Sichardus filius eius factus eſt
Pri-

Princeps, vir omnibus vicijs carnalibus circumfessus, ac super omnia avarissimus. Hic prædictum venerabilem Abbatem, virum omni sanctitate conspicuum, causa pecuniæ cepit, atque custodiæ mancipavit. Qui sanctus vir, cum depositus fuisset septimo Idus Octobris, in loco ubi reconditus est, multos febre detentos, diuersisq; languoribus oppressos, ex fide poscentes ad suos cineres, pristinae salutis restituit.

A D N O T A T I O.

Agit de hoc sancto Abbate *Martyrologium Romanum*, die nona Octobris, in hac verba. Apud Cassinum sanctus Deusdedit Abbas, qui a Sichardo Tyranno in carcerem trusus, illic fame, & arumnis confectus, reddidit spiritum. Agit etiam de eo Tritemius de viris illustribus ordinis sancti Benedicti lib. 5. cap. 274. additq; de miraculis ad eius sepulchrum fieri solitis, sicut & Leo noster hic: obiit autem anno Domini octingentesimo trigesimo quarto.

Hoc eodem anno, qui iuxta antiquum Hispanorum numerandi modum, est era octingentesima septuagesima secunda, octauo idus Augusti, sedente in Beati Petri sede Gregorio Quarto, anno Pontificatus eius septimo. Imperij verò Ludouici primi Imperatoris anno vigesimoprimum, in Hispania fuit vastatum à Zafna Saracenorum Rege Monasterium sancti Petri de Caradigna, ubi ducenti Monachi Ordinis sancti Benedicti, cum Abbate Stepbano (quem alij Sancium vocatum asserunt) interfecti, coronam martyrii sunt adepti. Sepulti in claustro eiusdem Monasterij fuerunt, ubi Deus locum, sanctosq; suos iugiter annua die illustrat admirabili signo: ut qua die sunt trucidati, pavimentum eiusdem claustri appareat sanguineo colore respersum.

Vbi istæ inscriptiones habentur. Era octingentesima septuagesima secunda, feria quarta, octauo idus Augusti allisa est Karadigna, & interfecti sunt ibi per Regem Zafnam ducenti Monachi de grege Domini, in die sanctorum martyrum Iusti, & Pastoris. Hæc in lapide peruetusto posito in pariete eiusdem claustri, lingua latina, sed Gothicis characteribus:

ribus; Similiter in lapide sepultura superposito legitur hac inscriptio. Venite ad iudicium omnes. In ista parte claustrum sunt ducenti Monachi huius cœnobij, qui mortem sustinuerunt pro fide Domini nostri, & Saluatoris Iesu Christi, & decollati fuerunt. feria quarta
salus à eia milites Christi
semper uiuet si Monachus, cor vestrum,
& ossa uestra, ut herba germinabunt cetera
legi nequeunt. Agit de his Cardinalis Baronius tom.9.
Anno 834. pag. 809.

Baronius
pag. 809.

Situm est hoc cœnobium in Regno Castelle, non longe à ciuitate Burgorum illius Regni Metropoli, vocaturq. hodie Monasterium sancti Petri de Cardenya, estq. nobile cœnobium congregationis sancti Benedicti de obseruantia, vulgo dicta de Valladolid. A quo sacrum Monasterium Cassinense, anno præterito 1607. accepit os integrum brachij vnus horum sanctorum martyrum, quod perpulchra theca argentea ornatum, in sacrario cum alijs sanctorum reliquijs, religiosè asseruatur.

CAPVT XXII.



HILDERICVS Abbas sextusdecimus, sedit diebus decem, & septem, anno octingentesimo trigesimo quarto.

Anno 834


Authpertus ordine septimus decimus Abbas effectus, sedit annis tribus. Fuit electus anno octingentesimo trigesimo quarto.

Huic Lotharius Rex Francorum filius supradicti Ludouici præceptum fecit confirmans omnia, quæ huic sacro cœnobio, tam à Regibus, quàm à Principibus collata hæcenus fuerant. Pratum etiam magnum, qui vocatur Ceruaris, & seruos, & hereditates plurimas fisco suo pertinentes in Pago Marforum, alio præcepto in hoc Monasterio confirmauit. Ab hoc Lothario Regnum Francorum diuisum est. Et ipse quidem Aquensem, & Italicum. Ludouicus verò, frater eius Baioariam; Carolus autem ex alia matre genitus

genitus Aquitaniam obtinuit. Sichardus præterea Beneuentanorum Princeps, Gualdum, qui Martoranus vocatur per suum præceptum sancto Benedicto concessit, per fines, & terminos suos, cum ripis, & aquis, fossarijs, & piscationibus, & omnibus intra se positis, quemadmodum ad palatij ius pertinere tunc temporis videbatur. His temporibus vir quidam Rodegarius nomine de territorio Compsano, obtulit huic Monasterio quatuor curtes suas, cum omnibus pertinentijs earum, & aliquos seruos, & ancillas suas. Huius Abbatis nonnulla opuscula, & pulchri sermones habentur. Obijt autem 10. Kal. Martij.

Anno 837

CAPVT XXIII.



Anno 839

BASSATIUS Abbas à beato Benedicto octauusdecimus, ordinatus anno Dominicæ Incarnationis octingentesimo trigesimo septimo, sedit annis decem, & novem.

Huius tertio ordinationis anno superstitite adhuc præfato Principe Sichardo, corpus Beati Apostoli Bartholomæi de Lypparitana Insula Beneuentum translatus est. His diebus Agenardus Gastaldeus Capuanus fecit chartam oblationis in hoc Monasterio de omnibus omninò rebns substantiæ suæ, quæ possidere videbatur in territorio Capuano, & Teanensi, atque Carinulo, cum seruis, & ancillis, & vniuersis, quæ sibi iure hæreditario competeabant. Sed & Anefrid quidam nobilis Alifanus, obtulit Beato Benedicto Amelfrid filium suum clericum cum integra curte sua de loco, qui dicitur Patenaria, cum vniuersis eiusdem curtis pertinentijs: necnon & integram portionem suam de Ecclesia sanctorum Nazarij, & Vincentij, de loco, vbi dicitur Anglena, cum ornamentis, & curtibus, & omnibus omninò pertinentijs, ac possessionibus eius. Similiter etiam quidam Maio Telefinus ad extrema veniens, tradidit seipsum in hoc Monasterio cum omnibus suis, idest curte vna in Telese, vocabulo Pulianella, & alia in Alife, in qua est constructa Ecclesia vocabulo sanctus

Quis Petrus, cum filia sua circa eandem Ecclesiam, & cum omnibus pertinentijs ipsarum curtium, cum seruis quoque & ancillis omnibus in eisdem curtibus commanentibus, & vniuersis eorum. Per idem tempus Gontarius Abbas Monasterij sancti Modesti, reddidit beato Benedicto res, quas Authpertus Abbas perscriptum convenientiæ concesserat Sichardo Principi, idest curtem, quæ dicitur Milaccianum, cum Ecclesia sanctæ Mariæ cum omnibus ornamentis, & pertinentijs suis, in finibus Canusinis: curtem, quæ vocatur Plazanum, curtem in Campi, curtem in Pastena, & casam, vnam in Canni, cum substantia sua, & cum piscatione in mare, & cum omnibus pertinentijs eorum, quæ supradicta sunt. Theodoricus præterea Comes, testamento suo concessit huic loco curtem vnam, quæ dicitur Squille, scutellam argenteam vnam, scuttones tres, & garales duos, bandum aureum vnum, & alia nonnulla.

Fuit autem hic Abbas temporibus Romanorum Pontificum Sergij secundi, Leonis quarti, & tertij Benedicti, necnon & primi Nicolai, à quo etiam Apostolicæ auctoritatis priuilegium de huius Monasterij libertate, & confirmatione recepit. Principum verò Radelchis, & Siconolfi, sub quibus Principatus Beneuentanus Capuanorū factione diuisus est; cur autem, vel qualiter diuisus sit, & qua occasione Saraceni ab his inuitati huc aduentauerint, quoniam cladis eorum nos quoque pars maxima fuimus, necessarium inferere huic historiæ duximus.

CAPVT XXIV.



VM supra memoratus Sichardus Princeps nequiter à suis fuisset occisus, præfatus Radelchis Thesaurarius ipsius illi in Principatu successit. Interea Capuani quibus tunc Landolphus Gastaldens præerat, propter multas nequitias suas prædictum Radelchis valde infensum habebant. Qua de causa illum nimium formidantes, ineuntes

I confi-

consilium, ad Siconolfum filium supradicti Principis Siconis, qui tunc apud Tarentum exul morabatur, se conferunt: eumque sibi in Principem eligunt. Qui Siconolfus, tam cum eisdem Capuanis, quam & cum maxima Beneuentanorum manu, qui praedictum Radelchis exosum habebant, Salernum ingressus, contra eundem Radelchis modis omnibus insurrexit: coeperuntque adinuicem totis nisibus litigare. Sed quoniam, ut ait, veritas, omne regnum in seipsum diuisum desolabitur. Et ut ait quidam auctorum.

Luc. 11. Concordiae paruae res crescunt: discordia maximae dilabuntur: vicissim ab his Saracenorum exercitus ex diuersis partibus orbis alter aduersus alterum euocatus, totum non modo Principatum, verum etiam Regnum Italicum sua dissensione, ferro, & igni per annos ferme triginta demoliti sunt. Primus itaque Radelchis in auxilium sui Saracenos inuitat, per Pandonem quendam suum fidelem, qui tunc Barium regebat: quos cum idem Pando iuxta murum urbis, & oram maris locasset improvidus; illi ut sunt ingenij calidi, nocte intempesta urbem per loca abdita penetrant, multisque alijs interemptis, praedictum patriae proditorem, marinis fluctibus donant. Horum Rex fuit vocabulo Calphon, quos praefatus Radelchis, quia propellere vrbe non poterat, cepit quasi familiares excolere, & ad sui auxilium prouocare. Cumque illis totam Siconolfi regionem deuastans, Capuam quoque vniuersam redegit in cinerem. Siconolfus quoque e contra ex Hispania Saracenos asciscens, frequentibus praelijs omnes ferè in circuitu praeter Sipontum a Radelchis iure auferens vrbes, Beneuentum nihilominus expugnabat.

Saraceno-
ru in
Italiam
aduentus.

CAPVT XXV.

Anno 843

SEPTIMVS iam praedicti Abbatis annorum circulus voluebatur, cum praefatus Siconulfus ad Beati Benedicti Monasterium veniens, sub praestationis nomine, Hispanis tribuendum Agarenis, vniuersum ferè thesaurum, quem gloriosae memoriae Reges Carolus, & Pipinus frater eius, & Carolus Magnus, & Ludouicus filij eiusdem

eiusdem Pipini, & alij quamplures, seu Reges, seu Principes religiosi ibidem contulerant, abstulit. Prima siquidem vice tulit in calibus, & patenis, coronis, ac crucibus, phialis quoque, & amulis, boris, ac fibulis auri purissimi libras centum triginta. Saricam insuper sericam de sylphori cum auro, & gemmis, pro quibus promisit se redditurum solidos fuculos decem millia. Vnde cognatus eius Vrsus, & Grimoldus scriptum redditionis Monasterio fecerunt. Item secundo trecentas sexaginta quinque in argento libras, & quatuordecim millia solidos aureos figuratos. Item bazias de argento, pensantes libras triginta, & fundatos duplices octo. Item in Anaglis baziam vnam, & Scattonem vnum Constantinopolitanum, vtrumque argenteum, & inauratum. Alia vice post octo circiter menses, tulit in coronis, ac bazijs, atque amulis; garalibus, & coclearijs argenti simul quingentas. Item post menses decem venit, & rupit ipsum Monasterij vestiariu, & abstulit inde solidos mazatos quatuordecim millia, pro quibus iurauerunt Leo Episcopus, & Petrus, & Landenulphus Gastaldei eius super Euangelia, & crucem, & corpus sancti Benedicti, quod ab inde ad quartum mensem, pretium illud Monasterio restituerent, & non habentes vnde redderent, fecerunt hic praeceptum de sancto Nazario in Canzia cum omnibus suis. Rursum alia vice venerunt Lando, & Aldemarius Gastaldei ipsius, & exportauerunt solidos praedolatos duo millia. Alia vice, quando Spoletum perrexit, Maio cognatus eius abstulit, item solidos duo millia. Iterum quando Romam perrexit, venit idem Siconolfus, & abstulit coronam auream smaragdinis gemmis mirifice decoratam, quae patris eiusdem, Siconis Principis fuerat, pro solidis tribus millibus. Et haec quidem omnia ipse sacrilegus S. Benedicto auferens, neque sibi, neque patriae aliquid inde profecit: neque ab illo tempore aliquam deinceps victoriam habere promeruit.

A D D I T I O.

Hoc eodem tempore, anno videlicet octingentesimo quadragesimo quinto, Pontificatus Sergij Papa secundi Anno 845
I 2 anno

anno secundo: inuentum translatumq. est venerandum corpus sancti Mauri Abbatis discipuli sancti Benedicti, ex quo Monachismus eius Ordinis in Gallijs mirifice propagatus est. Nec sine Dei prouidentia his ipsis temporibus Monasteriorum Fundatorem Deus voluit apparere, atque miraculis corruscare, cum monastica disciplina soluta, ipsi iam Monasteria laicorum manibus traderentur, ut quasi vindex videretur exurgere. Rei gesta historiam scripsit Odo, qui hoc seculo vixit, cunctaq. omni fide optime testata reliquit. Qui primum quomodo ultus sit idem sanctus in Gaidulfum Ra-uennatem, qui acceptum à Rege Francorum Fossatense Monasterium, ipsum eiectis Monachis, solo aquatum, ac prophanum redactum usurpauerat, hanc memoratu dignam texit historiam.

Postquam cuncta, quae animo conceperat, iuxta Dei permissionem, de eodem exercuit loco Gaidulfus, conuocatis amicorum, atque affinium turmis ad conuiuium apparationis prandij, sceleratè à se gesta, post insatiabilem lautitiorum edacitatem ciborum, & meri nimiam potationem, cunctis, qui aderant (iaetantia desperabiliter barathro demersus) referre coepit. Ne, inquiens, teterrimum genus Monachorum per succedentia tempora locum hunc, vanis spebus animatum, repetere, aut vendicare valeat, cum domorum euersione, testamenta sunt ablata praediorum, quibus se opinari poterant possessiones tantorum recuperaturos fundorum. Nec dum verba compleuerat, cum ecce contra se super mensam, ad quam lasciuens residebat, aslare vidit venerandi Monachum habitus virum, cuius facies igneo resplendebat aspectu: Canities verò comptissimi dignitati honoris super niuem micans candeat. Qui ferulam manu gestans, toruisq. aliquantisper respiciens luminibus, cum forti conamine, calce quidem in ventre, ferula autem in capite valide percussit. Qui illico amens effectus, atque caput buc illuc super scapulas crebro iactans, eiulando clamare capit. Maure tu me interficis, Maure tu me interficis. Cumq. haec, & alia cunctis, qui aderant audientibus (oculis iam cecatus, quos capitis percussione amiserat) frequenter repeteret, Arii multatas damnatione, effusis intestinis, infelicem (ut erat dignus) finiuit

finiuit vitam, particeps demoniorum effectus. Hæc ita geſta Germanus Monachus noſtræ Congregationis, qui à patre ſuo ipſius loci Monachò, ſe ita per acta ſicut hic inſerta ſunt, frequenter iſta auდიsse confirmat: qui de eodem cœnobio cum cæteris Fratribus ab ipſo peruerſæ mentis homine, Gaidulfo, expulſus, ſæpe ad domum patris huius Germani fratris veniens, cuncta ex ordine referre ſolitus erat. Aſtipulantur etiam huic aſſertioni religioſæ admodum, & Reuerenda perſonæ, quæ ab eodem tempore uſque ad noſtram perdurantes ætatem, euidentiffimis iſta proſitentur indiçijs. Ex quibus ego etiam duos vidi, quos pro hoc ipſo ad me euocans, atque ab eis cuncta diligenter ſciſcitans, veriſſima hæc eſſe, prout ea ipſi oculis inſpexerant, aſſeruere: addentes etiam hæc, quod poſt expulſionem loci illius habitatorum, & eiſdem deſperabilem ſcelerati viri percutionem, prædium, & villam, quorum ſubſidijs, & redditibus locus ille eatenus ſubſiſtebat, perceptione ſatis iniuſta, tam à Comite Andegauenſi, quam ab alijs præſumptuoſæ, ac cupide mentis hominibus, uſurpata ſunt, atque peruſæ. His adiungit de reſtauratione eiſdem Monafterij Foſſatensis diuino monitu facta per Rorigonem religioſiſſimum Comitem, deq. præſectura eiſdem Monafterij collata à Carolo filio Ludouici Gauzolino filio Gausberti, deq. ſancti Mauri corporis translatione ab ipſo facta, cuius rei geſta teſtificationem ſubiicit iſtis verbis.

Anno Incarnationis Domini noſtri Ieſu Chriſti octingenteſimo quadrageſimo quinto, indiçtione octaua, feria quinta, hebdomadæ nihilominus quintæ quadrageſimæ, quarto idus Martij: translata ſunt oſſa beatiſſimi leuitæ Mauri à famulo Dei Gauglino, alijsq. Sacerdotibus in locum in quo nunc venerantur, in arca ferrea cum honore recondita. Hæc eadem die reliquæ protomartyris Stephani, quæ à Bertulpho Abbate, tempore Clotarij Regis, iuxta prædicti patris noſtri Mauri tumultum ob eius veneraionem, in pixide lignea recondita fuerant, ita intactæ, & abſque macula ſunt repertæ, ut quaſi eodem die illic repositæ viderentur. In qua etiam membranula vetuſtiſſimæ portiuncula eſt inuenta cuius ſeries diuturna obliteratione penè deleta, vix perſpicaciſſima elucidari valuit indagine: cuius textum tandem enucleatum,

hac continere repertum est. Hic requiescit corpus Beati Mauri Monachi, & Leuitæ, qui tempore Theodeberti Regis in Galliam venit, & 18. Kalen. Februarij migravit è seculo. Hac de his Odo, cuius opusculum impressum est Parisijs, una cum Aymoino de gestis Francorum.

CAPVT XXVI.

Anno 846.

HIS temporibus, decimo videlicet anno huius Abbatissæ, Sergio Papa secundo in sede Apostolica Præsidente, à quo Ludouicus Imperator est coronatus, ingens Saracenorum multitudo ab Africa, classe Romam deuecta, Ecclesiam sanctorum Apostolorum Petri, & Pauli, ex integro deprædati sunt, multosq; illic interficientes, per Appiam viam iter aggressi, ad Fundanam ciuitatem venerunt. Quam cum cepissent, & incendio cremauissent, cunctosq; illius ciues partim captiui, partim gladio destinauissent, vniuersa quoque per circuitum vastauissent, secus Caietam applicantes castra metati sunt. Contra quos missus à Spoletio Francorum exercitus, turpiter superatus aufugit. Quos Saraceni instantius persequentes, tandem ad viciniam huius Monasterij trans flumen, quod Carnellum vocatur applicuerunt, Ecclesiamq; sancti Andreæ Apostoli igne cremantes, ac demum ad cellam sancti martyris Christi Apollinaris in loco, qui dicitur Albianus, peruenientes, è vestigio ad hoc Monasterium, quod fama iam dudum vulgante audierant, quodq; præsentialiter suis oculis ex eodem loco cernebant, totis properare nsi-bus satagebant. Sed quoniam tardior illos hora eo die cohibuit, ibidem tentoria figunt, futurum profecto, ut die huc altero properantes, cœnobium omne destruerent, quæcunque fuissent hic reperta diriperent, cunctosq; ibi degentes gladio trucidarent. Maxima erat tunc totius cœli serenitas, tantaq; prædicti fluminis siccitas, ut pedes aliquis illum transuadere valeret. Itaque cum ad Fratrum aures huiusmodi nuntius peruenisset, & tam subitam, tamq; horrendam imminere sibi mortem aspicerent, maximo timore perterriti, omnes nudis pedibus, & cinere asperso capite

pite cum litiſſis ad Beatum conueniunt Benediſtum, oran-
tes Dei clementiam, vt eorum animas miſericorditer di-
gnaretur recipere, quorum corpora tam repentinæ morti
tradere ſuo iudicio decreuiſſet. Tota igitur nocte illa Fra-
tribus, vigilijs, orationibusq; intentis, ſanctæ memoriæ Ab-
bas Apollinaris, de quo ſupra retulimus, per viſum interim
Reuerendiſſimo Abbati Baſſatio apparens, dixit: quid Fra-
tres ita turbamini? vel quare ſic maſtum, timidumq; geri-
tis animum? cui Baſſatius, propter mortem, inquit, Pater,
omnium noſtrum, quam ante oculos cernimus, & propter
ſancti huius loci deſolationem, quam protinus præſtola-
mur. Nolite amplius, ait Apollinaris, timere, omnemq; ab
animo maſſitiam, ac ſollicitudinem pellite, Benediſtus ere-
nim Pater, veſtram à Domino liberationem obtinuit, ip-
ſumq; pariter nobiſcum in auxilium veſtrum pro certo ve-
niſſe noueritis, perficite tantum vota veſtra, & ſupplica-
tiones ad Dominum, quod etiam vna vobiſcum ante con-
ſpectum Domini facimus, & eſtote certiſſimi, quod nullam
vobis, neque huic loco Saracenorum ferocitas nunc poſſit
inferre moleſtiam. Cumq; Abbas experrectus hæc omnia
Fratribus indicaveſſet, vniuerſi procidentes in faciem cum
lacrymis, ac ſingultibus, magnisq; clamoribus, cæperunt
Deo laudes, & gratias reddere, eumq; immenſis iubilatio-
num vocibus glorificare, ac benedicere, cui per Beati Be-
nediſti interceſſionem taliter eos ab inſtanti placuit peri-
culo liberare, atque quod erat noctis reſiduum, in hymnis,
& laudibus Dei, ſtuduerunt peragere. Fidelis Dominus in
verbis ſuis, & ſanctus in operibus ſuis, qui iuſto polliceri
dignatus eſt dicens: Inuoca me in die tribulationis tuæ,
eripiam te, & magnificabis me. Cum ecce poſt paululum
ſubito cælum, quod hætenus, vt diximus, vndiq; ſereniſ-
ſimum fuerat, nubibus operitur, coruſcant fulgura, toni-
trua mugiunt, tamq; valida repente pluuiarum inundatio
facta eſt, vt ſupradictus fluuius, vltra ripas excreſcens, la-
tius vndique redundaret. Facto igitur mane Saraceni ſur-
gentes, ad fluuij properant oram, vident eminus quem die
præterito, ſicut diximus, pedibus poſſent tranſire, vix nunc
poſſe ſe illius, vel ripas attingere; cæperuntq; nimis dili-

Pſal. 144.
verſ. 13.

Pſalm 49.
verſ. 15.

genter scrutari, scubi nauem aliquam reperire valerent, qua fluvium transuaderent: sed cum omni spe transeundi se viderent frustratos, totiusq; prædæ illius, qua se tunc valde onustari putabant, vacuos redditos; sicut sunt barbæ, immitisq; naturæ, frementes, dentibusq; stridentes, digitos sibi ceperunt, manusq; præ furore corrodere. Cellas itaque huius cœnobij, sanctorum martyrum Georgij, & Stephani vocabuli insignitas, igne succedentes, per duos leones ad sua castra Caietam reuersi sunt. Post dies aliquot cum in propria redire disposuissent, debilitatos, ac sub neruatos equos suos vniuersos dimittunt, & conscensis nauibus versus Africam iter aggrediuntur. Cumq; iam ita proximi patriæ essent, vt montes vicinos aspicerent, & nautico more plausus inter se, & gratulationes efficerent, repente conspiciunt vnâ inter suas huc, illucq; nauculam discurrentem, in qua duo tantum homines visebantur, quorum vnus pulchra canicie clerici speciem prætendebat, alter verò habitu erat indutus monastico, à quibus diligentissimè percontati, vnde tam hilares remearent, quidue in illis partibus vnde redibant operati essent: ab Italia se, & ab ipsa Roma reuerti, ibiq; se maximas cedes, rapinas, atque incendia perpetrasse fatentur. Petri, inquit, quidem, ac Pauli Ecclesias deuastauimus. Benedicti verò cœnobium depredaturi, quoniam fluvium transire nequiuimus, cellas eius trans ipsum positas igne succendimus. Cumq; demum & ipsi quinam essent, ab eis requirerent; huiusmodi ab eis responsum recipiunt. Nos quidem illi sumus quorum vos domos, & diripuisse, & cremauisse tantopere gloriamini, veruntamen qui nos simus, quantocius nosse habebitis; & his dictis subito pariter cum verbo disparuerunt. Repente igitur valida surgente procella, tam ingens tempestas exorta est, vt vniuersas illorum naues partim inter se collisas, partim in montes, & scopulos impulsas, naufragare compulerit; ita vt vix aliquanti euadere potuerint, per quos hæc ad aliorum noticiam peruenirent. Hoc modo Petrus Apostolus suas iniurias vindicauit. Hoc modo Benedictus Pater suum Monasterium liberauit. Sequenti tempore sanctissimus Leo quartus Papa effectus, ne aliquando amplius hoc

S. Petrus,
& S. Benedictus
dictus Sacer-
dotis ap-
parent.

Leo Papa
Quartus.

hoc contingeret euenire, muris optimis, ac firmissimis castellum non modici ambitus circa Beati Petri Apostoli Ecclesiam fecit, quod usque hodie ab auctoris nomine Leoniana ciuitas appellatur .

A D N O T A T I O .

EA, quæ de Saracenis hic à Leone narrantur, desumpta videntur ex libro primo Dialogorum Desiderij Abbatiss Cassinensis, ubi eadem eisdem fere verbis referuntur .

CAPVT XXVII.

IVNC etiam temporis, Massar Saracenorum Dux in auxilium prædicti Radelchis Benevento residens, eisdemq; ipsos Beneuentanos vilipendens, quocunque modo posset vehementer affligeret, Monasterium sanctæ Mariæ in Cingla deuastauit, castellum sancti Viti cepit, Telesinam ciuitatem sibi ad deditionem coegit, & vniuersa in circuitu depopulatus est . Qui dum quadam die secus Beati Benedicti Monasterium pertransiret, adeò mens eius barbara cœlitus immutata est, vt dum canis eius vnâ in pratis Monasterij aucam cepisset, per semetipsum cum flagello cucurrerit, eandemq; de ore illius extraxerit: veniensq; ante ianuas Monasterij, mox claudere illas præcepit, ne scilicet aliquis suorum ingrediens, aliquam illic violentiam inferret. Sicq; Aquinum pertransiens, & Arcim, cæteraq; in circuitu deuastans, Beneuentum reuersus est .

S. Benedictus Monasterium suum protegit.

Eodem tempore, cum annus ab incarnatione Domini octingentesimus quadragesimus septimus volueretur, tam ingens terræ motus per vniuersam Beneuenti fuit regionem, vt Isernia ferè tota à fundamentis corrueret, multusq; ibi populus, & ipse cum eis eorum Pontifex interiret. Apud Monasterium quoque sancti Vincentij terræ motus idem plurimas domos euertit: in hoc autem monte meritis sancti Benedicti, ne vnâ quidem petram de loco suo mouit.

Anno 847

CA-

CAPVT XXVIII.

LER idem tempus, defuncto iam dicto Lothario, pontifarie Regnum Francorum diuisum est. Nam, vt supra diximus, Ludouicus, & Carolus germani ipsius, Baiouariam, & Aquitaniam regebant. Primogenitus vero filius eius Ludouicus nomine, est sortitus Italiam. Secundus Lotharius potitus est Aquis. Tertius autem Carlittus Saxoniam obtinuit. Huic igitur Ludouico admodum adolefcenti, ab afflictis varia peste Langobardis suppliciter suggestum est per venerabilem Abbatem Bassatium, vt ad has partes venire, eosq; a nefandorum Saracenorum deuastatione eripere, tantisq; calamitatibus finem dignaretur imponere; quod & obtentum est. Veniens igitur Ludouicus Beneuentum, a Radelchis, Beneuentanisq; receptus est, eiq; omnes Saraceni contraditi, quos omnes ipso die vigiliarum sancti Pentecostes extra ciuitatem duci, & iugulari praecepit: inter quos etiam Dux Massar capite plectitur. Moxq; idem Imperator conuocatis omnibus Langobardis, totam Beneuentanam prouintiam inter Radelchis, ac Siconolfum, a quo discrimine est partitus, Anno Domini 851. Sicq; post dies paucos prospere est ad sua reuersus. Porro demum praedicti Principes Radelchis, & Siconolfus pactum diuisionis Principatus inter se firmantes, hoc Monasterium sancti Benedicti, & Monasterium sancti Vincentij extra sortem esse decreuerunt, dicentes. Hae Monasteria ad nos minime pertinent, quonia sub tutela, & immunitate Dominoru Imperatorum Lotharij, atque filij eius Ludouici constituta sunt.

Anno 851

CAPVT XXIX.

ITERVM igitur Saracenis Bari degentibus, Calabriam totam, omnemq. Apuliam, vniuersamq. Prouinciam Beneuentanam affligere, ac deuastare nitentibus, rogatus a primatibus patriae Bassatius Abbas, vna cum Iacobo Abbate sancti Vincentij, Franciam adiit, praefa-

prafatumq. Ludouicum rursus ad has partes venire coegit. Qui veniens, Barium protinus adiit: cumq. Saracenis per dies aliquot sine effectu aliquo dimicauit, sed Capuanorum calliditate, ac fallacia cernens se nil proficere, Siconolfi filio de Salerno exiliato, & Ademario Principatu concesso reuersus est.

CAPVT XXX.

IN quoque temporibus, cum ob facinororum commorantium Capua, quæ & Sicopolis, quæ in monte Tripliseo paulo ante quindecim annos ædificata fuerat, ab igne sæpius cremaretur. Consilio habito, Lando Comes, & Lantolfus Episcopus cum cæteris propinquis suis, apud pontem illam Casulini, sicut hodieq. cernitur, construxerunt, Anno Domini octingentesimo quinquagesimosexto. Huius Abbatis maximum fuit tam sursum, quàm & deorsum in Ecclesijs studium, & ipse renouauit omnia altaria de Ecclesia Domini Saluatoris.

Anno 856

CAPVT XXXI.

NON autem ociosum videtur hoc in loco litteris tradere, quæ consuetudo tunc temporis in hoc Monasterio diebus paschalibus erat. Tertia feria post Pascha valde mane vniuersi Fratres tam de Monasterio, quod deorsum erat, quam & de hoc, quod sursum, vestibus sacris induti, assumptis cruce aureas ad procedendum, & thuribula, atque ceraprata, necnon textus Euangeliorum, & capsas, diuersosq. ornatus, atque Ecclesiasticos thesauros, procedebant, & his descenditibus, illi coniungebant se pariter ad ciuitatem sancti Petri prope ipsam Ecclesiam. Tunc incipientibus illis, qui de deorsum venerant responsorium: Benedictus, qui venit in nomine Domini: illi quoque desursum id ipsum subsequabantur. Quo finito, dabat Sacerdos orationem. De hinc singillatim per ordinem omnes, qui de deorsum venerant accedentes, saluta-

salutabant, & osculabantur tam Donnum Abbatem, quam & reliquos seniores desursum. Posthæc incipientes litanias, omnes pariter ingrediebantur in Ecclesiam sancti Petri, & iterum data oratione, cantabant tertiam: & deinde missam, Venite benedicti patris mei, cum cantu promiscuo, Græco videlicet, atque Latino, vsque ad completum Euangelium. Presbytero verò cum ministris ad complendam missam relicto; cæteri omnes simul egredientes cantando, atque psallendo deorsum pergebant, ac prope iam Monasterium ab ipso negotiantum foro Litanias incipientes, in Ecclesiam Domini Saluatoris intrabant. Ea finita, lotis manibus, atque vestimentis induti sollennibus, procedebant omnes ordinate in atrium ad altare Beati Archangeli Michaelis, ibique subsistentes expectabant Abbatem. Quo cum pervenisset, diuersis, ac multiplicibus stipatus officiis ministrorum, mox vniuersis reboantibus signis, procedebant sollenniter cum omnibus supradictis ordinibus, & ingressi Ecclesiam, incipiebant canere missas ipsius diei: qua completa, dicta sexta, ibant in refectorium cantando: Te Deum laudamus, gratias agentes Deo, qui illos ab omnibus aduersis eripuit; & cœnobiū cum habitantibus incolume custodiuit, & data oratione exeuntes expoliabant se indumenta sollennia, & sic reuertebantur ad comedendum. Eo siquidem die Maior præpositus prandium omnibus faciebat. Expleta verò refectio, Fratres, qui desursum venerant, vale, dicentes Abbatibus, ac cæteris Fratribus, cum benedictione reuertebantur.

Optima
consuetu-
do.

Anno 856

His item temporibus mos erat, vt pridie Kalend. Septembris conuentus ad hunc locum fieret, vna cum Præpositis suis vniuersorum huius cœnobiij in circuitu Monachorum, docendi ab Abbate, quid facere, quid cauere, quid uè corrigere, seu qualiter sub Dei præsentia, & timore cum regulari obseruatione viuere deberent. Sequenti verò die ordinabantur, & describebantur, atque destinabantur in obediēcias, per singulas prout opportunum erat Prouincias. Non multo post prædictus Abbas Bassatius defunctus est 16. videlicet Kalend. Aprilis, & iuxta Ecclesiam sancti Benedicti in ipso capitulo Fratrum digna veneratione reconditus.

C A-

BERTHARIVS Nonusdecimus Abbas
 sedit annis vigintiseptem, & mensibus
 septem. Hic predecessoris sui Bassatij fuit
 discipulus, cuius etiam in omnibus, &
 præcipuè in Ecclesiasticis studijs, indu-
 striam est imitatus. Codicem namque
 Euangeliorum auro, & gemmis optimis
 adornavit, & aureum calicem non parvæ quantitatatis effe-
 cit, aliaq. perplura ornamenta Ecclesiastica, tam sursum,
 quam & deorsum patrauit. Fuit autem temporibus Roma-
 norum Pontificum supradicti Nicolai, Adriani, atque octa-
 vi Ioannis, à quo etiam priuilegium de omnimoda huius
 Monasterij libertate recepit. Hic apprimè litteratus, non-
 nullos tractatus, atque sermones, necnon, & versus in san-
 ctorum laude composuit. Cuius & anticimenon de pluri-
 mis tam veteris, quam noui testamenti quæstionibus hic ha-
 betur: aliquot de arte grammatica libri, necnon & duo co-
 dices medicinales, eius vtique industria de innumeris re-
 mediorum vtilitatibus, hinc inde collecti: versus quoque
 per plures ad Angelbergam augustam, aliosq. amicos suos,
 mira conscripti facundia. Hic itaque reminiscens periculi,
 quod nuper à Saracenis sub suo predecessore (nisi Deus mi-
 sericorditer auuertisset) eidem loco acciderat: totum vn-
 dique Monasterium, quod sursum erat, muris, ac turribus
 firmissimis in modum castelli munivit. Ciuitatem quoque
 ad radicem huius montis circa Monasterium Domini Sal-
 uatoris construere inchoauit. Quo videlicet tempore, dum
 supradicta mænia Eulogi menopolis, idest Benedicti ciui-
 tatis construerentur, vir quidam, qui iam per septem an-
 nos præualida infirmitate, linguæ prorsus carebat officio,
 ita vt nullum penitus posset edere verbum, in eiusdem ope-
 ris ministerio inter ceteros seruiebat. Cum igitur quadam
 nocte in Ecclesia consuetas Domino Fratres redderent lau-
 des, idem mutus circa basim cuiusdam columnæ ipsius Ec-
 clesiæ residens obdormiuit: cui mox Beatus Benedictus in
 ipso sopore apparens, eumq. baculo, quem gestabat, in ca-
 put

Miracu-
 lum.

put blandè percutiens : huccine , ait, venisti dormire ? surge protinus, & tribus in terram vicibus expue . Quod cum euigilans ille fecisset, statim clara voce cepit gratias agere Deo , & beatissimo Patri Benedicto , per quem pristinum linguæ meruisset recuperare officium. Quo viso vniuersi, & cognito qualiter illi hoc euenisset, benedixerunt Dominum, & Benedictum famulum eius. His diebus defuncto Lupo Theanensis Ecclesiæ Præsule, Hilarius Diaconus, & Monachus huius Monasterij in eadem ciuitate Episcopus ordinatur .

CAPVT XXXIII.



ER idem tempus Maurus quidam de partibus Liburiæ vir diues, obtulit se ipsum in hoc Monasterio in manibus Angelarij Præpositi, cum duabus sortibus omnium rerum suarum tam mobilium, quam immobilium, in loco, vbi dicitur ad Silicem . Nam tertiam partem donauerat vnica filiæ suæ. Agelmundus quoque Telesinus ciuis, semetipsum obtulit Deo in hoc loco cum omnibus ex integro rebus substantiæ suæ, tam in ipsa Telesia, quam & in diuersis locis, præter duos casales, quos dedit filiæ suæ sanctimoniali, & alia nonnulla, cum aliquantis seruis, quæ concessit in Ecclesia sancti Domnini apud eandem Telesiam, quæ erat cella huius cœnobij . Hic Abbas fecit libellum Guidoni Comiti de sancto Angelo de Varriano, & de sancto Potito cum omnibus pertinentijs earundem Ecclesiarum, cum terra videlicet modiorum nongentorum quinquaginta, pro quibus in præsentiarum recepit solidos quingentos, annualiter verò recipiebat pro censu maculos septem . Concessit etiam Suabilo Gastaldeo Marforum usufruendi, diebus tantum vitæ ipsius, Ecclesiam sancti Cosmæ de Ciuitella, cum colonis, & seruis, & ancillis, & omnibus omnino rebus, & pertinentijs suis, & cum duabus alijs Ecclesijs, prædictæ Ecclesiæ pertinentibus, idest sancta Maria in Ellireto, & sancto Leucio in Moscoli, cum seruis nihilomi-

hilominus, & ancillis, & omnibus pertinentijs earum; nec-
 non & Ecclesiam sancti Benedicti in Auritino, & sancti Vi-
 &orini in Celano, & sancti Abundij in arcu prope Lacum
 Fucinum, cum omnibus similiter rebus, & pertinentijs ea-
 rum, recipiens ab eo pro omnibus his in præsenti libras tri-
 ginta, annualiter autem pro censu libras quatuor, in men-
 se Septembrio. Huius Suabili filius Rodepertus, cuius Be-
 neuēcanus, obtulit de substantia sua in hoc Monasterio Cur-
 tes numero sexdecim cum omnibus earum pertinentijs, &
 vnam domum nouam intra ciuitatem Beneuentanam, cum
 curte, & ædificijs suis. Huius temporibus quidam vir no-
 mine Maio de Comitatu Theatino, obtulit Beato Benedi-
 cto curtem suam, quæ dicitur Fara Maionis, cum omnibus
 pertinentijs suis, quæ insimul continet quinque millia octin-
 genta modia de terra, & aliam nihilominus curtem, quæ
 vocatur Malliæ cum Ecclesia sancti Petri, & cum omnibus
 similiter pertinentijs suis. Similiter quoque Stephanus
 quidam genere Capuanus obtulit in hoc sancto loco per di-
 uersa loca curtes octo, cum seruis, & ancillis, atque colo-
 nis ad easdem curtes pertinentibus, & cum omnibus omni-
 nò pertinentijs ipsarum, quarum prima vocatur Iuncia-
 num, secunda Clabatzanum, tertia Decatzanum, quarta
 Ardurum, in monte Marfico, cum integro territorio suo,
 prope curtem, quæ vocatur Campumutuli, quinta dicitur
 ad Casale, ibidem in monte Marfico, sexta ad Diripatum
 in finibus Canciæ, septima ad Patricanum, octaua verò vo-
 catur ad Rosellæ, similiter in Cancia. Todericus etiam qui-
 dam Capuanus fecit oblationem suam de prato de patena-
 ria, loco qui dicitur Spigiano.

CAPVT XXXIV.

INTEREA nequissimus Saracenorum Rex nomine Seodam
 Seodam Barium egressus, venit Capuam, quàm to-
 tam circumcirca deuastans, Canciam quoque, & Li-
 buriam, nullo sibi valente resistere, peragrans, in cam-
 po Neapolitano tentoria fixit, plurimos quotidie interfi-
 ciens, ac diuersas iniquitates exercens. Quo tempore Ma-
 ielpotus

Seodam
 Saracenus

ielpotus Telefinus, & Vvandelpertus Bouianensis Gastaldi, conducto Lamberto Duce Spoletino, & Gerardo Marforum Comite, exierunt aduersus eum cum de Capuæ populatione rediret, irruentesq; super illum Marte aliquandiu ancipiti certauerunt. Ad vltimum verò Saraceni potiti victoria sunt. Gerardo, & Maielpoto, atque Vvandelperto in acie ipsa peremptis, multis alijs captis, alijsq; necatis, propter quod maximam Seodam fumens audaciam, cuncta in circuitu castella præter præcipuas ciuitates cepit, funditusq; deleuit.

Moris tunc erat Monachorum vtriusque cœnobij, sancti videlicet Benedicti, & sancti Vincentij, charitatis gratia, diebus sanctæ quadragesimæ se inuicem visitare: nam tanta tunc temporis dilectionis copula neceiebantur, vt cum quosdam de seruis sancti Vincentij pars nostri Monasterij possideret: Itemq; illi quosdam de nostris, placuit vtriusque Monasterij Patribus, Berthario scilicet, atque Maioni, vt nequaquam discambiarentur, sed ita, vt tunc erat eorum possessio, sic semper intemerata maneret. Cumq; die quadam apud sanctum Vincentium de more quidam à Cassinensi Monasterio Fratres venissent, & de suo adinuicem ordine loquerentur: repente illuc Seodam nequissimus cum suis satellitibus superuenit: cuius Monachi rumore comperto, mox ad castellum suum, quod Monasterio erat proximum, maturato cursu, multum licet pauidi, incolumes tamen confugiunt. Saraceni verò Monasterium ingressi, cuncta, quæ inuenerant, vastauerunt, plurima confregerunt, frumenta verò, & legumina in fluuium, qui secus essluit proiecerunt, fodientesq; hic, atque illic vniuersum Ecclesiæ thesaurum, quem illorum pauore Monachi iampridem absconderant, reppererunt. Bibebatq; ille nefandissimus Seodam in sacris calicibus, & cum thuribulis aureis sibi thurificari iubebat. Ita, prohi dolor, incensum à fulminandis illis præfatum sancti Vincentij Monasterium, Monachis partim occisis, partim in diuersa dispersis, ad triginta vsque, & tres annos, ita desolatum permansit. Pessimus verò Seodam post diem tertium vsque ad portas Capuanæ ciuitatis accedens, plaustro onusta, & animalia diuersa cum multis

multis hominibus cepit: veniensq; iuxta Teanum caſtra-
metatus eſt. Quo venerabilis Abbas Bertharius agnito, ve-
rens nimium tam loco, quam populo nequam illius aduen-
tum, per Ragenaldum Diaconem ſuum aureos illi tria mil-
lia miſit: ſicq; eius ferociam mitigauit. Inde Seodam Ve-
naſtrum contendens, eamq; poſt paululum capiens, ac vi-
ciniam cunctam deuſtans, per aliquot dies ibi moratus
eſt. Erat tunc initium quadrageſimalium dierum, timen-
tesq; Monachi nefandiſſimi, ac peſſimi illius propinqua-
tem, omnes ſurſum ad Beatum Benediſtum ſe contulerunt.
Poſt paucos dies venit prope Monaſterium, quod deorſum
erat nequam illius exercitus quaſi ſtadia duo, quod tamen
ductoris euenit errore. Namq. dum vellent per montana
ad Atinam deſcendere, vetulus quidam, qui eorum ductor
erat deſcendit cum eis in Vallem rotundam, de hinc in ra-
pidum. Cumq. in plana veniſſent, ingreſſi Eccleſiam ſancti
Helix tulerunt, quod inuenerunt. Inde per Circlarias in-
hortum donnicum, perq. Paſcuarium in fontanam Lucij,
venientesq. Peolam, ſenem illum, qui eorum viam ſefelle-
rat interfecerunt. Demum ceſam Conſtantij, oliuetum,
necnon & matronulam ſollicitè perſcrutantes, vaccasq.
Monaſterij, & equas quotquot inuenerunt diripientes, Ve-
naſtrum ad ſuos reuerſi ſunt, ac non multo poſt Barium
regreſſi.

C A P V T X X X V.



LANGOBARDI igitur videntes ſe ſe
cœlitus pro ſuis iniquitatibus flagella-
tos, afflicti, ac demum neceſſitate arcta-
ti, tertio iam Legatos in Franciam ad
præſatum Ludouicum tranſmittunt, exo-
rantes, ac flagitantes, vt iterum venire,
eosq. ac patriam à nefandiſſima Sarace-
norum gente dignaretur eripere. Ludouicus Rex generale
ediſtum in vniuerſas Regni ſui partes dirigens, vt nullus
omnino eſſet, qui ſe ab hac expeditione ſubtraheret. Anno
Domini octingenteſimo ſexageſimoſexto, immenſum val-

Anno 866

K de


de congregauit exercitum, simulq. cum Donna Angerberga Augusta coniuge sua iter arripiens, Beneuenti fines per Soram ingreditur: ac mense Iunio peruenit ad Monasterium huius sanctissimi Patris, quod deorsum est, ubi à venerabili Abbate Berthario, vniuersis Monachis illi procedentibus, maximo cum honore susceptus est. Die altera montem adoraturus ascendit, ibidemq. magna nihilominus honorificentia à Fratribus est receptus. Cumq. vniuersum cœnobium circumiens perlustrasset, & optimè satis ædificatum laudasset, præceptum confirmationis totius Abbatia (iuxta quod sui prædecessores Imperatores iam fecerant) Beato Benedicto faciens, & regalia inibi conferens munera, Fratribusq. se multum commendans, descendit. Posthæc, inde digressus, Capuam adiit, quam tribus obsefam mensibus cepit, & eam maxima ex parte deleuit. Inde perrexit Salernum: de hinc nauigauit Amalfim. Puteolos quoque pergens, eiusdem vtitur lauacris, perq. Neapolim reuertens, Sessulam adiit, demum apud vallem Caudinam castrametatus, non multo post ingressus est Beneuentum. Apud Luceriam porrò Apulia ciuitatem, vniuerso suo congregato exercitu, consequenter cum Saracenis congreditur. A quibus primo certamine superatus, demum ex his opitulante Deo victoriam triumphalem adeptus, vniuersis eorum castris potitur. Inde Barium contendens quatuor illam annis obsedit. Materam interim munitissimam illorum ciuitatem capiens, igne illam, ferroq. consumpsit. Posthæc venit Venusiam, & tam in ea, quam in Canusio pugnatorum præsidio posito, Barium hinc inde cepit grauius expugnare, sicq; rediit Beneuentum. Ibi itaque cum in eius obsequio Abbas Bertharius moraretur, oratorium paruum, quod intra Monasterium sanctæ Sophiae prædecessor suus Abbas Bassatius inchoauerat, omni diligentia, studioq; compleuit, & in honorem sancti Patris Benedicti, à Stephano Teanensis Ecclesiæ Præsule consecrare fecit. Tunc temporis prædictus Rex Beato Benedicto præceptum fecit de vna curte sua nomine Laianu in loco, qui dicitur Turturitus, & de sancto Georgio cum omnibus rebus, & pertinentijs eorum. Cum autem Saraceni Barium degentes, vndique

dique angustati ad extremitatem vltimam peruenissent, misso Imperator exercitu, & ciuitatem, & Stodam cum suis omnibus cepit, eosq; vniuersos gladijs trucidari iussit. Deinde Tarentum obsideri è vestigio iussit: nam & ipsam olim idem nequissimi ceperant. Interea duo quidam Comites, nisi sunt in Imperatorem insurgere: quod cum cognouisset Imperator, persecutus est eos vsque Marham, vbi illi non audentes consistere fugerunt Beneuentum. Imperator autem dum illos persequitur, venit Iserniam, quam tentantem resistere, expugnauit, & cepit. Inde Aliphas pertransiens, & per Telesiam venit ad ciuitatem, quæ nominatur sanctæ Agathæ, quam per dies plurimos, quoniam capere non poterat, obsidebat. Tandem Bertharius Abbas, quoniam Hisebardus Gastaldeus, qui ipsam ciuitatem obtinebat eius consanguineus erat: apud Imperatorem pro illo interueniens, & illi gratiam, & ciuitati veniam impetrauit. Adelchis etiam Beneuentanus Princeps ad pedes eiusdem Imperatoris prostratus, tam præfatis, qui fugerant, quam etiam sibi, qui eos recipere præsumperat, ipsius Imperatoris gratiam adquisiuit. Ludouico apud Beneuentum posito, Adelchis Princeps ipsius ciuitatis diaboli inuidia ductus inuenta occasione, quod Franci multa in ciuitate insolenter agerent, aduersus eum securè degentem protinus insurrexit, eumq; capiens custodiæ mancipauit, cunctos milites illius dispolians, fugere compulit. Sed non in longum Deus passus est innocentem hominem frustra affligi, moxq; intra quadraginta dies innumerabili Saracenorum exercitu ab Africa aduentante, Ludouicus è custodia ex templo dimissus est, & sacramentis obstrictus, recedens a Beneuento, intra tres dies abiit Barulum, ibiq; per menses circiter vndecim remoratus, interim per quosdam suos Comites, primo tria millia, de hinc nouem millia fermè Saracenorum apud Capuam interemit. Post hæc eo aduentante Capuam, Saraceni cognito eius aduentu, relinquentes Principatum, Calabriam adeunt, eamq; funditus depopulantes, conscensis nauibus, ad sua (maximam tempestatem perpassi) quotquot euaserunt reuersi sunt.

DER idem tempus, cum idem religiosus Imperator secus Insulam Piscariæ, quæ est intra confinia Pennensis Comitatus transitum habuisset, eiusq; oculis locus ipse, quondam Casa aurea nuncupatus, valde complacuisse, & seruorum Dei recessibus aptissimum iudicasset, & ab Episcopis Valuensi, atque Pennensi Ecclesiam inibi ad honorem sanctæ Trinitatis construï iussit, & religioſos viros in eodem loco ad Dei seruitium congregari. Quo facto, plurimis eandem Ecclesiam, ac diuersis beneficijs per diuersa loca, quemadmodum ipsius munimihæ continent, imperiali largitate donauit, suamq; memoriam semper ibi habendam satis deuotus indixit. Postmodum verò ab eiusdem loci Abbatibus Ecclesia ipsa ampliata, & sancti Clementis vocabulo est sicut placuit appellata. Hic idem christianissimus Imperator Ludouicus, circa hoc tempus Monasterium sancti Angeli iuxta fluuium Sangrum, quod Barregium dicitur, iuxta tenorẽ præceptorum antecessorum suorum Caroli, atque Lotharij, suo quoque præcepto roborauit, confirmans omnia, quæ tam in circuitu suo, quàm & in pago Marforum, atque Valua, Theate quoque, & Penne, atque Aprutio, necnon & Asculo multipliciter possedisse antiquitus videbatur: videlicet in Marsia cellam sanctæ Mariæ in Fundo magno cum omnibus sibi subiectis Ecclesijs, vel rebus. Sanctum Euticiũ in Arestina: cellam sancti Pauli supra ipsam ciuitatem Marficanam: sanctæ Mariæ in Oretino: sancti Gregorij in Paterno: sanctæ Mariæ in Montorone: sancti Saluatoris in Auezano: sancti Antimi ad Formas: sancti Angeli in Alba: sancti Cosmæ in Ellerito: sancti Angeli in Carzolo, cum duabus cellis suis. In Valua Ecclesiam sancti Petri in Barbarano: sancti Saluatoris supra Flumen: sancti Angeli ad Aquam viuam: sancti Angeli ad Floretum, & cellam, quæ est inter aquas posita: sanctæ Felicitatis in Furcona: In Penne Ecclesiam sanctæ Mariæ in Cerqueto, & Peticianum: in Aprutio Monasterium sancti Angeli de Marano, cum


cum omnibus cellis, vel rebus suis. In Asculo, Ecclesiam Domini Saluatoris, quæ dicitur Caput aquis, cum omnibus pertinentijs suis: sancti Angeli de Strabulo: sancti Angeli de Feltriano: sancti Petri in Peñiniano, Curtem de cata Perende, vicendas duas magnas, necnon & seruos, & ancillas multas diuersis in locis, & alia plurima, quæ suis munitibus continentur.

CAPVT XXXVII.



O etiam tempore Radoald Gastaldeus in Aquinensi villa secus Pontemcuruum castellum construxit, quod videlicet ab eiusdem Pontis situ, & nuncupatione Pontscuruus nomen retinuit. Præfatus autem Imperator cum per annum ferè Capuæ remoratus fuisset, sublato corpore Beati Germani eiusdem ciuitatis Episcopi, demum Franciam est reuersus: moratus per diuersa loca, in partibus istis per annos circiter sex.

CAPVT XXXVIII.



V M Q. in reuersione sua apud sanctum Apollinarem Rauennæ remoratur, adiunctum Angelarius tunc Monasterij huius Præpositus, proclamationem faciens de cella sanctæ Mariæ in Maurinis, sita in Comitatu Pennensi, quam videlicet Hildebrandus Dux tempore Caroli Regis ante centum circiter annos, interueniente Benjamin Monacho in hoc cœnobio, præcepto suo firmauerat: modo verò essent aliqui, qui quasi ex parte ipsius Imperatoris res ipsas se tenere astruerent: mox Imperator, rei eiusdem cognita veritate, & prædicti Angelarii precibus inclinatus scripsit, & Imperiali auctoritate præcepit, vt nullus deinceps ex eadem cella aliquid retinere, vel attentare, neque ex sua, neque ex alicuius alterius parte præsumeret, sed quieta, & omnino libera in-

Anno 872

K 3 pristi-

pristinum dominium cœnobij nostri rediret, cum portu scilicet suo, & foce de Vomano, & cum omnibus omnino pertinentijs, suisq; finibus. Id est ab Atria vsque Vomanum, & vsque in fluuium, qui dicitur Plomba, & vsque in mare cum ipso littore ad piscandum, & cum Gualdo de Boleiano modia videlicet terræ insimul vndecim circiter millia. Insuper etiam præcepit Celso cuidam Præposito, & Grinaldo Episcopo, vt simul cum eodem Angelario mox venirent, eumq; ad vtilitatem loci huius, & ex parte sua de his omnibus inuestirent, præcepto, & sigillo suo super hoc illi concesso, ne quis vnquam ista remouere præsumeret. Circa hos dies Pargolfus Præpositus noster de sancta Sophia proclamauit in placito Heroici Iudicis Beneuentani super quendam Lioprandum de Curte, quæ est in ioco, qui dicitur Pantanum ad vicum de Atriano: quam idem Lioprandus dudum inuaserat, & ostensa ratione qualiter quidam Vrsus vna cum vxore sua, Venera nomine, obtulerat eam, cum omnibus rebus substantiæ suæ in Ecclesia sancti Benedicti, quæ constructa est, iuxta Beneuentum in prædicto loco Pantano: cella huius cœnobij, iudicante prædicto Heroico recollegit eam. Per hos etiam dies Adelchis Princeps Beneuentanus, rogatus à Criscio Præposito sanctæ Sophiæ, per præceptum concessit huic Monasterio totam omnino substantiam Potonij cuiusdam nobilis cum omnibus rebus, ac pertinentijs suis. Idem quoque Præpositus alio præcepto acquisiuit ab Aione Principe cuncta, quæ Poto Gastaldeus filius prædicti Potonis possidere videbatur, in pertinentijs Alifanis, & Telefinis, ad opus videlicet, & vtilitatem Monasterij huius. De terris nihilominus præfati sancti Benedicti de Beneuento, quæ sunt in Valle de Caudis, idem Præpositus in præsentia Principis Adelchis super Rodelgrimo quodam, qui eas fraudulenter retinebat proclamans, protinus illas recepit: data ab eodem Principe publica iussione, ne quis esset deinceps, qui absque nostri Abbatis licentia, aliquas terras nostri Monasterij aliquo modo reciperet: propterea, quia prædictus Rodelgrimus, decepto Amelfrid Monacho nostro: inscio Abbate, quasi sub libello easdem terras receperat. In præsentia quoque Ludouici Iudicis proclamauit.

elamavit super Guandelmario quodam infantulo de vna curte Monasterij sanctæ Sophiæ, in loco, qui dicitur Fassone, prope Beneuentum : quam idem Infantulus retinebat, eiusq; illam iudicio recollegit. His etiam diebus Benedictus, & Sichardus germani fratres de Salerno obtulerunt in hoc Monasterio omnem hæreditatem suam, quam habebant apud Theanum in loco, qui dicitur Scatunianus, & Purpuranus cum omnibus ex integro pertinentijs eius.

CAPVT XXXIX.

NON multo post igitur, receptis viribus Saraceni Tarentum obtinentes, exinde Barium, cæteraq; confinia acrius infestare ceperrunt. Interea Salernitani, Amalphitani, Neapolites, & Caietani, fœdus cum Saracenis componentes, Romam naualibus depredationibus angustabant, propter quod Carolus tunc Imperator, Iulicæ scilicet filius, à Ioanne octauo Papa multis Epistolis interpellatus, Lambertum Ducem, & fratrem eius Guidonem illi in auxilium destinauit, cum quibus idem Apostolicus Neapolim, Salernumq; profectus est: sed Guaiferius Salernitanus Princeps in omnibus Papæ obtemperans, & fœdus Saracenorum dirupit, & ex eis plurimos trucidauit. Sergius verò Dux Neapolitanus nolens se ab eis alienare, mox ab Apostolico excommunicatus est: ac non multo post, vindice Deo, à fratre proprio Athanasio Episcopo captus, atque cæcatus, Romam transmissus est. Idem verò frater eius Athanasius Dux in loco illius effectus, pace cum Saracenis firmata, eosq; iuxta Neapolim collocans, tam Beneuentum, quam Capuam, atque Salernum, Romam quoque, necnon Spoletum deuastare cum eis acriter cepit, multaq; tunc temporis Monasteria, & Ecclesiæ cum villis, & vrbibus incensa, ac desolata sunt.

A D N O T A T I O.

EA, quæ hoc capite narrat Leo, contigerunt sedente in Petri cathedra Ioanne octauo, anno Pontificatus eius
K 4 quinto,

Anno 877 quinto, Domini verò octingentesimo septuagesimo septimo. Sed sciendum, duos fuisse in Ecclesia Neapolitana Episcopos Athanasij nomine insignitos, sibiq. inuicem succedentes. Primus fuit vir sanctissimus, cuius nepotes fuere Sergius hic Dux Neapolitanus, & Athanasius frater eius, qui eum luminibus priuauit, ut Leo in presenti docet. Ille ergo prior Athanasius, quem ciues Neapolitani eximie colunt, atque ut patronum venerantur, quiq. diram persecutionem a prefato Sergio Duce diu perpeffus est, anno Christi octingentesimo septuagesimo secundo, Adriano secundo sedente, anno eius quinto, idibus Iulij migravit ad Dominum, ascriptusq. est eo die in Martyrologio Romano his verbis. Neapoli in campania sancti Athanasij eiusdem ciuitatis Episcopi, qui ab impio nepote Sergio multa passus, Verulus confectus arumnis, migravit in celum, tempore Caroli Calui. Huius obitum describens Petrus Diaconus Cassinensis, eius vite scriptor, sic ait: Post hac vir sanctus ab Adriano Papa vale faciens, ad Ludouicum Imperatorem tunc in Sabinis remorantem profectus, & ab eo cum ingenti honore susceptus, & cum eo Romam regressus, hortatu iam dicti Apostolici cum Imperatore ad Saracenos expugnandos, & sedi sue restituendus profectus, ad ciuitatem Verulanam deuenit: in qua tertio Kal. Iulij celebravit diem Apostolorum. Peracta missa capit febribus anhelare, & perfractus ab eadem infirmitate, Deo dignus, & charus Athanasius à carnea subtraetus est fece, & suo Creatori nouissimum reddidit Spiritum, in Oratorio sancti Quirici, quod bis senis millibus à Monasterio sancti Benedicti in Cassino distat, idibus Iulij, indictione quinta, regnante Basilio Imperatore Constantinopolitano. Prefatus autem venerabilis vir ante Episcopatum vixit annos decem & octo (ita illorum temporum sacrorum canonum contemptus ferebat, & corrupta Ecclesiastica disciplina fieri sinebat) in Episcopatu verò sedit annis viginti duobus, & in angustijs huius seculi fuit mensibus viginti vno. Inde portatus est ad montem Cassinum flentibus omnibus, sed exultantibus Angelis. Quem suscipiens omnis sancta congregatio illius Monasterij, dignè, & decentissime sanctissimum eius corpus condidere, in Ecclesia Beati Principis Apostolorum, quæ ab Archiepiscopo

*chisso Rege constructa est, & iungitur Basilica sancti Be-
nedicti. Vbi exuberant multa mirabilia per eum ad laudem
Domini nostri Iesu Christi, vsque in presentem diem. Hæc
Petrus Diaconus.*

C A P V T X L.



IS diebus Capuani expulso Landulpho
quodam Canonice in Episcopatum ele-
cto, Landenolfum quendam de suis nobi-
libus coniugatum, atque Neophytum,
sibi Episcopum elegere, multisq; preci-
bus præfatum Papam decipiunt, vt illis
Episcopus sacraretur. Qua propter ve-
nerabilis Abbas Bertharius, & Leo Episcopus Theanenſis
Romam profecti expeere obsecrare summum Pontificem,
vt hac in re nullo modo hæteretur, vnde grauis in Populo
Capuano ruina, & multa sanguinis effusio fieri deberet. Et
expressius, inquit Abbas, ò vir Apostolice noueris, quia
si hoc consenſeris, maximum profectò ignem, & vsque ad
te pertingentem accendis. Et primo quidem Apostolicus
ranti viri constantia territus est; postremò tamen præua-
luit iniquitas, & prædictus Neophytus est in Episcopum
consecratus. Hæc ciuili discordia Saraceni opportunita-
tem naçi, rursus vniuersa diripiunt, iterum cuncta deuas-
tant, propterea idem Apostolicus bis Capuam est venire
coactus. Videns igitur palam sibi contigisse, quæ noster Ab-
bas prædixerat, valde pœnituit, ac demum habito con-
silio, Landulfum (quem supra expulsam retuli-
mus) in Ecclesia Beati Petri Apostoli in
Capua vetere Episcopum consecrauit.

Landenolfum verò Ecclesiæ Ca-
puanæ præesse constituit,
cũctumq; Episcopatum
inter utrũq; diuidi
æqua lance
manda-
uit.

C A-

PER hos dies supradictus Princeps Guaiferius languore correptus, Monachus factus est, rogans se ad hoc Monasterium ferri, sed quoniam propter Saracenorum incurfionem huc deferri non potuit, defunctus, in Monasterio nostro apud Theanum corpus suum humatum est.

CAPVT XLIII.

DOSTHAE C Pandenolfus, qui tunc Capue praeerat, in Papae fidelitate consistens, rogauit eum, ut subderet dominatui suo Caietam. Nam Caietani eo tempore Romano tantum Pontifici seruebant, quod praedictus Papa dum concessisset, cepit idem Pandenolfus, ita Caietanos acriter incurfare, ut vel usque ad Molas illis egredi non daretur. Docibilis quidam tunc illis in ducem praeerat, qui tantum dedecus sibi, suisque illatum minime ferendum ducens, misit Agropolim, & Saracenos ibi degentes asciscens, primo conduxit eos marino itinere ad Lacum Fundanum, in locum, ubi sancta Anastasia vocatur, & inde per fluuium ascendentes usque Fundis, ibi quasi de vagina gladius, scaphis egressi, & cuncta in circuitu depopulantes, tandem Caietam peruenerunt, & in Formianis collibus sua castra componunt. His Papa auditis, illico penitentia ductus, blandis alloquijs, & Epistolis, necnon & pollicitationibus multis cepit conuenire Caietanos, quatenus sibi reconciliarentur, & a Saracenis sequestrarentur. Cuius demum monitis Docibilis obsecundans, rupto foedere cum Saracenis bellum iniit, in quo bello Caietanorum plurimi, & cessi, & capti sunt. Rursus tamen Saraceni pacem a Docibile postulantes, accipiunt, redditisque captiuis, in Gariliano ab eodem Docibile ad habitandum directi sunt: ubi per quadraginta ferme annos degentes, innumera circumquaque mala gesserunt, multumque Christianorum sanguinem effunderunt.

funderunt. In quo videlicet loco frequenter à diuerſis noſtris Principibus requiſiti, & oppugnati, ſed iudicio Dei, uſque ad prædictum tempus in expugnati manſere.

CAPVT XLIII.

PER idem tempus Monasterium Beati Patris Benedicti, ubi ſacraſiſſimum eius corpus humatum eſt, à prædictis Saracenis inuaſum, deſtructum, atque incenſum eſt, pridie nonas Septembris, anno incarnationis Dominicæ octingenteſimo octogefimo quarto, indictione ſecunda. Nec multo poſt vndecimo videlicet Kal. Nouembris, Monasterium maius, quod deorſum erat, ſimiliter occupauere, deuſtauerere, & incendere, multosq; inibi perimentes, ipſum etiam ſanctum, & venerabilem Abbatem Bertharium iuxta altarium Beati Martini gladio trucidauere. Cumq; eandem Domini Saluatoris Eccleſiam, diuerſis in locis, igne ſubmiſſo exurere molirentur, Dei iudicio, id perficere nequiuerere, ſicq; ea tantum de toto hoc Monasterio Saracenorum flammis erepta, illi Monasterij ſpolijs onuſtati, latantes, triumphantesq; Garilianum reuerſi ſunt. Monachi verò quicquid ſuppellectilis, vel theſauri, ſeu & muniminum huius Monasterij ſurripere potuerunt aſſumētes, vna cum Donno Angelario tunc temporis eorum Præpoſito, Theanum habitaturi proficiſcuntur: eundemq; Angelarium ſibi conſtituentes Abbatem in cella, quæ ad Beati Patris Benedicti honorem dudum ibi conſtructa fuerat, manere cępere, Anno & indictione ſupraſcripta. Sepultus verò eſt ſupradictus ſanctus martyr Chriſti Bertharius ſurſum iuxta Eccleſiam ſancti Benedicti in capitulo Fratrum.

Anno 884

Monachi
Cassinen-
ſes Thea-
num pro-
ficiſcuntur.

CAPVT XLIV.

NON autem videri ſuperfluum eſt, ſi hoc in loco memoratorium, quod prædicti Abbatis Bertharij ſtudio geſtum reperimus de rebus, & cellis huius Monasterij apud Marchiam, in Theate, dumtaxat, & Penne conſtitutis, quæ Beato Patri Benedicto à ſan-

Monaste-
rium san-
cti Libera-
toris.

Bona, quæ
obtulit Y-
selgarda
Comitissa

à sanctæ memoriæ Regibus, Carolo, Pipino, Lothario, ac
que Ludouico, seu à cæteris quibusq; fidelibus hætenus
concessa noscuntur, anneximus. Quandoquidem quæ spe-
cialiter à singulis quibusq; collata sunt, incensis plerisque
eorum oblationibus ignoramus. Primum scilicet est Mo-
nasterium sancti Liberatoris, quod situm est in Comitatu
Theatino supra fluvium Laentum, ad radicem montis, qui
dicitur Maiella, cum Ecclesia sancti Angeli, quæ est in la-
tere montis plani, cum integro eodem monte, & cum ca-
stello sancti Angeli cum vniuersis suis pertinentijs, & cur-
te, quæ dicitur casale Prandi, & curte de Garifuli, & castel-
lo sancti Petri, & curte sancti Ianuarij, & Valle plana, &
Luciano, cum omnibus omnino pertinentijs, ac rebus suis,
intra hos videlicet fines. Ab vno latere finis Torrens, vbi
dicitur Cripta latronis, qui est sub ipso monticello, voca-
bulo Saracenico, qui modo nominatur prætorium, & quo-
modo ascendit inde ad ipsum Staphilum de Maiella, qui di-
uidit inter regalia, & causam sancti Benedicti. De alio late-
re quomodo descendit inde in aquam Frassinigam, & sicut
mittit in Riuum, qui dicitur Baccinium; hinc verò ab ipso
fossato in puteum de Capetano, inde in fossatum sancti Ia-
nuarij, & in Rosentem. De alio latere finis Bisara, inde in
viam, quæ vadit in lacunam supra sanctum Donatum, hinc
in Ficarium, inde in fossatum de sancta Lucia, & ascendit
per aquam frigidam in limitem de monte plano, & sicut
vadit sub ipsis limitibus in fossatum Garifuli, & ita mittit
in Laento. Inter quos vtique fines nullam omnino sibi refer-
uationem prædicti Reges facere, quia tota hæc pertinentia
regalis fuit, excepta Ecclesia sancti Vitalis cum pertinen-
tia decem dumtaxat modiorum, quæ pertinet ad Episco-
pum. Deinde Ecclesia sanctæ Mariæ in Baccinio cum perti-
nentia sua. Ecclesia sancti Felicis in Pastoricio cum finibus,
& pertinentijs suis, quæ habet fines ab vno latere flumen
Piscariæ, de altero Lauinum, de altero Ripas de Turri, cum
ipsa curte, ibi est Ecclesia sancti Benedicti; de altero verò
fontem de Troia, quomodo descendit in Lauinum. Ecclesia
sancti Viti supra flumen Lauinum. Ecclesia sancti Helix in
Sclangario, cum pertinentia sua, quæ est viginti millia mo-
diorum.

diorum. Curtis de Caromanico. Monasterium ſancti Comicij iuxta riuum Arullum, cum multis poſſeſſionibus. Eccleſiam ſancti Felicis in Puluerio, cum medietate ipſius curtis per fines ſuos, ideſt ab vno capite montem, ab altero prædicta Piſcaria, ab altero Terra ſancti Thomæ, ab altero Roſentem, quomodo mittit in Piſcariam. Quæ omnia Yſelgarda Comitiffa obtulit Beato Benedicte. Eccleſiam ſancti Calixti, ſancti Mammetis, cum tota curte de Iliano, ſancti Marci, ſanctæ Mariæ in Pontiano cum terræ modijs ſexcentis. Inſula, quæ eſt intra Pomarium, & caſtrum, quod dicitur Calcaria, cum terra modiorum circiter quadringentorum. Eccleſia ſancti Eleutherij, & ſancti Pauli, in pertinentia de Boclanico, loco qui dicitur Rupi, cum terra ſeptingentorum octoginta modiorum. Eccleſia ſancti Eraſmi in Cerretu plano, cum pertinentijs, & finibus ſuis, ac molendinis omnibus, quæ intra ipſos fines conſtructæ ſunt, cum Eccleſiâ ſancti Saluatoris, & ſancti Martini, Eccleſia ſancti Benedicte, & ſanctæ Mariæ, & ſancti Comicij, & ſancti Silueſtri in loco qui dicitur Orni, cum omnibus finibus, ac pertinentijs earum. Hanc Eccleſiam ſancti Silueſtri conſtruxit quidam Rainedius, & obtulit eam Beato Benedicte cum omnibus pertinentijs ſuis intra hos fines. Ab vno latere ipſa Benna, ab altero latere ſeptem viæ. Ab altero alia Benna, quæ ſe ſimul coniungunt. Fara maioris, & Fara, quæ dicitur Binna cum finibus, & pertinentijs earum. Maio etiam, qui fuit conſanguineus Poteriti Præpoſiti ſancti Liberatoris, ſub prædicto Abbate, obtulit in hoc Monasterio eandem Faram, quæ continens eſt inſimul quinque millium octingentorum modiorum terræ. Curtem ſancti Calixti cum omnibus ſuis, Eccleſiam ſancti Petri in loco, qui dicitur Mallianellum cum omnibus pertinentijs, ac finibus ſuis, ideſt à capite Foſſatum della vite, à pede viam de ipſo puteo, ab vno latere Bennam, ab altero fluium de Argelli, quàm etiam prædictus Maio hic obtulit. Intra quos fines eſt Eccleſia in honore ſancti Mauri, & Monasterium ſancti Renati, quod ſitum eſt inter Antonianum, & Pizzum coruarium, cum omnibus pertinentijs ſuis. Eccleſia ſancti Calixti ſupra ipſum Laentum, in loco qui dicitur Vallis

3. Saluius
Monach.
Cassinus.

Vallis, cum terra modiorum sex millium sexaginta. Ecclesia sanctæ Mariæ supra Faram de Laento, cum pertinentia sua. A capite videlicet via, à pede Laentum, ab utroque latere fossatum. Ecclesia sancti Sauini in Treuanico, & sancti Clementis in Plombata. Ecclesia sancti Saluij ibidem. Qui videlicet Saluius ex Campania natus, huius Monasterij exiit monachus, & tenuit prædictam Ecclesiam sancti Clementis in obedientiam, ubi cum defunctus fuisset multa mirabilia Deus ad sepulchrum illius est operatus. Sanctæ Mariæ in Fluuio Foro, loco qui dicitur Cannetum, cum terra modiorum quatuor millium sexaginta. In ipsa aqua de eodem Foro molendina quatuor. Ecclesia sancti Petri in Iolliano, cum mille quadringentis modijs terræ. Monasterium sancti Seuerini. Ecclesia sanctæ Mennæ in pertinentia de Ripe. Sancti Andreæ in colle de Alue. Sancti Petri in loco, qui dicitur Ari. Curtis, quæ vocatur Fenestre. Ecclesia sancti Angeli ante ciuitatem Ortonam, cum modijs terræ octingentis. Castellum de Vngo cum tota pertinentia sua, & intra ipsam pertinentiam Grosse, & medietas de ciuitate Tazze, cum tota pertinentia de Rapini, & Comino. Ecclesia sanctæ Crucis in pertinentia de ipsa Roma, cum mille quingentis terræ modijs, & medietatem ipsius castri de Casale, cum pertinentijs suis. Monasterium sancti Pancratij cum tota pertinentia sua. Castellum de Preta, & Gessi, & Ciuitella, & Vallis sancti Martini, cum omnibus pertinentijs eorum. Ecclesia sancti Petri in ciuitate Theatina, vetere, & ibidem iuxta, Ecclesia sancti Pauli. Ecclesia sanctæ Theclæ intra eandem ciuitatem nouam cum ipsa porta, quæ respicit ad Orientem, quæ hætenus porta monacisca vulgo vocatur. Ecclesia sancti Theodori, & Ecclesia sancti Saluatoris intra ciuitatem Aternum, cum medietate de ipso portu, quem supradicta Yselgarda Comitissa obtulit sancto Benedicto.


Yselgarda
Comitissa

In Comitatu verò Pennensi Ecclesia sancti Felicis in Stabulo: campus de Gaie: Monasterium sancti Benedicti in Lauriano, & sanctæ Scholasticæ iuxta fluuium, qui dicitur Tabem, cum integra curte de Moscufo, & curte de Gemberuti, & Ecclesia sancti Angeli in Galuanico, cum integra ipsa

ipsa curte, & medietate de castro Laureti, ab ipsa videlicet Pila, quæ in eiusdem castelli medio sita est, quomodo descendit in fossatum de Rosiccle, cum Ecclesia, quæ ibi constructa est in honore sancti Fœlicis, & vsque Triuium, quod est super sanctum Fœlicem, & sicut pergit per ipsam Vallem in fossatum de Doreniano, & sicut ipsum fossatum descendit in flumen Tabe, & qualiter per ipsum flumen ascendit vsque ad Paternum, vbi est Ecclesia in honore sanctæ Mariæ, & sicut rectè ascendit in ipsum fontem de Laureto, & sic venit ad prædictam Pilam: intra quos fines nulli omnino aliquid pertinet, nisi tantum Monasterio Cassinensi. In Colle alto sex peccie de terra per maximæ: medietas villæ de Lauerano: medietas de Podio Pollecanti: tertia pars de castello Cese: medietas castri de colle Maio: Ecclesia sancti Martini in Genestrula cum tota curte: Ecclesia in Salaiano cum mille septingentis modiis terræ: quarta pars de ciuitate Quana: medietas curtis de Viculo: curtis de Carpeneto cum montanis, & planitijs magnis: in pertinentia de Ciuitella, tria millia modiorum terræ: Monasterium sancti Petri in Castroniano, cum Ecclesia sanctæ Ciciliæ, cum omnibus pertinentijs suis, & plurima alia, quæ hic scribere super sedemus.

Quæ videlicet omnia vsque ad id tempus Abbates huius loci, siue ad ius Monasterij retinebant, siue libellario nomine ad censum nonnullis concesserant.

CAPVT XLV.



ANGELARIVS Abbas à Beato Benedicto vicesimus, sedit annis sex. Hic (sicut supra iam diximus) de Præpositura huius Monasterij Abbas apud Theanum effectus, post biennium cepit paulatim restaurare Monasterium Domini Saluatoris, quod à Saracenis incensum superius diximus. Fuit autem temporibus Aionis Principis Beneuentani, & Stephani quinti Papæ, & successoris eius Formosi, quem videlicet Formosum, Stephanus Papa, qui ei succes-

Formosus
Papæ.

successerat, sepulchro suo extrahi, abijciq; mandauit; cū-
 ctasq; ipsius ordinationes irritas esse statuit, pro eo scili-
 cet, quod cum Ostiensis (aliās Portuenfis) Episcopus esset,
 contra sanctorum canonum decreta, Apostolicam sedem
 inuaserat. Sub hoc Abbate oblata est in hoc Monasterio
 terra illa, quæ nuncupatur Brezze, prope Capuam, quod
 est pratum magnum, & silua à quodam Castulo eiusdem
 loci habitatore. Hermefrid quoque ciuis Asculanus, vir di-
 ues Subdiaconus officio, obtulit seipsum per capillos capi-
 tis sui Prapósito nostro nomine Vuamelfrid, cum omnibus
 omnino mobilibus, & immobilibus suis de partibus illis.
 Quidam etiam Ingius nomine de Beneuento expeditionem
 Romæ facturus, obtulit huic sancto cœnobio res suas. Id
 est curtem vnā de loco, qui dicitur Turri: aliam de loco,
 qui dicitur Murete. Aliam verò in loco Mattici, cum vni-
 uersis finibus, ac pertinentijs illarum. Sed & Vualamir qui-
 dam eiusdem ciuitatis indigena seipsum in hoc loco ad mo-
 nachatum tradens, obtulit in Ecclesia sancti Benedicti de
 Beneuento, vbi dicitur ad Xenodochium, cella huius cœ-
 nobij: curtem vnā magnā in finibus de Ariano: loco,
 qui dicitur Tricium, cum omnibus ex integro curtis ipsius
 pertinentijs. Huic Abbati Adelmarius quidam Capuanus
 vendidit integram curtem suam in loco Anglena prope Ec-
 clesiam sancti Vincentij nobis pertinentem, cum campis,
 & siluis, & pratis, & terris omnibus ad ipsam curtem per-
 tinentibus.

Athana-
 sius iunior
 Episcopus
 Neapoli-
 tanus.

Eodem tempore Athanasius Neapolitanus Episcopus
 manifestauit se Monasterio huic de obedientia nostra in ca-
 sa Gentiana, vt nullam ibi potestatem, neque ipse, neque
 successores sui habeant, vel licentiam in ea aliquem ordi-
 nandi, vel conditionem ponendi; sed sicut antiquitus nobis
 pertinuit: ita deinceps in nostra ex integro potestate, &
 ordinatione rediret. Per idem tempus Laurentius Diaconus,
 & monachus noster, Prapositus Monasterij sanctæ Ma-
 riæ de Cingla: fecit concambium cum quodam Landoario
 Capuano de quibusdam Terris in Caluo, & Calinulo, cum
 licentia, & consensu præfati Abbatis, & Radelchisæ Abba-
 tissæ. Idem quoque fecit, & Ioannes Sacerdos, & monachus,
 ac

ac Præpoſitus præfati Monafterij de Cingla de quibuſdam alijs Terris eidem Landoario, per licentiam nihilominus, & conſenſum eiufdem Abbatis Angelarij, & Abbatiffæ Gaitrudæ. Prædictus autem Abbas non multo poſt, defuncto his diebus Epifcopo Theanenſis Eccleſiæ: in eadem ciuitate à clero, & populo electus, & ordinatus eſt. Vbi etiam & defunctus eſt, & ſepultus nonis Decembris.

A D N O T A T I O.

Admonendus mihi eſt Lector, ne forte nominum æquiuocatione decipiat, Formoſum Papam, de quo hic fit mentio, ſediſſe inter duos Stephanos, ſextum videlicet, & ſeptimum, quos plerique (inter quos eſt Leo noſter) quintum, & ſextum numerant, ea ratione, quam ſupra in Adnotatione ſuper caput octauum retulimus. Vnde rectè aſſerit Leo, Stephanum Formoſi ſucceſſorem ea commiſſiſſe, quæ hic de ipſo narrantur: de quibus conſule Carainalem Baronium Baronius
tom. 10. tomo decimo anno 897. Ex his ergo ceſſant ea, quæ aduerſus Leonem dicuntur à Baronio eodem tomo anno 891. Argu-
mentatur enim iuxta ea, quæ in Chronico Caſſinenſi impreſſo perperam ſcripta legerat.


CAPVT XLVI.

RAGEMPRANDVS primo & viceſimo loco Abbas electus, in eodem Monafterio Theanenſi, ſedit annis nouem, Anno 890 menſibus decem. Qui videlicet Abbas Ioannem Papam nonum, vti ſibi more prædeceſſorum ſuorum priuilegium faceret petijt, & accepit. Hoc præſidente, Adelgarius quidam nobilis obtulit Beato Benedicto apud Theanum cum oblationibus Herchempertum filium ſuum, docilis ingenij puerum. Quo tempore Græcis, ac Neapolitanis Capuam obſidentibus: idem Herchempertus cum alijs ſeptem fratribus à Theano Capuam tendens, iuxta Anglenam omnes à Græcis exequitati, & ſpoliati pariter
L lunt,

sunt, & famuli eorum capti, & famulis quidem argento redemptis, & quinque equis recollectis: ipse solus (sicut idem de se refert) cum magistro suo pedes remansit, sicq; ciuitatem intrauit. Post hæc cum Atenolfus Gastaldatum adeptus, omnia, quæ iuris nostri Monasterij erant in terra capuana Fratribus abstulisset: præfatus Herchempertus Romam hac de re ad venerabilem Papam Stephanum, transmissus, & Apostolicam benedictionem detulit, & priuilegium sancto Cœnobio obtinuit, & supradicto Gastaldeo commonitorias litteras, ut vniuersa, quæ abstulerat protinus redderet, nisi excommunicationis vellet subire sententiam, attulit. Quas ille suscipiens, paruit, & omnia, quæ nobis abstulerat ex integro restitui iussit. Hic etiam Atenulfus eidem Papæ Stephano iam dudum per Maionem Abbatem sancti Vincentij suggererat, ut si ei contra Saracenos Gariliano residentes ferret auxilium, ipse & Caietanos omnes, quos nuper ceperat, redderet, & ei fidelitatem firmissimam faceret. Sed quia Papa nequiuit implere, quod ille petierat, neque ipse quoque fecit, quod Papæ mandauerat. Theophilactus quoque Stratigo iisdem diebus à Barrio Theanum cum exercitu veniens, eosdem Saracenos nissus est aggredi: sed nil præsumens, ad propria repedauit. Hic Abbas concessit Ageltrudæ Augustæ, quæ fuit mater Lamberti Regis libellario more, diebus tantum vitæ ipsius, duas cellas huius Monasterij, cum omnibus rebus suis in finibus Lombardiæ: vnā in loco, qui dicitur Laude, & alteram in Persiceta: vnde per singulos annos mittebat illi eadem Augusta, census gratia tres libras argenti. Fecit etiam libellum Gotfrido cuidam Marficano, de sancto Gregorio in Seruiliano cum seruis, & ancillis, & omnibus omnino rebus, ac pertinentijs eius in eodem Comitatu Marforum: pro quo annualiter recipiebat censum tritici modia quindecim, & quindecim modia de vino, & pisces centum, in mense Octobrio. Per hos dies Sichelfrid quidam Capuanus reddidit huic Monasterio inclytam curtem in loco Patenara, quā auus eius à Bassatio Abbate per scriptum conuenientiæ retinebat.

C A.

CAPVT XLVII.



VIVS autem Abbat̃is septimo anno, in-
 dictione decimaquarta. Monasterium, quo
 in Theano Fratres degere ceperant, occul-
 to Dei iudicio ab igne crematum est, cum
 omnibus opibus suis. Vbi etiam & regula,
 quam Beatus Benedictus manu sua con-
 scripserat, necnon & sacci, in quibus iussu Dei, cœlitus ei-
 dem Patri Benedicto esca delatæ sunt: insuper & plurima
 huius cœnobij munimina; plurima quoque præcepta do-
 nationum à singulis Imperatoribus, Ducibus, atque Prin-
 cipibus eidem Monasterio collata, incensa sunt. Inter quæ
 etiam præcepta, quæ de casa Gentiana facta fuerant pari-
 ter sunt ab igne consumpta. Namq; temporibus Ioannis
 Abbatis, qui tertius ab hoc Ragemprando fuit, cum die
 quadam ante eundem venerabilem Abbatem exortum
 fuisset inter Fratres colloquium à quibus Principibus præ-
 dicta casa Gentiana huic Monasterio concessa fuisset. Qui-
 dam Maio Presbyter, atque Grammaticus, homo senex,
 & veracissimus: hoc exinde se nosse certò, certius affirma-
 bat. Aiebat, namq; præfato Donno Abbati, sicut legi, in-
 quit, in tribus præceptis donationum, quæ hic fuere in-
 serinio Donni Angelarij Abbatis. In primis Gisulfus Dux
 concessit Donno Petronaci Abbati in Monasterio sancti Be-
 nedicti territorium Gentianæ. Postea verò Arichis Prin-
 cept similiter concessit Theodemario Abbati partes maio-
 res ibidem in Gentiana. Iterumq; Grimoald filius eius per
 præceptum donationis concessit sancto Benedicto omnia
 Donnicalia sua, cum servis, & ancillis in eodem loco casæ
 Gentianæ; & cellam sancti Agapiti, & plurima alia, quæ
 modo non recordor. Similiter etiam in eisdem præceptis
 continebatur donatio ipsorum Principum de portu Traie-
 cti, & de portu Vulturmeni: sed & de Piscaria Lesinensi.
 Hæc, inquit, omnia ego legi, & in alijs membranis ego re-
 nouavi ex iussione Donni Angelarij Abbatis. De supra-
 dicto itaque incendio Theaneñsis Monasterij, quicquid a
 Fratribus de thesauro Ecclesiæ potuit, quomodolibet eri-

Monaste-
 rij Thea-
 neñsis cō-
 flagratio.
 Anno 897

L 2 pi:

pi: in Episcopio eiusdem ciuitatis repositum est. Vnde postmodum non parua eiusdem thesauri pars in Ecclesia ipsa remansit.

CAPVT XLVIII.

Anno 891

HIS temporibus Symbaticius Patritius veniens à Constantinopoli, obsedit Beneuentum per menses circiter tres, cepitq; illam decimoquinto Kal. Nouembris, anno Domini octingentesimo nonagesimo primo. Completis videlicet trecentis viginti annis à Zottone primo Duce Beneuenti. Per cuius temporis spatium Langobardorum tam Duces, quam Principes eandem ciuitatem tenuerant. Hic Symbaticius cum esset Imperialis Prothospatarius, & Stratigo Macedonia, Thracia, Cephalonia, atque Longobardia: Entilma (idest mandatum, siue priuilegium) fecit prædicto Abbati de Monasterio sanctæ Sophiae de Beneuento, & sanctæ Mariæ de Cingla, & sanctæ Mariæ de Plumbariola, terribiliter ex parte Imperatorum præcipiens, nequis esset, qui in causis, ac possessionibus prædictorum cœnobiolorum Cassinensi cœnobio subiectorum, aliquo modo, aliquam iniustitiam, seu violentiam inferre præsumeret: quod si aliquis in eis delinqueret, iram Imperatoriam pro certo se experturum sciret. Post hunc Symbaticium dominatus est Beneuenti Georgius Patritius, qui cum annis tribus, & nouem mensibus in ea sedisset, veniens Guido Dux, & Marchio, expulit inde Græcos, & præfuit ibi annis fermè duobus. Post hunc Radelchis annis duobus: deinde præfatus Aenulfus ex Capuano Gastaldatu iam Comes, cum filio Landulfo, & ceteri deinceps per generationes suas, in eadem Principatum tenuere per annos circiter septuaginta septem.


C A

CAPVT XLIX.



INTEREA prefatus Atenulfus, una cum Gregorio Neapolitano, necnon & cum Amalphitanis, non paruo exercitu aggregato, Garilianum supra Saracenos venit, & constructio de nauibus ponte iuxta Traiectum, in loco, qui Setra vocatur, transiens expugnabat eos. Ibi igitur illis consilientibus, quadam nocte dum minus caute suas custodias agunt, repente Saraceni cum Caietanis super eos irruunt, deq; illis plurimos sternunt: reliquos usque ad pontem acriter insequuntur. Sed ibi tandem nostris fortiter resistentibus, Saraceni vertere terga, & suis se castris tueri coguntur. Obijt supradictus Abbas octauo idus Anno 899 Nouembris.

CAPVT L.



EO vicesimussecundus Abbas, similiter apud Theanum, sedit annis quindecim, mensibus septem: temporibus Leonis Imperatoris, & Papæ Christofori, qui de Papatu expulsus, & monachus factus est, necnon & Sergij tertij Papæ, à quo idem Abbas priuilegium de more recepit. Acquisiuit etiam & à prefato Principe Atenulfo præceptum confirmationis omnium oblationum, seu concessionum, ac possessionum huius Monasterij propter id vel maxime, quod & prius in hoc loco à Saracenis, & denuo verò apud Theanum munimina huius cœnobij igne consumpta essent. Huius Abbatis interuentu concessus est ab eodem Principe mons sancti Eleutherij in Monasterio sanctæ Mariæ de Cingla, pro pascuis videlicet animalium ipsius loci, necnon & pro lignis faciendis ad diuersas vtilitates. Fluius etiam, qui dicitur Ete, ab ipso ortu suo usque ad fluuium Vulturum, & deinceps ipsum Vulturum usque in pedem prædicti montis sancti Eleutherij: quemadmodum ad ius palatij pertinuit, ad
L 3 faciendum

faciendum in ipsis quicquid eidem Monasterio necessarium fuerit. Hic Abbas quinto anno ordinationis suæ cepit re-
 ædificare hoc Monasterium, quod videlicet per vnum, & vi-
 ginti annos penitus fuerat destitutum. Huic Guaimarius
 Salernitanus Princeps per præceptum concessit curtem,
 vnam magnam, in loco, qui dicitur Rota, cum casis, & fil-
 uis, & arbutis, vineis, & castaneis; seruis quoque & ancil-
 lis, & cum omnibus eidem curti ex integro pertinentibus.
 Hic idem Guaimarius alio præcepto concessit in hoc Mo-
 nasterio medietatem curtis in finibus Sarni, loco vocabulo
 Lanciaria, quæ fuit Agenardi, huius videlicet medietatem
 idem Agenardus iam Beato Benedicto obeulerat, cum om-
 nibus ad eandem curtem pertinentibus. Hic fecit libellum
 cuidam Adelario ciui Romano de Ecclesia sancti Benedi-
 cti, quæ ibidem nobis antiquitus pertinuit, ea conditione,
 vt quoties, vel Abbas, vel Monachi nostri Romam pro ali-
 qua vtilitate perficienda perrexissent, honorabiliter in ea-
 dem Ecclesia reciperentur, quamdiu ibi remorari necessa-
 rium esset; & omni anno pro censu sexaginta denarios Mo-
 nasterio nostro transmitteret. Defunctus verò est prædictus
 Abbas decimo Kalendas Septembris: vterque autem, Ra-
 gemprandus videlicet, atque Leo, in ipso Theanensi cœno-
 bio, vbi commorati sunt, ibi & defuncti, & sepulti sunt.

Anno 915

A D D I T I O ex Petro Diacono Cassinense.

TEmpore, quo Ludouicus Caroli filius in seniori Roma
 Augustale sumpsit Imperium, Ioanne Octauo Papa
 in sede Apostolica Presidente; in Cassinensi verò Ecclesia
 Leone Abbate cathedram gubernante, primo anno ordina-
 tionis eius; Dominica verò Incarnationis anno nongentesi-
 mo, indictione tertia, mensis Augusti die prima. Saraceni à
 Babilonia, & Africa ad instar examen apum, cum Abraimo
 impijssimo Rege suo, Siciliam intrarunt. Inuadentes itaque,
 pacatam Insulam, quæqua versum impietatis agmina tende-
 bant, omnia deuastabant, depopulabant, incendio, & homi-
 cidijis miserandum in modum cuncta tradentes. Iam verò
 quis digne referre valeat quanti tunc Cassinensium mona-
 chorum.

Anno Do-
mini 900.

eborum in Sicilia habitantium, ab illis diuerſis pœnarum generibus extincti fuerint? Non enim ſexus infirmior paganorum crudeles animos mitigabat, & ibi ira exagitabantur matori, ubi miniſtros inueniebant diuinitatis. Senectus etiam, & veneranda canities, nullam ſibi ab hoſtibus miſericordiam vendicabat. Infantes quoque, qui nuper nati erant ab uberibus maternis pagani rapientes, elidebant ad terram. Sanctarum præterea Eccleſiarum, & domorum ædificia, quæ diſcipuli beati martyris Placidi in poſſeſſionibus eius extruxerant diruentes, ſolo aquarunt; ut nunc antiqua ſpetioſitas, nec quia fuerit prorsus appareat. Vrbes etiam Panormum, & Syracuſas ceperunt; & antiquam Romanorum Coloniam in ſeruitutem redegerunt. Episcopos verò, Presbyteros, atque Diacones, reſiduosq. de cunctis populis in captiuitatem, & miſeram ſeruitutem deportandos ſanxerunt. Poſt tot, tantasq. direptiones, occiſiones, incendia, & captiuitates, ſauſſima gens Saracenorum ad Meſſanam ciuitatem expugnandam deuenit. Cumq. Monaſterium beati martyris Placidi ingreſſi fuiſſent, euaginatiſ gladijs monachos aggrediuntur; illosq. Chriſtum negare, & nefandam Religionem venerari compellunt. Quod dum contemnerent, omnes in eodem loco, vna cum Monachis Caſſinenſibus, qui ibi ab Abbate ſuo directi fuerant, Saracenorum gladijs occiſi ſunt. anno Domini nongentefimo tertio, indiſtinctio. Anno 903
ne ſexta. Illis autem hoc ordine pro fide Chriſti iugulatis, Monaſterium omne, præter Eccleſiam ſancti martyris Placidi, à Saracenis deſtructum eſt. Horum autem martyrum paſſiones noſſe, qui cupit, Conſtantinopolitanae Urbis bibliothecas perluftrèt, ibi quanta tormenta ſubſtinuere, ſacunde ſatis deſcriptum inueniet. Hæc ſummatim ex ſupplemento, ſiue auctario Petri Diaconi ad acta ſancti Placidi, deſumptiſſimus. Huic porrò hiſtoriæ aſtipulantur chronologiæ, & Græcorum hiſtoriæ, quibus habetur, per id tempus innumera- biles Saracenorum copias ab Abramo, vel Abrahimo in Siciliam miſſas, ſiue aduectas, totam Inſulam penitus abſumpſiſſe, & in diuturnam ſeruitutem redegiſſe. Conſulendus Abbas Maurolicus lib. 3. Sicanica hiſtoriæ fol. 88.

His Monachis tertio loco pro fide Chriſti occiſis, nulli alij

L 4 Benedi-

*Benedictinae familiae successerunt; & Barbaris Siciliam;
& religionem diutino, impioq. dominatu praevalentibus adeo
memoria sanctorum Placidi, & sociorum eius excidit, ut
Normanni, qui eiectionis Saracenis, novi & peregrini incolae
Siciliam coluerunt, templum à Placido constructum, ac sancti
Ioannis Baptista eo vivente appellatum, mortuo autem,
& inter martyres relato, sancti Placidi nuncupatum, nouo
nomine sancti Hyacinti nominarint: ut nostra etiam aetate,
antequam sacra reliquiae inuenirentur, non satis explora-
tum esset, quis certus martyris, quis sepulturae locus esset.*

CAPVT LI.

PER idem tempus cernens praefatus Prin-
ceps, non sine manu valida, & brachio
extento Saracenos posse de Gariliano
expelli, Landolphum filium suum ad Leo-
nem Imperatorem Constantinopolim
destinavit: suggerens omnia, quae per tot
annos ab Agarenis perpassi fuerant ma-
la; orans, & supplicans, ut dignaretur quantocius afflictae,
ac desolatae ab eisdem Saracenis patriae subuenire, atque
ut illos de Gariliano valeant extirpare, auxilium exercitus
sui non dedignetur illi transmittere. Quem Imperator ho-
norifice satis recepit, & cuncta, quae suggererat benigne
se impleturum spopondit. Cum interim praedicto Atenulfo
defuncto apud Capuam, Landulfus impetrata ab Augusto
licentia reuertitur, atque à fratre Atenulfo multo cum
honore recipitur. Imperator autem suae sponsionis non im-
memor, Nicolaum Patritium, cui Picinigli cognomen erat,
consequenter asciscens, cum valida Graecorum manu ad
has partes transmisit, eiq; ut Saracenos praecipue Garilia-
no degentes, funditus delere satageret, mandatis Augusta-
libus imperavit. Veniens igitur praedictus Patritius, & for-
titudine valida, & prudentia maxima cumulatus, eos pri-
mum, quos familiares sibi, ac foederatos Saraceni habe-
bant, idest Gregorium Ducem Neapolitanum, & Ducem
Caietæ Ioannem, patritiatus illis honore ab Augusto defe-
rens,

rens, ab eis diſiungere ſtudit. Deinde coniunctus prædictis fratribus Landulfo, & Atenulfo Principibus Capuanis, aduocato etiam Guaimario Principe Salernitano: Apulis quoque, & Calabris omnibus tranſmarino exercitui additis, caſtra ſupra Saracenos iuxta Garilianum ex iſta parte metatus eſt. Quo cognito Papa Ioannes decimus, qui ex Episcopatu Rauennate triennio ante Romanam ſedem inuaſerat, vna cum Alberico Marchione, cum valida pugnatorum manu ſuperueniens, ex altera nihilominus parte conſedit, & ita eos hinc inde per tres meſes continuos obſidentes ad extremitatem vltimam perduxere. Cumq; iam Saraceni fame nimia laborarent, neque vlllo ingenio, vlllo vnquam modo ſe euafuros noſtrorum manus ſperarent, ipſamq; iam mortem præ oculis cernerent, conſilio tandem ſupradictorum Ducum Gregorij, atque Ioannis omnes domos ſuas incendunt, ſicq; facto vnanimiter impetu fugientes per montes, ſiluaſq; proximas diſperguntur. Quos noſtri inſtantiuſ perſequentes, vix pauciſſimis de tanta multitudine euadentibus, omnes interemere, atque hoc modo auxilio, & miſericordia Dei, funditus de partibus iſtis eliminati ſunt. Anno incarnationis Dominicæ nongenteſimo quintodecimo, indiſtione tertia, meſe Auguſto.

Ioannes
Papa Decimus.

Anno 915

CAPVT LII.

IOANNES Abbas viceſimustertius a Beato Benedicte, ſedit annis decem, & nouem, & meſibus ſeptem. Hic nobilium Capuanorum ortus familia, eo tempore quo præſatus Abbas Leo deceſſit, Archidiaconi officio in Capuana Eccleſia fungebatur: religioſis valde, & honeſtis moribus præditus. Sed cum aliquanto tempore congregatio Monachorum, quæ Theani conſiſtebat, paſtore eſſet proprio deſtituta, nec inueniretur inter eos aliquis huiuſmodi, qui tanta Prælationi eſſet idoneus: tunc Landulſus, & Atenulſus Capuani Principes ineuntes conſilium: præſatum Archidiaconum adire, eumq; tam monitis, quam precibus, vt eiſdem congregationis


gationis regimen reciperet, compulere. Quo tandem an-
nuente, mox monachus factus, nec multo post à Fratribus
vniuersis, iuxta morem electus, atque à supradicto Donno
Ioanne Papa honorificè consecratus est. Factus itaque Ab-
bas, cepit monere Fratres, vt relicto Theano, Capuam ha-
bitaturi secum pariter pergerent. Quæ videlicet ciuitas, &
circumpositarum ciuitatum primaria esset, & in ipsa Do-
mini eiusdem patriæ Principes habitarent. Qui obsecun-
dantes eius imperio: Capuam omnes simul habitaturi pro-
fecti sunt. Verùm in eadem ciuitate Monasterium adhuc
non erat ædificatum, sed in eo loco, vbi nunc constructum
est, iuxta portam scilicet sancti Angeli per parua nimium,
& exilis erat Ecclesia, ac secus eam alia similiter parua,
vilisq; domuncula stabat de lignis contexta, vbi tres tan-
tum, aut quatuor Fratres vetuli morabantur. Hunc siqui-
dem locum Maio Abbas sancti Vincentij, nepos videlicet
illius, sub quo Monasterium sancti Vincentij destructum
est, olim à Principibus adquisierat, & eandem, quam dixi-
mus Ecclesiolam, atque domunculam ibi construxerat. Sed
cum post eum Godelpertus Abbas factus fuisset, locutus
cum prædicto Abbate Ioanne, permissione, seu licentia
præfatorum Principum, concambiauit cum eo ipsum lo-
cum, recipiens scilicet pro eo alium locum tantundem
ambitus, vbi prius idem Ioannes Abbas Monasterium suum
ædificare statuerat; & consequenter ipse Godelpertus ad
Principes iam dictos accedens, acquisiuit ab eis alium lo-
cum iuxta ipsam ciuitatem, & super ipsum fluuium Vul-
turnum: & cepit ibi ædificare Monasterium in honore san-
cti Vincentij, & monachos, qui per diuersa dispersi fuerant
congregare, & res atque possessiones ipsius Monasterij iam
dudum perditas recolligere. Noster autem Ioannes, tam
propinquorum, quàm amicorum non paruis adiutus sola-
cijs, cepit nihilominus, in eodem, quo diximus loco, Mo-
nasterium in honore Beati Patris Benedicti à fundamentis
construere, atque intra non multum tempus magnam, pul-
chramq; Ecclesiam: necnon, & officinas, diuersis Monaste-
rij officijs congruas decenter fecit, ibiq; quinquaginta, &
eo amplius monachos victuros regulariter aggregauit. Cu-
ius

ius etiam studio , & cura (Dei præcedente gratia) factum est, vt ipsum Monasterium subito alleuatum, atque diuersis intus , & exterius opibus ditatum sit . Fecit siquidem ibi inter cetera idem Abbas , codicem missalem vnum cum tabulis argenteis deauratis, & gemmis. Euangelium quoque simili opere decorauit . Altarium verò vndique in circuitu argento vestiuit . Crucem etiam pulcherrimam cum gemmis, ac smaltis ad procedendum fecit . Ceroferaria argentea duo : vrceolum quoque cum aqua manili suo similiter argenteum. Vascula de auricalco, vel ære ad diuersos vsus appendentia libras sexcentas. Codices Ecclesiasticos totius anni diuersos, & multos. Planetas, Pluiales, & Albas, necnon Dalmaticas, vniuersamq; tam in Ecclesiasticis, quam & in familiaribus vsibus suppellectilem sufficientissimè præparauit .

Hoc tempore satis mirabile signum in eodem Monasterio contigit. Nam altare maius ipsius Ecclesiæ ab hora diei tertiæ, vsque ad mediam ferè noctem tantam aquarum abundantiam guttatim instar sudoris effudit, vt omnia indumenta eiusdem altaris madefierent .

Mirabile
signum.

CAPVT LIII.



APUD Cassinum verò post renouationem totius maioris Ecclesiæ, cum aliquot Ecclesiastica ornamenta idem Abbas fecisset . Altarium quoque maius, vbi corpus sancti Patris Benedicti humatum est, marmoreis tabulis albis inductis . A prædictis etiam Principibus Lādolfo, & Atenulfo præceptum confirmationis totius Abbatiæ suscepit . Necnon & aliud de curte Petre Mellariæ, cū integro Gualdo, & Castaneo, omnibusq; pertinentijs suis, & quatuor Aldiones cum filijs, ac filiabus suis cum vniuersis eorum . Sciendum autem quoniam prædictam curtem de Petra Mellaria procambio nobis dedere præfati Principes, & recipere à nobis curtem de Pantano prope Beneuentum, & obtulerunt eam in sancta Sophia, quæ videlicet obedientia erat Monaste-

Monasterij huius. Hic fecit libellum Adelberto filio Rainerij de Rastello, de aliquot curtibus huius Monasterij in Comitatu Mutinensi: fundo, qui dicitur Persiceta, ad iugera octingenta, reddentibus per annos singulos censum septem solidorum. Alium etiam libellum fecit eidem Adelberto de quibusdam possessionibus huius loci in fundo Adili: quique Adelpertus postmodum obtulit perscriptum in hoc Monasterio aliquot alias curtes suas, quæ in eodem fundo Adili, tunc possidere videbatur. Obijt autem pridie Kalend. Aprilis, & apud Capuanum Monasterium decenti est sepultura reconditus. Circa hos dies expulsus est à Romanis supradictus Papa Ioannes inuasor Apostolicæ sedis, & Leo sextus ordinatus.

Anno 936

Leo Papa
sextus.

CAPVT LIV.

Anno 936


ADELPERTVS vicesimusquartus Abbas, anno Domini nongentesimo trigesimo sexto, die sexto post depositionē sui Prædecessoris ab vniuersis Fratribus ordinatus, sedit annos nouem, ibiq; apud Capuam, commoratus est, & defunctus. Fuit autem temporibus Stephani septimi Papæ, & Ioannis Papæ vndecimi, qui fuit filius Sergij Papæ.

Anno 939

Quarto Abbatis huius anno, indictione duodecima venientes innumerabiles Hungari super Capuam, omnia in circuitu ipsius deprædati sunt. Similiter etiam Beneuenti fecere, vsque Sarnum, ac Nolam discurrentes, & deuastantes omnia, cunctamq; Liburiam peragranter: iterum Capuam reuersi per duodecim dies in campo Galliano commorati sunt. Quo videlicet tempore multos de nostris hominibus captiuos duxere. In quibus recolligendis multa expendimus, quorum hæc summa est. Coronam de argento magnam cum catenis argenteis. Pocula argentea quatuor. Thuribulum argenteum deauratum. Coclearia argentea tria penso libræ vnius. Tarenos viginti. Planetam diarodinam de bizantijs quindecim. Aliam planetam cum listis argenteis de bizantijs sexdecim. Aliam planetam cum leonibus. Pannum de altare diarodinum de bizantijs sexdecim. Tape-

Tapetâ optima ſexdecim pro bizantijs ſexagintaſeptem. Pannum admaſurum pro bizantijs octo. Hoſtiales tres pro bizantijs tredecim. Aſtaneas duas pro bizantijs octo. Pulvinaria ſerica tria pro bizantijs decem. De hinc victoria tanta elati, & præda tam magna onuſti, Marſorum regionem ingreſſi, ſimilia facere cæpere incendentes, ac depopulantes vniuerſa. Omnipotentis itaque nutu, Marſi, ac Peligni ſimul conuenientes, poſitis inſidijs irruerunt ſuper eos, & vniuerſos ferè interficientes, ingentem nimis prædam, in auro, & argento, pallijs, ac tapetis, necnon & diuerſi generis animalibus, de illorum manibus extorſere. Quotquot autem illorum euadere Marſorum gladios potuerunt, fuga dilapſi, in ſua reuerſi ſunt.

CAPVT LV.



VIC Abbati, Ioannes Conſul, & Dux Neapolitanorum ſuo præcepto confirmavit, atque conceſſit Eccleſiam ſanctę Cecilie intra Neapolim ſitam, in platea, quę cognominatur Palmarum, antiquitus huic noſtro Monasterio pertinentem, cum vniuerſis omnino pertinentijs eius. Necnon & cellam ſancti Seueri in Surrento, cum omni pariter ſubſtantia, ac pertinentia ipſius. Sed & cellam noſtram de caſa Gentiana, cum Gualdo, & terris, & ſiluis, & omnibus omnino nobis in eodem territorio pertinentibus, & vt in tota ciuitate Neapoli nullum plateaticum, ſiue portaticum Monachi aliquoſiter darent. Eodem tempore Agelmundus quidam nobilis de Vicalbo, obtulit huic Monasterio curtem ſuam, quę dicitur de Pranduli, cum omnibus pertinentijs eius. Aliam quoque curtem in Patenara cum vineis, & pratis, omnibuſq; pertinentijs ſuis. Necnon & omnia, quę illi iure hæreditario pertinebant, tam in ciuitate Sorana, quàm & in Caſtello, qui dicitur Sclau. Sub hoc Abbate, Ioannes Præpoſitus ſancti Liberatoriſ fecit libellum de rebus huius Monasterij apud Marchiam in Manupello, & Oliueto, & Turri, & in alijs diuerſis locis. Pro quibus

quibus recepit solidos ducentos, & centum modia de terra in villa Gualeiani. Similiter etiam, & Garipertus Præpositus, diuersarum per Marchiam cellarum ab hoc Abbate ordinatus, fecit libellum de quibusdam casis nobis pertinentibus in Larino. Hic ipse Abbas fecit libellum cuidam Grimualdo de Camerino de omnibus rebus huius Monasterij, quæ sunt in pertinentia Termulensi intra Biferum videlicet, & Asinaricum fluuios, & villa de Guilliolisi, & mare, receptis ad præsens pro pretio solidis centum; pro censu verò annuali solidis octo.

CAPVT LVI.

BALDOINVS Abbas, genere Francus, vicesimus quintus à Beato Benedicto. Fuit temporibus prædictorum Principum Lādulfi, & Atenulfi. Iste recepit priuilegium à Donno Marito Papa secundo, de consuetudine Monasterij huius. Præfuit annis duobus. His temporibus, sico Episcopus Capuanus, contra diuina, humanaq; statuta agere non formidans, Ecclesiam sancti Angeli, (quæ tunc ad arcum Dianæ appellabatur, quia templum eiusdem Dianæ inibi fuit, nunc verò ad formam dicitur) quam prædecessor suus ex longo iam tempore Monachis nostris ad Monasterium, ibi construendum concesserat, violenter auferens, cuidam Diacono suo in beneficium dedit. Quod cum auribus prædicti venerabilis Papæ Marini per eundem Monachum intimatum fuisset, mox Apostolicæ auctoritatis litteras Episcopo præfato transmisit, quibus acriter in illum inuectus, & de canonum ignorantia, & de inscitia litterarum, & de familiaritate secularium, & de præsumptiua transgressione prædecessoris sui constitutorum, eum districte redarguit. Mandat etiam, vt sine aliqua mora, præfatam Ecclesiam monacho illi restituat, vt in ea (sicut ab antecessore suo, sub anathematis etiam obligatione dispositum fuerat) Monasterium fiat, quod videlicet Monasterium tam ab ipsius Episcopi, quam & ab vniuersorum successorum suorum,

ex

ex tunc, & deinceps inquietudine, & molestia liberum, sub custodia, & potestate Monasterij sancti Benedicti, quod tunc in Capua erat, perpetuo permanfurum constituit. Diaconus verò, cui prædictus Episcopus eandem Ecclesiam concesserat (præterq; in seruitio altaris) ab omni confortio eiusdem Episcopi priuatum esse percensuit. Quod si omnibus his aliquatenus inobediens esset, & Sacerdotali se honore priuatum, & excommunicationis vinculo innodatum sciret. Hugonis quoque, & Lotharij Regum, de vniuersis huius loci possessionibus ad hunc Abbatem, præceptum confirmationis habetur. Quiq; Reges eo tempore præceptum proprium Monasterio sancti Angeli de Barregio facientes, idq; ab Agarenis desolatum, ad pristinum statum reuocare volentes: vniuersa, quæ inibi priores Reges, eisdem regia donatione contulerant, firmauerunt. His porro temporibus cum Cinglensis Ecclesia à Saracenis deuastata fuisset, Ioannes eiusdem cellæ Præpositus, quidquid suppellectilis, vel thesauri quoquomodo surripere potuit assumens, cum consensu Abbatis nostri, Capuam pergit, atque ibi Monasterium construere cepit. Quo etiam tempore venerabilis Papa Marinus eandem Ecclesiam sanctæ Mariæ de Capua cum omnibus possessionibus suis Cassinensi cœnobio per priuilegium ex integro confirmauit. Quod id ipsum similiter confirmauerunt, Ioannes quintusdecimus, Benedictus octauus, Benedictus nonus, Leo, ac Stephanus nonus: Abbatibus nostris Balduino, Aligerno, Mansoni, Atenulfo, Theobaldo, ac Friderico.

CAPVT LVII.

IN idem tempus, cum Monasterium sanctæ Sophiæ de Beneuento Principum violentia, per annos aliquot, ab hoc cœnobio subtrahum fuisset, Hic idem Abbas ostensis Romanorum Pontificum, Regumq; præceptis, qui prædictum Monasterium in hoc loco firmauerant, recollegit illud, & sub ditione Monasterij huius redegit. Posthæc cum à supradicto Donno Marino

no

no Papa Romæ euocatus fuisset, eiq; quoniam magnæ prudentiæ, ac potentiæ videbatur, Abbatiam sancti Pauli idem Pontifex commisisset, rursus à Principibus Monasterium sanctæ Sophiæ peruasum, & à nostra ditione subductum est. Sub his fermè diebus, cum defuncto Marino, Agapitus in sede Apostolica successisset, eiq; super hoc idem Abbas conquestus fuisset, scripsit protinus prædictis Principibus idem Apostolicus, increpans eos acriter, cur talia agere præsumpsissent: monens pariter, & obsecrans, ut idem Monasterium præfato Abbati sine aliqua mora ex integro restituerent. Quod si aliter facerent, scirent se vinculo anathematis innodandos. Huius imperio parens protinus Aetnulfus Princeps, & ipsum Monasterium Abbati nostro restituit, & per suum præceptum, quemadmodum à Domino Arichis primitus hic oblatum fuerat, cum omnibus, quæ ibi postmodum à singulis Principibus concessa sunt in hoc cœnobio, in perpetuum confirmavit. Quo etiam tempore octo familias liberorum hominum in cella sancti Benedicti de Caudis ab eodem Abbate rogatus concessit. Necnon, & aliud præceptum illi de totius Abbatæ pertinentiis fecit.

A D N O T A T I O.

Arnoldus Vuion capite octauo, partis primæ sui ligni vitæ, Abbatem hunc Balduinum, ob insolentiam Abbatia pulsum fuisse dicit: in quo omninò corrigendus est, cum ex hoc capite constet Præfectum fuisse à Marino secundo Abbatia sancti Pauli de Vrbe post obitum Ioannis, qui eidem Monasterio à sancto Odone Cluniacensi Abbate, Leone septimo iubente, fuerat institutus. Sub hoc Abbate Balduino factus est Monachus Aligernus Neapolitanus in eodem Monasterio sancti Pauli, unde postea Cassinum translatus, Cassinensis Abbas effectus est, ut docet Leo libro secundo capite primo. Hæc omnia notanda sunt pro confirmatione cuiusdam historiæ, quæ habetur infra libro secundo cap. 47.

C A-

CAPVT LVIII.

CIRCA hos dies, cum Monasterium quoque nostrum, quod tunc Capuz erat, sub sua iam ditione cupiditatis, seu lucri gratia, Principes redegissent, & hac occasione Fratres ibi degentes omnino sæculariter viuerent: cognito hoc supradictus Papa Agapitus, per suggestionem nostri Abbatis; mandat confestim præfatis Principibus Apostolicæ auctoritatis acres nimium litteras, redarguens vehementer, & increpans eorum nequitiam, cur tantum nefas committere ausi fuisset; præcipiens insuper, vt nullam vltius in eodem Monasterio dominationem exercere præsumerent. Monachi verò vniuersi ad proprium cœnobium Cassinense relictis ibi duobus tantum, aut tribus senibus Fratribus, cum omnibus Monasterij rebus protinus reuerterentur: ibidem sub Abbate proprio regulariter Domino seruituri. Quod si vel Principes, vel certè Monachi aliter agere præsumerent, aut aliquis, aliquid de rebus eiusdem Monasterij inuadere, vel aliquam inde ordinationem absque consensu Abbatis facere attentarent, nisi resipiscerent: auctoritate Apostolica excommunicandos. Aliud etiam priuilegium acquisiuit præfatus Abbas ab eodem sancto Pontifice de Monasterio sancti Stephani iuxta Tarracinam, quod Beatus Benedictus (sicut in vita ipsius legitur) per visionem mirabiliter apparens, ædificari monstrauerat.

CAPVT LIX.

MAIELPOTVS Abbas vicefimus sextus, sedit annis sex. Fuit temporibus Imperatoris Constantini. Hic de Prapositione Monasterij huius Abbas effectus, recepit à prædicto Principe Landulfo præceptum de omnibus generaliter rebus, & possessionibus huius Monasterij. Necnon de terris, & fundis in Liburia, loco qui dicitur ad Tre-

M fone,

fone, tam nostro Monasterio, quàm & eius palatio in loco ipso pertinentibus. Aliud etiam præceptum fecit prædictus Princeps eidem Abbati specialiter de aqua Saonis fluuij, & cæterarum aquarum cum ripis, & limitibus suis; & de sœminis liberis, quæ essent seruis Monasterij copulatæ: necnon, & de pertinentia Abbatie totius. Sub hoc Abbate, Leo quidam Presbyter ciuitatis Larinensis, qui postea Episcopus factus est, obtulit huic Monasterio Ecclesiam sancti Benedicti, quæ sita est intra eandem ciuitatem, cum omnibus rebus, & pertinentijs suis, quàm etiam postmodum, tempore Aligerni Abbatis, præfatus Princeps Landulfus in hoc Monasterio suo præcepto firmanit. Similiter etiam quidam Ioannes Monachus natione Capuanus obtulit in hoc loco Ecclesiam sancti Viti, quæ constructa est in monte sanctæ Agathæ supra Capuam, prope locum, qui dicitur Ferruzanum, cum ipsa aqua, & molendinis; & cum omnibus omninò eiusdem Ecclesiæ pertinentijs, necnon, & vniuersis mobilibus, & immobilibus suis. Hic fecit libellum cuidam Aregisi Theanensi de Ecclesia sancti Adiutoris de Alife, cum omnibus pertinentijs eius, & cum silua, quæ dicitur Catulisca, & cum alijs nonnullis possessionibus, quas in eiusdem ciuitatis territorio tenere videbamus: receptis ab eo præter annualem censum bizantijs quatuor. Cuidam etiam Vrso Iudici fecit libellum in annis quindecim, de omnibus aquis, & piscarijs, seu terris de tota pertinentia Lesinensi: pro tribus bizantijs, & quadringentis anguillis bonis, per singulos annos mense Nouembrio. Basilus quoque imperialis Protospatarius cum esset apud Salernum, ad euatibus illum Monachis nostris chartulam restitutionis, & confirmationis fecit: de omnibus pertinentijs Monasterij huius, per totam Apuliam, quas eo tempore perditas habebamus. Idem Ecclesiam sancti Benedicti de Lesina, cum omnibus pertinentijs suis, & casas aliquot dirutas intra eandem ciuitatem, Piscariam de Lauro, & aliam piscariam ibidem. In Asculo casam solariatam, & curtes, & puteos. Ad Melessanam curtes, & puteos. Ad sanctum Ioannem in Ruliana curtes. Ad sanctum Decorentium terras. In Canusio vetere Ecclesiam sancti Benedicti, & molendinum,

lendum, & curtes. In Mineruio speluncam, vbi est Ecclesia sancti Saluatoris, & terras. In Andria vineas, & oliuas. In Rino, qui dicitur de monacho curtem. Hæc omnia præfatus Basilius reassignari fecit Fratribus nostris: confirmans eadem per chartam proprio sigillo bullatam.

Post transitum igitur supradicti Abbatis, cum conuenissent in capitulo Monasterij Capuani Donnus Aldebertus egregius Præsul Ecclesiæ Capuanæ, & Donnus Ardericus Episcopus. Leo quoque venerabilis Abbas sancti martyris Christi Vincentij, necnon & nobilissimi Iudices prædictæ ciuitatis, Arechis, & Saldelfrid, & Adenulfus Castaldeus, octauo Kalend. Nouembris omnibus vnanimiter annuentibus, atque laudantibus, electus est ab vniuersis Fratribus, cum maximo gaudio, atque lætitia in Abbatem, Donnus Aligernus Præpositus tunc Monasterij huius, vir venerabilis, & valde honestus, & tam diuina, quàm sæculari prudentia præditus.

Anno 998

CAPVT LX.

HOC loco qualiter Regnum Italiæ à Francis ad Theutonicos sit translatum, non videtur ociosum compendiose perstringere. Post mortem Ludouici filij Lotharij (de quo superius plura iam diximus) qui videlicet cum Fratribus, Lothario, & Carlitto Francorum Regno partito: Italiam felici sorte per tempus aliquot retinuerat. Inuasit Regnum Italiæ Berengarius Foroiuliensis, filius Eberardi Marchionis: sed mox in ipsis suis primordijs, à Guidone filio Guidonis Comitis, duobus prælijs superatus, Veronam tandem aufugit. Tunc temporis defuncto supradicto Agapito Papa secundo, Ioannes undecimus natione Romanus Alberici Romanorum consulis filius, illi in Pontificatu succedit. Guido autem cum per annos circiter sex, Regnam obtinuisset, vomitu cruoris extinctus, tradidit illud filio suo Lamberto. Quo etiam similiter post sex annos defuncto: Ludouicus filius Bosonis Regis Prouinciæ regnauit per annos tres. Contra quem rursus filius Regis Burgundiæ Rodulfus nomine Italiam venit. Post

M 2 hæc

hæc supradictus Ioannes Papa vndecimus, iunctus cum magnatibus Italia: depulit ex ea Rodulfum, & mittens inuitauit Hugonem Aquitania Ducem, qui tunc, & prudentia maxima, & virtute multa pollebat. Qui Rex protinus ordinatus, vna cum filio Lothario strenuè satis, ac viriliter Italia Regnum per aliquot annos obtinuit. Cum hoc Hugone venit Italiam, Azzo Comes, auunculus Berardi illius, qui cognominatus est Francicus, propinquus eiusdem Regis, à quo videlicet Marforum Comites procreati sunt. Non multo post præfatus Hugo, coronato filio, & nobilissima illi coniuge Adelaide, ex proceribus Tuscia coniuncta, cum ab eodem (utpote senex) aliquas iam cepisset molestias, atque ingrattitudines pati, relicto ei Regno: ipse Burgundiam, cum omni thesauro suo, & vniuersis diuitijs, recessit, ibiq; Monasterium de proprijs sumptibus ditissimum construens, quod sanctus Petrus de Arle nuncupatur: in eodem Monachus est effectus. Lotharius deinde post quatuor ferme annos in subitam phrenesim incidens, vltimam diem expleuit: & ita ipse Francorum Regibus deinceps in Italia regnandi terminum dedit. Quo defuncto vxor eius Adelais ad Azzonem propinquum suum in Canusam, Arcem valde munitissimam confugit. Cum interea prædictus Berengarius cum filio Alberto strenuissimo valde viro, rursus Regnum inuadere cupiens, ac per hoc prædictam Reginam capere modis omnibus satagens, per triennium ferme, præfatam arcem obsedit. Azzo interim cum Regina consilio habito, nuntium ad Ottonem Saxonia Ducem, Hungarorum tunc victoria gloriosum, transmittent. Qui ei omnia, quæ circa illam gerebantur referret, cumq; oraret, quatenus ad Italiam confestim transire, eosq; de Berengarij obsidione liberare: Reginamq; ipsam in coniugium simul cum Regno deberet recipere. Iam serè prædicta Arx ad deditionem hostium cogeatur, cum ecce dispositione Dei: transmissus à Regina nuntius subito redijt. Et quoniam propter diligentissimam obsidionem, nullus illi in Arcem dabatur ingressus: litteras, & annulum, quem à Duce detulerat, callidè satis sagittæ inseruit, & arrepto arcu nemine id suspicante, in Arcem illa traiecit. Tenor itaque litterarum huiusmodi

di erat , quod idem Dux cum exercitu iam transitis Alpi-
bus Veronam venisset , eiusq; filius Litulfus Mediolanum
se praecessisset : in proximo illis venturo auxilio viriliter
agerent : se , tam de coniugio , quam de alijs Regni utilitati-
bus , pro illorum voto auxiliante Deo facturum . E vestigio
igitur Duce veniente , & fugato Berengario , atque Alber-
to : soluta obsidio est , captis duabus eius filiabus , atque in
Theutonicam terram transmissis exilio , moxq; Adhelaïdis
coniugium Otto sortitus , Theutonicis Regibus ex tunc , &
deinceps in Italia regnandi initium extitit ; ac non multo
post Romam ingressus coronam Imperij de manibus Ioan-
nis duodecimi Pontificis Romani , recepit . Anno videlicet
incarnationis Dominicæ nongentesimo sexagesimo secun-
do . Nos itaque iam (sicuti in præfatiuncula huius operis
dixisse reminiscimur) tempus est , vt primo huic libello
terminum demus . Nam ita certè libri termino Lectoris re-
focillatur intentio , sicut viatoris labor hospitio .

Anno 963

Simul etiam dignum existimamus , vt restauratio : immo
(vt sic dicamus) reinchoatio tanti Monasterij , vna cum
nouo Abbate sui libri inchoationem , seu exordium , (an-
nuente Domino) habeat , & sequentia tempora , sequen-
tis quoque libri narratio , prosequatur .

A D N O T A T I O .


Qua hoc capite narrat Leo , per anticipationem dicta
sunt ; contigerunt enim post electionem Aligerni Ab-
batis , de quo agere incipiet libro sequenti cap . 1 . sed ne filum
historiæ illius interromperet , placuit Leoni hac in calce hu-
ius libri reponere . Deo gratias .

Finis Libri Primi .


M 3 CHRO

CHRONICI CASSINENSIS

Liber Secundus .



CAPVT PRIMVM.



ALIGERNVS Abbas septimo , ac vicesimo loco à Beato Benedicto in hoc Monasterio feliciter ordinatus , sedit annis trigintaquinque . Fuit autem temporibus primi , & magni Ottonis Imperatoris , de quo supra diximus , & filij eius secundi Ottonis . Principum verò Capuanorum Landulfi , & Pandulfi filij eius , cui cognomen caput ferreum fuit , & fratris eius Landulfi , & item filij Landulfi . Romanorum quoque Pontificum à Ioanne duodecimo , usque ad Ioannem quintumdecimum . A quibus ferme omnibus diuersis temporibus , nihil negligens , tam priuilegia , quam præcepta recepit . Inter quæ quintusdecimus Papa Ioannes ad honorem , & reuerentiam huius loci , hoc in suo priuilegio , super cæteros auctoritate Apostolica addidit . Interdicēs omnibus Episcopis , vt nulli liceret ab vniuersis populis huic Monasterio subiectis , vel ab omnibus vbiq; terrarum sibi pertinētibus Ecclesijs , decimas viuorum , aut defunctorum oblationes per quamlibet occasionem auferre .

Hic itaque , Neapolitanus genere , in Monasterio S. Pauli apud Romam sub prædicto Abbate Balduino Monachus factus est : postmodum autem ab eodem Abbate huc translatus , atque post transitum Maielpoti , vt supradictum est , de Præpositura huius loci , Abbas effectus , super id , quod Leo , atque Ioannes , Monasterij huius Abbates , olim inceperant ,

I rant, restaurare cepit hunc locum. Qui nimirum à tempore Abbatis Bertharij, quo à Saracenis incensus est, per septem, & sexaginta circiter annos vsque ad se neglectus, ac desolatus, & quasi desolatus penitus fuerat. Iam tamen paulo ante, sub Balduino scilicet Abbate, Monachi nostri, qui eatenus primo apud Theanum, postmodum verò apud Capuam commorati fuerant, præcepto Agapiti Papæ secundi ex parte reuerſi erant, sicuti iam supra relatum est. Non tantum autem Monasterium, sed & cuncta in circuitu ipsius planities, ita tunc erat Saracenorum infestatione destituta, vt rarus, immò ferè nullus inueniretur, qui seruis Dei ibi degentibus, aliquod obsequium exhibere deberet. Super hæc præterea Theanenses Comites vsque ad monticellum Monasterio proximum, qui Torocellus dicitur: res eiusdem Monasterij inuadendo peruenerant. Aquinenses verò, quibus Adenulfus quidam, cognomento Megalus, in Gastaldeum præerat, ab ipso ferè Cassino, qui non integris duobus millibus à ciuitate sancti Germani abest: totam (vt vulgo loquar) Flumeticam, cum vniuersis adiacentij retinebant. Cæpit igitur prudens Abbas Monasterij possessiones, quas antiquitus possederat vbiq; terrarum, & maxime contiguas qualque, & in vicinia positas, solerter inquirere, & ab his, qui bellicis eas temporibus diriperant, inuentis, atque ostensis concessionibus, ac præceptis eorum, qui hic illos dudum tradiderant, conamine toto repetere. Sed cum videret se nullis precibus, nullis rationibus, irrationabilium latronum, posse ad ea restituenda animos inclinare, Capuano Principi Landulfo super ista conqueritur. Quo cognito aduersarij, & eius studio, ac diligentia vehementer offensi, cernentes se, cum illius sollicitudine non posse quiescere: meditabantur in dies qualiter, vel eum caperent, vel certè illi molestias, quas possent, inferrent. Agebantur autem hæc omnia nutu, ac dispositione Dei, qui eius captionem, ac dedecorationem, ad loci huius prouidebat fieri restaurationem. Cum igitur quadam die in construenda Rocca, quæ Ianula nuncupatur, & Ecclesiæ Beati Germani desuper imminet, operam daret: subito præfatus Adenulfus, qui & Megalus cum militibus aliquot

M 4 super-

superuegiens, eundem Abbatem vi cepit, atque Aquinum veluti prædam maximam asportauit. Ibi verò in spectaculo publico, Vrsino illum tergore vestiens, canes ei undique, sicuti reuera vrsos, ad circumlatrandum immisit, & iniurijs plurimis virum honorabilem, vir nequissimus dehonestauit. His prædictus Princeps auditis, & plurimum super tanti viri tanto dedecore indignatus, mandat protinus Adenulfo, vt Capuam vadat, coramq; se legali iudicio Abbati iustitiam faciat. Ille verò prospiciens se legaliter ob hoc morti debere succumbere, rebellare magis elegit, de Aquinensi satis munitione confidens, ad Principis Curiam ire contempsit.

CAPVT II.



PRINCEPS itaque tam suam, quàm & Abbatis vitum ire iniuriam statuens, Aquinum venit, eiusq; prætorium, in quo præfatus rebellis se munierat, obsidione, ac machinis circundedit. Videns igitur Adenulfus, se non posse Principis manus euadere, funem in collum suum misit, & per manus coniugis suæ ad Principis pedes se trahi præcepit. Quo facto statim eum Princeps, ita vt erat ligatus Abbati cum omnibus suis deliberauit; vt tam de ipso, quàm & de omnibus rebus ipsius, quicquid vellet efficeret. Ita Adenulfus cernens se captiuum, in potestatem captiui sui, iusto iudicio Dei venisse: mox charrulam renuntiationis de vniuersis, quas retinuerat Monasterij possessionibus; sponte satis, ac libentissime faciens, in manibus Abbatis remisit: sicq; posthac cum omnibus suis libertati propriæ ab eodem Abbate gratuito restitutus est. Atque tali occasione res suas, iam dudum inuasas, Pater Benedictus paulatim recuperare, ac recipere cepit. Namq; non multo post, Theanenses quoque Comites diuinitus acti, similia de his, quæ ipsi retinebant renuntiationis scripto eidem Abbati fecerunt. Nihil itaque moratus idem Abbas, & tempus acceptabile minimè negligendum ducens, statim à prædicto

dicto Principe Landulfo, necnon & Pandulfo filio eius, præceptum libertatis, ac confirmationis totius ex integro Abbatia expetijt, & accepit, secundum terminos scilicet superius scriptos, quos Gisulfus Dux tempore Petronacis primo statuerat, & postmodum Carolus Imperator, tempore Theodemar imperiali præcepto firmauerat. Super quod etiam aliud specialius præceptum ab eisdem Principibus de castello sancti Angeli, & de Turre sancti Georgij, necnon & de omnibus castellis, siue turribus, quæ in pertinentijs Monasterij deinceps construi deberentur, singillatim sibi fieri postulauit. Itemq; aliud de Gualdo casæ Gentianæ, & aliud insuper de tota Piscaria Lefinenfi cum ipsa Foce sua, & cum Ecclesia sancti Focatis, quæ ibi est, necnon, & de aliquot casis intra eandem Lefinam. Postmodum verò tam à prædicto Pandulfo, quàm & à Landulfo filio eius interueniente supradicto Adenulfo Gastaldeo, rursus aliud præceptum recepit de vniuersis finibus, ac pertinentijs Monasterij huius. Non tamen super omnia hæc, quoties dabatur occasio quiescere valebant veritatis aduersarij: sed nunc quidam de Aquino, nunc quidam de Pontecuruo, necnon, & de Theano, de finibus huius Monasterij contendere nitentur. Verum quoties cum nostris in placito se coniunxerunt, toties summis rationibus victi, quod fallaciter contendebant, refutare veraciter cogeantur. Vnde etiam contigit, vt hac occasione, plurima apud nos huiusmodi conflictorum, seu renuntiorum munimina habeantur.

Eo quoq; tempore idem Abbas ad Principes iam dictos accedens, rogauit, vt darent cellæ nostræ Cinglensi locum foris portas sancti Angeli, ad Monasterium construendum ancillis Dei, quia Monasterium, quod intus erat, nimium strictum, & incompositum habebatur ancillis Dei ibi manentibus. Illi verò concedentes statuerunt locum foris murum ciuitatis, vbi castrum, & Monasterium construerentur: cuiq; concesserunt foris murum qualiter vadit vsque in flumen. Per idem tempus à Mariano quoque Imperiali Anchipato patritio, & Stratigo Calabriae, atque Longobardiæ, prædictus Abbas sigillum recepit, vt securè, & absq; alicuius contradictione, seu impedimento liceret ei perquirere

quirere omnes hereditates, siue possessiones Monasterij huius, & recolligere eas, iuxta dumtaxat, & competenti ratione ostensa.

CAPVT III.



PORRO demum prudens Abbas à vicinis terris, quæ vastatæ non fuerant, agricolis vndique mox euocatis, in possessiones illos Monasterij, quotquot cultoribus indigebant, cum vniuersis eorum familijs habituros induxit: sancito, tam cum eis, quos ibi inuenerat, quàm cum eis, quos ipse conduxerat, libellari statuto, vt de tribus totius eiusdem terræ redditibus, hoc est tritici, & hordei, ac millij partem septimam: de vino autem tertiam annualiter Monasterio darent. Cetera in suis, suorumq; vñbus possiderent, quod vsque hodie stabiliter, ac perenniter obseruatnr. Tali ergo modo habitatoribus diuersarum partium huius Monasterij terræ ex maxima parte repleta, atque disposita, ad reparandas, siue meliorandas Monasterij officinas, quemadmodum à prædecessoribus suis, Leone, & Ioanne, iam dudum inchoatum fuerat, animum posuit: Ecclesiamq; primitus rotam, quam prædictus Ioannes construxerat, nouis trabibus, ac lignis cipressinis contignans, tegulis cooperuit: parietes verò illius vndique satis pulchrè depinxit, pauimentum etiam ante altate Beati Benedicti multimoda lapidum varietate constravit. Ipsum quoque altarium argenteis tabulis in circuitu decorauit, necnon, & anteriorem faciem altaris Beati Ioannis argenteam fecit. Fecit etiam, & crucem argenteam deauratam non medicam, & textum Euangelij vndique contextum argento inaurato, & smaltis, ac gemmis: coronas argenteas tres. Calices quoque, & thuribula, & varia Ecclesiastica ornamenta, necnon, & codices plurimos, & diuersos. Interea, & habitacula nonnulla eiusdem loci restaurans, ac si alter Petronax, cepit iuxta tenorem regulæ, & priscam Monasterij consuetudinem, cum Fratribus conuersari. Apud Capuanum verò Monasterium cum orna-

Obseruan-
tia regu-
laris.

ornamenta Ecclesiastica nonnulla, & campanas, atque codices aliquot effecisset . In Ecclesia etiam titulum cum confessione sua à parte Occidentali satis decorum adauxit, atque depinxit .

CAPVT IV.


PER idem tempus, primus, ac magnus Otto tertij Anno 965 Imperij sui anno per interuentum coniugis suæ Adhelaidis Imperatricis generale præceptum huic Monasterio fecit: confirmans omnia, quæ hæcenus per diuersa loca à quibuslibet hic fuerant tributa . Item post quatuor circiter annos Paulus Abbas sancti Vincentij eum adiens, eumq; ex parte prædicti nostri Abbatis efflagitans: aliud ab eo præceptum plenius de confirmatione totius Abbatix de more priorum Imperatorum obtinuit . Nec multo post per aliud præceptum idem Imperator Abbati nostro Monasterium sancti Angeli de Barregio, cum omnibus cellis, ac pertinentijs suis concessit . Quod videlicet Monasterium eo tempore Albericus Marforum Episcopus in tempus vitæ suæ, per scriptum ab eodem retinebat Imperatore . Quiq; Imperator eidem Monasterio sancti Angeli præceptum de confirmatione omnium rerum ipsius, iam ante quinquennium fecerat . A secundo etiã Ottonem cum præcepto cōfirmationis totius Abbatix; prædictum quoq; Monasterium, quod præfatus Marforum Episcopus, in præsentia eiusdem Imperatoris, qui tunc apud Marsiam, in mōte vocabulo Cedici morabatur, chartulā renuntiationis illi de eodem Barregensi Monasterio faciens, quietum de cetero sub hoc Monasterio maneret, obtinuit . Cum idem Episcopus ante sex annos sua sponte prædictum sancti Angeli Monasterium, per oblationis suæ chartulam Beato Benedicō contulerit . De quo etiam Monasterio cum post aliquot annos Guinifius Marforum Episcopus filius prædicti Alberici, quæstionem mouere voluisset, quod quasi Ecclesia sua præceptum Imperatoris inde haberet: à monachis nostris in placito Marforum Comitum conuentus, atque conuictus, tacere coactus est . Atque pro hac occasione tria Imperato-

Imperatorum præcepta, quæ de eodem Monasterio pater eius adquisierat, nobis reddita sunt. Eo tempore Benedicto Papa sexto vita decedente, Benedictus Papa septimus propinquus supradicti Alberici Romanorum consulis, in Apostolicam sedem inthronizatur.

Anno 975

CAPVT V.

Anno 954



ECVND O huius Abbatis anno, qui est à natiuitate Domini nongentesimus quinquagesimusquartus: Beatissimi Apostoli, & Euangelistæ Matthæi corpus, quod primo apud Aethiopiam, vbi passus fuerat, postmodum autem apud Brittaniā per tempora diuersa quieuerat: tandem eiusdem sancti Euangelistæ reuelatione repertum, atque in Salernum translatum, est. Triennio autem post, duo soles in cœlo pariter visi sunt: & per duos dies mensis Iulij mare dulce factum est, à Neapoli vsque Cumas.

Anno 957

CAPVT VI.



INC temporis Benedictus Papa, cuius supra meminimus, quasdam curtes suas in Comitatu Aprutij eidem Abbati per priuilegium concessit. Per hos etiam dies prædictus Princeps Pandulfus per præceptum suum concessit in hoc Monasterio totam substantiam Arechis filij laniperti, quam habuerat in Theanensi, tam intus, quàm foris, vna cum Ecclesia sancti Siluestri, quæ intra eandem ciuitatem constructa est, cum omnibus omninò pertinentijs eius. Aliud etiam præceptum fecit ei de aqua fluuij Saonis cum ripis ex vtraque parte positis. Huic Pandulfo proclamauit præfatus Abbas super Bernardum Comitem de Alifis: eo quod minabatur incendere, & destruere vnum castellum huius Monasterij, de loco, vbi Curuara dicitur, & homines eiusdem castelli prædari, & cædere. Qua propter
idem

idem Princeps flexus clamoribus eius, sigillato præcepto constituit, ut siue prædictus Bernardus, siue quicumque homo sub sua ditione positus, aliquam molestationem, vel minimam, aut eidem castro, aut habitatoribus eius inferre præsumeret; componeret aureos bizantios mille, super illam dumtaxat compositionem, quam legibus est statutum componere. Gisulfus quoque Salernitanus Princeps filius Guaimarij maioris, una cum Gemma vxore sua fecit chartam in hoc Monasterio de quarta parte omnium, quæ Lambertus Dux, & Marchio possedisse visus est in Comitatu Marficano, & Balua, Forcone, Amiterno, necnon & Marchia Firmana, & Ducatu Spoletino: exceptis seruis, quos omnes libertate donauit, quæ videlicet omnia ex parte Itæ Principissæ Auæ ipsius Gemmæ sibi in hæreditatem obuenerant. Sed & Borrellus Comes de Petra abundanti, fecit in hoc Monasterio chartam oblationis de Monasterio sancti Eustasij in finibus eiusdem castri, loco qui dicitur ad Arcum, cum omnibus omnino rebus, ac pertinentijs ipsius, & cum pertinentia terræ modiorum mille sexcentorum vigintitrium. Præterea quidam Ioseph Presbyter de ciuitate Larinensi, obtulit in hoc Monasterio Ecclesiam sancti Laurentij, quam ipse construxerat in hereditate sua, iuxta eandem ciuitatem, cum omnibus rebus, & pertinentijs suis. Quidam etiam Aquinenses viri nobiles filij Rodiperti Gastaldi, obtulerunt omnes res suas Beato Benedicto, in territorio Aquinensi, loco, qui Publica vocatur, Plana, & Montana perplurima. Hildebrandus quoque Comes de Sora, simul cum Fratribus suis fecerunt chartam sancto Benedicto de medietate lacuum Taurini, & Iuliani, qui procedunt à Posta, cum omnibus pertinentijs medietatis eorum. Quos videlicet Lacus totos ex integro, una cum Riua de Carnello in hoc Monasterio Pandulfus, & Landulfus Principes, cum omnibus eorum pertinentijs firmauerunt. Sed & Rachis Gastaldens de Vicalbo donauit Beato Benedicto curtem suam cum Ecclesia sancti Victorini, prope prædictos Lacus, ubi modo Posta vocatur, necnon & duo Gualda in finibus Vicalbi, vnum in loco, qui dicitur Silua plana; alterum in Monte albeato, cum omnibus finibus, ac pertinentijs

tinentijs ipsorum . Per idem tempus homines de Vicalbo
 acquisierunt à prædicto Abbate Podium , vbi nunc est ciui-
 tas sancti Urbani , quod huic Monasterio antiquitus perti-
 nebat , vt facerent in eo castellum , & reddiderunt in Vical-
 bo duplo tantum terræ , quam acceperant . Reseruauit au-
 tem sibi Abbas ipsam Ecclesiam sancti Urbani , cum perti-
 nentijs proprietatis ipsius , & cum tota curte intra ciuita-
 tem , in omni videlicet parte pedes centum . Hic idem Ab-
 bas dedit in cambium Aimerado cuidam de territorio Mar-
 sicano Ecclesias , & terras huic Monasterio pertinentes ibi-
 dem , idest Ecclesiam sanctæ Mariæ in Montorone , sancti
 Abundij in Arcu , sanctæ Mariæ in Oretino , Saluatoris in
 Auezano , & Antimi in Vicu , & recepit ab eo in Comitatu
 Theatino Ecclesiam sancti Helix , & sancti Viti , cum quin-
 que millibus modijs de terra . Item dedit Ecclesiam sancti
 Comitij , & sancti Viti , & sancti Helix in Theano , & rece-
 pit in eodem Comitatu Ecclesiam sancti Genesij , cum tri-
 bus millibus modijs terræ , & in Comino quinque millia ,
 inter Atinam scilicet , & Vicalbum , & Furcam sancti Eleu-
 therij . Item de Ecclesia sancti Felicis in Puluerio , mo-
 diorum terræ mille centum , tulit solidos centum ; pro
 censu verò annuali solidos quinque . Per hos dies in placito
 Marforum Comitum proclamante illo : refutata est ei ripa
 Fucini cum piscaria sua , ab ipsa videlicet Ecclesia sanctæ
 Mariæ de Montorone , vsque in sanctam Mariam de Palude ,
 qui locus tunc Altoranum nuncupabatur . Necnon & duæ
 seruorum familiæ cum omnibus suis . Proclamauit etiam in
 placito Andreæ Marchionis missi Donni Ottonis Impera-
 toris , & Oderisij Comitum de Balua , apud Sulmonam contra
 dictum Comitem Oderisium , qui retinebat duas Ecclesias no-
 stras de Balua in Valle de Pettorano , idest sancti Stephani ,
 & sancti Eleutherij , & facta inde manifestatione recollegit
 eas . Hic conuocatis aliquot hominibus de ciuitate Termu-
 lensi , fecit cum eis conuenientiam , vt ædificarent ibi in-
 pertinentia huius Monasterij in loco , qui Ripa Orsa voca-
 tur , iuxta fluuium Trinium vnum castellum , vbi ipsi habi-
 tarent , & laborarent ipsas terras nobis pertinentes , ita vt
 tertiam tantum partem huic Monasterio de omnibus , quæ
 ope-

operarentur , & de ipſo caſtello tribuerent ; duas verò ſibi haberent . Per idem tempus Saldefric Diaconus ciuitatis Leſinenſis, obtulit in hoc Monafterio vnam Eccleſiam iuris ſui vocabulo ſanctus Martinus , conſtructa iuxta eandem ciuitatem in loco, qui dicitur Alchiſi , cum omnibus ornatibus, & pertinentijs eius. Id ipſum quoque fecerunt, Guarnerius, & Laidulfus , & Baſſo Larienenſes de Eccleſia ſancti Germani, in loco, qui dicitur Aquarola , apud Larinum . Eodem modo oblata ſunt huic Monafterio tres Eccleſie in Lumifano, ideſt ſancta Maria, ſanctus Petrus, & ſanctus Benedictus in loco Maccla bona, cum omnibus rebus, & pertinentijs earundem Eccleſiarum . Guido etiam Aſculanus obtulit curtem ſuam de Caſali, loco, qui dicitur Force, quæ eſt terra modiorum circiter mille quingentorum : obtulit autem illam in Eccleſia ſancti Saluatoris de prædicto Aſculo, ad opus Monafterij huius. Emmo etiam quidam Marſicanus obtulit huic loco hereditatem ſuam de Comino , quæ eſt centum modiorum terra , in loco, qui dicitur Ferrara ad Vicalbum . Circa hos dies Giſepertus Præpoſitus ſanctæ Sophiæ de Beneuento , ordinatus ſuper cauſas huius Monafterij in Leſina , & Termole , recollegit ab Adelchiſo Lucerino Epifcopo libellum , quem ei dudum Angelarius Abbas fecerat de omnibus, quæ in prædicta Leſina huic Monafterio pertinebant: dimiſſa ei iterum per libellum medietate ipſius Faucis , & Flurio Lauri , vſque in quintumdecimum annum, cenſu auri libra vna per annum. Hic idem Giſepertus proclamauit in placito Termulenſi coram multis, qui ibi aderant nobilibus , atque Iudicibus , ſuper quodam Caſtelgardo, qui ei contendeſat quandam curtem noſtram in eadem Termula , loco , qui vocatur Caſalemari ad ſanctum Georgium, quæ curtis appellatur de Theodoſio, quam videlicet curtem Deuſdedit Abbas noſter olim emerat ab Adelperto Auo eiufdem Caſtelgardi quingentis ſolidis aureis, cum caſis, & terris, vineis, ſiluis, pratis , & aquis , ſimul cum ipſo paſcuo eius, quod habebat in Termoleto per designatos fines, ab vno capite rius, qui decurrit à ſancto Georgio in Viuarium, & vſque Biſernum . Ab altero capite mare , à latere Biſernum , ab altero latere rius viuis , qui

qui decurrit in mare : & ita ostensa ratione sua iudicantibus illis , manifestauit se inde prædictus Castalgardus perscriptum : apposita compositione mille solidorum , si hoc aliquando remouere voluisset. Constantius quoque Præpositus sancti Benedicti de Lariano proclamauit in placito Maldefrid Comitis super Azonem Episcopum ipsius ciuitatis, de Ecclesia sancti Benedicti in Pettenari, quam idem Episcopus cum omnibus possessionibus eius sibi vendicauerat, & ostensa ratione, ac iustitia nostra , iudicante Comite, & Episcopo renuntiante, recollegit eam ; & quoniam destructa erat, à fundamentis eam restaurans, ibi Monasterium, quod hactenus intra ciuitatem fuerat, esse constituit, ibiq; cum monachis religiose viuere cepit.

CAPVT VII.



IC Abbas fecit libellum de monasterio sanctæ Mariæ in Luco, Rainaldo Comiti Marforum: secundum illas scilicet pertinentias, atque fines, quibus Gualterius Sacerdos, & monachus eandem Ecclesiam à Doda Comitissa sibi oblatam in hoc Monasterio ante annos fermè viginti tradiderunt, quod est terræ modiorum sexcentorum. Quod videlicet sanctæ Mariæ monasterium, diuersis postmodum, ac multiplicibus, longè, latèq; Ecclesijs, seu possessionibus, à nonnullis fidelibus est ditatum, de quibus hic aliquanta scribimus, quæ inuestigare potuimus. Sancta Maria in Colle longo, sanctus Martinus in Transaquas, sancta Crux in valle Ortucle, sanctus Laurentius in Vico, sanctus Ioannes in Besenge, sanctus Cyprianus in ciuitate Marficana, sanctus Saluator in Gyro eiusdem ciuitatis, sancta Barbara ibidem, sanctus Ambrosius in Secunzano, sancta Maria in Cesis, sanctus Leucius in Marano, sanctus Blasius in Muscusi, sanctus Erasmus in Pomperano, sanctus Siluester in Pireto, sanctus Saluator in Camarata, sanctus Germanus in Perrella Romani, sancta Restituta in Morrei, sanctus Stephanus, & sanctus Nicolaus, & sanctus Donatus in valle

Valle Sorana, ſancta Maria in Paſſarano, & ſanctus Sebaſtianus ibidem. Omnes illa Eccleſia cum vniuerſis poſſeſſionibus, & pertinentijs earum, mobilibus, & immobilibus prædicto Monafterio antiquitus pertinere. Inſuper, & hæreditas Petri Maimonis, in Auretino magna, & bona, & hæreditas Apici in Paterno, & hæreditas Bettonis Rattrudæ in Auezano.

CAPVT VIII.

PRÆTEREA vbicumque de poſſeſſionibus noſtri Monafterij, quæ prioribus temporibus amiſſæ fuerant, præfatus Abbas inueſtigare certius potuit, maximum præ omnibus recolligendi, & conquirendi, ſeu etiam redimendi, necnon libellos faciendi ſtudio habuit. Libellos autem quamplurimos, ſue de rebus huius Monafterij, ſue ſancti Angeli de Barregio, vt in eiſdem libellis habetur, ideo ſtudioſiſſime faciebat, vt & hoc monafterium dudum à Saracenis deſtructum, de ipſorum pecunijs reconciliaret, & vt per hoc indicium, ad huius cœnobij ditionem vniuerſa illa pertinere in futurum tempus oſtenderet. Nam filijs cuiuſdam Giſonis de Aprutio libellum faciens de curte de Vigano quadringentorum circiter modiorum, recepit inde in præſenti ſolidos ſexcentos, annualiter verò pro cenſu ſolidos viginti. Item in Aprutio de curte Tulliana ſolidos trecentos, pro cenſu ſolidos viginti tres. Item ibidem de curte, quæ dicitur Baſſanum ſolidos centum, pro cenſu ſolidos vigintiquinque. Item ibidem locum Arole, de quadringentis modijs terræ ſolidos ſexcentos, pro cenſu ſolidos quatuor. Item ibidem de curte Mariana ſolidos ſeptem. Item de curte Tulliana, & alijs rebus libras ſexdecim, pro cenſu ſolidos viginti. Item de eadem ſolidos trecentos, pro cenſu ſolidos ſexdecim. In Comitatu verò Pennenſi de curte ſancti Silueſtri de Doliola, ſolidos quadringentos, pro cenſu ſolidos quindecim. De curte ſancti Georgij de Colline ſolidos ducentos, pro cenſu ſolidos decem. De terris in loco, qui dicitur Cicoli, ſolidos quingentos, pro cenſu ſolidos decem. De terris in Pater-

N no,

no, & casa Punzi, solidos centum sexaginta, pro censu solidos quatuor. In Marsia de sancto Vittorino in Celano, & sancto Benedicto in Tilia, libræ sex, pro censu Tremisses octo. In Balua de sancto Mercurio, & sancto Cesidio, & alijs rebus in Flaterno libræ quatuor, pro censu Tremisses decem. Item ibidem Ecclesia sancti Benedicti in Prætorio libras duas, pro censu solidos duos. Fecit etiam libellum cuidam Ioanni Presbytero, & Maraldo Gastaldeo ciuitatis Cannensis de piscaria eius ciuitatis, in loco, qui dicitur Zappineta vsque in decem annos, pro censu per singulos annos quatuordecim ligaturas sepiarum, quadraginta bonas sepias per singulas ligaturas habentibus. Necnon & de Ecclesia sancti Benedicti sita in eisdem Cannis, pro censu duarum pellium confectarum. Fecit & libellum Landulfo Comiti Hiserniensi de tota pertinentia terrarum, vbi dicitur Capriata. Quas idem Comes non multo post ex integro reddidit in hoc Monasterio, tradito hic ad conuersionem filio suo paruulo. De piscaria quoque Lesineni fluuio Laurei, libellum fecit pro censu triginta bizantium. In valle quoque de Caudis loco Paulisi, de Ecclesia sancti Andrea, & omnibus pertinentijs eius, libellum fecit cuidam Leoni Presbytero, & Ioanni Genco, pro xenijs, & seruitijs eorum. Similiter fecit, & de innumeris alijs, quæ hic superfluum scribere duximus.

CAPVT IX.

Anno 971



Anno 972

HUIUS Abbatis nono decimo anno, Ioannes Papa de Roma exiliatus, venit Capuam, & rogatus à præfato Principe Pandulfo, tunc primum in eadem ciuitate Archiepiscopatum constituit: consecrato ibi Ioanne fratre eiusdem Principis Archiepiscopo. Post quem Donnus Leo huius cœnobij monachus in eadem ciuitate, quatuor annis, & dimidio Archiepiscopatu functus. Gelberto nihilominus huius loci monacho successionem Archiepiscopatus reliquit. Sequenti anno defuncto primo Ottone: Otto secundus Imperator filius eius, cogno-


cognomento Rufus, venit Capuam, & abiit Tarentum, ac Metapontum, & deinde Calabriam. Vnde prosperè ad sua reuersus, Anno Domini nongentesimo octogesimo tertio, iterum magno exercitu congregato, cum Saracenis in Calabriam dimicaturus descendit: sed diuina permissione superatus ab illis: vix ipse cum non multis euadere potuit. In quo etiam praelio Landulfus Princeps, filius Principis Pandulfi, cum fratre suo Atenulfo, & alijs pluribus mortuus est. Imperator autem Capuam reuersus, firmavit Principatum relictæ Pandulfi Principis Aloaræ, & filio eius Landenulfo. Ipse verò pro recolligendo milite, ac certamine restaurando Romam rediens, eodem tempore defunctus est, atque in atrio Ecclesiæ Beati Petri Apostoli in labro porphiretico sepultus, introeuntibus in paradysum eiusdem Ecclesiæ ad lauam, & filius ipsius Otto tertius Regnum accepit.

CAPVT X.

PRAEDICTA verò Aloara cum vixisset in honore suo annis circiter octo, reliquit in Principatu filium Landenulfum, qui post quatuor menses à quibusdam infidelibus suis Capuanis crudeliter occisus est, apud Ecclesiam sancti Marcelli, ipsa quinta feria sancti Paschæ, ad quam de more principali eiusdem ciuitatis eadem die processerat. Quo cognito Trasmundus Theatinus Comes, & Marchio, propinquus eiusdem Principis, ad vlciscendam ipsius interfectionem, congregato non paruo exercitu simul cum Rainaldo, & Oderisio Comitibus Marforum, venit super Capuam post duos ferme menses, & obsedit eam, ac vastauit per quindecim dies. Postmodum verò pro hac eadem Principis vltione venit Capuam, vna cum prædictis Comitibus Hugo Marchio missus ab Imperatore, & obsedit eam vndique per multos dies, quousque ij traditi sunt illi, qui prædictum Principem interfecerant. Quos accipiens, sex de illis in furca suspendit; ceteros verò diuersis, ac varijs pœnis multauit.

N 2 CA.

Terram-
tus ma-
gnus.



Anno 987

ANTE hoc fermè biennium ingens terræ-
motus factus est, tam in Capua, quàm Be-
neuento: ita vt in Capua plurimas domos
euerteret, & campanas eiusdem ciuitatis
per se sonare faceret. In Beneuento autem
viperam deiecit, & subuertit quindecim
Turres, in quibus centum quinquaginta homines mortui
sunt. De Ariano, & Frecento magnam partem destruxit.
Compsanam ciuitatem prope mediam euerit, eiusq; Epi-
scopum cum plurimis alijs occidit. Rosam verò cum vni-
uersis ferè in ea inuentibus submersit. Eisdem fermè die-
bus Frater huius Aligerni Abbatis, Leo nomine, monachus
professione, portionem ligni Dominicæ CRVCIS non par-
uam, auro, gemmisq; pretiosis, ac margaritis circundatam,
reuertens à Ierosolyma detulit, & huic sancto cœnobio de-
uotissimus obtulit, die nonarū Nouembrium. Depositus est
autem prædictus Abbas nono Kalen. Decembris, & sepultus
iuxta Ecclesiam sancti Benedicti.

A D N O T A T I O.

Beatus Ni-
lus anno
980 Cassi-
num ve-
nit.

ALigernus iste de quo hætenus egit Leo noster, summe
laudatus reperitur in vita sancti Nili Abbatis, ipso
namq. huic monasterio præidente, Beatus Nilus ad hoc Mo-
nasterium venit, præiderat namq. diuino, quo pollebat spi-
ritu, venturos in Calabriam, ubi tunc ipse manebat, Sara-
cenos, à Græcis aduersus Latinos vocatos, eosdemq. vt hostes,
eandem prouinciam mirè vastaturos, unde cum suis recedens
anno Domini nongentesimo octogesimo, Cassinum venit, atque
à Cassinatibus honorificè valde exceptus, ab eisdem incolen-
dum accepit monasterium Vallem lucis nominatum. Quod
eiusdem Patris discipulus, qui res ab eo præclarè gestas accu-
ratè, atque fideliter scripsit enarrat, sic dicens.

Hoc cum iam cognouisset Beatus Nilus oculo suo prophe-
tico (Saracenos scilicet Calabria potituros) diuinæ indigna-
tionis locum dare volens, ad Orientales partes se conferre no-
luit,

luit, veritus opinionem, quam de ipſo habebant Orientales (ad ipſos enim etiam Imperatores Chriſto dilectos) ſama peruenit virtutis Nili) & honorem fugiens, elegit inter latinos agere, ut ignotus apud eos. Quo vero magis ille hominum gloriam fugere ſtudebat, tanto magis cœleſtis gloria ipſum exornabat, & omnes, ut unum ex Apoſtolis illum excipiebant, & parem venerationem illi tribuebant. Cum enim Capuam veniſſet (ut alia omittam propter copiam) & maximo honore affectus eſſet, tum à Principe ipſo Pandulſo, tum ab alijs nobilibus ciuitatis, adeo, ut decreuerint ipſum ſibi Epiſcopum inſtituere & res iam ſecuta fuiſſet, niſi mors ipſum Principem præoccupaſſet.

Tum vero cum vocaſſent Abbatem Monaſterij montis Caſſini (Algernus erat iſte ille Beatus) illi ſignificarunt, ut daret Beato Nilo monaſterium aliquod ſancti Patris noſtri Benediſti, quodcumque ipſe vellet.

Beatus itaque Nilus cum ad inclytum illud Monaſterium acceſſiſſet, obuiam illi venit vniuerſa monachorum turba uſque ad montis radices, Sacerdotes, & Diaconi ſacris veſtibus, ut in die feſto induti, Cereos, & thuribula præ manibus habentes, & ita Beatum Nilum ad monaſterium deduxerunt: nec aliud quippiam videbantur audire, & videre, quam ſi magnus Antonius Alexandria ad veniſſet, vel è mortuis magnus Benediſtus ſurrexiſſet, diuinus ille ipſorum legiſlator, & magiſter. Et rectè quidem iudicabant, & a ſcopo non aberrabant. Omnes enim, qui ex ipſis, vel corporis, vel animæ aliquo detinebantur morbo curati ſunt, & utilia ab ipſo ſunt lucrati; & qui ſpeculationi incumbabant, doctrinam adepti ſunt: qui in bonis erant operibus, ducatum: qui in peccatis correptionem: qui in virtutibus, exhortationem: qui bene ualebant, abſtinentiam: qui male, ſalutem.

Et unico verbo, quemadmodum olim Iſraelitis ſingulis ipſum manna ad eorum guſtum conuertebatur, & commodum, quapropter non erat in tribubus eorum infirmus, talem ſe etiam iſtis monachis miraculis præbuit, cum ipſos curaſſet præſentia ſua à Deo miſſa, & omnes ſpiritali lætitia cumulaſſet.

Valde etiam gauiſus eſt bono ordine & eorum ſtatu magna

N 3 disciplina

Sapie. 16.
verſ. 21.
Pſal. 104.
verſ. 37.]

Monach.
Cassinen-
ses laudat

disciplina exornato, & cum res ipsorum supra quam res nostras (Græcorum scilicet) esset admiratus, deducebatur iterum ab ipso Abbate, & ab insignioribus eius fratribus ad monasterium, in quo una cum filiis suis permanere deberet. Illud autem erat sancti Michaelis Archangeli vallis lucis nuncupatum.

1. Cor. 15.
vers. 28.
Isaia 11.
vers. 6.

Psal. 136.
vers. 4.

Precati autem sunt ipsum tum Abbas, tum Fratres universi, ut ad maximum Monasterium descenderet, & Græca lingua in eorum Ecclesia diuinum officium perageret, ut hoc pacto fieret, ut inquit Apostolus, Deus omnia in omnibus quod etiam Propheta prænuñciauit, inquiens: Quod Leo, & Bos simul pascentur, & simul stabunt eorum filij. Beatus verò Nilus initio quidem abnuñt præ humilitate, dicens: Quomodo cantabimus canticum Domini in terra aliena? qui hodie humiles sumus, & abiecti, in vniuersa terra propter peccata nostra. Nihilominus, ut consolemur inuicem nostra fide, & magnum Christi nomen glorificetur, contentus fuit hoc facere, & cum hymnum condidisset proprio ore in sanctum Patrem nostrum Benedictum, qui complectebatur omnia miracula, quæ in eius habentur vita, cumq. omnes Fratres supra sexaginta suscepisset, ascendit ad Cassinense Monasterium, & vigilas peregerunt in hymnis, & canticis. Hæc scriptor vitæ Beati Nili, qui rursus Aligernum nostrum mirificè laudat, cum de eius agit successore, ut ibi videbimus.


CAPVT XII.



MANSO viceſimus octauus Abbas, ſedit annis decem. Iſte fuit conſobrinus Pandulfi Principis, qui cum eo tempore, quo Aligernus Abbas deſunctus eſt, Monasterio ſancti Magni iuxta Fundanam ciuitatem poſito præſſet: propinquorum Principum ſolatio fretus; non autem omnium huius loci Monachorum conſenſu, Cænobij huius Abbatiam indeptus eſt: vnde factum eſt, vt nonnulli de Prioribus huius Monasterij Fratribus, potius hinc egredi, quàm manere ſub illo, eligerent. E qui-

Ex quibus Ioannes Beneuentanus, qui postmodum Abbas extitit, vnus fuit: alter verò Theobaldus nihilominus postmodum Abbas effectus. Donnus etiam Lucius, de religiosis huius loci Monachis, ac Prioribus vnus, necnon & quinque alij; quorum nomina non recoluntur, ex quibus omnibus, tres priores Ierosolymam profecti sunt. Quinque verò alij in Lombardiam, quos cum ob maximam huius loci deuotionem Hugo Marchio nimis reuerenter suscepisset: ex eius largitione, atque concessione, quinque monasteria in illis partibus construxerunt, ibiq; iuxta traditionem huius Monasterij omnem ordinem posuerunt. Ex cuius etiam Marchionis dono duo hic argenteæ coronæ habentur.

CAPVT XIII.




ER idem tempus supradictus Otto tertius interuentu matris Augustæ, Theophanij præceptum huic Monasterio fecit, confirmans de more omnes pertinentias eius. Gisulfus præterea Theanensis Comes fecit oblationem in hoc Monasterio de loco, & castello, qui dicitur casale Caspuli, cum finibus, ac pertinentijs eius. Berteramus etiam nobilis vir de Comitatu Pennensi obtulit res suas sancto Benedicto, in loco, qui dicitur Fonte Tecta, cum Ecclesia sancti Flauiani, & medietate castelli de loco Carello, & castello de monte Petitto, & cum alijs curtibus suis, quod est terra modiorum septingentorum. Sed & Petrus quidam Presbyter de ciuitate Campomaurani, obtulit in hoc loco Ecclesiam sanctæ Mariæ, quam ipse in hereditate sua construxerat, super ipsos lacus eiusdem ciuitatis, cum multis terris, & omnibus pertinentijs eius. Temmarius quoque vir quidam illustris de Aprutio, fecit sancto Benedicto charitam de omni pertinentia sua, in Penne, & Aprutio, cum Ecclesia sancti Pauli, & sancti Ioannis de Bosseta, & curtibus per diuersa loca, terram modiorum mille & centum. Similiter fecit, & Transmundus clericus, de curte sua in Aprutio, quæ dicitur Celli, cum omnibus pertinentijs, &

N 4 adiacen-

adiacentijs suis, quod est terra modiorum trecentorum. Id ipsum fecit, & Grimoaldus Iudex Aquinensis de Ecclesia sancti Angeli, in monte, qui dicitur Aspranus, cum terris non paucis, & ceteris pertinentijs suis.

Hic Abbas fecit libellum Landenulfo Lucering sedis Episcopo de Piscaria Lesinensi, vnde idem Episcopus per singulos annos reddebat censum in natali Præposito sanctæ Sophiæ de Benevento, ad opus Monasterij huius, bizantios vigintisex. Fecit etiam libellum Rainaldo Comiti Marso- rum de Ecclesia sancti Pauli, quæ sita est in territorio Cominensi in pertinentia castelli Septem fratrum, cum rebus, & pertinentijs suis, trecentis videlicet terrarum modijs, recipiens ab eo in præfenti quidem solidos quinquaginta: annualiter verò Tincas quingentas. Fecit etiam libellum de Ecclesia sancti Felicis in Pulverio, & sancti Maximi in Comitatu Theatino, pro quo recepit solidos trecentos, pro censu verò solidos octo. De sancto Angelo de Galiano in Pennensi Comitatu solidos centum, pro censu septem. Item ibidem de sancto Bonito solidos quinquaginta, pro censu solidos tres. Item ibidem de terris ad Coronulas, & ad fontem Ermonis solidos centum, pro censu solidum vnum. Item ibidem de terris in Pastina, & in valle Albina solidos centum sexaginta, pro censu solidos octo. Item in Aprutio cuidam Odemundo de ipsa curte de Mariano ad ipsam cisternam, & in colle de Morta, terram modiorum centum, & pro censu solidos quinque. Ille fecit libellum iuxta tenorem Abbatis Aligerni quibusdam nostratibus, & posuit eos circa sanctum Heliam, vt ipsam à Barbaris destructam restaurarent, & terras in circuitu ipsius iuxta terminos statutos excolerent. Eodem tempore Tarracinen- ses ciues, commoniti à Ioanne Episcopo suo, propter cladem quandam, quam tunc patiebantur, ipso die sancto Paschæ vnanimiter, omnes deuouerunt, ac promiserunt, daturus se per singulos annos in hoc Monasterio sex millia anguillas, & scriptum inde fieri terribili anathemate supposito ad posterorum memoriam præceperunt.

CAPVT XIV.




IC itaque cum à Ioanne Papa quintodecimo, priuilegium iuxta solitum recepisset: à Landenulfo etiam Principe, qui ut iam diximus, à Capuanis apud Ecclesiam sancti Marcelli crudeliter interemptus est; præceptum cōfirmationis totius Abbatia accepit, secundum tenorem scilicet præcepti patris ipsius. Laidulfus quoque eiusdem Landenulfi frater, qui illi in Principatu successit; quindecim illi familias in Aquinensi ciuitate de maioribus, quæ ibi erant concessit. Cui etiam nōno Abbatia ipsius anno præceptum de Castro celi cum toto monte, qui dicitur sancti Angeli in Asprano per suas pertinentias faciens, iurauit illi omnem securitatem, & ut de tota omnino Abbatia se uiuente illam fideliter adiuuaret. In præfati itaque montis summitatem idem Abbas ascendens, cum nonnulla inibi veterum ædificia reperisset: uoluit ibi castrum construere, sed propter aquæ penuriam id facere dissuasus, descendit, & in latere eiusdem montis Roccam, quæ Sicca nuncupatur, ædificauit.

Supra caput 10.

Anno 990


CAPVT XV.



SVPRADICTVS itaq; Imperator Otto deposito Laidulfo, quem supra diximus, & ultra montes exiliato, eo quod in nec fratris sui consensisse videbatur. Ademario cuidam Capuano filio Balsami clerici, quem secum à puero educatum vnicè diligebat, quemq; ante paululum Marchionem fecerat, Capuanum tradidit Principatum. Non multo post, idem Ademarius à Capuanis Principatu depellitur; & Landulfus de sancta Agatha filius Landulfi Beneuentani Principis in Principem subrogatur. Hic Princeps supradieto Abbati, iureiurando firmavit, & iurando firmare fecit duodecim nobiles capuanos totam ex integro Abbatiam, cum omnibus omnino

omnino intra Capuanum Principatum pertinentijs eius, si-
cut eam tenuit sub præfata Aloara Principissa, & Landenul-
fo filio eius, à quibus ei dudum fuerat confirmata. Comita-
tum etiam Aquinensem totum ex integro simul cum Epis-
copatu eius, & castellum Arcis, cum omnibus pertinentijs
eorum, sicut eo tempore tenebat, & dominabatur. Insuper
& castellum de Bantra, quod fuit Landonis Comitis, cum
vniuersis pertinentijs ipsius, tenore quo supra dictum est,
confirmauit, cum diuersis videlicet alijs conditionibus,
quas à prædicto Principe Abbati eidem requirere visum
fuit, quemadmodum in ipsius sacramenti serie continetur.

CAPVT XVI.



PRÆTER multa igitur illius strenuè,
& quodammodo (vt suppressius de tanti
loci patre loquar) sæculariter gesta,
cum & Equites sibi plurimos, & non pau-
cos sericis indumentis indutos famulos
parauisset, & vltromontani Imperatoris
curiam nihilo segniter frequentaret: præ-
cipuè ob supradiçtæ Arcis constructionem maximum sibi
inuidiæ, atque odij fomitem in vniuerso Principatu accen-
dit; adeò, vt non multo post fraude inuitatus à Capuanis,
captus, atque cæcatus sit, quod quasi non solum Abbatiam,
sed etiam Principatum sibi vendicare satageret. Accessit
ad hanc inuidentiam etiam Alberici Marforum Episcopi
nequitia, qui videlicet dum filio suo (quem de quadam
meretrice susceperat) tradidisset Episcopatum, ad huius
loci Abbatiam adipiscendam, si quo modo posset, animum
dederat. Comperiens itaque prædictum Abbatem ob ea,
quæ supra diximus valde Capuanis infestum: loquutus pri-
mo cum quibusdam nequissimis monachis: postmodum ve-
rò cum aliquibus Deum ignorantibus ciuibus Capuanis;
pactus tandem est centum se libras Papiensis monetæ illis
daturum; si illi (cæcato prius Abbate) Cassinense sibi Mo-
nasterium traderent, quod deinceps eorum fultus auxilio,
sine alicuius contradictionis obstaculo possideret. Ita vide-
licet

licet, vt medietatem ipsius pretij ad præsens illis, per suos necessarios, mitteret: medietatem verò alteram tunc destinaret, cum Abbatis oculos in manu sua conspiceret. Quod eum ita inter eos firmatum fuisset; cœperunt vtrique, hic de pecunia, illi de nequitia pro posse studere. Congestam igitur Pseudo Episcopus ille vndecumque pecuniam, misit, quemadmodum pollicitus fuerat. Quam nequam illi suscipientes, illos quidem, qui detulerant in quibusdam abditis absconderunt. Ad Abbatem vero venientes, dolosè precantur, vt Capuam adeat, & siquam aduersus illorum aliquem querelam haberet, legalem inde iustitiam sumat. Abbas autem quoniam illorum inuidiam iam dudum compertam, & malitiam suspectam habebet, negat illuc posse se aliquatenus ire. Tunc illi (Deum negare parum, quid æstimantes, & eum, qui vniuersorum inspector est, fallere se posse credentes) mox adhibitis Euangelijs, iurant, quod saluum illum, & in columnen Capuam ducant: saluumq; nihilominus, & in columnen ad sanctum Benedictum reducant. Hoc illi iurantes, fraudulenter in mente sua statuerant, vt posteaquam Capuam illum duxissent, ad Ecclesiam sancti Benedicti, quæ in eadem ciuitate est eum deducerent, vt quasi hoc fraudis ingenio periurium deuitarent. Deceptus itaque huiusmodi fraudibus Abbas, credidit; & Capuam vnacum illis nihil suspicans mali perrexit. At illi, qui iam dudum conceperant dolorem, pepererunt tandem iniquitatem: moxq; vt in Capuanum Monasterium illum introduxerunt; quemadmodum disposuerant, capiunt: eiq; oculos sine mora euellunt, atque diligenter linteolo inuolutos, clam, vt Domino suo ferrent, Episcopi nuntijs mittunt. Quos illi suscipientes, & valde hilares effecti: festinanter ad Dominum suum reuerti cœperunt. Sed O, nunquam dormitans diuini iudicij oculus. Iam illi prope Marham in cãpo peruenerant Mezio, ibiq; iam securi subsistentes, cibos ab itinere fatigati percipiebant. Cum ecce subito peregrinus quidam superueniens, ac perquisitus ab eis (iuxta quod viantibus consuetudo est) aliquid noui. Episcopus, ait, terræ defunctus est, qua illi voce vehementer attoniti, eumq; fallacem, atque impostoreum cum aspernatione nimia,

mia esse dicentes, prorsus credere dubitabant. Sed cum ille rem certò certius, atque instantius affirmaret, & diem, horamq; illius obitus diligenter notatam eis referret: confestim illi in eodem loco de fossis oculis, quos iam frustra ferebant, ad domum Episcopi, quæ non longius aberat, conscensis Equis perneciter aduolant, atque reperiunt eadem hora vita priuatum Episcopum, quæ prædictus Abbas lumine priuatus fuerat oculorum, quæ videlicet dies decimaoctaua Kalendas Decembris exitit. Ex his autem nuntijs, quos in tantum scelus iam dictus Pseudo Episcopus destinauerat; vnum Andræam nomine Presbyterum, ego ipse cum adhuc essem puerulus, vix se se in lecto mouere valentem, recolo me vidisse, qui ultra centenariam iam viuens ætatem; hæc omnia seriatim auunculo meo sanctæ memoriæ Ioanni Sorano Episcopo, quotiens interrogabatur, cum lacrymis confiteri solebat, ne quis fortè existimet fabulosum. Præerat eo tempore in Aquinensi Gastaldatu Adenulfus cognomento Summucula: abauus scilicet eorum, qui nunc dicuntur Aquinensium Comites, qui mox, vt Abbatem creatum agnouit, hilaris effectus, Roccam vocabulo Siccam, quam idem Abbas paulo ante construxerat, funditus euerit.

Hic Abbas in territorio Capuano construxit Ecclesiam, in honore S. Apollinaris, & in Liburia ad casam Gentianam Ecclesiam S. Ioannis, & in casale Ecclesiã sancti confessoris Christi Mauri. Huic porro Abbati successor eius Ioannes, Ecclesiam S. Martini iuxta Vulturum, & Ecclesiam S. Secundini, quæ in Caiazano territorio sitæ sunt, cum omnibus omnino pertinentijs, ac possessionibus earum, diebus vitæ ipsius ex toto contradidit, vt ibidem suo arbitrio, quamdiu adiuueret, honorificè conuersari valeret.

A D N O T A T I O.


DE hoc Mansone Abbate agitur in vita sancti Nili his verbis. Cum igitur mortuus esset æternæ memoriæ Aligernus, qui rectè, & religiosè Monasterium sancti Benedicti administravit, eius loco prefectus fuit quidam, qui ignorabat

bāt sanctum Nilum qualis esset, vel ut verius dicam, nec ipsum Deum cognoscebat, quod declarabit id, quod breuiter dicam. Cum aliquando ad ipsum Beatus Nilus accessisset, inuenit casu ipsum in Monasterio inferiori, in quo est pulcherrimum sacellum sancti Germani, aquarum pulchritudine circumdatum: inuenit autem ipsum cum insignioribus monachis magni Monasterij lotum, & in cœnaculo comedentem. Cum itaque expectaret ipsum Beatus Nilus in Ecclesia cum suis Fratribus, audit quod citharedus quidam ingressus erat in cœnaculum, citharam pulsans. Tunc Beatus Nilus dixit ad eos, qui secum erant. Memoria tenete Fratres verbum hoc, quod breui tempore veniet ira Dei super homines istos: surgite, & hinc discedamus; & hoc cum dixisset, recessit. Nec annus transiit, & Præpositus ipse (Manfoscilicet) defectionis, siue seditionis causa captus, eruti sunt ei oculi, & monachi graui morbo oppressi, alij quidam vsque ad mortem afflicti sunt, alij perierunt. Citharedus ille, profectus ut raperet, captus est, & post multa tormenta eruti sunt illi oculi. Et sic omnes biberunt calicem iræ Domini, iuxta sancti Patris Nili prædictionem. Beatus itaque Nilus, cum in Monasterio, quod dicitur vallis lucis stetisset quindecim annos, recessit inde. Hæc discipulus Beati Nili in vita ipsius. Agit etiam de excacatione huius Abbatis Petrus Damiani lib. 4. epist. 8. ad Mainardum Episcopum Eugubinum.

Beati Nili
prædictio.

Petrus Da-
miani.

CAPVT XVII.



ER idem tempus Beatus Adalbertus Sclauorum Episcopus, relicto Episcopatu suo, ex licentia Romani Pontificis, ad hoc Monasterium venit, cupiens Ierosolymam ire. Sed cum à prædicto Abbate, & à nonnullis huius loci prioribus dehortatus inde fuisset, quasi diuinitus datum sibi consilium sumens, statuit tota vita sua hic degere, & nusquam amplius omnino procedere. Sed cum quadam die quidam de Prioribus huius Monasterij affectuosè cum ipso loquentes, dixissent: Bonum est pater, vt hic nobiscum man-
neas,

S. Adalber-
tus Cassi-
nū venit.

De sancto
Nilo.

neas, hic habitum monasticum induas, hic Deo placitum
viuere ducas, quoniam cum sis Episcopus, & Ecclesias no-
stras dedicare, & nostros clericos ad gradus Ecclesiasticos
promouere decentissimè poteris. Hoc ille verbum satis mo-
lestè accipiens, mox descendit, atque ad virum sanctissimum
Nílum: quem tunc apud Vallem lucis cum aliquot Græcis
Fratribus religiosissime conuersari perceperat, satis deuo-
tè profectus est. A quo dum eius genibus humiliter prouo-
lutus, opportuna consilia quæreretur: seq; ab illo non posse
recipi, cognouisset: pro eo enim, quod ita de Monasterio
nostro recesserat, assererat prædictus pater non audere se
illum retinere, ne fortè ob hoc, & ipse cum suis inde expel-
leretur: consilio tandem ipsius Romam reuersus, in mona-
sterio sancti Bonifacii martyris aliquandiu conuersatus est:
nec multo post, iterum ad Episcopatum suum à Pontifice
Romano directus. Rursus itaque videns se nihil ibi profi-
cere, Romam reuertitur; & in præfato sancti Bonifacii
monasterio remoratur, iterumq; ab Archiepiscopo suo Ma-
guntino ad Sclauoniam remittitur; vbi cum prædicare cœ-
pisset, ab infidelibus capite pro Christo truncatus, marty-
rium sumpsit. His quoque diebus Imperialem coronam de
manu Romani Pontificis tertius Otto suscepit.

A D N O T A T I O.

S Anctus Adalbertus, de quo hic agit Leo, fuit Episcopus
Pragensis, qui cum aduersos admodum, & sibi contra-
rios expertus esset Boemos suos, quibus Episcopali præfectura
præerat, eos deferens, Romam venit, inde Ierosolymam pro-
fecturus. Scripsit eius gesta quidam ipsius æqualis, relata
apud Surium tom. 2. die 23. Aprilis, vbi de aduentu Adal-
berti ad hoc cœnobium consentientia his, quæ à Leone hic di-
cuntur, narrantur in hunc modum.

Surius to.
2. die 23.
Aprilis.

Nec mora, magnam Romam egressus, ad sanctam ciuita-
tem Ierusalem, præter spem, imperfectum iter suscepit: nam
ea via ductus, ad montem Cassinum vsque peruenit, vbi Bea-
tus Benedictus postremo charam sedem posuit. Ibi Abbatibus, &
Fratrum pijs monitis castigatus, ne inutili vagatione vitam
expende-

exponderet, ſed loco ſtaret: ita melius virtutum fructus congregaret, Deum verò propitium bene viuens in omni loco inueniret, ut dicitur in psalmo. In omni loco dominationis eius benedic anima mea Domino. Et rursus ſancti Hieronymi ſententia bona (ad Paulinum epistol. 13.) non Ierofolymis fuiſſe, ſed Ierofolymis bene vixiſſe laudandum eſt. Animaduertit diuinum Animal habens oculos ante, & retro, ita eſſe, ut dicunt, nec ſletit in ſuis diſtinctionibus, dans locum ſalubribus conſilijs: legerat enim in hoc periculofum eſſe homini ſi non maiorum ſpiritualium acquieſceret conſilijs. Nec mora, montem feſtiniſſe deſcendit, & quem in philoſophia Chriſti perfectiorem diſcipulum inuenit, Patrem Nilum, ſalida ſpe petijt: ſub quo paruulus factus iugum Chriſti ferre, & obediētiæ aureas litteras parare ſatagebat, amplexusq. genua ſenis in hac firmus hærebat. Non negat Pater Nilus; Aſt, inquit, homo ego ſum Græcus, melius conueniunt cum quibus hoc agas, monachi latini. Redeas Romam nutriceſſimam ſanctorum filiorum. Quare nobilem Abbatem amicum noſtrum Leonem. Dic me miſiſſe te rudem diſcipulum ad talem magiſtrum. Hoc duce itineris, ad prælia Dei ſecurus accede, ſub hoc patrono, contra aduerſantia cuncta animæ ad Deum progrediens, ſaluus enatabis, & maiori ſtamina, qui nunc in te ardet accenſus, excreſcet quotidie in te Deus tuus, & Dei focus. Fecit, ut homo Dei bonus dixit, atque Romam pergens in Monasterio ſancti Bonifacij veſtem monachalem accepit: denique requeſitus à ſuis, ut ad dereliſtam reuerteretur Eccleſiam, iubente ſummo Pontifice, ad Episcopatum redijt, ac tandem Poloniæ, & Vngariæ Euangelium prædicans martyrio coronatur, anno Domini 997.

Antequam hinc digrediamur viſum eſt mihi referre quoddam notabile exemplum ex Aenea Siluio (qui ad ſumum Pontificatum euectus Pius II. appellatus eſt) in ſua Boemia cap. 16. Erat, inquit, Boeſlao decimoquinto Boemorum Duci frater, Stratiguates nomine, qui relicto ſeculo monachum induerat: is cum fortè Pragam veniſſet, oblata ei fuit à ſancto Adalberto Episcopo Pontificalis cathedra, quaſi Regis frater, Rege natus, facilius populum ſub religione continere poſſet, cuius regendi (rapinis ſcilicet, & adulterij aſſueti, &

omne

Pſal. 103.
verſ. 22.

S. Hiero-
nymi ſen-
tentia.

S. Adalber-
ti prædi-
cto.

omne ius, fasq. contemnentes) facultas sibi non esset: respon-
dit ille, mundanas dignitates, quasi malas pestes esse fugien-
das, monasterium sibi, & presentem vitam suauem prestare,
& futuram meliorem promittere, in eo se viuere, moriq. mal-
le. Cui vir Dei, prophetico Spiritu plenus, dixit: Poteras
modo pontificio honore cum salute defungi, at, quæ nunc re-
cusas in perniciem tuam vehementer expetes. Adalberto igitur
apud Prutenos martyrij coronam adepto, ille mutato in-
terim proposito, Pragensem Ecclesiam poposcit, & fraterno,
Regioq. fauore adiutus obtinuit. Sed dum apud Magunti-
num Archiepiscopum agit, sacris de more imbuendus, inter
duos Episcopos Pronus iacens, diabolico spiritu arreptus,
tandiuq. vexatus fuit, donec animam exhalauit. Hæc ille.
Meminerimus itaque hoc exemplo, in dignitatibus Ecclesia-
sticis appetendis, siue fugiendis, retinendis, siue cedendis, Dei
gloriam, & Fratrum salutem præ oculis habere, sic enim
utrum, utrum faciamus, non peccabimus.

CAPVT XVIII.

S. Romual-
dus cum
Beato Bo-
nifacio ve-
nit Cassi-
num.

EO etiam tempore vir Dei Romualdus, vna cum
Beato Bonifacio Imperatoris consanguineo, qui
paulo post apud Rusliam martyr effectus est; & cū
alijs pluribus Theutonicis de prædicti Imperato-
ris exercitu, ad hoc Beati Benedicti monasterium oratio-
nis gratia venit. Vbi grauiter infirmatus, sed quantocius
diuina misericordia conualescens, reuersus est: eo scilicet
tempore, quo idem Imperator Crescentium Romanum
Senatorem, qui se in castello sancti Angeli de Ponte, sancti
Petri contra eum rebellans munierat: sacramento decep-
tum, cepit: & mox quasi reum maiestatis, capite obtrun-
cauit.

A D N O T A T I O.


Meminit huius aduentus Petrus Damiani Cardinalis
in vita sancti Romualdi cap. 26. in hæc verba. Ro-
mualdus igitur cum eo, quem prædiximus Tammo, & cum
Bonifacio

Bonifacio viro clarissimo, quem nunc felicissimum martyrem se habere Russiana gloriatur Ecclesia & cum alijs conuersis Theutonibus, à Tiburis oppido, ad Monasterium sancti Benedicti, quod in Cassino constructum est monte, deuenit. Ibi nempe grauer infirmatus est, sed cito ex diuina misericordia conualuit, & cap. 27: declarans quis fuerit iste Bonifacius, qui cum Beato Romualdo Casinum venit, ait. Hic denique Regis fuerat consanguineus, & ita carus, vt Rex illum non alio vocaret nomine, nisi anima mea. Erat autem apprime liberalium artium instructus, maximèq. in modulationis musicae studijs approbatus. Hic itaque cum in capella Regia moraretur, videns Ecclesiam antiqui martyris Bonifacy mox exemplo sui aequiuoci, ad martyrii desiderium prouocatus, ait, & ego Bonifacius vocor, cur ergo etiam ipse Christi martyr esse non debeo? Deinde iam monachus factus, tanta se abstinentia frugalitate constrinxit, vt saepe Dominica diebus, & quinta tantum feria per hebdomadam manducaret. Denique, vt habetur in Martyrologio Romano à summo Pontifice ad predicandum Euangelium in Russiam missus. cum per ignem pertransisset illesus, Regemq. ac populum baptizasset a furenti Regis fratre necatus, optatam martyrii coronam accepit. Celebratur eius festum die decimono lunij, quo die pariter celebratur natalis sancti Romualdi eius magistri, quamuis non eodem anno obierint.

De sancto
Bonifacio

Romanū
Martyro-
logium
die 19. lu-
nij.

C A P V T X I X .



CIRCA hæc tempora Olibanus quidam Galliarum Comes ditissimus, à prædicto viro Dei Romualdo, cui peccata sua confessus fuerat, commonitus est, vt relicto sæculo ad Beati Benedicti monasterium, sub prætextu orationis veniret, ibiq. se diuino seruitio irreuocabiler manciparet. Nil ergo moratus, sua relinquens filio, cum multa diuitiarum copia, quindecim scilicet onustis Thesauro sagmarijs, ad hoc se monasterium contulit, & his, qui secum venerant vale dicens, (nil tale de ipso hætenus suspicantes) ipse nunquam de-

O catero

caetero progressurus, flentes ad propria remeare coegit.
 Depositus est autem prædictus Abbas octauo idus Martij,
 & in claustro huius Monasterij reuerenter reconditus.

CAPVT XX.



IOANNES Abbas vicesimus nonus, se-
 dit anno vno. Qui videlicet venerabilis
 Abbas, cum iam senectute, pariter & in-
 firmitate grauatus, tanti regiminis pon-
 dus se ferre non posse perspiceret, con-
 sensu atque electione cunctorum fratrum
 Abbatem sibi substituit; ipse verò Abba-
 tia relicta, in proximam eremum, in locum, qui hodie Pi-
 retum nuncupatur, cum quinque Fratribus secessit, ibiq; in
 honorem sanctorum Cosmæ, & Damiani paruula constru-
 cta Ecclesia, solitarius quodammodo degens, in spirituali-
 bus operibus, reliquum vitæ suæ tempus exegit. Audiui a
 quodam sene, quod dum quadam die super municipium
 huius Monasterij vocabulo Pinlatarium, cuius habitatores
 olim rebellare tentauerant, hostiliter perrexisset. Ecclesia
 quædam iuxta idem Municipium posita, ab his, qui secum
 ierant, cum aliquot eorundem rusticorum Mapalijs, igne
 succensa sit, & ob hanc causam in multis se, maximisq; la-
 mentis dedens, Abbatiam huiusmodi occasione inuenta,
 dimiserit. Iste fecit libellum Transmundo cuidam Clerico
 de Aprutio, de quibusdam curtibus nostris in eodem Apru-
 tio huic Monasterio pertinentibus per diuersa loca, mo-
 diorum quasi quadringentorum, pro solidis ducentis, &
 censu solidorum octo: de alijs quoque terris in loco
 Ciccole libellum faciens pretij tantundem rece-
 pit. Idem etiam de tertia parte curtis de
 Moscufo, & alijs Terris, libellari nomi-
 ne recepit solidos quadringen-
 tos, pro censu verò per
 annum solidos vi-
 ginti qua-
 tuor.

CA

CAPVT XXI.

HIC cum tempore Theobaldi Abbatis defunctus fuisset, ipsa nocte religiosus quidam Frater, Ioannes nomine in Monasterio sancti Laurentij, quod Capuæ situm est, cum vigilas Fratrum de more præueniens, orationibus esset intentus, subito respiciens, vidit quasi super hunc montem maximam lucem in aere, atque intra eandem lucem. cernit Ioannis ipsius animam cælum conscendere. Cumq; facto mane cuperet reddi certus de visione, perrexit ad Andream, qui tunc Monasterio nostro, quod intra Capuam est, præsidebat: eiq; visionem quā perspexerat, pandens, obnixè rogat, vt hominem suum ad hoc Monasterium protinus mittat, qui omnem rei veritatem diligenter addiscere, eisq; reuertens debeat intimare. Pergens itaq; nuntius, cum pars illi adhuc itineris aliqua superesset, quendam obuium habuit, qui ab hoc Monasterio Capuam se proficisci diceret, vt præfati venerabilis viri Ioannis obitum Fratribus ibi degentibus nuntiaret. Quem cum de hora obitus eiusdem sollicitè perquisisset, ea illum hora ex hoc sæculo migrasse accepit, qua Capuanus ille Ioannes eius animam cælum conscendere se vidisse asseruit. Tunc ad illos à quibus legati fuerant vterque reuersus, alter Capuæ, Ioannis depositionem: alter verò Cassini retulit, quæ super illius obitu visa fuerat, visionem: obijt autem pridie idus Martij.

A D N O T A T I O.

EA, quæ hic de hoc Abbate Ioanne refert Leo, eisdem ferè verbis narrantur à Desiderio Cassinensi Abbate lib. 2. Dialogorum.

CAPVT XXII.

IOANNES tricesimus à Beato Benedicto Abbas effectus, sedit annis duodecim, mensibus sex. Hic ex illustri Beneuentanorum ciuium prosapia genus nobile ducens, sed nobiliores ab infantia mores possidens,

O 2 cum

cum in Ecclesia ciuitatis eiusdem Archidiaconatus honorem gereret, diuino tactus amore, temporibus Aligerni Abbatis, ad hoc sacrosanctum cœnobium venit, & vniuersa sæculi vanitati renuntians, vestem monasticam induit. Qui cum aliquantos sub sanctæ conuersationis studio peregisset annos, atque post Aligerni transitum Manso in Abbatiam, ordine, quo iam diximus, successisset: egressus hinc, Ierosolymam orationis causa, profectus est, atque in monte Syna per sex continuos annos commoratus. Inde verò in Gracia in monte, qui Agionoros vocatur, per aliquod temporis spatium conuersatus est. In quo loco sanctus Pater Benedictus, illi quadam nocte per visionem apparens, pastorem virgam, quam manu gestare videbatur, ei contraxidit, atque vt ad Monasterium Cassinense sub omni festinatione reuerteretur indixit. Quam visionem cum manefacto Patri Monasterij retulisset, monere illum, atque hortari idem Abbas curauit, vt quoniam voluntatis hoc videretur esse diuinæ, minimè negligendum duceret: sed mox ad Beati Benedicti Monasterium cœlesti gratia comitatus redditum maturaret. Visioni igitur, & commonitioni Ioannes obtemperans, ad hunc locum Christo duce reuersus est; quem mox prædecessor ipsius Ioannes Abbas præpositum ordinans, non multo post, quia ipse, & infirmitate, & senio grauabatur, sicut supra diximus, eundem sibi substituit, & illo in Eremum secedente, hic in Monasterij curam, vniuersorum Fratrum electione succedit. Fuit autem temporibus

Anno 999 Syluestri Papæ secundi, & octauidecimi Ioannis. Hic primo anno ordinationis suæ recepit præceptum confirmationis totius Abbatia ab Ottone Imperatore, aureo sigillo bullatum. Quo etiam tempore idem Imperator hic per dies aliquot commoratus, duas coronas argenteas Beato Benedicto obtulit.

C A

CAPVT XXIII.

PER idem tempus Raynaldus Comes Mar-
 forum fecit Monasterium de Ecclesia
 sanctæ Mariæ, quæ dicitur in Cellis, ter-
 ritorio Carseolano, idq; in circuitu non
 paruis possessionibus ditans: castellum
 etiam, quod nunc Celle vocatur, tunc
 autem castellum sancti Angeli nuncupa-
 batur, cum omnibus eius pertinentijs in eodem Monaste-
 rio confirmavit. Petrus quoque Presbyter quidam de ciui-
 tate Tiburtina, in eodem Monasterio de Ecclesia sancti Pa-
 storis, cum omnibus eius pertinentijs, iuxta eandem ciui-
 tatem sita, chartulam oblationis, cum omnibus suis pa-
 rentibus fecit.

CAPVT XXIV.

VIVS Abbatis anno tertio, qui est mil-
 lesimus ab Incarnatione Domini, supra-
 dictus Imperator Beneuentum venit, &
 causa pœnitentiæ, quam illi Beatus Ro-
 mualdus iniunxerat, abiit ad montem
 Garganum. Reuersusq; consequenter Be-
 neuentum, petijt ab eis corpus sancti
 Bartholomæi Apostoli. Qui nihil tunc illi negare audentes,
 callidè illi pro corpore Apostoli, corpus Beati Paulini No-
 lani Episcopi, quod satis decenter apud Episcopium ipsius
 ciuitatis erat reconditum, ostenderunt; & eo sublato reces-
 sit, tali fraude deceptus. Quod postquam rescivit, nimium
 indignatus, corpus quidem confessoris, quod detulerat, ho-
 norificè satis apud Insulam Romæ recondidit. Sequenti ve-
 rò tempore perrexit iterum super Beneuentum, & obsedit
 eam vndique per dies multos: sed nihil aduersus eam præ-
 ualens, Romam reuersus est. Vnde vix ad sua reuerti inci-
 piens, mortuus est: apud oppidum, quod nuncupatur Pa-
 ternum, non longè à ciuitate, quæ dicitur Castellana, ab
 uxore, ut fertur, Crescentij Senatoris, quem superius ab il-

Anno
 1000.

O 3 lo

lo retulimus decollatum, qua impudice abutebatur, portio-
natus. Sed antequam mors eius à circummanentibus di-
gnosci posset, corpus ipsius aromatibus conditum à suis vl-
tra montes delatum est, & Henricus Dux consobrinus ip-
sius constitutus est Rex.

CAPVT XXV.

HIC Abbas fecit capsam magnam argenteam,
inauratam cum smaltis, & gemmis diuersorum
colorum. Fecit, & ceroteraria duo librarum
quindecim; neenon & duo thuribula argentea li-
brarum sex. Codices quoque Ecclesiasticos renouauit ma-
gnos, & pulchros: totius etiam Monasterij ambitum in-
circuitu muris, turribusq; munivit. Construxit præterea,
& Ecclesiam in honore sancti confessoris Christi Nicolai,
in Monticulo, qui secus pratum donnicum est propè ciui-
tatem sancti Germani. Quem videlicet amulatus Theobal-
dus Præpositus ipsius, & ipse nihilominus eidem Beato Ni-
colao Basilicam aptauit: apud castrum sancti Petri, quod est
positum ad radicem huius montis, in crypta antiqua, quæ
ingentibus saxis gentilium opere pulchro, in damouum
honore constructa, iuxta eiusdem Beati Petri Ecclesiam
sitæ est. Quo tempore, octauo scilicet ipsius Abbatis anno,
terræmotus ingens per quindecim, & eo amplius dies hunc
montem exagitauit, ita vt in aliquot locis Ecclesiam
scinderet.

Terræmo-
tus ingens.
Anno
1005.

CAPVT XXVI.

HIC Abbas fecit concambium cum prædicto Ray-
naldo Comite Marforum de sancta Maria in Lu-
co, & sancto Erasmo, & sancto Sebastiano, & san-
cto Angelo, pro quibus recepit in Terra de Alifis
curtem, quæ dicitur sancti Stephani, cum terra modiorum
quadringentorum, & in Theano modios quingentos, in lo-
co, qui dicitur Campus.

Oderisus quoque Comes, eiusdem Raynaldi filius, oppi-
dum,

dum, qui dicitur Caſafortini, cum omnibus pertinentijs eius, mille videlicet modiorum terra, quod idem Comes à parte coniugis ſux Geruiſæ tunc retinebat, eidem Abbati contradidit, & recepit ab eo ſub nomine concambij caſtellum ſancti Vrbani, & alias Eccleſias, ſeu curtes in Comino, loco huic pertinentes, terram vtiq; quaſi modiorum nongentorum. Hic idem Oderiſius vltimo Abbatis huius anno, vna cum Gibborge coniuge obtulerunt huic Monasterio Eccleſiam ſancti Felicis in Comino, quæ videlicet ſancto Angelo de Barregio olim pertinuit: pertinentia ſancti Vrbani, cum centum modijs terræ in circuitu ipſius, & alijs centum apud Atinum, in loco Vallis bonæ, & cum omnibus eiſdem Eccleſiæ pertinentijs. Eodem tempore abierunt tres de monachis noſtris ad Gualterium Comitem de Leſina, & in eius præſentia contenderunt, cum nobilibus illius Terræ de Piſcarijs eiſdem Leſinæ, & de molendino de Lauri, & de Eccleſia ſancti Petri ibidem, & de cæteris rebus ſancti Benedicti, ſicut in eorum libello continebatur; & cognita prædictus Comes iuſtitia noſtra, iuſſit ſcripto ſuo, vniuerſa illa monachis noſtris ex integro reſtitui; appoſita inſuper pœna compoſitionis duo millium bizantiorum, qui exinde amplius contra nos contendere voluiſſet. Per hos etiam dies Hubertus Firmanæ ciuitatis Epiſcopus obtulit Beato Benedicto, de cauſa iuris ſui in Fundo oppiano terras, & vineas, ſiluas, prata, & oliueta poſſeſſionem non paruam; & in fundo Paterno ſimiliter. Sed & Gaideriſius quidam de eadem ciuitate Firmana fecit chartam in hoc Monasterio de vna Eccleſia iuris ſui vocabulo ſanctus Benedictus, in loco, qui dicitur Sambucetum, cum rebus, & pertinentijs ſuis.

Landuſus quoque Salernitanus Princeps, ſub hoc Abbate monachus factus, obtulit huic Monasterio omnes res ſibi iure hæreditario pertinentes in Comitatu ſanctæ Agathæ: domos ſcilicet, & curtes nonnullas, cum oliuetis, vineis, & molendinis, & omnibus earum pertinentijs. Sed & Tranſmundus Clericus diues, ac nobilis de Aprutio, cuius iam ſupra meminimus, Eccleſiam ſancti Nicolai, quæ conſtructa eſt iuxta fluuium Trutinum, loco Sumuſiano voca-

O 4 bulo,

Anno 1
1010.

bulo, rebus suis ditatam, Monasterium esse constituit, idq; per suæ oblationis chartulam, sub huius cœnobij iure contradidit. Similiter autem, & Theuto filius Theutonis de eodem Aprutio, obtulit huic Monasterio Ecclesiam sancti Ioannis, in loco, qui dicitur Scorzone, quam videlicet ipse proprijs rebus ditatam sanctimonialium Monasterium fecerat. Eodem etiam modo Raynerius filius Iosephi obtulit Beato Benedicto vnam Ecclesiam iuris sui vocabulo sancti Nicolai in Comitatu Pennensi loco, qui dicitur Sambuceta, cum omnibus ornamentis, & pertinentijs eius, quiq; Raynerius ante annos circiter sex fecerat chartulam in hoc Monasterio de omnibus omnino rebus, ac pertinentijs proprietatis suæ, quæ possidere videbatur in Comitatu Pennensi, Atculano, Theatino, atque Aprutienti. De castello videlicet Ambleto, & de Faraone, & de Murro, & de Cantalupo, & de Aterno, & de Arche, & de pluribus curtibus suis, quod est terræ octo millia modiorum.

Per idem tempus ciues Terracinenses admoniti à Ioanne Pontifice suo, obtulerunt in Monasterio sancti Stephani de Tarracina vnam piscariam, quæ ab ipso fluvio supra dictæ ciuitatis, loco, qui dicitur Gambarà vsque in mare, appositâ pœna trium librarum auri obrizi. Similiter etiam Rosfridus patritius obtulit ibidem vnam piscariam suam in pantano Traiecti, in prædicto fluvio de Tarracina. Circa hos dies Franco quidam Presbyter, & monachus, fecit chartam in hoc Monasterio de vna Ecclesia proprietatis suæ, vocabulo sanctus Benedictus, in finibus monticelli loco Salabuca iuxta Bisernum, cum rebus, ac pertinentijs eius. Huic Abbati Lupus Azzonis de Aprutio fecit oblationem omnium rerum suarum, cum quinque Ecclesijs, idest sancta Victoria in Murro, sanctus Callixtus in Colle, sanctus Antimus in Comelano, sanctus Archangelus in Faumano, sanctus Andreas in Cesule, cum terra quingentorum circiter modiorum, & cum omnibus omnino sibi pertinentibus rebus in toto Aprutio. Adam etiam, cognomento Salicus, obtulit in hoc Monasterio vnam Ecclesiam iuris sui vocabulo sanctus Martinus in territorio Theatino, loco qui dicitur Corneclanum, cum centum terræ modijs in circuitu eiusdem

eiusdem Ecclesiæ, & cum reliquis pertinentijs ipsius.

Hic Abbas fecit libellum de sancto Bonito, & pertinentijs eius, sancto Angelo de Galiano, sancto Salvatore de Seriole, sancto Petro de Castiniano, sancto Felice de Mantariano, sancto Felice inter Flumina, sancto Valentino, & sancta Maria in Aufano, pro solidis quadringentis, & censu solidorum viginti. Idem fecit etiam Otteramo Gasaldeo Marlorum de sancto Clemente in Auezano pro solidis centum, & censu staminearum quinque. Idem de sancto Gregorio (siue Georgio) de Seruiliano, pro solidis triginta, & censu pisces centum. Item de eodem censu piscium quadringentorum. Fecit & libellum cuidam monacho nomine Trasari de sancto Benedicto in Canusio, de sancto Salvatore in Menorbino, loco Straiuniano, de sancto Benedicto in Iunenazzo, loco Orosano, de sancto Focato in Barano, cum ipsa piscatione de lacu Romani, de sancto Cassiano in Filone: simul & de omnibus pertinentijs huius loci in ciuitate Tranensi, cum omnibus simul earundem Ecclesiarum pertinentijs. Idem fecit filijs Adelberti de Papiniano, de quadringentis modijs terræ in Aprutio pro solidis ducentis, & censum solidorum octo. Fecit, & commutationem cum Tresidio quodam Theatino, à quo recepit Ecclesiam sanctæ Lucie in Castellone, loco qui dicitur Insula, cum omnibus rebus ipsius Ecclesiæ, & terram modiorum centum, datis ei per diuersa loca apud Theatem terræ modijs septuaginta.

CAPVT XXVII.




MO C præterea tempore, Sergio quarto Papa defuncto, Benedictus octauus, natione Tusculanus, ex Patre Gregorio, Romanus Pontifex ordinatur. Per idem tempus ædificatum est Monasterium sancti Benedicti apud Sueffam foris portam, quæ dicitur Ermemari, à domino Ioanne Sacerdote, & monacho, ubi præfatus Abbas concessit omnes curtes, & terras huius Monasterij, quæ sunt intra Comitatum prædictæ ciuitatis, loco Oronica,

Benedi-
ctus VIII.
Papa.

Oronica, & curtes de loco Alfani, necnon & curtes de loco Lauriana. Ita dumtaxat, ut per singulos annos ex eadem curte Lauriana persolueretur nobis census modiorum farbarum centum.

CAPVT XXVIII.



PRAEDICTVS autem Abbas, cum plurimas à vicinis Comitibus pateretur angustias, Capuam ad tempus remoraturus absecessit. Et quoniam plusquam satis austerus in monachos fuerat, studueratq; contra B. Benedicti decretum, timeri magis à Fratribus, quam amari, illi eximantes, immò optantes, huc eum ulterius non reuersurum, Docibilem quendam, natione Caietanum, vitæ simplicis virum, de congregatione in Abbatem substituunt. Qui cum de more Abbatum possessiones Monasterij reuifurus Marchiam perrexisset, & multis donatus equis, alijsq; non paruis muneribus, iam rediret. Benzoni filij cuiusdam de eiusdem partis magnatibus, subito illum apud Pennas inuadunt, & violenter vniuersa, quæ ferebat diripiunt. Quo cognito Bernardus Comes, mox ad eum accessit, seq; super hac re valde dolentem ostendens, totidem illi equos quot fuerant sublati vir liberalis restituit. Veniens autem praefatus Abbas in locum, qui Furca Pennensis vocatur, conuersus, vniuersos Benzoni filios maledixit: Bernardum verò cum suis omnibus benedicens, ut domui eius, domus Benzoni semper subdita esset, & ut nunquam de domo eiusdem gladius iræ Dei recederet, terribiliter imprecatus est. Quod videlicet fieri, nos hodie videmus. Sed cum post septem non integros menses pacatis, atque compositis rebus, Ioannes Abbas huc fuisset reuersus, Docibilis Caietani se contulit, ac non multo post languore detentus, ad hoc se Monasterium referri postulans, quieto fine defunctus est. Abbas quoque Ioannes cum iam longævus esset, & ipse nihilominus defunctus est, decimoquinto Kal. Aprilis, atque iuxta Ecclesiam Beati Benedicti sepultus.

Anno
1011.

A D.

A D N O T A T I O .

DE Ioanne isto hæc scribit Desiderius initio lib. 2. Dialog. Cum adhuc essem laicus, & intra annos adolescentiæ aetatem ducerem, quæ à multis in Beneuentana ciuitate degens, audiui de Ioanne tunc eiusdem Beneuentana Ecclesiæ Archidiacono, postmodum verò huius sacri cœnobij Abbate, silenter non transibo. Cum idem Ioannes de illustri prosapia originem duceret, & quod maius est, religiosè viuens omnipotenti Domino omninò placere studeret, ita à clero, & populo diligebatur, ut omnes ei unanimiter post mortem Archiepiscopi, eiusdem Urbis summum sacerdotium præoptarent. Alter quidam in eadem Ecclesia Alax nomine Diaconus erat, qui ad adipiscendum pontificium aspirabat, nec quo ordine id assequi posset, quidquam pensi habebat: sed dum idem Ioannes Archidiaconus superesset, ad culmen tanti honoris se posse perungere desperabat. Cumq. hæc quotidie in animo volueret, vana illum cogitatio baud quiescere permittebat. Cum quadam die vterque secreto in loco confedis-
sent, & nemo alius cum eis esset sermo inter eos ortus est de huius misera vitæ fragilitate, de cœlestis, ac perpetuæ vitæ iucunditate, de pena peccatorum, ac de gloria sempiternæ iustorum. Itaque statuerunt inter se huius gloriam mundi relinquere, ac sanctæ conuersationis habitum suscipere, atque, ut magis fidei esse possent, iuramento quod statuerant firmauerunt. Deinde diem decernunt, quo apud castrum Cassinum limina Beati Benedicti paterent, ac sub eius magisterij regula Iesu Christo Domino deseruirent. Igitur postquam ad statutum diem ventum est, quo ab eis aggrediendum erat iter, Alax, qui aliud animo, aliud gestabat in ore, Ioanni Archidiacono dixit: Carissime frater, quoniam de rebus meis aliquid adhuc superest, quod secundum Deum ordinare cupio, tu obsecro præcede & mox, ut sanctæ conuersationis habitum susceperis, mihi nuntium mitte, Ego autem interim his expleis, quantocius te subsequi curabo. Archidiaconus ergo ad Monasterium Beati Benedicti veniens, mox, ut sacrum habitum suscepit, nuntium, ut decreuerant, socio direxit, qui eum sub sanctæ institutionis regula iam colla submisisset, &

ut

ut ipse celeriter veniret, sicut pollicitus fuerat, nuntiaret. At ille mox, ut talia audiuit alacer effectus, quod illum, qui sibi in Ecclesia præminebat recessisse cernebat, omnino se ad eum accedere, atque tam arctam aggredi viam, posse negavit: deinde ad acquirendum culmen pontificalis honoris totis viribus nitebatur. Sed omnipotens, ac iustus Deus aliter quam ille sperabat disposuit. Nam cum Imperator Otto egressus Germania Italiam intrasset, postquam Romanas res, prout sibi videbatur disposuit, Beneuentum adiit, cui Alax, ita familiaris effectus est, ut idem Augustus eligi in Pontificem (Ecclesia renuente) præciperet. Postmodum verò Imperator Romam rediens, Romanum Pontificem eum consecrare rogauit, & consecratum Beneuentum remisit. Imperator deinde febre correptus, post aliquot dies diuina dispositione defunctus est. Ille verò Beneuentum rediens, ne menibus quidem ciuitatis appropinquare ausus fuit, sed cum dedecore illo repulso, alium sibi ciues Pontificem elegerunt. Fecit quidem hæc omnipotens Deus ad vindictam malefactorum, laudem verò honorum: ut qui cupiditate honoris ductus fraudulenter fratrem suum studuit ab Ecclesia pellere, ipse pulsus patria, exul in alieno solo vitam finiret.

Præter hæc, ea, quæ sequuntur Leone Venerabilis vitæ (qui ante paucos annos defunctus est,) & alijs veteranis monachis narrantibus audiui. Cum idem Ioannes aliquantos in Monasterio sub sanctæ institutionis regula expleisset annos, petita ab Abbate suo licentia Ierosolymam perrexit, atque in Sinai monte per sex continuos in Dei seruitio deguit annos. Postmodum in Græcia, in monte, qui Agynoros dicitur aliquanto tempore mansit. Sed ea, quæ illo in loco vidisse contigit, haud quaquam mihi reticenda videntur. Quidam namq. Eremita in eodem monte manens à paucis frequentabatur, vel noscebatur: quadam verò die frater, qui ei ministrabat, & certis diebus victum deferebat, supra memoratum Ioannem venerabilem virum ad eundem Dei seruum duxit, & sicut ipse postmodum discipulis suis cum lacrymis solitus erat referre, benignè, ut decebat, ab eo susceptus est; & cum sermo inter eos de celestis vitæ gaudijs diutius ageretur, seruus Dei ys, qui aduenerant, dixit: Venite fratres, quia

quia bora est, alimenta summamus corporis, ne reuertentes in via deficiatis: nec enim ieiuni recedere debetis à nobis, propter quem tanti subijsitis iter laboris. Et hac dicens mensam preparat, prandium apponit, cum denique oratione facta ad mensam confedisent (mirabile dictu) ecce immanis ursus è vicina silua veniens se se ante ora prandentium, fauum dulcissimi mellis ferens, exhibuit. Cumq. illi valde perterriti fugam inire tentarent, venerabilis Eremita ille eos compescuit, & ne terrentur admonuit, dicens: multos iam esse annos, quod sibi omnipotens Deus per bestiam illam sapissimè hoc melliflui nectaris donum sua pietate transmiserit. Peraeto itaque prandio surgentes è mensa, animo magis satiati quam corpore, percepta benedictione ad Monasterium sunt reuersi.

Mirabilia
res.

Post non multos verò dies Beatus Pater Benedictus eidem Ioanni per visionem apparuit & dans ei pastorem virgam, quam manu gestabat, ut Cassinum ad suum Monasterium, quantocius reuerteretur, admonuit. Facto itaque mane, Abbati ipsius Monasterij viro religioso, visionem quam viderat per ordinem pandit. At ille, ut erat vir prouidus, atque discretus, voluntatem Dei in hac visione cognoscens, intulit, dicens: Frater Ioannes celeriter ad tuum Monasterium reuerti festina, ne tanto patri, qui tibi per visionem apparuit, esse in obediens videaris. Deceuit enim (ut mihi videtur) omnipotens Deus, te suo gregi praeponere, & ut suas fideliter pascas oves, sua miseratione elegisse. Ille igitur visioni, & admonitioni obtemperans, transmarina relinquens arua, Christo duce, reuersus est, atque à religiosissimo viro Ioanne, qui tunc Fratribus praeerat, Praepositus factus, non multo post (quia idem Abbas corpore iam debilis erat, atque pondus tanti oneris ferre nequibat) consilio, & electione cunctorum Fratrum, ab eodem venerabili patre Abbas est ordinatus. Ille verò Abbatia relicta in vicina silua secessit, atque ibi usque ad vitæ suæ terminum solitarius degens, in omnipotentis Dei seruitio vitam finiuit. Hactenus Desiderius de Ioanne isto.

S Benedictus
Ioanni
apparere

CA-

Anno
8011.



O autem, quo defunctus est anno, quem-
dam nepotem suum Ioannem, cognomen-
to Rotundulum, quem ante dies non plu-
rimos monachum fecerat, ad mortem
veniens, in Abbatem substituit, paucis
admodum super hoc sibi consentientibus,
vel potius coacte id sufferentibus mona-
chis. Quorum autem pars potior, ac sanior erat, nimis hæc
indigne ferentes, & Neophytum tantæ congregationi præ-
esse minimè congruum iudicantes: post menses aliquot,
mandauerunt Pandulfo Principi Beneuentano, vt veniret,
filiumq; suum Atenulfum illis in Abbatem ordinandum
adduceret: nulli enim magis, quam ipsi honor huius loci
competeret. Quem videlicet Atenulfum, cum Otto Impe-
rator puerum à Patre obsidem accepisset, vltra montes in
quodam Monasterio nutriri, ac custodiri mandauerat. Post
tempus verò aliquantum monitus à Patre suo, vt si absque
suspicionem alicuius fugere posset monastica veste indutus,
fugam arripuit, atque in redeundo grauitè infirmatus, cu-
cullam quam fugæ occasione simulanter induerat, sponte se
deinceps gestaturum deuouit. Sicq; ad patrem rediens, cum
ab eo in palatio retineri non acquiesceret, in Monasterio
sancti Modesti, quod intra eandem Beneuentanam ciuita-
tem prope Episcopium situm est, vsque ad id temporis mā-
sit. Lætus igitur Princeps, Cassinum protinus venit, & con-
sensu, atque adminiculo monachorum, excluso Rotundulo,
filium in Abbatiam substituendum lætantibus vniuersis cō-
tradidit. Rotundulus igitur tali ordine pulsus, Beneuen-
tum redijt, atque patrocinio propinquorum, & consensu,
ac concessione præfati Principis, supra scripti Monasterij
sancti Modesti Abbatiam recepit.

A D N O T A T I O.

Galat. 3.
vers. 3.

Libet hic exclamare, & quod Paulus Galatis scripsit ite-
rum repetere: Sic, inquit, stulti estis, vt cum Spiritu
cepe-

eperitis, nunc carne consummemini? Abbas hic Ioannes à Deo, ut apparet, ad regimen Cassinensis Monasterij electus, quiq. in vita sua laudabiliter satis fuit conuersatus, in fine tandem carni, & sanguini cedens, nepotem suum inhabilem, & indignum, contra omne ius, & fas Monasterio Cassinensi præesse voluit, relictis alijs dignioribus, & melioribus. Sed non solus Ioannes id fecit, sunt enim adhuc multi, qui eum in hoc opere imitantur procurantes hereditate possidere sanctuarium Dei, atque edificare Sion in sanguinibus: unde quidam hos versus iam pridem composuit.

Cum factor rerum priuauit semine Clerum.

Ad Satane votum successit turba nepotum.

Quod quam sit damnable, nemo est, qui nesciat. Habetur de his peculiare exemplum in Speculo exemplorum distinct. 9 exemplo 11. Mihi autem sufficit exemplum Abimelech, relatum cap. 9. lib. Iudicum, quem spurium (relictis filijs legitimis Gedeonis) Sichimitæ sibi in Regem elegerunt, non alia ratione aucti, nisi quia os nostrum, & caro nostra est. Sed tandem ipse ab eis electus Abimelech, ciuitatem ipsorum destruxit, interfectis habitatoribus eius. Hæc in figura contingebant illis, scripta sunt autem propter nos, ad correptionem nostram, ut docet Paulus epist. 1. ad Cor. cap. 10.

CAPVT XXX.



CIRCA hæc tempora reuersus Domnus Liucius, quem superius supra cap. 12. tempore Mansonis Abbatis hinc egressum, Ierosolymam perrexisse monstrauius; primo quidem apud Salernitanum Principatum in quadam Eremita, ubi nunc Monasterium sanctæ Trinitatis ad Cauam cognomento, constructum esse dignoscitur, aliquandiu remoratus est. Vbi à Guaimario Principe agnitus, atque in maxima est reuerentia habitus. Postmodum verò in monte hoc, loco Albaneta vocabulo, usque ad suum est obitum religiosissimè conuersatus. In quo videlicet loco ante non multum tempus, cum quidam vitæ Dei mansionem sibimet remotio-

Liucius
Monach.


Albaneta

remotiozem elegisset, atque in cisterna vetere, quam ibi dirutam repererat, oratorium fabricare disposuisset, cogitanti ei in cuius potissimum nomine Ecclesiam ipsam construeret: fertur quendam puerulum scholarem ibi tunc superuenisse. Qui a prædicto viro Dei perquisitus, vtrum peritiam cantandi haberet, & ille habere se promptulè respondisset, iussus ab eo cantare est, quicquid sibi primum in mentem venisset: statutum scilicet habens in corde suo, vt in cuiuscumque sancti honore puer ille cantasset, in eius nomine Ecclesiam eandem construeret. Mox puer ille responsorium imposuit: veni electa mea, totumq; illud suauis modulamine cecinit.

Valde itaq; vir Dei exhilaratus, & intelligens per hoc Beatissimæ Dei Genitrici placere, suum in loco eodem honorari vocabulum: confestim iuxta possibilitatem suam, paruulam ibi Ecclesiam in honore eiusdem Genitricis Dei, ædificauit: ibiq; vsque ad exitum suum satis deuotus in eius seruicio perdurauit. Cum autem post aliquantum tempus præfatus Domnus Liucius ibi venisset, & plurimum sibi locus ipse complacuisse: elegit ibi vsque ad mortem consistere, & in seruicio Dei Genitricis perseuerare. Regressus igitur ad Principem Guaimarium, prædicti Guaimarij filium, cui dudum & Pater spiritualis, & familiaris super omnes extiterat: multa ab eo, & diuersa ornamenta Ecclesiastica, & codices complures, necnon & aliam, ad Fratrum vsus, non modicam suppellectilem acquisiuit: libentissime illo, ac liberaliter cuncta, quæ vellent accipere concedente: Mox itaq; prædictam Dei Genitricis Ecclesiam multo satis quam erat in omnibus ampliorem efficiens, atque depingens, habitacula quoque in circuitu ad diuersos commanentium vsus non modicæ quantitatis ædificauit; ibiq; cum triginta circiter Fratribus religiosissimè conuersari cepit. Ipse autem præ cæteris omni vilitate, & extremitate contentus, tam humili se officio mancipauerat, vt farinam in pistrino ad panem faciendum, famulorum more discuteret: cum interim de ore illius Dauidica modulatio nunquam cessaret. In cuius vitæ humilitate, atque nimia abstinentiæ austeritate, vsque ad extrema vitæ indefesse perdurans, Richerij

cherij Abbatis tempore in Monasterio isto defunctus, atque sepultus est.

CAPVT XXXI.



TENVLVS Abbas tricesimus primus, sedit annis vndecim, vir quanto nobilis, tanto humilis, & humanus. Huius anno ordinationis tertio, Domini vero millesimo quartodecimo: quo tempore Paschalis festiuitas ipsa die sancti Marci, iuxta calculi ordinem extitit: Henricus

Anno
1014.

Rex, de quo supra diximus, venit Romam, & coronam Romani Imperij de manu Benedicti octauī Papæ recepit, à quo etiam Papa idem Abbas priuilegium sumpsit. Necnon & ipse Imperator Henricus ab eodem Abbate, & vniuerso huius loci congregatione rogatus, per præceptum aureo sigillo bullatum, vniuersas pertinentias huius Monasterij hic confirmauit. Specialiter autem, ac nominatim res de Comitatu Termulensi, quarum videlicet fines sunt. A capite Riuus planus, à pede mare, ab vno latere flumen Trinium, cum aqua, & portu suo; ab altero Riuus, qui dicitur Ticle, cum castellis Petra fracida, Ripa mala, & cum Monasterio sancti Benedicti ibidem constructo. Item Fara, Ripa vrsa, Mons bellus, Pescioli, cum vniuersis omnino finibus, ac pertinentijs eorum. Item alibi in eodem Comitatu iuxta Bifernum, habens fines à capite pertinentia sancti Gregorij, à pede mare, ab vno latere Bifernum, cum aqua, & medietate portus; ab altero Riuus viuus, cum omnibus adiacentijs sibi pertinentibus: necnon & Ecclesiam sanctæ Trinitatis, & sancti Georgij in eadem ciuitate Termulensi, cum vniuersis possessionibus, ac pertinentijs earum. Insuper etiam duo castella Cominensis territorij ad Vicum album, & sanctum Vrbānum alio suo præcepto postquam, vltra montes regressus est in hoc Monasterio confirmauit. De quibus videlicet iam pridem post Patris mortem, Pandulfus Capuanus Princeps, frater eiusdem Abbatis, ipsi præceptum fecerat; necnon & de Monasterio sancti Valentini

P in

In eode n territorio Cominensi , cum vniuersis rebus , ac pertinentijs ipsius: quod videlicet Monasterium, ex plurimo iam tempore à Saracenis destructum, non multo ante restaurauerat Pontius quidam filius Allonis de Comitatu Marforum. Qui cum agnouisset illud huic Monasterio antiquitus pertinuisse, ita vt erat restauratum, pro Dei amore, in ius, & potestatem huius loci ex integro remisit. Hic etiã Pontius, vna cum Bernardo filio manifestauerunt, & renuntiauerunt nobis in placito Marforum Comitum, totam pertinentiam de Opi, & Paracelle in territorio Marsicano, quæ olim sancto Angelo de Barregio pertinuerat.

CAPVT XXXII.

HIC Abbas fecit in Ecclesia sancti Benedicti coronam argenteam vigintiquatuor librarum, fecit & campanarium altum, & optimum, in cuius medio altarium in honore sanctæ Crucis construxit. Præterea iuxta ostium maioris Ecclesiæ dextra, lauaq; supra marmoreas columnas cameras duas erexit; in quarum vna altarium in honore sanctæ Trinitatis: in altera verò altarium statuit vocabulo sancti Bartholomæi Apostoli. Absidam verò maiorem auro, diuersisq; coloribus depingi pulcherrimè fecit, Ecclesiam porro sancti Stephani, quæ iuxta portam Monasterij de foris sita fuerat, iam fere ruentem, renouauit, & ampliavit, atque in ea altarium sancti Adelberti, quem superius factum martyrem diximus, ab Occidentali parte adiunxit. Ciuitatem deorsum circa Ecclesiam Domini Saluatoris, quam supra diximus à sancto martyre Christi Abbate Berthario inchoatam, ex magna parte construxit, restaurauit. Præterea in territorio ciuitatis Arinæ, Monasterium S. Nazarij martyris, quod antiquitus huic nostro cœnobio pertinuerat: & Ecclesiã S. Angeli, quã olim Gifulsus Abbas in Valle luci construxerat, iam vetustam restaurans, titulo addito amplians, atq; depingēs, possessionibus non paruis adauxit, & diuersas ibi ad monachorum vtilitates officinas instituens, nostratum Monasterium esse constituit, quod eatenus Græcorum extiterat.

A D.

A D N O T A T I O.

SVperius cap. 11. huius libri adnotatum eſt, temporibus Aligerni Abbatſis, anno Domini nongentefimo octogefimo, Beatum Nilum Caſſinum veniſſe, atque ab eodem Abbate, & Monachis conſeſſum illi fuiſſe Monaſterium ſancti Michaelis Archangeli Vallis lucis nuncupatum. Exinde ergo uſque ad preſens prædictum Monaſterium Graci monachi incoluerunt.

CAPVT XXXIII.

HOC tempore oblata eſt in hoc Monaſterio Eccleſia ſancti Petri, quæ nuncupatur ad Iſoleta, in Campania territorio Ciccaneſe, cum maximis circa ſe poſſeſſionibus, ab Huberto, & Amato Comitibus Ciccani, & Segniæ. Eccleſia quoque ſancti Angeli in territorio de Ceperano, loco, qui dicitur Cannuzzo, cum omnibus pertinentijs, & finibus ſuis, à Lanuino, & Ratterio Conſulibus Campaniæ. Sed & Saphirus Presbyter obtulit huic Monaſterio Eccleſiam iuris ſui, vocabulo ſanctus Benedictus, apud Capitanatam ciuitate Murrone, cum omnibus rebus, & pertinentijs ſuis. Necnon, & Petrus Presbyter, & monachus, & Martinus presbyter, & monachus ſimiliter, obtulerunt Beato Benedicto Eccleſiam ſancti Apollinaris, & ſanctæ Mariæ ibidem in Murrone, loco vocabulo Caſale planum, cum omnibus ad ſe pertinentibus. Id ipſum fecit Odmundus quidam Firmanus de Eccleſia ſancti Michaelis de Torpelliano cum vniuerſis pertinentijs eius. Quidam etiam nobilis vir de Marſorum prouincia Fridolfus filius Gualtonis, tradidit in hoc loco omnem ſubſtantiam iuris ſui, quam in eadem prouincia poſſidere videbatur, & duas Eccleſias ſibiſmet pertinentes, id eſt Eccleſiam ſancti Thomæ in Petuge, & ſancti Magni in Caſtuli, cum omnibus earum pertinentijs, atque rebus. Leo quoque presbyter, & monachus de territorio Bouianenſi ſimul cum alijs Fratribus ſuis, obtulerunt in hoc loco Eccleſiam ſancti Saluatoris, & ſancti Chriſtoſori de caſtello Petroſo, cum

nonnullis possessionibus suis. Similiter etiam Temmo filius Theudelafij obrulic Ecclesiam sancti Fœlicis in Carrufe, cum omnibus pertinentijs eius. Per idem tempus prædictus Odericus Marforum Comes, cum Gibborge vxore sua reddiderunt Beato Benedicto Ecclesiam sancti Pauli sitam in Comino, quam videlicet Parer ipsius à Mansone Abbate per libellum receperat. Eodem quoque tempore simili tenore oblata est in hoc Monasterio Ecclesia sanctæ Iustæ apud Baranellum iuxta Biferum, & alia similiter Ecclesia sanctæ Iustæ apud castrum Eudolini, & Ecclesia sancti Andree de Cantalupo territorio Boianensi. Necnon & monasterium sancti Benedicti, & Ecclesia sanctæ Lucie apud castrum Baniolum, loco qui dicitur molinum vetulum, & Ecclesia sanctæ Mariæ de Cruce, cum omnibus earum rebus, ac pertinentijs. Apud Aprutium quoque loco Tribio, Ecclesiam sancti Benedicti similiter cum omnibus rebus suis. Sub hoc Abbate Raynerius Gastaldeus Soranę ciuitatis, obrulic Beato Benedicto de rebus hereditatis suæ in finibus Arpini, locum, qui vocatur collis de Insula, cum omnibus adiacentijs, ac pertinentijs eiusdem loci. Sed & Albo quidam Apruciensis obtulit in hoc Monasterio integram medietatem de castello Salinæ, sibi iure hæreditario pertinentem, vna cum Ecclesijs, & vniuersis omnino rebus, ac pertinentijs earundem Ecclesiarum, & prædictæ medietatis, quæ sunt terræ modia circiter septingenta. Adelpertus etiam cuiusdam Azzonis filius, id ipsum fecit de curtibus, & de portionibus suis de duobus castellis apud Aprutium, & Ecclesijs aliquot, cum terra modiorum quadringentorum. Lupus quoque filius cuiusdam Azzonis de Aprutio, similiter fecit de portionibus suis in quatuor Ecclesijs, idest sanctæ Victorie, sancti Antimi, sancti Archangeli, sancti Andree, & lictore, & piscatione propria in mare, & quinque millibus modijs terræ. Stephanus præterea, & Syluester presbyteri Larinenfis ciuitatis, obtulerunt in hoc loco Ecclesiam suam vocabulo sancta Maria, loco, vbi dicitur Monumentum, cum omnibus pertinentijs suis.

His diebus Monachi quidam ab Ierosolymis venientes particulam lintei cum quo pedes discipulorum Saluator
externis,

exteris, secum detulerunt, & ob reuerentiam sancti huius loci deuotissime hic obtulerunt, sexto scilicet idus Decembris; sed cum à plurimis super hoc nulla fides adhiberetur, illi fidei fidentes, protinus prædictam particulam in accensit thuribuli igne desuper posuerunt, quæ mox quidem in ignis colorem conuersa, post paululum verò amotis carbonibus ad pristinam speciem mirabiliter est reuersa. Cumq; excogitarent qualiter, vel quam in parte pignora tanta locarent, contigit dispositione diuina, ut eodem ipso die transmissus sit in hunc locum, locus ille mirificus ubi nunc recondita est ipsa linthei sancti particula, argento, & auro, gemmisq; anglico opere subtiliter, ac pulcherrime decoratus, ibi ergo chrystallo superposito, venerabiliter satis est collocata. Morisq; est singulis annis ipso die cænæ Dominicæ ad mandatum Fratrum eam à mansionarijs deferri, & in medium poni, duoq; candelabra ante illam accendi, & indefinenter per totum mandati spatium ab Acolutho incensari. Demum verò iuxta finem mandati à singulis per ordinem Fratribus flexis genibus deuotissime adorari, & reuerenter exosculari.

CAP V T X X X I V.



DE Monasterio præterea Barregensi cum à prædicto fratre suo Pandulfo Principe idem Abbas præceptum, cum omnibus suis finibus possessionibus, ac pertinentijs recepisset: quendam ibi Fratrem huius congregationis valde religiosum, qui Azzo dicebatur, ut eius restorationi, ac reconciliationi pro posse studeret, transmittere protinus statuit. Nam ex eo tempore, quo Saraceni à Maris, Pelignisq; superati, atque fugati ibidem se contulerunt, seq; ibi aliquandiu (quoniam locus excelsus valde ædificijs munitus erat) tutati sunt, sed ab ijs, qui eos insequabantur, vna cum monasterio, & ipsi pariter conflagrati sunt; per diuersa exinde fugientibus monachis, ita succrescentibus, vndique siluis horridum fuerat, & inhabitabile redditum;

P 3 vt

ut vix pauci admodum Fratres, iuxta parvam Ecclesiam, antiquam, quæ ignem euaserat, pro venerabilis loci amore commanere paterentur. Erat tunc prædictus Azzo, Præpositus Monasterij sancti Benedicti in Pago Marforum, quod videlicet Monasterium eo tempore tam cellis, quam fundis, ac prædijs, atque colonis diuersis per Marfiam locis copiosis ditatus erat. In quibus aliquanta perstringimus. Cella sancti Benedicti in Oretino, cum modijs terræ quingentis. Sanctus Gregorius in Pentoma, cum modijs mille. Sancta Maria in Hillara cum modijs trecentis. Vicenna in Auezano modiorum centum. In castello Veneris, loco qui dicitur Casale ab ipso monte vsque in aquam; ex alio latere aquæ Veneris ad casalem Adelardi, modij viginti. In loco, qui dicitur Calabretum modij mille. Hereditas Gueltonis ibidem similiter modij mille. In valle, quæ dicitur Aquirana à sancto Quinciano vsque in Aquiranum modij mille, plus, minus, & cætera multa, & maxima, quæ longum scribere iudicauimus. Huius itaque vniuersam omnino substantiam tam in codicibus, quam & in animalibus, quamq; & vniuersis vtenilibus ex aquo diuise, partemq; alteram ad prædicti Monasterij restorationem assumpsit, & conuocatis artificibus Ecclesiam primitus, cuius fundamenta tantum remanserant, de hinc officinas cæteras restaurare protinus cœpit. Reuersusq; consequenter ad Abbatem hominibus, quos in possessionem eiusdem Monasterij necessarium erat inducere, libellos ab eo acquisiuit: moxq; castellum, quod eidem Monasterio proximum est, Vale vocabulo condidit. Tertio demum anno consummata Ecclesia, præfatus Abbas eiusdem Azzonis oratu, Angelum Episcopum huius tunc Monasterij monachum, cum aliquot Fratribus, & duodecim alijs sancti Germani clericis, ad eam sollempniter dedicandam mandauit. Quo facto quemdam ibi Fratrem Dominicum, quem ipse monachum fecerat vice, ac nomine suo ordinans, non multo post, idem Azzo iam senex, atque infirmus ad hoc Monasterium reuersus est. Qui cum in domo infirmorum per dies aliquot recubans, extremum iam vitæ spiritum traheret, quidam Frater Petrus nomine, eo quidem tempore iuuenis, nostra verò

verò ætate, qua illum in hoc loco adhuc viuentem reperi-
mus, annis simul, moribusq; grandæus, dum in dormitorio
Fratrum, cum cæteris ea nocte quiesceret, vidisse sibi visus
est Michaelẽ Archangelum, illa nimirum specie, qua in
imaginibus depingi consuevit, per idẽ dormitorium al-
tero se Angelo comitante transire. Quem cum idẽ Frater
quadam speciali fiducia, vtrum ipse Michael Archangelus
esset, & quo tenderet perquisisset, & se plane Beatum Ar-
changelum esse, & ad animam Fratris Azzonis suscipien-
dam properare respondit. Mox Frater ille euigilans surre-
xit, & ad domum infirmorum perneciter aduolans, iam
eundẽ Fratrem recessisse de sæculo reperit. Præfatus verò
Dominicus eiusdem magistri sui solertiam imitatus, non
multo post Roccam, quæ inter montes dicitur, non longe
ab ipso Monasterio construxit, atque colonos, qui prius in
loco, qui Ciuitella vocabatur habitauerant, in ea consti-
tuit.

A D N O T A T I O.

EA, quæ hic narrat Leo de Azzone Præposito sancti An-
geli, referuntur etiam à Desiderio Cassinensi Abbate
lib. 2. Dialog.

CAPVT XXXV.

PER idẽ tempus contentio Caietano-
rum Ducum, & Comitum Traiectensium
orta est cõtra hoc Monasterium, eo quod
capissemus repetere terras quasdam, &
siluas in confinijs Aquini huic Monaste-
rio antiquitus pertinentes, quas ipsi an-
te non multos annos à Papa Ioanne octa-
uo, & à Ioanne Papa decimo per priuilegium receperant;
pro eo scilicet, quod super destructione Saracenorum Ga-
riliano degentium potentissime se intromiserint. Sed cum
apud Argenteum castrum ad placitum res hæc perducta
fuisset, in quo cum Principe Capuano, & eiusdem ciuitatis

P 4 Archiepi-

Archiepiscopo; necnon, & cum Duce Neapolitano, & Caietano Episcopo, Dominus Atenulfus Abbas, & plurimi de diuersis partibus nobiles, Iudicesq; conuenerant: relecta sunt primitus, in omnium praesentia praefata priuilegia illorum: demum vero relecta sunt a parte nostra praepcepta Regum Caroli, Hugonis, atque Lotharij, qui easdem Terras huic Monasterio concesserant, & firmauerant. Quo facto decretum a Iudicibus est, tam ex Romanis legibus quam ex Longobardis, nequaquam posse Caietanis Terras illas aliquatenus pertinere: sed nos eas omnino legaliter, ac firmiter obtinere debere. Cumq; haec Iudicum sententia, & a Principe, & ab vniuersis assidentibus collaudata simul, & confirmata fuisset, praefati Duces, ac Comites, videntes se legum auctoritati contradicere non posse, chartulam protinus manifestationis, seu renuntiationis de vniuersis rebus illis fecerunt; & apud nos remiserunt, pena centum auri librarum apposta, si vnquam ipsi, vel sui heredes, haec aliquatenus dirumpere; seu remouere quaessent.

CAPVT XXXVI.

INDE quoque tempore Pandulfus, & Gisulfus Theanenses Comites, proclamante eodem Abbate in Iudicio Capuani Iudicis, & Archiepiscopi, manifestauerunt se, & renuntiauerunt nobis totam pertinentiam de Cesina: apposta nihilominus pena centum librarum auri, si eandem renuntiationem remouere aliquo modo tentauissent. Id ipsum etiam fecerunt filij Vnzonis de castro Conca, & de omnibus pertinentijs ipsius, & de Pilano, & sancto Felice, & Cesina; proclamante Andrea Praeposito nostro in placito Antonij Cappellani, & Benzonis missi Henrici Imperatoris, apposta poena si remouerent quinque millium bizantiorum. Per idem tempus quidam Aquinensis vir nomine Magipertus obtulit Beato Benedicto hereditatem, quae Limata vocatur, Carnello, & Malpha circumdatam, centum aestimatione modiorum, quam videlicet ipse ab hominibus de Pontecuruo emerat; ab

ab vno latere habens paſſos quadringentos decem & ſep-
tem, ab altero trecentos vigintitres, ab alio ducentos, ab
alio verò trecentos .

CAPVT XXXVII.



UIVS Abbatis anno ſeptimo, ceperunt
Normanni, Melo Duce, expugnare Apu-
liam : qualiter autem , vel qua oocaſio-
ne Normanni ad has partes primo deue-
nerint, & quis, vel vnde hic Melus fuerit,
& qua de cauſa eiſdem Normannis adhe-
lerit, opportunè referendum videtur. An-
te hos circiter ſexdecim annos quadraginta numero Nor-
manni in habitu peregrino (vtpote à Ieroſolymis, vbi cau-
ſa orationis perrexerant reuertentes) Salernum applicue-
runt: viri equidem, & ſtatura proceri, & ſpecie pulchri, &
armorum experientia ſummi.

Quam à Saracenis obſeſſam reperientes, accenſis nutu
Dei animis, à Guaimario maiore, qui tunc Salerni Princi-
pabatur, equis, armisq; expoſtulatſis, in opinatè ſuper illos
irruunt, & pluribus eorum peremptis, cæterisq; fugatis,
mirabilem victoriam, Deo præſtante, adepti ſunt. Attol-
luntur ab omnibus in triumphum, donis à Principe amplif-
ſimis honorantur, vtq; ſecum manere debeant multis præ-
cibus inuitantur. Illi verò ſe amore tantum Dei, & chriſtia-
næ fidei hoc ſe feciſſe aſſeuerantes, & dona recusant, & ibi
manere poſſe ſe denegant. Tandem itaque prædictus Prin-
ceps conſilio habito, ſimul cum eiſdem Normannis legatos
ſuos in Normanniam dirigit, & veluti alter Nærſes, poma
per eos cedrina, amygdala quoque, & deauratas nuces, ac
pallia imperialia, necnon & equorum instrumenta auro pu-
riſſimo inſignita illuc tranſmittens, ad terram talia gi-
gnentem illos tranſire, non tam inuitabat, quàm & trahe-
bat. Per eos dies duo magnates partis illius, Giſelbertus ſci-
licet, qui & Buttericus, & Gulielmus, cognomento Repo-
ſtellus, acriter intra ſe diſſidentes, ad id tandem excidij de-
uenerunt, vt Giſelbertus Gulielmum occideret. Quod cum

Robertus

Anno
1018.

Robertus Comes terræ ipsius comperisset, vehementer iratus, mortem Giselferto interminatus est. Giselfertus igitur iram Domini sui præcauens, assumptis quatuor fratribus suis Rainulfo, Ascilicino, Osmundo, atque Rodulfo, & aliquot alijs cum equis tantum, & armis, iuncti nostrorum legatis, aufugiunt, & Capuam tandem perueniunt, ubi eo tempore prædictus Melus cum Pandulfo Principe morabatur. Hic itaque Melus (ut retro aliquantulo redeam) Barensum civium, immo totius Apuliæ primus, ac clarior erat, strenuissimus valde, ac prudentissimus vir. Sed cum superbiam, insolentiamq; atque nequitiam Græcorum (qui non multo ante, tempore scilicet primi Ottonis Apuliam sibi, Calabriamq; sociatis in auxilium suum Danis, Russis, & Gualanis vendicauerant) Apuli ferre non possent, cum eodem Melo, & cum Datto quodam æque nobilissimo, ipsiusq; Meli cognato, tandem rebellant. Verum cum exercitui, quem Imperator illo transmiserat Barenenses resistere non valerent, post non longum tempus turpiter se, suaq; dedentes, eundem quoque Melum Græcis tradere nequiter conabantur. Quod prudentissimus vir aduertens, una cum Datto clam fugit, & Asculum intrauit, atque post paucos dies timens, ne etiam ipsi Græcis, qui eum obsidebant contraderent, noctu egressus cum Datto pariter Beneuentum venit. Inde Salernum, ac tandem Capuam, nullo interim otio indulgens, quin modis omnibus satageret, qualiter Græcorum dominationem abijcere, atque ab eorum tyrannide suam posset patriam liberare. Interea Barenenses captam uxorem ipsius Maraldam, & filium Argiro Constantinopolim ad Imperatorem transmittunt. Dattus itaque ad præfatum Abbatem Atenulfum veniens, cum apud eum, una cum uxore, & filijs diebus aliquot commansissent, demum ob Henrici Imperatoris fidelitatem à Benedicto Papa in Turre de Gariliano flumine, quam idem Papa tunc retinebat, positus est. Quam videlicet Turrem Ioânes Imperialis patritius Caietanus filius Docibilis Hypati, pro Agarenorum dissipatione temporibus Ioânis octavi Papæ construxerat. Melus igitur inter ista Capuæ commorans, cognito prædictorum Normenorum aduentu, mox illos

illos accersit, eorumq; causa diligenter perquisita, & agnita, illis de more militia protinus foederatur, & è vestigio Salernum, ac Beneuentum repedans, multos sibi tam Græcorum odio, quàm sui gratia addictos associat, statimque Græcorum Terram ingressus expugnare repugnantes viriliter capit. Tribus itaq; vicibus cum Græcis, prima apud Arenolam, secunda apud Civitatem, tertia apud Vaccariam, campestri certamine dimicans, tribus eos vicibus vicit, multosq; ex his interficiens, & vsque Trianum eos constringens, omnes ex hac parte, quas inuaserant Apulia ciuitates, & oppida, recepit. Quarta demum pugna apud Cannas, Romanorum olim clade famosas, Bolani Catapani insidijs, atque ingenijs superatus, vniuersa, quæ facile receperat, facilius perdidit. Feruntur in ea pugna Normannorum ex ducentis quinquaginta numero decem tantummodo cecidisse, de Græcis autem innumerabilem turbam occubuisse. Melus autem cernens auxilijs militum se destitutum, Normannos superstites partim apud Guaimarium, partim apud Pandulfum constituens, ipse ultra montes ad prædictum Imperatorem abiit, vt ad expellendos Græcos, vel ipsum pro se ad has partes venire suaderet, si posset, vel militum ab eo auxilia acciperet, si non posset. Tunc temporis Venafrani Comites in possessione huius Monasterij, quæ Viteculum dicitur ingredientibus: Castrum ibidem, & in loco, qui dicitur Aqua fundata, ædificare ceperunt. Quod dum Abbati Atenulfo nuntiatum fuisset, missis militibus, illos de huius Monasterij finibus expulit, & quæ ædificauerant à fundamentis evertit.

CAPVT XXXVIII.



INTEREA cum præfatus Abbas, immo potius hoc Monasterium, magis Aquinensium Comitum infestationibus vrgeretur, & neq; seruorum Dei hic commorantium precibus, neque ipsius sancti Patris Benedicti reuerentia, aliquatenus illorum nequitia sedaretur, magna demum Abbas

bas necessitate coactus, fortissimos aliquot sibi ex praefatis Normannis asciuit, eosque iuxta se in oppido, quod Pinlatarium nuncupatur, non longe à ciuitate sancti Germani, ad Monasterij bona tuenda constituit, quod quidem illi, quamdiu Abbas ipse superfuit, strenuè satis, & fideliter executi sunt. Per hos dies praedictus Catapanus Bolanus cōcessit in hoc Monasterio totam ex integro hereditatem, vel substantiam Moraldi cuiusdam Tranensis, tam intra eandem ciuitatem, quam & de foris, vbicunque ipse aliquid possidere videretur. Itaque cum Capuanus Princeps latenter faueret Constantinopolitano Imperatori Basilio, fecit interim fieri clauēs aureas, & misit ad illum, tam se, quam ciuitatem Capuanam, immò vniuersum Principatum eius per hanc Imperio contradens. Praedictus praeterea Bolanus non paruam pecuniae summam eidem Principi transmittens, rogat, vt si re vera fidelis Imperatori Basilio esset, permetteret se ad capiendum Dattum transire: permissum est, & armato non paruo exercitu ad Garilianum venit, Turrem in qua Dattus, nihil tale suspicans, residebat, per biduum oppugnans, vi tandem cum omnibus, qui secum erant comprehendit, & Normannos, quidem, qui ibi fuerant, ab eodem Bolano, praedictus Abbas multis precibus acquisiuit. Dattum verò nullo vnquam modo ab eius manibus eripere potuit, quem videlicet vinctum Barium reducens, post paucos dies in sutum culleo, more parricidarum, in medio mari praecipitari mandauit.

CAPVT XXXIX.



HIS omnibus Augustae memoriae Imperator Henricus auditis, Graecorum scilicet inuasionē, Principis tergiuersionē, Datti denique crudelissima nece, reputans amissa Apulia, ac Principatu, Romam quoque nimaturaret, ac per hoc Italiam totam consequenter sibi, etiam in proximo amittendam (cum iam Melus bis ad eum hac de causa profectus, ultra montes defunctus fuisset) minimè amplius remorandum ratus: anno

incarna-

Henricus
Italiamve-
nit, Anno
1022.

incarnationis Dominica milleſimo vigefimoſecundo, im-
menſo valde totius Regni congregato exercitu, Italiam
venit. Et ipſe quidem cum maxima eiſdem exercitus par-
te per Marchias tranſit. Archiepiſcopum verò Poppum
cum vndecim millibus, (vt perhibent) armatorum per
Marſorum regionem direxit. Belgrinum autem Colonien-
ſem Archiepiſcopum cum viginti millibus ad Principem,
& Abbatem capiendum per Romam præmiſit. Ipſe enim
Abbas cum fratre Principe, inſimulatus apud Imperatorem
ſuper captione, & morte Datti plurimum fuerat, quod cum
Abbas amicis nuntiantibus perſenſiſſet, nuſquam ſe tutum
poſſe conſiſtere à facie tantæ poteſtatis exiſtimans, cum
Marſorum quoque Comites, & filij Borrelli libentiſſimè ſe
illum recepturos pollicerentur, deliberato tandem conſi-
lio, iræ locum dare decernit, cupiensq; Conſtantinopolim
ad Imperatorem confugere, Hydruntum mare ingreſſurus
perrexit. Eiſdem interea ciuitatis Epifcopo Beatus Bene-
dictus in viſione apparens: vade, ait, & dic Abbati, vt nul-
latenus hac vice mare pertentet, quoniam ſi fecerit ſine
dubio peribit; & ille quidem huiſmodi viſioni minime fi-
dem accommodans, audacter mare ingreſſus eſt, ſed vt ve-
rax prohibentis tunc charitas, probaretur, occulta Dei di-
ſpenſatione, atque iudicio, cum omnibus ſocijs in mare
naufragium paſſus, atque demerſus eſt. Quod cum fuiſſet
Imperatori relatum, fertur dixiſſe. Lacum aperuit, & effo-
dit eum, & incidit in foueam, quam fecit. Inter cætera, quæ
idem Abbas hinc egrediens tecum auferens aſportauit, no-
uem præcepta Imperatorum aurea bulla bullata, necnon,
& præceptum de caſa Gentiana, de Piſcaria Leſinenſi ſe-
cum auferens aſportauit, quæ omnia cum eo in maris pro-
fundo demerſa ſunt.

Pſalm. 72.
verſ. 16.


CAPVT XL.

BELGRINVS interea, quoniam Abbatem non
reperit, verens ne forte, & Princeps fratris exem-
plo, fuga ſimili labaretur Capuam feſtinanter adiit,
eamq; mox vndique armato milite cinxit. Prin-
ceps

Anno
1032.

ceps autem metuens ciuium prodicionem, quam pro certo facturos eos sciebat, spontè ad Belgrinum exijt, seq; non ita (vt dicebatur) Imperatori monstrans esse culpabilem, iusticiam se coram illo de his, vnde insimulabatur facturum spondit. Lætus Belgrinus, accepto sub custodia Principe, ad Imperatorein abiit, vbi iam super Troiam Græcorum ciuitatem (quam eodem anno iidem Græci facere ceperant) castra posuerat. Exhilaratus itaque de captione Principis Imperator, & aggregatis vniuersis suis magnatibus, tam Italicis, quàm Ultramontanis, in eorum iudicium inducit, accusatoribus innumeris præsentibus, & eius nequitiam in faciem ipsius obijcientibus: decernitur vno omnium, pariq; iudicio, mortis illum debere subire sententiam. Verum Belgrinus, cuius fidei se idem Princeps commiserat, dictam sententiam nimis grauitè ferens, supplex ad Imperatorem accessit, & multorum adminiculo fretus, tum orationibus, tum rationibus vitam ipsius obtinuit, ferreo tamen ceno Imperator vincendum, secumq; in Germaniam asportandum mandauit.

CAPVT XLI.



OST paucos dies, spontè Troianis deditionem sui facientibus, & ad Imperatoris vestigia vniuersis à minimo vsque ad maximum suppliciter procumbentibus, Imperiali clementia veniam tribuit. Et quoniam propter æstiuum tempus, gens continuis assueta frigoribus, in partibus istis diu remorari non poterant, reditum in dies singulos maturabat. Veniens igitur Capuam Pandulfo Theanensi Comiti tradidit Principatum, Stephano autem, Melo, & Petro nepotibus prædicti Meli, quoniam propria illis recuperare non poterat, Comitatum concessit, quibus etiam in auxilium Giselbertum Constantinum, Balbum, Gualterium de Canosa, & Hugonem Falluca cum alijs Normanis reliquit.

C A-

CAPVT XLII.

IMPERATOR autem post dies paucos, ordinatis suis negotijs omnibus, venit ad hoc Monasterium, vna cum Romano Pontifice Benedicto. Interea Fratres in vnum collecti ceperunt ad inuicem iuxta tenorem regulæ de eligendo sibi Abbate tractare. Viuebat adhuc, & eidem consilio præsens erat Ioannes Abbas, ille, quem superius relequisse Abbatiam, & in Eremum se cessisse monstrauius. Aderat etiam tunc, & Dominus Theobaldus, vir vtique, & genere, & moribus clarus, qui eo tempore Marchiæ Præposituram, vnde & ortus fuerat, nauiter administrabat. Extirerunt igitur aliquot, qui prædictum Abbatem Ioannem in Abbatiam restitui cōsulebant, sed quoniam decrepitæ iam erat ætatis, sapientiorum Fratrum consilio inutilis tanto oneri iudicatus, post nonnullas (vt in talibus fieri assolet) ac diuersas diuersorum sententias, tandem communi omnium voluntate Dominus Theobaldus dignus decretus, à fratribus Abbas eligitur, ipso etiam Imperatore, quem tunc præsentem esse contigerat, vna cum prædicto Papa, electionem valde laudantibus: sicq; die altera natiuitatis Apostolorum Petri, & Pauli, ab eodẽ beatissimo Papa honorabiliter consecratur.

S. Henricus Imperator Cassinum venit.

CAPVT XLIII.

PATIEBATVR eo tempore Imperator Ilij dolorem permaximum, atque, vt ipse postmodum referebat, quamuis nimiam circa hunc locum deuotionem, gereret, & nusquam terribilius, ac venerabilius Oratorium se vidisse assereret, sæpius dubietatis scrupulo mouebatur, vtrum nam Pater Benedictus corporaliter hoc in loco quiesceret. Præ dolore igitur iam dicto, nec plane dormienti, nec ex integro vigilant, Beatus Benedictus apparuit, & quasi causa vilitandi ad eum accedens, vbi pateretur inquit,

rit . Cui languorem protinus confitenti : Scio, inquit, Benedictus, quoniam tu me hactenus hic dubitasti quiescere : sed ne super hoc amplius aliquatenus dubites, meumq; in loco isto quiescere credas corpusculum, hoc tibi signum erit. Cum primum hodie surrexeris, in egestionem urinae tuae tres lapillos non paruos mingere habebis, & ex tunc dolore isto amplius non laborabis . Ego autem sum Frater Benedictus, & his dictis disparuit . Euigilans Imperator confestim surrexit, & iuxta visionis ordinem sanitati pristinae redditus, Deo, & Patri Benedicto gratias ineffabiles retulit.

Mane autem facto veniens in conuentum Fratrum, post capituli verba sollemnia : Quid, inquit, Domini mei me consulitis dare medico, qui me curauit? Cumq; responsum illi fuisset, ut quicquid sibi placeret de Monasterio, se libentissime dantibus, tolleret, ac medico daret . Non ita, inquit, oportet, sed quoniam Benedictus Pater hac nocte mei curam egit, oportet me de mea camera illius remunerare medelam . Et haec dicens cum lacrymis gaudio mistis, retulit omnibus, quae vidisset, atque audisset, adiciens : Nunc pro certo cognoui, quia venerabilis est locus iste, & nulli mortalium est ulterius dubitandum, quin cum Sorore pariter sua, hic Benedictus Pater quiescat. Ad fidem autem verborum suorum tres illos lapillos, quos secundum tenorem visionis, ante paululum minxerat, palam omnibus ostendebat. Vniuersis itaque super tanta visione, tamque mirabili, ac celeri sospitate Imperatoris obstupescuntibus, ac Deo laudes, & gratias referentibus, obtulit ipso die Imperiali munificentia Beato Patri Benedicto munerum . Textum Euangelij de foris quidem ex vno latere ad operum auro purissimo, ac gemmis pretiosissimis, ab intus vero vncialibus, ut aiunt, litteris, atque figuris aureis mirifice decoratum . Calicem aureum cum patena sua gemmis, ac margaritis, ac smaltis optimis adornatum; planetam diapistin listis aureis adornatam. Stolam quoque, & manipulum, atque cingulum singula intexta auro . Pluuiale etiam diasprum cum listis auro textis, necnon, & tunicam eiusdem subtegminis, aureis operibus exornatam : simul etiam mappulam diapistin auro nihilominus decoratam, siculam

ſiculam etiam, & coppam argenteam quantitatis non modicæ. Recollegit præterea à Iudæis veſtem vnam de altario ſancti Benediſti, quæ quondam fuerat Caroli Regis, quam iidem Iudæi retinebant in pignore pro quingentis aureis: necnon & calicem argenteum Saxonum maiorem cum patena ſua, quem Theodoricus Saxonum Rex Beato Benediſto olim tranſmiſerat, quæ omnia pariter in Fratrum præſentia ſuper altare Beati Benediſti ponens, obtulit, prædictumq; Papam ſuæ auſtoritatis ſcriptionem de his omnibus in hoc loco facere rogauit, Apoſtolici anathematis innodatione eidem ſcriptioni appoſita, ne quis unquam, vel hæc, quæ diximus, vel alia, quæ in antea idem Imperator huic Monafterio conceſſerat, ſubtrahere præſumat. Idem quoque Apoſtolicus Imperatoris ſaluti valde congratulans, obtulit, & ipſe Beato Benediſto eodem die planetam optimam veneti coloris liſtis aureis decenter ornatam, & ſtolam vnam optimam auro bruſtam cum manipulo ſuo. Sed & Belgrinus Archiepiſcopus ob gratiam Imperatoriæ ſanctitatis, ſimiliter obtulit Beato Benediſto planetam purpuream optimam aureis liſtis, menſium duodecim ſigna habentibus in circuiſu, adornatam, & ſtolam cum auro, & pluuiale vnum.

Poſthæc idem chriſtianiſſimus Imperator adhuc parum quid eſtimâs ſe præ nimia huius loci dilectione feciſſe, admonitus ab eodem Belgrino, & à Theodorico cancellario ſuo; altera die fecit præceptum conceſſionis in hoc loco de Rocca, quæ dicitur Vātra, cuius poſſeſſores, ac ſi latrunculi quidā, hoc Monafterium frequentiffime infeſtabant, ac propterea illam de manibus eorum ereptam, ad vſus ſeruorum Dei huius loci in perpetuum habendam, & retinendam contradidit. Fecit & aliud præceptū de vniuerſis, vbiq; terrarum huius loci poſſeſſionibus, iuxta tenorē videlicet Imperatorum antecellorum ſuorum, per quod etiam præceptum, Monafteriū S. Mariæ in Canneto in finibus Termulenſis, Imperiali auſtoritate in hoc Monafterio confirmauit; ſicq; commendans ſe plurimū Patri Benediſto, & omnibus Fratribus, cum illorum benediſtione reuerſus ad propria eſt. Et ne tanti benefactoris ſui beneficium obliuiſci aliquatenus videretur,

Q

deretur, mox ut domum redijt, planetam optimam diadynam aureis listis pulcherrime decoratam, vna cum alba, & cingulo, stola, atque manipulo, qualia Imperatorem mittere deceret, huc ad Beatum Benedictum cum maximis gratiarum actionibus transmittere studuit. Tantaq; de cetero circa hunc sanctum locum deuotionis extitit, ut si aliquanto diutius viueret, relicto Imperij fastigio, Deo se sub sanctæ professionis habitu hic seruiturum sponderet.

A D N O T A T I O.

Sanctum hunc Henricum Imperatorem, Beatum Patrem Benedictum, tanquam diuum tutelarem coluisse, refert Nicolaus Serarius Lotharingus è Societate Iesu, in cap. 12. Tob. quæstionculla 14. his verbis. In templo siquidem Basilienfi, quod Augustus ille Henricus magnifice restaurauit, donisq. plurimis condecorauit, eminet Lamina illa aurea lignæ tabulæ adharens, septem millibus florenorum æstimata, qua ipse priuatim in larario suo cum viueret usus est. Vnde & tutelares diuos refert, quos ille præcipue coluit, nempe quatuor Angelos, Michaelem, Gabrielem, Raphaellem, Urielem, & Benedictum, ac in horum medio stantem Christum, cuius pedibus ipse cum uxore Cunigunde aduoluitur. Idem etiam habet Beatus Rhenanus lib. 3. rerum Germanicarum fol. 140. quibus confirmantur ea, quæ Leo hic asserit de peculiari deuotione huius sancti Imperatoris erga Beatum Patrem Benedictum.

CAPVT XLIV.

De translatione
sancti Benedicti.



SANE quoniam de corpore Beati Benedicti, quod in hoc loco veraciter requiescere, tum reuelatione, quam viderat, tum sospitate, quam senserat, fuerat certissimus redditus, ubicumque postmodum scripturam translationis eiusdem Beati Patris reperire potuit, flammis exussit, narrans omnibus, quæ sibi Dominus hoc in loco ostenderit.

quæ

quæ præstiterit, ex ipsius falsæ translationis serie rationabiliter ostendens, hæc friuola esse, ac conficticia; dum sic ibi refertur, vnus, idemq; Angelus, & illos hortabatur ad surripiendum, & Romanum Pontificem instigabat ad persequendum, rursumq; illis insistebat ad fugiendum. Qui verò Pauli Diaconi veracis vtique, & insignis historiographi testimonio super hoc se fulciri existimant: nouerint consuetudinem hanc esse rerum gestarum scriptoribus, vt in narratione sua, opinionem vulgi sequantur aliquādo. Nam & apud Lucam Beata Maria Ioseph patrem Domini appellat, dicens: Ego & pater tuus dolentes quærebarum te; & apud Marcum, Herodes (pro eo, quod puella caput Baptistæ quæsierat) dicitur contristatus, quod vtrumque neutiquam verum fuisse, nemo est, qui nesciat.

Paulus
Diaconus

§ Luc. 2.
vers. 48.

Merc. 6.
vers. 26.

A D N O T A T I O.

Quid sit de translatione sancti Patris Benedicti sentiendum, fusè disputatum est a nobis in peculiari libello de hac re adito, in cuius duodecimo capite egimus de sententia Pauli Diaconi circa hanc materiam: de qua vide etiam annotata super caput primum libri primi huius Chronici.

CAPVT XLV.



VERVM, & hoc ipse religiosissimus Imperator multis referre solitus erat, quod ipsum languorem, vnde nunc per Beatum Benedictum conualescere meruerat, per eundem nihilominus dolori ipsi iam pridem addictus extiterat; occasione videlicet huiusmodi. Cum ducatus adhuc sui tempore, iter agens in Monasterium quoddam ultra montes, Benedicti Patris nomine dedicatum, hospitatus fuisset; quoniam multitudini equorum ipsius stabula sola nequaquam sufficerent, in ipso Fratrum capitulo, quod iuxta Ecclesiam erat, eius stabularij audacter equos aliquot locare minimè veriti sunt. Nocte igitur eadem Benedictus Pater

Q 2 eidem

eidem Duci, toruo ac terribili valde intuitu apparens, eiq;
multa (quod ita domum suam tractaret) comminans, vir-
ga, quam manu gestabat illius latus percussit, & ex tunc do-
lore Ilij torqueri vehementissime cepit.

CAPVT XLVI.



IC idem Augustus ex proprii patrimo-
nij sumptibus construxit Ecclesiam ad
honorem sancti Georgij in Bambergæ, &
aduocans Benedictum Papam, ab ipso il-
lam consecrari fecit, atque Episcopalem
in ea sedem constituens, Beato Petro ex-
integro obtulit, statuto censu per singu-
los annos, æquo vno optimo albo, cum omnibus ornamen-
tis, & phaleris suis, & centum marchis argenti. Postmo-
dum verò Leo nonus Papa, vicariationis ergo, Beneuentum
ab Henrico Conradi filio recipiens, prædictum Episcopum
Bambergensem sub eius ditione remisit, æquo tantum,
quem prædiximus, sibi retento. Super cæteras autem boni-
tates, seu virtutes, quas idem Imperator habuisse narratur
à Deo, fertur vixisse castissimus, vt ad mortis articulum
veniens coram præsentibus Episcopis, atque Abbatibus,
Cunegundem conjugem suam propinquis suis restituens,
hæc illis dixisse fertur. Recipite, quam mihi tradidistis, vir-
ginem vestram.

A D N O T A T I O.

Confirmantur hæc, quæ de sancto Henrico, & Cune-
gunde uxore eius referuntur, auctoritate Martyro-
logij Romani, in quo die decimaquarta Iulij habentur eæ-
dem his verbis. Bambergæ sancti Henrici primi Impera-
toris, qui cum uxore sua Cunegunde perpetuam virginita-
tem seruauit.

C A-



QUONIAM autem de corpore sanctis-
 simi Patris Benedicti paulo ante neces-
 sario fecimus mentionem, gratum hic
 commemorare videtur etiam illud, quod
 Adā religiosissimo viro Ecclesiae suae cu-
 stodi, idem beatissimus Pater ostendere
 dignatus est. Hic itaque Adam cum quo-
 dam tempore Romam de more ad emenda quāq; in huius
 Ecclesiae utilitatibus necessaria perrexisset, apud Monaste-
 rium Beati Pauli Apostoli, cui Dominus Leo Abbas tunc
 praeerat, sicuti & consueuerat, hospitatus est. Cum autem
 die quadam, iidem reuerentissimi viri, Leo scilicet, atque
 Adam, spiritualia quaedam ad inuicem verba conferrent,
 coepit Abbas sciscitari: Vtrum vera, an falsa essent, quae fa-
 ma tunc per multorum ora voluebat, scilicet quod corpus
 Beati Benedicti, hic nequaquam quiesceret, sed ultra mon-
 tes furtim sublatum, delatumq; fuisset, addensq; ut rei, in-
 quit, hanc fidem addant, qui ista disseminant: ideo aiunt,
 nullum apud vos signum, nullum miraculum fieri, illuc ve-
 ro, ubi illud delatum astruunt, innumera per dies singulos,
 eius meritis, dicunt signa patrari. Ad hæc Adam vehemen-
 ter iuspiciens, apprehensa manu eiusdem Abbatis, ad alta-
 re illam Beati Pauli Apostoli duxit, ibiq; solis astantibus,
 manum suam super altare idem Adam posuit, dicens. Per
 corpus hoc Doctoris gentium beatissimi Pauli, quod hic
 absque vlla hætitatione requiescere christiana vniuersitas
 credit, quoniam hoc, quod tibi modo dicturus sum, vera-
 cissimum & sine omni mendacio est. Enim verò, & ego ali-
 quando de corpore Beati Benedicti multoties talia audiēs,
 non modo in hætitationem, sed etiam in desperationem,
 ac tristitiam inductus adeo fueram, ut iam fere nullam
 circa ipsius altare deuotionem, nullam possem dignam ge-
 rere reuerentiam. Taliter me per aliquantum temporis flu-
 tuante, & præ tristitia trepido animo incedente; cum die
 quadam post completorium deuotior solito apud eius se-
 pulchrum fusa oratione cubitum me collocassem, idem

Q 3 sanctis-

sanctissimus Pater mihi per visionem apparere dignatus est
 dicens. Quare Frater Adam tam demissus, & tristis incedis?
 & quare de me tam male sentire seducers, quasi ego
 hic corporaliter minime iaceam? verum, quoniam seruitium,
 & deuotio tua valde est placita coram me, amodo
 esto certissimus me hic corporaliter cum Scholastica sorore
 mea quiescere, meq; simul cum ipsa in die examinis ultimi
 in hoc loco debere resurgere: vobiscum etiam tam die,
 quam nocte, quoties deuote psallitis, attentiusq; oratis,
 ac decenter proceditis, me pariter esse. Vt autem te
 super his omnibus indubium reddam, cum matutinali hora
 primus, vt es solitus, ingressus Ecclesiam fueris; si videris
 de sepulchro meo quasi virgulam fumi aromatis procedentem,
 crede vniuersa, quæ dixi esse verissima. Euigilans itaque
 protinus, mecumq; mysterium tantæ visionis pertractans,
 gaudio simul lacrymisq; profusus, cepi benedicere Dominum,
 patremq; sanctissimum Benedictum: moxq; licet tremēs, ac
 pavidus, Ecclesiam ingressus, aspexi, & vidi, & credidi,
 iuxta id, quod mihi indignissimo fuerat reuelatū.

Porro quod dicunt apud nos nullum ab eo miraculum
 ostendi, omninò scias esse falsissimum; si enim cuncta
 possem tibi referre, vel quæ à prioribus nostris percepi,
 vel certe, quæ nostris temporibus ad eius tumulum signa
 patrata sunt, liquido peruideres, hoc nonnisi, aut de inuidia,
 aut potius de ignorantia dictum. Vnum tamen tibi de multis,
 non ab aliquo mihi relatum, sed oculis illis perspectum,
 pro omnibus, miraculum referam. Dæmoniacus quidam
 Andreas nomine de Barenfi ciuitate, die quadam ad Monasterium
 venit, atque vt est consuetudinis à propinquis, qui eum
 adduxerant, ante altare eiusdem Patris locatus est, cumq;
 Fratribus in choro psallentibus, ineptas quasdam, &
 horrendas nequam ille spiritus per os miseri illius
 vociferationes emitteret, in parte mihi stanti, atque oranti,
 subito sanctissimus Pater Benedictus ante ipsum altare
 aflare visus est, qui alapa non modica maxillam vexati
 illius percutiens, malignum ab eo spiritum protinus expulit,
 & ita sanatus ille cum affinibus Deo, & Patri Benedicto
 gratias agens, ad propria recessit. Hæc omnia prædictus

Quis Adam Leoni Abbati ante ipsum corpus Beati Pauli magna quodammodo necessitate confessus, humilitatis gratia ceteris adeo dum vixit occultauit, ut nemo Fratrum huius loci, de his aliquid nosse potuerit, quousque idem Abbas Leo quibusdam Fratribus nostris, è quibus Roffridus vnus fuit, à quo ego percepi, iam illo defuncto, retulerit.

A D N O T A T I O.

Totam hanc Adami monachi historiam eludere conatur, Ioannes à Bosco Celestinus in Bibliotheca Floriacensi pagina 369. ubi de ea loquens, hanc notam ad marginem ponit. Hæc historia ex suo fundamento vacillat: nam tunc temporis Monasterium sancti Pauli, de quo in ea fit mentio, erat subiectum Abbati Cluniacensi. Huius notamento respondimus in libello nostro de exsistentia corporis sancti Benedicti apud Cassinum capitulo 25. ad finem: quibus nunc addimus, Monasterium sancti Pauli eo tempore non fuisse subditum Cluniacensibus, sed Cassinensibus: datum quippe fuerat à Marino Papa secundo, Balduino Franco Abbati Cassinensi, ut dictum est supra lib. 1. cap. 58.

CAPVT XLVIII.

HIC ipse Leo retulit etiam aliud quoddam magnum ex ipsius nostri Adam veridico sibi ore relatum. Aiebat enim, quod cum die natalitio sanctorum martyrum Prothi, & Hyacinthi idem Adam, ad nescio quid utilitatis obedientie sue, portas Monasterij fuisset egressus: Ecce mox duo pulcherrimi Iuvenes in habitu monastico, sibi obuiam fiunt, quos cum de more Monasterij humiliter salutasset, & qui nam ipsi essent reuerenter interrogasset, audiuit ab eis Prothum, & Hyacinthum se nuncupari; venisse autem se ad visitandos Fratres, qui eorum sollempnia ipso die satis deuote in psalmis, & canticis honorassent. Quibus dictis cæpto itinere cœnobium

Q 4 ingressi

ingressi sunt: huiusmodi Adam responsis attonitus, paululum substitit, moxq; in semet reuersus post eos properanter currere cepit, & quosque obuios percontari, quoniam monachi, qui se paulo præcesserant, deuenissent: respondentibusq; neminem se vidisse, nequaquam adhibens fidem, cepit huc, illucq; discurrere, & item, itemq; singulos obuiantes de illorum visione diligentissime investigare, sed nequaquam illi ulterius eos videndi, seu alloquendi est concessa licentia.

A D N O T A T I O.

H *Anc eandem visionem refert Desiderius Abbas Casinensis lib. 2. Dialog. ad finem.*

CAPVT XLIX.

H **I** C ipse Dominus Adam in monte proximo, qui Caria adiacet Celia vocabulo, cellam in honorem sancti Benedicti construxit, necnon & in Cominensi territorio iuxta Melpham fluuium Ecclesiam sancti Nazzarij, presbytero quodam (cui iure hereditario pertinebat) sibi concedente, ad vsus, & necessitates obedientia suæ acquisiuit, easq; nonnullis terrarum possessionibus emptis, diuersisq; Ecclesiasticis ornamentis, atque codicibus sufficienter ditauit.

CAPVT L.

L A tempestate supradictus Bolano Catapanus Graeci Imperatoris, cum iam dudum Troiam in capite Apuliae construxisset, Draconariam quoque, & Florentinum, ac Ciuitatem, & reliqua municipia, quæ vulgo Capitanata dicuntur, ædificauit, & ex circumpositis terris habitatores conuocans, deinceps habitari constituit. Sanè sciendum, quoniam corrupta vulgaritate, Capitanata vocatur, cum pro certo ab officio Catapani, qui eam fecit, Catapanata debeat appellari.

C A-

CAPVT LI.



HEOBALDVS secundus ac trigesimus huius cœnobij Abbas, sedit annis tredecim. Hic apud Theatinā marchiam nobili ortus prosapia, quartodecimo ætatis suæ anno relicta domo, parentibus, omniq; substantia, tempore Aligerni Abbat̃is ad hoc Monasterium venit, atque ab eo benigne susceptus, & habitu est sanctæ religionis indutus. Sed cum post Aligerni transitum Manso (vt iam dictum est) Abbas effectus fuisset, egressus hinc Ierosolymam abiit, reuersus, à Ioanne Abbate obedientiam Præposituræ Monasterij huius suscepit, quam cum per annos aliquot satis strenue administrasset, ab eodem Abbate in Monasterio sancti Liberatoris, quod in Comitatu Theatino iuxta Laentum fluuium situm est, Præpositus est ordinatus. Ibi cum paruulam admodum Ecclesiam, & valde obscuram reperisset; cæteras verò officinas, & ligneas, & vetustas, intra paruum tempus ab ipsis fundamentis omne illud Monasterium petrinis parietibus ædificauit. In Ecclesia verò cum ab introitu ipsius duodecim ferme cubitos in longitudine, & in latitudine tres adiunxisset, titulum quoque ab Orientali parte non parui ambitus cum confessione construxit, vniuersamq; Ecclesiam picturis, ac specularibus decorauit. Ante maius verò altarium tabulam de argento à propinquis accepto, confecit, quam ex parte non modica deaurauit. Fecit etiam in eadem Ecclesia duo magna thuribula ex argento librarum decem, opere pulchro, & ex parte inaurato, & alium thuribulum argenteum pulcherri-
 mum, quod fuerat patris ipsius, ibidem conculit. Fecit, & calicem de argento cum patena sua librarum sex, & alium librarum duarum, & dimidię, cum duobus alijs minoribus, & vno thuribulo. Fecit, & crucem de auro purissimo, vbi posita est particula de ligno sanctæ Crucis, cum alijs Sanctorum reliquijs. Fecit ibi, & campanas non paruas numero quinque, & alia ornamenta Ecclesiastica diuersarum specierum perplurima, quæ hic inferere supersedi. Inter
 quæ

Monasterium sancti Liberatoris.

quæ etiam, & codices diuersos describi iussit numero sexaginta, è quibus quatuor pallio inuestitos, bullis, alijsq; argenteis operibus decorauit. Hic eo tempore quo Imperator Henricus in Apuliam descendit, vt iam supra retulimus, eidem per Marchiam transeunti obuius exijt, atque ad honorem, & commendationem huius loci strenuissime deseruiuit. Quo etiam, in loco, qui dicitur sanctus Petrus in plana, residente cum vniuersis magnatibus suis, in eorum omnium præsentia proclamauit super Actonem, & Pandulfum Comites de rebus sancti Benedicti in Comitatu Thermulensi, quæ ipsi tunc temporis retinebant, quæ sunt nominatim castella quinque, idest Petra fracidæ, Pescoli, Guardia, Ripa, & Montebello, cum Monasterio sancti Benedicti, & sancti Nicolai, & cum alijs Ecclesijs intra eorundem Castellorum pertinentias positis intra hos fines. A capite Riuus planus, à pede verò mare cum ipso lictore suo, & portubus, atque piscationibus, ab vno latere flumen Trinium; ab altero Riuum recclum, quæ omnia in præsentia prædicti Imperatoris, & magnatum ipsius, præfati Comites refutauerunt in manus eiusdem Imperatoris ad partem huius Monasterij nostri, cum vniuersis omnino rebus, ac pertinentijs eorum, intra ipsos, quos diximus terminos, & ipse Imperator manu sua inuestiuit supradictum Domnum Theobaldum de omnibus ipsis, obligans tam illos, quàm & omnes, qui deinceps ista aliquo modo inuadere præsumpserint pœna duum millium librarum auri in hoc Monasterio. Sequenti etiam tempore proclamauit in placito Trasmundi Comitis super quodam Trefidio, qui retinebat de Terra sancti Liberatoris multas possessiones, & manifestante se illo, ac refutante omnia recollegit. Eodem verò tempore Pandulfus Princeps ad hoc Monasterium veniens præceptum fecit sancto Benedicto de Monasterio sancti Nazarij, quod situm est in territorio ciuitatis Atinæ: cui etiam loco præceptum confirmationis de omnibus pertinentijs eius ad opus huius nostri cœnobij fecit, locumq; ad molendinum faciendum concessit. Sed cum idem Dominus Theobaldus in iam dicta Præpositura annos plus minus quindecim peregisset, ad Abbatiam Monasterij huius, ordine,

ordine, quo supra monstrauius (Deo fauente) transla-
tus est.

Supra ca-
put 42.

CAPVT LII.



Itaque à præfato Papa Benedicto, qui
eum sacrauerat, consuetudinarium priui-
legium sumens, per biennium quo super-
uixit Imperator Henricus, in omni pro-
speritate sui honoris degens, plurima hic
ornamenta Ecclesiastica acquisiuit. Cru-
cem argenteam ad procedendum diebus
dominicus, & duas campanas magnas valde, & pulchras
feri iussit. Altare sancti Gregorii argentea tabula valde
pulchri operis decorauit. Fecit etiam, & capsulam argen-
team, vbi portionem ligni dominicæ Crucis, quam supe-
rius à Leone monacho huc allatam ostendimus, reuerenter
locauit. Virgam quoque pastorem, cum titulo nihilomi-
nus argenti, opere pulchro vestiuit. Ecclesiam paruulam
in honorem sancti Nicolai iuxta Abbatis cameram, Eccle-
siæ Beati Benedicti à Septentrionali parte adiunxit, necnon
& aliam nihilominus paruulam Ecclesiolam in honorem
sancti Seueri Cassinatis Episcopi ædificauit. Muros etiam
altos, ac turres duas hinc inde ante atrium Ecclesiæ in mo-
dum claustrum construxit. Codices quoque nonnullos, quo-
rum hic maxima paupertas vsque ad id temporis erat, de-
scribi præcepit.

Per idem tempus Dominus Odilo, vir venerabilis vitæ, ac
famæ, Cluniacensis cœnobij Abbas ad hoc Monasterium
nimis deuotus aduenit, & ob maximam, quam Beato Patri
Benedicto, atque per eum loco isti reuerentiam gerebat,
pedes montem rotum ascendit. Qui cum de Monasterij mo-
re in capitulum ab Abbate, & Fratribus honorifice ductus
fuisset, post susceptionem tanti hospitis, verba sollempnia:
Sicut audiuius (inquit vir reuerentissimus) ira & vidimus
in ciuitate Domini virtutum, & in ciuitate Dei nostri, &
in monte sancto eius. Mox nimis humiliter ad Abbatem
conuersus. Donum, ait, à te pater maximum expeto, mi-
hiq;

S. Odilo
Abbas.

Psal. 47.
vers. 9.

hiq; vt sine contradictione aliqua concedatur votis omnibus flagito: volo, inquam, atque desidero omnium Fratrum vestigia deuotissimus osculari. Annuit Theobaldus, licet inuitus, nec reniti deuotioni tam maximæ aliquatenus potuit. Post hac autem ipso die festiuitatis eiusdem Beatissimi Patris nostri ab eodem Abbate Theobaldo gratia præcipuæ religionis, multis precibus inuitatus missarum sollemnia celebrare, nullo modo cogi potuit eo præsentem missas publicas agere, cumq; iam paratis sollemniter ad procedendum Fratribus, pastorem baculum idem noster Abbas reuerenter eius manui obtulisset, longe humiliter ille refugit, dicens: Nequaquam dignum esse se in eius præsentia, huiusmodi virgam gestare, nimis profecto indecens & contra omne ius esse percensens, quempiam Abbatum manu pastorem virgam præferre, vbi cumque Benedicti Vicarium, cunctorum scilicet Abbatis Abbatum præsentem adesse contingeret. Eo igitur reuerti parante, cum multis illum Fratribus Theobaldus vsque ad ianuas Monasterij prosequens; tandem suppliciter exorauit, vt siquid vnquam posset de Beati Mauri pignoribus, aliquam benedictionem Monasterio isti transmitteret. Quam postulationem, vir venerabilis, valde lætus accipiens, & posse se confidenter respondit, & libenter facturum, vita Comite, repromisit. Sicq; vale dicto recessit.

De sancti
Mauri reliquijs.

Post septem porrò annorum vertigines, os integrum brachij Beatissimi Mauri, capsella decenter inclusum argentea, opere pulchro turris instar aptata, per sex sui Monasterij Fratres, huc delegare curauit. Ad cuius aduentum innumerabilis totius terræ istius populi cætus deuote nimis occurrit. Excitatus enim fuerat ad hoc rumore huiusmodi, vt quoniam Beatus Maurus ex longo iam tempore ultra montes transmissus in obedientiam fuerat, modo cum esset reuersus, debere se illi dignissime obuiare. Iam tum prædictus Abbas noster Capuani Principis persecutionem aufugiens in Marchias secesserat, sicut in sequenti pleniter ostendemus. Verum vniuersus huius sancti loci conuentus, inestimabili super hoc iucunditate repletus omnes indumentis sollemnibus induti, cum cereis, ac thimiamatibus plurimis

plurimis vſque ad portam veterem , aliquanto extra Mo-
naſterij ambitum procedentes, obuiam cum deuotione ma-
xima exierunt : ſtatimq; , ac ſi viuentem illum in carne
conſpicere meruiſſent , omnes pariter in terra procidentes
adorauerunt , ſurgentesq; ſanctum illum loculum deuotiſ-
ſime, ac reuerenter cum lacrymis gaudio mixtis omnes ex-
oſculati ſunt, & cum hymnis , ac laudibus nimis honorifice
proſequentes in Monaſterium induxerunt, eumq; ſuper ma-
giſtri ſui Benediſti venerabile altarium poſuerunt. Quam
diſſimilis , quamq; diuerſa hæc proceſſio receptionis Bea-
tiſſimi Mauri fuerit ab illa , qua Pater Benediſtus cum
omni eum congregatione vſque ad ianuam Monaſterij pro-
ſecutus, vltra montes olim tranſmiſerat, quamuis vtraque
plena pijs lacrymis fuerit , deuoto conſiderandum Lectori
relinquimus .

Fuere interea aliqui Fratrum, non quidem ex toto dubi-
tantes, verum certiſſimi ſuper hoc reddi volentes, qui clan-
culo prædiſtum loculum ab inferioribus , vnde argentea
clauicula referabatur, ac claudebatur, aperientes , viſis ſa-
croſanctis reliquijs tam ſibi , qui viderant, quam cæteris ,
qui non videbāt cauſa certiſſimæ fidei extitere. Quod cum
prioribus relatum fuiſſet , valde illorum præſumptionem
redarguerunt , verentesq; ne illorum deinceps exemplo ,
dum à pluribus conſpici deſiderarentur, ſanctæ reliquiæ ali-
quatenus aliquando mutilarentur, diligentiffime prædiſtum
claudentes locellum , protinus clauim in fruſta comminue-
runt , ſicq; ex tunc , & deinceps vſque hodie ſacer ille locu-
lus clauſus, irreſeratusq; permanſit .

CAP V T L I I I .

CIRCA hos dies Hugo vir nobilis, natione
Caietanus, ad extrema veniens fecit char-
tam in hoc Monaſterio de medietate Ca-
ſtri , quod Suium vocatur, necnon , & de
omnibus omnino rebus, tam quæ ſibi in Ca-
ieta, quam in prædiſto Suio ex parte paren-
tum competere videbantur. Hoc eodem tempore quidam

Aprutij

Oblatio-
nes diuer-
ſæ .

Aprutij Comitatus nobiles, Lupus, & Albertus similiter obtulerunt Beato Benedicto vnam Ecclesiam iuris sui, vocabulo sanctus Laurētius, loco, qui Collenori vocatur prope fluuium Salinum, cum omnibus pertinentijs, & rebus eiusdem Ecclesie. Sequenti etiam anno Benedictus quidam cū vxore sua Marenda de castello Montemetulo fecit oblationem suam in hoc Monasterio de Ecclesia sancti Ioannis, quæ sita est in finibus ipsius castri, iuxta fluuium Trinium, cum terra modiorum ducentorum, & septuaginta, vbi ipsa Ecclesia ædificata est, & cum cæteris omnibus rebus ipsius. Similiter quoque presbyter quidam de territorio Bonianensi, Leo nomine, obtulit sancto Benedicto Ecclesiam sancti Christophori de castello Petroso, quam ipse à fundamentis construxerat, cum vniuersis rebus, & pertinentijs eius. Alius etiam presbyter, Franco nomine, genere Arpinas, chartulam oblationis huic Monasterio fecit de vna Ecclesia sibi pertinente in territorio prædictæ ciuitatis, vocabulo sancta Lucia, cum plurimis circa se terris, & cæteris rebus, ac pertinentijs eius. Sed & Ecclesia sancti Angeli de ciuitate Morrone, quæ sita est super riuum, loco qui dicitur Ioannis Scuteri, simili modo hoc in loco oblata est, cum omnibus suis. Rupertus quoque nobilis quidam Termulensis, obrulit in hoc Monasterio omnes res suas, & curtes, quas in Larino habebat, cum ipsa Ecclesia sanctæ Mariæ de plano, & cum Ecclesia sancti Petri, atque Ecclesia sancti Terentiani intra prædictam Larinum, cum casis, & terris, & ornamentis omnibus, ac pertinentijs earundem Ecclesiarum.

CAPVT LIV.

HIS temporibus Adelmandus presbyter, natione Saxonicus, ob amorem, ac deuotionem Beati Benedicti ad hoc Monasterium veniens, habitum monasticum deuotissimus induens, de causa proprietatis suæ fecit crucem argenteam maiorem septuaginta ferme librarum, eiusq; partem non modicam deaurauit.

CA-



I S D E M quoque diebus Paulus quidam, Paulus Monachus.
 sanctæ postmodum conuersationis vir, ad
 illud cœnobium venit, atque de manibus
 prædicti Abbatis monasticæ religionis
 vestem adeptus, ad Monasterium Beati
 Benedicti intra Capuanâ Urbem situm,
 ab eo ad commanendum transmissus est;
 ubi sub sanctæ profelsionis disciplinæ, ita feruentissime
 conuersatus est, vt eius vita prioribus, & religiosis quibus-
 que viris esse posset exemplo: namq. vitæ ipsius exitus do-
 cuit, quam omnipotenti Deo eiusdem conuersationis vita
 placuerit. Cum enim languore correptus ad extrema ve-
 nisset, nocte ipsa, qua transiturus erat, quidam reuerendæ
 vitæ Episcopus de Galliarum partibus ad memoriam Bea-
 ti Michaelis Archangeli in monte Gargano posicam, per-
 gens, in eadem Capuana ciuitate, iuxta Ecclesiam sancti
 martyris Laurentij fuerat hospitatus, qui cum intempesta
 nocte surgens, deuote ante prædictam Ecclesiam orationi
 incumberet, subito ad dexteram Orientis plagam conuer-
 tens obtutus, vidit de præfato nostro Monasterio lucem
 maximam instar solis egressam cœlestia penetrare: cumq;
 ad visionem ipsam attonitus superet, pariter, & exultaret,
 mox campanæ Monasterij sonitum, qui Fratris obitum de
 more significaret audiuit, agnouitq; profecto talem ibi ali-
 quem fuisse defunctum, qui in luce, quam viderat peteret
 cœlum. Statim igitur sanctus Antistes id, quod viderat so-
 cijs referens, è vestigio legatum transmissit ad Monasterium,
 vt agnosceret, quis ibi ea nocte defunctus fuisset, sibiq; ex
 nomine nuntiaret, quo factò, decreuit venerabilis Episco-
 pus, Pauli ipsius nomen, sibi quamdiu viueret intra beato-
 rum nomina memorandum.

A D N O T A T I O.

H Acc eadem refert de isto Paulo Desiderius Cassinensis
 Abbas lib. 2. Dialog. ante medium.

C. A.

HOC tempore præfatus Princeps Pandulfus, qui fuerat Theanensis Comes, construxit Oratorium Beati Ioannis Baptiste iuxta Ecclesiam prædicti Monasterij Capuani, supra corpus videlicet Laidenolfi Principis, quem supra interfectum à Capuanis regulimus, & obtulit in eodem Oratorio ad eiusdem Monasterij utilitatem integram medietatem de curte, quæ nominatur Anglum, cum omnibus omnino pertinentijs eius. Porro alteram eiusdem curtis medietatem longe post tempore scilicet Desiderij Abbatis, emit Dominus Benedictus Præpositus à Pandulfo Comite, qui cognominatur à Præfenzano, cui pertinere iure hereditario videbatur. Tunc temporis Abbatissa quædam, Raimburga nomine, de ciuitate Firmana, obtulit in hoc Monasterio, Monasterium suum, vocabulo sancta Maria loco Leuarino, & Ecclesiam sancti Ioannis de Garzania, & castellum de Barbulano cum Ecclesia sanctæ Mariæ, & sancti Blasij, cum omnibus omnino rebus, ac pertinentijs eorundem locorum. Petrus quoque filius Raynerij de ciuitate Sorana oblationis chartulam fecit huic Monasterio de Ecclesia sancti Syluestri, quæ constructa est in territorio Arpinensi, loco ubi dicitur Valle de Frasso, cum vniuersis pertinentijs, & rebus ipsius. Fecit præterea per hos dies idem Abbas libellum de sancto Gregorio de Paterno in Comitatu Marficano, Rocconi cuidam, cum omnibus pertinentijs ipsius pro solidis sexaginta, & censu annuali piscibus octingentis. Idem fecit, & de monte, qui dicitur Sabuco supra Anlum, pro quo recepit solidos quadraginta, & census pisces ducentos. Idem fecit, & filijs Guanengi de terris in Calabretto pro solidis sexaginta, & censu solidis duodecim. Item ibidem filijs Guillelmi pro solidis quadraginta, & censu solidorum vndecim, & pisces ducentos. Similiter & in territorio Pennensi fecit de curte, quæ dicitur Bocetula, centum quadraginta, & pro censu solidorum sex, necnon & de Ecclesia sancti Benedicti in Lombardia in fundo Pasturini pro censu solidorum decem. His diebus Romæ Benedictus octauus Papa defunctus est,

Anno
1014

est, & Ioannes frater eius natione Tusculanus ex Patre Gregorio illi in Pontificatu successit.

CAPVT LVII.



DEFUNCTO igitur augustæ memoriæ Imperatore Henrico, anno Domini millesimo vigesimo quinto, & Conrado Duce, (qui, & Cono dictus est) eiusdem Henrici electione in Regem leuato, precatu Guaimarij tandem solutus à condignis sibi perpetuo vinculis, Princeps Pandulfus reuertitur : atque totius mansuetudinis, & humilitatis se virum ostendens, ad hoc Monasterium venit, omnemq; amicitiam, & fidelitatem iureiurando repromittens Abbati, quasi patrem, & dominum se illum habiturum de cætero pollicetur. Mox itaque pristinos illos suos fautores de Apulia, vna cum Bolano Catapano Græcos asciscens, Guaimario quoque cognato suo cum Normannis, Rainulfo, & Arnolino Comitibus Marforum omni conamine adniténtibus, Capuam per annum integrum, atque dimidium obsessam, & expugnatam, tandem ingreditur. Pandulfus autem Theanensis, quem Principem Capuæ factum ab Imperatore prædiximus, receptus in fide à Catapano Bolano vna cum Ioanne filio, & omnibus suis Neapolim est perductus: sed anno sequenti, & ipsa quoque Neapoli à Capuano Principe capta, & Sergio magistro militum exinde pulso, rursus Theanensis Pandulfus à facie ipsius Romam aufugiens, ibidem exul defunctus est: tenuitq; Neapolim Capuanus Princeps per annos fermè tres. De hinc Sergius recuperata Neapoli Rainulfum strenuum virum affinitate sibi coniunxit, & Auersæ illum Comitem faciens, cum socijs Normannis ob odium, & infestationem Principis manere constituit. Tuncq; primum Auersa cæpta est habitari.

Pandulfus præterea à prioribus suis nequitijs nequam deficiens, deq; huius Monasterij deuastatione, quasi pro Imperatoris odio, suæ satisfacere malitiæ ambiens,

R Theo.

Anno
1025.

Theobaldum Abbatem, simulata beneuolentia secum apud Capuam, quali pro utriusque securitate remorari rogauit, immò coegit, ita ut iam illum minimè huc redire permitteret: præceptum tamen ei de confirmatione totius Abbatie de more Principum fecit. Erat tunc Præpositus in Capuano Monasterio quidam Basilus, genere Calaber, seculari ingenio vehemens, qui olim apud Episcopium sancti Stephani ministerialis officium gerens, pro eo, quod erat familiarissimus Principi, aduentu Henrici Imperatoris territus, ad hoc Monasterium fugerat. Postmodum verò à prædicto Abbate monachus factus, & in maximo aliquandiu apud eum honore fuerat habitus. Sed cum Princeps reuersus, Capuam, ut diximus, recepisset, eundem ad se Basilium euocans, Præposituram ei tradi Capuani Monasterij fecit. Qui nequaquam beneficiorum, quæ sibi Abbas præstiterat memorans, quidquid illi molestiæ poterat, inferebat, & Principis amicitia elatus, ita super chorum Fratrum, quasi alter Abbas ad officium stabat.

CAPVT LVIII.


DANDVLFVS itaque vniuersos Monasterij homines in suam fidelitatem iurare faciens, & vniuersa castella, seu villas eiusdem Monasterij, præter sanctum Germanum, & sanctum Petrum, & sanctum Angelum, & sanctum Georgium, Normannis, qui sibi tunc adharebant, distribuens: Todinum quendam de Monasterij famulis, nequitia suæ complicem eisdem ipsis, quæ Monasterio superesse videbantur præfecit, eumque apud sanctum Germanum in ipsa Abbatis mansionem manere constituit: insuper & Roccam, quæ Vantra dicitur illi contradens ad suam fidelitatem cunctos tam Normannos, quam ceteros quosque parere præcepit. Iam vero quam pessimus, quamque impius idem Todinus (placere per hoc Principi satagens) in Dei seruos extiterit, in quantam eos, sanctumque hunc locum penuriam, dedecusque redegerit, nos ex toto referre, etiam si adisset facundia, non valemus. Adeo scilicet (ut ex his pauca perstringam) ut in ipsa san-

ctæ

Dei Genitricis Assumptione, etiam in ministerium altaris vinum eis defuerit. Præterea si quem de monachis ex Monasterio proicere vellet, quali dedignans illi hoc dicere, tollebat tantum de loco mensæ iustitiam ipsius, & ponebat in pavimento, ut ex hoc liquido ille valeret causam expulsionis agnoscere, & ex tunc non audebat amplius in Monasterio remorari. Præter cætera autem, villissimos etiam quosque de Monasterij familia laicos in refectorium Fratrum, in quod tunc usque, nemo laicorum ausus fuerat ingredi ad panem, vinumque mensis imponendum induxerat. Adeo nihil reliqui tunc monachis erat, quam cum Ieremia in lamentum prorumpere. Serui dominati sunt nostri, nec fuit, qui eriperet nos de manibus eorum. Supererat adhuc Dominus Leo ille maior Ecclesiæ custos, qui die quadam refectorium ingressus, cum seruos, quos diximus, ad exequendum id ministerium reperisset, zelo religioso succensus, illos quidem foras cum magno dedecore expulit; ad confratres verò reuersus, quousque tandem, ait, sub tanto nostri ordinis opprobrio, sub tam iniquo, & impio seruorum nostrorum dominio remoramur? sequimini me, & omnes vnanimiter hinc exeuntes, ad Imperatorem ultra montes pergamus, atque nostræ calamitatis lamentabilem historiam referamus. Mox itaque ad hanc exhortationem, omnes pariter animos arrigentes, simul illum sequi exeerunt, quod per nuntium audiens Todinus festinanter nimis ascendit, & iam illos longiuscule à Monasterij porta repeliens, protinus equo desiliit, & ad illorum velligia corruit, orans, & multis, magnisque satisfactionibus exoptulans, ut dignarentur reuerti, ad eorum libitum se de cætero cuncta pollicens correcturum. Et illi tantam eius satisfactionem, ac pollicitationem conspicientes, ut erant benigno, ac compatiendi pectore, sine mora reuersi sunt: parum autem leuaminis, ac consolationis hoc facto adepti sunt. Sed quoniam prædictus Todinus in sua nequitia perdurauit, non post longum tempus sub Richerio scilicet Abbate (vindice Deo) à quibusdam nostris captus, & tonsuratus, necnon sacco indutus, & ad cernendam farinam more famulorum in pistri-
no positus est.

R . C A-

CAPVT LIX.



ABBAS interea in Capuano Monasterio quasi Abbas quidem manebat, re autem vera quasi captiuus aliquis, extra urbem absque custodia progredi nusquam audebat. Quod cum per annos fermè quatuor sustinuisset, clam mandauit Sergio Duci Neapolitano, vt constituto condictione die, cum militibus ad locum designatum veniret, seque reciperet, quod & factum est. Namq; condictione die egressus Capuam, quasi spatiandi gratia vsque ad Ecclesiam sancti Marci, quæ est ad radicem montis sanctæ Agathæ, atque inde paulatim se, ac pederentim militibus præfatis coniungens, Neapolim abiit, indeq; post dies aliquot in Marchiam est profectus, vbi in prædicto Monasterio sancti Liberatoris, in quo prius Præpositus fuerat, per quinque circiter annos vsque ad obitum est honestissime conuersatus.

CAPVT LX.



PRAETEREA Princeps post dies aliquot cuidam fidelissimo suo, nomine Adelgisio iubet, vt quantocius ad hoc Monasterium veniat, eiq; planetam, & calicem Imperatoris, & nonnulla alia, quæ non recolo, Ecclesiæ præcipua ornamenta, Aquini, & sexti Comitibus in pignore ponenda, perneciter deferat: cumq; ille veniens rem propter quam transmissus fuerat indicasset: aliquanti verò nequaquam retinenda, ne peiora irato Principe experirentur, censebant. Sed cum ille prorsus instaret, Adam, qui tunc Ecclesiæ curam gerebat: Ego, inquit hæc, quæ requiris, nequaquam tibi, neque alicui hominum daturus aliquando sum, sed ea super ipsum Beati Benedicti altarium ponam, inde ille, qui voluerit, aut præsumperit, auferat. Quod cum fecisset, mox ille præsumptor audacter accessit, & cum iam, iamq; ad altare manus extenderet, mirabile dictu.

dictu protinus in faciem corruit, & vehementiſſima ſubito Epilepſia, pariterq; paralyſi correptus, vniuerſis aſtanti-
bus, mirum, aut potius miſerum de ſe ſpectaculum præbuit.
Et de infirmitate quidem ipſa altera die aliquo modo con-
ualuit, atque ſine effectu reuerſus ad Principem eſt, diſtor-
to tamen ore, atque oculo uſque ad obitum permanens, cun-
ctis ſe interrogantibus, qualiter hoc illi contigerit, non ſine
admiratione audientium maxima, referebat. Princeps ve-
rò hoc factò aliquantulum quidem reuerſus eſt, ſed non in
longum tempus in mala mente potuit voluntas bona dura-
re. Poſt non multum etenim tempus iterum præſatum Ba-
ſilium Præpoſitum miſit, omnemq; huius loci theſaurum
per illum ad ſe aſportari præcepit. De Capuano verò Mo-
naſterio abſtulit tres coronas de argento, & codicem vnum
gemmis ornatum, & planetam cetrinam optimam, & tres
pannos de altari, & vnum cum albis, alium cum cruce ex
friſio, & albis; alterum verò cum aquilis: atque in arce,
quàm in monte ſanctæ Agathæ, qui Capuæ imminet, paulo
ante conſtruxerat, omnia ſimul condens reſpouit. In qua
etiam arce innumera diuerſarum aliarum Eccleſiarum,
necnon viduarum, pupillorumq; ſpolia, tum dolo, tum vio-
lencia capta, coaceruauerat. Sed qualiter à iuſto Iudice
Deo, pro iam dicto calice, poſt mortem idem Princeps dam-
natus ſit referam.

Quodam itaque tempore Sergius magiſter militum, qui
Neapolitanæ præerat vrbi, venatum in ipſo ſancto paſcha-
li Sabbato pergens, ſilvam ſuis cum pueris, vt apros cape-
ret eſt ingreſſus, tenſiſq; retibus, ad inſequendos eos ſeſe
cum canibus huc, illucq; vnanimiter omnes per ſilvam dif-
funduntur, ſed antequam aper à retis laqueo fugiens inuol-
ueretur, occupatus à venatoribus, conſoſſus, captusq. eſt.
Cum autem hora iam tardior eſſet, & ſol ad occaſum ver-
gens, atram vmbra iam penè induceret terris, prædictus
magiſter militum, ne noctis tenebris occuparetur, ſumpta
quam ceperat venatione, cum omni clientela domum quan-
tocius repedare cepit, vni tantummodo puero Pythagora
nomine, vt retia colligeret, & ſe perneciter ſequeretur, im-
perauit. Igitur cum puer, qui relictus fuerat collectis reti-

R 3 bus,

bus, recto calle suum Dominum sequeretur, subito duo monachi reuerendi admodum vultus ei se in itinere obtulerunt: cumq. timore exterritus, qui nam essent inquireret: illi, ne timeas, inquirunt, tantummodo sequere nos. Cum itaque aliquantulum simul per eandem siluam graderentur, venerunt ad quendam lacum cœnosum valde, atque horribilem aspectu, ibiq. Pandulfum Capuanum Principem, (cuius superius memoriam feci, qui non longo ante tempore defunctus fuerat) ferreis nexum vinculis, atque in illius ceno laci ad gulam vsque demersum, ei miserabiliter ostendunt. Interea duo nigerrimi spiritus, retortas ex agrestibus vitibus facientes, per gulam eum ligauerunt, ac in ipsam lacus profunditatem merferunt, iterumq. sursum extraxerunt. Cumq. hæc sapius facerent, prædictus puer Pythagoras (tremula licet voce) eum alloquitur, vt sibi, qua de causa talia pateretur, ediceret. Ille verò flens, & eiulans ad verba interrogantis pueri, mox tale responsum protulit, dicens. Quamuis, ô puer, ex innumeris meis sceleribus mihi plurima, & infinita pœna præparata sit, tamen ob nullam aliam causam hanc, quam cernis patior pœnam, nisi propter aureum calicem, quem de Monasterio Beati Benedicti, sacrilega ductus cupiditate abstraxi, eiq. etiam moriens reddere neglexi. Sed obnixè deprecor, ac per Iesum Christum Dominum, ac Saluatorem omnium, cuius ego miser præcepta contemnens, in hanc sum voraginem, mortis demersus, te obtestor, vt Capuam ad vxorem meam, vel ipse pergas, vel nuntium dirigas, qui ei & tormenta, quæ patior, & vt calicem Monasterio sancti Benedicti reddat, insinuet. Et ille, quid prodest (inquit) si ei nuntiaueris; non enim quod te viderim, vel quod talia patiaris, mihi creditura est. Cui ille respondit: hoc tibi signum: ex mei parte denuntia, quod Pandulfus Gualæ filius calicem ipsum pro pignore habeat, & vt datis solidis, quos ei debuimus reddere, illum recipiat, atque sancti Benedicti Monasterio omni post posita mora restituat, tibi celeriter, rogo, insinuare ne differas. Quibus dictis, visio illa ab oculis eius ablata est. Puer verò, vt statim domum regressus est, infirmitate detentus, intra paucos dies defunctus est. Ea vero,

vero, quæ viderat, quæque sibi dicta fuerant, omnibus ad se
venientibus patefecit. Pandulfus etiam ipse, qui causa pi-
gnoris calicem apud se habebat, hoc ipso tempore, nescio
qua de causa, Neapolim pergens, & hæc omnia ex ore ip-
sius Pythagoræ se audisse mihi retulit, per quem quoque
idem Pythagoras uxori illius omnia, quæ de viro eius vide-
rat, vel quæ ipse ei mandauerat Capuæ nuntiauit.

Illa autem sibi potius, quam marito consulens, pretium, quod vir eius accommodauerat reddere nolens, nec calicem recipere, nec Monasterio reddere curauit. Hæc idcirco huic operi inferi curauimus, vt videlicet quicumque hæc audierit pertimescat, & à rapinis huius cœnobij mentem, manusq; compescat, ne & ante mortem sibi penitere non liceat, & post mortem parentibus propinquisq; ea pro quibus ipse à supplicijs liberetur operari non libeat, sicq; fiat, vt pro eis supplicia æterna possideat, quæ Dei timore postposito, in vita positus nullatenus perpretare formidat, & iam veniam non mereatur in vita illa, quam bonis, sanctisq; operibus neglexit promereri in ista.

His diebus anno scilicet Domini millesimo trigesimo-
primo, beatus Dominicus mirabilium patrator innumero-
rum, & cenobiorum fundator multorum, apud Soram cam-
paniæ ciuitatem, iam fermè octogenarius migravit ad Do-
minum, & sepultus est in Monasterio Soræ vicino, quod nunc
eiusdem vocabulo nuncupatur.

S. Domi-
nicus So-
ranus o-
bije anno
1031.

A D N O T A T I O.

Desiderius lib. 1. Dialog. conformiter ad ea, quæ Leo in hoc capite de Pandulfo narrat, hæc scribit: Pandulfus Capuanus Princeps vir potentissimus, ac ditissimus fuit, qui latrocinando, humanum sanguinem fundendo, ciuitates & oppida, ac aliorum prædia circumcirca manentium crudeliter auferens, suosubdidit dominatui: quique stupra, cedes, rapinas, distractiones bonorum Ecclesiarum, multa per tempora absque ulla miseratione insatiabiliter exercuit. Igitur cum plurimas opes Christi Ecclesiis diripiens abstulisset, omnia castra, villas, ac prædia huius Monasterij cupi-

R 4 ditato

ditate ductus sacrilega, abstulit: ita ut nec unum rusticum, qui rura coleret, vel rura, quæ à rustico colerentur, monachis reliquisset. Insuper etiam omnem thesaurum huius Monasterij auferens, asportauit: ac in arce, quam non longe à Capuana vrbe in monte, qui sancta Agatha martyris dicitur, construxerat, in qua multa spolia orphanorum, viduarum, & Ecclesiarum, ac pauperum intulerat, condens, reposuit. Deinde agit de damnatione Pandulsi, ut supra.

Aduertat autem prudens Lector, ea quæ de damnatione Pandulsi hoc in loco scribit Leo, esse per anticipationem ab eo hic posita: nam ut ex sequentibus apparet, diu post hac vixit Pandulfus, ac Monasterio Cassinensi semper infestus, ac molestus fuit. vide cap. 65. 69. 75. 80 & 83.

De sancto
Dominico
Sorano.

Sanctus Dominicus, de quo hic agit Leo, fuit monachus Cassinensis, & Abbas Monasterij prope Soram campania ciuitatem, unde & cognomen accepit. Qui ut habetur infra lib. 3. cap. 39. Monasterium sancti Petri de Auellana edificauit, necnon, & aliud Monasterium in loco, qui dicitur Pratum cardosum in Comitatu Valuensi. Eius vitam descripsit Albericus Diaconus, ut habetur eodem libro cap. 35. Descriptus habetur in Martyrologio Romano die vigesima secunda Ianuarij, in hac verba. Sora sancti Dominici Abbatis miraculis clari Videatur ibi Cardinalis Baronius.

CAPVT LXI.



IUNC temporis constructa est Ecclesia à Fratribus huius Monasterij intra Caietanam ciuitatem in honore sanctæ virginis Christi Scholasticæ, iuxta veterem, quæ inibi fuerat, nominis eiusdem Ecclesiam, quæ videlicet largitione bonæ memoriæ Domni Stephani eiusdem ciuitatis Episcopi, idè illis fuerat olim concessa, ut si quando gratia emendi aliquid inibi eos proficisci contingeret, proprium, vbi hospitarentur, locum haberent.


Miraculum.

Ibi ergo quale, quantumq; miraculum per merita Beati Benedicti Deus effecerit ad Dei gloriam enarrare decreuimus.

mus. Cum enim die quadam, quidam ex operarijs de monte proximo, qui mari imminet, petras, quibus Eccleſiæ ipſius parietes fabricarentur, excinderet: ſubito ferrum illud quo operabatur, de manubrio exiens, præceps in maris voraginem decidit. Quo Fratres per eundem, cui contigerat agnito, aliud pro illo malleum, quo inſtanter ceptum opus perficeretur, fieri mox decernunt. Cum repente vnus eorum fide feruentior: nequaquam, ait, ſed omnes ſimul fiducialiter ad locum, quo ferrum decidit accedamus, manubrium in aquam mittamus, miraculumq; quod in Gothis falcaſtro Pater Benedictus exhibuit, in malleo etiam per eundem patrem mox fieri in dubiè præſtolemus. Quid plura? Inſpiratione diuina placet conſilium omnibus, & deſcendentes ad mare, nauiculam omnes aſcendunt, ſinumq; gyrantes, ad locum, quo ferrum deciderat veniunt; in quo loco quamuis nimiam profunditatem aquarum inefſe conſpicerent, nihil tamen impoſſibile Deo eſſe credentes, & de meritis Beati Patris benedicti nihilominus præſumentes, manubrium in mare fideliter mittunt, moxq; diuino imperio ferrum idem ad manubrium ſuum reuerſum, non ſine maxima multorum admiratione, recipiunt.

Per idem tempus deſuncto Roma ſupranominato Papa Ioanne, Benedictus nepos illius, natione Tuſculanus, ex Patre Alberico patritio, in Apoſtolicam ſedem Pontifex ordinatur. Anno 1032.

CAP V T L X I I.



PRAEFATVS autem Abbas ſenex, iam & plenus dierum apud iam dictum ſancti Liberatoris Monafterium, tertio nonas Iunij deſunctus eſt, ibidemq; honorabili ſepultura locatus. Quo deſuncto, monachi quidem nullam electionem abſque Principis nutu facere præſumebant. Princeps verò iam dudum prædicto Baſilio dare Abbatiam decreuerat, non tamen abſque Fratrum conſenſu, licet iniqus, & impius, agere id volebat. Erat etiam alter in hoc Monaste-

Monasterio quidam Frater Antonius nomine, genere Capuanus, litteris, utcumq; imbutus. Hunc itaque Princeps Capuam ire iubet, nam & ipsi quoque eandem olim repro-miserat Abbatiam. Cumq; per dies plurimos saepe huiusmodi utrumque suspenderet, & iam serè annus euoluere-tur: tandem aliquando Antonium praeficere dissuasus, quo-niam iurare sibi nullatenus adquiescebat, Basilium elige-re complacet. Mandat igitur ille summus Archimandrita, ut aliquot de huius loci prioribus ad eum Capuam per-gant, quatenus eorum consilio Abbatem illis constituat. Itum est, & in palatio eius praedictus Abbas electus, idemq; ad Monasterium eiusdem civitatis est cum laude transmis-sus, praebito prius suis manibus, satis turpiter, Principi sa-cramento, ut ultra viginti solidos per annum, de rebus Mo-nasterij, omnibus ei traditis, nil retineret.

CAPVT LXIII.

BASILIVS Abbas trigessimustertius, se-dit annis duobus. Hic indigne quidem, ac saeculariter ordinatus, sed longè indi-gnius, ac turpius quamdiù praefuit con-uerfatus; non enim quasi tanti Monaste-rij Abbas, sed quasi quidam procurator causarum Principis existeret; ita ut ab ordinatione sua usque ad quinque circiter continuos men-ses Capuae remoratus, in seruitio potius Principis, quam in cura studuerit monachorum. Enimuero quoties illum huc venire aliqua necessitas cogeret, quoniam Todinus Ab-batis deorsum curiam, ut supra diximus, obtinebat, nequa-quam sibi illic remorari dabatur, sed quasi quidam alter ex-traneus hic ascendens, & hic etiam in nulla à Fratribus re-uerentia, in nulla solita Abbatibus honorificentia habeba-tur, nisi quantum ipse ab inuitis, atque nolentibus extor-quebat. Sub hoc Abbate Alferius, & Stephanus presbyteri de oppido Mutelanensi obrulerunt huic Monasterio vnam Ecclesiam iuris sui, vocabulo sanctus Bartholomaeus, pro-pe praedictum oppidum, cum vna domo sua, & cum omni-bus

bus eiufdem Eccleſiæ rebus, & pertinentijs. Hic fecit libellum de caſtello, quod dicitur Petra fracida, cum pertinentijs eius quibuſdam Termulenſibus, pro quo recepit ſolidos mille ducentos, pro cenſu vero ſolidos quadraginta,

CAPVT LXIV.



CV M autem iam Deus omnipotens tantis iniquitatibus, tantisq; huius ſancti loci direptionibus decerneret modum imponere, & orationes, ac gemitus ſeruorum Dei, orphanorumq; ac viduarum, & pauperum ſingulus, ac lacrymæ à maxilla, in cælum intra ipſum exauditionis ſacrarium eſſent admiſſæ, Anno diuinæ incarnationis milleſimo triceſimo octauo, Conradus Imperator cum valido nimis exercitu, tranſiſſis Alpibus, Italiam intrauit, venitq; Mediolanum (namq. eiufdem Ciuitatis Archiepiſcopo vehementer erat inſenſus) Ibi de noſtri Monafterij prioribus aliquot, qui ad eum ultra montes proclamationis gratia iam dudum perrexerant, illum adeuntes, vniuerſa, quæ per tot annos à Pandulfo mala pertulerant, fidelibus ei quarimonijs denuò retulerunt, orantes, ac ſupplicantes, vt tandem dignaretur venire, ac Beati Benedicti cœnobium, quod eatenus ſui antecellores ſub ſua tutela reuerenter nimis habuerant, de tanti tyranni manibus dignaretur eripere. Quorum Imperator quarimonijs, ac precibus, vt erat valde piſſimus, inclinatus, Romam concitus venit, vbi etiam innumerabilium aliorum, tam videlicet Eccleſiaſticorum, quam reliqui ordinis virorum, innumeras ſuper Pandulfo querelas accepit. Habito itaque cum magnatibus ſuis conſilio, Deumq. timentium virorum adhortatione commotus, ſtrenuos aliquot à latere ſuo Principi Capuam deſtinavit viros: mandans, vt niſi indignationem ſuam vellet protinus experiri, ante omnia Monafterio Caſſinenſi vniuerſa, quæ abſtulit bona reſtituat, captiuos cuiuſcumque ordinis, ſeu generis viros ſtatim dimittat, bona unicuique ſua ſine diminutione aliqua celeriter reddat. Legati igitur Imperatoris

Anno
1038.

ratoris Capuam adeunt, atque cum Pandulfo multis frustra sermonibus habitis, ad Imperatorem sine effectu aliquo reuertuntur; indurauerat enim cor eius Dominus, vt quondam indurauerat Pharaonis, vt quod spontaneus contempserat, inuitus facere cogeretur. Imperator autem cernens se à Pandulfo contemptum, ira succensus, sumpto exercitu venit Cassinum, cuius ministri, qui præmissi de more fuerant, ad apparatus regium exigendum, cum Monasterij curiam introissent, præfatus Todinus valde perterritus clāculo intra homines exijt, & festinanter Roccam properans aufugit, quod cum Fratribus sursum fuisset relatum, in medium se proripiens vnus ex prioribus Otto nomine. Tempus (inquit) Fratres tacendi pertransijt, & loquendi tempus aduenit. Ecce illuxit dies reparationis nostræ, descendamus igitur, & regijs ministris, quæ sunt necessaria coaptemus. Quo factō, honorifice satis, quantum ad illos, Imperator receptus, & hospitatus; die altero cum vxore pariter, & nuru sua, Beato Benedicto, ac Fratribus se commendaturus, ascendit ad Monasterium. Quem cum Fratres multa honorificentia gratulantissime suscepissent, post orationem illos allocuturus capitulum est ingressus. Quo resistente omnes simul monachi consurgentes ante eius se faciem prostrauerunt, surgentesq; . Ita vos (inquiunt omnes pariter) expectauimus, ita faciem vestram contemplari desiderauimus, ita denique vestrum præstolati aduentum sumus; vt iustorum animæ in inferno redemptoris aduentum præstolasse noscuntur. Ad hæc lacrymis Imperatore suffuso, omnes iterum in faciem corruunt, ac demum surgentes, quæ & quanta à Pandulfi reuersione, per duodecim circiter annos, mala perpeffi fuerint, ordine referunt, vtq; tantis calamitatibus finem dignetur imponere, per Deum, & per Beatum Benedictum obtestantes exposcunt. Tunc Imperator iureiurando affirmans, se ob eam præcipuè causam ad has partes transisse, seq; locum hunc ex toto corde suo honoraturum, ac protecturum quamdiù viueret deuotissime pollicens: iubet demum, vt duodecim ex eis ad se Capuam pergant, vbi quicquid super hoc negotio agendum sit, illorum consilio peragat, sicq; petita benedictione Capuam est

Ab anno
videlicet
1026. vsq;
ni præses.

est profectus, vt Beati Benedicti cœnobium de seruitute nequissimi Principis liberaret, ac deuotissime se illorum orationi commendans, posuit super altarium Beati Benedicti coopertorium purpureum valde pretiosum aureo friso ad mensuram palmi, in circuitu pulcherrimè adornatum.

Interea Pandulfus capuæ Augustū præstolare minime ausus, vna cum prædicto Abbate suo, in Roccam sanctæ Agathæ, quam summo studio, vndique communierat arrepta, fuga se contulit. Imperator verò Capuam in ipsis vigilijs sanctæ Penthecostes intrauit. Altera die ciuitatem egressus apud Capuam veterem tentoria figit. Adsunt & monachi rogantes, vt opere compleat, quæ promisit. Abbatem sibi ante omnia constitui postulantes: ad quos Imperator ex consilio, non est meum hoc, inquit, vos eligite vnum ex vestris. Respondentibus non se habere idoneum, neque esse congruum in tantis perturbationibus, in tanta domo, aliquem sine magno vigore, & potentia ordinari, & idcirco de suis magnum aliquem illis oportere præficere, Imperator in priori sententia perdurans, nequaquam, ait, sed de congregatione vestra sicut sancti Benedicti regula præcipit, idoneum vobis Abbatem eligite. Illi verò nihilominus in petitione pristina permanentes, Augustæ etiam suffragijs fulti, Richerium tandem, qui tunc Leodiensem Abbatiam, regebat, in Abbatem sibi dari expostulant. Super quo Imperator valde mæstificatus, erat enim sibi nimium charus, & in oïbus suis negotijs vtilissimus, quamuis primo negare satis institerit, victus demum monachorū, vel ratione, vel precibus, acquieuit: eumq; aduocatū, licet plurimum stentē, ac repugnantem in Abbatem eligendum Fratribus tradidit.

Pandulfus interea mandauit per necessarios, Imperatori veniam postulans, trecentas auri libras pollicens se daturum, si eius veniam cum gratia mereatur; cuius quidem auri medietatem ad præsens dare, pro medietate verò altera filiam, & nepotem obsides transmittere spondet. Annuuit Imperator, ille pecuniam delegat, & obsides. Quo facto, Pandulfum facti protinus penitet, & existimans se ciuitatem, recedente Augusto, facile posse recipere, reliquum auri mittere denegat. Imperator itaque consilio tam

cum

cum suis, quàm cum Capuanis magnatibus habito, Guaimario Salernitano Principi Capuani tradidit Principatus honorem. Rainulsum quoque ipsius Guaimarij suggestione de Comitatu Auerlano inuestiuit, Adenulfum etiam Capuanum Archiepiscopum, quem pessimus Pandulfus carceri mancipauerat sedi suæ restituit, eisq; Richerium Abbatem, vniuersamq; causam Monasterij nostri multum commendans, ut sua hunc vice tueri, & procurare deberent, Pandulfi secum obsides ferens, Beneuentum perrexit, indeque ultra montes post dies non plurimos per Marchias repedauit, atque post non integrum annum defunctus, Henrico filio reliquit Imperium.

Eodem tempore Guaimarius Normānis fauentibus Surrentum cepit, & fratri suo Guidoni contulit. Amalsim nihilominus dominatui suo subdidit.

Interea Pandulfus relicto in præfata Rocca, ad expugnandam quoquomodo posset Capuam, filio, ipse cum Basilio suo, Constantinopolim adiit ad Imperatorem causa adiutorij, siue pecuniæ. Cui Imperator non solum nil adiutorij contulit, verum etiam à nuntijs Guaimarij præmonitus, cum in exilium misit, ubi miser per duos, & eo amplius annos, usque ad mortem videlicet Imperatoris, remoratus, tandem relaxatus, ac sine effectu aliquo reuersus est.

A D N O T A T I O.

EA, quæ Leo de aduentu Imperatoris in Italiam, & de his, quæ circa Pandulfum Capuanum Principem acta fuisse commemorat: referuntur etiam à Desiderio Abbate Cassinensi lib. 1. Dial. Deinde paulo inferius refert de Pandulfi damnatione ea, quæ Leo retulit supra hoc eodem lib. cap. 60.

C A P V T L X V.

HI S diebus, cum à principio ferè Maij mensis usque ad quintum diem ante Kalendas Augusti, vix vel tenuiter pluuiæ imber arua rigasset, die qua diximus, rusticus quidam in vicinia Monasterij

stetij commanens, postquam segetes agelli sui, quem iuxta radicem montis habuerat, messuit, mox stipulis, quæ remanserant ignem supposuit: repente igitur flamma paulatim succrescens, non iam contenta tantummodo paleis, sed obuiantia quæq; & ipsam siluam deuorare perniciter cepit. Itaq; contiguus Monasterio ignis, non dubium illi imminenti incendio ostendebat exitium. Cum ecce superna omnipotentis misericordia, Benedicti Patris precibus inclinata, de supernis cælorum super hunc locum respexit, & exilem prorsus nubeculam in immensa aeris vastitate creatam cum largissima imbrium inundatione super totius Monasterij ambitum insperate produxit; cuius quidem fluentia, non modo voracis incendij flammæ restinuerunt, sed & vniuersi huius sancti loci circuitum abundanter, ac copiose rigauerunt. Mira omnipotentia creatoris, ut patenter ostenderet nubem illam ad solam huius loci venerabilis creasse liberationem, cum tota vtriusque cæli orbita serenitate continua rutilaret, ita se ad Monasterij mensuram eadem nubes cohibuit, ut quæq; adiacentia vbertim persunderet, finitima verò non attingeret. Rusticus itaque, qui tanti mali, licet ignarus, auctor extiterat, ut Monasterio ignem propinquare conspexit, amarissima lamentans, & poenitens, statim descendit, & sola conscientia torquente, ac pertrahente, sponte se carceri publico condemnauit. Quod Abbas, & Fratres altius, & religiosius perpendentes, & illum quidem illæsum abire siuerunt, & misericordiam Domino, pro tanti loci liberatione, gratias innumeras reddiderunt.

Eodem quoque tempore, dum piscatores huius Monasterij retia in mare, quo pisces ad refectiorem Fratrum caperent, misissent: Normannus quidam mente tumidus, ac inflatus superbia, furibundo spiritu superuenit, & ut sunt ad rapinam auidi, ad inuadenda aliena bona in explebilitate anxij, comprehensum vnum ex piscatoribus, vestimentum ei, quo erat indutus, abstraxit, sibiq; mox induit, deinde nauiculam ingressus, piscatorem cogere cepit, ut retia ex alto educeret, quatenus pisces, qui in ea inuenti essent, secum abstrahens deportaret. Cumq; piscator renneret, &
pisces

pisces ad Monachorum, non ad Normannorum refectio-
nem capere velle se diceret, valde cæsus ab eodem Nor-
manno in mare proiectus est. Cum verò isdem Normannus
piscium præda avidus, retia ex alto per semetipsum abstra-
heret; subito in mare ex nauicula cecidit, atque interclu-
sus ab æquore spiritum exhalauit. Sed mirabile dictu, ante
illum vnda mortuum proiecit in littore, quam piscator,
qui ab eo proiectus in aquas fuerat, viuis natando venire
potuisset.

A D N O T A T I O.

Petrus Da-
miani.
Deside-
rius Ab-
bas.

Primum miraculum relatum in hoc capite refertur e-
tiam à Petro Damiani, sermone habito in vigilia sancti
Benedicti: necnon à Desiderio Cassinensi Abbate lib. 2. Dia-
logorum, ubi asserit fuisse prius scriptum à venerabili Petro
Ostiensis Episcopo, in sermone quem in vigilijs Beati Patris
Benedicti legendum luculentissime composuit. Illud autem
de Normanno, & piscatoribus refertur etiam ab eodem De-
siderio lib. 1. Dialog.

CAPVT LXVI.

Electusan
no 1038.



RICHERIVS natione Bauarus tricesi-
mo quarto ordine Abbatiam huius loci
fortitus, sedit annis decem & septem,
mensibus sex. Huic Conradus Imperator
anno Domini millesimo trigesimo octa-
uo, quo Abbas ordinatus est, per preces
Gislae coniugis suæ, & Henrici filij, nec-
non & Cadeloi Episcopi, atque Cancellarij sui, apud Be-
neuentum præceptum aureo sigillo bullatum, iuxta morem
Priorum Augustorum, de vniuersis Monasterij pertinentijs
fecit. Sed & Benedictus Papa nonus priuilegium nihilomi-
nus illi secundum Romanorum Pontificum consuetudinem
scripsit. Eodem tempore Guaimarius Princeps fecit præ-
ceptum Beato Benedicto cum aurea bulla de vniuersis Mo-
nasterij pertinentijs, specialiter autem de sancto Urbano, &
Vicalbo,

Vicalbo, & decima parte totius ciuitatis Atinæ, de alueo quoque Carnello, qui fluit circa Insulam cognomento Limatam, centum videlicet passus super eandem Insulam, & centum inferius, cum ripis, & limitibus vtriusque partis. Alio etiam præcepto concessit in hoc Monasterio Ecclesiam sancti Nicolai apud Amalphim, cum vniuersis possessionibus suis; necnon & alij eiusdem ciuitatis nobiles Ecclesiam sanctæ Crucis, cum omnibus rebus suis huic Monasterio obtulerunt. Hoc tempore Nantarus quidam Sacerdos, & monachus de Venafro, obtulit in hoc Monasterio Ecclesiam sancti Nazarij, quam idem nuper à fundamentis construxerat in ipso colliculo de Peperuzzo super riuum decentesimo. In qua videlicet Ecclesia cum nonnullos Fratres ad Dei seruitium aggregasset, & codices aliquot, necnon & ornamenta Ecclesiastica, cum non paruis terrarum possessionibus inibi acquisitis, eorum omnium consensu, eandem Ecclesiam cum omnibus omnino pertinentijs eius huic cœnobio contulit. Hieroinus quoque ciuis Draconariensis, & Ioannes presbyter obtulerunt in hoc Monasterio Ecclesiam sancti Nicolai, sitam iuxta eandem ciuitatem, cum omnibus mobilibus sibi pertinentibus. Ioannes etiam Comes, qui cognominatus est Scinthus per chartam oblationis contulit Beato Benedicto Monasterium sancti Nicolai, quod situm est in pertinentia Pontiscurui, in pede montis, qui dicitur sancti Leucij, prope castellum Pico: necnon & aliam Ecclesiam sanctæ Mariæ, quæ non longe à prædicto Monasterio sita est, cum omnibus ex integro rebus, & possessionibus, ac pertinentijs earundem Ecclesiarum. Fecit etiam cum supradicto Abbate commutationem, confirmans in hoc loco Monasterium sancti Sabini, quod adiacet rupi præfati montis sancti Leuci, cum vniuersis pertinentijs de rebus ipsius: recipiens verò vnâ curtem in pertinentia Capuz, loco, qui vocatur Baniolum, quam videlicet currē ipsemet Ioannes antea in hoc Monasterio donauerat.

Hic Abbas fecit libellum Berardo Comiti Marforum de sancto Salvatore in Auezzano pro censu trecentorum piscium. Adelferius quoque Comes de Beneuentano Principatu, fecit Beato Benedicto chartam oblationis de

S

Mona-

Monasterio sancti Eustasij, quod nuncupatur de Pantassa, constructum prope castellum sancti Iuliani, cum quatuor Ecclesijs sibi subiectis, & cum vniuersis rebus, ac pertinentijs ipsius. Id ipsum fecerunt Ioannes, & Ademarius Comites de ciuitate Morona de Ecclesia sancti Angeli, sita intra eandem ciuitatem super ipsam portam maiorem. Sed & Petrus quidam Abbas de eadem ciuitate similiter fecit de Ecclesia sancti Ioannis, quæ est constructa in loco, qui dicitur Serra maior, cum alia Ecclesia sancti Barcholomæi, & cum omnibus earundem Ecclesiarum possessionibus. Ragenaldus quoque, & Leo Presbyteri Aquinensis ciuitatis, pari modo obrulerunt Beato Benedicto Ecclesiam sanctæ Barbaræ, & duas casas suas, cum omnibus rebus Ecclesiæ ipsius, quæ sita est prope prædictam ciuitatem, in loco, vbi dicitur Caput de ripa. Similiter & Stephanus presbyter eiusdem ciuitatis fecit de sancta Maria de Gualdo, loco, qui dicitur Vrsitruide. Lando etiam ipsius ciuitatis id ipsum fecit de Ecclesia sancti Stephani, quam ipsemet in proprio iure suo à fundamentis construxerat intra eandem ciuitatem, iuxta portam, quæ est prope ipsam fistulam. Idem fecit & Bonifacius Iudex eiusdem ciuitatis de Ecclesia sancti Nicolai de Insula, cum omnibus sibi pertinentibus in toto Comitatu Aquinensi. Pari etiam modo oblata est in hoc Monasterio Ecclesia Domini Saluatoris apud castrum, quod vocatur Vicalbum, cum omnibus pertinentibus sibi. Necnon & Ecclesia sancti Blasij in territorio Marficano, in monte, qui dicitur Sabuco, cum cæteris etiam pertinentijs suis.

CAPVT LXVII.



DE idem tempus Dux Moniacus ab Imperatore Cōstantinopolitano cum exercitu ad debellandos Saracenos in Siciliam transmissus, cum Apuliæ, atque Calabria milites in auxilium asecuisset, ad Guaimarium quoque Legatos direxit, exorans, vt Normannorum illi suffragium

gium mitteret. Qui eius precibus annuens Gulielmum, Draconem, & Hunifridum Tancredi filios, qui nouiter à Normannia venerant, cum trecentis alijs Normannis illi in auxilium misit. Cumq; maxima iam pars Sicilia recepta esset, & Syracusana ciuitas capta, à sene quodam præfato Duci mausoleum sanctæ virginis Lucie proditum, eiusq; sacrum corpus inde sublatum, & in argentea theca, cum omni reuerentia positum, Constantinopolim est transmissum. Sed post paululum in sua reuertentibus Græcis, atque Normannis, mox Saraceni cuncta, quæ amiserant receperunt. Præfato itaque Moniaco, eo quod ad Imperium aspirasset pessime trucidato, alius in Apuliam Catapanus, nomine Ducaliano, ab Imperatore transmittitur.

Huic Arduinus quidam Lombardus, de famulis scilicet sancti Ambrosij, aurum non modicum offerens, candidati ab illo honore donatus, & nonnullis Apulie ciuitatibus Prælatus est. Hic in superiori expeditione apud Siciliam, cum Saracenum quendam strauisset, eiusq; insignem equum victor cepisset; cumq; à supradicto Moniaco idem equus expetitus, & ab Arduino constanter illi negatus fuisset, cum vi tandem, atque dedecore equus illi sublatum est. Huius autem iniuriæ Arduinus ex tunc, aptum retributionis tempus patientia dolosa expectans, & tandem inuenisse se putans, omni conamine Græcis molitur insidias. Orationis igitur gratia Romam ire se simulans, Auersam venit, & Rainulfo Comiti causam suam aperiens, ad vniuersam Apuliam se duce facile acquirendam animum illius accendit; effeminatos prorsus, atque remissos asserens Græcos; terram opulentissimam, se iam, & numero multos, & armis insignes, angusti tamen vnius oppiduli penurijs, vsque ad id tempus, non sine iniuria sui contentos. Placet consilium, adhortatio comprobatur, & id protinus aggrediendum consilio vnanimi definitur. Mox idem Comes duodecim de suis Capitaneos eligit; & vt æqualiter inter se acquirenda cuncta diuiderent præcipit, Arduino de omnibus medietatem concedendam disponit, idq; ad inuicem sacramento firmato, trecentos numero milites eis adhibuit.

His ita dispositis, anno vtique Dominicæ natiuitatis mil;

S a lesimo

Anno
1041.

lesimo quadragesimoprimo, quo videlicet anno dies paschalis Sabbati ipso die festiuitatis sancti Benedicti venit, Arduino Duce Melphiam primitus, quæ caput, & ianua totius videtur Apuliæ, ad eunt, eoque interueniente, ac mediante, sine aliqua illam controuersia capiunt. Inde Venusiam, inde Asculum, inde Labellum viriliter occuparunt. Mittitur interea Constantinopolim de præsentis calamitate relatio, remittitur Ducaliano ad Normannorum exterminationem maximus Græcorum exercitus: tandem condito die, ac loco iuxta fluuium scilicet oliuentum conuenitur in pugnam: mandatum autem fuerat Græcis, vt Normannorum partem occiderent, partem Imperatori legandam, vinculis manciparent. Sed ò superbia Deo semper inuisa, ex omnibus, qui semel, & bis ad eos missi sunt nemo fere remansit. Dux cum paucis aufugiens euentum belli Imperatori rescribit.

Perturbatus Imperator iterum Ducaliano potiore de-
legat exercitum. Normanni interea, vt incolarum ad se
animos inclinarent, Adenulfum Beneuentani Principis fra-
trem sibi Ducem constituunt: rursusq; conuenientes in
prælium, Græcos euentu mirabili sternunt. Fluuium nam-
que, qui Aufidus dicitur, cum in ipso belli præcinctu, pene
siccum Græci transissent, ita Dei iudicio redundantem,
ripasq; transgredientem fugientes reperiunt, vt plures fue-
rint aquis absorpti, quam gladijs interempti. Normanni
Castris, & spolijs maximis Græcorum potiti ditescunt. De
hinc Imperator his auditis ira succensus, pulso Ducaliano,
Exaugustum nomine quendam vice illius cum Norman-
nis dirigit congressurum, Guaravorum illi, & aliorum
Barbarorum copiam socians. Cur pluribus? Iterum in pu-
gnam circa montem cui Piloso nomen est vtriusque concur-
ritur. Tandem ruentibus Guaranis, cadentibus Calabris,
fugientibus, qui euaserant Græcis, Exaugustus capitur,
Normanni victores, & alacres reuertuntur. De hinc habi-
to consilio, Græcorum Ducem Duci suo contradunt. Quo
ille accepto sperans se multis ab eo diuitijs locupletandum,
relictis Normannis Beneuentum reuersus est, eumq; non
parua pecunia vendidit. Normanni autem Argiro Meli su-
pradiæ


pradiſti filium ſibi præſcientes, cæteras Apuliæ ciuitates partim vi capiunt, partim ſibi tributarias faciunt.

Post hæc Gulielmo Tancredi filio Comitatus honorem tradentes, ad Guaimarium omnes conueniunt, eumq; pariter cum Rainulfo Auerſano Comite ad diuiſionem terræ, vel acquiſitæ, vel acquirendæ venire Melphim inuitant. Primo igitur eidem Rainulfo Domino ſuo Sipontinam ciuitatem, cum adiacente Gargano, necnon pertinentibus ſibi oppidis omnibus, honoris cauſa concedunt: de hinc cætera ad illorum placitum inter ſe diuidunt. Statuunt itaque Gulielmo Aſculum, Draconi Venuſiam, Arnolino Labelium, Hugoni Autaboni Monopolim, Petro Tranim, Gualterio Ciuitatem, Rodulfo Cannini, Triflano Montempiſoſum, Herueo Trigentum, Aſcilittino Acerentiam, Rodulfo ſanctum Archangelum, Rainfrido Monorbinum. Arduino autem iuxta quod iurauerant parte ſua contradiſta, Melphim primam illorum ſedem communiter poſſidere decernunt. Hoc itaque modo à Normannis acquiſita Apulia eſt.

Mortuo igitur Comite illorum Gulielmo, Frater illius Draco illi ſucceſſit, & iſto quoque occiſo, Hunfridus defunctorum frater Comes effectus eſt, arque poſt eum Robertus, qui, & Guiscardus dictus eſt: qui non ſola contentus Apulia, Calabriam quoque totam, & vniuerſam ſibi ſubiugauit Siciliam, ſicut inſequentibus oſtendemus.

Robertus
Guiscardus.

Apud Auerſam autem defuncto Rainulfo ſucceſſit ei Aſcilittinus, qui cognominatus eſt Comes iuuenis, de hinc Rodulſus cognomento Coppellus. Quo ab Auerſanis expulſo, Raidulſus Trindi Comes effectus eſt: & iſto quoque mortuo Richardum filium Aſcilittini (qui tunc apud Apuliam in Draconis militia conſiſtebat, cui etiam idem Draco ſuam ſororem coniunxerat) Auerſani ſibi Comitem ſtatuerunt. Et hic etiam qualiter Capuanum Principatum adeptus ſit, congruenti loco monſtrabitur. Iam nunc ad noſtri Abbatis ſeriem redeamus.



ONRADO igitur ab Italia recedente, non multo post Guaimarium Principem Abbas cum exercitu aduocat, & ad oppugnandam, seu recolligendam Roccam superius dictam, qua potest instantia properat. Quam cum per trium mensium spatium obsedissent, & Guaimarius tam priuatim, quam publice machinaretur. eandem Roccam, de Bantra Theanensibus Comitibus reddere: quidam de primoribus eiusdem arcis fideles nostri Monasterij hoc perscipientes, per Theunem tunc Præpositum cum Abbate paciscantur, ut si se una cum præfato Todino in sua vellet fide recipere, & sua tantum sibi, quæ ante Imperatoris aduentum, & Todinus in castello sancti Helix, & ipsi in oppido, quod Pinlatarium nuncupatur hereditatis iure possederant, reddere, Roccam illi sine aliqua mora contraderent. Libentissime id ab utrisque factum est, & in ipsis vigilijs assumptionis sanctæ Dei Genitricis Mariæ, ipsa Rocca de Bantra à nostris recepta est.

Interea cum, & Aquinenses Comites, & Comites de Sexto Pādulsi parti pro posse fauerent, Laidulfus Theanensis Comes Adenulfum, qui postea Dux Caietæ fuit, fratrem Eandonis Comitis Aquinensis, cum alijs non paucis apud Theanum captum, in Guaimarij Principis captionem tradidit. Vnde Aquinenses Comites vehementer irati, aggregato tam Normannorum, quam nostratium non paruo exercitu, super Theanum pergere disponebant, sed obistente illis Abbate, fluuium transire nequibant. Cumq; in Cassini campo per quindecim fere dies hac de causa hostiliter resedissent; in auxilium quoque Abbatis nonnulli milites apud sanctum Germanum commorarentur, ipso die calendarum Maiarum consilio habito, Ceruarium oppidum expugnatum iri aggressi, secum pariter Abbatem ire precati sunt; sed cum nihil ibi agere potuissent, ab inde reuertentes subito prædicti aduersarij conspiciunt, & vado fluminis, quod per tot dies inuenire nequiuierant, extemplo reperto,

perto, à loco, qui nunc pons ligneus appellatur, præcipi-
ter tranſeunt, Abbatem protinus capiunt, eiſq; ſocijs
partim captis, partim fugatis, nonnullos interimunt. Lan-
dulfus verò Theanenſis Comes. qui hora eadem in Abbatis
ſeruitium venerat, euentum rei conſpiciens, valde perter-
ritus, ita vt armatus erat, mox ad Monafterium aſcendit,
vt ſe in fide ſua reciperent, & Aquinenſibus Comitibus non
traderent precari, & obteſtari monachos cepit. Cumq; ni-
hil timere illi ſuaſum fuiſſet à Fratribus: mandant è veſti-
gio Aquinenſes ad Monafterium, vt ſi eundem Landulfum
eis contradere vellent, ipſi protinus Abbatem illis, cum
omni honore remitterent. Fratres autem ab Abbate com-
moniti, nullo vnquam pacto id ſe facturos renuntiant, po-
tius ſe omnem Monafterij ſubſtantiam daturus, potius vi-
tam propriam amiſſuros, quàm vt homo in fide ſuſceptus
ab eis proderetur, remandant. Ita demum Abbas Aquinum
perductus eſt, & die ſequenti oppidum ſancti Angeli ſpon-
tè ad Aquinenſes deſecit.

Post paucos dies vniuerſi Fratres, qui pedites incedere
poterant Aquinum pariter properantes, Abbatem ſibi re-
ſtitui lacrymantes expoſtulant, ſed fruſtra precibus ſiſis,
neque videndi, neque alloquendi, eis conceſſa licentia, ſine
aliquo effectu ad propria repedant. Non autem multo poſt
Guarmarius. quia non aliter potuit, Adenulfo prædicto cum
ſacramento fidelitatis ſux Fratribus reddito, Abbatem
monachis recollegit.

Post hæc illum ad ſe è veſtigio conuocans, monet, vt vl-
tra montes impiger vadat, omniq; rei veritate Imperato-
ri expoſita, vel illum ad has partes, ſi poteſt, ad ſui Mona-
ſterij liberationem perducatur, vel militum ab eo auxilium
inſtanter expoſcat. Alioquin, & Monafterium in proximo
deſtruendum, & principatum ſibi pariter amittendum
oſtendat. Præbitis igitur à Principe abundanter vniuerſis,
quæ illi erant in itinere neceſſarijs, duobus tantum Fratri-
bus, & aliquot ſeruiſſimis Abbas acceptis, marino itine-
re ad Romanum portum deuenit; vbi fracta nauis, & vniuer-
ſis (præter ſolos homines) quæ ferebat amiſſis, à quibus-
dam Romanorum nobilibus honorifice Romam deductus,

S 4 ibiq;

ibiq; aliquandiu remoratus est. Post hæc præfati nobiles equos illi, & quæq; itineris necessaria satis liberaliter concedentes, eumq; proficiscentem honorabiliter deducentes, arreptum iter pergere non segniter adhortati sunt. Illo itaque ultra montes profecto: gravis eodem anno Aquinenses vexare pestilentia cepit, & vno de Comitibus, Siconolfo nomine interempto, ad duo millia quingentos numero promiscui vulgi consumpsit. Prædicti igitur Adenulfus, & Lando defuncti Comitum fratres, diuinitus se percuti ob Abbatum iniuriam peruidentes: mox ad Monasterium ligatis collo restibus properantes, magnis se vocibus in tantum virum grauitèr deliquisse, & tam venerabilem locum nequiter paruipendisse confessi: præfatum sancti Angeli oppidum monachis refutarunt. Protinus ergo Fratres nuntium super hoc Abbati transmittunt, utq; reueri ad Monasterium debeat adhortantur. Qui cum reuersus, quingentibus se comitantibus ex Lombardia militibus esset: apud Patenariam cum Guaimario loquutus, è vestigio eiusdem consilio, gratia potioris exercitus ultra montes regressus est.


Per hos dies Basilus Pandulfi Abbas à Constantinopoli cum eo reuersus, iterum ad hoc Monasterium venit, & Aquinensium Comitum adminiculo fultus per dies aliquot Abbatia incubuit. Sed cum Normannorum exercitus à Guaimario contra Comites prædictos venisset: Basilus ingenti pauore perterritus, noctu per montana Aquinum transfugit, ibiq; aliquantisper est remoratus. Interea apud Salernum defuncto Præposito Monasterij sancti Benedicti huic Cassinensi cœnobio subditi: Guaimarius eundem Basilium accersiri fecit: ipsamq; illi cellam nostram regendam commisit.

C A P V T L X I X.

PO S T duos ferme annos, quod fuerat ultra montes profectus Richerius, iterum maiori satis exercitu congregato, redijt. Sed nec cum eis Normannos aggredi Guaimario placuit. Tandem itaq; vniuersos

fos Normannos , qui Terras Monasterij retinebant Abbati iurare fidelitatem faciens, exercitum omnem ad sua remissit: Abbas verò ad Monasterium redijt. Inter hæc cum supradicti oppidani sancti Angeli adhuc inquieti consisterent, & Aquinenses ad se recipiendos rursus sollicitarent: Abbas reminiscens qualiter olim suæ captionis tempore à se defecissent, congregatis Normannis, idem oppidum adiit: captisq; ac deprædatis cunctis eius primoribus, muros in circuitu à fundamentis evertit: sicq; demum, hætenus infidos, & inquietos, deinceps manere quietos coegit .

CAPVT LXX.



DORRO demum Normannis arcem, quæ nunc sancti Andreæ dicitur, in suum refugium ædificare aggressis, mandat Abbas ab incæpto desistere; sed nullam inde obedientiam, nullam illi reuerentiam, voluerunt habere. Cernens itaq; Abbas nullo se modo proficere, & Normannorum quotidie vires accrescere: decernit ultra montes ulterius huc non regressurus abire. Sed cum hoc illi à suis omnino dissuaderetur: potiusq; sumendum consilium, qualiter se de tam manifestis periculis suis, cum auxilio Patris Benedicti defenderet: Ecce nutu Dei non post multos dies Comes illorum Rodulfus nomine, non paucis se militibus comitantibus ad Abbatis curiam venit: eundem (ut tunc putatum est) Abbatem, seu capturus, seu occisurus: sed dolor, immo dolus, eius conuersus est in caput eius. Cum enim foris Ecclesiam iuxta consuetudinem armis depositis: eandem Ecclesiam cum omnibus pariter oraturus intrasset, repente Monasterij seruientes insimul omnes conueniunt, equos, & arma illorum capiunt, ianuas Ecclesiæ claudunt, & campanas omnes simul pulsare incipiunt. Quod subito audientes reliqui ciuitatis homines valde perterriti, diuersis vndique armati telis occurrunt, & reueratis Basilicæ portis ingressi, Normannos solis spatibus armatos inuadunt, eosq; nunc sese defendere nitentes: nunc fidem

dem Dei, quàm ipsi dudum paruipendentes infregerant, frustra fufis precibus implorantes: fugiētibus cæteris quindecim ex illis obtruncant, folum Comitem falua manu fuperuenientes monachi capientes, eumq; vix à tumultuaria manu eripientes: mox illum furfum apud Monafterium trudendum in custodiam mandant. Quo facto vniuerfam protinus Terram in circuitu peragrantes, ac fubita formidine captos homines aggredientes, præter caftellum fancti Victoris, & prædictam arcem fancti Andree, vniuerfa ferè eodie, Domino auxiliante, recipiunt. Deinde nihil morandum rati, Comites Marforum, & filios Borrelli, cæterosq; Monafterij fideles in auxilium aduocant, & prædicto fancti Victoris oppido poft paucos dies recepto, ad Roccam fancti Andree, in qua & vxor prædicti Comitidis, & Normanni cæteri fe contulerant, obfidendam, expugnandamq; proficifcuntur. Cumq; per dies fermè quindecim refediffent, & tam loci munitione, quàm commanentium repugnantia præualere minimè poiffent: Stomachati tandem Fratres, qui aderant aduerfus obfidentes, iam quafi nona hora diei: Quid, inquiunt, moras in dies teritis, & nihil omninò agentes frustra tempus consumitis? Infurgite tandem, & omnes vnanimiter aggredimini, nihilq; trepidetis, contra inimicos fiquidem Dei, contra periuros noftros, contra latrunculos denique non plurimos nobis pugna eft. Aderit Deus, & Pater fanctiffimus Benedictus, qui & aduerfarijs noftreis, fidei, ac periurij reis, dignam confufionem, & victoriam nobis de iuftitia præfumentibus afferat.

Hac adhortatione vehementer accenfi omnes, mox arma corripunt, omniq; conamine ab intus aduerfarijs refiftentibus lapidibus, telis, atq; miffilibus arcem ad oriuntur. Mira dicturus fum, fed absque vlla prorfus cunctatione veriffima. Deniq; cum ex vtraq; parte viritim lapides, ac iacula mitterentur: Normannorum tela, feu qualibet miffilia deintus venientia noftreis permixta, veluti à vento quodam valido introrfum reducta, in eos, qui ea mittebant retorqueri, & plurimos fauciare ceperunt. Quod Normanni cernentes, & voluntati Dei contraire vltèrius non valentes, arcem protinus reddunt, fe feq; monachorum manibus tradunt: à quibus

bus vix deſenſati, inermes ad ſocios Auerſam auſugiunt: equi eorum, arma, atque pecunia hoſtibus vniuerſa permiſſa: ſtatuentibus deinde Auerſanis ſociorum iniurias vindicare, Guaimarius obſtitit: ſicq; Beati Benediſti ope, & meritis, ſuo iuri Terra hæc ex integro reſtituta, ex tunc & deinceps à Normannorum infeſtatione Dei miſeratione quieſcit. Acta ſunt autem hæc de Normannorum expulſione, Anno Domini milleſimo quadrageſimo quinto.

Anno
1045.

CAPVT LX XI.



DENIQUE, vt hæc omnia Benediſti Patris voluntate, & auxilio geſta crederentur: nocte ipſa, quæ diem illam præceſſerat, cum quidam ruſticus de caſtello Ceruario nomine Hieronymus in domo ſua, quieſceret, videbat in ſomnis ſe per viam quæ à caſtro Mortula ducit, redire. Cum ecce ſubito quidam Monachus reuerendi admodum habitus, quaſi feſſus itinere, virgam manu gerens, illi in via coniunctus eſt. Cumq; pariter incedendo ad biuium perueniſſent, vnde ad villam ſancti Andree diuertitur: rogat ſocium Monachus, vt pro labore itineris parum quieſcat. Quibus reſidentibus, vnde tam laſſus veniret, monachum ruſticus percunctatur. Ego, inquit, iam diu eſt, quod in monte illo Caſſini Monafterium conſtruens, cum Fratribus habitavi: ſed cum valde mihi ingrati exiſterent, iam illorum moleſtias ferre non valens, reſceſſi ab eis, & Ieroſolymam abi: ibiq; iam per quadraginta, & amplius annos cum Beato ſum Stephano remoratus. Nunc autem frequentibus eorum nuntiis, ac precibus euocatus redij; & ſiquidem deinceps mores correxerint, ibidem cum illis habeo commorari: ſed autem, conſeſtim via, qua veni regrediar. Perquiſitus de nomine, quod Frater Benediſtus appellaretur reſpondit, & iterum ſurgentes viam incipiunt. Cumq; viam illam, qua ad ſanctum Andream pergitur monachus fuiſſet ingreſſus; & quo tenderet fuiſſet à ruſtico perconſtat. Hac, inquit, vado, quoniam in Arce hæc proxima mihi aliquid eſt agendum.

Notèthoc
Caſſinèſes
Monachi.

dum. Experreus rusticus retulit Domino suo Mainardo Archipresbytero, quod viderat somnium; & die sequenti Atx eadem, ordine supra scripto, recepta est. Hodieq; super sunt aliqui eiusdem Arcis incolæ, qui asserunt, in ipso graui vtriusque partis conflictu, vidisse se quendam monachum viriliter contra Normannos pugnantem, suosq; enixius confortantem: cum nemo, qui tunc aderant monachorum se illi pugnae miscuerit. Item ante non multos dies cuidam alio rustico visum per visum est, quod Pater Benedictus virga, quam manu gestabar, vniuersos Normannos, huius dumtaxat Terræ incolas, insequendo ante se ageret, eosq; seuerissimè verberans, cum maxîma ignominia de hac Terra procul eliminaret: nullo sibi, vel ad modicum resistente.

A D N O T A T I O.

DEsiderius lib. 2. Dialogor. non longe à fine, de hac eadem materia agens, ita scribit. Dum præcessoris nostri Athenulfi tempore, prædia huius Monasterij ab Aquinensi Comite infestarentur, & neque Monachorum precibus, neque reuerentia Almi Patris Benedicti, qui fundator, & edificator huius cœnobij extiterat, animus eius emollesceret, ut ab huius loci lesione se aliquo modo temperaret: prædictus Abbas necessitate compulsus, postquam vidit ferocem animum viri nullo modo mitigari posse, aliquot ex Normanis, qui tunc temporis conductu nostrorum Principum Italiam aduentabant, in possessionibus huius Monasterij, quatenus eas à prædicto Comite per eos tueretur, induxit. Qui postquam & domos ad manendum, & stipendia, quibus sustentarentur abundè percipere: ceperunt quæq; Monasterij pertinentia, more strenuorum militum, inimicis longe repulsi, circumcirca nobiliter, fideliterq; defendere. Igitur cum prædictus Abbas, & qui ei in regimine secundo gradu successerat, superuixere, conducti milites satis honeste in eorum fidelitate manserunt: postquam verò ipsis hac vita subtraclis, fortuna nostrorum Principum mutata, aliquantulum vacillare cepit: Normannica coher, quæ ob nostram defensionem admissa fuerat, nobis infida, atque aduersa paulatim

latim esse cepit, qua quotidie ad nostram perniciem, ut can-
cer serpens, modo hac modo illa nobis auferens, ad domina-
tionem sui iuris, sacrilega ducti cupiditate, deuoluunt. Vn-
de factum est, ut ex tanta, tamq. ampla possessione, nihil a-
liud ad nostri commodi usum, præter ciuitatem, quæ ad ra-
dicem Cassini montis sita est, cum quatuor, vel quinque vil-
larum fundis, remanserit: qui etiam (sicut barbarica aua-
ritia nescit tenere modum) quotidie ab eis oppressi, illis opes
auferentes, nobis miseriam, atque inopiam tribuebant.

Ciuitas s.
Germani.

Cum igitur per aliquanti spatium temporis sine ulla ani-
mi pietate id incessanter agerent. Et misericors, ac pius Deus
seruis suis fame, atque inopia laborantibus, sua benignitate
subuenire decreuisset. Beatissimus Pater Benedictus cuidam
rustico in agello cuiusdam nostre villulæ commoranti per vi-
sionem apparuit, ei q. ut egrediens se sequeretur iussit. Cum-
que idem rusticus ad eandem visionem animum intenderet
visum est ei, quod Beatus Benedictus cunctos Normannos,
qui eius bona inuaserant, virga quam manu gestabat, poten-
ti virtute à sinibus huius Terræ expelleret, eosq. vacuos re-
bus, oneratosq. ignominia à sui hereditate Monasterij elimi-
naret. Eodem itaque anno præfata cohors Normannica
amplius, quam solebat per audaciam insolens, ad nostram
calamitatem, arcem, quæ sancti Andrea nuncupatur, ut se-
curius nobis sublata retinere posset, occupauit: quæ utique
res illorum animum ad dominationem, nostrum ad despera-
tionem adduxit. Postquam ergo Arce potiti sunt, quadam
die in unum conglobati magni cum superbia in præfatam
Cassini (idest sancti Germani) Ciuitatem venientes, intraue-
runt: ibiq. nutu Dei à populo ciuitatis oppressi, aliquanti
eorum, vel occisi, vel capti sunt: ceteri autem, qui reman-
serunt in munitionem prædictæ Arcis fugientes se contule-
runt.

Igitur habitatores huius Terræ omnes unanimiter facto
grege, vicinis undique auxiliantibus, ad obsidionem eiusdem
arcis animum intendunt. (Mira dicturus sum) obsidione
facta, cum dura iacula ex utraque parte acriter impulsa,
mitterentur, Normannorum pila, velut à ventorum flami-
ne retorta, eos à quibus missa fuerant, sauciabant. Quid mul-
tis.

vis opus est eum se à semetipsis ita impugnari conspicerent, & iam amplius resistere minimè valerent: cernentes sibi durum esse contra stimulum calcitrare (& quod contra se diuinam dexteram dimicare cognoscerent) facta deditione in manibus Abbatis, & Monachorum se tradunt: à quibus vix defensi, ad socios, qui in Auersano oppido commorabantur remissi sunt. Sicq; factum est, ut ab eo tempore, Beati Benedicti meritis, hæc in qua degimus terra, ab eorum infestatione illæsa permaneant, atque sub ipsius sancti tutamine, secunda persistat.

CAPVT LXXII.



MO tempore quidam viri nobiles de Asculo, idest Rolandus, & Tato, & Todericus, & alter Rolandus, obtulerunt Beato Benedicto de causa iuris sui duo castella, quorum vnum dicitur Decinlanum, aliud Tribilianum, cum Ecclesijs, & vniuersis omnino pertinentijs, ac possessionibus prædictorum castellorum: necnon & totam portionem suam de castello, qui vocatur Cabino, & alias per diuersa loca possessiones multas, quæ est terra modiorum circiter duo millia. Hic Abbas fecit libellum Raynerio Comiti de Larino de omnibus Ecclesijs, & rebus huius Monasterij, quæ erant in eodem Comitatu, & in pertinentia Thermulensi, pro censu annuo centum bizantium. Eodem tempore Corbo quidam Aprutienfis obtulit Monasterio Beati Benedicti, quod situm est in eodem Comitatu, iuxta fluuium Trontum, & huic cænobio subiacet, totam portionem suam de castello Fani, & de monte Donelli, cum omnibus omnino rebus, ac pertinentijs earundem portionum, quæ sunt modia terrarum tria millia; similiter etiam fecit quidam Todericus Asculanus de integra portione iuris sui de duobus castellis, idest Pomonte, & Atauo, terra videlicet modiorum quatuor millium.

Anno
1046.

Guaimarius post hæc, cum iam ferme annus elaberetur, una cū Dracone Normānorum Comite, & cum multis alijs Capitaneis

Capitaneis ad hoc Monasterium venit, & eorū supplici valde rogatu, ut prædictus Comes Rodulfus absolueretur, vix tandem impetratum est: sacramento ab eodem prius exacto, ne vnquam vltius de aliqua huius Monasterij pertinentia conquirenda se intromitteret, ne ve Abbati, vel alicui ex parte huius cœnobij talionem pro huiusmodi facto, seu meritum aliquando retribueret: sicq. tandem libertati redditus, & mille tarenis, qui ea die à prædictis Capitaneis oblari fuerant ab Abbate donatus, ita ad focerum est Auerfam reuersus.

CAPVT LXXIII.

AB BAS autem iam dudum suspectam habens Normannorum nequitiam, singula Monasterij castella muris in gyro muniuit, ibiq. rusticos, qui hætenus in villis habitauerant manere constituit. Tunc etiam & oppidum sancti Angeli, quod ipse dudum destruxerat, muris amplioribus cinxit. Iuxtaq. illum pontem optimum super Lyrin fluium fecit.

CAPVT LXXIV.

PRAETEREA Caietani ob inuidiam Guaimarij, Adenulfum supradictū Aquini Comitem euocant, sibiq. illum in Ducem præficiunt. Quo audito Guaimarius mox illuc exercitum destinat. sed his impiger obuians Adenulfus, cum primo impetu aliquantos illorum fudisset, ipse protinus captus est, atque Guaimario deportatus.

Pandulfus demum expulsos hinc Normannos accersit, eisq. vniuersam huius Monasterij Terram, de qua proleati fuerant, facile se restitutum promittit, si ei contra Guaimarium ferre auxilium vellent. Quibus id libentissime pollicentibus: mox adunato tam illorum, quam sociorum non paruo exercitu Terram istam ingressus, ad primum oppidum

dum sancti Petri in fine tentoria figit: futurum, vt nisi Deus impediret, cunctam ex integro Terram peruaderet. Iterum igitur fuga, iterum tribulatio, & pavor ingens, adeo totam Terram inuadit, vt aliquantorum fidelium domus sursum iuxta Monasterium ad eius defensionem tunc fuerint ordinatæ; & quia iam nullum ab homine sperabant auxilium, mandat Fratribus Abbas, vt opem super hoc diuinam expeterent, & discalciatis pedibus cum litanijs per omnes montis Ecclesias pergerent.

Cognitis his Adenulfus mandat Guaimario, vt si se mittere vellet, ipse protinus Pandulfi incepta destrueret, sibiq; fidelitatem perpetuam, & Monasterio Beati Benedicti omnimodam defensionem iurare inuiolabiliter spondet. Nam, quia sororem Theanensium Comitum, quam idem Pandulfus in captione habebat pro absolutione Adenulfi reddere noluerat: propterea contra illum, valde, & merito commotus erat, se pro fœmina relictum non esse nimium conquerens. Factum est, & dimissus Adenulfus pacto, quo idem statuerat, ad Abbatem protinus venit, rem omnem aperuit. Mane cum maxima læticia cunctorum ad Monasterium ascendit, ac super altare Beati Benedicti aureum calicem Imperatoris, & pluuiale diasprum, quæ à prædicto Pandulfo iam dudum in pignus acceperat, deuotus reposuit. Ibi eum Abbas, & equo optimo, & armis præcipuis, cum insigne pulcherrimo donans, Monasterij defensorem illum constituit. Mandat protinus Pandulfo se esse reuersum, defensorem se Monasterio datum, quam citius potest de Monasterij finibus exeat, nisi forte velit, vt ipse turpiter illum expellat. Nullatenus id credente Pandulfo, intrabiduum Adenulfus, tam ex propinquis, quàm ex amicis exercitum non modicum aggregat, & congressurus die altera cum Pandulfo in campo, qui ad Porticellas vocatur, tentoria locat. Quo viso Pandulfus statim confusus recessit: Adenulfus verò cum pace ad Caietanum Ducatum, quem Guaimarius illi firmauerat, redijt.

CAPVT LXXV.



OST hæc ſupradictus expulſorum Comes Rodulfus, ſicut eſt genus infidum, & auaritiæ in explebilis: obliſo, immo paruipenſo ſacramento, quod fecerat, cum quibuſdam ſuæ nequitie ſocijs, ſtatuit in Terram iſtam prædatum venire. Cumq; hoc apud illos firmiter decretum fuiſſet; deq; hoc conſilio certus nūtijs, vt caueret, ad Abbatem veniſſet, die illo, quo id ſe facturum ſtatuerat, mane ſubita morte necatus, repertus eſt. Quo facto tam ingens terror reliquos Normannos peruaſit, vt vltorius neque inuaſionis, neque prædationis gratia, in hanc Terram venire præſumerent. Denique ad manifeſtam huius ſancti loci vindictam, centum, & quinquaginta eiufdem Comitſ Normanni milites, intra ipſum fermè biennium, diuerſis in locis, diuerſa morte conſumpti ſunt.

CAPVT LXXVI.



VIDAM poſt hæc propinquo ſuo nomine Ardemanno, quem in Rocca, quæ Vandra dicitur Abbas ad cuſtodendum poſuerat, Theanenſes Comites, & munera maxima, & ſororem ſuam daturus ſe in coniugium, ſi Roccam eandem illis traderet, inſtantius pollicentur: callidus ille cuncta promittit. Nocte condicta venientes, eos clam intromittere ſpondet. Cumq; ad locum, & horam diſpoſitam ventum fuiſſet, Laidulfum vnum ex eiſdem Comitibus, cum aliquot militibus intromittens, portas ſubito claudit, vniuerſosq; illos pariter in vincula conijcit, cæteri verò repulſi, ad ſua ſunt cum digna confuſione reuerſi. Poſtmodum verò rogatus à Guaimario Abbas per Guidonem fratrem ſuum, & Comitem Rainulfum, & Leonem de Manſo illuſtrem virum, quos pariter ad eum miſerat, vt Comitum fratribus redderet: nequaquam congruum ducens tantorum virorum ſpernendas preces,

T

accepto

accepto à prædicti Comitis fratribus sacramento, ac refutatione, cum obligatione centum librarum auri, fecit quod fuerat postulatus. Quam rem prædictus Ardemannus indignissime ferens, seq; in eadem Rocca protinus rebellans, Normannis eam tradere minabatur. Abbas verò nequaquam moratus, congregatis aliquot milicibus ad Roccam accessit, eundemq; Ardemannum ad colloquium suum descendere, multis precibus, ac pollicitationibus vix aliquando tandem obtinuit: sed cum magnis rationibus, maximisq; blanditijs illi satisfacere, & eum placere nullatenus posset: cernentes hoc, qui cum Abbate erant milites eum protinus capiunt, & nisi Roccam illis quantocius reddat, mortem illi præsentem minantur. Cumq; vir pessimus, nec sic acquiesceret, seq; malle necari, quàm Roccam reddere testaretur, eundem mox super crates ligneas alligantes, ad expugnandam Roccam vnanimiter armis instructi, accedunt: cum nequam ille diabolo plenus suis. vociferando clamaret, vt prius ipsum opprimerent quam Roccam alicui redderent. Illi autem, qui in arce erant ab Abbate commoniti, pariter & exterriti, mox portas aperiunt, & Abbatis prostrati pedibus indulgentiam postulantes, Roccam illi sine mora restitunt.

CAPVT LXXVII.



MIVS Abbatis tempore sanctæ memoriæ Stephanus Hungariæ Rex, qui gente sua ad Christi fidem conuersa, multis post mortem virtutibus claruit, auream cruce, valde pulchram sancto Patri Benedicto direxit, multis Abbatem efflagitans precibus, vt de Fratribus loci huius aliquot sibi ad Monasterium in illis partibus ordinandum mittere non differret. Ad quem cum Abbas nequaquam negligens, duos de Prioribus huius Monasterij Fratribus transmisisset, iam eo defuncto Salomon filius eius, qui in Regno illi successerat honorificè nimis eos recepit, & quinque plunialibus optimis, cum alijs non paucis donis illos remunerans, ad Abbatem remisit.

C. A.

CAPVT LXXVIII.



P V D Romam præterea cum Papa Benedi-
ctus per annos duodecim Romanam
cathedram sedisset, à Romanis expulsus
est, & Ioannes Sabinensis Episcopus, cui
positum est nomen Silvester, non tamen
gratis, in Romanum Pontificem subro-
gatus. Qui cum trium ibi mensum præ-
fuisset, expulsus Benedictus, propinquis suis Tusculanis
Proceribus adnitentibus, Silvestro repulso, Romanam se-
dem iterum occupauit. Nec multo post inuisum se cunctis
aspiciens, cuidam Archipresbytero Ioāni nomine, qui quasi
religiosior habebatur, Papatū tradidit: ipse libere deinceps
cupiditates suas exerciturus in paternam domum recessit.

Iam duobus annis, & mensibus octo prædictus Archi-
presbyter, cui Gregorij nomen in Papatum est inditum, ,
Apostolicæ sedi præfederat: cum Henricus Imperator
Conradi filius, tot de Romana, & Apostolica sede perturba-
tionibus auditis, cœlitus inspiratus, anno Domini millesi-
mo quadragesimoseptimo Italiam ingrediens Romam ac-
celerat. Qui de tanta hæresi sedem Apostolicam desiderans
expurgare, Sutri restitit, & super tanto negotio delibera-
turus vniuersale ibi Episcoporum Concilium fieri procu-
rauit. Misit ergo, & magna inibi Episcoporum, seu Abba-
tum, ac religiosorum virorum multitudine congregata,
Romanum quoque Pontificem, qui eidem consilio præside-
ret decenter inuitat. Quid multa? consilio habito Synodi-
cis, Canonicisq; sententijs conuictus Gregorius Simonia-
cus, sponte suâ e sede desiliens Pōtificalibus se infulis exuit,
& terræ prostratus inuasi honoris indulgentiam sibi conce-
di humiliter petit. Quo facto Imperator valde lætificatus,
cum omnibus eiusdem Concilij Episcopis Romam venit, &
in Ecclesia Beati Petri Apostoli congregato Clero, Popu-
loq; Romano, primo quid Sutri actum fuisset exposuit: de
hinc tractare cepit de ordinatione ipsius Romanæ Eccle-
siæ. Facta itaq; discussione in eadem Ecclesia dignus quis-
nam inueniretur tanto Sacerdotio fungi, cum nullus (heu

Romana
Ecclesia
laborat.

Grego-
rius VI.

Anno
1047.

Cōcilium
Sutrinum.

Greg. VI.
Pontifica-
tum depo-
nit.

T a prob

Clemētis
II. electio.

proh dolor) reperiretur, demum electione cunctorum. Episcopus Bambergensis, de gente Saxonum, Papa Romanus leuatur, ei. Clemens nomen imponitur. Tunc temporis ob huiusmodi res tam prospere, tamq. canonice gestis, eidem Henrico patritiatus honorem Romani contribuunt, eumq., præter Imperialem coronam, aureo circulo uti decernunt.

A D N O T A T I O.

EA, quæ hoc loco strictim refert Auctor, fusius prosequitur Desiderius Cassinensis Abbas initio lib. 3. Dialogorum in hunc, qui sequitur modum.

Expletis duobus, Christi gratia comitante, libellis: quos de mirabilibus Dei, vel in hoc cœnobio, vel in sibi subditis cellis, ipso largiente patris, descripsimus, ad narrationem tertij, concedente Domino veniamus. Et quia cetera, quæ extra huius Monasterij claustra facta sunt, quæq. visu, vel auditu percepimus, in alijs duobus libellis adhuc exaranda remanent, opere pretium mihi videtur, ab ipso capite Ecclesie exordium sumere, sicq. postea seriatim stylo prosequente, ad singula membra venire.

Simonia-
ca labes.

Dum igitur negligentia Sacerdotum, maximeq. Romanorum Pontificum, Italia à recto religionis tramite paulatim deuians labefactaretur: in tantum mala consuetudo adoleuit, ut sacra legis auctoritate postposita, diuina, humanaq. omnia miscerentur: adeo ut populus electionem, & Sacerdotes consecrationem, donumq. sancti Spiritus, quod gratis accipere, & dare, diuina auctoritate statutum fuerat, data acceptaq. per manus pecunia, ducti auaritia venderent: ita ut vix aliquanti inuenirentur, qui non huius simoniaca pestis contagione sœdati, mundi coram Deo, præcepta Dominica obseruantes, existerent. Itaq. cum vulgus clericorum per viam effrenate licentia, nemine prohibente, graderetur: ceperunt ipsi Presbyteri, ac Diacones (qui tradita sibi sacramenta Dominica mundo corde, castoq. corpore tractare debebant) laicorum more uxores ducere, susceptosq. filios heredes testamento relinquere: nonnulli etiam Episcoporum,

verecun-

De recundia omni contempta, cum uxoris domo simul in una habitare; & hec pessima, & exacranda consuetudo intra Urbem maxime pullulabat, unde olim religionis norma ab ipso Apostolo Petro, eiusq. successoribus, ubiq. diffusa processerat. Igitur dum per aliquot annos nonnulli solo nomine Pontificum cathedram obtinerent: Benedictus quidam nomine, non tamen opere, cuiusdam Alberici Consulis filius (Magi potius Simonis, quam Simonis Petri vestigia sectatus) non parua a patre in populum profligata pecunia, summum sibi Sacerdotium vendicauit: cuius quidem post adeptum Sacerdotium vita, quam turpis, quam se da, quamque execranda extiterit horresco referre; ea potius, qualiter omnipotens Deus in faciem Ecclesia sua sit dignatus respicere, exordia enarrabo.

Benedict.
Nonus.

Denique cum rapinas cedes, aliaq. nefanda in Romanum populum aliquanta per tempora sine vlla dilatione ageret: congregati in unum populi (quia eius nequitiam amplius ferre nequibant) eum a Pontificatus cathedra exturbantes, urbe pellunt, alterumq. in locum eius, Ioannem videlicet Sabinensem Episcopum (non tamen vacua manu) canonica paruipendentes decreta, substituunt. Qui tribus non amplius mensibus Romana vsus est cathedre successionem, Benedicto undiq. suis cum propinquis infestante urbem, quia ex consulibus terre ortus erat, & in eis maxima virtus, urbe cum dedecore pulsus, suum ad Episcopatum reuersus est. Benedictus igitur, quod amiserat Sacerdotium recepit, priusinos vero mores minime mutauit. secundum quod scriptum est. Adolescens iuxta viam suam, etiam cum senuerit, non recedet ab ea. Et quia durum est in corde veteri noua meditari, in eisdem prauis, & peruersis operibus, ut antea, perseuerabat. Cumq. se a Clero simul & Populo propter nequitias suas contemni conspiceret, & fama suorum facinorum omnium aures impleri cerneret: tandem reperto consilio (quia voluptati deditus, ut Epicurus magis, quam ut Pontifex viuere volebat) cuidam Ioanni Archipresbytero, qui tunc in Urbe religiosior ceteris clericis videbatur (non parua ab eo accepta pecunia) summum Sacerdotium relinquens, tradidit: ipse vero in proprijs se castellis recipiens, urbe cessit. In-

Prou. 22.
vers.

T 3 terea

Gregor. VI. *terea Ioannes, cui Gregorius nomen inditum est, cum duobus annis, & octo mensibus Sacerdotium administrasset: Henricus Rex, qui tunc Germania, Pannonia, & Italię imperabat, ad suscipiendam de manu Romani Pontificis imperialem coronam, quatenus deinceps Augustus appellari posset, Italiam ingressus, Romanam adiit urbem. Sed antequam urbem ingrederetur, plurimorum Episcoporum, necnon Abbatum, clericorum quoque, ac religiosorum monachorum in Sutrina urbe concilio congregato, Ioannem, qui Gregorius dictus est, missis ad eum Episcopis, ut de Ecclesiasticis negotijs, maximeq. de Romana Ecclesia, quę tres simul tunc Pontifices habere videbatur, ipso presidente tractaretur, venire rogauit. Sed hæc de industria agebantur: iam enim dudum regio animo infederat, ut tres illos, qui iniuste Apostolicam sedem inuaserant, cum consilio, & auctoritate totius concilij iuste depellere, & unus, qui iuxta sanctorum statuta Patrum, Dominico gregi sollicitè præesset, clero, & populo eligente, ordinaretur. Prædictus itaq. Pontifex exoratus à Rege, ceterisq. Pontificibus, Sutrium (ubi Synodus congregata erat, alleclus spe. quod alijs duobus depositis, sibi soli Pontificatus confirmaretur) gratanter perrexit. Sed postquam eo ventum est, & res agitari, ac discuti à Synodo cepta est, agnoscens se non posse iuste honorem tanti Sacerdotij administrare, ex pontificali sella exiliens, ac semetipsum pontificalia indumenta exuens, postulata venia, summi Sacerdotij dignitatem deposuit.*

Gregor.
Pontifica-
tum depo-
nit.

Clemens
II.


Damasus
II.

Post hæc Rex urbem ingressus, congregato in Ecclesia Beati Petri Apostoli Romano clero, & populo, una cum Episcopis, qui in prædictam conuenerant Synodum, communi consilio Clementem Bambergensem Episcopum elegerunt (quia in Romana Ecclesia non erat tunc talis reperta persona, quę digne posset ad tanti honorem sufficere Sacerdotij) eumq. in Apostolica sede ad regendum Dominicum gregem in thronizantes, constituunt. Quo non amplius nouem mensibus Sacerdotio functo, ex hac vita decedente, Damasus ex Germania ortus fultus auctoritate regia, eidem succedens, Sacerdotium est adeptus: qui non amplius quā viginti & tribus diebus sacerdotio administrato, diem clausit extremum.

Huic.

Huic successit Leo, de quo nobis est sermo prae manibus, vir Leo IX. per omnia Apostolicus, regali genere ortus, sapientia praeditus, religione conspicuus, omniq. doctrina Ecclesiastica apprime eruditus, ac qui (quemadmodum scriptum est) cepit inuocare nomen Domini: quemq. etiam vidi, cuiusq. familiaritatem habere merui, saepe etiam eo in Ecclesia missas celebrante, cum illo ad diuinum altare sacris indutus vestibus sedit, eiq. Euangelium legi. A quo omnia Ecclesiastica studia renouata, ac restaurata, nouaq. lux mundo visa est exoriri. Hic saepe sacerdotale concilium aduocans, Sacerdotes, Diacones, & reliquos clericos non regulariter ordinatos, remouit, & in eorum locis, ad veri, & summi Dei culturam, qui digne ministrare possent, constituit. Quotidie quoque per se, suosq. discipulos, ubiq. missos, populis viam Domini litteris, & verbis praedicans, ostendebat. Qui per Apostolicam viam semper gradiens, Apostolicos etiam viros in miraculis est imitatus. De quo quidem plura audire me contigit, sed multis occupatus negotijs, singula quaq. discurrere non valens, pauca referre de pluribus satagam, ut per haec quanti vir iste meriti fuerit, quicumque in posterum legerit agnoscat. Haec Etenus Desiderius.

CAPVT LXXIX.




POST hanc sumpto exercitu Imperator ad hoc Monasterium venit, & cum omni honore receptus à Fratribus, planetam purpuream optimam auro, ac gemmis ornata super altare cum altero pallio optimo posuit: in capitulo verò auri libras aliquot Fratribus obtulit, seq; illis deuotissime commendans, Capuam adiit: Ibi Guaimario renuntiante Capuam, quam per nouem iam annos tenuerat, Pandulfo illam priori Principi simul cum filio, multo ab illis auro suscepto, restituit. Dracone Apuliae, & Rainulfo Auersae Comitibus ad se conuenientibus, & equos illi plurimos, & pecuniam maximam offerentibus, vniuersam, quam tunc tenebant, terram, imperiali inuestitura firmavit.

Henricus
Cassinum
venit.

T 4 uit.

uit. Ibi etiam præceptum aurea bulla signatum Abbati Richerio iuxta imperialem consuetudinem fecit. Inde Beneuentum contendens, cum nolissent eum ciues recipere, tam ob suam, quàm ob patris iniuriam, totam ciuitatem à Romano Pontifice, qui cum illo tunc erat excommunicari fecit, cunctamq; Beneuentanam Terram Normannis auctoritate sua confirmans, vltra montes exinde est reuersus, Gregorium secum portans.

CAPVT LXXX.



Damasus
II.

Leo IX.

Anno
1049.
Leo IX.
Castellum
venit.

LEMENTE verò post nouem menses vltra montes defuncto præfatus Benedictus iterum in Pontificatum reuersus, per octo circiter menses illum retinuit, donec ab Imperatore transmissus ex Germania Damasus Brexenorū Episcopus illi in Papatu successit. Quo etiam post viginti & tres dies apud Præneste vita decedente, Brunonem Tullensem Episcopum Theutonicum natione, ex stirpe reali progenitum Romani ab vltromontanis partibus expectantes in suum Pontificem eligunt, eumq; Leonem Papam vocari decernunt. Qui scilicet Pontifex eodem anno quo ordinatus est, orationis gratia montem Garganum adiit. Inde q; reuertentes, in ipsa festiuitate palmarum valde deuotus ad hoc Monasterium ascendit, & reuerentissime susceptus à Fratribus, eo die missam sollemniter celebrauit, & in refectorio cum ipsis comedit: post prandium in capitulum veniens, maximas Fratribus pro tam honorifica sua receptione gratias egit, seq; pro suo posse idem Monasterium, vbiq; exaltaturum promittens descendit, & die altera Ecclesiam sancti Mauricii apud Insulam, quæ Limata vocatur ab eodem Abbate constructam, & sancti Saluatoris in territorio Atinensi sollemniter dedicans, demum rediit Romam. Ad quem Abbas profectus, priuilegium ab eo, iuxta morem Prædecessorum suorum honorabiliter adeptus est: in quo idem sanctus Pontifex vsum Sandaliorum, atque Dalmaticæ, neenon & chirothecarum in principalibus festis

Nis ad missarum sollemnia, tam illi, quam & vniuersis in hoc cœnobio regulariter promouendis, ob honorificentiam sancti loci huius, Apostolica auctoritate concessit. Quo etiam tempore idem Apostolicus Monasterium sanctæ Crucis in Ierusalem, quod Sessorianum appellatur, intra Romanam urbem situm, præfato Abbati cum omnibus pertinentijs suis contradidit, & priuilegium exinde illi faciens, sacrationem tantummodo sibi Abbatis eiusdem loci, quem tamen Cassinensis Abbas eligeret, reseruauit.

CAPVT LXXXI.


DE hos dies quidam Capuani nobiles, pro castro quodam huius Monasterij, quod Conca vocatur, multas cum Abbate contentiones effecerant: conantes utique illud à Monasterij ditione subtrahere, & ad sui iuris vsus redigere. Sed cū Abbati nil præualere valeret, quadam die consilio habito, statuerunt prædatum in Terram istam venire. Decernunt igitur, ut ad uesperascente die iter incipiant, & apud quandam curtem suam in Theanensi Comitatu parumper quiescant, inde se tali noctis hora promoueant, ut summo mane Monasterij fines ingressi, ex insperato protinus irruant, & quantum magis ex ea prædam potuerint agant. Venientes verò ad conditum locum, cum quantum illis visum est quieuisent, circa mediam fermè noctem ascensis equis aggrediuntur ire quo disposuerant. Res mira, sed omninò certissima, quippe, quæ ab vno eorum, qui tanto equitatu interfuit, mihi relata est. Ab illa itaque hora vsque ad crepusculum iter conficientes, cum se iam venisse in finitima huius Terræ putarent, atque ad discurrendum, ut prædantium moris est, se instantius præpararent, subito respicientes in eo loco, quo equos ascenderant, se reperiunt. Obstupefacti, nimiumq; attoniti, ac sese inuicem aspicientes: intelligunt tandem Patris Benedicti meritis, se noctis errore cæcatos, dum tanto temporis spatio recto se itinere gradi putantes, prædictam curtem gyrando, ac regyrando, mane se inibi reperis-

reperissent : sicq; confusione , & admiratione repleti , Capuam sunt reuersi : ipsimet palam omnibus referentes quæque sibi contigerant .

A D N O T A T I O .

E A, quæ hoc capite narrantur , referuntur etiam à Desiderio Abbate Cassinensi lib. 1. Dialog. ubi asserit caput, & ducem huius factionis fuisse Pandulfum quendam Capuanum ciuem .

CAPVT LXXXII.



O etiam tempore quidam seruus Dei Neapolitanæ regionis, in prærupta rupe, iuxta viam publicam solitarius habitabat . Qui nimirum dum nocturno tempore psalleret, & fenestram cellulae horarum explorator aperiret : ecce videt multos nigros homines tanquam athiopes iter carpere, & longo tractu onustos feno saumarios comminare . Cumq; eos curiosus inquireret , qui essent , cuiusue rei gratia hæc iumentorum pabula pararent : demones dixerunt , nequaquam esse pecoribus alendis, sed fomenta potius igniam, hominibus comburendis . Præstolamur enim in proximo Principem Capuæ Pandulfum, quia iam decumbit. His auditis vir Dei nuntium protinus ad mœnia Capuana direxit, qui veniens Pandulfum iam mortuum reperit. Quo mortuo mons Vesuuus in flammæ erupit , tantaq; sulfureæ resinae congeries ex ipso Vesuuio protinus fluxit , vt torrentem faceret , atque decurrente impetu in mare descenderet .

Pandulfi
mors an-
no 1049.

Vesuij
montis e-
ruptio.

CAPVT LXXXIII.

ANNO
1050.

S E Q V E N T I anno prædictus Pontifex iterum ad hoc Monasterium venit in vigilijs sancti Petri, & die sequenti , & altero Apostolorum Petri & Pauli missas sollempniter celebrauit. Cumq; die illo Sabbatum esset

effet, ad Fratrum mandatum ingreſſus, duodecim monachis pedes lauit, & ipſe etiam ab eis lotus, in reſectorium quoque cum illis ad bibendum, nimis deuotus perrexit. Beneuentum deinde profeſtus, ab excommunicatione illam prædeceſſoris ſui Clementis tandem abſoluit. Anno iterum tertio Capuam veniens, rurfus Beneuentum, & inde Salernum perrexit; dehinc expellendorum Normannorum gratia vltra montes ad Imperatorem abiit, milites abinde conduſurus. Gebardus tunc Epifcopus Aſtetenſis, gente Noricus vir prudentiſſimus, & rerum ſæcularium peritiſſimus, Regius Conſiliarius erat. Sed cum iam Imperatoris imperio magnus valde Apoſtolico traditus fuiſſet exercitus, iamq; itineris partem non modicam confeſſent: idem Epifcopus ad Imperatorem accedens, vehementerq; ſuper hoc illum redarguens, vt totus exercitus eius reuerteretur dolofus effecit: de propinquis tantum, & amicis Apoſtolici quingentis circiter illum in partes has comitantibus. Tunc temporis facta eſt commutatio inter eundem Apoſtolicum, & Imperatorem de Beneuento, & Epifcopio Bambergenti ſicut iam ſupra retulimus.

Leonis Pa
pæ humili
tas.

Anno
1051.

Hoc libro
cap. 46.

CAPVT LXXXIV.




OC anno Guaimarius Princeps coniu-
ratione Amalphitanorum, quos nimis in-
digne tractabat, necnon & cognatorum,
ac Salernitanorum quorundam, iuxta-
eram maris Salernitani occiſus eſt; tri-
ginta & ſex plagis perſuſus, & valde
turpiter, ac cum magno ludibrio per li-
tus maris aliquandiu tractus, & ciuitas ſimul cum arce ab
eis peruafa. Sed poſt quintum diem, Normannis auxilian-
tibus, à Guidone fratre ipſius Principis eadem recepta ci-
uitas, & Giſulfo filio eius reddita eſt, trucidatis auctoribus
tanti facinoris, quatuor ſcilicet cognatis eiufdem Guai-
marij, & triginta ſex alijs.

CA-

HOC etiam tempore Ladenulfus, & Adenulfus germani fratres nobiles Capuanæ ciuitatis, una cum Petro nepote suo simul ad hoc Monasterium gratia conuersionis venerunt: cunctasq; facultates, & hereditates, seu possessiones suas, quas in toto Principatu Capuano habebant, Beato Benedicto ex integro obtulerunt. Ecclesiam videlicet sancti Nicolai intra Capuam cum omnibus pertinentijs eius, necnon & integras portiones suas, quas habebant in Ecclesia sancti Saluatoris, & sancti Rufi, similiter intra Capuam. Viridarium etiam, quod est ad pontem Casulini. Curtem, quæ dicitur Calabrina, cum Ecclesia sancti Nicandri, quæ ibidem constructa est. Terras & molas in fluuio Saone. Curtem in Salam, curtem, quæ dicitur Rapedella cum siluis, & paludibus sibi pertinentibus. Terras, & siluas, & prata ad ipsam Auciam. Curtem in Calinulo circa prædictum Saonem. Curtem in loco, qui dicitur Cernianum, & portionem de Ecclesia sancti Iacobi, & de curte in loco Bucino, cum Ecclesia sanctæ Anastasiæ. Terras, & siluas, & paludes, in loco, qui dicitur Rustinito, cum curte de Ecclesia sancti Ioannis. Curtes, & terras in finibus Liburiæ, loco Porano, prope lacum Patriæ. Fundum in Vico Cupuli. Item fundos in casa Pefenda. Fundos in loco Felice. Terras in Gualdo de Mattaloni, & in Marcenisi, & in Mandrelle. Curtem iuxta Grecinianum, in loco, qui dicitur Fenora. Curtem in Laeno ad pontem ruptum. Terras in Massa Valentiana, & vniuersas casas sibi intra Capuam pertinentes.

CAPVT LXXXVI.



REVERSVS itaq; ab ultramontibus Romanus Pontifex, ascendensq; iterum ad hoc Monasterium, valde suppliciter se Fratribus commendauit. Cumq; apud sanctum Germanum honorifice hospitatus fuisset: rogatus a Fratribus, vt Monasterium sancti Stephani

phani, quod iuxta Tarracinam est, illis restitueret. Interrogauit, utrum ad eos aliquando pertinuisset: respondentibus, etiam, ostendi sibi exposulat, mox itaq; dialogo sancti Gregorij in medium exhibito, & ex vita Beati Benedicti, qualiter in visione illud idem Pater construxerat demonstrato (aut enim ignorabant, aut minime ad manum habebant priuilegium, quod Agapitus Papa, exinde Balduino Abbati fecerat) Verè, ait sanctus Pontifex, iustissimum est, quod requiritis: moxq; priuilegium inde fieri Friderico Cancellario iussit, & ipsum Monasterium, cum omnibus suis nobis assignari constituit. Fecit etiam eodem tempore huic Monasterio, & aliud præceptum de libertate nauis huius Monasterij in portu Romano, ut omni tempore cum nauclero, & vniuersis nauticis suis maneat libera ab omnimoda conductione, & debito pensionis.

Post hæc adiunctis sibi ferè cunctis partium istarum militibus, Apelliam, cum Normannis dimicaturus, perrexit, Anno Domini millesimo quinquagesimo tertio, & ex parte eiusdem Apostolici Rodulfus in Beneuentanum Principem iam electus, & Guarterius Sueuus signa sustollunt. Normanni verò tres de suis statuunt turmas, quarum vna Comes Hunifridus, aliam Comes Ricchardus, tertiam Robertus agebat Guiscardus. Inito autem certamine in planitie maxima, quæ iuxta ciuitatem est, paulatim se subtrahentibus, fugientibusq; nostratibus, & solis, qui ultra montes venerant remanentibus, cum diu ab his, fortiterq; pugnatum fuisset, omnibus tandem in ipso certamine trucidatis, Normanni, Dei iudicio, exitere victores. Dehinc Hunifridus ad Papam venit, & in sua illum fide suscipiens, cum omnibus suis Beneuentum perduxit, promittens, ut quandocumque Romam ire disponderet, ipse illum Capuam vsque perduceret. Intrauit autem idem Papa Beneuentum in vigilia sancti Ioannis Baptistæ, & stetit ibi vsque ad festiuitatem sancti Gregorij Papæ, ibiq; infirmatus, vocato prædicto Comite Capuam ab illo deductus est, ubi per dies duodecim remoratus: accersito tandem nostro Abbate, sui itineris comite, Romam redijt, ac post non multos dies sancto finiquieuit. Ad cuius tumulum plurima tunc temporis signa

Anno
1053.

Anno
1054.


Christus

Christus effecit. Hic sanctus Pontifex inter innumera bonitatum suarum insignia, quamdiu Romæ moratus est, omni tempore, tribus per hebdomadam diebus à Lateranſis vſque ad sanctum Petrum, priuato habitu, nudis pedibus, cum duobus, aut tribus clericis, noctu psallendo, & orando, pergebat.

A D N O T A T I O.

P Lura miracula ab hoc sancto Pontifice patrata, tam in vita, quam post obitum, recenset Desiderius Cassinensis Abbas lib. 3. Dialog. In Martyrologio Romano assignatur eius obitus, die 19. Aprilis.

CAPVT LXXXVII.



EODEM Anno, gratia concordandi Ecclesias Romanam, & Constantinodolitanam, prudētissimos valde viros ad Imperatorem Constantinum, cognomēto Monomachum, apocrisarios transmiserat, Fridericum scilicet Cancellarium suum, & Humbertum, filia candida, & Petrum Archiepiscopum Amalphitanum. Qui ad hoc Monasterium primitus venientes, seq; Fratribus deuotissime commendantes, ita demum viam suam, profecti sunt: quos Imperator nimis honorabiliter suscepit, & in palatio per aliquot dies detinuit. Intra quod spatium nonnullas Græcorum hæreses corrigere decernentes: tandem Patriarcham Michaelē, & Leonem Acridanum Episcopum cum vniuersis eorum sequacibus, auctoritate Apostolica anathematizauerunt. Sed cum iam intra hos dies defuncto Papa redire disponerent, imperialibus illos donis Constantinus Monomachus honorificè munerans, Beato quoque Petro per eosdem dona non parua transmisit: insuper etiam, vt omni anno binas auri libras de palatio eius hoc Monasterium reciperet, illorum rogatu concessit. Quos prospere reuertentes, Trasmundus Theatinus Comes, per Terram suam transeuntes, cepit, & vniuersa, quæ ferebant

ferebant cum magna iniuria auferens, tandem dimiſit . Ac-
que ita Fridericus Romam reuerſus eſt .

CAPVT LXXXVIII.

DE FVNCTO præterea ſanctæ memo-
riæ Papa Leone, Hildebrandus, tunc Ro-
manæ Eccleſiæ Subdiaconus, ad Impera-
torem à Romanis tranſmiſſus eſt: vt quo-
niam in Romana Eccleſia perſona ad tan-
tum officium idonea reperiri non pote-
rat, de partibus illis, quem ipſe tamen
vice cleri, populiq; Romani in Romanum Pontificem ele-
giſſet, adduceret . Quod cum Imperator aſſenſus fuiſſet, &
Gebardum Aſtetenſem Episcopum, cuius ſupra memini-
mus, Hildebrandus ex induſtria, conſilio Romanorum ex-
petuiſſet: triſtis ſuper hoc valde Imperator effectus eſt, ni-
mis enim illum carum habebat; & cum eundem ſibi omni-
modis neceſſarium Imperator aſſereret, & alium, atque
alium huic officio magis idoneum iudicaret: Hildebrandus
tamen, vt alterum reciperet perſuaderi nullatenus potuit .
Erat enim idem Episcopus, ſuper id quod prudentia multa
callebat, poſt Imperatorem potentior, ac ditior cunctis in
Regno . Hunc ergo Hildebrandus, inuito licet Imperatore,
inuito etiam eodem Episcopo (propter quod utique poſt-
modum dictus eſt Monachos non amaſſe) Romam ſecum
adduxit, eiq; Viſtoris nomen imponens, Romanum Papam,
cunctorum aſſenſu, conſtituit: cum iam fermè à tranſitu
Papæ Leonis annus elaberetur . Qui quoniam eidem præde-
ceſſori ſuo, vt ſupra diximus, impedimento maximo fue-
rat, quoties à circumpoſitis moleſtiam aliquam patieba-
tur, dicere ſolitus erat . Merito hæc patior, quia peccaui in
Dominum meum; & item, dignum eſt (inquit) vt quod fe-
cit Saulus patiatur Paulus, quod fecit lupus, ſuſtineat
agnus .

Comperiens itaque Imperator Fridericum à Conſtanti-
nopoly reuerſum magnam valde pecuniam deruliſſe, cœpit
eum vehementer ſuſpectum habere . Nam eo tempore fra-
tri

Anno
1055.

cap 83. hu-
ius lib.

tri eius Duci Gotfrido inimicissimus erat. Quapropter scripserat Apostolico, ut illum capere, sibiq; festinanter studeret transmittere. Quo per necessarios cognito Fridericus, Abbatem nostrum (qui per eos dies à Luca, ubi ad eundem Imperatorem profectus fuerat reuertebatur) latenter apud Romam alloquitur, & ut se Cassinum perduceret, ibiq; monachum facere studeat, instantissime deprecatur. Quod cum Abbas gratantissime annuisset, pramissus cum omnibus suis ad Monasterium est. Abbas verò post dies aliquot cum nuntijs Imperatoris, qui ad Principes mittebantur, aduenit. Mox igitur Fridericus in eorundem nuntiorum presentia pretiosa valde, quibus tunc utebatur indumenta proieciens: religionis habitum induit, & ut hoc de se per eosdem missos Imperatori nuntiaretur efficiens, Fratribus se de cetero sociavit; nec multo post, ut ad Insulam Tremitemensem transmitteretur rogavit Abbatem, quod & fecit. Dehinc, cum pro quibusdam reprehensibilibus, quæ inibi repperat, Abbati eiusdem loci cepisset ingratus existere, nequaquam ibi remorandum ratus: egrediens inde ad Monasterium sancti Ioannis, quod Veneris cognominatur, perrexit, ibiq; diebus aliquot commoratus est.

Per idem tempus proclamavit prefatus Abbas in placito Cadeloi cancellarij Henrici Imperatoris, ubi erat cum multis Episcopis, & Comitibus illarum partium, supra quodam Dodone, qui retinebat de causa Monasterij huius octingenta modia de terra in Comitatu Theatino, loco ad casa Hildebrandi, & recollegit ea. Eodem tempore supradictus Transmundus, & Bernardus Comites si mauerunt per sacramentum eundem Abbatem de omnibus rebus S. Benedicti in Comitatu Theatino, & Pennensi, quod neque ipsi illas inuaderent, & contra omnes homines eas S. Benedicto defenderent, apud Monasterium sanctæ Scholasticæ in Penne.

CAPVT LXXIX.

Anno
1055.

HOC etiam anno Princeps Pandulfus iunior fecit præceptum concessionis in hoc Monasterio de castello, quod Saraceniscum vocatur, in confinio Cominensi, cum omnibus adiacentijs, siue pertinentijs

nehtijs eius : quamuis idem castellum intra antiquos nostri Monasterij terminos videatur esse constructum . Quem videlicet locum non multo ante Marforum Comites Oderisius, & Rainaldus, qui tunc Comino præerant, per chartulam oblationis cum finibus, ac terminis eius Beato Benedicto firmauerant. Vnde cum quidam Aquinenses contra Abbatem super hoc murmurarent, pro eo videlicet, quod ipsi prius eundem locum centum bizantijs comparauerant, à quodam Berardo Marficano, in hanc tandem conuenientiam cum eo venerunt, vt sponte sua in quorundam Iudicum præsentia, omnem querelam, & calumniam Domino Abbati de hoc refutarent, & quieti de cætero essent, proposita pœna librarum argenti centum, si aliquando amplius de hoc contendere vellent, nisi quantum ipse illis per libellum, concederet . Saracenis cum ea de causa ipsum castellum nuncupari fama est, quod cum iidem Saraceni à facie nostrorum, tempore illo, quo de Gariliano eliminati sunt, fuga dilapsi fuissent, cæteris interemptis, aliquanti ex eis ad ipsum tandem locum peruenerint, ibiq; aliquandiu latitantes, prædas nonnullas à vicinis habitatoribus clanculo, ac si latrunculi, agebant . Quod cum à quodam captiuo illorum transfuga Soranis innotuisset, eodem transfuga duce, ad eorum latebras mane summo perueniunt, illosq; licet somnolentos, ad huc conantes resistere, vniuersos gladijs trucidarunt .

CAPVT XC.

DE R idem tempus præfatus Comes Trāsmundus grauitè infirmatus, & monachus effici cupiens, Richerium ad se venire rogauit. Cui sese suppliciter tradens, multamq; illi pecuniam offerens, tria sui iuris castella sancto Benedicto in territorio Theatino concessit, quorum vocabula sunt Mons Alberici, Frisa, & Mucla, cum portu, & piscatione sua, & cum Ecclesijs sanctæ Mariæ, & sanctæ Lucie, & sancti Blasij, & omnibus omninò rebus, ac pertinen-

V tijs

tijs eorundem castellorum, & Ecclesiarum; quæ sunt quinque millia quingenti modij de terra: Ecclesiam quoque sanctæ Iustæ cum omnibus pertinentijs suis, quæ sunt modij quingenti. Simul etiam concessit huic Monasterio in territorio Pennensi in castello, quod vocatur Lastenianum: vnam Ecclesiam sancti Nicolai, cum omnibus similiter pertinentijs eius, idest modij terræ tria millia. Sed cum prædictus Papa transisset Anconam, Abbas ad illum eiusdem Transmundi causa profectus est. Cumq; ad Monasterium sancti Liberatoris illum venisse Fridericus agnouisset, perrexerit ad eum, & penitentia maxima ductus, rogauit ut Cassinum illum reuerti liceret: quo mox impetrato, Fridericus huc extemplo regressus est. Abbas verò iter quod inceperat peragere festinabat: qui cum iam dudum febribus non modicis æstualet, ac metu mortis reditum in dies acceleraret, Aeternum veniens, tertio idus Decembris, nimia vi febris extinctus est. Fratres verò, qui cum illo erant nihil morati, tollentes illum eadem hora, cum media nox esset, iter arripiunt, & ad Monasterium sancti Liberatoris summo mane peruenientes, eiq; honorabiliter exequias facientes in sepulchro, quo Abbas Theobaldus prædecessor suus humatus fuerat, eum recondunt. Anno Domini millesimo quinquagesimo quinto.

Richerij
Abbatis
obitus an
no 1055.

CAP VLT XCI.




IC Abbas inter cætera Ecclesiam sancti Benedicti plumbeis tabulis cooperuit: palatium ab orientali parte Monasterij sexaginta octo cubitorum incepit, & vsque ad solarium perduxit. Ante Ecclesiam verò in circuitu atrij deambulatorios arcus cum columnellis lapideis fecit; & licet ipse propter innumeras circummanentium oppressiones (sicut ex parte ostendimus) laborare in Monasterio non potuerit, initium tamen, & materia omnis laboris præsentis ipse fuit, quando suo studio, & industria, meritis tamen Beati Benedicti, adiuuante se Deo, terram istam.

istam de manibus Normannorum eripuit.

Fratribus igitur, qui cum illo fuerant, mox eo sepulto ad Monasterium reuersis, habito ad inuicem vniuersi consilio, elegerunt de congregatione Domnum Petrum religiosum valde, & honestissimi habitus virum, eumq; licet inuicem, & renitentem, ac senectutem niveam, tanto officio minus idoneam obiectantem, libentiusq; se decaniam resumere, quam Abbatiam suscipere asserentem, Abbatem sibi constituunt, paucissimis admodum in hoc dissidentibus, & Domnum Ioannem cognomine Mariscanum, qui tunc Capuæ erat Præpositus, digniorem huic Monasterio iudicantibus: quamuis ipse præcauens, ac timens hoc onus sibi imponi, super altare iurauerit, nunquam se ipsum Abbatiam suscipere aliquatenus consensurum.

Fuit electus in fine anni 1053.

CAPVT XCII.



PETRVS quintus, & trigessimus huius Monasterij Abbas, ledit anno vno, mensibus quinque. Hic à pueritia monachus, & Ecclesiasticis rebus non mediocriter eruditus, adeo religiosus, & honestis moribus creuit, & tam Angelici vultus, & reuerendi habitus extitit: vt Imperator Henricus, eo tempore, quo ad hoc Monasterium venit, transeunti illi ante se, satis humiliter assurrexerit, testatusque sit, nunquam se in toto Regno monachum honestiorem eo vidisse. Comperta igitur exabbas noster Basilius apud Salernum Petri ordinatione, mox Capuam venit, & magnam valde Principi pecuniam offerens, vt hanc sibi Abbatiam redderet orare obnixius cepit, sed Princeps, quoniam in Petri electione consenserat: hoc se nequaquam posse facere asseuerans, apud Monasterium nostrum Capuæ illum manere constituit. Ita prudens, immo fatuus vir, & Salernitanam Abbatiam amisit, & hanc acquirere nequaquam promeruit. Post aliquot verò dies à Fratribus nostris Princeps conuentus, cur Abbatem in nostra cella constituisset: inuitum se hoc fecisse, & quodammodo coactum respondit.

V 2 Si

Si ipsi tamen eum in suo Monasterio recipere vellent, sibi gratissimum fore. Ita demum prædictus Basilius ad hoc Monasterium veniens, & virgam Abbatæ, quam eatenus retinuerat humiliter reddens, post paucos dies ad Vallem lucitranmissus Præpositus est.

Per hos dies Henricus, & Rolandus germani fratres Lucensis ciuitatis viri nobiles, obtulerunt in hoc Monasterio Ecclesiam sancti Georgij, quæ intra eandem ciuitatem in eorum patrimonio sita est, prope posterulam, quæ dicitur Guirigala, ad Monasterium inibi constituendum, cum orto, & puteo, & casis, & cum vniuersis, tam intus, quam extra non minimis ipsius Ecclesiæ rebus, ac pertinentijs. Ad quod videlicet Monasterium constituendum, siue ordinandum transmissus est Dominus Ioannes genere, atque cognomine Apulus, qui in nostro hoc Monasterio Decanatus officio tempore non modico functus est. Vir supra cetera bonitatum suarum insignia, compunctionis, & lacrymarum gratia munere diuino ditatus: qui cuius apud Dominum meriti fuerit, non debet videri superfluum, si vel breuiter, ex his, quæ pro certo nobis comperta sunt ostendamus.

Ioannes
Apulus Lu-
cam mite-
situr.

Ioannis
Apuli mi-
racula.

Denique cum fama sanctitatis eius longe, lateq; crebesceret: mulier quædam diro possessa daemonio ad illum perducta est, rogatus idem vir Dei à perductoribus magnis precibus, vt pro ea Dominum exoraret. Qui vt erat benivolus, nimisq; cõpatiens, mox congregatis Fratribus, Oratorium est ingressus, & cum aliquantisper fuisset oratum, lacrymis eius, & singultibus miseratione diuina placata, mulierem, fugato damone, sanam redire concessit ad propria.

Præterea cuiusdam Illustris viri Lucensis vxor, valida per aliquot dies infirmitate decenta: ad id tandem nimia vi languoris deuenerat, vt per triduum iam sine voce, ac sensu recubans, nihil minus, quam mortua putaretur. Quoniam igitur humana omnis fiducia omnino defecerat, ad diuina subsidia propinqui mulieris se conferunt, atque ad præfatum virum Dei, vt pro ea Domino supplicare dignaretur, supplices mittunt. Benignus itaque vir nequaquam moratus: mox vestibus sacris indutus, salutarem hostiam pro

pro illa Domino oblaturus accessit. Cumq; ad locum Canonis peruenisset, quo viuorum solent nomina recenseri, eamq; multa cum deuotione nominatim, ac specialiter Domino commendaret: illa procul a Monasterio in domo propria velut exanimis decubans, Sacerdotis vocem se memorantis audiuit, statimq; illi, quasi iuxta lectulum stanti, velut ex graui somno experrecta, festinanter respondit. Obstupescit, qui aderant sollicitè ceperunt ab ea requirere, quidnam diceret, vel cui tam insolite respondisset. Illa vero nunquid nam (inquit) Dominum Ioannem venerabilem Præpositum hic non stare vidistis? nunquid non etiam vocem illius me inclamantis audistis? Ad hæc mulieris verba attoniti simul, & gaudentes, qui aderant: mox ad Monasterium mittunt, & quid pro ea Dei famulus ageret diligenter inquiri præcipiunt. Qui venientes inueniunt præfatum virum Dei sanctis altaribus assistentem, proq; illa missarum Domino sollempnia celebrantem, certumq; constitit eadem hora illam ad se reuersam, locutamq; fuisse, qua Domini famulus eam in loco Canonis solito memorasset: & gratias omnipotenti Domino maximas referentes reuersi ad eos, qui se miserant, rem pro certo, sicut contigerat, palam, omnibus retulerunt. Mulier verò eadem incolumitati mox pristina restituta, vna cum coniugali suo mira semper hominem Dei deuotione percoluit. Ferebatur etiam idem vir Dei huiusmodi gratia præpollere, vt si ex aqua, qua post missarum sollempnia manus ablueret, aliquis febribus laborans fideliter sumeret, nullum deinceps in eo febris ius exercere potestatis valeret. Anselmus tunc eidem ciuitati Episcopus præerat, vir tantæ auctoritatis, atque prudentiæ, vt Romanam postmodum feliciter rexerit sedem. Hic cum quodam tempore ardore febris vehementissimo æstua-
ret, repente memoratus est hoc, quod iam dudum de prædicto viro Dei, fama multorum vulgante, perceperat. Misit continuo, qui ex aqua eadem clanculo sibi deferret. Quam mox, vt in potum accepit, nulla interposita mora, omnis ab eo valitudo illa febris aufugit: idemq; præfatus Antistes ad gloriam Dei, & commendationem tanti viri sæpe referre solitus erat. Multa etiam de virtutibus præ-


Anselmus
Luce nsis
Episcopus

dicti Dei famuli referuntur, sed non sunt, neque temporis ;
neque codicis huius .

A D N O T A T I O .

D Esiderius Cassinensis Abbas lib. 1. Dialogor. refert eadem miracula de Ioanne isto: asserens præterea miraculum, quod in persona Anselmi Episcopi factum dicitur, se accepisse ab eodem Anselmo, qui postea ad summum Pontificatum euectus, Alexander II. dictus est.

CAPVT XCIII.



VDIENS præterea Apostolicus, & insperatum obitum Riccherij, & Petri electionem, valde grauiter tulit, moxq; litteras huc blanditijs primum: demum verò redargutionibus plenas direxit, nequaquam nos absque illius consilio, ac voluntate Imperatoris, electionem ipsam debuisse facere asserentes. Quamobrem duo Fratres ad eum, qui omnem rei huius veritatem, seu necessitatem illi exponerent, ex parte Abbatis, & Fratrum directi sunt. Ad Imperatorem etiam de eadem re protinus legati transmissi.

Henricus
Quartus
obijt anno
1056.

Interea Apostolicus ultra montes profectus, ibiq; iam Imperatorem languentem reperiens, vsque ad eius obitum cum illo est remoratus: filioq; paruulo quinque circiter annorum, quem in manu eius pater reliquerat, Regni totius optimates iurare faciens, eumq; in Regno confirmans, reuersus tandem in Tuscia est. Fridericus dehinc comperto Imperatoris obitu, iam fiducialiter ad Papam accessit, & vniuersa, quæ illi Transmundus fecerat pleniter referens, eundem Transmundum excommunicari fecit. Demum verò idem Transmundus absolutionis suæ causa Romam pergens, & ferè omnia, quæ Friderico abstulerat referens, cum post magnam satisfactionem se absolui obtinuisset, suggerente eodem Friderico, atque Humberto, conuentus à Papa, atque admonitus, castellum nomine Frisa, quod vxor eius

eius sancto Benedicto concesserat, isq; post eius mortem inuadendo abstulerat: in manu eiusdem Papæ spontè refutauit, & in ius Monasterij huius restituit.

Et quoniā, vt supra iam dictum est, idem Apostolicus nimis indignetulerat, quod absq; sua scientia prædicti Abbatis electio esset effecta: super hæc etiam relatum illi à quibusdam inuidis fuerat, in eandem electionem non omnes monachos consensisse, cumq; seditiosè, & nequaquam canonice ad id officium promotū fuisse, occasionem nactus, mandat eidem Abbati, vt Romam quātocius, cum duodecim ad se monachis vadat, & ita de sua ordinatione rationem sibi opportunissimam reddat; cumque sicut mandatum fuerat profectus ad illum Abbas fuisset, vix iam post biduum in eius camera, cum duobus tantum Fratribus, intrare permissus est. Honorificè tamen receptus, cum inter loquendum nonnunquam mentis suæ commotionem Apostolicus demonstraret, reuerti tandem ad Monasterium iussus est, vt ibi in præsentia totius conuentus, siue per se ipsum idem Pontifex, siue per Nuntios suos causam illius exquisite addiscens, demum quod esset canonicum diffiniret. Igitur Abbate regresso, non multo post missus est ex parte Papæ Humbertus Episcopus ad Monasterium, dato illi præcepto, vt diligentissime causa ipsius ordinationis inuestigata, si quam fortè inibi occasionem reperire valeret: mox Abbatem, absque vlla procrastinatione deponeret: quod si contradicere aliquo modo præsumeret, tam ipsum, quàm & omnes suos fautores Apostolica excommunicatione feriret. Ita ad subiugandam sibi Abbatiam animum Papa intenderat, cum nunquam aliquis ante illum Romanorum Pontificem attentauerit; sed libera ab initio permanente, Abbatis quidem electio Monachis, Papæ verò sacratio tantummodo pertinuerit. Ipsa itaque die sancti Pentecostes, prædictus Humbertus capitulum Fratrum ingressus, Apostolicam illis benedictionem, si obedientiæ filij esse vellent, pronuntiat. Ea die nihil ab eo quæsitum, sed Pascha sollempniter celebrato: secunda feria propter quod venisset aperuit, & quid olim de illis, deq. illorum Abbate Apostolico relatum fuerit, ordine retulit. Voluntatem illorum agnoscere, & re-

V 4 sponsum

sponsum recipere quærens. Responsum itaque à prioribus est, Cassinensis Abbatis electionem, & regulæ auctoritate, & concessione Apostolica, nulli omnino mortalium, nisi proprijs monachis pertinere: liberam auctore Deo hanc domum nulli conditioni obnoxiam aliquatenus esse. Electionem, quam concorditer fecerant, ratam omnimodis, atque canonicam, & qualiter monastica regula præcipit, & qualiter vniuersorum ferè antecessorum suorum Apostolicorum auctoritas constituit, se fecisse. Nulli ambitioni locum aliquem in ea ordinatione fuisse. Neminem porro de suis, neque honestiorem, neque religiosiorem, neque meliorem denique, in Abbatem eligendum inuenire se potuisse. Inuito illi, & omnimodis renitenti officium istud impositum esse. Omnesq. vnanimiter in eius prælatione concordantes existerent. Seditionis verò consuetudinem, Dei gratia, in hoc monasterio nunquam fuisse. Nullius demum imperio alterum sese consensuros recipere. Huiusmodi ratione percepta Episcopus siluit, nihil quod contradiceret aliquatenus peruidens; & eo etiam die ita discessum à capitulo est.

A D N O T A T I O.

Pagina
225.

Cardinalis Baronius tomo II. *Annal. ad annum millesimum quinquagesimum quintum, super his, quæ hoc capite referuntur, sic scribit.*

Mortuo Riccherio Cassinensi Abbate, Petrus in locum eius à monachis electus est. Sed eius electionem Victor Pontifex indigne tulit, quod eam absque nutu sedis Apostolica, & Imperatoris celebrassent. Erat plane magni ponderis opus Abbatem constituere Cassinensem, utpotè non tam Monasterij Abbatem, quam Principem, qui complura castra, & oppida possideret. Sed dum ista litteris Pontifex ageret, necessitate incumbente proficiscendi in Germaniam ad Imperatorem, à cæptis desistere coactus est, usque ad tempus, cum reuersus est in Italiam: interim Petro anno uno cum dimidio præfectura illa potito.

C A.



INTEREA quatuor tantum quidam de Fratribus indigne ferentes, & ad hoc ſolum, vt Abbatem deponeret, Apoſtolicum Nuntium veniſſe putantes, tam Abbate, quàm cæteris ignorantibus, ineptiſſimo inter ſe conſilio habito, mandant protinus, & omnes ferè huius terræ incolas ad arma aſcitos, die altero quaſi in Abbatis auxilium aduocant. Cum ecce die ſequenti cum omni pace à Capitullo ſurgentibus: ſubito diuerſis armata telis aduenit innumera multitudo frementium, & qui eſſent, qui Abbatem illorum vellent deponere inquirentium, eosq; perdere cupientium. Quod fortasſe feciſſent, niſi Abbas ad illos egreſſus, vix tandem multis rationibus oſtenſis, eorum ſæuitiam repræſſiſſet, adiiciens: nunc vſque nemo mihi Abbatiam tollere potuit, ſed vos hodie veſtra ſtultitia eripuistiſ. Quod pro certò veriſſimum fuit. Nam prædictus Epiſcopus iam iamq; recedere, nulla contradicitione ſuper eius ordinatione inuenta, parabat. Hac igitur ſola tandem occaſione reſerta omnes pariter Fratres in Abbatis cameram vocat. Deq; tanta ſibi, Romanis videlicet Nuntijs, ante ipſas Romanorum ianuas facta iniuria, proclamando conqueritur. Huic etiam monachi iuncti, & ſibi quoque nihilominus eãdem factam iniuriam conteſtantur: nolle ſe amplius Abbatem, qui non per illos, ſed per huius terræ homines haberetur, aſſeuerantes. Inde ſimul omnes in Capitulum redeuntes, cepit idem Humbertus ſub diſtriſſima anathematis indictione perquirere: qui nam fuiſſent tantæ ſeditionis auctores: cumq; tam Abbas, quàm cæteri Fratres huiusce rei, ſe prorsus ignaros conſtantiſſime faterentur, & ille ſuper hoc negotio nimis inſtaret: ſurgentes tandem illi quatuor Fratres, ſeq; de more Monasterij terræ humiliter proſternentes, ſe tantum, cæteris ignorantibus, huius facinoris auctores fuiſſe confeſſi ſunt. Commoti Fratres de clauſtro Monasterij protinus illos exturbant, atque ad hoſpitem domum in grauioribus eos culpis conſtitui mandant.


dant. Abbas interea Humbertum latenter alloquitur, libenter se Abbatiam dimittere pollicetur: dari sibi locum, ubi decenter possit consistere flagitans. Tertio post hæc die coram cunctis Fratribus in Ecclesiam veniens, & virgam super altare ponens, Abbatiam tali ordine refutauit.

Fridericus sit Abbas.

Anno 1057.

Altera verò die, idest sexta feria post Pentecosten, in Capitulo vniuersi Fratres conuenientes, præfidente prædicto Humberto Apostolicæ sedis Legato, ceperunt de eligendo sibi Abbate tractare, vno igitur tandem consensu, & vnanimi voluntate Fridericum omnibus eligere complacet: qui cum & nobilitate, ac sapientia magna polleret, quod his quoque præcipuum esset, monachus eiusdem congregationis existeret. Quod cum Humberto quoque Episcopo satis laudabile videretur: mox ab eo Fratribus traditus, ingenti gaudio, & exultatione cunctorum, de more Monasterij Abbas electus est, Anno Domini millesimo quinquagesimo septimo.

CAPVT XCV.



cap. 88. huius libri.

FRIDERICVS natione Lotharingus trigessimus sextus Abbas cœnobij huius, sedit mensibus decem: qui ex regali progenie ducens originem, à puero liberalibus, litterarum studijs eruditus, atque apud Ecclesiam sancti Lamberti Canonicus conuersatus est. Dehinc à Leone Papa Cancellarius sedis Apostolicæ ordinatus, post eius obitum ad hoc Monasterium venit. Ac demum ordine, quo supra relatum est, loci huius Abbatiam recepit. Post decem igitur dies paratis omnibus itineris necessarijs, assumptis octo Fratribus, vna cum Episcopo Humberto, gratia consecrationis suæ ad Papam profectus in Tusciam est. Super quo postquam Apostolicus nimis exhilaratus esset, vniuersa ei per ordinem, quæ vel qualiter gesta fuerant retulerunt: religionem, & conuersationem nostrorum, ac loci istius dignitatem Humberto plurimum collaudante. Sabato itaque in ieiunijs mensis Iunij Cardinalis Presbyter titulo

titulo sancti Chrysogoni ordinatus : in natiuitate verò sancti Ioannis Baptiste est consecrationem adeptus , atque usque ad festiuitatem sancti Apollinaris cum eodem est Apostolico remoratus . Quo etiam tempore priuilegium ab eo per manus præfati Humberti recepit , in quo translatam ad se à Petro , saniori Fratrum consilio , Abbatiam , idem Apostolicus valde collaudans , Apostolica illi hanc auctoritate , iuxta consuetudinem antecessorum suorum firmavit . Vsum quoque illi Sandaliorum , cæterorumq; insignium , iuxta quod sanctus Papa Leo dudum concesserat Abbati Richerio eadem auctoritate concessit , in omni præterea conuentu Episcoporum , ac Principum superiorem vniuersis Abbatibus sedem , & in Concilijs eorum , atque iudicijs priorem nihilominus sui ordinis hominibus sententiam , & illi pariter , & successoribus eius auctoritate simili roborauit . Quod & ipse postmodum similiter tempore Pontificatus sui cœnobio huic , & per ipsum omnibus deinceps cœnobij huius Abbatibus cœnobialiter promouendis , cum sollemni priuilegio in perpetuum delegando firmavit . In quo etiam præter cætera seditiones , quas dicunt , leuas , seu deprædationes , quas hic in Abbatibus dormitione fieri solere expertus fuerat , ne aliquo modo deinceps fierent , seuerissime interdixit .

Fridericus Cardialis creatur .

A D N O T A T I O .

Capitulo præcedente dictum est , Fridericum electum fuisse Abbatem Cassinensem feria sexta post Pentecosten , in præfenti verò asseritur post decem dies , una cum Humberto gratia consecrationis suæ profectum fuisse in Tusciam ad Papam , ibiq; Sabbatho in ieiunijs mensis Iunij Cardinalem presbyterum fuisse ordinatum : quæ quidem possent remorari Lectorem , cumq; dubium facere de eorum veritate , cum ieiunia quatuor temporum æstiuorum semper incidant in ipsam hebdomadam Pentecostes , & hic asseratur post hebdomadam Pentecostes Tusciam abiisse , & Sabbatho quatuor temporum mensis Iunij ordinatum fuisse Cardinalem presbyterum . Sed qui circa hæc dubitauerit legat Micrologum

De ieiunio æstiuo li .

crologum de Ecclesiasticis obseruationibus cap. 25. ubi docet Gregorium septimum constituisse, ut æstiuale ieiunium infra octauam Pentecostes annuatim celebraretur. Friderici autem electio præcessit Pontificatum Gregorij septimi, ante cuius tempora ieiunium æstiuale celebrabatur secunda hebdomada Iunij, nulla habita ratione ad festum Pentecostes. Optime igitur potuit Fridericus eligi in Abbatem Cassinensem feria sexta post Pentecostem, ac postea in Tusciam proficisci, & Sabbatho in ieiunijs Iunij Presbyter Cardinalis ordinari.

CAPVT XCVI.

Fridericus Romam venit.



Victoris Papæ obitus.

V M Q. petita remeandi licentia Romam venisset, Dominica sequenti apud sanctum Petrum missam sollemniter celebrans, ingenti Romanorum multitudine comitatus, ad titulum suum de more Cardinalium, cum laude perductus est. De hinc ad Pallariam, vbi hospitabatur, non dissimili prosecutione profectus. Vbi cum usque ad quintam feriam, ornamentorum acquirendorum gratia, substitisset, & omnibus iam ad recedendum paratis, urbem protinus exire pararent: subito Bonifacius Albanensis Episcopus festinus à Tuscia rediens, obitum Vrbi Romani Pontificis nuntiavit.

Tali mox nuntio consternatus, restitit, & ita demum paulatim, ac pedetentim frequentari à Romanis tam clericis, quam ciuibus cepit. Residuum itaque diei illius, & nox integra cum die sequenti ab his in Concilijs huiusmodi rei peracta: consultus tandem ab eis, quid facto opus esset, vel quem eligere ad tantum Pontificatum deberent: quinque illis personas, quæ digniores in suis partibus essent, ad quem vellent eligendum proposuit. Humbertum scilicet Episcopum sanctæ Rufinæ, Episcopum Veliternensem, Episcopum Perusinum, Episcopum Tusculanensem, & Hildebrandum Romanæ Ecclesiæ Subdiaconum. Sed cum Romani neminem sibi de his idoneum ad hoc videri censerent, eique

eiq; demum tantum se honorem largiri velle affererent : de me (inquit) ille nil poteritis agere , nisi quod permiserit Deus , & absque illius nutu , neque concedere , neque tollere mihi illud potestis . Fuere tamen , qui Hildebrandum adhuc apud Tuscaniam , ubi cum Apostolico fuerat , remorantem , opportunè dicerent expectandum . Ceteri verò moras aliquas nequaquam esse congruas iudicantes , vno omnes consilio , ac voluntate concordati summo mane Abbatem simul conveniunt : eundemq; Fridericum violenter à Pallaria extrahentes , ad electionem faciendam ad S. Petri , qui ad vincula nuncupatur , Basilicam illum perducunt . Vbi eius vocationem de consuetudine facientes , Stephanum eum , (quoniam festum sancti Stephani Papæ eo die celebrabatur) appellari decernunt , sicq; vniuersa Vrbe cum laudibus prosequente , ad Lateranense Patriarchium illum deducunt . Die verò altera illucescente , Cardinalibus vniuersis simul cum Clero , Populoq; Romano ad eum convenientibus , apud Beati Petri Basilicam ingenti cunctorum latitia summus , & vniuersalis Pontifex consecratur .

Fridericus fit Papa.

Post hæc remissis ad Monasterium Fratribus , & duobus tantum ad seruiendum sibi retentis : mandat Præposito nostro , vt cum duodecim monachis , quos litteris ipse significabat , ad se protinus pergat , vt tam de se , quam de illis commune consilium habeat . Profecti itaq; omnes , vt iusserat sunt , atque post dies fermè decem reuersi . Per quatuor igitur continuos menses Romæ moratus , ac frequentibus Synodis clerum Urbis , populumq; conueniens , maximeq; pro coniungijs Clericorum , ac Sacerdotum , necnon & consanguineorum copulationibus destruendis , nimio zelo decertans : ad hoc tandem Monasterium in festiuitate sancti Andreæ , cum non parua Romanorum manu , reuersus est : & vsque ad festiuitatem sanctæ Scholasticæ commoratus . Et quoniam vitium proprietatis paulatim in hoc loco à prioribus annis irreplerat : cepit omnimodis insillere opportune , importune , arguendo , obsecrando , increpando , necnon & districtissimè interminando , vt prædictum vitium , hinc , iuxta mandatum Regulæ , radicitus amputaretur , & hoc quidem ex parte maxima fecit . Tunc etiam &


Proprietatis vitium

Ambro-

Ambrosia
nus can-
tus.

Ambrosianum cantum in Ecclesia ista cantari poenitus in-
terdixit.

CAPVT XC VII.



ER hos dies Pandulfus vir nobilis, & Ec-
clesiasticus ad hoc Monasterium venit,
atque ab eo nimis honorifice, amanterq;
receptus est. Cui etiam & priuilegium,
Episcopale fecit, & in hoc Monasterio
locum illi primum post se in omni con-
uentu concessit. Qui videlicet Episcopus
obtulit in hoc loco planetam scaramanginam, pluuiale
diasprum cum lista aurea. Faciem altaris purpuream cum
listis, & gemmis. Thuribula argentea duo, calicem aureum,
crucem argenteam paruulam cum ligno Domini, situlam
argenteam vnam cum leonibus, pallium magnum vnum
ad appendendum, & vnum tapetum optimum, & alia non-
nulla, quæ scribere superflua duximus; & sic societate, ac
benedictione Fratrum percepta, reuersus est: semper ex eo
tempore familiarissimus, & deuotissimus circa locum
istum existens.

Marinus etiam Traiectensis Comes, eisdem diebus obtu-
lit huic Monasterio totam, & integram portionem suam,
idest quartam partem totius Comitatus Traiectensis, &
medietatem castri Spinei, & quartam partem de castro
Fractæ, necnon & Monasterium sancti Marini, quod in per-
tinentia eiusdem Fractensis oppidi situm est, cum vniuersis
omnino substantijs, ac pertinentijs eius. Gezzo quoque,
& Petrus germani fratres de Pontecuruo, his diebus tradi-
derunt in hoc loco Ecclesiam sancti Nicolai, & sancti Bla-
sij, quæ est in castello sancti Ioannis de Carica, cum omni-
bus rebus ipsi Ecclesiæ pertinentibus.

Sed cum prædictus Apostolicus Romana febre iam du-
dum langueret, circa ipsam natalis Domini festiuitatem,
a deo grauiter infirmatus est, vt pro certo se mori putaret.
Electio itaque Desiderio, cum priorum consilio, in Abbatem
(quemadmodum loco congruo iuuante Domino, ostende-
mus,

Desiderij
electio in
Abbatem
Castinens.

mus) & Apoſtolica Legationis ad Conſtantinopolitanum Imperatorem illi commiſſo viatico, ipſe Romam reuerſus eſt.

Alphanum, olim Deſiderij ſocium, Salernitanæ tunc ſedis electum, ſecum duxit, eumq; in ieiunijs Martij primo Presbyterum, de hinc ſequenti Dominica Archiepiſcopum conſecrans, cum honore Salernum remiſit.

Alphanus
Archiepi-
ſcopus Sa-
lernitan.

CAPVT XC VIII.




DOST paucos dies mandauit Præpoſito noſtro, vt omnem Eccleſiæ huius loci theſaurum in auro dumtaxat, atque argento, feſtinanter ſibi, & quam poſſet latenter, per ſe ipſum deferret; multo potiora hiſ in breui ſe huc remiſſurum promittens. Diſponebat autem fratri ſuo Duci

Gotfrido apud Tuſciam in colloquium iungi, eiq; vt ferebatur, imperialem coronam largiri: demum verò ad Normannos Italia expellendos, qui maximo illi odio erant, vna cum eo reuerti. Cumq; licet triſtes, nimiumq; dolentes, quod Papa mandauerat, Fratres matutinali tempore perficere maturarent: Quidam nouitius bonæ conuerſationis, Frater Leo nomine, cuius Amalphitanus, poſt nocturnam ſynaxim, cæteris Eccleſiam exeuntibus, orandi gratia ſubſtitit; & poſt orationem parumper reſidens obdormiuit. Cernebatq; in ſomnis quendam reuerenda canitie monachum cum alia ſanctimoniali, ab ipſis abſidæ adytis procedentes, uſque ad Eccleſiæ medium perueniſſe: eandemque ſanctimonialem ſuffuſam lacrymis, quaſi pro eo, quod deprædaretur, elata voce non mediocriter conqueri; quam ita vociferantem, monachus ille à latere comitans, taliter conſolabatur. Noli, inquiens, Soror, noli flere, nam vniuerſa hæc ad nos proculdubio in proximo reuertentur. Expectus Frater cepit eſſe de viſione attonitus, pergensq; fortuito ad ſecretarium, & videns, quæ agebantur, cum illius mandati prorsus eſſet ignarus, accepta mox à Priore loquendi licentia, viſionem, quam viderat, per ordinem re-
tulit,

tulit, caperuntq; omnes, qui aderant, flere. Sed quoniam, quod mandatum fuerat prætermittere non audebant, assumpsit omnibus, Romam illa ad Apostolicum detulerunt. Quibus visis totus intremuit: demum verò recitata illi præfata visione, cognita quoque super hoc immensa nostrorum tristitia, pœnitentia ductus, lacrymari cepit: ac protinus (vnâ tantummodo Iconam ex his, quæ ipsemet à Constantinopoli detulerat inde assumens) omnia huc referri mandauit. Cum itaque mox receptis omnibus prædictus noster Præpositus maturaret reuerti, & magnam iam partem itineris confecisset: Nuntium repente à Papa recepit, vt remisso ad Monasterium thesauro per socios, ipse quantocius ad eum rediret. Quem reuersum de Abbatia sancti Vincentij, quemadmodum à filiis Borrelli exoratus fuerat inuestiuit, eumq; protinus ad eam recipiendam transmissit.

CAPVT XCIX.



OST hæc congregatis intra Ecclesiam, Episcopis, & Clero, Populoq; Romano, sub districta nimis interdictione constituit: vt si antequam Hildebrandus, Romanæ tunc Ecclesiæ Subdiaconus, ab Imperatrice, ad quam pro quibusdam Reipublicæ negotijs communi consilio mittebatur, rediret, se obire contingeret, nullus omnino eligere Papam præsumeret, sed vsque ad illius reditum Apostolica sedes intacta vacaret, eius demum consilio ordinanda. Dehinc ipse in Tusciam properans, non multo post subito languore depressus, apud Florentiam obiit, quarto Kalendas Aprilis, ibiq; digno satis est honore sepultus. Ad cuius sanctissimum corpus, meritis eius interuenientibus, plurima Christus signa ostendit. Fratres igitur nostri, qui cum eo perrexerant, cappellam eius, quam hinc detulerat, fidelibus viris apud Florentiam commendantes: quoniam per Romam regredi formidabant, adnitentibus, ac deducentibus se Florentinensibus, per Marchias ad nos reuertuntur.

Stephanus
Florentiæ
obiit an-
no 1058.

C A-

CAPVT C.



INTEREA Gregorius de Alberico Laceranensis, & Tusculanensis Comes, com-
perto Romani Pontificis obitu, sociato
sibi Girardo de Galera, & Romanorum
potentium aliquot, nocturno tempore
cum armatorum turbis Ecclesie iura per-
uadunt, & Ioannem Veliternensem Episcopum, Mincium
postea cognominatum, Papam constituunt, Benedicti no-
mine illi imposito.

Ecclesia
Romana
inuaditur

Quod cum Petrus Damiani vir valde religiosus, quem
eo tempore Stephanus Papa distractum ab Eremito in Ostien-
si Ecclesia Episcopum fecerat, comperisset, una cum Car-
dinalibus cepit obfistere, reclamare, ac anathematizare;
sed omnes hi tandem fautorum eius terrore compulsi, per
diuersa coacti sunt latibula fugere. Ita a satellitibus Satane,
Ostiensis Ecclesie Archipresbyter, ut praedictum Mincium
ad Apostolatus culmen prouheret raptus, ac violenter at-
tractus est. Humbertus interea Episcopus tunc a Florentia
reuertens, una cum Petro Tusculanensi Episcopo, nequa-
quam Romae remorandum ratus, clam iter aggressus, apud
Beneuentum Pascha celebraturus accelerabat. Qui cum
feria quarta ante Coenam Domini ad sanctum Germanum
applicuisset, simul cum socio inuitatus a Fratribus, atque
retentus festiuitatis gratia est.

Petrus Da-
miani Epi-
scopus Os-
tiensis.

CAPVT CI.



HAEC praeterea sunt, quae de Friderici mu-
neribus hoc Monasterium tempore diuer-
so recepit. Crucem auream gemmis, ac
margaritis ornatam librarum duarum,
cum tripode argenteo deaurato, & hastili
onichino argento, & auro ornato quinque
librarum inter utrumque. Iconas argenteas deauratas qua-
tuor. Auream unam cum gemmis, ac smaltis valde pulcher-

X rimam,

322 Liber Secundus Cassinensis Chronici.

rimam, cum non parua ligni Dominici portione. Cerapta-
ta crySTALLINA parium vnum, argentea parium alterum. .
Codicellum Euangelij auro, gemmisq; decoratum. Pluvia-
lia sex. Lanternam argenteam magnam librarum quinque,
cum nigello. Vrceolum argenteum ad ministerium altaris.
Situlam argenteam deauratam cum smaltis. Pallia quoque
& hostiaria aliquot. Tapetia septem, & vnum maius, quoli-
bet pallio pretiosius. Antiphonarium vnum.

Secundo operis huius ab Aligerno ad Desiderium, Do-
mino faciente, deducto libello, opportunum, ac decens ef-
se putamus, si vitam, moresq; illius, ac gesta ex integro de-
scripturi, tertium historiunculæ huius primordium, eius
auspicijs dedicemus, ac sic illius opera contexamus. DEO
GRATIAS.

Finis Libri Secundi.



CHRO-

CHRONICI CASSINENSIS

Liber Tertius.



PROLOGVS LEONIS OSTIENSIS

De vita, & actibus Reuerendissimi Ab-
batis Desiderij, qui & Victoris
Tertij Papæ.



DESIDERIVS Abbas huius
Monasterij trigesimus septimus, &
quartus huius loci restaurator, ac
renouator, sedit annis viginti no-
uem, mensibus quinque. Primus
siquidem Monasterij huius Fun-
dator, atque constructor fuit, Pa-
ter sanctissimus Benedictus. Pe-
tronax secundus, tertius Aligernus, Desiderius hic no-
ster extitit quartus. In quo videlicet omnipotens Deus,
nostro hoc tempore, etiam corporaliter, Euangelicam illam
pollicitationem visus est adimplere, qua dicitur. Amen. Matthæus
dico vobis, quod omnis, qui reliquerit domum, vel fra- 19.
tres, aut sorores, aut patrem, aut matrem, aut uxorem,
aut filios, aut agros propter nomen meum, centuplum ac-
cipiet, & vitam æternam possidebit. Huius plane admira-
bilis, & singularis sui ordinis viri, tam diues, tam mul-
tiplex, tam denique copiosa est gestorum materia, ut ipsi

X 2 Hieronymo

Hieronymo si adesset, vel Sulpitio, non posset videri ad scribendum indigna. Ego tamen quamuis omnium imperitissimus, & tanto sin opere nequaquam sufficiens, tum pro Imperio sanctissimi Patris Oderisii minime contemnendo, tum pro maxima, quam idem Pater Desiderius in me ab ipsa ferè infantia habere dignatus est, dilectione: cum me vixdum quatuor & decem annos egressum in hoc sancto loco, quam libenter suscepit, instruxit, enutrit, ac prouexit. Cernens insuper, & dolens, cum tanti utilitate operis, memoriam quoque tanti viri scriptorum negligentia paulatim in obliuionem, ac per hoc in contemptum fore venturam: licet non decenter, licet non eleganter, licet deniq; non sufficienter valeam eius opera ex toto complectere, aggrediar tamen, confisus de auxilio Dei, quoquomodo illa perstringere, & ad gloriam Dei, tantiq. viri sanctam memoriam, necnon ad solatium filiorum eius, fratrum nostrorum, litteris utcumque mandare. Aequius utiq. iudicans cum obedientia, & deuotione, insectitiæ notam subire; quam de tam pretiosa materia ex toto silere, & indignum prorsus esse decernens, ut si omnia nequeo, vel aliquanta non studeam de tot, tantisq. operibus eius referre: prudentissimo utiq. more venantium, insectantium feras, qui & si omnes capere nequeunt, nequaquam tamen quotquot possunt capere negligunt. Et quoniã plurima prorsus, & ferè innumera tanti viri sunt opera; multa me, ex ipsis etiam, quæ scio, prætermisurum confiteor, quoniam scribere si omnia voluissem, prolixam certè, & immensam historiam condidissem; quamuis ob hoc à multis nostrorum, qui mecum pariter illa recolunt, me redarguendum fore non dubitem. Sed ego, Lectorum fastidio utiliter consulens, si ea tantum, quæ relatu essent dignissima scriberentur, sufficere iudicaui. Nam si quæ minus nostris literis reperiuntur, in eius operibus luce

clarins

clarius conſpiciuntur. Huius ſanè viri primordia (quoniam opitulante Chriſto, hinc exordium ſumere geſtio) ab his, qui eius ab incunabulis exiitire ſodales addidici. Multa præterea ex eiſdem ore veridico, cum frequenter me ſibi nimia bonitate faceret adharere. percepi. Nonnulla etiam à prioribus quibuſdam audiui. Cætera poſtremo illius, & oculis proprijs plurima vidi, & uniuerſis ferè uſque ad obitum eius interſui. Vnde Lectorem meum reddere certiſſimum volo, nulla me in hoc opuſculo extrinſecus additamenta facturum: nulla prorsus de illo, niſi veraciter comperta ſcripturum, utpote, qui me ſimplici intellectu legiſſe meminerim: Perdes Domine omnes, qui lo- Pſalm. 5.
quuntur mendacium: ſaluo utiq. intellectu alio, quod dictum id de hæreticis affirmatur. Quod ſi forte aliquis inuidencia, ſeu malitia ductus, fidem his accommodare noluerit, & fauoris potius gratia huic rei me operam dediſſe putauerit: huc ſi placuerit properans aperiat viſus, & videat, ac per ea, quæ videntur, illa quoque, quæ videri non poſſunt, ſemoto liuore conſiderans, admiretur, & credat, credensq. bonorum omnium largitori laudes ſuper hoc, & gratias reſerat: ſicq. tandem, me de multis illius pauca, deq. maximis minima, prorsus ſcripiſſe cognoſcat.


CAPVT PRIMVM.



DESIDERIVS igitur ex nobiliſſima Be- Deſiderij
genus.
neuétanorum Principum origine languinis lineam ducens; ſpiritu potius, quam carne nobilis eſſe ab ipſis rudimentis infantia cepit; & Dei magis ſeruitio, quam ſæculi vanitatibus operam dare, ab ipſis (vt ita dicam) vberibus matris, elegit. Studebat namq; puerulus adhuc frequentare Eccleſiam, diuinas Lectiones, & audire libenter, & legere: cum quibuſ- Deſiderij
indoles.
dam

dam etiam Religiosis sæpe de his sermonem innectere, & quaq; ab eis de bonis moribus addiscere poterat, in semetipso satagebat exprimere. At pater illius secularibus cum negotijs cupiens implicare, & utpote vnicum diligens, per posteritatis illius lineam, suæ nobilitatis nomen dispo- neret propagare, puellam ei ad æque nobilem, cum iam inciperet adolefcere, studuit desponsare, utq; parentela eadem ad inuicem firmaretur, modis omnibus maturare. Sed quoniam Dei spiritus suo igne cor Desiderij ad mundi contemptum accenderat, è contrario longe aliter, quam pater disposuerat, agere, puer egregius destinabat, seq; po- tius Eremum, quam nuptias appetere, secretis, quibus po- terat gestibus, indicabat, & fecisset suis desiderijs satis, ni- si quod diligens parentum custodia, & singularis amor, ac sollicitudo ingens impediēbat.

CAPVT II.



Iaquintus
monachus:


ON post multos dies, Domini iudicio, patre à Normannis perempto: Deside- rius aliquo modo nactus occasionem, quam dudum optauerat, omnibus cepit modis, clam licet, satagere, ut desiderij, quo cogitata conceperat, opere partu- rirer. Cuidam igitur Monacho benè sibi noto, prudenti satis in secularibus viro, nomine Iaquinto (cuius ego relatione percepi) consilium totum communi- cat, pandit vorum, voluntatem ostendit, & ut ei super hoc fidenter auxiliaretur, fideli prece deposcit. Erat tunc circi- ter annorum viginti. Nosti, inquiens, mi pater, qualiter me sæculo huic misero propinqui innoxuerint, sed quoniam, ut verè fatear, iam dudum Deo vacare decreui; per ipsum te obtestor, & obsecro, ut iuxta quod scis, & potes, his me vinculis resolutum Deo liberius seruiturum, clam omnibus ad aliquam remotissimam solitudinē transferas. Quid mul- ta? pollicetur in omnibus Iaquintus auxilium; sed cauere imperat, ne forte sit hæc suggestio demonum. Verum cum eius per omnia firmum in Christo pectus agnouit, & iterū, ite.

iterumq; illum frequentando perreans, idem semper quod pridem inuenit. Quadam die iam circa vesperam pariter ascensit equis, quasi spaciandi gratia, ciuitatem egressi, cōsequentibus aliquot famulis, ad Ecclesiam B. Petri cognomento maioris, quæ iuxta eandem ciuitatem est sita, perueniunt: ibiq; quasi causa orationis ingressi, equos, & gladium, quo idem Desiderius tunc erat accinctus, prædictis famulis præforibus veluti seruanda, relinquunt. Inde iam sero, per quandam illius Ecclesiæ posterulam videntes, iter aggrediuntur, & cum non plus octo milliaribus ab inde locus ille distaret, ad quem pergere disposuerant; noctis errore simul ac pauore confusi, vix illuc alterius diei mane perueniunt. Quos cum vir Domini, qui solitariam inibi vitam ducebat, Sanctari nomine, contpexisset, valde miratus, atque lætatus est. Moxq; inducens illos in cellam suam, ac Desiderium frequenter exosculans cepit solerter exquirere, cur ita venisset. Cognita itaq; Desiderij voluntate, vehementer obstupuit, quod puer tam nobilis, tam delicatus, tam diues, & præcipuè parentibus singularis, tam feruenter vniuersis sæculi pompis, ac vanitatibus spretis, sub tam districto proposito seruiturus Domino accessisset. Sed quoniam nil Deo difficile, aut impossibile esse sciebat, laudes illi, & gratias maximas referens, veterem hominem cum actibus eius Desiderium (ipso, vel maxime insistente) protinus exuit, & nouum, qui renouatur in Dei cognitionem illum, consequenter vestiuit; & Iaquinto in sua maturius redeunte, solus Desiderius cum Sanctari solo remansit.

Desiderius Deo militaturus patriam deserit.

Sanctari solitarius Desiderium recipit.

CAPVT III.




AMVLI igitur eius, vt supra dictum est, cum equis, & armis ipsius frustra iam illum præforibus Ecclesiæ præstolantes, cum discessum illius tandem aliquando cognouissent, vicina iam nocte, ad ciuitatem maturius reuertuntur, matriq; ac propinquis, quid accidisset, pauitantibus animis referunt. Noctem illam mater cōtinuauit lacrymis,

X 4 propinqui

Desideri-
us Beneuē-
tum redu-
citur.

propinqui vero, & affines ipsius mane facto, equis ascensis, per diuersas vicinias, requirendi illum gratia, disperguntur; ac tandem, quod erat in re suspicantes probitatum eius indicio, ad Sanctari cellam deueniunt. Quam statim violenter ingressi, veste illum monastica vestitum reperiunt: ac vehementer irati, prefatum Dei seruum contumelijs magnis, conuitijs multis adoriuntur; & inhonestè satis sacram vestem Desiderium exuentes; manibus eam proprijs scindunt, cumq; Priori veste reuestiunt, inuitum licet, ac repugnantem. Ac postremò illum equo impositum, ipsis loratententibus, quasi maximam ante se prædam agentes, ad urbem more triumphantium reuertuntur. Hic iam matris lacrymas, & querelas, simul ac suadelas frustra in Desiderium iactas, propinquorum etiam, imò totius urbis tripudium, quis referre contendat? Annum ferè integrum sub ingenti custodia, in domo matris habitu tantummodo secularis, ceterum mente cœlebs, exegit: nullusq; illi, neq; de nuptijs, neq; de aliquo actu seculari persuadere aliquatenus potuit. Ita, quem fidelem, ac strenuum domui suæ dispensatorem, constituere Dominus disponebat, ab omni eum carnalis cōtagij macula purum, immunemq; seruauit, vnde non immeritò à cunctis ciuibz mirabilis, ac desiderabilis habebatur.

CAPVT IV.



Desideri-
us cucullā
induit.

ED cum iam nulla fugæ ipsius suspitio matrem teneret, eumq. quoniam coniugatum non poterat, secum, vel clericum retinere niteretur, ad Episcopium, quod domui suæ satis erat contiguum, primo quidem non sine custodia, dehinc securitate crescente, solum sæpius ire sinebat. Erat tunc in Monasterio sanctæ Sophiæ Præpositus, nomine Siconolfus, qui Desiderij desiderium pleniter noscens, quoniam per diem, ne suspitio reuiuisceret, non præsumebat; nocte cum eo apud Episcopium sæpissime loquebatur. Post non multos dies, noctu, sicuti consueuerat ad eum cum equis veniens, cuculla indutum, clam, Salernum perduxit: ac Beneuentum

neuentum perniciousiter redijt. Mox Desiderius ad Principem Guaimarium consanguinitate sibi propinquum accedit: aduentus causam ostendit; orat, vt quoniam in patria viuere monachus parentum pertinacia non auderet, quiete apud illum Deo sibi seruire liceret. Si hoc mereretur impetrare, nusquam inde procederet. Si vero aliquando illum reddere propinquis deberet, modo potius sibi licentiam daret alio properandi. Huius igitur aduentu nimis exhilaratus Guaimarius, & vehementer admiratus tantum in tanto adolescente feruorem, annuit postulatis: eumq. secum per dies aliquot retinens, nulliq. se contra votum reddendum fidsime pollicens: demum ad Monasterium S. Trinitatis, quod ad Cauam nuncupatur, non longe à Salerno situm, eodem petente transmisit. Quod propinqui persentientes, magnis, & frequentibus precibus Desiderium sibi reddi, Guaimarium interpellant, Sed Principe in promissione, quam Desiderio fecerat, permanente: per semetipsum Landulfus Beneuentanus Princeps, matris, ac propinquorum orationibus fatigatus, Salernum venit, & Desiderium affinibus reddi deposcit.

Monasterium sanctæ Trinitatis Cassinensis.

CAPVT V.



IAL I igitur tandem aliquando conditione ad Beneuentum redeat impetratur: vt sine alicuius impedimento, vel contradictione, apud Monasterium sanctæ Sophiæ sub monastica professione, sibi manere liceret. Postquam ventum est Beneuentum vniuersis affinibus sibi obuiam simul cum ciuitate tuentibus, cum omni pariter comitatu Princeps illum ad Monasterium est prosequutus. Gregorius tunc vir valde prudens, & strenuus eidem Monasterio præerat in. Abbatem, qui Desiderium multa hilaritate recipiens; pro eo, quod vniuersis desiderabilis erat, tunc primum mutato eius nomine, Desiderium appellari præcepit: nam vsque ad id tempus Dauferius vocabatur.

AD-

A Rnoldus Vuion monachus sancti Benedicti de Mantua in prima parte sui ligni vitæ cap. 8. agens de Abbatibus qui post S. Patrē Benedictum Cassinensi cœnobio præfuerunt, asserit Desiderium nostrum monachum fuisse Monasterij sanctissimę Trinitatis Cauensis. Cui aduersatur Leo his duobus capitibus, dum asserit, indutum fuisse habitu monastico in Monasterio sanctę Sophię de Beneuento à Siconolfo eiusdem Monasterij Præposito; postea verò à Gregorio Abbate mutatum sibi nomen, ut qui prius Dauferius vocabatur, deinceps Desiderius appellaretur. Professionem verò emisit in Monasterio Cassinensi, ut apparet ex capite 7. Hos enim significant verba illa, receptiq. decenter ab Abbate, & Fratribus sociati, honeste nimis, atque humiliter inter illos aliquandiu conuersati sunt, & ab vniuersis in dilectione plurima habiti, necnon & monasticam ab eodem Abbate consecrationem adepti. Præterea cum Desiderius ad Cauense Monasterium perrexit, iam monasticum habitum apud S. Sophiā induerat: in Monasterio autem Cauensi paucos dies manere permissus est, quod expressè hic asserit Leo. Sed quoniam Cauenses monachi contendunt Desiderium in Monasterio suo à B. Alferio tunc eiusdem cœnobij Abbate susceptum, ac monachum factum fuisse, atque ibidem professionem emisisse, audiamus Desiderium de se ipso, ac B. Alferio in 3. lib. Dialog. ita loquentem.

Sāctus Alferius primus Abbas Cauēsis.

Alferius Abbas Monasterij S. Trinitatis, ab ipso in latere montis edificati, quod inter Salernitanam, Amalfitanamq. ciuitatem præeminet mari, extitit. Cuius religiosam, & Deo amabilem vitam, & ipse ex parte vidi, qui apud eū aliquantulum familiariter mansi, & alijs referentibus agnoui, hæc ille. Quæ verba profecto ostendunt, Desiderium non fuisse B. Alferij monachum, sed sibi tantum cognitum, ex eo, quod apud eum aliquantulum familiariter mansit, illis videlicet paucis diebus quos ibidem à Guaimario Salernitano Principe transmissus peregit: donec Landolphus Beneuentanus Princeps matris, ac propinquorum Desiderij precibus exoratus, Salernum venit, ac Desiderium Beneuentum reduxit.

xit, hac conditione, ut in Monasterio S. Sophie sub monasti-
ca religione sibi manere liceret. Arnoldus ergo contra au-
thoritatem antiquorum, absque ratione probata, asserit De-
siderium monachum fuisse Cauensem. Dico tamen in gratiam
monachorum sacri cœnobij Cauensis, Desiderium, aliquan-
tulum illud tempus, quo in prefato cœnobio mansit sub ma-
gisterio, & disciplina sancti Alforij mansisse: qua ratione
potest ipse discipulus, & Cauensis monachus aliquatenus
nuncupari.

CAPVT V.



DI ergo illo per annos aliquot sub vita
religiosissima commorante, & saepe secum
reputante monachum in sua patria per-
fectum esse non posse: pervenit interim
ad noticiam illius fama Monasterij Tre-
mitensis, quod videlicet in Adriatico ma-
ri apud Insulam Diomedis, quondam no-
mine vocitatum, triginta circiter millibus à terra distans
situm esse dignoscitur. Et quoniam iam dudum apud Bene-
uentum familiaritatem Abbatis prædicti loci adeptus fue-
rat, vix licet impetrata licentia, illuc perrexit, ibiq; satis
auferre conuersationi se tradens, non paruum tempus exe-
git. Sed cum ab eodem Abbate adeo diligeretur, ut eandem
ei Abbatiam se quoque viuente contradere cuperet; ille ve-
rò subiectioni potius, quam prælationi mentem accommo-
daret, ac propterea cedendum loco illi decerneret. Quodam
tempore idem Abbas ad res Monasterij disquirendas egre-
diens, eundem Desiderium secum ire rogavit, quam ille
egressionis opportunitatem libenter amplexus, minime
differendam putauit. Cumq; pariter ad Transmundi Comi-
tis (quoniam res ita poscebat) curiam perrexissent; vxor
eiusdem Comitis super aduentu Desiderij, quod eius affinis
esset, valde exultans, à viro suo, ut aliquandiu secum il-
lum retineret, etiam inuito Abbate, obtinuit: eius videli-
cet retentionis auctor ipsemet, ut dicitur, extitit: audiens
autem Celebre tunc nomen eremitarum Maieliæ degentiū,
illuc

illuc properare, ac Deo secretius seruire desiderans; prædictum Comitem, vt ibidem transmitteretur orauit, quod & factum est. Vbi cum tribus circiter mensibus à principio videlicet Februarij, vsque in tertiam post Pascham Dominicam sub ingenti continentia remoratus fuisset, transmissus est illuc supra nominatus Iaquinus cum litteris ex parte Apostolici ad eremi ipsius priorem; quarum tenore, & priori sub interminatione inebat, ne illum amplius retinere præsumeret, & illi nihilominus mandat, ne vel aliquantas inibi moras innectere auderet. Ita regressus ad sanctæ Sophiæ Monasterium est.

CAPVT VII.

Vide annotata super cap. 79. lib. 2.



Alphanus Salernitanus.

NON post multos dies Dominus Leo Papa sanctissimus è partibus Ultramontanis regressus, Beneuentum intrauit, & quoniam Desiderius iam dudum Hüberto Siluæ candidæ Episcopo cognitus, & nimis carus extiterat, tam per illum, quàm & per Fridericum tunc Cæcellarium eidem Papæ notus, & valde familiaris efficitur; adeò vt illi frequenter in altaris officio adhereret, & Euangelium ad eius missas sæpius legeret. Per idem tempus præfatus Pontifex descendit in Apuliam cum Normanis dimicaturus, sed Dei iudicio superatus ab his, ac Beneuentum regressus, ordinato Volderico Archiepiscopo, quem secum adduxerat, post nouem circiter menses Romam reuersus, atque defunctus est. Interea Desiderius ob nimiam abstinentiam, multasq; vigilias, in languorē non modicum decidens, medendi gratia Salernum perrexit. Ibi itaq; illo aliquandiu remorante, Alphanus (qui postmodum eiusdem ciuitatis Archiepiscopatum adeptus est) prudentissimus, & nobilissimus clericus, maxima illi est familiaritate coniunctus. Cuius animum frequentibus monitis ad mundi contemptum exhortans, sic tandem ab illo exegit, vt monachus fieret, si prius, vt iam dudum mente conceperat, Ierosolymam ire permissus fuisset. Hac inter illos sponsione firmata, Beneuentum reuersus Desiderius est, atque post non multos

multos dies mandat eidem Alphano, ut ad ſe veniat. Re-
nuente illo, ac potius pavitante Salernum egredi, iterum
Deſiderius ad illum abiit, eumq; propter quorundam ini-
micantium illi timorem, cuculla ſua indutum, noctu de ci-
uitate educens, ſecum Beneuentum adduxit. Cum verò ca-
piſſent Alphano nobiles, quiq; viri, ac clerici frequenta-
re, eumq; ob maximam eius prudentiam decenter excole-
re: propositum autem Ieroſolymitanæ viæ paulatim cepiſ-
ſet in eius mente tepeſcere, ſeq; à Deſiderij latere nullo vn-
quam modo, nullo vnquam tempore aſſereret velle diuide-
re, tempus ab eis aliquantum apud Monasterium S. Sophiae
exactum eſt. Cum ecce fama perccebit, Victorem Papam
ab Ultramontanis partibus Romam veniſſe; eumq; ad par-
tes iſtas in proximo venturum fore. Territus Alphanus hu-
iuſmodi Nuntio, quod Fratres ſuos ſuper Guaimarij Prin-
cipis occiſione inſimulandos proculdubio noſſet: præocu-
pare ſtatuit Apoſtolicum, ſecumq; ire orat ſuppliciter De-
ſiderium. Et quoniam miram cantandi peritiam, & medi-
cinæ artis ſcientiam non parvam habebat, eiſdem artis
codices nonnullos ſecum à domo detulerat, magni aliquid
ſe habendum in ſummi Pontificis curia omnimodis confide-
bat. Conſectis igitur, atque aptatis quotquot potuit medi-
caminibus, una cum ciuitatis ipſius Archiepiſcopo ad Ro-
manum Pontificem in Tuſciam proficiſcuntur, eumq; apud
Florentiam remorantem reperiunt. In breui itaque maxi-
mam apud illum familiaritatem adepti, & ſatis honorifice
habiti ſunt. Sed cum iam ibi per tempus aliquantum remo-
rati, pro certo Deſiderius comperiſſet Papam minime ad
partes iſtas venturum, inſuper etiam ultra montes prox-
ime profecturum, ſimulq; valde inutilem eſſe propoſito ſuo
conſiderans in eiſdem Pontificis curia conuerſationem,
cepit omnimodis inſtare Alphano, ut iam iamq. peteret ab
eo licentiam reuertendi.

Petrus ante non multos dies huic Monasterio electus fue-
rat à Fratribus in Abbatem, qui pro ſua ordinatione inſi-
nuanda, duos huius loci ad Papam tunc Fratres tranſmiſe-
rat. Igitur Deſiderius optata iam dudum opportunitate re-
perta, accedit pariter cum Alphano ad Romanum Pontifi-
cem,

Victor Pa-
pa II.

Ad finem
ann. 1055.

Ann. 1056

eum, simulq. pedibus illius se prosternentes orant recedendi licentiam. Adduntq. petentes, vt gratia religiosius viuendi, per monachos, qui ad eum à Cassinensi Monasterio venerunt, illuc eos transmittere, suisq. litteris illos Abbati dignaretur, ac Fratribus commendare. Annuit Apostolicus, atque ita sicut poposcerant cum Fratribus illis ad hoc cœnobium transmissi sunt. Receptiq. decenter ab Abbate, & Fratribus sociati, honeste nimis, atque humiliter inter illos aliquandiu conuersati sunt, & ab vniuersis in dilectione plurima habiti, necnon & monasticam ab eodem Abbate consecrationem adepti, Friderico super eorum aduentu plusquam satis est gratulante.

CAPVT VIII.


Visio Desiderio ostensa.



VIDERAT per hos dies Desiderius visionem non contemnendam, quam satis proxime, rei commendauit effectus. Cernebat siquidem se vna cum Alphano in quadam Ecclesia, ac valde pulcherrima turri, quæ iuxta Capitulum Fratrum sita esset, consistere, in qua nimirum Pater Benedictus videbatur sede decentissima residere. Cumq. ad illius visionem stupefacti pauerent, & accedere propius nequaquam præsumerent, B. Benedictus Desiderio hilariter innuebat, eumq. iuxta se sedere manu porrecta iubebat: Alphanus vero, quoniam vocatus ab eo non fuerat, quasi indigne ferens, de domo illa exibat; quæ nimirum visio manifestissime portendere visa est, & Alphanum in loco hoc non diu remoraturum, & Desiderium Benedicti Patris vicem in hoc Monasterio suscepturum. Non multo post igitur à Gisulfo Principe Alphanus expostulatus, primo apud Salernum in Monasterio sancti Benedicti Abbas effectus, de hinc eiusdem ciuitatis Archiepiscopatum indeptus est. Desiderius vero ad Capuanum Monasterium est transmissus Præpositus. Richardus tunc Auërsanus Comes Capuam expugnabat: sed cum Pandulfus ipsius ciuitatis Princeps indigna quadam, & superflua, iuxta priorum temporum consuetudinem

ſuetudinem Deſiderio vellet iniungere , ille conſtanti , vt erat peſtore , nequaquam in his ei congruum duceret aſſentiri : Capuam egreſſus ad Richardum acceſſit , & omnium , quæ extra ciuitatem erant Monafterio pertinentium , ab eo ſecuritate accepta , & maxima inſuper illi ex tunc fœderatus amicitia , in obediencijs eiufdem Monafterij aliquandiu remoratus eſt .

CAPVT IX.



EHINC cum prædictus Fridericus , in Abbatem huius loci electus , demum verò in Romanum Pontificem , vt ſuo loco iam ſupra tractauimus , ordinatus fuiſſet , Romam ad illum menſe Auguſto cum duodecim alijs Fratribus huius loci , nominatim ab ipſo vocatis , perrexit , ibiq; febre percuſus , poſt paucos dies huc redijt . Cum autem idem Apoſtolicus ad Monafterium hoc poſt quatuor circiter menſes veniſſet , non multo poſt graui languore detentus ad extrema ferè perductus eſt . Accerſitis itaq; cœnobij huius Prioribus , dat optionem illis in Abbatem eligendi , quem vellent . Qui cum habito ad inuicem conſilio nunc illum , nunc alium (vt in talibus conſuetudo eſt) eligendum cenſerent , communis tandem vniuerſorum conſenſus in Deſiderium expetendum adſpirat , & vt ipſe illis in Patrem concederetur , communibus votis Papam exorant . Cumq; ſatis ſibi placere eandem electionem Apoſtolicus aſſeruiffet : Nam , & olim tempore Leonis Papæ , optime illi apud Beneuentum notus extiterat , & ex quo Petrus Abbas eundem Deſiderium ante non plenum biennium receperat , multa ſe illi familiaritate deuinxerat : ita quidem , vt in camera erat , Fratrum electionem confirmauit , dicens : Quod quamuis plures eo tempore religioſos , ac ſpirituales viros , multaq; honeſtate , ac prudentia præditos Monafterium hoc haberet , neminem tamen magis idoneum eligere ad id officium de ſuo collegio potuiſſent . Et quoniam dum ipſe adiuueret , nulli ſe mortalium eandem Abbatiam tradere decreuerat , Deſiderium

Ann. 1057

{ Deſiderius in Abbatem Caſſinenſem eligitur .

rium vero ad Constantinopolitanum Imperatorem iam dudum Romanæ sedis apocrisarium facere disposuerat: constituit, ut si idem Desiderius, se superstitè reverteretur, ipsum illis velle Abbatiam contradere: si vero ante illius reuersionem defunctus fuisset. redeuntem illum absque aliqua contradictione in Abbatem congregatio vniuersa reciperet. Stephanum itaque Cardinalem, & Mainardum postmodum Siluæ candidæ Episcopum illi socios itineris donans, & in Epistolis, quas Imperatori mandauit Cassinensis Abbatia illum electum commemorans, emisit à se, præcipiens, ut expleta Legatione, reuerti quam citius posset festinaret. Desiderius igitur iniunctum sibi officium perficere satagens, assumptis quæque essent tanto itineri necessarijs, simul cum sibi traditis socijs, iter aggressus, ad Monasterium sancti Ioannis, quod appellatur in Venere, ut ibi mare ingrederetur, profectus est. Cum autem per dies aliquot ibi frustra remoratus fuisset, & propter aeris inclementiam mare ingredi nequaquam præsumeret, Sipontum inde contendit: ibi nauem, qua Barium nauigaret. ingressus, per quendam Episcopum, qui orationis gratia montem Garganum adierat Fratribus se commendari, seque mare ingressurum, illis significari rogauit; sed cum apud Barium quoque causa tempestatis aliquandiu restitisset, alium item Nuntium huc dirigere studuit, per quem videlicet significando mandabat, ob temporis in temperiem, usque ad illum diem apud Barium morari. Contigit autem dispositione diuina, quæ illum ad loci huius recipiendum honorem hætenus retardauerat, ut eodem die, quo idem Nuntius huc applicuit, eo quoque die Fratres nostri, qui cum Papa profecti fuerant, illo apud Florentiam defuncto, atque sepulto, rediissent. Mox itaque nostri consilio habito, duos Fratres, qui Desiderium reuocare, nuntiata Apostolici morte, deberent, festinanter transmittunt.

Stephani
PP. mors.

CAPVT X.

IAM tandem Desiderius sufficienter necessaria, quæque itineri capto parauerat, iam iamque simul cum Argi-
ro


ro Barenſium magiſtro nauigare disponebat: cum ecce ipſo palmarum Dominico die circa veſperam, eoſdem Nuntios à noſtris directos accepit, defunctum Apoſtolicum, & ſe ad reuocandum illum feſtinanter tranſmiſſos ab vniuerſis Fratribus, aſſerentes: rediret ergo quantocius, & regimen Monafterij, prout Dominus ordinauerat, cunctis ſe deſiderabiliter præſolâtibus, ſumeret. Obrigit Deſiderius tam ſubita Apoſtolicæ morte percuſſus, moxq; ſocijs aduocans aperuit, quid Nuntij detuliſſent, cæperûq; pariter cum Argiro ſatagere, qualiter (antequam mors Papæ diuulgaretur) reuerti valerent: non enim dubitabât ſe (cognito eius obitu) à Normannis, vel capiendos, vel diſturbandos. Redemptis igitur protinus, ſeu acquiſitis pro ſe, ac ſocijs aliquot, quibus vherentur, iumentis, ſecunda feria poſt palmas iter aggredientes venerunt ad Robertum Guiſcardum, tunc quidem Normannorum tantum Apuliæ Comitem: poſtmodum vero totius Apuliæ, & Calabriæ, atque Siciliæ Ducem: rogantes, vt ſecure illis per Terram ipſius tranſire liceret. Qui, vt fuit vir maximæ bonitatis, licet iam Papæ tranſitum compertum haberet, & ſecuritatem illis conceſſit, & tres Deſiderio equos, quibus adhuc indigebat, largitus eſt. Ita Deo in omnibus proſperante, ſine aliquo impedimento reuerſi, ipſo Paſchali Sabbatho, iam tardiuſcule, ad ciuitatem ſancti Germani applicuerunt. Dominico vero ſequenti Paſchæ valde diluculo huc aſcendentes, de more Monafterij Capitulum Fratrum ingreſſi ſunt, præſidentibus Humberto ſanctæ Ruſinæ, & Petro Tuſculanenſi Episcopis, & Stephano Cardinali, ac Mainardo, Deſiderij ſocijs. Nam prædicti Episcopi Humbertus, & Petrus (vt longe iam ſupra retulimus) à Roma tunc, Mincij ordinationem fugientes, Beneuentum Paſcha celebraturi pergebant, ſed Deo ordinante, gratia tantæ feſtiuitatis à noſtris Prioribus innitati, atque retenti fuerant. Poſt ſollemnem itaq; diei tanti ſermonem, mox Humbertus, totius illius ordinationis optime conſcius, aduocat Deſiderium, eiq; (quemadmodum olim fuerat à Papa diſpoſitum) Abbatix obedientiam recipere ex parte Fratrum omnium imperat. Nulla in medium mora, nulla expectatio reſponſionis, protinus vniuerſi ſurgentes,

Lib. 2. c. 2.
pit. 100.

Ann. 1058

tes, eundem Desiderium acceperunt, atque cum maximis laudibus ad Ecclesiam deportantes, in sede illum Abbatis honorifice locauerunt: vniuersis pro sollemnitate Paschali, tum pro ipsius ordinatione immensa lætitia, & iucunditate repletis. Anno scilicet Dominicæ incarnationis millesimo quinquagelimo octauo.

CAPVT XI.



DIGNITATE Abbacia suscepta, Desiderius cepit modis omnibus studere, atque satagere, vt quod dicebatur, dici veraciter posset. Cernens itaq; Monasterij officinas, & angustas ambitu, & forma deformes, & tum vetustate, tum inertia ruinosas: incitabatur quidem amodo illas aggre-
 gri ad renouandum, sed angebatur iterum, quia vt tam arduum inciperet opus nihil ferè pensi habebat. Primo itaque, quasi experiri cupiens si quid valeret, palatium, quod dudum Richerius Abbas ab orientali parte Monasterij inchoatum ad solarium vsque perduxerat, opere satis decenti perfecit, iuxtaq; ipsum, versus Ecclesiam, paruulam quidem, sed competentem planè, in qua libri recondarentur, adiculum fabricauit. Quod cum sibi prospero euentu cerneret obuenuisse, domum etiam, in qua Abbates manere consueuerant, quæ videlicet à Septentrionali parte adherens Ecclesiæ, & vilissimis ligni furculis ab inferiori parte sustentata, & viminibus ex parte maxima videbatur constructa, à fundamentis ædificare constituit, adiuncto illi palatio cum absida, quod veteres Todericum appellare solebant. Dehinc inspirante, ac prosperante Deo, mansionem, etiam illam, quæ Fratres quiescentes, diuersis præ sui exiguitate solarijs, continebat, nihilo segnius renouare aggressus est, in latere scilicet prioris à meridiano, quam funditus euertere, ob claustri spatium, disponebat. Nam propter ipsius montis verticem, cui nulla ferè constabat planities, vix in hoc loco paruissimi claustri speciem, iuxta absidam Ecclesiæ Priores effecerant. Perfecta est igitur eadem domus


domus in longitudinem cubitorum centum sexaginta, in latitudine verò cubitorum viginti, & quatuor, in altitudine autem propter ipsius montis inæqualitatem quantitatis diuersæ, eamq; abietinis trabibus satis pulchrè contignans, lateribus cooperuit, diuersisq; coloribus decorauit. Nihilq; moratus pari tenore, vetus Capitulum funditus diruens, renouauit, illudq; gypsea vrna in gyro, vitreisq; fenestris, ac pulchro variorum marmorum pauimento decorans, tegulis nihilominus cooperuit, & nimis venusta colorum varietate depinxit.

CAPVT XII.



INTEREA Fraſensis oppidi homines, velut quidam latrunculi, iunctis sibi Minurnensibus, alijsq; vicinis, nunc furtim, nunc palam, oppida sibi contigua nobis pertinentia, infestare non desistebant: terminum siquidem, qui inter nos, & illos antiquitus diuidebat, idest duo lapidei leones, cum non procul ab eorum castro consisterent: malitiose clam confringentes, in proximum demerserant puteum: qua nimirum fraude fidentes, si quando terminum nostrum inter duos leones, sicut præcepta continent, computabamus: illi de leonibus, qui secus portas sancti Georgij positi sunt, illud dici pertinaciter affirmabant. Horum igitur frequentissimas molestaciones Desiderius ægerrime ferens, simulq; illius sententiæ reminiscens, obseruatio ordinis nostri summam deposcit quietem, & securitatem; cum neque beneficijs eos, neque rationibus aliquatenus sedare valeret: ad eorum tandem violenter frangendam nequitiam totus intendit, & Adenulfi Caietani Ducis, cui gratiam Principis conciliauerat, adminiculo fultus, mox Castellum, cui nouum proprie nomen inditum est, in monte, qui Peranus dicitur, omni instantia contra illos erexit, sicq; sua deinceps eorum tutare, non autem amplius aliena peruadere, compulit.

Lib. I. 62.
pit. 5.



Nicolai
Papæ II.
electio an
no 1059.

Desideri-
us Cardi-
nalis crea-
tur.

ED cum post obitū piæ memoriæ Stephani
Papæ, supradictus Hildebrādus reuersus ab
Imperatrice, contra eiusdem Apostolici in-
terdictum, inuasam à pessimis hominibus
Ecclesiam comperisset, Florentiæ subleuit,
suisq; literis super hoc Romanorum me-
liores conueniens, eorumq; ad omnia consensum recipiens:
mox annitente Gotfrido Duce, Girardum Florentinum
Episcopum in Romanum Papam elegit, simulq; cum ipso, &
Duce Romam mense iam Ianuario venit: vbi præfatus ele-
ctus à Romano Clero, & populo in Apostolica sede inthroni-
zatus, & Nicolai nomen indeptus est. Qui mox supradi-
ctum inuasorem cum omnibus fautoribus suis excommuni-
cans, tandem quorundam suorum interuentu, illum in com-
munionem recepit: atque ad Ecclesiam sanctæ Mariæ, quæ
à Romanis maior vocatur, Sacerdotali priuatum officio,
manere constituit. Mandat deinde ad hoc Monasterium,
quatenus Dominus Abbas, sibi in Marchiam proficiscenti,
quam citius potest occurrat: videlicet, vt proximo Martij
mensis ieiunio, & Presbyteri gradum, & Cardinalatus pa-
riter officium, recipere debeat. Dominica igitur prima
Quadragesimæ, paratis omnibus necessarijs, iter arripiens,
apud Farfense Monasterium Apostolico se coniunxit: vbi
nimis ab eo amicabiliter, honorificeq; receptus, Auximum
simul cum ipso profectus est. Ibidem itaq; secundo Quadra-
gesimæ Sabbatho, quod tunc pridie nonis Martij euenit,
Cardinalis Presbyter ab eodem Apostolico ordinatus, &
sequenti Dominica Abbatix consecrationem adeptus, pri-
uilegium ab eo satis honorificum, iuxta consuetudinem
prædecessorum suorum, recepit; quo insuper ad Cardinala-
tus videlicet eius dignitatem, & honorificentiam Patris sã-
ctissimi Benedicti, per totam Campaniam, & Principatum,
Apuliam quoque, atque Calabriam, ab ipso fluuio piscarię,
sicut fuit in mare, vicem suam idem Apostolicus illi con-
cessit. Post hæc accepta licentia remeandi, Romam veniens,
proxima Dominica mediantis Quadragesimæ apud Eccle-
siam

fiam B. Petri missam follemniter celebrauit, atque Romanorum turba innumera Comitatus, ad titulum sanctæ Cecilie Transiberim, maxima cum laude deductus, sicq; ad hoc Monasterium in B. Benedicti festiuitate reuersus est. Et quoniam ab eodem Pontifice Paschalis festiuitatis gratia inuitatus fuerat: Romam reuersus, post festum urbem egrediens, Melfiam Apulie urbem perrexit, vbi tunc idem Apostolicus Concilium celebrare disposuerat: in qua etiam Synodo dum Richardus Capuanus Princeps cum alijs quâ pluribus interfuisset, à supradicto Papa Nicolao commonitus, præceptum fecit B. Benedicto de Monasterio S. Mariæ in Calena cum pertinentijs suis.

CAPVT XIV.



VNC temporis Gisulfus Salernitanus Princeps, Desiderio super hoc conqurenti, reddidit huic sancto loco cellam sancti Benedicti de Salerno, quam à iure nostri cœnobij Salernitanorum eatenus violentia subtraxerat. Sed cum exinde, subducto Abbate, præpositum ibi, iuxta morem cellarum nostrarum constituisset: Salernitani nimis hæc indigne ferentes, eidem Principi instare cœperunt, vt Monasterium illud ordinatum, sicut antea fuerat, esse permitteret. Coactus itaque Princeps, illorum rogatu Monasterium sancti Laurentij intra ciuitatem Salernitanam constructum, sibi iure hæreditario pertinentem, in hoc Monasterio ex integro obtulit, nec tamen restitutionem, quam antea de supradicta cella fecerat irritam fecit.

De eodem verò Monasterio sancti Benedicti de Salerno, ne fortè, vel memoria (cum multis intendimus) excidat, vel ne fortè opportunior referendi locus nobis non occurrat, licet præpostero ordine, necessarium videtur malitiam, & inuidentiam quorundam Fratrum prædicti Monasterij, hoc in loco inferere: nam sicut Aeneam apud Virgilium dixisse socijs legimus: Forsan hæc olim meminisse iuuabit. Causidicus quidam prædictæ ciuitatis Salernitanæ, Romual-

Y 3 dus

dus nomine fuit, qui pro eo, quod etiam ipsius Monasterij
 aduocatus erat, maximam ibi familiaritatem habebat: tunc
 proinde vniuersa eiusdē loci munimina, seu quaslibet char-
 tas sapissimè perquirendi fidissimam ab Abbate licentiam
 acceperat. Tandem igitur inter ceteras, quatuor numero
 magis oblationis edicta inuenit, quæ videlicet clare satis,
 ac pleniter continebāt, qualiter idem Monasterium à prin-
 cipio huic nostro cœnobio traditum à Principibus, ac sub-
 ditum fuerit. Has ille, maxima ductus inuidia, protinus ra-
 puit, abscondit, & nemine prorsus sciente, ad domum pro-
 priam derulit, atque vsque ad mortis diem, ne filijs quidem
 ostendit. In mortis igitur articulo positus, vocauit maio-
 rem filium suum, Ioannem nomine, eiq. clam vniuersum ip-
 sius rei prodens negotium, & prædictas chartas manibus
 retinens: Ego, inquit, vt cernis ô fili, proculdubio morior,
 chartas istas fidei tuæ committo, vt si meam vis benedictio-
 nem habere, vsque ad diem vltimam tuam, nulli prorsus
 mortalium eas ostendas, sed sicut egomet feci, secretas illas
 apud te, & ignotas omnibus habeas: quoniam si quomodo-
 libet in notitiam seniorum Cassinensium venerint, nullatenus
 quiescent, quin subiure Monasterij sui istud reducant
 Monasterium, quod iam dudum studio, & solertia nostro-
 rum parentum, ab illorum ditione subductum est. Suscipiens
 simul cum chartis, patris imperium filius, ac si diuinum,
 quid in pectoris archano recondens, vsque ad suæ mortis
 diem, similiter habuit & ipse exaltas. Ad mortem autem
 veniens accersit Fratrem suum, tunc ipsius loci Abbatem,
 easq. illi simili tenore, quo sibi pater reliquerat, tradidit.
 Non multo post idem Abbas infamatus de quibusdam cri-
 minibus apud Ducem Rogerium, tentus est, & in sua ipsius
 camera custodiæ mancipatus, qui videlicet Abbas iam du-
 dum propalauerat prædictarum tenorem chartarum, cui-
 dam pseudo monacho propinquo suo. Verum hic quoque
 priorum nequitia nequaquam inferior, reminiscens nefan-
 di negotij huius, & verens ne chartæ ipsæ apud Abbatem
 inuenirentur, festinus ad custodes Abbatis accessit, & logu-
 bri voce indicans se quatuor chartulas propriæ hereditatis
 eiusdem, vtpote propinquo, commendatas habuisse, orat
 suppliciter

suppliciter, vt eas sibi, & perquirere, & auferre permitte-
rent, ne fortè rebus alijs intermixta perirent. Illi nullum
in monachi verbis dolum existimantes, dant ei protinus, &
perquirendi, & asportandi licentiam. Quas ille repertas,
nescio, vt dicunt, Abbate, die altera in conuentu omnium
Fratrum attulit, ostendit, & legit, remq; totam per ordi-
nem pandit: mirantibus cunctis, & indignantibus, & diuer-
sis (vt in talibus assolet) diuersa promentibus. Tandem
hæc pluribus sententia placuit, vt antequam res diuulgare-
tur, chartę ipsę protinus minutatim inciderentur, idq; mox,
inuidia simul, & ira dictantibus, actum est; atque vni ex
Fratribus imperatum, vt easdem ipsas incisionum minutias
diligenter colligens, in secessum Fratrum proijceret. Hæc
omnia taliter gesta fuisse, idem ipse Frater, qui hoc de mi-
nutijs ipsis facere iussus est, diuino timore compunctus, non
multo post Abbati suo Iaquinto nostro confratri, per ordi-
nem propalauit: ego quoque ex eiusdem Abbatis ore hæc
vniuersa percepi, ne quis fortè autumet mendose hoc, vel
fabulose confictum.

CAPVT XV.



SEQVENTI tempore supradictus Pon-
tifex iterum ad has partes deueniens, Dō-
num Oderisum Oderisij Marforum Co-
mitis filium, & loci huius a puero mona-
chum, Diaconum in Lateranensi Ecclesia,
apud Acerras positus, ordinauit. Postmo-
dum autem in Aquinensi ciuitate deposti-
to Episcopo nomine Angelo, eo quod Neophitus, & rerum
Ecclesiasticarum male prodigus erat, necnon & quibusdam
nequitijs suis a sanctę memorię Papa Leone iam dudum
excommunicatus extiterat, Domnum Marinum Florenti-
num genere, religiosum planè, atque prudentem, de huius
loci Prioribus, monachum, Episcopum consecrauit. Petrus
etiam Venafranz, & Hiserniensis sedis Episcopus, Raue-
nas natione, noster monachus, tempore ipso sacratus est.

Oderisus
fit Cardi-
nalis.

Y 4 CA.



IISDEM quoq; diebus, & Richardo Principatum Capuanum, & Roberto Ducatum Apuliæ, & Calabriæ, atque Siciliae confirmavit, cum sacramento, fidelitate Romanæ Ecclesiæ ab eis primo recepta, necnon inuestitione census per singulos annos, per singula bouum paria denarios duodecim. Sed quoniam horum duorum magnatum Roberti scilicet, atque Richardi, qui præ ceteris sui temporis mortalibus locum hunc dilexerunt, ditauerunt, ac protexerunt, quiq; huic nostro Desiderio nimium deuoti fideles, & amicissimi in omni vita extiterunt, decurrens historia attulit mentionem, dignum videtur qualiter sit vterque ad suæ dignitatis honorem prouectus, vel breuiter, opusculo isto inferere: nam, & superius nos id ipsum promississe meminimus.

Roberto igitur primum frater eius Draco, qui tunc Comes erat Apuliæ, Roccam sancti Marci concessit, quam videlicet in confinio Calabriæ ipse non multo ante construxerat, deq; tota Calabria pariter inuestiuit. Sed cum pauper admodum esset vicinæ vrbs Dominum, quæ Bisinianum vocatur, Petrum videlicet Tyræ diuitem valde virum, vocatum ad colloquium, cepit: à quo utique viginti millia aureos pro eius absolutione recepit. Huic ad fratrem pergenti, Girardus de bono Alipergo occurrens, primus omnium illum Guiscardum, quasi per iocum appellauit, eiusq; demum miles effectus, Alueradam illi amitam suam in matrimonium iunxit: sicq; simul ingressi Calabriam, breui tempore vniuersas ferè illius vrbes ceperunt. Post mortem autem fratris Hunifridi, honore ipsius recepto, Regium urbem obsidens, capit, & ex tunc cepit Dux appellari. Reuersus Apuliam cepit etiam Troiam, & ita paulatim, diuersis licet temporibus, totam Terram, vniuersosq; partium illarum, Normannos, præter Richardum, suo subdidit dominatui. Cognito præterea, quod prædicta Aluerada sibi affinis esset, parat diuortium, sororemq; Salernitani Principis cepit expetere in coniugium, quod & factum est. Et Alueradę conferens

ferens plurima dona, Calabriam cum Sicelgaita perrexerit. Poſt hæc ad Saracenorum expugnationem, & acquisitionem Sicilia, ingens Roberti animus vertitur: ad quam videlicet cum valido exercitu tranſiens, Meſſanam primo, quæ in portu ſita erat, ex improviſo occupat: inde urbem, quæ caſtrum Ioannis vocatur, ex quatuor partibus caſtellis communis; bella ibi proſperrima peregit, à Panormitano Admirato dona ingentia recepit. Caſtrum ſancti Marci nomine in valle Demena conſtruxit. Meſſana militibus communita, tandem ingenti auro onuſtus Calabriam repetit. Hydruntum deinde tam diu obſidens afflixit, quouſque illi ſe tradidit. Inde Barium terra, mariq; circumdat, eamq; poſt quatuor circiter annos Argirizzi factione ingreditur. Rurſus igitur ad Sicilia, Panormiq; expugnationem cum nauali profeſtus exercitu, intra quinque menſium ſpatium Catanam primo, inde Panormum, deinde Mazaram cepit: ſicq. fratrem Rogerium de tota inueſtiens Inſula, & medietatem, Panormi, & Demenæ, ac Meſſanæ ſibimet retinens, acceptis Saracenorum obſidibus, theſauro ingenti ditatus, Calabriam rediit. Hæc igitur de Roberto breuiter tetigiſſe ſufficiat; quia qualiter hanc Inſulam ceperit, latius loco ſuo ſcribemus; nunc iam aliqua de Richardi Principatu ſcribemus.

Hic itaq. Auerſanum, vt ſupra iam tetigimus Comitatum indeptus, ad Capuanæ urbis expugnationem animum cepit intendere, & ad Principatus dignitatem toto niſu ambire. Supra quam cum tria caſtella firmaret, eamq. acriter debellans aſiligeret, ſeptem millibus tandem aureis à Pandulfo iuniore ſuſceptis, obſidionem ſoluit, ſed ad tempus. Nam cum poſt mortem Pandulfi, Landulfus filius ſucceſſiſſet, mox, & Richardus accedens obſidionem firmanit. Proferunt multam Capuani pecuniam, Richardus nil appetit niſi Terram. Arctatiq. demum famis penuria ciues, cedente Landulfo, recipiunt hominem, ſacrant in Principem, portas ſibi dumtaxat cum turrium fortitudine retinentes. Diſſimulat hoc interim nouus Princeps, & aptius id expetendi tempus expectat. Non multo poſt, venit ad hoc Monafterium, recipitur honorifice nimis cum proceſſione ſollemni, placent omnia valde: rogatus à ſenioribus de loci tutela, deuotiſſime

tiſſime promittit, ſe totius Monafterij, contra omnes, quos poſſet, fideliffimum de cætero defenſorem. Campaniam deinde profeſſus totam fermè intra tres menſes acquirit. Inde Capuam rediens, congregatis nobilibus, dignum iam aſſerit eſſe, turres ciuitatis, & portas ſibi contradi. Timen- tibus hoc, & omnino refutantibus agere Capuanis: iratus Princeps urbem exit, eamq̃, rursus arctiffima obſidione vndiq̃; cingit. Iterum ciues fame valida preſſi, vltra mon- tes, ad Imperatoris ſuffragium exorandum, Archiepiſco- pum ſuum transmittunt: ſed qui verba detulit, verba rece- pit, ſine aliqua vtilitate regreſſus. Tunc Capuani ſpe vndi- que decidentes, iamq̃; reſiſtere non valentes, & turres tan- dem, & portas, & ſeipſos omnes cum ſuis omnibus virtuti


Ann. 1062

Thezni in
cendium.

Principis tradiderunt, Anno Dominicæ incarnationis mil- leſimo ſexageſimoſecundo, cum iam per decem circiter an- norum circula Normannis viriliter repugnaffent.

Post paucum tempus diuino iudicio, nocte conflagrata Theano, mane Princeps cum exercitu venit, fugientibus Comitibus, ciuitatem, vltro tradentibus ciuibus, recepit: ita ſibi Deo inſomnibus pro incolarum nequitijs prosperante, Capuani Principatus attinentias cum ciuitatibus, & ca- ſtellis, breui ſibi tempore ſubdidit. In omnibus autem his prosperitatibus Deo, & Patri Benedicto ſemper gratias re- ferebat, eius ſe meritis adiunari, eius orationibus attolli certiffime proficiens. Iam verò Domnum Abbatem, quem dudum apud Capuam reſidentem (vt ſupra diximus) ſibi amiciffimum fecerat, exinde tanquam, patrem modis om- nibus venerari, eius conſilijs ſe committere, ac ipſi quaſi Domino libenter obtemperare, cepit.

CAPVT XVII.



PRIMO igitur anno, quo Princeps ſimul cū Iordane filio factus eſt, iuxta morem prio- rum Principum generale præceptum fecit huic Monafterio de omnibus omninò per- tinentijs, ac finibus ſuis; ſequenti vero tē- pore fecit præceptum Monafterio noſtro, quod

quod Capuæ situm est, de platea publica, quæ erat inter murum ciuitatis, & claustrum eiusdem cœnobij, vnde magnam inquietudinem Fratres, tam à quibuscumque transeuntibus, quàm & à vicinarum scœminarum garrulitatibus, quotidie patiebantur .

CAPVT XVIII.

ANTAE igitur potestatis Desiderius, Dei nutu, amicitia fructus: nequaquam tam acceptabile tempus negligendum ducens, eidem Principi, tum precibus, tum muneribus non exiguis instare cepit, vt huic Monasterio, quod tantopere se diligere fatebatur, quietem dignaretur, & securitatem largiri, & castella nobis finitima, quibus vndiq. frequenter infestabamur, quæ videlicet ipse iam in sua ditione redegerat, eidem Monasterio, in perpetuum possidenda firmaret. Eius itaque votis Princeps gratantissime annuens; primo quidem castrum, quod Mortula dicitur, simul cum casa Fortini, dehinc oppidum Fractarum, cuius iam supra meminimus. Sequenti verò anno Roccam cognomine Cucuruzzum, cum omnibus pertinentijs eius; turrem quoque, quæ iuxta mare sita est in eo videlicet loco, quo mari Iiris fluius admiscetur. Necnon & castellum Teramense. Hæc inquam omnia principalibus singillatim præceptis huic loco ex integro cōcessit, & confirmauit. Data sunt autem in commutationem eidem Principi pro Fractis, castellum, quod dicitur Capriata cum omnibus pertinentijs suis: additis insuper trecentis bizantijs. Pro Teramensi verò castro, datum est illi castellum, quod dicitur Conca, quod ipse nobis dudum reddiderat, vna cum curte de Miniano. Oppidum præterea vicinius Monasterio, quod Pesmontis vocatur, & infestius, ac molestius cæteris, eodem tempore à Comitibus Aquinensibus Desiderius commutauit, pro quo videlicet Roccam quidem vocabulo Cellarellum, & postea illis ex toto concessit, retento sibi lacu eiusdem loci, cum Ecclesiola, quæ iuxta est: partem verò de municipio S. Vibani, nobis tunc pertinen-

re,

te, idest centum viginti familias, sigillatim dedit Comiti Adenulfo, in vita tantum sua tenendam, retentis sibi familijs duodecim cum Ecclesia S. Urbani, & cum terra, quæ sufficeret ad duo paria boum, ea videlicet cōditione, vt si vellet nobis prædictus Comes in vita sua eiusdem hominum familias reddere, nos daremus illi quinquaginta libras denariorum, sin autem post mortem illius, in nostram omnes illi homines dicionem redirent.

CAPVT XIX.

RE R idem tempus oblata sunt in hoc loco Monasteria, & Ecclesiæ per diuersa loca, quæ suo ordine compendiose subter anneximus, ab anno videlicet primo ordinationis ipsius, vsque ad dedicationem maioris Ecclesiæ, deinceps reliqua descripturi. Ecclesia sanctæ Mariæ in Aurola, territorio Larinensi. Ecclesia S. Benedicti intra ciuitatem Albanensem. Monasterium S. Mariæ de Cellis in territorio Carseolano. Monasterium S. Benedicti de Orbeto, loco Pascufano. Ecclesia S. Valentini intra Ferentinum. Monasterium S. Marci de Carpenone, loco Aquasonula. Monasterium S. Demetrii intra ciuitatem Neapolim in regione Albinense. Ecclesia S. Petri in Orbeto loco Morino, & Ecclesia S. Lucie prope castellum, quod dicitur Rendenaria. Monasterium S. Eufemie in Marchia, territorio Theatino cum trecentis modijs terræ. Ecclesia S. Angeli, & S. Mariæ in Comino, loco Pesclo masculino. Ecclesia S. Trinitatis, & S. Felicis in S. Urbano. Ecclesia S. Ioannis de Conca, loco Pilano. Ecclesia S. Nicolai intra Aquinum iuxta plateam. Ecclesia S. Blasij, & S. Ioannis in Bagnarola. Ecclesia S. Benedicti in territorio Aretino, loco Ficarola. Monasterium S. Angeli de Algido, territorio Tusculano. Ecclesia S. Petri in Pelgi, S. Felicitatis, S. Lucie, S. Antonini in monte Porculi, territorio Tusculano. Monasterium S. Agathæ subtus ciuitatem Tusculanam. Ecclesia S. Saluatoris in eadem ciuitate Tusculana. Ecclesia S. Mariæ cognomento ad vineam, ter-

territorio Tusculanenfi. Monasterium, quod dicitur S. Ierusalē territorio Tusculano. Monasterium S. Angeli in Pesclo Veliternensi. Has omnes Gregorius Consul Romanorum, B. Benedicto obtulit iuxta tenorem, qui in oblationis chartula continetur. Item Ecclesia S. Mariæ de Vppa territorio Carfeolano. Ecclesia S. Nicolai, & S. Moyſes apud Campaniam, loco Zumici. Ecclesia S. Angeli in Bettorito pago Marforum. Ecclesia S. Erasmi, & S. Angeli, & S. Donati cum trecentis modijs terræ de Pomperano, similiter in Marſia. Ecclesia S. Christophori, & S. Constantij territorio Aquinēſi. Ecclesia S. Martini de Arpino. Monasterium quoque S. Petri de Burgano in finibus Luceriæ, cum vniuerſis omninò pertinentijs, & poſſeſſionibus ipſarum omnium. Tunc temporis Baldoinus Comes de valle Sorana, obtulit, ſeu reſtauit B. Benedicto tres curtes de Comino, quas per chartulam commutationis à parte huius Monasterij retinebat, idēſt Ecclesia S. Urbani cum omni pertinentia ſua, & Ecclesia S. Viſtorini cum ipſo Lacu de Vicalbo, & Eccleſiam S. Angeli, quæ dicitur in Pratora, cum omnibus omninò pertinentijs, ac rebus quemadmodum à nobis acceperat. Eodem quoque tempore Pandulfus Venafranſus Comes obtulit B. Benedicto quartam partem de caſtello, quod dicitur Sextum, & medietatem totius partis ſuæ de valle Venafri, & de Theano, & de Carinulo, & de Caluo, & de Calatia, necnon & de omnibus, quæ poſſidere videbatur in toto Principatu Capuano. Alio etiam præcepto obtulit in hoc loco quartam partem de Cerreto plano, & Torcino, & medietatem de Rocca S. Gregorij, & de Vitcuſo, & de Ceraſolo, necnon & integrum caſtellum, quod dicitur Cerulanum, cum omnibus omninò ſibi pertinentibus, ac poſſeſſionibus. Sed & Landulfus Comes Minlanenſis, ad conuerſionem veniens, obtulit curtem ſuam huic Monasterio non longe ab eodem Minlano cum duobus Eccleſijs. S. videlicet Maria, & S. Ioāne. Præterea & Ioannes Comes de Pontecurſo, cognomento Scintus, ſuperius iam memoratus, obtulit in hoc loco Eccleſiam S. Angeli de loco, qui dicitur Merulanus, & Eccleſiam S. Blaſij de caſtello, quod dicitur Pica, & integram curtem de Baniolo, & Sipizano, & caſtellum, quod appellatur

tur Pastina, necnon & quatuor terrarū iugera, cum vniuersis prædictarum Ecclesiarum, curtiumq; possessionibus. Ioannes quoque filius Landolfi Comitis Theanensis, per chartas, firmavit, & concessit in hoc Monasterio integram partem suam de castello Mortula, & de omnibus, quæ illi à parte patris in eodem castello pertinere videbantur. Idem etiam fecit, & de altera integra parte sua frater eius Landulfus. Per eos dies Berardus Marforum Comes, ad hoc Monasterium veniens, per chartam reddidit B. Benedicto Monasterium S. Mariæ de Lucio, simul cum Rocca, quæ super ipsum Monasterium constructa erat, & cum omnibus villanis, qui ibi residebant, & cum vniuersis omnino per totam Marsiam pertinentijs eius. Tunc etiam Pandulfus quidam Sipontinus ad obitum veniens, de quibusdam possessionibus in mari, in loco, qui vocatur Rigora, ad piscandum, oblationem in hoc Monasterio fecit.

CAPVT XX.



ESTVABAT interea ingenti desiderio Desiderius, Ecclesiastica etiam ornamenta (de quibus vsque ad id temporis pauperes admodum videbamur) vndeque conquirere. Sed bonum desiderium, donante Deo, non potuit in tanto homine inefficax esse, sicut in sequentibus peruidebitur. Partim itaq; de proprijs deferens, partim verò à Romanis amicissimis mutuans, centum & octuaginta librarum pretio congesto, omnia ferè ornamenta Papæ Victoris, quæ hæc illacq; per urbem fuerant pignolata, redemit, quæ videlicet sunt hæc. Pluuiale idiarodinum magnum, totum vndiq; auro contextum, cum simbrijs nihilominus aureis. Planetam diacitrinam magnam, aureis listis vndiq; decenter ornatam. Aliam quoque exametam, frito nihilominus aureo in gyro circumdatam. Dalmaticam similiter exametam, & albam à capite, & pedibus, ac manibus auro insignitam. Tunicam diapyscinam, cum ornatu amplissimo à pedibus, & manibus, ac scapulis, aureo. Stolas auro textas cum

cum manipulis , & semicinctijs suis , numero nouem . Pannum diarodinum cum listis aureis pro Faldistorio .

Libet præterea hoc in loco designare singula, quæ ex eo , quo ordinatus est tempore , vsque ad renouationem Basilicæ maioris, in Ecclesiæ utensilibus, siue fecerit , siue acq̃sierit: nam cætera deinceps plenius exequemur . Pastoralem virgam argento vestiuit, & deaurauit. Fecit etiam ante faciem altaris tabulam auream cum gemmis librarum circiter decem , necnon & thuribulum de auro cum gemmis, & smaldis librarum duarum. Librum quoque epistolarum ad missam describi faciens, tabulis. aurea vna, altera vero argentea decorauit. Codicem etiam Regulæ B. Benedicti, pulchro nimis opere comptam, à foris argento vestiuit: similiter fecit de sacramentarijs altaris vno, & altero, & duobus nihilominus Euangelijs, & Epistolario vno. Nam vsque ad illud tempus in plenario missali tam euangelia , quàm epistolæ legebantur . Id ipsam fecit, & de alio libello in quo sunt orationes processionales . Fecit, & libellum ad cantandum ante altare siue in gradu , eumq; tabulis eburneis mirifice sculptis , & argenteo ornatis annexit. Codicem quoque de vita S. Benedicti, & S. Mauri, & S. Scholasticæ describi studiosissime fecit. Sed & portellas argenteas ad ingressum chori librarum circiter triginta. Fecit & sedilia lignea in circuitu chori cum dossalibus eorum , sculptura simul, & pictura præstantes ; sed & gradum nihilominus ligneum eiusdem operis extra chorum in ambonis modum , satis pulchrum constituit, in quo videlicet tam lectiones in nocte , quam etiam epistolæ , & euangelia ad missas præcipuarum festiuitatum legerentur .

Per eos dies etiam cum rumor increbuisse, Regem ad Italiam venturum, nequaquam segnis, perrexit Amalfinū, ibiq; viginti pannos sericos, quos ariblatts vocāt, coemit: vt si forte necessarium esset, haberet, quod Regi donaret, pro tutela videlicet, & honore Monasterij huius Hydriam quoque argenteam librarum septem ibidem tunc adquisiuit , quàm ad ministerium aquæ sanctificatæ in processione dierum Dominicorum, cum alia eiusdem metalli, & quantitatis hydria postmodum donata, esse constituit. De ariblatts
verò

verò omnibus (quoniam Rex de via reuersus fuerat) protinus fieri pluuias iussit. Videns autem tunc portas areas Episcopij Amalfitani, cum satis placuissent oculis eius: mox mensuram portarum veteris Ecclesiæ Constantinopolim misit, ibiq; illas valde pulchras fieri fecit. Nam nondum disposuerat Ecclesiam renouare, & ob hanc causam portæ ipsæ sic breues effectæ sunt, sicut hætenus permanent.

CAPVT XXI.



AEN. 1061

INTEREA (vt ad superiora redeam) defuncto apud Florétiam Apostolico, post duos annos, & dimidium, quibus Ecclesiæ præfuit, cum maxima seditio inter Romanos cepisset de ordinando Pontifice exoriri. Hildebrandus Archidiaconus cum Cardinalibus, nobilibq; Romanis consilio habito, ne dissensio conualesceret, Anselmum tandem Episcopum Lucensem, post tres circiter menses in Romanum, Pontificem eligunt, eumq; Alexandrum vocari decernunt: nostro Desiderio Romam proficiscente, eiq; in omnibus suffragante. Quod cum ad aures Imperatricis, eiusq; filij peruenisset, indignatione nimia ducti, quod hæc sine illorum consensu, & auctoritate gesta fuissent, & ipsi nihilominus Cadaloum Parmensem Episcopum, vltra montes à Placentino dumtaxat, & Vercellino Episcopis, ipsa die festiuitatis Apostolorum Simonis & Iudæ, in Papam eligi faciunt: eumq; Romam è vestigio ad impugnandam siue exordinandam Ecclesiam, cum valida manu militum, & pecunia multa transmittunt; sed fauente Deo, licet plurimi Romanorum, necnon & plurimi capitaneorum illi, gratia Regis, adhæserint: licet etiam castellum S. Angeli ad vrbis oppugnationem illi tradiderint, cum semel, & bis magnis instructus copijs aduentasset, & immensam valde pecuniam profligasset, multamq; stragem, non minus suorum, quam ceterorum fecisset, ad vltimum clam de præfato castello egressus, turpiter cum paucis aufugit; nec vltra venire ad has partes apposuit. Quippe qui eodem anno, idest in prædictorum Apostolo-

Apostolorum Simonis & Iudæ vigilijs , ab omnibus Theu-
tonicis, & Italicis Episcopis , qui cum Rege tunc aderant ,
iusto Domini iudicio , damnatus est, ac depositus .

CAPVT XXII.



QVINTVM iam ferè ordinationis suæ
complebat Desiderius annum, cum terri-
bilis solito, permissione diuina , fulmi-
ne Monasterium istud attractum est. Cum
enim Fratres in Ecclesia die quadam de
more, primæ horæ sollemnia agerent; su-
bito cœlicus fulmen elapsum, ipsum heb-
domadariū Sacerdotem, cui Manno erat vocabulum, ho-
nestæ famæ virum, in choro stantem, feriens extinxit : cæ-
teros verò circumstantes , velut exanimis , ad terram pro-
strauit. Nouitium etiam quendam, extra chorum stantem,
ante ipsam maiorem crucem percutiens, occidit . In capi-
tulo tabulas officiales excidit , ipsumq; tabularium , ac si
mortuum reddidit . Vultum imaginis Abbatis Richerij in
eodem capitulo in tabella depictum, scidit pariter, ac dele-
uit, & in plerisque Monasterij locis percussit; fuit autem
dies hæc quintodecimo Kal. Februarij . Quamobrem consi-
lio cum Fratribus pater venerabilis habito; ad iram Domi-
ni placandam , statuit tunc per omnes menses primam sex-
tam feriam communiter ab omnibus in abstinentia peragi,
ac discalciatis pedibus procedendo, missam proinde spe-
cialiter celebrari, necnon & omnibus per annum quotidia-
nis diebus orationem pro fulgure ad missam publicam, & ad
psalmos penitenciales edici. Porro cum Dominus Petrus Da-
miani (cuius iam supra meminimus) ad hoc Monasterium
ueniens, verbo pariter, & exemplo ad Dei seruitium feruē-
ti zelo quoscumque posset accenderet : tandem permissio-
ne Domui Abbatis , à cuncta congregatione voluntaria
oblatione in remissionem omnium peccatorum obtinuit, vt
per totius anni sextas ferias, pane tantum, & aqua contē-
ti essent, ac per singulas singuli disciplinas, data confessio-
ne reciperēt. Insuper & triduanum ieiunium in caput Qua-

Ann. 1063

Petrus De
miani .

Z dragesimæ

dragestimæ per annos singulos agerent. Multoties verò Desiderio cogitanti, & reuelari sibi oranti, quidnam esse vellet, quod sic frequenter hunc locum prædictum flagellum attereret: quadam nocte per visum Benedictus Pater apparuit, eiq; inter alia de hoc sollicitè percundati, nihil aliud, quàm diabolicas insidias, & antiquam pro loco inuidiam esse perdocuit. Ego metipse, cum adhuc in schola nouitiorum degerem, reminiscor vna nocte, ad secundum dumtaxat nocturnum, sexies in Ecclesia, & campanario fulmen percussisse. Alia quoque vice cum Anglo quodam, terrifice duos alios longe distantes, vno ictu ad portam maiorem cecidisse, & quod est mirabilius; puerulo cuidam prædicto Anglo innitenti, nil nocuisse.

Altera vice, prope paradisi turrim, transeuntem quemdam vetulam extinxisse. Altera, cuidam ex cementarijs corrigiam de tergo à capite vsque ad pedes incidisse, nec tamen exanimasse.


A D N O T A T I O.

Quantum viguerit his temporibus monastica obseruantia in sacro cœnobio Cassinensi, docet præfatus Petrus Damiani, in quadam epistola scripta Abbati Desiderio, post suum à Cassino discessum, cuius exordium est: Qui solus de nimij fluctus procellis eripitur; ubi circa finem, eiusmodi elogio, Cassinense cœnobium, & monachus eius exornat, dicens. Igitur, ut iam omnes communiter alloquar, nolo vos lateat, venerabiles Fratres mei, quia ex quo gloriosi cœnobij vestri limen excessi, vos iugiter præ oculis habui, vos intimæ dilectionis visceribus aspinxi, atque ut fatear, redeunti mihi à Cassino sacratissimo, idem mihi contigit, quod mulieri, quæ reuertebatur à tabernaculo Silo, ut nimirum vultus mei non sint amplius in diuersa commutati. Vobiscum sanè præsentialiter habito, vobis semper assiso. Alioquin, si propterea non sum vobiscum, quia corporalibus oculis vos non intueor, ergo nec ipsi oculi sunt in capite, quia caput cernere nequeunt: vel ipsi sibi met oculi absentes sunt, quia nec quisquam se, nec uterque se inuicem mutua contemplatione possunt conspiciere.

Beati

Beati siquidem, qui inter vos, & in sanctis operibus vestris moriuntur. Pia nimirum fide credendum est, quia scala illa, quae de Cassino monte olim in caelum videbatur erecta, adhuc pallijs strata, lampadibus coruscat: & sicut tunc excepit Duce[m], ita nunc exercitum transmittat ad coelestia subsequen-tem. Nec ab eius glorioso tramite exorbitant declinantes iam defuncti, cuius in hoc exilio, dum viuerent, vestigia sunt se-
quuti. Hoc est intimi feruoris incendium illud, quod mihi inextinguibiliter flagrat in corde. Hæc perpes fabula, quæ meo versatur in ore. Inter cunctos autem virtutum flores, quos in illo agro pleno, cui benedixit Dominus reperi: hoc fa-
teor mihi non mediocriter placuit, quod ibi scholas puerorum, qui sæpe rigorem sanctitatis eneruant, non inueni: sed omnes aut senes, cum quibus vir nobilis sedebat in portis Ecclesiæ, aut iuuenili decore lætantes, qui nimirum, ut filij Prophe-
tarum, idonei sunt ad Eliam per deserta quarendum, aut certe adolescentiæ adhuc flore vernantes, iuxta Apostolum Ioannem, vicere malignum. Hæc sunt, quæ de Cassino, & Cassinensibus Monachis vir ille sanctus, non aliorum rela-
tu, sed proprio intuitu perspecta, vere, & fideliter scripsit. Cuius testimonio aperte constat, quam sancti, ac omni virtu-
tum genere florentes fuerint tunc Cassinenses Monachi.

CAPVT XXIII.



PER idem tempus legati ex parte Barefo-
nis Regis Sardinia ad hoc venere cœno-
bium, per quos B. Benedicto duo magna,
& optima pallia Rex idem transmittens;
orat sibi aliquot ex nostra congregatio-
ne Fratres, ad Monasterium constituen-
dum transmitti; spondens, & pollicens
maximum in Regno suo nostris utilitatibus honorem, &
commodum peruenturum, si monasticæ religionis studium,
hactenus partibus illis incognitum, qualiter apud nos tunc
vigere perceperat; apud eos deinceps, nobis studentibus,
assuesceret. Mox venerabilis pater, deliberato consilio,
duodecim de melioribus huius cœnobij Fratribus elegit,
Z 2 cisq;

Regis Sar-
dinia lega-
tio.


Desideri-
us mona-
chos in
Sardiniam
mittit.

eisq; tam diuinarum scripturarum codices, cum diuersis
Ecclesiastici ministerij apparatus, ac sanctorum patrocinijs plurimis; quam & diuersarum rerum suppellectilem abundanter præbens, necnon & Abbatem, qui illis præesse deberet instituens, nimis eos honorificè cum Caietanorum naui illuc direxit. Veruntamen, Deo permittente, & Satana impediante, res eadem eodem tempore ad effectum peruenire non potuit. Pisani siquidem, maxima Sardonum inuidia ducti, cum iam nostri ad Insulam, quæ Liliū vocatur, prospero satis euentu transissent: ex improviso super illos cum armatis nauigijs veniunt, & tam nostros, quam ceteros omnes indiserete simul, & nimis iniuriose tractantes, vniuersa diripiunt: insuper etiam prædictæ Legationis Principem, patibulo iam parabant crudeles affigere, nisi monasticum habitum, quodam ex nostris illi porrigente, protinus induisset. Post hæc incensa naui, & vestimenta solummodo nostris restituentes, ceteris omnibus onusti, & hilares ad propria remearunt. Nostros autem per diuersa ab eis loca dispersos, Fratres nostri de Monasterio Lucensi, pio studio disquirentes, reperiunt, omnesq; præter quatuor, qui iam ad Christum migrauerant, ad Monasterium suum, conductis vehiculis reuehunt, quiq; postmodum, licet diuersis temporibus, eodem tamen anno, vniuersi ad nos ferè reuersi sunt. Viderat præterea quidam de nostris triduo antequam ista contingerent, visionem; nauiculam videlicet vnā contra se perniciousiter properantem. Quam iuuenis quidam valde decorus, & senex supra solis radium splens, sceptrum gerens in manu ducebat. Cumq; iam sibi esset contigua, mox sceptriger ille in prora se subrigens, naui nostræ nauclerum nominatim vocauit. Cui respondenti, senex quasi valde commotus: putatis, ait, vos cum causa nostra tutò Sardiniam pergere? nequaquam planè id erit. Et hæc dicēs nauem illius valido impulsu feriens, vertit, & vela omnia in mare disiecit; moxq; disparuit. Mane somnio recitato, diuersi diuersa coniecere, & quidam quidem vehementissime trepidare; quidam verò nequaquam somniorum illusionibus asseuerabant intendendum esse. Piratæ igitur illi cætera omnia inter se diidentes; scrinium reliquiarum cui-

dam

dam eorum (qui caput facinoris illius extiterat) apud se custodiendum contradunt: sacramento se inuicem obstringentes, nullo vnquam tempore, nullo modo, nulli hominū, nisi aliter forte non possent, se id reddituros. Sed cum infelix inde ad domum suam easdem sanctorum reliquias detulisset, & inhoneste, ac sine reuerentia illas haberet; terribilis Dominus in consilijs super filios hominum. Quadam die cubiculum illud, causa alicuius utilitatis, ingressus, subito corruit, & expirauit: Quod ubi innotuit, magnus horror protinus vniuersos inuasit, & die altera discalciatis pedibus venientes, cum ingenti reuerentia, & honore, præfatas reliquias ex inde abstulerunt, atque ad Episcopium cum magnis Dei laudibus transferentes, ibidem illas debita tractandas honorificentia, posuere.

CAPVT XXIV.



SARDORVM interea Rex, digna pro tantis iniurijs satisfactione à Pisanis recepta, cum rursus ad hoc Monasterium mandasset, se quidem multo ardentius in priori deuotione persistere: nos verò propter id, quod euenerat nequaquam debere negligere; duos tandem illos Fratres iam post biennium ferè transmissos, Rex idem alacriter nimis recepit, eisq; Ecclesiam B. Mariæ in loco, qui dicitur Bubalis, necnon & S. Heliam de monte sancto, cum integro ipso monte ad Monasterium constituendum per præceptum concessit, cum colonis, & seruis quamplurimis, & cum substantijs, ac possessionibus magnis. Hunc æmulatus ad bonum alter Rex eiusdem Sardinie, nomine Torkytorius, fecit & ipse chartulam oblationis suæ, & transmisit ad hoc Monasterium, de sancto scilicet Vincentio de Taberna cum seruis multis, & substantijs plurimis: necnon & de S. Maria ad flumen tepidum, & de S. Martha, & de S. Pantaleone ad Oliuanum, & de S. Gregorio de Tului, atque de S. Maria de Palma: omnes, inquam, Ecclesias has, cum vniuersis earum pertinentijs ad Monasterium ex eis constituendū, Rex præ-

Ann. 1064

2 3 diſus

dictus per chartam B. Benedicto cōtribuit. Ad Pisanos præterea Legatus ab Alexandro Papa simul cum monacho nostro directus est, ut nisi anathema vellent Apostolicum protinus experiri, causam B. Benedicti, quam nequiter arripuerant, ex integro redderēt, & debita se satisfactione purgantes, nunquam amplius eos aliquatenus disturbare præsumerent. Qui mox eius obsecundantes Imperijs, & impie circa nos egisse profitentes, veniam supplices postulant, & quæq; tunc superesse, ac reperiri de his potuerunt, supplici satisfactione restituunt, exceptis dumtaxat sanctorum reliquijs, pro quibus se, ut superius dictum est, iuramento constrinxerant. Non autem multo post, cum Gotfridus Dux Pisam venisset, Duce interueniente, acque studente post multiplicem satisfactionem, Pisani in eius gratiam redeunt, & tam eidem patri, quam & loco huic se fidelissimos fore de cætero pollicentur.


CAPVT XXV.

INTEREA cum supradictus Princeps Richardus victorijs, ac prosperitatibus multis elatus, subiugata Campania ex parte, ad Romæ iam se vicinia porrexit, ipsiusq; iam vrbis patritiatum omnibus modis ambiret, Theutonici Regis peruenit ad aures. Qui ut & bona sancti Petri de manibus Normannorū erueret, & Imperij coronam de Apostolici manu reciperet, magna cum expeditione peruenit Augustam, ibi præstolans Gotfridum, Tusciæ videlicet Marchionem, qui Regem quoties Italiam deberet intrare, cum sua solitus erat militia præire. Sed quoniam Gotfridus idem longe præcesserat, Rex hoc nimis indignè ferens, eandem mox expeditionem remanere præcepit. Dux autem copioso valde vallatus exercitu Romam accessit. Huius Normanni aduentu comperito, maximo correpti tremore, vniuersam protinus Campaniam deserentes, aufugiunt: & Iordane tantum, & Gulielmo (qui Mostarola dictus est) cum suis in Aquino, se illi contraire parantibus, cæteri cum Principe Patenariam, rei euē-
tum

rum cum ſuis omnibus præſtolantur. Gotfridus itaq; Apoſtolico, & Cardinalibus comitatus, mediante iam Maio, Aquinum cum vniuerſo exercitu venit, ibiq; per octo, & decem dies cum obſiſtentibus Normannis pari fermè euentu conſigens, tandem ſatagente feruentiſſimo internuntio Guilielmo (cui Teſta ardita fuit cognomen) ad id ventum eſt, vt ad pontem S. Angeli, qui dicitur Todici, Dux, & Princeps altrinſecus (nam interruptus erat) ſe ad colloquium iungerent; ſic non parua, vt dicitur à Normannis donatus pecunia, Dux ad propria repedauit. Per eos dies, ſtella, quam cometam vocant, ingentem retro ſe facem gerens, ſpatio viginti, & amplius dierum apparuit, quæ eiufdem, vt fertur ducis (non enim multo poſt defecit) mortis prænuntia fuit.

Ann. 1065

CAPVT XXVI.



ED cum prædictus Apoſtolicus magnæ admodum circa hoc Monasterium deuotionis exiſteret, ſatagente pariter, & inſtigante Hildebrando Archidiacono, ſi quos ex hac domo Fratres à Domno Abbate acquirere poterat, vel ſuo lateri ad Eccleſiaſticum miniſterium ſociabat, vel certè in Epiſcopos, ſiue in Abbates, honorifice promouebat. Todinum igitur Berardi Marſorum Comitis filium, Romam ad ſe accerſitum, in Lateranenſi Patriachio Leuitam conſtituit. Aldemarium quoque felicitis memoriæ, Capuanæ ciuitatis prudentiſſimum, ac nobilem clericum, & Richardi Principis olim Notarium, qui meus in conuerſione magiſter extiterat, quiq; in Abbatem Fratribus Sardiniam miſſis dudum fuerat ordinatus: poſtquam reuerſus ad Monasterium eſt, in Eccleſia S. Laurētij, quæ appellatur foris muros Cardinalem ſimul, & Abbatem ſacrauit; ſed & Ambroſium Mediolanenſem prudentem nihilominus, & eruditum non mediocriter hominem, in Tarracinenſi Eccleſia Epiſcopum ordinauit. Geraldum etiam doctiſſimum per omnia clericum, Theutonicum genere, Archiepiſcopum Eccleſiæ Sipō-

Aldemarius Leonis Oſtienſis magiſter.

Z 4 tinæ

tinæ præfecit. Per idem quoq; tempus, & Milo Capuani Monasterij Præpositus, in Suesitanam Ecclesiam Episcopus factus est, & Petrus, qui dicebatur Atenulfi patris cognomine, de nobilibus Capuanis, qui postmodum Romæ factus est Cardinalis, ad Abbatiam S. Benedicti de Salerno, cuius iam supra fecimus mentionem, rogatu Salernitani Principis est transmissus. Eodem tempore sollemne Desiderio privilegium idem Apostolicus, præter cætera, super omnimoda huius cœnobij libertate concessit: ne videlicet aliquis aliquius Ecclesiæ Episcopus, præter Romanum Pontificem, non solum in nostra, ac principali Ecclesia, verum etiam in omnibus ubiq; locorum nobis pertinentibus cellis, quâlibet ditionem usurpare, quolibet modo præsumeret, auctoritate Apostolica interdicens. Quo etiam tempore, cum Hildebrandus Capuanus Archiepiscopus, elatione quadam turgidus, contra hanc auctoritatem fuisset sub murmurare conatus, publicè in Romana Synodo, nobis super hoc proclamantibus, privilegijs Apostolicæ sedis convictus, se peccasse confessus est. Vnde tam sibi, quàm suis successoribus vniuersis, sub districto tunc anathemate interdictum est, ut nullam ulterius inde auderent assumere quæstionem, nullam prorsus contra hunc venerabilem locum promouere aliquando litem.

CAP V T X X V I I.

Monasterium Tremontense.



PRÆTEREA cum de Rectoribus Tremontensis cœnobij (quod nobis antiquitus pertinuisse, Romanorum quoque Pontificum privilegia, pleraq; testantur) multa eo tēpore inhonesta, & nefanda divulgarentur, eidem Desiderio ad disquirendum, & disponendum illud, prout sibi optimum videretur, data ab Apostolico auctoritas est. Qui cū Abbatem eiusdem loci Adam, multorum facinorum reum, convictum, exinde subduxisset, Roberto de Laurobello, & Petrone de Lesina Comitibus, & Episcopis Troiano Draconariensi, ac Ciuitanensi, necnon & Abbate Terræ maioris

se

ſe comitantibus, inſulam præfatam ingreſſus Transmundum
inibi filium Oderiſij Marſorum Comitſ, nimis honorifice
ordinat in Abbatem . Egreſſe ſanè tunc indolis adoleſcen-
tem, prudentia, & litteris non parum valentem, honeſtis
quoq; moribus hoc in loco à puero inſtitutum, niſi demum
peſſimorum loci ipſius Fratrum conſilij aſſenſus fuiſſet, ſed
illorum planè, quos illi etiam noſter Abbas inſunxerat au-
ſcultandos; nam reuertentibus noſtris, paucos poſt dies,
tribus de prioribus eiufdem loci monachis oculos eruit, vni
vero linguam abſcidit: fuerant enim apud eum de rebella-
tione Inſulæ à ſocijs inſimulati. Quod ubi Deſiderio noſtro
relatum eſt, indigne nimis, & grauiter excepit, & maximo
eſt ſuper his mærore conſectus, tum pro paſſorum miſeria,
tum pro iubentis ſententiâ, tum denique, quod erat præci-
puum, & quod magis cor eius angebat, pro loci huius infa-
mia. Et quoniam eodem anno dedicationis Eccleſiæ noſtræ
fieri præſolabatur ſollemnitas, ad eam Transmundus ſuſti-
netur venturus, ac iuxta culpæ modum ſententiam excep-
turus. Quem cum veniſſet, in totius Monafterij conuentu
aſpera nimis, & digna caſtigatione correptum, grauiori
pœnitentiæ ſubdidit, eumq; illuc remeare vltèrius non per-
miſit. Hildebrandus autem Archidiaconus, ea quæ Trans-
mundus geſſerat omnimodis approbans, & nequaquam il-
lum hoc crudeliter, ſed ſtrenuè, ac dignè in malignos ho-
mines feciſſe confirmans, nondum anno completo, eum à
Dōmno Abbate aliquando difficulter extorſit, atque Abba-
tiam S. Clementis de Inſula, Baluenſis Comitatus, primo il-
li committens, paulo poſt eidem Baluenſis Episcopatus ad-
didit dignitatem. Poſt hæc Deſiderius Ferro monachum,
cui præſatus Transmundus Monafterium commiſerat, ad ſe
venire mandauit. Qui cum ad illum accedere decretaſſet:
Deſiderius verò ad illas partes pergere, pro his, quæ con-
tingerant, quodammodo erubeſceret: poſt annum integrum,
& octo circiter meſes, Duci à Sicilia reuertenti, ſuper iſtis
conqueſtus eſt; qui protinus illuc tranſmittens, eum exire
compulſit, & in poteſtatem Deſiderij delegauit. Comitatus
itaq; Dux Episcopis, & Abbatibus, ac monachis, ſimulq;
Petrone Comite Leſinenſi, duobus galeis armatis, Inſulam
ingreſſus

ingressus est, die altera ab vniuersis eiusdem cœnobij Fratribus de eadem Abbazia sollemniter inuestitus. Rogatus autem, vt illos firmaret, ne aliquando idem Monasterium, Monasterio Cassinensi subijceret, sed in ditione illud propria retineret, abnuit. Rogatus etiam, vt ab omni deinceps Cassinensium Fratrum calumnia, vel quærimonia, in perpetuum illud esse quietum statueret, abnuit, & hoc se (quia iniustum esset) nequaquam facere debere respondit. Ita ergo, iuxta quod placuit, omnibus ordinatis, tribusq; de Fratribus nostris ad custodiam derelictis, reuersus est. Sed cum postmodum renocatis prædictis Fratribus, cuidam alij de nostris eiusdem loci regimen commisisset, ille maligno vsus consilio, fastu quodam superbiæ inflatus, assumpta tyrannide, rebellare elegit, ita vt semel, & bis euocatus, ad Desiderium venire contempserit. Quem cum excommunicasset, non multos post dies, studio fidelium Desiderij, simul cum suis fautoribus turpiter captus, atque ad eum perductus est. Et illum quidem non multo post ab excommunicatione solutum, rursus Asculensi cellæ præfecit. In prædicto verò cœnobio suam vicem Abbati Terræ maioris commisit. Quo post non multum tempus defuncto, rursus, quasi iam nauseus, supradicto Ferro eiusdem loci curam restituit. Sed de his hæcenus, nunc ad superiora redeamus. Et quemadmodum nouam B. Benedicti basilicam, vel ædificauerit, vel dedicauerit, vel adornauerit, prout ipsi præsentis inspicimus, describere properemus.

CAPVT XXVIII.



N omni igitur, Abbas venerabilis, prosperitate, atque quiete, meritis beatissimi Patris nostri Benedicti diuinitus constitutus, & in tanta ab vniuersis in circuitu honorificentia habitus, vt non modo mediocres quiq;, verum etiam ipsi Principes, ac Duces libèter ei obedire, eiusq; voluntati, non aliter, quam sui patris, ac domini in omnibus parere studerent, ad veteram diruendam Ecclesiam, & nouam

nouam pulchrius, atque augustius ædificandam, non sine diuino instinctu, animum appulit, quamuis plerisq; tunc de nostris prioribus graue nimium id, & intentabile, videretur, plurimumq; ab hac intentione mentem illius auertere, tum precibus, tum rationibus, modisq; omnibus sunt conati: quippe à quibus, omni vitæ suæ tempore, tantum opus non posse perfici, existimaretur, cum ille Deo fidens ad omnia, quæ pro Deo fiunt, Dei sibi solius polliceretur, ac præstolaretur auxilium. Anno itaq; ordinationis suæ nono, diuinæ autem incarnationis millesimo sexagesimosexto, Ann. 1066 mense Martio, indiçione quarta (constructa prius iuxta infirmantium domum, non satis magna B. Petri Basilica, in qua videlicet Fratres ad diuina officia interim circumuenerent) supradictam B. Benedicti Ecclesiam, tam paruitate, quam deformitate thesauro tanto, tantaq; Fratrum congregationi incongruam, euertere à fundamentis aggressus est. Et quoniam in ipso montis vertice constructa, & ventorum vehementibus flabris quaqua versum patuerat, & igneis frequenter fuerat attracta fulminibus, statuit (de solo Dei auxilio fidens) eiusdem montis saxeam cristam igni, ferroq; excindere, & quantum spatio fundandæ Basilicæ posset sufficere, locum in imo defossum, quo fundamenta iaceret, complanare. Ordinatis igitur, qui hæc toto nisu, & instantia summa perficerent, ipse interea Romam profectus est, & amicissimos quosq; conueniens, simulq; larga manu pecunias opportunè dispensans, columnas, bases, ac lilia, necnon & diuerſorum colorum marmora abundanter coemit, illaq; omnia ab vrbe ad portum, à portu autem Romano per mare vsque ad Turrem Gariliani, indeq; ad Suium, nauigijs conductis, ingenti fiducia, detulit. Ab inde verò vsque in hunc locum, plaustrorum vehiculis, non sine labore maximo, comportauit. Et vt magis feruorem fidelium obsequentium admiretis: primam hic columnam ab ipso montis initio, sola ciuium numerositas, colli, brachiorumq; virtute, imposuit; nam montis huius ascensus nimis tunc erat cliuosus, arctus, & horridus: nec dum enim in cor eius ascenderat eandem viam complanare, ac spatiare, quemadmodum postea fecit. Tandem igitur totius Basilicæ præter adytum,

Corporis
S. Benedi-
cti inuen-
tio.

adytum, cum difficultate non parua, spatio complanato, & necessarijs omnibus abundantissime apparatis; conductis protinus peritissimis artificibus, tam Amalfitanis, quam & Lombardis, & iactis, in Christi nomine, fundamentis: cepit eiusdem basilicæ fabricam in longitudine cubitorum centū & quinque, in latitudine verò cubitorum quadragintatriū in altitudine autem cubitorū viginti & octo: basibusq; suppositis calumnas desuper decem à latere vno, totidemq; ex altero in cubitis nouem erexit: fenestras quoque in superioribus satis amplas, in naui quidem, viginti & vnā, in titulo verò sex longas, & rotundas quatuor, ac duas in absida mediana instituit. Porticus etiam vtriusque parietes in altitudine cubitorum quindecim subrigens, fenestris hinc decem, totidemq; inde distinxit. Adytum interea, cum planicie basilicæ, quæ cubitorum ferme sex putabatur, consequenter disponderet corquare, tres non integras vlnas fodiens: subito Benedicti Patris venerabilem tumulum reperit: mox cum religiosis viris communicato consilio, ne illum aliquatenus mutare præsumeret: confestim ne quis aliquid de tanto posset thesauro surripere, eūdem tumulum eodem quo situs fuerat loco; pretiosis lapidibus reoperuit, ac desuper arcā de pario marmore in transversum basilicæ, idest à Septentrione in meridiem, quinque per longum cubitis, opere nimis pulchro, construxit. Hoc itaq; modo adytum, in eminentia priori permansit: ita vt à pavimento ipsius vsque ad pavementum basilicæ octo gradibus descendatur, sub fornice scilicet maximo, qui eidem adyto imminet, præter illum vtiq; gradum, quo vndiq; ad altare subitur. Porro in absida maiori ad orientalem plagam, statuit altarium B. Baptistæ Ioannis, in eo videlicet loco, vbi eiusdem olim Oratorium Benedictus Pater extruxerat: à parte verò meridiana altarium B. Dei Genitricis, à septentrionali autem altarium B. Papæ Gregorij, iuxta cuius absidam bicameratam domum, ad thesaurum Ecclesiastici ministerij recondendum extruxit; quæ videlicet domus secretarium consuetudinaliter appellabatur, eiq. eiusdem nihilominus operis alterā, in qua ministri altaris præparari debeant, copulauit. Sanè quoniam spatiandæ Ecclesiæ gratia partem non modicam
camera

cameræ ſuæ ſubtraxerat, cōſequenter etiam prædicto ſecreto-
 tario coniunctam, eandem cameram ampliorem priori por-
 ticu, ac pulchriorem effecit : ſecus ipſam verò iuxta por-
 ticum ſcilicet, principalis Eccleſiæ B. Nicolai, curuato pa-
 riète breuem eiufcæ, ſed pulchram admodum fundauit adi-
 culam: ab ipſa autem uſque ad extimam baſilicæ frontem,
 venerabile ſatis B. Bartholomæi Apoſtoli Oratorium, ope-
 re pari porrexit. In eius etiam fronte prope valuas maioris
 Eccleſiæ, de quadratis, & maximis ſaxis, mirificam arcem,
 quæ vulgo campanarium nuncupatur, erexit. Fecit, & atriū
 ante Eccleſiam, quod nos Romana conſuetudine, Paradifum
 vocitamus, longitudine cubitorum ſeptuagintaſeptem, ac
 ſemis, latitudine quinquagintaſeptem, ac ſemis, altitudine
 verò quindecim, & ſemis : quatuor, & quatuor in geminis
 frontibus, octo autem, & octo per latera ſingula, ſuper qua-
 drifidas baſes habens columnas. In cuius etiam meridiano
 latere cisternam maximam tantundem longitudinis habēs,
 arcuato opere, ſub eiufdem pauimento atriij, fabricauit. An-
 te ingreſſum verò baſilicæ, necnon & ante introitum atriij,
 quinque deſuper fornices, quos ſpiculos dicimus voluit. In
 occidentali porrò atriij parte, in ſingulis cornibus, ſingulas
 baſilicas modo turrium valde pulchras erexit : in dextro S.
 Archangeli Michaelis, in læuo autem B. Apoſtolorum Prin-
 cipis Petri, ad quas videlicet interius ab atriio quinque gra-
 dibus eſt aſcenſus. Iam verò extra atriij veſtibulum, eaſdēq.
 baſilicas, quoniam cliuoſus valde ad Eccleſiam erat aſcen-
 ſus, montem ipſum ſexaginta & ſex per longum, totidemq.
 per latum cubitis excauauit, adeò vt ab imo uſque ad ipſum
 veſtibulum atriij, quatuor & viginti marmoreis gradibus,
 quos ibi conſtituit, aſcendatur.

CAPVT XXIX.

LEGATOS interea Cōſtantinopolim ad locandos
 artifices deſtinat, peritos utiq. in arte muſiaria, &
 quadrataria, ex quibus videlicet alij abſidam, & ar-
 cum, atque veſtibulum maioris baſilicæ muſiuo ope-
 re ordinarent; alij verò totius Eccleſiæ papimentum diuer-
 ſorum

forum lapidum varietate consternerent. Quarum artium tunc ei destinati magistri, cuius perfectionis extiterint, in eorum est operibus assimari, cum & in musuo animatas ferè autumet se quisq. figuras, & quæq. virentia cernere; & in marmoribus, omnigeni coloris flores, pulchra putet diuersitate, vernare. Et quoniam artiũ istarum ingenium à quingentis, & ultra iam annis magistra Latinitas intermiserat, & studio huius inspirante, & cooperante Deo nostro, hoc tempore recuperare promeruit: ne sanè id ultra Italiæ deperiret, studuit vir totius prudentiæ, plerosq. de Monasterij pueris, diligenter eisdem artibus erudiri. Non autem de his tantum, sed & de omnibus artificijs, quæcumque ex auro, vel argento, ære, ferro, vitro, ebore, ligno, gypso, vel lapide patrari possunt, studiosissimos prorsus artifices de suis sibi parauit. Sed hæc alias.

Nunc verò cõstructam basilicam qualiter ex parte decorauerit, prout possumus designemus. Plumbeis igitur domatibus illam totam cum titulo, & utroque porticu, ac vestibulo decenter operiens: absidam, & arcum maiorem musuo vestiuit, in cuius videlicet circuitus amplitudine, aureis licteris hos versus describi præcepit.

Vt duce te Patria iustis potiatur adeptis,

Hinc Desiderius, Pater, hanc tibi condidit aulam.

In absida verò hinc inde sub pedibus sanctorum Baptiste, & Euangelistæ Ioannis versus istos.

Hæc domus est similis Synai sacra iura ferenti,

Vt Lex demonstrat hic, qua fuit edita quondam:

Lex hinc exiuit, mentes, qua ducit ab imis,

Et vulgata, dedit lumen per climata sæcli.

Fenestras omnes tam naui, quàm tituli, plumbo simul, ac vitro, compactis tabulis, ferroq. connexis, inclusit. Eas verò, quæ in lateribus vtriusque porticus sitæ sunt, gypseas quidem, sed similis ferè decoris extruxit. Dehinc supposito trabibus laqueari, coloribus, figurisq. diuersis mirabiliter insignito; parietes quoque omnes pulchra satis colorum omnium varietate depinxit: pauimentum etiam vniuersum totius Ecclesiæ cum adhærentibus Oratorijs B. Bartholomæi, & B. Nicolai, mira prorsus, & hæcenus partibus istis incognita,

incognita, caſorum lapidum multiplicitate conſtruxit: ſed illud præcipuè, quod ſecus altarium eſt, & in choro gradibus illis, quibus ad idem altare conſcenditur, cruſtis prærioſorum marmorum, decenti diuerſitate diſtinctis. Frontem quoque chori, quem ferè in medio baſilicæ ſtatuit, quatuor magnis marmorum tabulis ſepſit, è quibus porſiretica vna, viridis altera, reliquæ duæ, ac cæteræ omnes in chori circuitu ſimphices. Veſtibulum autem Eccleſiæ, deſuper quidem muſiuo ſecit pulcherrimo, cum ſuperlimineis arcubus decorari. Ab inde verò uſque ad iſtum pavementi, totam baſilicæ faciem gypſo veſtiri. Arcus etiam eiſdem veſtibili deſoris muſiuo nihilominus veſtiens, verſus Marci Poetæ inibi aureis litteris ſcripſit. Reliquas verò tres atrij partes diuerſis tam veteris, quàm noui teſtamenti hiſtorijs ab intus, ac de foris depingi præcipiens, marmore totum pavementum conſtruxit. Deſuper autem laquearibus, ac tegulis operuit, veſtibulo quoque eiſdem atrij cum geminis turribus pari modo depiſto, operto, ac marmorato.

CAPVT XXX.



HIC igitur omnibus intra quinquennij ſpatium, Deo proſperante, & auxiliante, peractis, dedicare baſilicam ſolemmitate maxima, & ingenti tripudio ad ſempiternam memoriã, Deſiderius ſtatuit: adiēsque ſummæ ſedis Pontificem Alexandrum, ad eãdem illum dedicationem venire deuotiſſime inuitauit. Quo libentius annuente, Hildebrandum quoque Archidiaconum eiſdem, ceterosque Cardinales ac Romanos Episcopos, deque Urbanis clericis, de nobilibus plurimos, affectu familiariffimo conuocauit. Die tantæ ſolemnitatis, ex conſultu Apoſtolici, & Cardinalium, in ipſis Kalendis Octobris conſtituta, ac litteris inuitatorijs eiſdem Apoſtolici ad vniuerſos Episcopos Campaniæ, Principatus, Apuliæ, atque Calabriæ datis.

Fama itaque huius rei longè, lateque, vulgata, tanta totius ferè Italici Episcoporum, Abbatum, monachorum, clericorum,

De Caſſinenſis Ecclēſiæ dedicatione.

rum, magnatum, nobilium, mediocrium, diuersaq; conditionis virorum pariter, ac mulierum, ad diem conditam, multitudo confluit, ut stellarum ferè cœli, quam illorum, omnium numerositatem, cuilibet fuerit aestimare facilius. Ita vniuersæ Monasterij officinæ, & ipsa quoq; officinarum omnium tecta: ita totius ab imo, usque ad summum montis itinera; & domus ciuitatis omnes, omnesq; plateæ, omnia etiam longe, lateq; camporum adiacentium spatia, congregatorum ad tanta sollemnia cuneis stipata erant, atque cōferta. Apparatus interea per tres illos continuos dies præcedentes, ac sublequentes eandem sollemnitatem, in pane videlicet, ac vino, carniū diuersarum, ac piscium multiplicitate, adeo est copiosus expositus, ut nullus ferè aliquis in tam innumera multitudine, quin se sufficienter huc accepisse, dixerit, potuerit reperiri. Interfuere, itaq; tantæ tunc celebritati Archiepiscopi decem, Episcopi verò quadragintaquatuor. De magnatibus autem Richardus Princeps Capuanus cum Iordane filio, & fratre Rainulfo, Gifulfus Princeps Salernitanus cum fratribus suis, Landulfus quoq; Princeps Beneuentanus, & Sergius Dux Neapolitanus. Nam Dux Robertus Panormum eo tempore oppugnabat, ideoq; tantæ sollemnitati tunc interesse non potuit. Sed & Marforum Comitum, ac Baluensium, filiorumq. Borrelli ingens frequentia. Horum igitur omnium summa deuotione, & ingenti lætitia, maximo honore, ac præcipua gloria, dedicata est eadē B. Benedicti basilica, cum quinque altaribus suis, ipsa die Kalendarum Octobrium, Anno incarnationis diuinæ millesimo septuagesimo primo, indictione nona, die Sabbathi. Et altaria quidem mediana B. videlicet Benedicti, & S. Ioānis vocabulis insignita, manu propria prædictus Apostolicus benedixit: altare verò, quod in australi parte ad honorem sanctæ Dei Genitricis est situm, Ioannes Episcopus Tusculanensis. Quod autem in parte Aquilonari ad nomen B. Gregorij, Hubaldus Episcopus Sabinensis: sancti verò Nicolai, Erasmus Episcopus Segninus, sollemniter dedicarunt. In altari B. Benedicti recondita sunt duo argentea scrinia, plurima sanctorum pignora continentia, intra ipsum altare honorificè in marmore superiori suspensa, quæ Reuerendissimus

Ann. 1071

simus Benedictus Papa ob amorem, & reuerentiam sanctissimi Patris nostri Benedicti, de archiuio Lateranensis palatij abstrahens, in hac Ecclesia Cassinensi direxit, primo anno Abbatis nostri Theobaldi, Anno dominicæ incarnationis millesimo vigesimotercio: & hoc omnino interdixit idem sanctissimus Papa, vt nullus præsumat hinc aliquid auferre. Reliquiæ autem istæ sunt, de ligno Domini, de sanguine Domini, de vestimentis Domini, de spinea corona, de lapide S. Sepulchri, de velo S. Dei Genitricis Mariæ, Apostolorum Petri, & Pauli, Andreæ, Ioannis, Iacobi, & Thomæ, Bartholomæi, & Matthæi, Simonis, & Iudæ, & Matthiæ. Spongia cum sanguine S. Prothomartyris Stephani, Laurentij, Stephani Papæ, Pelagij Papæ, Martini Episcopi, Prudentij, Iuliani, Augustini, Christophori, Aemiliani, Nicandri, & Marciani, Alexij, Anastasiæ, Eugeniæ, Ioannis & Pauli, Quadraginta Martyrum, & aliorum multorum locatæ. Præter sanctorum reliquias in prædictis altaribus hac die consecrationis ipsorum reconditas, tacendum non duximus, in singularum columnarum eiusdem basilicæ capitellis, tempore constructionis, reuerenter satis, in areis piscidulis plurium quoque sanctorum reliquias fuisse repositas. Similiter & in quatuor angulis campanilis.

A D N O T A T I O.

Bulla Domini Alexandri II. de inuentione corporum SS. Benedicti, & Scholasticæ virginis sororis eius apud Montem Cassinum, & dedicatione Cassinensis Ecclesiæ.

Alexander Episcopus seruus seruorum Dei, omnibus ecclesiæ catholicæ filiis, salutē & Apostolicam benedictionem. Pastoralis sollicitudo nostra si debet prospicere, & proficere omnibus, etiam extraneis, & longinquis, multo magis domesticis, & propinquis: ipsis quippe secundo gradu post Deum adinuenda est inuisibilis charitas, vt per eos, velut quadam visibilis flamma, gradatim ad remotiores quosque discurrat. Pij ergo locis, & diuina religione venerabilibus,

Aa debite

debita consolationis, & defensionis porrecturi manus, illum ceteris præferendum non ambigimus, quem monastice norme constat esse principale gymnasium, & sancta Romana, & Apostolica sedi contiguum: quem ciues Romani, Patres videlicet eximij Benedictus, Maurus, Placidus, cum nonnullis alijs fundarunt, quemq. à gentibus destructum, sanctissimi prædecessores nostri Gregorius, & Zacharias restruxerunt. & priuilegijs Apostolica sedis meritò ceteris cœnobijs prætulerunt: utpote, qui non studio hominum, sed diuino imperio à sanctissimo Patre Benedicto constructus est. Quorum nos sacra auctoritati, sicut tempore, & loco succedimus, sic eorum exemplis, ut oportet, innitimur. Sed quia rerum gestarum series ad hoc litterarum fidei committuntur, ne illarum veritas posterorum memoriæ subtrahatur, ea, quæ nostris temporibus acta sunt, pandere curamus. Nam cum dilectissimus filius noster Desiderius eandem renouaret Ecclesiam, & adytum basilicæ disponderet adæquare, cum tres non integras vlnas fodisset, in dextro altaris latere, laterem reperit, nomen eiusdem confessoris continentem. Cumq. fragmenta altaris remota fuissent, inuenit super sepulchra syndonem expansam, candidissimam, quæ cum tangebatur, euanescebat. Hac visione certissimus redditus, referari sanctissimi Patris præcepit tumultum: quo factò sanctissima corpora intemerata, & indiminuta inueniens. Nuncios nostros asciscens, pretiosissimamq. corpora eis ostendens, tam præsentem quàm futuros certissimos, & indubios de sanctis corporibus reddidit. Igitur cum ad eandem dedicandam deuenissemus Ecclesiam, una cum decem Archiepiscopis, & quadragintaquatuor Episcopis, Cleroq. S. R. E. idem filius noster Desiderius conquestus est, esse quosdam nec Deum timentes, nec homines reuerentes, qui possessiones B. Benedicti per diuersa loca Cassinensi cœnobia auferentes, in suum retorquere dominium satagunt. Ec cetera quæ sequuntur, quibus supponitur, sigillum Domini Papæ, nempe circulus quadrifidus in formam crucis, cum his verbis: Magnus Dominus noster & magna virtus eius: habēs circumcirca huiusmodi inscriptionem. Exaltauit me Deus in virtute brachij sui. In calce tandem. Datum in castro Cassina, die Kalendarum Octobrium, per manus Petri S. R. E.

S. R. E. Subdiaconi, atque vice D. Annonis Colonienſis Archiepiſcopi Bibliothecarij. Anno decimo pontificatus D. Alexandri Papæ II. ab incarnati verò Domini milleſimo ſeptuageſimo primo, indiſtione nona.

CAPVT XXXI.

PERACTA igitur ſollemniter celebrata te miſſarum, & Apoſtolice potestatis auctoritate, tam ijs, quos tunc præſentes eſſe contigerat, quam omnium, qui per octo continuos dies, ob deuotionem tantæ ſollemnitatis ibidem occurrere poſſent, confellorum peccatorum abſolutione conceſſa, cum maxima, & ingenti lætitia ſinguli rediere in ſua.

Verum præfatæ abſolutionis gratia, tanta vndiq. huc diuerſi ſexus, atque ætatis per eodem octo dies hominum ſe continuauit frequentia, vt neminem fere illorum, qui ad primum diem conflaxerant, domum remeare putares.

*Nec modus eſt populis, coeuntibus ag. nine denſo,
Nec requies, properant in lucem à nocte, diemq.
Expeſtare piget.*

*Lucani coeunt populi, coit Apula pubes,
Ac Calabri; & cuncti, quos alluit æſtus uterque,
Qui læua, & dextra circumſtrepit omne:
Ipsaq. cœleſtium ſacris procerum monumentis Roma,
Petro, Pauloq. potens rareſcere gaudet,
Millia profundens ad mœnia celfa Caſſini.
Vincit iter durum pietas, amor & Benediſti,
Vincit & alma fides, præſens ab omnibus iſtic
Credetur & ſummi Benediſtus gloria Chriſti.*

Infidelem certè quiſq; ſe crederet, miſerum penitus æſtimaret, ſi tantæ ſollemnitatis non ſatageret eſſe particeps. Ex eo iam per totum chriſtianum orbem cepit celebritatis tantæ gloria diuulgari: ex tunc iſte locus, licet ab olim Benediſti Patris meritis famoſus, ac nobilis fuerit, nobilior multo, ac glorioſior cepit haberi: Patrisq; Deſiderij nomen, apud pleroſq; iam dudum magnum, & celebre, celebrius

A a 2 deinceps,

deinceps ac nobiliter per Occidentem totum diffundi, prædientia simul, ac religionis maximæ ab omnibus prædicari, omnibusq. ipsius temporis Abbatibus, ubiq. locorū ab omnibus censebatur iure præferri. Partim igitur desiderio Desiderium visendi, partim verò templi tam vulgati, & tam celebris contuendi: partim denique in hoc sacrosancto cœnobio conuersandi, & Deo, quo ad viuerent, seruiendi: multi ex multis; & extimis terrarum partibus huc cœpere confluere, & hilariter Desiderio recipiente, factum est, ut intra ipsum fermè biennium ad secundum circiter centenarium congregationis loci huius se númerus porrexisset. Iam verò diuersorum Regum, atque Potentium, vtriusque sexus, quanta circa eundem venerabilem Patrem cœperit haberi deuotio, supplices ad eum litteræ, & munera decentia testabantur, quibus se, suosq. omnes, tam suis, quàm Fratrum sub eo degentium præcibus, attentius commendabat.

CAPVT XXXII.

Agnes Imperatrix
Cassinum
venit.




EC Imperatricis quoque Agnetis dignum videtur religiosam tacere deuotionem, quæ velut altera Regina Saba; Salomonis alterius, & alterius Templi, magno videndi desiderio ducta, ex vltimis huc Germaniæ finibus aduentauit, ac per medium fermè, istic, anni spatium commorans, multo maiora, se de his, quæ super hoc loco auditu perreperat, tam secundum Dominū, quàm secundum sæculum, videre gaudebat, & asseribat: meritò censens, & locum, & Patrem, & Fratres per totum orbem sui ordinis hominibus celebriores habendos. Obtulit autem B. Benedicto, prout augustalem dignitatem decebat, dona magnifica, idest planetam diaspram totam, vndiq. auro contextam. Albam quoque à scapulis, & capite, ac manibus friso decantissime adornatam, à pedibus verò frisea, nihilominus lista mensuram fermè cubiti in latitudine habens circumdatam, simulq. & amictum cum brusto. Pluuias duos purpureos pretiosis aureis listis ornatos. Pannum diarodanum frifatū, cum auro ante faciem maioris altaris.

Necnon

Necnon & pallium magnum cum elephantis, quod doſſale cognominatur. Euangeliarium cum tabula fuſili de argento, opere anagliſto, & pulcherrime deaurato. Duo quoque candelabra argentea æque fuſilia, pondo librarũ duodecim.

CAPVT XXXIII.



IBET nunc poſt Eccleſiæ dedicationem, reſidua exornationis ipſius deſcribere, vt licentius deinceps valeamus Deſiderij geſtis, tam in ædificijs, quàm in alijs quibuſlibet magnificentijs, operam dare. Ad ſupradictam igitur Regiam urbem, quendam de Fratribus cum litteris ad Imperatorem, & auro triginta & ſex librarum pondo, tranſmittens, auream ibi in altaris facie tabulam cum gemmis, ac ſmaltis valde ſpecioſis patri mandauit; quibus videlicet ſmaltis nonnullas quidem ex Euangelio, ferè autem omnes B. Benediæ miraculorum, inſigniri fecit hiftorias. Quem certè noſtrum confratrem, Imperator nimis honorificè ſuſcepit, & quamdiu ibi manſit honeſte cum ſuis omnibus, reuerenterq; tractauit; & quicquid ornamentorum inibi vellet efficere, Imperialem ei licentiam tribuit. Fecit itaq; & cancellos quatuor fuſiles ex ære ante altare, ſcilicet hinc inde, inter chorum, & adytum ſtatuēdos. Trabem quoque nihilominus fuſilem ex ære, cum candelabris numero quinquaginta, in quibus utiq; totidem cerei per feſtiuitates præcipuas ponerentur, lapidibus ſubter in æreis vncis ex eadem trabe triginta & ſex dependentibus. Quæ videlicet ærea trabes, æreis æque brachijs, ac manibus ſuſtentata, trabi ligneæ quam pulcherrime ſculpi, & vario colore interim fecerat Deſiderius exornari, cõſumata eſt, & ſupra ſex columnas argenteas, quatuor & ſemis in altitudine cubitos habentes, & octo libras per ſingulas, in ipſa chori fronte conſtituit. Sub qua nimirum trabe, quinque numero teretes iconas ſuſpēdit, tredecim verò quadratas, paris menſuræ, ac ponderis deſuper ſtatuuit. E quibus videlicet decem ex quadratis, prædictus Frater apud Conſtantinopolim groſſo argento ſculpiſit, ac deaurauit, ha-

De orna-
tu Caſſi-
nenſis Ec-
cleſiæ.

A a 3 bentes

bentes per singulas alia libras quatuordecim, alia duodecim. Rotundas verò omnes, argentea solum una, quatuor librarum circumdans, cætera coloribus, ac figuris depingi græca peritia fecit. Alteram quoque iconam rotundam ex utraque parte argento mirifice sculpto, ac deaurato vestitam, argenteis etiam bullis extrinsecus in gyro circumdatam, quidam nobilis tunc B. Benedicto à Regia Vrbe transmisit: cui postmodum similem alteram fieri iussit, utraque est in ciborio altaris hinc inde suspensa. Ceraptata etiam area fusilia valde pulchra, duo magna, & parua septem, supradictus Frater secum è Constantinopoli detulit. Fecit præterea Desiderius, & aliam trabem de argento librarum circiter sexaginta, sculptam nihilominus, ac deauratam, quâ in fornice maiori, ante altare super quatuor argenteas columnas ex parte inauratas, decem libras, & quinque cubitos altitudinis habentes, locavit. Fecit & duas cruces magnas argenteas librarum per singulas triginta, quarum imagines calatura satis mirifica prominerent: easq; sub prædicta trabe inter easdem columnas, hinc inde super marmoreos stipites statuit. Tres porrò residuas maioris altaris facies argento librarum octuaginta & sex bene sculpto, ac deaurato vestiuit. Quatuor enim trabes propter ciborium altaris simili modo sculpto, ac deaurato argento extrinsecus induit, ab intus verò picturis, & coloribus decorauit: è quibus duæ habent cubitos quatuor, & semis, libras viginti, & viginti; duæ verò alia cubitos quatuor, & semis, libras viginti, & viginti. Sex etiam candelabra magna, tres cubitos altitudinis habentia, de productis, ac sculptis argento laminis fecit, pondo sex, vel quinque librarum, quæ videlicet in festis præcipuis ante altare in directa linea posita accendicum maximis faculis debeant. Pulpitum quoque ligneum, ad legendum, siue cantandum longe priori præstantius, & eminentius fecit in ascensu graduum sex, idq; diuersis coloribus facis, & auri picturis, de pulchro pulcherrimum reddidit. Ante quod columnam argenteam viginti & quinque librarum, partim deauratam, ad modum magni candelabri, sex cubitos in altitudine habentem, supra basem porfireticam statuit: super quam videlicet cereus magnus, qui Sabbatho paschali

pascali benedicendus est, sollempniter debeat exaltari. Fecit & coronam maximam de argento, librarum circiter centum, habens in circuitu cubitos viginti, cum duodecim turribus extrinsecus prominentibus, sex & triginta, ex earum lampadibus dependentibus, eamque extra chorum ante crucem maiorem satis firma ferrea catena, septem deauratis malis distincta, suspendit. His partim de constructione, & consecratione, partim novae basilicae decoratione quoquomodo exaratis, ad cetera Monasterij aedificia complenda, simul cum nostro Desiderio reditum faciamus.

Post transactam igitur sollempnem basilicae dedicationem, cernens Desiderius diuina cooperante potentia, simulque Patris Benedicti meritis, omnia quae ceperat, ad perfectum, prout optauerat, peruenisse; audentior iam, imo valentior factus, totius cenobij ambitum decreuit ingenti animo spatigare, & ut iam de aliquibus fecerat, reliquas officinas, cum his etiam, quae ipsemet ante Ecclesiae constructionem construxerat, renouare. Et primo quidem claustrum, quod tantae congregationi ad huc permodicum esse constat, ampliare desiderans, euerso mox vetere refectorio, quod satis enormiter a latere templo, a fronte vero, capitulo inharebat, quodque etiam ipse dudum bis tempore diuerso adauxerat, in vltiori illud parte futuri claustri iuxta meridianum scilicet Ecclesiae latus, decorum valde, satisque magnum extruxit, diuersisque coloribus pictorum artificio composuit, & laqueari appposito trabibus, tegulis desuper operuit. Legium quoque perpulchrum, & eminens in eo constituit, quod valde decenter gypso vestitum, cunctis spectabile reddidit. Cuius videlicet domus longitudo, in cubitis quinque & nonaginta extenditur, latitudo in tribus & viginti porrigitur, in quintumdecimum vero altitudo sustollitur: ab Orientali parte habens ingressum, ab Occidentali vero absidam, antequam profecto ampla valde Abbatis mensa ex transuerso cernitur constituta. Habet autem a latere meridiano fenestras quatuordecim, circa pulpitem tres, a Septentrionali vero duas tantum, duas quoque rotundas in frontibus singulis, omnes tam vitro, quam gypso, & plumbo insigniter laboratas. Iuxta eandem quoque domum ab Australi parte

De ceteris Monasterij aedificijs.

A a 4 coquinam

coquinam Fratrum amplam satis, & pulchram in duobus inuicem connexis fornicibus, quos vna tantum columna sustentet, erexit; interq; ipsam, & refectorium, gradus & ianuam, vndequeq; necessaria in idem refectorium, siue conferantur, siue referantur, constituit. Ex altera verò ipsius coquinæ parte cellarium statuit, ex quo videlicet tam Refectorio, quàm coquinæ quolibet debeant necessaria tribui. Post hæc, cum necdum sufficiens sibi ad tantam Fratrum multitudinem claustrī spatium videretur, dormitorium, atque capitulum, quæ dudum ipsemet magno valde sumptu, ac studio fabricauerat, necnon & veterem infirmantium domum, ex integro est aggressus euertere, & claustrī ampliandi occasione, easdem quoque domos ampliores afficere. Quoniam igitur exteriorem dormitorij murum non longe ab altero in magno montis præcipitio statuebat erigere; quinque crassam cubitis maceriam in fundamento, maxime firmitatis gratia, iaciens, eam in ducentorum spatio cubitorum per longum extendit; in altitudine autem cubitorum triginta erexit, quatuor & viginti cubitis in latitudine à muro interiori distantem. Habens à meridiano tantum fenestras amplas viginti, è quibus tres maximæ, tribus columnellis marmoreis falciuntur. Quæ videlicet domus longe priore amplior, firmior, ac pulchrior, & fabrorum peritia lateribus tecta, & pictorum artificio decorata est coloribus. Iuxta quam etiam in vltiori capite ipsius, vestiariū Fratrum construxit, paruum quidem, sed satis competens, pulchrumq;. His triennio circiter consumantis, montem è vestigio qui intra iacebat suffodere aggressus est: per longum scilicet cubitis centum & quinque, per latum autem quadraginta & nouem, per altum vero circiter septem. Sicq; capituli ædem ab Orientali parte per transuersum constituit, vt interior eius frontispicij angulus, angulo exteriori tituli basilicæ sit connexus, absida vero ipsius appropriare dormitorio videatur. Cuius videlicet domus longitudo cubitorum quinquaginta & trium, latitudo viginti, altitudo autem octo & decem habet; habet autem à latere vno fenestras vitreas speciosissimas nouem, ab altero totidem, à frontespicio Aquilonari tres rotundas, ab Australi vero

vero duas æque rotundas, laqueari picturis speciosissimis
 sufficientissime decorata. Tantam autem tunc cum ista suf-
 foderentur terræmotuum sumus experti frequentiam, ut
 vno quidem die vicibus decem & septem, per alios verò ali-
 quot dies, nunc quatuor, nunc duobus, modo etiam sex, vel
 quinque vicibus, per dies singulos sentiremus. Quod certè
 propter innumeras eiusdem loci sepulturas, tunc necessario
 violatas, quæ sanctorum fortè hominum fuerant, non ab re
 contigisse multi putauimus. Alias sanè satis raro hoc in
 loco solent fieri terræmotus. Verum quoniam ingens præ-
 cipitium ab interiori dormitorij parte remanserat, erectis
 secus domum tandem cameris, & terra, saxisq; cætera re-
 plens, iniectis: itemq; ante Refectorium, in fronte videli-
 cet claustrî, curua nihilominus camera cisternam maximâ
 fabricans, ita demum totius claustrî superficiem coæqua-
 uit; mox itaq; arcus per gyrum deambulatorios super cen-
 tum & decem marmoreas columnellas instituens, claustrum
 omne in longitudine cubitorum centum & quinque, in la-
 titudine vero quinque & septuaginta diffudit. Cuius quia
 ea pars, quæ maioris basilicæ erat contigua, si exteris coæ-
 quaretur non aptus in eandem basilicam esset ingressus, sub-
 tus item, & super deambulatorias fornices fecit, & in eius
 vtrisque angulis marmoreos gradus, quibus in cætera de-
 scenderetur, instituit: totumq; in circuitu, & lapideis pa-
 uimentis strauit, & picturis pulcherrimis complèxit. Nihil
 hoc expleto, moratus solarium palatij illius, quod à Riche-
 rio captum ipse perfecerat, ab eminentia priori claustrî in
 planitiem depoluit, atque inibi infirmorum Fratrum quie-
 tem constituit. Porro ab Occidentali parte claustrî, iuxta
 cisternam videlicet, quam prædiximus, cellam nouitiorum
 ordine satis congruo aptauit, in qua videlicet, iuxta regu-
 larem institutum, & meditari, & quiescere, atque comede-
 re nouitij ipsi deberent: sic iam tandem Fratres, qui cate-
 nus super tot operibus inquietati, ac molestati plusquam
 satis extiterant, opportuna simul, & amena quietis statio-
 ne locatos, ordini de cætero regulari, quanto ordinatius,
 tanto districtius, operam dare perdocuit. His igitur omni-
 bus ex voto perfectis, & interioribus Fratrum officinis de-
 centissime,

Terræmo-
 tuum mul-
 tudo.

centissime, ut optauerat consummatis, ad exteriora, se nihilominus ædificia Monasterij perficienda impiger, ac fortis accingit. Ab Occidentali igitur parte primum maceriam firmissimam erigens, portam cubitorum penè triginta extra veterem, de quadratis, ac scætis lapidibus statuit: supra quam turrem firmissimam in quatuor magnis columnis effectam, ingenti camera confirmauit. Verum cum exterius præcipitium pateret immensum, tumulus vero interius magnus existeret, eo defosso, præcipitium illud saxis eius, & terra, cliuoso licet tramite, peruium fecit: ibiq; iuxta, extra portam scilicet, xenodochium maximum fabricauit: itaq; demum hinc inde muro contiguo, ac ciuitatum more munito, vniuersum Monasterium circumsepfit. Denique ab Aquilonari parte palatium quantitatæ non modicæ ad hospitem quorumq; receptionem ædificauit. Pistrinum quoque tanto decore construxit, ut multi peregrinorum huc venientium ignorantes, quasi ad Ecclesiam sæpius illuc oraturi venerint. Non cessabat dum ista agerentur Desiderius conquirendis Ecclesiæ ornaminibus insudare, & vnde cumque posset, quibuscumque posset ingenijs, quæ huius apta essent pulchritudini comparare.

A D N O T A T I O.

Hæc usque peruenerat Leo Ostiensis in describenda Historia Cassinensi, quando morte præuentus, reliqua usque ad obitum Desiderij (sicut promiserat) prosequi non potuit. Compleuit autem tertium hunc librum Petrus Cassinensis Diaconus, ut constat ex libro quarto huius Chronici cap. 66. atque ex prologo eiusdem Petri super eundem librum, necnon ex his, quæ cap. 56. huius libri referuntur: ibi enim auctor sic ait Qualiter sanctum brachium (B. Matthei Apostoli) temporibus Girardi Abbatis, ad hunc locum detulerunt, loco suo scribemus. Quod quidem scriptum reperies libro quarto huius Chronici cap. 73. Igitur quæ sequuntur usque ad finem Chronici Petrus Diaconus Cassinensis scripsit. Quis autem fuerit Petrus iste, habetur infra libro quarto huius Chronici cap. 66.

C A-

CAPVT XXXIV.



CHRISTO igitur duce omnia sibi, prout optauerat euenisse cognoscēs, hinc ad Ecclesiam B. Martini, quæ sola ferè iam, intra Monasterij ambitum, de veteribus ædificijs remanserat, renouandam, totum cor Desiderius vertit. Diruta namq; priori eiusdem B. Martini basilica, locatisq; in Christi nomine fundamentis, cepit eiusdem Ecclesiæ fabricam in longitudine cubitorum trium & quadraginta, latitudine viginti & octo, altitudine viginti & quatuor: fenestras vero ab vno latere nouem, ab altero totidem. Porticus etiam vtriusque parietes in sedecim cubitorum altitudine erigens: fenestris quatuor & quatuor, totidemq; ab altero distinxit, & illas quidem, quæ in naui sunt, plumbo simul, & vitro compactis tabulis ferro ligatis inclusit. In frontispicio porrò eiusdem Ecclesiæ fenestras tres, ac vnam in absida distinguens, similis decoris parari mandauit. Illas autem, quæ in porticibus sunt (gypseas quidem) pari vero decore construxit. Columnas vero nouem ab vno latere, totidemq; ab altero erexit. Secus ipsam quoque Ecclesiam curuato pariete breuem quidem, sed pulchram domum ad eiusdem Ecclesiæ ministerium construxit. Cancellos vero lapideos ante B. Martini altarium mirificos patrari fecit. Absidam autem musuo decenter vestiuit. In qua etiam aureis litteris hos versus describi præcepit.

Desiderius
us reno-
uat S. Mar-
tini Eccle-
siam.

*Cultibus extiterat quondam locus iste dicatus,
Dæmonicis, inquam hoc templo veneratus Apollo,
Quod Pater hic properans Benedictus omnipotentis
Vertit in honore Dei, Martini, & nomine sancti
Hoc Desiderius post centum lustra vetustum
Paruumq; euertit, renouauit, compsit, & auxit.*


Iam vero ipsius Ecclesiæ pauimentum, quam sit conspicuum, quam spectiosum, ac diuersorum marmorum multiplicitate constructum, oculis omnium patet. Legium quoque pulcherrimum, auro atque coloribus pictorum ingenio decoratum, extrui iussit. Ante ipsius quoque B. Martini al-

tarium

tarium tabulam argenteam, & pulcherrime sculptam, quatuor, & quadraginta libras habentem, Desiderius parari mandauit, in qua omnes ferè B. Euangelistæ Matthæi, & sancti confessoris Christi Martini desculpfit historias. Fecit & portas areas in ingressu eiusdem Ecclesiæ. Iuxta eandem vero basilicam mansuenculas, in qua ipse maneret, construens, trabibus, appositis tegulis, desuper operuit. Hæc ubi cooperante Domino, prout optauerat, consummauit: B. Bartholomæi basilicam cum Fratrum vniuerso conuentu, tertio nonas Ianuarias à Ioanne huius ante cœnobij monacho, post Sorano Episcopo, fecit sollempniter dedicari. In cuius altari Apostolici corporis partem non exiguam in argentea recondidit capsa. Non multo post hæc tempore euoluto, adiculas illas, quas instar turrum, in atrij diximus angulis constitutas, alteram ab eodem Ioanne, alteram à Leone fecit Aquinensi Episcopò magna cum læticia dedicari, quarto idus Septembris, ipso Domino Abbate, omniumq; Fratrum præsentè conuentu, cum magna læticia, & deuotione.

CAPVT XXXV.

Post annum 1071
Albericus
Diaconus



Sub Gregor. VII.
Ann. 1079

ER idem tempus Albericus Diaconus vir disertissimus, ac eruditissimus ad hunc locum habiturus aduenit. Hic in hoc Monasterio positus cōposuit librum de uirginitate S. Mariæ, librum dictaminum, & salutationum. In musica dialogum. Contra Henricum Imperatorem. De electione Romani Pontificis. Vitam S. virginis Christi Scholasticę. Homiliam eiusdem. Vitam S. Dominici. Passiones SS. Modesti, & Cæsarij. Librum de dialectica. Tēporibus vero eius facta est Synodus in Vrbe Romana aduersus Berengarium Diaconum Ecclesiæ Andegauensis: qui inter multa, quæ astruere nitebatur, dicebat, sacrificium corporis, & sanguinis Domini figuram esse. Cumq; nullus ei resistere valeret, idem Albericus euocatur ad Synodum: quo dum venisset, post varia conflictationum genera, cum pars parti non cederet:

deret : idem Albericus hebdomadæ vnius accepta licentia ,
librum aduerſus eundem Diaconū de corpore Domini edi-
dit, ſanctorum Patrum testimonijs roboratum, in quo om-
nes aſſertiones eius deſtruxit, æternæq; obliuioni tradidit.
Fecit & verſus in vita S. Scholaſticæ. Rithmos in Paſcha, de
die Iudicij, de pēnis Inferni. Epistoſas quoque quampluri-
mas ad Petrum Oſtienſem Episcopum. Rithmos de gaudio
Paradiſi, de die mortis, de Monacho penitente .

Eo etiam tempore Alphanus Salernitanus Archiepiſco-
pus, & huius cœnobij Monachus, cuius ſupra meminimus,
vir in ſcripturis ſanctis eruditiffimus, & notitia Eccleſiaſti-
corum dogmatum ad plenum inſtructus, composuit nitido,
& lucidiſſimo ſermone paſſionem S. Chriſtinæ, & librum
hymnorum, & verſuum,

Alphanus
Archiepi-
ſcopus Sa-
lernitanus

Amatus quoque Episcopus, & huius Monasterij mona-
chus, his diebus ſcripſit verſus de geſtis Apoſtolorum Petri,
& Pauli, & hos in quatuor libros diuiſit. Hiſtoriam quoque
Normannorum componens nomini eiufdem Abbatis dica-
tam.

Amatus
Episcopus

Iſtius porrò Abbatis tempore Conſtantineſ Africanus ad
hunc locum perueniens, ſanctæq; habitum religionis induēs,
Eccleſiam S. Agathæ in Auerſa, à Richardo Principe ſibi
conceſſam, in hoc ſancto loco deuotiſſimus obtulit. Neceſ-
ſarium planè videtur ad poſteriorum memoriam, quantus
hic, vel qualis fuerit, litteris tradere. Hic igitur à Cartagi-
ne, de qua oriundus erat, egrediens, Babyloniam petijt, in
qua Grammatica, Dialectica, Geometria, Aſtronomia,
necnon & Phyſica Chaldeorum, Arabum, Saracenorum,
Aegyptiorum, ac Indorum pleniffime eruditus eſt. Comple-
tis autem in ediſcendis huiusmodi ſtudijs, triginta & nouē
annorum circulis, Ad Africam reuerſus eſt. Quem cum vi-
diſſent Afri ita ad plenum omnium gentium ſtudijs eruditū,
cogitauerunt occidere eum. Quod Conſtantineſ agnoſcens,
clam nauem ingreſſus, Salernum aduenit, ibiq; ſub ſpecie
inopis aliquandiu latuit. Deinde à fratre Regis Babylonio-
rum, qui tunc eo aduenerat, agnitus, ac in magna honorifi-
centia apud Robertum Ducē habitus eſt. Exinde vero Con-
ſtantineſ egrediens, ad hunc locum peruenit, & ordine quo

Conſtanti-
nus Afri-
canus.

ſupra

supra retulimus, monachus factus est. In hoc vero coenobio positus transtulit de diuersorum gentium linguis libros quamplurimos, in quibus sunt hi precipue. Pantegnum, quem diuisit in libros duodecim, in quo exposuit, quod medicum scire oportet. Practicam, in qua posuit qualiter medicus custodiat sanitatem, & curet infirmitatem. Librum graduum, Dietam ciborum, Librum febrium, quem de arabica lingua transtulit, & alios quamplures.

CAPVT XXXVI.

SEQVENTI tempore supradictus Papa Alexander, urbem egrediens venit ad hoc Monasterium. Qui a Desiderio honorifice susceptus, dum Abbatis cameram, quæ iuxta Ecclesiam S. Nicolai constructa est, ingressus fuisset, daemoniacus quidam, qui tunc illò aduenerat, ei factus est obuiam: quem S. Pontifex, ut vidit, orationem fundens ad Dominum, dixit ad daemone[m]. Precipio tibi immunde spiritus in virtute Domini, ut exeas ab hoc homine, & vadas in illum locum, ubi nec aus volat, nec vox hominum resonat, & sis ibi usque ad diem iudicii. Mirabilis Dominus in sanctis suis, qui inuocantes se, & de sua misericordia præsumentes velociter exaudire dignatur. Nam daemon, ad eiusdem Pontificis præceptum, hominem relinquens, cuncti, qui aderant laudare ceperunt, & benedicere Dominum. Nec hoc tacendum videtur, quod omnipotens Deus per eundem suum famulum operare dignatus est. Nam cum ciuitatem Aquinum pertransiret, claudam quandam in itinere iacentem inuenit, cuius infirmitati idem compatiens Pontifex, aquam, de qua post missarum sollempnia suas manus abluerat, ei ad bibendum tradidit, quam mox, ut in potum accepit sanitati reddita, gratias Deo referre per maximas cepit. Fecit præterea idem sanctissimus Pontifex priuilegium Desiderio de Monasterio S. Mariæ in Palladio, cum attinentijs suis, recipiens ab eo Ecclesiam S. Ierusalem, quam Leo Papa Reuerendissimus, sicut supra taxauimus Richerio Abbati nostro tradiderat.

Conces-

Conceſſit etiam prædictus Papa Alexander perſonaliter noſtro Deſiderio, ciuitatem Tarracinenſem, cum pertinentijs ſuis .

Deſuncto autem eodem Pontifice Clerus, Populusq; Romanus in vnum conuenerunt, Hildebrandumq; ſedis Apoſtolice Archidiaconum eligentes Gregorium appellare decreuerunt. Qui eodem ordinationis ſuæ anno ad hoc Monafterium veniens, ſociato ſibi Deſiderio Beneuentum perrexit, indeq; regrediens Romam reuerſus eſt. Quo tempore dum in natiuitatis Dominicæ ſollemnitate in Eccleſia ſanctæ Mariæ cognomento maioris, prædictus Papa miſſarum ſollemnia ageret, capſus eſt ſupra ſanctum altare à quibuſdam Romanis infidelibus, ſed vi, ac conſtantia ciuium Romanorum eadem die ereptus eſt.

Ann. 1078

C A P V T X X X V I I .

PE R idem tempus Richardus Princeps per præceptū obtulit B. Benedicto Eccleſiam S. Angeli, quæ nuncupatur ad Formas, de qua ſuperius, tempore ſcilicet Baldoini Abbatis, qualiter nobis à Marino Papa conceſſa ſit, plenius ſcripſimus. Sed quia Capuanus Archiepiſcopus illam eo tempore retinebat, præſatus Princeps cupiens ibidem facere Monafterium, ante ſeptem circiter annos cum eo concambium fecit, data pro ipſa alia Eccleſia, vocabulo S. Ioannis de Landepaldi, quæ tunc temporis palatio pertinebat, cum ornamentis, & libris non paucis, & vniuerſis rebus, ac pertinentijs eius. Receptis ab eodem Archiepiſcopo prædicta Eccleſia S. Angeli cum tribus alijs Eccleſijs iam vetuſtate conſumptis, idelt S. Saluatoris, S. Ioannis, & S. Hilarij, & cum omnibus ad eaſdem Eccleſias pertinentibus, ſexaginta auri librarum pœna appoſita, ſi aliquando Archiepiſcopus, vel alius ſucceſſorum ſuorum id remouere voluiſſet. Quo factò conceſſit in eodem loco Eccleſiam S. Angeli de Faldiscos intra Capuā cum omnibus pertinentijs ſuis: necnon & quicquid palatio pertinebat in toto Sarzano, cum vniuerſis ibi habitantibus villanis, & omnia, quæ ibi pertinerent Gregorio Comiti Palatij, & Petro filio.

filio Doſerij in loco S. Eraſmi. Cū omnibus itaq; his, & cum vniuerſis pertinentijs ſuis, ſimul & cum chartula commutationis, quam à prædicto Archiepiſcopo ex inde receperat, in hoc Caſſinenſi cœnobio prædictam Eccleſiam obtulit. Et quoniam locus idem valde amœnus, & ſatis aptus Monafterio erat, rogauit humiliter Deſiderium, vt pro amore ſuo ſpecialiter inde ſtuderet, quod & fecit, de Monafterio Albana integram omnium mobilium medietatem accipiens, & medietatem etiam eiufdem loci monachorum illuc trãſmittens: cœpitq; Deſiderius illud ædificare ex integro, tam ſpatioſe quemadmodum hodie cernitur: vbi etiam intra breue tempus quadraginta, & eo amplius monachos regulariter victuros aggregauit.

CAPVT XXXVIII.

S. Benedi-
cti mira-
culum.



ODEM præterea tempore, quidam ruſticus, in partibus degens Apuliæ, dum ſiti æſtuaret, ad bibendum perrexit. In quem mox diabolus ingrediens, eum vexare crudeliſſime cœpit. Duſtus autem à propinquis ad hoc Monafterium, atque ante Patris Benediſti corpus iactatus, eius interuenientibus meritis conſeſtim ſanatus eſt.

Miracu-
lum aliud.

His porrò diebus cum in hoc Caſſinenſi cœnobio de vino ad totius Monafterij ſtipendium, nō pluſquam palmi vnus, & dimidij menſura eſſet in vaſe, Frater, qui domum vinariam cuſtodiebat, pergens ad Patrem Deſiderium ei referre curauit. Abbas autem ad hæc, antequam ad Roberti curiam pergam, veni ad me, & vnde id emere debeas dabo. Alio autem die ea, quæ Deſiderius præceperat, monachus obliuioni tradens, ad eum minime venit. Deſiderius autem iter arripiens, Roberti ducis curiam adiit. Sed qui in deſerti regione per quadraginta annos manna populum pauit, ipſe per tres menſes, & dimidium, vinum vnde omnes biberent creſcere fecit. Quidam vero puer ex Monafterij famulis, cœleſtium myſteriorum ignarus, vehementeſſe admirans vinum tantum duraffe in vaſe, cellam vinariam adiit, vinum menſus

mensus est, stetitq; eadem hora, & ultra crescere desijt, tunc ad monachum gratulabundus accedens ait. Ego nūc vinum mensus sum, sed tantus est, quantus fuit ante tres menses. Monachus autem hæc audiens eum grauissime verberauit. Puer vero ante eum aufugiens, claustrum est Fratrum ingressus, & quid sibi monachus fecerat per ordinem pandit. Quæ venerandæ memoriæ Stephanus, qui eo tempore Decanatus officij curam gerebat, euocans dixit: cur tam crudeliter hūc puerum verberasti? Tunc Frater hoc, quod in vino per merita beatissimi Patris Benedicti Deus operari dignatus est enarrans, subiunxit. Hic verò ad vasculum pergens vinum mensus est, & vterius in vase non creuit. Illi autem hæc audientes benedixerunt Deum, qui suis temporibus in hoc loco antiquum dignatus est renouare miraculum.

Nocte quadam cum Frater Gregorius mansionarius in stratu suo quiescens vigilaret, audiuit duos pueros in Ecclesia mira suauitate, ac dulci modulamine laudes Deo referre. Sciens itaq; pro certo neminem monachorum esse in Monasterio, qui puerilem vocem haberet, confestim surgens Ecclesiam ingreditur, nullumq; ibi reperiens, & quod in re erat aduertens, facto mane, quod audierat Fratribus per ordinem pandit: hinc Angelorum frequentiam apud B. Patris exuias, hoc fuisse dixerunt. Tempore alio præfatus Gregorius lampadam ante imaginem Saluatoris, quæ supra fores Ecclesiæ picta est, dependentem, aduenerat refecturus, & ecce videt eam tenis vinculis dependere in aere, nulla prorsus eam materia, præter ipsam aeream, sustentante. Conuocatis Gregorius Fratribus, qui eminus aberant, quod miratur ostendit, ipsiq; postmodum cum eo pariter huius testes extitere miraculi. Nocte, quæ præcedebat diem transitus S. Patris nostri Benedicti festiuū, dum ad vigilias vnus è custodibus lampadam ante imaginem eiusdem B. Patris dependentem reficeret; lapsa subito lampas in pavementum fuit, illa sãq; permansit, quæ iterum eleuata, iterum cecidit, erecta tertio, tertio lapsa est, & nullo horum casu, vel effractionis lampas, vel effusionis oleum, vel ignis extinctionis, pertulit detrimentum.

Cum die quadam, de custodibus vnus, ante altare accen-

Bb

fam

Alia mira-
cula.

lam lampadem usque ad ipsa ferè laquearia eleuasset, repente lampas lapsa, in pauimentum cecidit (mirabilis in factis suis Deus) non solum non est fracta, quæ deciderat lampas, sed nec effusum oleum, nec ignis extinctus.

Tunc temporis in Monasterio B. Patris nostri Benedicti, quod intra Salernitanæ vrbs mania constructum est, & huic Cassinensi cœnobio ab ipso constructionis suæ exordio subditum, satis insigne miraculum contigit. Ex ipsius namq; Monasterij familia, vorax hominum Lupus, paruulum puerulum clandestinus impetijt, rapuit, & habuit, post quem transfixa dolore mater, inclamans, ait: Adiuro te bestia, per Beatum Benedictum, cuius seruus est, ne filium meum ulterius feras, sed cum sub omni celeritate dimittas: quo lupus audito, hunc quidem, quem ferebat, aperto protinus ore deposuit; alium vero puerum repentinus insiluit, eumq; subito dissecans, truncum cadaueris spreuit, præcisumq; caput mordicus confixum, in suas latebras concitus asportauit.

A D N O T A T I O.

DEsiderius Cassinensis Abbas lib. 2. Dialog. ea quæ hic de lampadibus referuntur confirmat dicens. Quia omnipotens Deus non tantum in magnis, sed etiam in minimis rebus aliquando ostendit mirabilia sua, ut fides credentium magis, ac magis augeatur, ac in laudibus Creatoris sui vniuersa creatura prorumpat, cum in cunctis vsui humano concessis, paterna pietate curam habere conspicitur, quid in lampadibus in hac Ecclesia, nostris temporibus actum sit (sicut à Gregorio venerabili Monacho, qui eiusdem Ecclesie custos ad huc super est didici) ex parte referre non negligam. Cum quadam die vnus è custodibus lampadem in Oratorio ante altare igni admoto accendisset, eamq. sursum penè usque ad laquearia eleuasset, repente dilapsa, ante altare in pauimentum cecidit (mirabilis Deus in factis suis) non solum fracta non est, sed nec etiam oleum effusum, nec ignis in ea accensus extinctus est.

Alio tempore, cum prefatus Gregorius lampadem ante imaginem Saluatoris, quæ supra fores Ecclesie depicta erat, vellet

Vellet reficere, inuenit eam extenſis uncinulis ita in aere de-
pendere, vt nulla prorsus materia ſuſtentaretur. Qui mox
conuocatis Fratribus, qui prope aſtabant, eis (vt tanti te-
ſtes miraculi eſſe deberent) quod mirabatur oſtendebat. Pre-
terea alio tempore in hac eadem Eccleſia B. Benediſti, ea no-
ſte, qua pracedebat diem, qua eius feſtiuitas agebatur (ſicut
ab eis, qui huic miraculo interſuere accepi) dum ad vigilias
vnus e cuſtodibus lampadem ante imaginem euſdem B. Be-
nediſti reficeret, repente delapſa, in pauimentum corruit, ac
illaſa permanſit, qua iterum ter ſurſum eleuata cecidit, &
quod mirabilius eſt, nec ipſa frangi, ne oleum effundi, ne lu-
men in ea accenſum extingui, diuina conſeruante virtute, po-
tuit: Plura ſunt in huius Monaſterij Oratorio, ex lampadi-
bus huiusmodi faſta miracula, qua quia valde ſimplicia ſunt,
ſuperfluum ſcribere duximus. Hac autem idcirco ſcripſimus,
ne quia parua ſunt, omnino contemni viderentur.

C A P V T X X X I X.



CIRCA hos dies, Michael Conſtantinopo-
litanus Imperator, Patri Deſiderio per nū-
tios, quos ad eum direxit, dona quamplu-
ra tranſmiſit, poſcens, vt pro ſe, & liberis,
& pro ſtatu Imperij ſui Dei omnipotentis
clementiam aſſidue ſupplicarent. Inſuper
etiam ob Patris Benediſti reuerentiam, pro ſalute animæ
ſuæ, per præceptum aurea bulla bullatum, conſtituit, vt per
vnumquemque annum hoc Monaſterium accipiat de pala-
tio Cōſtantinopolitani Imperij auri libras viginti quatuor,
& pallia quatuor ad noſtræ congregationis ſuſtentionem.

Borrellus autem Comes, Borrelli maioris filius, cum ob
nonnulla ſua in hoc loco ſeruitia, Deſiderij familiaritatem
uiſſet non immerito adeptus: Monaſterium S. Petri, quod
vocatur de Auellana, quod videlicet Pater ipſius B. Domi-
nico ante quatuor & quadraginta annos ad conſtruendum
tradiderat, quodq; idem Borrellus ſatis ampla terrarum
conceſſione ditauerat, cum Eccleſijs, & colonis, & cum om-
nibus omnino pertinentijs, ac poſſeſſionibus ſuis, quod eſt


Monaſte-
rium S. Pe-
tri de A-
uellana.

Bb 2 terra

terra quinque millium circiter modiorum, B. Benedicto deuotissimus obtulit. Cuius Monasterij, cum longe post, Gualterius nepos ipsius, duodecim Casales de riuo Franculi nequiter retineret, veniens ad hoc Monasterium, sua sponte nobis ipsos refutauit, ac reddidit. Theodinus quoque, & Oderisius, atque Bernardus Baluenses Comites, non multo post, & ipsi quoque Monasterium S. Petri, quod sicum est in valle de Iaco, & aliud Monasterium Eremitarum, in loco, qui dicitur Pratum Cardosum, quæ nimirum, & ipsa nihilominus à B. Dominico ante non plures annos fundata extiterant pari modo in hoc Monasterio obtulerunt, cum quinque scilicet adiacentibus lacubus, cum Ecclesijs, & colonis, & cum omnibus omninò pertinentijs, ac possessionibus eorum, tam in eodem Comitatu Baluensi, quam in Marficano, & Theatino. Eodem anno oblatum est B. Benedicto à quibusdam nobilibus Marficanis castellum, quod nominatur Meta, in valle de Orbetu cum omnibus finibus, ac pertinentijs suis; necnon & Ecclesia S. Patris in loco ybi Formæ vocatur, & Ecclesia S. Donati supra ipsas Formas, cum omnibus, quæ ad easdem Ecclesias pertinent: insuper & vniuersis, quæ ad præfatos nobiles iure hereditario pertinebant tam in ipsis Formis, quàm & in valle Frigida. Eodem etiam anno Leo, & Girardus Fundani Consules obtulerunt B. Benedicto Monasterium S. Magni cum omnibus sibi pertinentibus, & cum quarta parte de ipsa piscaria Fundani lacus, & cum Ecclesia S. Mariæ iuxta amphitheatrum Fundanæ ciuitatis S. Mauri, & S. Martini ad Tirille, & S. Andreæ in Tarracina, & S. Nicolai in vrbe Romana, loco qui dicitur ad Fossa, cum omnibus pertinentijs, ac rebus illarum. Pari modo autem vna cum Richardo cognomento de Aquila, iidem Consules obtulerunt huic loco Ecclesiam S. Onufrij cum pertinentijs suis, & quoniam locus idem habilis ad construendum Monasterium erat, Desiderius cupiens ibidem facere Monasterium, per Girardum Præpositū S. Nicolai in Pica, qui quintus post eum huius cœnobij Abbas effectus est, in statum, quo nunc cernitur erexit. His quoque diebus Littefridus Fundanus Consul chartam fecit huic Monasterio de omnibus, quæ sibi pertinebant de ciuitate Fundana, & valle de cursa,

Curia, & Aquauia, & Ambryse, & Pastina, & Ymola, Campo de mele veteri, & de tertia parte piscariae ad S. Anastasiam, & de Monasterio S. Archangeli, & de omnibus, quae ei pertinebant à paterno, vel materno iure. Per idem quoque tempus Ioannes Hiserniensis vir nobilis, similiter obtulit huic Cassinensi cenobio Monasterium S. Benedicti in loco Bagnarola, cum duobus alijs cellis ipsius, idest S. Mariae, & S. Luciae, cum vniuersis earum pertinētij. Idem fecit etiam Morinus Comes Venafranus de quatuor alijs Ecclesijs, idest S. Nazarij de Piperozza, S. Petri de Sexto, S. Barbatj de Rauenola, & S. Martini de ipsa Furca.

CAPVT XL.



PERE pretium reor ea, quae isto anno Dominus per B. Benedictum in Gallijs operari dignatus est ad posterorum memoriam, & edificationem annexere. Quidam namque vir potentissimus Gallorū genere progenitus, tantis se ab ipsa infantia execratur flagitijs, vt nulla pars corporis eius proprio vacaret à vicio. Hic ad mortem veniens, conuocatis cuiusdam cenobij Fratribus, monasticum habitum sibi tribui flagitabat, mox autem, vt sacris indutus est vestibus, spiritum reddidit. Cuidam vero Dei seruo iuxta manenti Dominus ea, quae circa defuncti animam agebantur ostendere dignatus est. Nam statim, vt de corpore exijt, cum terribilis turba demonum, igneis illam ligantes catenis, ad tartarea conarentur ferre incendia, B. Pater Benedictus pastorem manu deferens virgam, in medium astitit. At verò hostes se pradam perdere cognoscentes, dixerunt: Quot à nostris iam dudum manibus Benedicte abstuleris animas, nosti: hunc vero, qui nunquam aliquid boni gessit, iniuste agis si à nostris manibus auferre conaris. Et sanctus, ne vobis iniustitiam forte facere videar, eius facta examine, & si vestrorum operum postquam meum accepit habitum aliquatenus fuit cōscijs, vester permaneat: tunc malignorum illud collegium victum se rationabiliter sentiens, tenues per auras euauit; Hoc

Bb 3 Dei

Dei seruus, ut vidit, cepit collaudare Christi clementiam, qui tam mirabiliter eandem animam de dæmonum manibus liberare dignatus est.

Notent
hoc Cellerarij.

In eisdem verò partibus Monasterium est quoddam in honore eiusdē Patris sacratum, in quo Fratres, dum die, quodam sanctus celos ascendit, festiuitatem illius sollemniter celebrassent, ad cenam venientes, dum pisces se non habere perspicerent, hac de re conqueri contra Abbatem ceperunt. Subsequenti vero nocte, sanctissimus Pater Benedictus Abbatī in somnis apparens, dixit ad eum. Cur Fratres tristantur? Et ille: propter pisces, quos non habuerunt in præterito die. Cui sanctus: ego quidem in Monasterio meo Cassinensi cellararium de mundo recedētem expectaui, qui quoniam peccatorum erat ponderibus aggrauatus, eum meis orationibus adiuui, atque illum omnipotens Deus in æternæ vitæ quietem constituit. Nunc vero piscatores mitte ad proximum Monasterio lacum, ibiq; abundanter inuenies unde murmurationem valeas sedare Fratrum. Abbas autem euigilans, piscatores ad lacum sub omni celeritate transmisit, quod dum Fratres cernerent mirari ceperunt, quia lacus, ad quem piscatores pergebant, non nisi serpentes, & ranas ferebat. Piscatores autem lacum, in quo nunquam antepiscatum fuerat, ingredienti, piscium multitudinem tantam ceperunt, ut per octo continuos dies Fratribus ad comedendum sufficerent.

Quidam Ioānes cognomine Venafranus, Vicecomes Iordani primi Principis, fuit vir scelestissimus, & omni vitiorū labe repletus. Qui dum ad mortem venisset ad hunc se locum duci, & sanctæ sibi religionis habitum tribui rogauit. Cuius petitioni amici eius fauentes, ad hoc Monasterium, eum duxerunt, atque ante corpus sanctissimi Patris Benedicti monastica vestimenta suscipiens, statim è mundo recessit, illo autem sepulto, rusticus quidam de Monasterio egrediens ad campestria loca tendebat. Cumq; sub Ecclesia S. Severi olim Cassinensis Episcopi, quæ in hoc monte sita est, aduenisset, diabolum in via stantem reperit, statim procerum, digitos, ac ungulas habentem valde longissimos, virgamq; in manu tenentem, & rusticum toruo vultu aspicientem.

tem. Cumq; ad eum rusticus peruenisset, Diabolus ait: unde venis? Ille autem, hominem eum esse existimans, dixit: A Cassinensi cœnobio. Et diabolus: Quid actum est de Ioanne Vicecomite? Tum rusticus, postquam monachus factus est, statim è mundo recessit. Diabolus autem hæc audiens, cepit conqueri, dicens: Hei, Benedicte, mihi. Hei, Benedicte, mihi: cur meos quotidie ad te seruos conuertis? Cur me tam immaniter, tam crudeliter persequi non desistis? Hæc cum dixisset, furibundo, & flammanti rusticum vultu respiciens, ait. Scito certissime, quia nisi hodie in Monasterio Benedicte cibum, potumq; sumpsissem, & panem de eodem loco allatum nunc in sinum tuum teneres, nulla interposita mora te confestim occiderem. Statimq; per montis latus se præcipitem dedit, lapides, & arbores in modum turbinis trahens. Rusticus autem hoc viso, tremebundus de monte descendit, & cuncta quæ viderat, vel audierat per ordinem pandit. Cumq; ad aquam, quæ Cassinus vocatur aduenisset, iteratò diabolus eidem apparens, dixit. Adhuc per terram istam ambulas? Frendensq;, ea, quæ prius locutus fuerat protulit, & Cassini aquam cum virga, quam tenebat validissime percussit, atque disparuit. Ad cuius sonitum, rustico visum est, quod tota terra tremuisset; aqua vero fluminis, more tempestatis sursum in aera ferebatur, in riuo prædicto; reuersus autem rusticus ad domum suam, languore corripitur, atque post diem tertium vitam finiuit.

CAPVT XLI.


EODEM tempore, cum Ladenulfus, qui fuerat Comes Caleni, contendisset nobiscum de alueo fluminis Gariliani, quod non deberet aliquo modo pertinere castro nostro de Mortula, & quod ipsi homines de cryptis eiusdem loci, nihil nobis deberent: in iudicio Iudicum Sueffanorum causa ipsa diutius ventilata est; victus rationibus cessit, & de his omnibus per chartam se manifestauit nullam prorsus habere iustitiam. Sed & Loffridus, qui cognominatus est Monius, per idem tempus ex imperio Richardi Principis veniens ad hoc Monasterium, in præsentia

Bb 4 Deside-

Desiderij, spontè sua per scriptum se manifestauit, ac restituit in manus eius ipsas piscarias, quæ sunt in flumine Gariliano ad ipsos currentes: qualiter incipit à riuo, qui dicitur viuus, qui descendit ab ipsis cryptis, & vadit vsque in riuum, qui descendit à S. Cruce, & mittit in prædictum flumen Garilianum: quæ videlicet piscariæ antiquitus pertinerunt, partim huic Monasterio, partim S. Saluatoris de Cucuruzzo, quas etiam vsque ad illud tempus Sueffani Comites violenter, & malo ordine retinuerant. Sequenti tempore Loffridus cognomento Ridellus Dux Caietanorum, obtulit in hoc loco Monasterium S. Erasmi de ciuitate Formiana, & Monasterium S. Petri de Foresta, in pertinentia Pontiscurui, cum vniuersis possessionibus ipsorum. Tunc etiam Lando Dominus Arpinensis ciuitatis, ad mortem veniens, iudicium fecit in hoc Monasterio de omnibus, quæ sibi iure hereditario pertinebant, idest de medietate Arpini, & Montisnigri, & S. Urbani, & Vici albi, & Casa oliuerij.

CAPVT XLII.

Leo Ostiensis Episcopus.



PER idem tempus supradicto Papa Gregorio Romæ Synodum celebrante, Leo huius loci bibliothecarius (qui post Ostiensis est Episcopus factus) ex iussione Patris Desiderij proclamationem fecit de cella S. Sophiæ in Beneuento, quam nuper Beneuentani à ditione huius cœnobij violenter abstraxerant, cumq; ad placitum res producta fuisset; relecta sunt in omnium audientia nostra munimina, qualiter Arichis Princeps eiusdem Ecclesiæ constructor per præceptum huic cœnobio Cassinensi eam tradiderat. Demum vero qualiter omnes Romani Pontifices, Imperatores, Reges, Duces, ac Principes prædictam cellam in hoc loco confirmauerant. Quo audito Papa Gregorius ait: Quod nequaquam possent Beneuentani Ecclesiam Monasterio Cassinensi primitus delegatam, ab eius potestate subtrahere, sed Cassinensem Ecclesiam omnino canonice, ac legaliter eandem cellam in perpetuum obtinere debere. In eadem etiam Synodo

Synodo conſtituit ; vt ſi quis à Laico Eccleſiæ inueſtituram acciperet, dans & accipiens anathemate plectetur.


Eodem tēpore cum prædictus Papa Gregorius apud Capuā moraretur: Clerici eiſdem ciuitatis, inuidis apud eum quæſtibus uſi ſunt, dicentes : Eccleſiam S. Angeli, quæ olim fuerat iuris Capuanę Eccleſię, iniquo concambio in ius Monafterij noſtri tranſiſſe. Quam nimirum quęrimoniam idem Apoſtolicus oratu Deſiderij in diſcuſſam manere non patiens, per idoneos, ac veraces viros diligenter inquirere ſtudit, vtrum concambium, quod pro eadem Eccleſia datum fuerat conueniens eſſe videretur. Qui videlicet hoc ſtudioſiſſime diſquirentes, inuenerunt, & probauerunt, quod Eccleſia S. Ioannis de Tandepaldi, quæ pro eodem concambio data fuerat, ſatis plus poſſeſſionis, & ornamentorum, tempore concambij habuiſſet. Quod etiam Herueus eiſdem ciuitatis Archiepiſcopus ſe veraciter cognouiſſe aſſeuerabat. Quo competenti teſtimonio, promotæ litis omni dubietate ſublata, cenſuit præſatus Apoſtolicus, tam Archiepiſcopum, quàm & Capuanos clericos, in perpetuū ab hac quæſtione quieſcere, nullamq; vltius de ipſo concambio litem mouere. Qui mox priuilegio firmum hoc, & in perpetuum ſtabile iudicans, atque decernens, vt idem Monafterium ſub cura, & regimine Caſſinenſis Abbatis manere perpetuò debeat. Eodem quoque priuilegio cuncta, quæ vel ibi tunc conceſſa, vel in futurum eſſent concedenda confirmandans, temeratoribus quidem huius decreti, niſi fortè reſiſſiſſent, excommunicationis ſententiam intulit. Obſeruatoribus vero benedictionem Apoſtolicam, & pacem perpetuam prouenire optauit.

CAPVT XLIII.

PRÆTEREA Ioannes filius Hugonis Comitſ, parſis exemplū ſecutus, obtulit, atque firmavit B. Benedicto integram partem ſuā de caſtello Suio, quod eſt medietas ipſius, cum vniuerſis ad eandem medietatem pertinentibus, tam intus, quàm foris: necnon & integram partem ſuam de ſupradicto Monafterio S. Eraſmi in Formio.

Formio. Item Sanſo filius Alberti de Comitatu Pinnenſi chartam fecit huic Monafterio de integra ſorte hereditatis ſux, ideſt de medietate caſtelli, quod dicitur Planella, cum Eccleſia S. Stephani ibidem, & de medietate Panſilani, cum terra mille modiorum menſuræ. Dux quoque Robertus capta Tarêto nobiliſſima ciuitate Apuliæ, obtulit B. Benedicto Monafterium eiufdem ciuitatis, quod vocatur S. Petrus Imperialis cum omnibus pertinentijs ſuis, necnon & quatuorcentum familias hominum eidem loco pertinentes. Inſuper etiam totam decimam ſuam frumenti, & hordei, vini, & olei, & omnium piſcium piſcariarum ſuarum: pœna appoſita quingentarum librarum auri, cuiuscumque id remouere quæſiſſet. Iſdem porrò temporibus Panormitana ciuitas ab eodem ſtrenuiſſimo Duce capta eſt. Qualiter autem, vel qua occaſione idem Dux Siciliam cepit, licet ſuperius ex parte tetigerim, opportunitum videtur ad poſteriorum memoriam, huic loco inferere.

CAP V T X L I V.




V M igitur Panormitanæ ciuitatis regimen Vulthuminus admirarius retineret, quidā ex ſeruis eius Belchus nomine, contra eum inſurgens, honore eum, patriæq; priuauit. Pulsus vero ille Sicilia ad ſupradiſti Roberti Ducis confugit auxilium. Tunc nauali Dux collecto exercitu, Siciliam, Ducem expugnaturus ingreditur. Contra quem Saraceni, cum valido exercitu congregientes, iuxta ciuitatem Meſſanam, ſine mora, Chriſto fauente, ſuperati ſunt, reliqui fugæ præſidium ſumunt. Meſſana vero capta, eiufq; Admirario interfecto, Rimetum. Dux peruenit ad urbem, quam ſibi tributariam faciens, cum mille equitibus, totidemq; peditibus ad Caſtrū Ioannis peruenit. Aduerſus quē Balchahot Saracenorum Admirarius, cum quindecim millibus equitum, & centum millibus peditum properans, bellum iniit: Mirum & omnibus retro temporibus inauditum, cum ex chriſtianis non equitum, vel peditum aliquis vulneraretur, vel moreretur, ex Paganorum multitudi.

multitudine interfectorum numerus vix colligi potuit. Inde autem Dux victor recedens, venit in vallem de Mena, in qua Roecam B. Marci construens, Calabriam redijt, & super Barium (quę totius Apulię primatum obtinet) cum exercitu veniens, obſidionem locauit. Quam cum diu obſeſſam in deditiōnem accepisset, cum militari agmine Siciliam redijt, ac ciuitatem Catanensium capiens, Panormum obſidere cepit. Quam cum quinque mensibus obſediſſet, tãdem illam, prout volebat, obtinuit. Talia igitur ad votum ſibi Dux eueniſſe aduertens, immenſo valde congregato exercitu, super Salernum caſtra locare diſponit. Quod ſupradictus Papa Gregorius dum comperiſſet, per Patrem Deſiderium Giſulfo Principi, ducis pacem expetere, monuit: ad quod ille, nec reſponſum quidem reddere voluit. Dux vero ſuum exercitum congregans, circa Salernum tentoria fixit. Ex alia autem parte Richardus Princeps rogatu Ducis occurrens, cum diuerſis bellorum machinis illam oppugnare vehementiſſime cepit. Hoc Deſiderius audiens, Richardum Principem abiijt, eumq; vna ſecum ad Giſulfum venire rogauit. Quo dum veniſſet, poſt multa verba in vacuum habita, eorum Giſulfus ſpernit conſilium, & cum Duce nullo pacto ſe conſederaturum iureiurando affirmat. Deſicientibus tandem in ciuitate eis, quę ad victum ſunt neceſſaria, equorum, canum, aſinorum, ac muricipum carnes cepere comedere. Vendebatur autem canis iecur tarenis decem, modiũ vero tritici quadraginta quatuor bizantijs. Illorum vero egeſtatem Dux dum comperiſſet, intempeſtę noctis ſilentio ſtipatus militum cuneis ad muros vrbiſ veniens, & portam clauſam lapidibus diruens, Salernum obtinuit. Ciuitate autem potita, Robertus Eccleſiam S. Apoſtoli, & Euangelistę Matthæi inibi conſtrui iuſſit, in qua etiam ſacrum eiufdem Apoſtoli corpus ſumma cum veneratione locauit: os integrum brachij eiuf argentea theca reconditum, ad ſuam filiorumq; tutelam reſeruans. Inde autem Dux cum exercitu, ſociato ſibi Principe, ad hoc Monasterium venit, atque à Deſiderio, & Fratribus honorifice ſuſceptus, illorumq; ſe orationibus commendans attentius, Campaniam expugnaturus ingreditur. Talia Papę Gregorij dum perueniſſent ad aures,

aures Ducem, & Principem à liminibus Ecclesiæ separauit, collectoq; exercitu, super eos ire disponit. Quod ubi Duci nuntiatum est, concire vna cum Principe Capuam remeans, Dux supra Beneuentum, Princeps verò supra Neapolim obsidionem firmavit. Neapolitani verò Principis terrore perculsi, omnipotentem Deum rogabant attentius, quatenus de supradiçti Principis potestate, miseratione sua clementissima, eos eripere dignaretur. Cumq; eadem ciuitas acerrime expugnaretur, sanctus Christi martyr Ianuarius, cum alijs dealbatis sæpius videbantur à Principe, & eius exercitu per castra armati discurrere. Qui æstimans eum esse Archiepiscopum, mandat cur contra ordinem suum cum lancea scutatus ad pugnam procederet, cui respondens Archiepiscopus. Ego, vt tu vir illustrissime perspicis, in lectulo iaceo. Ille armatus quis sit ipse videas: nam pro certo scias, quia S. Ianuarius protegit, ac defendit hanc ciuitatem. Princeps verò eius dictis derogans fidem, ciuitatem oppugnare non desinebat. In qua obsessio ab excommunicatione solutus defunctus est, cui successit Iordanus filius eius. Exinde vero inter Ducem, & Principem dissensionis, & odij scandela orta sunt. Princeps enim fauens Papæ Gregorio, acceptis à Beneuentanis quatuor millibus quingentis bizantijs, castra, quæ Dux ad expugnationem Beneuenti firmauerat destruens, cum vniuersis Comitibus Apuliæ, contra eum conspirat. Quod ubi Duci, qui eo tempore in Calabria morabatur nuntiatum est, cum quadraginta sex millibus pugnatorum Apuliam redijt, & Asculum, montem Decico, & Arianum expugnans, cepit, & contra Principem super fluuium Sarnum ire disponit. Desiderius interea Pater hæc audiens, Ducem adiit, eumq; ad pacem redire rogabat. Cuius monitis Robertus obtemperans, pacem cum Principe facit. Exinde autem Dux mouens exercitum supra castrum, quod Monticulus dicitur obsidionem fecit: quod cum cepisset, Carbonaram, Petram palumbi, Montem viridem, Gentianam, vna cum Spinazzolo similiter acquisiuit. Desiderius præterea agrè serens Ducē à matris Ecclesiæ gremio diu extorrem manere, Romam adiit, & Papam Gregorium rogare cepit, vt Ducem ab anathematis vinculo,

lo, quo eum ligauerat ſolueret. Quo impetrato, pacis amator, & conſervator Deſiderius, cum Cardinalibus ad Ducem profeſtus, eum ab excommunicationis vinculo ſoluit.


CAPVT XLV.



D O D E M quoque tempore Roſſellēſis Eccleſiæ Pontifex ad hoc cœnobium veniens, non parvæ pecuniæ numerum in hoc loco depoſuit. Quod ubi Iordano Principi relatum eſt, miſſis militibus eandem pecuniam de Eccleſiæ ſecretario abſtraham, ad ſe deferri mandavit. Fratres autem ad hæc: Pecunia, quæ Patri Benedicſo credita eſt, nos alicui viuentium minime damus, ſed illam in ſecretario ponentes, ex inde, qui præſumpſerit, auferat. Milites vero hæc audientes, & diabolico ſtimulo debriati, pecuniam de ſecretario Eccleſiæ abſtrahentes, ad Principem deferunt. Tantum vero, & tam immane flagitium, Gregorij Papæ, dum perueſſet ad aures, huius temeritatis noxam inultam eſſe non ferens, & verens, ne exemplo huius facinoris iterum noſtra Eccleſia violaretur, diuinum officium in Patris Benedicſi Eccleſia interdixit, altariaq; omnia denudari fecit: aſſerens quod in tanto ſcelere nimix negligentix, & acriter vlciscendæ timiditatis, & Deſiderium, ac Fratres arguere poſſet, & grauius aduerſus congregationem noſtram commoueri debere, niſi ea, qua locum iſtum ſemper dilexerat, charitate detineretur. Siquidem tolerabilius ſibi videretur, villas, & caſtella nobis pertinentia in prædam, & direptionem dari, quam vt ſanctus locus per totam chriſtianitatem ſamoſus, & venerabilis, tantæ ignominix periculo ſubiaceret. Sed non in longum poſtquam officium de Eccleſia noſtra interdictum eſt, vindictam diſtulit dextera Dei. Nam tanti auctor ſcleris, poſtquam pecuniam accepit lumen amiſit. Idem vero Papa Gregorius in Concilio reſidens conſtituit, vt ſi quis Normannorum, vel quorumlibet hominum, villas ſeu poſſeſſiones cœnobij huius Caſſinenſis inuaſerit, & bis, vel ter admonitus non emendauerit, excommunicationi ſubiaceat, donec reſipiſcat, & Eccleſiæ ſatisfaciat.

C A-

CAPVT XLVI.



IODEM anno Iordanus Princeps, cuius supra meminimus more priorum Principum, generale præceptum huic Monasterio fecit de omnibus finibus, ac pertinentijs eius, quo etiam præcepto specialius cōfirmavit eidē Monasterio, quæ tam Pater, quàm ipse huic Monasterio concesserant, seu concambiauerant, vel reddiderant. Id est castellum, quod dicitur Fractæ, & Terame, & Pedem de monte, & Mortulam, & Cucuruzzum, & Turrem ad mari: sed & omnia, quæ antiquitus huic Monasterio pertinuerunt in tota Liburia, cum Ecclesijs, ac finibus, & pertinentijs earum. Hæc inquam omnia in hoc loco specialiter confirmavit. Biennio post hæc oblata est ab eodem Principe in hoc Monasterio Ecclesia S. Rufi intra ciuitatem Capuanam, quæ dudum sibi concessa, & per sacramentum firmata fuerat ab his, quibus iure hereditario, iuxta morem patriæ, pertinuerat, cum seruis & ancillis, atque colonis, necnon & libris, & ornamentis, & omnibus omninò tam foris, quàm intus pertinentijs ipsius, mille librarum auri pœna proposita id violare conantibus. Per eos etiam dies Comes Adenulfus, & Fratres fecerunt oblationem suam in hoc loco de lacu maiori, qui est iuxta ciuitatem Aquinensem, cum omnibus eiusdem laci pertinentijs, super eam oblationem, quam ante annum Princeps Iordanus fecerat.

CAPVT XLVII.

De sancto
Guinizo-
ne.



IS quoque temporibus, Guinizo Confessor Almificus, & huius cœnobij monachus, vita decessit. De cuius virtutibus, quia ad id loci decurrens peruenit historia, æquum planè videtur aliquanta opusculo isti annectere. Hic dum Basilij peruersi temporibus, pro huius cœnobij causis ad Todinum seruum, tunc in arce, quæ Bantra dicitur residentem, directus fuisset: rogatus, vt ea nocte in supradicta arce remoraretur, extra cellam

cellam, Guinizo, nullatenus se manere posse respōdit. Tunc Todinus, diabolico debriatus veneno, dum seruus Dei orationis gratia Ecclesiam intrasse conspiceret, cum summa diligentia claudi Ecclesiam fecit. Virgati vero, quam in manu seruus Dei adduxerat, vxori suæ tradens, in arcam claudi præcepit. Sed humani generis conditor, atque redemptor, qui in se sperantes non deserit, misit Angelum suum, qui saluo ianuarum signaculo, eum de Ecclesia abstrahens, ad radices montis deposuit. Rustici vero, sole iam ad occasum vergente, redeuntes à ruribus, percontati à castri habitatoribus, si quid nouum in illis partibus foret gestum, responderunt: se omninò nihil aliud vidisse, nisi quemdam hominem soliuagum, discalciatis pedibus, cambuttam in manu portantem. Todinus vero nequissimus seruus hoc audiens, euocat confestim Presbyterum, & quid de Dei homine actum fuisset sollicitè cepit inquirere. Qui cum in Ecclesia eum requisissent, & non inuenissent, stupore simul, & admiratione repleti sunt. Qualiter autem omnipotens Deus de Ecclesia, ianuis clausis, seruum suum abstraxit, vsque hodie cunctis mortalibus manet incognitum. Huius autem viri gesta magnifica, discipuliq; eius Ianuarij miracula, si quis plenius nosse desiderat, textum vitæ eius à nobis ante hoc fermè septennium exaratum relegat.

Lib. 4. cap.
pit. 74.

Circa hoc ferè tempus sanctæ memorię Gebizo ex Colonia, de qua oriundus erat, egrediens, ad hunc locum peruenit: atque à Desiderio monachus factus est, vir humilitate summus, honestatis nitore conspicuus, qui cuius apud omnipotentem meriti fuerit, non debet videri laciniosum, si ex his, quæ de eo apicibus tradita sunt, ex parte hic aliqua perstringamus. Habuerat namq; ante conuersionem quendam familiarissimum Adonem nomine prædiuitem. In vigilijs autem Natalis Domini oranti ei, diabolus innumera dæmonum caterua stipatus affuit. Quem vir Dei seiscitatus est dicens: Vnde iocundaris miserrime? Et Diabolus: Quoniam de anima Adonis modo triumphauit, nunc enim inter nostros eum suscepi. Et his dictis, ostendit prædictam animam, iumentorum more ligatam, ad supplicium trahi. Tunc vir Dei, onus penitentia diuitis sibi imponens, cepit omnipotentem

De B. Gebizone.

potētem Deum rogare, vt eandem animam de antiqui ho-
 itis potestate eripere dignaretur. Nocte verò adueniente
 diabolus affuit, cumq; flagellis ita cecidit, vt seminecem
 eum relinqueret, dicens. Cur pro eo ausus fuisti Dominum
 rogare, qui suis sceleribus innumeris exigentibus in nostra
 iura deuenit? Non tamen pro hoc vir Dei ab oratione cessa-
 uit, vsquequo Angelus Domini apparens ei, dixit. Hactenus
 ego, mei q; sodales pro Adone laborauimus, sed age gra-
 tias Deo, quia modo liberatus est, & nostris conciuibus ag-
 gregatus.

Nocte quadam dum in stratu suo, quod est ante secretarij
 ianuā, in ipso adytu basilicæ resideret, visi sunt in choro sta-
 re Fratres, & quasi viritim thurificaretur, à singulis subse-
 lijs videbatur exire fumus, cuius virgulæ supra B. Benedicti
 colligerentur altarium. Cumq; ad hoc cerneret, Angelus
 Domini apparens dixit, quod vides orationes sunt Fratrum,
 quæ propterea in altari congeruntur, vt S. Benedictus re-
 præsentet eas ante sedem maiestatis. Extant præterea de
 hoc egregio viro plura miracula, quæ si quis nosse deside-
 rat, historiam vitæ eius à Paulo Grammatico, & huius cœ-
 nobij monacho descriptam relegat.

**Ecclesia
 S. Libera-
 toris.**

Hoc etiam tempore iussu Desiderij pulchro satis opere in
 Comitatu Theatino renouata est Ecclesia S. Liberatoris, ab
 Adenulfo iā dicti loci Præposito, & huius cœnobij monacho.

A D N O T A T I O.

**De B. Gui-
 nize ad
 ditio.**

DE venerabili viro Guinixone, hæc refert Desiderius
 Cassinensis Abbas lib. 1. Dialog. Alius quoque vir ve-
 nerabilis vita, Guinizo nomine, mente, & habitu monachus
 fuit, qui ex vltiori Hispania nostrum ad cœnobium ve-
 niens, in hac vicina silua, non pauco tempore vitam solita-
 riam duxit, ibiq; in omnipotentis Domini Iesu Christi serui-
 tio vitam finiuit. De quo venerabili viro, Ioannes Abbas
 Monasterij S. Vincentij siti iuxta ortum Vulturni amnis,
 qui ei familiarissimus fuit, multa miranda mihi, cum ad huc
 in nostro Monasterio præposituræ curam gererem, referre
 solitus erat. Cuius discipulus Ianuarius nomine, magnæ obe-
 dientie,

**Ianuarius
 B. Guini-**

dientie, magnaq. abstinentia monachus extitit. Qui dum quodam tempore à magistro suo, venerabili videlicet Guinizione, ut ferramenta, quibus operari soliti erant, reficere, Aquinum missus fuisset, domum Fabri ferrarij adijt, atque ab eo eadem ferramenta reparare data mercede, poposcit. Faber vero ferrarius cepit eum irridere dicens. Num ex pane, & aqua solitarius iste tam rubicundus, tam pinguis extat? Rubor isle, ut mihi videtur, magis ex vino, quam ex lactice hausto procedit. At ille. Hodie, inquit, tibi utrum ex natura, an ex assidua vini potatione rubore conspergar, ostendam. Cum vero ferrum in ignem missum vehementer ferueret, & Faber ferrarius id acceptum forcipe super incudem posuisset, ac scintillæ huc, illucq. undique volantes, totam penè domum illustrauissent, casu ferrum, ex incude in terram desiliens cecidit. Igitur venerabilis vir Ianuarius, ferrum ex incude cecidisse conspiciens, inclinans se, feruens ferrum nuda manu tenuit, ac super incudem ponens, malleatorem, ut quantotius id percuteret, hortatus est. At illi, qui aderant, viso tanto miraculo, nimio pauore perterriti, pedibus eius prouoluti, veniam ex irrisione, quam in eum exercuerant, humiliter deprecati sunt. Sicq. factum est, ut omnis illa irrisio, quam sulti homines in Dei seruum procaciter inferre præsumperant, in venerationem versa sit. Itaq. cum venerabilis vir ad magistrum, atque ad cellam remeasset, ab eo vehementer correptus est, quod insultantibus cedens, talia, in oculis hominum facere præsumpisset. Cumq. ille, unde hoc sciret, vel quis sibi indicasset percontaretur: ille, inquit, qui tibi prestitit, ut posses facere, mihi etiam tribuit, ut possem scire; Ea quoque, quæ de hoc egregio viro, videlicet Guinizione, Ioannes religiosus monachus, qui in hac vicina silua, sub anachoritica disciplina commoratur solitus est referre, dignum duxi huic nostro associare libello. Dicebat enim, quia cum adhuc in Beneuentana ciuitate in suo Monasterio degeret, quadam die, quidam Dei seruus, sibi alijsq. Fratribus, qui ibi aderant, intulit dicens. Pro certo sciatis hodie aliquem magnum virum è monachis apud montem Casinum ex hoc mundo migrasse ad Dominum. Quod illi audientes mirati sunt, quod per octoginta ferè millia egredientem è corpore ani-


zonisdilci
 pulus.

C6 mam.

nam illius videre potuerit, & non abhibentes fidem, subtiliter studuerunt indagere, & repertum est, eo die illum venerabilem virum emisisse animam, quo pradietus Dei seruus Beneuenti positus, agnouit.

CAPVT XLVIII.

Ann. 1077
Comitissa
Mattilda.



ANNO autem Dominicæ incarnationis, millesimo septuagesimoseptimo, Mattilda Comitissa Liguriæ, & Tusciæ, iram Imperatoris Henrici sibi infesti metuens, Liguriam, & Tusciam Prouincias, Gregorio Papæ, & sanctæ Romanæ Ecclesiæ deuotissime obtulit. Hæc ergo causa inter Pontificem, & Romanum Imperium dissensionis, & odij somitem ministravit. Qua propter Pontifex opportunitate reperta, eundem Imperatorem, ob inuestituram Ecclesiarum à liminibus Ecclesiæ separauit. Cæsar autem, cum optimatibus Imperij consilio habito, transcens alpebus, ut cū Pontifice pacisceretur, intrauit Italiam. Triduo namq; ante Pontificis curiam, qui eo tempore in vnam munitissimam Mattildæ arcem se contulerat, idem Augustus disalceatus permanens, pacem exposcebat, & hoc per se, hoc per Principes Imperij, hoc per familiares Apostolici postulabat. Pacis autem tenor istius modi fuit: ut si quid commissi ab utraque parte factum esset, solueretur. Demum vero Cæsar more antecessorum suorum Romano Pontifici fidelitatem faceret. Postmodum vero cum Imperator, Papam, & Mattildam dolo capere veller, detecta fraude, Pontifex à Mattilda monitus, & adiutus, Romam reuersus est. Cumq; Henricus in pristina relapsus esset, à Gregorio rursus excommunicatus fuit, coronamq; Imperij Rodolphum Ducem insignire curauit. Quod ubi Cæsari in Italia nuntiatum est, è vestigio in Gallias transiens, anno Dominicæ incarnationis millesimo octogesimoprimo, contra eundem Ducem bellum iniens, in quo primo publico Marte superatus; deinde victor effectus, eundem Ducem gladio trucidauit. Victor igitur Imperator effectus, suæ iniuriæ vlciscendæ memor, congregato

Ann. 1081

gato exercitu Romam aduenit, sed obsistentibus Romanis cum eodem Pontifice, sine effectu reuersus est.

Hoc etiam anno Robertus Dux cum quindecim millibus armatorum transito mari, Romaniam debellaturus ingreditur. Contra quem Alexius Imperator cum centum septuaginta millibus pugnaturus adueniens, bellum iniit, à quo idem Imperator deuictus est.

CAPVT XLIX.



ENRICVS interea Imperator, alio anno exercitum congregans, Romam aduenit, & Porticum S. Petri per vim cepit, & ex magna parte destruxit, atque Archiepiscopum Rauennatem, inuasorem Apostolica sedis, absque consilio, & voluntate totius Romanæ Ecclesiæ constituit.

Ann. 1082
Henricus
Romam
venit.

Hoc audito omnes serè istarum partium homines, vno animo, vnaq; voluntate contra Normannos conspirauerunt, vt cum Imperator Romam transisset, omnes in illos vnanimiter insurgeret. Quod illi cognoscentes, & malum timentes, acceperunt consilium intra se, vt si quomodo possent fœdus cum Henrico Imperatore componerent, dicentes: quia postquam Imperator Romam habuerit, nullam vltius ab eo fidem habebimus, sed iunctus Romanis, & cæteris circummanentibus, omnes nos de partibus istis expellet. Quod postquam tractatum est, & positum inter eos, & nuntij eorum ad Imperatorem ob hoc ierant, & redierant: demum vocauerunt Patrem Desiderium, & quoniam neminem alium in his partibus inuenire poterant, in quo confidere potuissent, & de eo satis fideliter præsumebant, omnia ei, quæ consiliati fuerant credere, secumq; cum ad Imperatorem ire hortati sunt; & licet propter securitatem suam, fidem cum Imperatore componerent, eo tamen animo veniebant, vt causa fidelitatis Romanæ Ecclesiæ, de pace inter Imperatorem, & Pontificem satagerent. Hoc vbi Gregorio Papæ nuntiatum est supradictum Imperatorem cum omnibus suis sequacibus à liminibus Ecclesiæ separauit. Hoc vbi Norman-

Cc 2 ni

ni persenserunt, omnes, qui prædictum Pontificem antea sinceriter, ac fideliter diligebant, ex tunc ab eo corpore, & animo recesserunt.

Henricus
Impera-
tor Desi-
derium ad
se vocat.

Imperator interea, per Comites Marforum, misit epistolam ad Patrem Desiderium, ut iret ad eum: ad quam epistolam nullum omnino responsum dedit, quia nesciebat cuiusmodi salutationem ei scriberet. Idem misit illi aliam, satis minando, quod nec ad eum iuerit, nec ad scripta sua responderit, mandauitq; ei, ut Farfæ sibi occurrere non moraretur, nisi fortè vellet grauiter penitere. Ad hæc Desiderius rescripsit ei pro salutatione, debitæ fidelitatis obsequium, ideò quia nullam ei fidelitatem se debere putabat; & cum multas rationes illi in ipsis litteris posuisset, se propter Normannos non posse illum adire, sed si fortè cum Romano Pontifice vellet pacem facere, inueniret aliquam occasionem illum adeundi, & ad vltimum, ut illum ad pacem animaret, scripsit, neque regnum, neque sacerdotium in tanto dissidio incolume posse consistere. Ad hæc Imperator iratus, & multa contra Desiderium indignatione commotus, nuntiis suis, quos ad Principem mittebat, omnino interdixit, ne Desiderio aliquid loquerentur, & Principi mandauit, ut Desiderium quantum valeret læderet, nisi sua sponte ad Imperatorem veniret. Hoc ubi Desiderius Pater cognouit, Romano Pontifici hæc omnia litteris intimaui, & quid sibi inde esset agendum consuluit, sed nullum ab eo super hoc responsum accepit. Rursus igitur Imperator misit litteras, ut nullo modo dimitteret, quin ad eum in Pascha iret, & cum eo ipsam festiuitatem celebraret, & aliam misit monachis, de eadem re, sed adhuc ire ad illum distulit. Postquam verò Princeps, & omnes Normanni ad Imperatorem pergebant, & Princeps Desiderium secum ire hortabatur, idem Abbas Fratres conuocans dixit ad eos.

Desiderij
ad mona-
chos suos
oratio.

Angustia mihi sunt vndique, si enim ad Imperatorem non iero, imminet periculum, & euersio Monasterij, si autem iero, & voluntatem eius implevero, incurram periculum animæ; si autem iero, & voluntatem eius non fecero, imminet periculum corporis mei, simulq; timeo, ne iratus Imperator ita Normannis Monasterium istud, quod sub tu-
rela,

tela, & deſenſione eius eſt, ſicut & totum Principatum concedat; pergam ramen ad eum, tradens me morti, & periculo, neque enim faciam animam meam pretioſiorem quam Patrem ſanctiſſimum Benediſtum : nam & pro veſtra comuni ſalute animarum, & corporum, lociq; iſtius incolumitate, ſi aliter fieri non poteſt, opto anathema eſſe. Si enim millies occidar, nullus me ſeparabit à dilectione loci iſtius; nam non dico Imperatori, qui chriſtianus eſt, ſed etiam alicui pagano, ſive tyranno occurrere non reuſo, dummodo hoc Monasterium valeam ab eius barbarie liberare. Nam & Leo Papa, vt ciuitatem Romanam à deuſtatione, & incendio liberaret, Genſerico Regi Ariano occurrit, & Sabinus Canuſinus, Attilam æque Arianum ad conuiuium inuitauit, & demum eius calicem accepit, & bibit, & Pater Benediſtus Zallam ſimiliter perfidiæ Arianae hominem, etiam in oratione ſuſcepit, vt eum ab afflictione ruſtici mitigaret. Hæc cum dixiſſet, Patri Benediſto ſe commendans, iter arripuit. Ita tamen, Deo ſe protegente, cauuit, vt in toto illo itinere, & in tota illa mora, quam ibi habuit, cum multi ſibi Epiſcopi, & honorati viri, amici etiam ſui quamplurimi, & Imperatoris Cancellarius occurrifſent, neminem oſculatus eſt, cum nullo eorum ſimul orauerit, comederit, aut biberit. Poſtquam verò Albanum peruenit, neque ipſe ad Imperatorem iuit, neque ad illum aliquem miſit, ſed per totam illam hebdomadam minæ ſibi ab Imperatore tantummodo mittebantur. Nam mandabat ei, vt ſibi fidelitatem faceret, & homo ipſus deueniret, & Abbatiam de ſua manu reciperet. Quæ videlicet omnia, Deſiderius forti animo contemnebat, dicens: ſe non modo pro Abbatia, ſed nec pro honore totius mundi id eſſe facturum. Cumq; tam rigidum, & inflexibilem eum Imperator eſſe cerneret, iratus eſt valde: præcepitq; Principi, quatenus nuntios ſuos acciperet, & cū eis ad Monasterium veniret, illisq; ipſū assignaret, ſed cum Princeps multa illi bona de Deſiderio frequenter locutus fuiſſet, & eum ad illum duxiſſet, ita flexit ſe, vt ipſe coram Principe amicitiam ſibi promitteret, & de corona Imperiali acquirenda illum pro ſuo poſſe adiuuaret, ſaluo tamen ordine ſuo. Quæ quoniam ad comparationem ſuperiorum

Ann. 1083

Cc 3 Deſide.

Desiderio leuia visa sunt, quia aliter nequiuit, consentit, & coram Principe hoc ei promisit. Cumq; adhuc exigeret, vt virgam Abbatia ab ipso reciperet. Respondit: quia cum Romani Imperij coronam eum habere vidisset, tunc si sibi videretur, Abbatiam ab ipso reciperet, si verò nollet, dimitteretur. Post hæc Imperator, accepto à Principe magno quantitatis pretio, per præceptum aurea bulla bullatum, confirmauit ei totius Capuani Principatus attinentias, recto sibi, & Imperio Monasterio Cassinensi, cum vniuersis rebus, ac pertinentijs suis.

Desiderius disputat cum Episcopo Ostiensi.

Notabilis Desiderij sententia.


Desiderij magnanimitas.

Super hæc interim, quamdiu ibi permansit Desiderius, quotidie, ac sæpe cum Episcopis, qui cum Imperatore erant de honore Apostolica sedis contendit, & præcipue cum Episcopo Ostiensi, qui etiam Papæ Gregorio fauere videbatur. Cum ille ei priuilegium Nicolai Papæ, quod cum Hildebrando Archidiacono, & centum vigintiquinque Episcopis fecerat, ostendisset, vt nunquam Papa in Romana Ecclesia, absque consensu Imperatoris fieret, quod si fieret, sciret se non pro Papa habendum esse, atque anathematizandum: Desiderius tam illum, quàm omnes, qui eum adiuuabant palam conuicit. Dixit enim, neque Papam, neque Episcopum aliquem, neque Archidiaconum, neque Cardinalem, sed nec vllum hominem, iuste hoc facere potuisse. Apostolica enim sedes domina nostra est, non ancilla, nec alicui subdita, sed omnibus est prælata, & ideo nulla ratione posse constare, vt eam aliquis quasi famulam vendat. Quod si hoc à Nicolao Papa factum est, iniuste proculdubio, & stultissime factum est, nec pro humana stultitia, potest, aut debet amittere suam dignitatem Ecclesia, nec vnquã debet à nobis hoc aliquatenus consentiri; nec Deo volente amplius fiet, vt Rex Alemannorum Papam constituat Romanorum. Ad hæc iratus Episcopus, dixit. Quod si hæc Ultramontani audirent, omnes simul adunati vnum fierent, & Ecclesiam destruerent. Desiderius respondit. Certè si non solum hi, sed etiam totus mundus contra hoc vnum congregaretur, nunquam nos ab hac sententia excludere posset. Potest quidem Imperator ad tempus (si tamen permiserit Deus) præualere, & vim Ecclesiasticæ iustitiæ inferre, nostrum tamen consensum

consensum nunquam poterit inclinare. His, & huiusmodi pluribus quotidie, cum eis, & sapissime contendebat, & iustis eos rationibus conuincebat. Cum Archiepiscopo etiam Rauennate super eadem re satis contendit, & de preiudicio privilegio iustis eum rationibus vicit: cur etiam de Papatu se intromississet, non leuiter reprehendit, sed cum multis rationibus satisfacere voluisset, nec valuisset: inuitum se fecisse respondit: nam si hoc non fecisset, honorem suum Imperator proculdubio perdidisset. Desiderius autem ab eodem Imperatore præceptum aura bulla bullatum de huius loci possessionibus accipiens, & licentiam redeundi ab Imperatore impetrata, ad hoc Monasterium est reuersus.

Desiderius Cassinensis reuertitur.

CAPVT L.



IRCA hæc tēpora Hugo venerabilis Abbas Cluniacensis, vir celeberrimæ vitæ, ac famæ, ad Patris Benedicti limina aduenit, quem venerabilis Desiderius honorifice, ut tantum decebat virum, suscipiens, & societatem Cluniacensium Fratrum nostræ congregationi adiungens, memoriam illorum apud nos, nostræq; congregationis apud illos in morte, & in vita viri venerabiles in perpetuum habendam scripserunt.

S. Hugo Cluniacensis Abbas Cassinum venit.

Tunc temporis in hoc Cassinensi cœnobio, cum quidam Frater, Gregorius nomine, ex hoc mundo migrasset, tanta odoris fragrantia de loco in quo iacebat emanauit, ut omne subito hoc Monasterium odoris suauitas disperferit. Cumq; omnes mirarentur, nuntius ab infirmorum domo venit, qui Gregorium monachum obiisse nuntiauit.

Quidā Frater in hoc Cassinensi cœnobio, Rādicus nomine fuit, cuius quanta, qualisq; vita extiterit, in ipso mortis articulo Dominus ostendere dignatus est: nam cum expleto viuēdi tempore mortis persolueret debitum, ceperunt Fratres, sicut mos est, eius animam omnipotenti Domino commendare. Cum iam extremum halitum traheret, voces psallentium virtute, qua poterat cōpescere cepit, dicens. Tace, tacete: numquid non auditis, quanta resonant laudes in

Cc 4 cælo?

cælo? Nunquid pueros, qui laudes decantant non videtis? Nam vestimenta, vultusq; eorum sunt, vt nix. Vnde per Dominum obnixè vos postulo, vt fileatis, mihiq; tam suauissimum cantum audire sinatis. Hæc dum diceret, extremum halitum fudit.

A D N O T A T I O.

DE hoc Gregorio hæc ait *Desiderius lib. 2. Dialogorum.* Gregorius quidam summæ religionis monachus in hoc cœnobio dictus est, qui sicut à plerisque huius loci Fratribus audiuisse me reminiscor, dum in præsentī vitæ moratus est, sub monasticæ disciplinæ regula omnipotenti Domino studuit strenuissime deseruire. Cumq; expleto vitæ termino ex hoc mundo migrasset, tanta odoris fragrantia de loco in quo exanimis iacebat emanauit, vt omne subito Monasterium illius odoris suauitas, quasi vnus angulum domatis mirifice resperferit. Et dum omnes odoris illius ineffabili quadam suauitate recreati mirarentur, ac quod esset omnino nescirent, nuntius repentè ab infirmorum domo properans venit, qui Gregorium monachum obijisse retulit. Voluit itaque omnipotens Deus ostendere, quanti meriti iste vir fecerit, cuius egredientis anima, tam mirifico odore cœnobium omne repleuerit.


CAPVT LI.



SEVENTI tēpore Ioannellus, & Seifridus pro parte sua, & parentum suorum renuntiauerant se huic Monasterio de castello Saracenisco cum pertinētijis suis, recipientes personaliter à Desiderio monetæ Papiensis solidos ducentos, centum librarum auri pēna apposita. His porrò diebus Desiderius ante præsentiam Iordani Principis, concessit Goffrido, cognomēto Monie, diebus vitæ suæ castrum Suiense, in eo tenore, vt ipsum castrum non recognosceret, neque à Principe, neque ab vllō homine, nisi à prædicto Abbate,

bate, & ſucceſſoribus ſuis, & ſeruiret inde huic Monaſterio, & eius Abbatibus per reſtitutionem : ad mortem verò prædictum caſtrum in huius loci poteſtate rediret .

CAPVT LII.



ALIO præterea anno Henricus Imperator Romam cum exercitu venit, & ſupradictũ Papam Gregorium, qui in arce S. Angeli ſe contra eum munierat, cum diuerſis bellorum machinis oppugnare modis omnibus cepit. Hoc ubi Roberto Duci, qui ea tempeſtate Conſtantinopolitanum Imperatorem expugnabat, relatum eſt, Boamundum filium ſuum in ipſa expeditione relinquens, Italiam citiſſime rediit, ac immenſum valde exercitum congregans, ob Papæ liberationem contra Imperatorem ire diſponit. Quod ubi Deſiderio nuntiatum eſt, Nuntium Romæ illico deſtinavit, qui & Papæ liberationem, & Imperatori aduentum ducis nuntiaret. Tunc Imperator vrbe egrediens, ob id ſcilicet, quia ſine militum præſidio erat, ciuitatem Caſtellanam ingreſſus eſt. Robertus autem Dux, Romæ cum exercitu ad Eccleſiam SS. Quatuor Coronatorum in tempeſta noctis ſilentio dum adueniſſet, ex cõſilio Cenci Romanorum Conſulis, ignem in urbem immiſit. Romani igitur re inopinata percuſi, ac in igne extinguendo dum erant intenti, Dux conſeſtim cum exercitu ad arcem S. Angeli properans, Pontificemq; inde abſtrahens, Romam ſine mora egreſſus, Papam Gregorium ad hoc Monaſterium uſque deduxit: quem Apoſtolicum, noſter Abbas uſque ad ipſius exitum, cum Episcopis, & Cardinalibus, qui eum ſecuti fuerant ſuſtentauit.

Ann. 1084

Pontifex
Caſſinum
venit.

CAPVT LIII.

FACTVM eſt autem dum idem Papa Gregorius miſſam celebraret, vt vir quidam Ioannes nomine, non longè ab altaris crepidine aſtaret. Cumq; ad ipſum altare oculos leuaſſet, ſubito in extaſim raptus,

Viſio oſtē
ſa circa
Gregoriũ
VII.

rus, niuei candoris columbam, cuius guttur videbatur esse aureum, super eandem aram stare conspexit. Quæ mox inde aduolans, atque supra dextrum humerum Papæ Gregorij recubans, alis protinus expansis, utrosque protexit humeros: & tamdiu sic perstitit, quousque commissio corporis, & sanguinis Christi in calice facta fuit. Iterumq; sicut prius in humero se colligens, inde ad altare descendit, caput blande super hostiam flectens (viro illo, quid hoc esset nesciente) cum celeri volatu pleno rostro remeavit ad cælum. Post hæc reuersus homo ille ad cor, ita ad memoriam redijt, vt penitus in eius animo nulla visionis huius manerent vestigia. Nocte verò subsequente, cum se sopori dedisset; vir vt sol irradians, minaci vultu in medio suæ domus ostio eidem apparuit: quo viso, de stratu in quo iacebat profliciens, terrore cogente nimio, fugam tentauit arripere: quem vir supereminens extensa manu compescuit, brachium eius tenens suauiter. Cernens autem ille, quod nullo modo manus eius euadere posset, ac si ligatus, inuitus stetit: cuius ad auxilium, quidam niuea canitie aspersus, stola candida indutus, subito aduenit, illius mærorem manu consolationis abstergens, de captione, qua tenebatur eum eripuit, quæ libera voce: Quis hic tantæ potestatis, vel claritatis esset, intrepidus inquisiuit. Cui, hic est sol iustitiæ, respondit; & ille: Nomen tuum, simili modo quærenti mihi, edisserere; Nequaquam, inquit, meum scire nomen oportet, sed ad interrogata sapienter mihi responde. Reminisceris forsitan, quod hesternæ die in Ecclesia dum astares vidisti? Ille cui obliuio animum impedierat, cepit infra se voluere, & cogitare, quid ab eo senior quæreret, & subito memor sui factus, per ordinem sibi retulit rei euentum. Vade, inquit, quanto-
cuius auribus Papæ hoc ipsum intimato, vt constanter vigore Spiritus sancti ceptum opus peragat; & confestim ab oculis eius ablatus est.

A D D I T I O.

Notè hoc
 Simoniaci

D Esiderius lib. 3. Dialog. aliud mirabile gestum, de hoc sancto Pontifice refert, quod maxime vellem notarent,

ac

ac intimo corde ruminarent ſimoniaci, qui gratiam Spiritus ſancti vendere, aut emere, quaſi pro nihilo ducunt: ſic igitur ait Deſiderius. Venerabilis Gregorius Papa, cuius ſuperius memoriam feci, quid contra Simonaicam hæreſim, ſe præſente Dominus oſtendere voluit. ſape mihi ſolitus eſt referre. Cum eſſem, inquit, Subdiaconus, & à B. memorie Victore huius Apoſtolice ſedis Pontifice, in Galliam pro Eccleſiaſticis negotijs diſcutiendis eſſem tranſmiſſus cura mihi fuit Episcoporum conuſcare Concilium, ut illis coram poſitis, de Eccleſiaſticis negotijs tractaremus. In eadem verò ciuitate, qua Synodus cogeſatur, Episcopus erat, qui pretio honorem compaſſe Episcopatus à multis affirmabatur. Igitur vocatus Episcopus, venit in medium, cum ergo eum exhortari ſalutari- bus monitis cepiſſemus, ut quæ ſibi opponebantur, conſcientia iam ſatente, humiliter conſiteretur: ille, tum quia eiſdem ciuitatis erat Episcopus, tum quia fretus auxilio Comitis ipſius Terræ, plenus ſuperbia omnino verba noſtra paruipende- bat. Sed cum à nobis, & à cæteris, qui ibi aderant Episcopis, ſub iuſtitia regula, ſe, quod non ſperauerat, conſtringi conſpi- ceret, nec effugiendi haberet licentiam, negare pertinaciter cepit, quod ante vix audire dignabatur. Cumq. verba produ- cerentur in longum, & maximum diei ſpatium eſſet conſum- ptum, & ille nihilominus in ſua pertinacia, negando perſiſte- ret, hoc modo, eum cum cæteris, qui aderant, religioſis Epi- scopis, nobis audire viſum fuit, & totum iudicium in oſten- ſione Spiritus ſancti committere. In nomine, inquam, Patris & Filij, & Spiritus ſancti, cuius donum gratiæ te compa- raſſe audiuiſmus, ut huius rei veritatem ediſceras adiuramus. Quod ſi amplius, ut cepiſti, negare tentaueris, Spiritum ſan- ctum, donec quæ vera ſunt conſitearis, nominare non valeas. Qui Episcopus cum abunde eloquens eſſet, & à nobis exhor- taretur, ut Spiritum ſanctum nominaret. Patrem quidem, ac Filium ſatis diſertè nominabat, Spiritum vero ſanctum, mirum in modum, nullo modo nominare poterat. Tunc om- nibus, qui aderant luce clarius patuit, quod honorem Episco- patus dato pretio emerat, qui non niſi Spiritus ſancti gratia largiente tribuitur. Tunc virtute Spiritus ſancti tremefactus Episcopus, humiliter coram omnibus conſiteri coactus eſt, quod

*quod ante inflatus superbia, Dei timore postposito, proaciter
negare præsumpserat.*

CAPVT LIV.



IS porro temporibus quidam Amalfitanæ
ciuitatis nobilis, mundo, mundanisq; om-
nibus abrenuntians ad hunc locum perue-
nit, & à Desiderio grater suscepius, &
monachus factus est: partem non exiguan
ligni salutiferæ, & viuificæ crucis auro, &
lapidibus pretiosis exornatam, & in aurea icona locatam,
quam ipse de palatio Constantinopolitano abstulerat in-
coniuratione, quæ contra Michaellem Imperatorem facta
est B. Benedicto deuotissime obtulit.

Datur ter-
ra pluua
meritis B.
Benedicti.

Desiderius autem post ista Capuam pergens, & officinas
Monasterij Capuani in ruinis iam positas cernens, ad reno-
uationem illius animum dedit. Diruta namq; priori Eccle-
sia, iussit conduci artifices, alios ad muros constituendos,
alios ad capitella columnarum miro opere facienda. Euo-
cansq; ad se Benedictum eiusdem loci Præpositum, præce-
pit, vt in eiusdē Ecclesiæ renouatione, omnibus rebus post-
positis, specialiter inuigilare studeret. Cuius ille imperio
parens, Patris Benedicti basilicam, sicut nunc cernitur, pul-
cherrimam satis construxit. Quæ quidem Ecclesia habet in
longitudine cubitos octo & nonaginta, in latitudine duos
& quinquaginta, in altitudine quadraginta, columnas ab
vno latere nouem, ab altero totidem. Tunc temporis cum
omnis tellus arefceret, Fratribus omnipotentem Deum,
& Patrem Benedictum, per aliquot dies ex hoc rogantibus,
pluiam Dominus abundantissime tribuit. Et vt meritis
beatissimi Patris Benedicti id euenisse crederetur, solum-
modo intra terras Monasterij diffusa est, à foris vero, ne-
vna quidem pluuiæ gutta cecidit.

CAPVT LV.

SEQUENTI vero tempore Theodinus filius Maine-
rij de Triuento obtulit huic loco Monasterium S. Sal-
uatoris

uātoris, quod situm est prope fluuium Aresta, simul cum castello, quod eidem Monasterio pertinet vocabulo Pesciatura, & duobus alijs Ecclesijs idest S. Maria de Colle rotundo, & S. Paulus de Petra coruina cum vniuersis earundem Ecclesiarum mobilibus, & immobilibus. Transmundus quoque Theatinus Comes similiter obtulit in hoc Monasterio tria sui iuris castella in Comitatu Pinnensi, quorum vnum vocatur Arsta, alterum dicitur Bacucco, tertium nominatur Bisenti, cum terra nihilominus decem millium, & eo amplius modiorum.

Circa hæc ferè tempora vir Domini Aldemarius huius cœnobij monachus, & miraculorū patrator egregius, apud Bocelanicum vita decessit. De cuius miraculis, quia id ratio exigit aliquanta opusculo isti ad succedentium memoriam perstringenda sunt. Hic dum quodam tempore Bouianum pertransiret, vnus è supradicti loci habitatoribus eum interficere cupiens, vibrato telo ita lacertum eius obriguit, vt brachiū flectere nullo modo posset. Tunc vbi se tali correptum pœna perspexit, eundem Aldemarium rogare cepit, vt sui misereri dignaretur, vir autem Domini orationem pro ipso fundens, persequentem se confestim sanum restituit. Nec hoc silendum videtur, quod si quis languidus aquā viri Domini manibus benedictam in potum accepisset, salutis pristinx ciciissime restituebatur.

B. Aldemarius.

Per hos dies oblata est in hoc Monasterio à supradicto Principe Iordano Ecclesia S. Agathæ iuxta Auerfam, quam dudum Constantinus Africanus, sicut iam supra taxauimus, B. Benedicto obtulerat, cum curtibus, & villanis, & vniuersis pertinētis eius, qualiter eam Richardus Princeps pater eius dotauerat, & sicut Gulielmus Cappellanus ipsius, qui eam restaurauerat, ad diem obitus sui tenuerat.


CAPVT LVI.

HOC interea anno Robertus Dux, qui cum Constantinopolitano Imperatore, eiusq; exercitibus multa iam dudum prælia prospere gesserat, multasq; eius Vrbes occupauerat, cum esset in eadē expedi-

Lib. 4. ca-
pit. 73.

expeditione, obiit, corpusq; eius Italię delatum, & in Venetina ciuitate cõditum est. Hic interea ad diem obitus sui, brachium S. Apostoli, & Euangelistę Matthęi Cappellani suis, filio suo Salerni reportandum, atque reddendum reliquit. Sed illi substantia pauperes, ac fide pauperiores, thecam argenteam, in qua sanctum brachium erat recõditum, inter se diuidunt, indeq; Ierosolymam pergentes, sanctas reliquias, vsque ad diem obitus sui, apud se retinere, celantes. Ad mortem autem venientes supradictas reliquias in scijs socijs, pueris suis contradunt: qui, qualiter sanctum brachium temporibus Girardi Abbatis ad hunc locum detulerunt, loco suo scribemus. Non autem videtur indignum hic ex parte aliquam summam oblationum istius ducis, eiusq; coniugis Sicelgaite ad scientiam posterorum annexere, qui supra omnes ferẽ sui temporis mortales locum istum, Patrem Desiderium, & nostram congregationem diligere exaltare, & honorare studuerunt.

CAPVT LVII.



PRIMA igitur vice, quando idem Abbas Regium perrexit ad eos, donauit ei Dux sexcentos bizantios, & quinque pallia, & vnā nauiculam auream. Alia vice palliũ vnum magnum, & gemmas, atque margaritas quamplures, pro Skitatis septingētis. Item alia vice ad Castrum uillari, donauit ei sexcentos bizantios, & bis mille Africanos, & tredecim mulos cum tredecim Saracenis, & vnum tappetium magnum. Item quando agrotauit, dedit mille skifatos. Item à Gallipoli mandauit trecentos bizantios, & duo millia tarenos. Quando prima vice venit huc, & iuit in Campaniam posuit in Capitulo duodecim libras auri, & centum bizantios, & super altare B. Benedicti trecentos skifatos, & tria pallia, & centum skifatos pro fabrica dormitorij, & centum in refectorio, & quadraginta in hospitali, & duodecim libras denariorum, in infirmario, & centum michalatos pro pictura Capituli. Quando venit super Aquinum, misit huc quingentos bizantios.

tios. Quando recepit Barium donauit Deſiderio duodecim libras auri. Item ſecunda vice, quando perrexerit ſuper ciuitatem Tiburtinam, poſuit in Capitulo duodecim libras auri; ſuper altare verò centum ſkifatos, & vnum pallium magnum. Tertia vice quando reuerſus eſt à Roma cum Papa Gregorio, poſuit in Capitulo mille ſolidos Amalſitanos, & centum bizantios ſuper altare; & abiens hinc miſit centum nonaginta farganas Fratribus in dormitorio. Alia vice miſit huc mille tarenos pro piſcibus. Item mille tarenos, & vnũ nauigium valens ſolidos mille. Item quadringentos ſolidos Amalſitanos. Item à Romania miſit huc mille michalatos. Vxor præterea illius quando ægrotauit, miſit B. Benediſto quadragintaquinque libras argenti, & pallium vnum. Item quãdo venit huc poſt mortem Ducis, poſuit in capitulo trecentos ſkifatos, & cooperuit omnes menſas reſectorij mantilijs. Alia vice obtulerunt B. Benediſto altarium aureum, cum gemmis, margaritis, & ſmaltis ornatum. Coopertoriũ altaris ſericum, cum vrna purpurea, ornatum margaritis, & ſmaltis. Calicem aureum paruum. Planetam purpuream cum ſriſo, & cum aquila de margaritis. Tenicam vnã de panno pretioſo inaurato. Pluuias quatuor. Albas ſericas quatuor. Albas de mataſſa bambacij octo. Candelabra de cryſtallo, & onichino, atque argento, parium vnum. Alia candelabra argentea cum malis cryſtallinis, parium vnum. Bazilia de argento parium vnum, librarum ſeptem. Lanternam argenteam librarum octo. Scrinium argenteum ſuper altare cum nigello, librarum octo. Scrinium eburneum magnum. Coppas duas argenteas deauratas cum nigello, librarum quindecim. Concã argenteam cum aquamanili ſuo, librarum vigintiquatuor. Vreum de cryſtallo maiorem. Scutellam argenteam cum nigello, librarum quatuordecim. Alias duas librarum decem. Scutellam aliam librarum ſexdecim. Pannos ſericos octo. Circitoria de altare S. Benediſti quatuor. Duas cortinas arabicas, quæ pendebant ſupra chorum. Alias duas cortinas, quæ appenduntur in circuitu chori per quadrageſimam. Item quando venit huc poſt mortem Ducis, poſuit in Capitulo quinque libras auri, & duas dedit in infirmario, vnã pro expenſis, alteram pro balneo

balneo constituendo. Super hæc omnia obtulerunt B. Benedicto Monasterium S. Petri Imperialis in Taranto, cum decima de piscaria, & cum decima manualium suorum. Monasterium S. Angeli in Troia, S. Nicandri, S. Anastasie in Calabria, S. Nicolai in Sellestano, & Fundicum in Amalfi, cum pertinentijs suis.

Anno sequenti eadem Ducissa Sicelgaita, per consensum filij sui Ducis Rogerij, obtulit B. Benedicto per chartam aurea bulla signatam, locum qui Cetrarius dicitur, in Calabria, cum toto portu suo, & omnibus pertinentijs suis, atque vniuersis colonis ibidem habitantibus, quem videlicet in dotem à prædicto coniuge suo, Duce Roberto, dudum receperat, ea tamen conditione, vt quo ad ipsa viueret, idem locus in eius dominio permaneret. Post obitum verò eius, absque vlla heredum, seu successorum suorum calumnia, ad huius Monasterij ius remearet. Super hæc autem transmisit B. Benedicto, per Desiderium, altare pretiosissimum auro, ac smaltis margaritis, & gemmis, quodq; his omnibus multo pretiosius est, Beatissimi Apostoli, & Euangelistæ Matthæi sacrosanctis reliquijs mirifice decoratum.

CAPVT LVIII.

HOC eodem anno Ioannes Comes filius Landulfi de Venafro, ad extrema veniens, ad hoc Monasterium cum rebus suis ferri se iussit, & concambium de castello suo, quod Cardetū vocatur ideo nobis valde congruum, quia contiguum, diu iam optanti Desiderio, fecit. Datæ sunt autem pro eiusdem castelli commutatione quatuor Ecclesiæ, quas in Venafro habebamus cum omnibus possessionibus, ac pertinentijs earum, idest S. Benedictus, qui vocatur Pizzulu, S. Maria in Sala, S. Nazarius in Biperozzu, & S. Benedictus intra eandem ciuitatem. Per hos dies Marinus Comes Traiectensis, vna cum Oddulana vxore sua, obtulit B. Benedicto totam partem suam de Comitatu Traiectano, & Castrospineij, ac Fractæ. His quoque diebus Gualterius Comes Lesinensis reddidit B. Benedicto fluuium Lauri cum tota piscaria sua, & ipsam focem.

S. Benedi-

S. Benedicti cum tota piſcaria, & calatoribus ſuis, tam intus, quàm foris cum introitu, & exitu ſuo: necnon & Eccleſiam S. Focatis, & Eccleſiam S. Petri cum pertinentijs ſuis, quæ malo ordine retinuerant homines de ciuitate Leſinenſi. Tunc temporis Leo filius Symeonis ad mortem veniẽs, per manus Deſiderij, obtulit in hoc loco, omnia ſua mobilia, & immobilia, tam intus, quàm foris in ciuitate Barenſi.

CAPVT LIX.

HIC Abbas conceſſit Landoni Comiti Traieſtenſi quartam partem de eodem Comitatu Traieſtano, quam videlicet Marinus Comes, ſicut ſupra diximus, S. Benedicto, cum Oddulana vxore ſua, tradiderat, & quartam partem de caſtro Fraſtæ, & medietatem de caſtro Spinij, & quartam partem de Monafterio S. Martini ad Aquamundula, excepto Monafterio S. Martini cum pertinentijs ſuis: in eo tenore, vt idem vbicumque vocatus fuiſſet, ſupradicto Abbati, ac eius ſucceſſoribus fideliter ſeruiret; poſt mortem vero ſuam, omnia hæc in Monafterij ius abſque contradictione redirent. Fecit & libellum Tranſmundo Comiti Theatino uſque ad tertiam generationem de Caſtellomonte, & caſtello Mucculla, & caſtello Friſa cum pertinentijs ſuis, eo videlicet ordine, vt in tertia generatione ſupradicta caſtra in Monafterij huius ditionem redirent. Eodem verò tempore Petrus filius Gregorij Romanorum Conſulis, præceptum fecit huic Monafterio de Eccleſia S. Antonini in Monte Porculo, cum omnibus attinentijs ſuis: quam ſupradictus Gregorius Conſul Romanorum, vna cum filio ſuo Ptolemeo B. Benedicto obtulerat.

CAPVT LX.

IDEM quoque Gregorius illuſtris, ob maximam deuotionem, quam in Patre Benedicto, & per eum in loco iſto habebat, cum ſupradicto filio ſuo Ptolemæo conſtituit, vt omni tempore nauis noſtra cum nauclero, & nauticis ſuis libera maneat ab omni conditione, & de-

Dd bito

bito pensionis, & vt nullum plateaticum, vel portaticum Monachi nostri aliquando darent, in omni iure, ac ditione potestatis suæ, mari, terraq; . Obtulit etiam tunc B. Benedicto Ecclesiam, quæ dicitur S. Ierusalem cum vniuersis pertinentijs suis, sitam in territorio Tusculano, iuxta tenorem scilicet, quo antea Monasterium S. Agathæ, & S. Angeli, S. Luciæ, S. Felicitatis, S. Petri in Pelgi, S. Saluatoris in Tusculano, & S. Mariæ in Vincis huic Cassinensi cœnobio concesserat, & confirmauerat.

Sequenti tempore Iordanus Princeps præceptum fecit Desiderio de terris, quas homines nostri de castro Teramensi, & Plumbariola, & Pedemontis emerant ab hominibus de Aquino. De castro etiam Saracenisco, & Suiensi, & de Turre ad mare, cum pertinentijs suis: necnon de Lacu Aquinensi, & de Ecclesia S. Rufi in Capua, & Monasterio S. Agathæ in Auerfa. Hæc inquam, omnia cum omnibus pertinentijs suis singillatim principalibus præceptis in hoc Monasterio confirmauit. Berardus etiam Comes filius Berardi Marforum Comitis, eo tempore obtulit B. Benedicto Monasterium S. Mariæ in valle Porclanesi, & castellum Roscolum cum pertinentijs suis. Per eos etiam dies Romualdus presbyter fecit chartam huic Monasterio de S. Ioanne in Conca cum attinentijs suis. Præterea & Nubilo Comes de Castrouipera obtulit huic loco Monasterium S. Eustasij infra eundem castrum, & Ecclesiam S. Barbati, & S. Eleutherij, & S. Hilarij, atque Monasterium S. Eustasij in castello Ribza cum omnibus pertinentijs eorum. Sed & Andreas sacerdos, & monachus cum parentibus suis oblationem fecit huic loco de Ecclesia S. Blasij in Limata subtus castrum, quod vocatur in Carica. Hoc tempore Rolandus vir nobilis de ciuitate Lucensi, obtulit B. Benedicto partem suam de Monasterio S. Gregorij infra eandem ciuitatem, & partem suam de Ecclesia S. Mariæ in Palatio, & castello Alflexo, & de Ecclesia S. Matthæi, & S. Mariæ in curte vecchia, & S. Nazarij in burgo S. Martini, & S. Martini in eodem burgo, & quidquid sibi pertinere videbatur in Comitatu Lucensi, Lunensi, Pinsensi, Pistoriensi, Florentinensi, Volaterrensi, Populonensi, & Rosselleni,

Mattilda

Mattilda præterea Ducissa Liguriæ, & Tusciæ (cuius superius memoriam feci) ob reuerentiam huius loci, constituit, vt nullum plateaticum, vel chelonium in ciuitate Pisana, & Lucensi, & in omni ditionis suæ Terra, Monachi nostri aliquando darent. Rasterius quoque filius Petri de Territorio Marficano, his diebus chartam fecit huic loco de tota parte sua de Ecclesia S. Benedicti in Ciuitella, loco Pascufano. Idem fecit & Rainaldus filius Roberti de ciuitate Antena, cum parentibus suis de S. Petro in Morini, & S. Lucia in Rendenaria, cum omnibus pertinentijs illarum. Balduinus quoque Comes filius Oderisij Marforum Comitis, fecit huic loco oblationem de Ecclesia S. Urbani in Comino, & S. Victorini in Vicoalbo, vna cum ipso Lacu; necnon de Ecclesia S. Angeli in Pratora cum pertinentijs suis. Similiter fecit & Robertus de Belloprato de Ecclesia S. Ioannis in Poto cum pertinentijs suis. Petrus etiam & Ioannes filij, Atenulsi de Ceprano, tunc temporis similiter fecerunt oblationis chartulam de Ecclesia S. Petri in Fabratera, cum montibus, planis, siluis, ac pertinentijs suis. Per eos dies Maio Iudex de ciuitate Barulana cum parentibus suis, per manus Desiderij, obtulerunt huic Monasterio Ecclesiam S. Stephani intra eandem ciuitatem. Oderisius præterea Landonis filius de Bahuco ad hunc locum veniens, Ecclesiã S. Mariæ sitam sub ipso castro, & aliam Ecclesiam S. Mariæ in iam dicto castro, & S. Pauli, & S. Archangeli in Mozzani, & S. Quintiani, in hoc cœnobio deuotissimus obtulit. Sed & Ioannes filius Liudini de ciuitate Aquinensi oblationem fecit in hoc Monasterio de Ecclesia S. Martini intra eandem ciuitatem. Raul quoque Nouellus, eodem tempore chartam fecit in hoc sancto cœnobio de Ecclesia S. Ioannis in Pantano, & S. Laurentij in casa Palumbi, & S. Mariæ in ipso colle, & S. Blasij in Farneto, cum omnibus rebus, ac pertinentijs illarum. Henricus etiam filius Henrici Comitis de castro Cremonensi, obtulit & ipse Monasterium S. Benedicti situm in pertinentijs eiusdem castri, & Ecclesiam S. Ambrosij in castro Tire, cum omnibus pertinentijs suis. Id ipsum fecit & Punzo filius Benedicti de duabus Ecclesijs, idest S. Felicis, & S. Trinitatis in ciuitate S. Urbani. Pandulfus quoque Aqu-

D d a nensis

Mattildæ
priuilegiū

nenſis Comes, eo tempore ſimiliter obtulit in hoc loco Mo-
naſterium S. Martini in colle Arcizzi, cum pertinentijs ſuis.
Tunc temporis Bernardus quidam nobilis de ciuitate Aqi-
nenſi, chartam fecit huic Monaſterio de Silua, quæ dicitur
Matrelle, loco qui appellatur ad Riuum tortum, territo-
rio Aquinenſi.

CAPVT LXI.

HIS quoque diebus Guaiferius vir ſapientiſſimus,
& facundiſſimus, è ciuitate Salernitana, de qua
oriundus erat, egrediens, ad hunc locum perue-
nit, atque à Deſiderio ſuſceptus, monachus factus
eſt. In hoc igitur cœnobio poſitus ſcripſit vitam S. Secundi-
ni. Verſus in laudem pſalterij: de miraculo illius, qui ſe ip-
ſum occidit, & per beatum Iacobum vitæ redditus eſt. Ho-
miliam de aduentu. In natiuitate Domini; de Epiphania, &
alia quamplurima, quæ hic ſcribere ſuperfluum duximus.

Non ſolū autem in edificijs conſtruendis, verum etiam in
libris deſcribendis, Deſiderius operam dare per maximam
ſtudit. Codices namq; per plures in hoc loco deſcribi præ-
cepit, tam ſcripturæ ſacræ, quàm ſanctorum Patrū, & alio-
rum nobilium ſcriptorum: libros etiam ad decantandum in
choro diuinum officium tam de die, quàm de nocte, librum
Euangeliorum, auro & lapidibus pretioſis ornatum, in quo
poſuit de ligno Dominicæ crucis, ac de veſtimentis S. Ioan-
nis Euangeliftæ.

CAPVT LXII.

HOC præterea tempore, latrones noctu huius no-
ſtri Monaſterij ingreſſi cellarium, carnes, caſeū,
lardumq; inde ſurripientes, ſuos his mercibus ſac-
culos impleuerunt: foras autem egreſſi ſacculos,
quos impleuerant, leuare conati minime potuerunt. Dein-
de relictæ ſarcina, tentantes fugam, per totius excuſum no-
ſtris Monaſterij clauſtra circumeuntes, nullam egrediendi fa-
cultatem penitus conſequi valuerunt. His quoque diebus in
Eccleſia,

Ecceſſia, quæ ad honorem Patris Benedi&ti in partibus Li-
buria cōſtructa eſt, ſatis inſigne miraculum factum eſt, nam
cum quidam Frater ad terraticum à ruriſolis accipiendum
directus fuiſſet; ruſticus quidam, à quo triticum exigebatur,
in tempeſtæ noctis ſilentio, ſaccum frumento implens, & ſu-
per humeros ponens fugam arripuit. Sed ò verax per cele-
ſtem lata ſententia regem: Qui ambulat in tenebris neſcit,
quo vadat: nam qui iuſſa principis tenebrarum omni cona-
mine, omniq; iſtancia implere niſus eſt, per viam rectam
ſe incedere putans; per totam noctem in circuitu curtis il-
lius deambulauit; vbi autem dies eſt reddita terris, in ſe
ruſticus rediens, & quod in re erat aduertens, volebat cum
tritico egredi, & nequibat, volebat triticum de collo ſuo
deponere, & minime poterat. Monachus verò completis
hymnis matutinalibus, Eccleſiam egrediens, eumq; diuini-
tus ligatum aſpiciens: poſtquam ab ipſo totius rei ſeriem
didicit, orationem Deo, Benedi&toq; Patri feruentiſſime
fundens, ruſticum à nexu, quo detinebatur ocus ſoluit.

Ioan. 12.
verſ. 35.

Hoc præterea tempore fames maxima per totam fere
Italiam facta eſt. Tunc Deſiderius cum Fratribus communi-
cato conſilio, cibos indigentibus abundanter conferebat.

A D N O T A T I O.


EA. quæ hic de latronibus referuntur, Deſiderius lib. 1.
Dialogor. in hunc, qui ſequitur modum enarrat. Alio
etiam tempore latrones noctu huius noſtri Monafterij cella-
rium ingreſſi, carnes, caſeum, lardumq. ex inde ſurripientes
ſuos ſacculos impleuerunt. Sed foras egreſſi ſacculos, quos im-
pleuerant, leuare conati, minimè potuerunt. Deinde relicta
ſarcina tentantes fugere, tota nocte hac illac per clauſtrum
Monafterij deambulantes, foras egredi nullatenus value-
runt. Igitur factò mane, cum ſe intra Monafterij clauſtrum
conſpicerent, timore exterriti, ac ſui reatus conſcij, quid fa-
cerent neſciebant: tandem reperto inter ſe conſilio, exeuntes
per portam Monafterij, ſi quo modo poſſent euadere, quaſi
nihil mali perpetrare viderentur, cæteris, qui de Monafterio
ad quodlibet opus egrediebantur ſe miſcuerunt, & lento pede,

Dd 3 ne

ne aliqua de eis suspicio oriretur, carpentes iter, haud longiuscule à Monasterio substiterunt. Cum interea Cellerarius, Fratribus solita stipendia prabiturus, Cellarium ingredi-
tur, refertos ante adytum sacculos inuenit, & miratus, igno-
ransq. quid esset, quaeq. recondita requisivit: cum autem re-
posita ablata cōspiceret, turbatus damno, foras egressus, quic-
quid perdiderat in ipsis sacculis reperit. Qui uehementer at-
tonitus, & iam quid esset intelligens, mox conuocatis ad se
duobus vel tribus pueris, per viam vergentis deorsum mon-
tis (si fortè latrunculos, qui id admiserant inuenire possent)
mittere curauit. Illi autem iussa complentes cum Monaste-
rio egressi paululum processissent, reppererunt illos iuxta stan-
tes in ipso itinere montis. Cumq. iam penè pertransissent eos,
ac nullam in eos (quia noti erāt) suspicionem haberent, con-
cito gradu iter, quod ceperant peragebant. Illi vero diuini-
tus exterriti, ac velut amentes effecti, ceperunt post eos cla-
mare, & dicere. Scimus Domini, quia ut nos comprehenda-
tis venistis, sed miseremini nostri, nihil enim inde asportau-
imus, sed ablata omnia in ipso cellarij ingressu dereliquimus.
At illi talia audientes comprehenderunt eos, ligatisq. post
tergum manibus ad Monasterium perduxerunt, atque ita
ut erant connexi vinculis, Fratribus praesentauerunt. Fuere
autem nonnulli, qui minus circa praeceptum Domini cauti,
cēdi eos, ac sic dimitti iudicauerunt. Ceteri vero, quorum
mens pia in Deo erat, & magis erga diuina mādāta sollicita,
solutis vinculis, cibo potuq. refectos, liberos abire permittunt.

CAPVT LXIII.

Gregori-
us septi-
mus obiit
ann. 1085.



ANNO autem dominicæ incarnationis mil-
lesimo octogesimo quinto, indictione octa-
ua: cum venerabilis, ac semper recolendæ
memoriæ Dominus Gregorius VII. Papa,
apud Salernum infirmitate magna detine-
retur, interrogatus ante diem tertium
obitus sui ab Episcopis, & Cardinalibus, qui tunc vna cum
Desiderio praesentes erant, quid post suum obitū de Roma-
næ sedis ordinatione iuberet; Respondit, ut si vnquam ali-
quo

quo modo poſſent , eundem Deſiderium ad hoc officiũ pro-
mouerẽ. Is enim præter hoc, quod primus præbyter Car-
dinalis Romanæ tunc Eccleſiæ eſſet, prudentia maxima, re-
ligione ſingulari, & Principum circummanentium amicitia
multa pollebat. Si verò hunc nullatenus ſectere ad iſta va-
lerent , aut Archiepiſcopum Lugdunenſem Hugonem , aut
Ottonem Oſtienſem, aut Lucenſem Episcopum, quem prius
ex his habere poſſent, in Papam eligere poſt ſuum obitum,
quantocius feſtinarent. Hoc ſtatuto, deſunctus eſt , octauo
ſcilicet Kalendas Iunij, die dominica, & honorabiliter intra
Eccleſiam B Matthæi Apoſtoli, & Euāgeliftæ ſepultus, cum
ſediſſet in Pontificatu annis duodecim , menſe vno , diebus
tribus . Et quoniam Romana Eccleſia paſtore deſtituta re-
manſerat, & hæretici, atque ſchiſmatici more luporum illā
nitebantur inuadere: Deſiderius vna cum Episcopis, & Car-
dinalibus, necnon & laicis religioſis, qui hætenus in catho-
lica vnitæte, & obedientia Papæ Gregorij fideliter perſtite-
rant, cepit vnanimiter agere, qualiter eam poſſet decentiſ-
ſime ordinare. Miſerunt ergo, & conuenire fecerunt, vndiq;
aptas huic officio perſonas, quatenus ex eis vnanimi cõſen-
ſu eam cum gratia, & auxilio Dei eligerent, quæ idonea, &
apta tanto ordini eſſet. Conuenientes poſt hæc ad prædictũ
Abbatem Episcopum, & Cardinales ceperunt eum ſuper præ-
ſati Pontificis iudicio appellare, vtq; in tanta temporis ne-
ceſſitate periclitanti ſubueniret Eccleſiæ, Papatum ſuſcipiẽ-
do, inſtantiſſime ſagitare. Ad hæc ille, Papatum quidem
ſe ſuſcipere obſtinatiſſima reſponſione reſuſcitauit: alijs vero
quibus ſciret, & poſſet modis, ad Romanæ Eccleſiæ ſeruitiũ
ſe paratum eſſe reſpondit. Die pentecoſtes Sabinenſi Epif-
copo, & Gratiano Romam venientibus occurrit, eiſq; ver-
ba, quæ cum Papa Gregorio de Eccleſiæ ordinatione habue-
rat, retulit, pariterq; cum eis Iordanum Principem, & Rai-
nulfum Comitem adiit, atque ad ſeruitium, & adiutorium
Romanæ Eccleſiæ adhortatus, libentiſſime ad omnia para-
tos inuenit. Cepit deinde Cardinalibus vehementer inſiſte-
re, vt de Pontificis eligendi perſona quantocius deliberarẽt,
& vt ad Comitiffam Mattildam litteras mitterent, quate-
nus ſtuderet, vt & ij, quos prædiximus Episcopum, & quot;

D d 4 quoc

quot idoneæ tanto officio personæ iudicarentur, Romam sine tarditate venirent. Quod illi facere negligentes, cum Iordano Principe clam machinabantur eidem Abbati pastorem curam iniungere, & suasionibus multis nitebantur eum quoquo modo Romam perducere, putantes violenter se id ei posse imponere. Quod ipse persentiens omnino renuere, & contradicere cepit, sicq; ad hoc Monasterium reuersus, iterum Normannos, & Longobardos, & omnes quotquot potuit, hortari ad Romanæ Ecclesiæ seruitium cepit, & multos ex eis promptos, & paratos ad rem ipsam inuenit. Sed quia feruor ætatis nimius erat, propterea tunc Romam ire distulerunt, quousq; calor ætatis se imminueret, & tempora infirma transirent. Postquam vero Princeps conducto exercitu huius rei gratia Romam eundi, Campaniam venit, comitantibus etiam se vna cum Desiderio nonnullis partium istarum Episcopis: ipse suspectus prædictorum consiliorum amplius procedere noluit, dicens: quod nisi Iordanus Princeps, & Comes Rainulfus, & Episcopi Romani fidem sibi præstarent, nullam super hac re vim illi allaturos, neque alios inferre passuros, ipse cum eis nullatenus pergeret. Renuentibus facere, hac de causa res tunc infecta remansit.

CAPVT LXIV.

Guiber-
tus Anti-
papa.



IAM ferè annus in tali fluctuatione transierat, quo in Apostolica sede nullus Pastor erat, nullus dominici gregis curam gerebat, & Guibertus hæresiarcha oues Christi sanguine redemptas, suis cum sequacibus laniabat, cum circa Paschalem festiuitatē Episcopi, & Cardinales Romanæ Ecclesiæ de diuersis partibus Romam conuenientes, mandauerunt prædicto Abbati, vt vna cum Episcopis, & Cardinalibus Romanis, qui secum tunc morabantur, & cum Gisulfo Salernitano Principe, qui tunc à Cisalpinis partibus venerat, ad eos quanto-
cuius pergerent, quatenus de Romanæ Ecclesiæ ordinatione simul tractarent. Ille nihil suspicatus de se iam illos aliquid cogitare,


Ann. 1086

cogitare, cum iam nulla de eo mentio ab aliquo fieret, assumptis præfatis omnibus, Romanam peruenit ad urbem, in vigilijs Pentecostes. Per totam autem ipsam diem multa frequentia, quotquot catholicæ parti fauebant, tam clerici, quàm laici ad eum cōuenientes, iam circa vespertas congregati sunt pariter omnes, tam Episcopi & Cardinales, quàm & cæteri Romani, qui in fidelitate B. Petri Apostolorum principis perseuerabant, in Diaconia S. Lucæ, quæ est iuxta Septem solia, cæperuntq; omnes vnanimiter Desiderium multis precibus obsecrare, vt Romanum Pontificatum suscipere non recusaret, eumq; obtestare per diuina per humana omnia, vt subueniret periclitanti Ecclesiæ in naufragio constitutæ, multoties ad genua eius (& nonnullis lacrymantibus) omnes pariter ruentes. Desiderius vero, quia iam dudum decreuerat vitam suam in quiete transigere, & qui magis optabat in diuina vocatione suum tempus finire, cæpit omnimodis refutare, & hoc se nunquam consensurum firmiter repromittere. Instabant illi vehementer, ipse autem vehementius renitebatur, dicēs: Pro certo sciatis, quia si aliquam mihi violentiam super hoc intuleritis, ego quidem prout citius potuero Cassinum redibo, & nullo modo vnquam inde me intromitto: Vos autem propter hoc periculum magnū, & vobis, & Romanæ Ecclesiæ facitis. Et quia tardior iam hora procefferat, imminente iam nocte ad sua quiq; reuersi sunt. Summo mane, Dominica Pentecostes, omnes vnanimiter ad eum iterum conuenientes, eadem cæperunt repetere, & ipse nihilominus in semel fixa sententia perdurare. Videntes se omnino iam nihil proccere, dixerunt Desiderio presbyteri, & Cardinales Episcopi, quoniam quemcumque ipse illis consulisset, ipsum illi parati essent eligere. Vnde cum Cencio Romanorum Consule consilio habito, tandem vt Ostiensis Episcopus Papa eligeretur decreuit. Post hæc quæsierunt ab eo, vt ipsum Pontificē quem eligerent in Cassinensi Monasterio reciperet, eumq; donec Ecclesia tranquillaretur cum suis omnibus sustentaret, si cur & de supradiçto Papa Gregorio fecerat: quod Desiderius libentissime facere repromisit. Cum autem iam, iamq; de Ostiensi Episcopo decernerent, repentē quidam de Cardinalibus,

Desideri
us ad sum
mum Pon
tificatum
euehitur
ann. 1086.

dinalibus, nequaquam se consensurum in eam electionem
clamauit: Quem ceteri, nequaquam ad suam sententiam
flectere valuerunt. Verum, vt Salomon testatur: non est pru
dentia, non est consilium contra Dominum. Mox enim Epi
scopi, & Cardinales vna cum clero, & populo in Desiderij
duritiam stomachantes, & videntes, se nihil posse cum eo
precibus agere, statuerunt violenter causam perficere. Tan
dem itaq; vniuersi pariter vno consensu, & animo illum
rapientes inuitum, & renitentem attrahunt, & ad Ecclesiam
prædictam Christi martyris Luciae perducunt: ibiq; eum
iuxta morem Ecclesiæ eligentes, Victoris ei nomen impo
nunt. Sed quoniam hæc omnia, vt diximus contra eius ani
mum, & voluntatem fecerunt, cappam quidem rubeam in
duebat, albam vero nunquam eum potuerunt induere.

CAPVT LXV.



Desideri
us dimit
tit Insignia
Pontificia

O igitur tempore præfectus Imperatoris
Duce, & eius matre dimissus, propter illud
videlicet odium, quod Episcopi, & Cardi
nales (faciente tamen Salernitano Princi
pe) Salernitanum Episcopum sacrare no
luerunt, die noctuq; cum aliquantis ære
iniquo conductis, in Capitolium contra eundem electum
conuenientes, persecutiones ei maximas intulit. Post qua
tuor dies idem electus Romam egressus venit Ardeam, ibiq;
per triduum remoratus, abiit Tarracinam, ab inde crucem,
& chlamydem, & cætera Pontificatus insignia ita dimisit,
vt eis vltius vti nullo vnquam modo persuaderi potuerit,
decernens potius omni vitæ suæ tempore in diuina vocatio
nem finire, quam tanti ordinis fascibus grauissimis colla
submittere. Insistebatur ei quotidie precibus, lacrymisq;
creberrimis, obijciebantur Ecclesiarum magna discrimina,
ingerebatur plurimarum perditio animarum, quibus ei ma
nifestissime diuina indignatio intendebatur, sicq; Cassinum
reuersus est. Cæterum per anni totius curriculū adeo men
tis eius propositum immobile perstitit, vt nullis omnino
argumentis ad eorum potuerit hortamenta, precesq;
desecti.

desseſſi . Non tamen ob hoc Cardinales , & Episcopi , qui cum eo erant aliquatenus quiescentes , Iordano Principi instare ceperunt , vt quantocius properaret , & propter consecrationem eiusdem electi , Romam cum eis pergeret . Qui cum magno exercitu ad hoc Monasterium veniens , partim ordinatione ipsius electi , partim timore æstatis , vltius progredi veritus , reuersus est .

CAPVT LXVI.



SEQUENTI anno mediante Quadagesima apud Capuam Episcoporum concilio congregato , cum prædictus electus , vna cum Episcopis , & Cardinalibus Romanis eidem consilio præfuisſet , Cencius etiam Romanorum Consul cum alijs nobilibus Romanis , & Iordanus Princeps , & Rogerius Dux , cum omnibus ferè suis optimatibus interfuisſent , post finem concilij rursus insperate , & nihil eo de his suspicante , cum multis precibus , lacrymisq; à clericis , & laicis perurgeretur , immobilis perstitit . Tandem cum Dux , & Princeps , vna cum Episcopis , cæterisq; catholicis viris flentes eius pedibus adiacerent , multis rationibus , & orationibus coactus , vix tandem succubuit , & præteritam electionem , crucis , & purpuræ resumptione firmavit , duodecimo scilicet Kalendas Aprilis , Dominica in ramis palmarum . Inde Cassinum reuersus , ibidem Paſcha celebrauit . Peraſta feſtiuitate , cum Capuano , ac Salernitano Principe , Romam perrexit , ac iuxta ciuitatem Ostiensem Tiberim cum omnibus transiens , cum graui infirmitate detineretur , extra porticum S. Petri tentoria fixit ; & quoniam Rauennas hæresiarcha (qui viuente Papa Gregorio Papatum inuaserat) Ecclesiam S. Petri armata manu tenebat , non integro die à militibus Principis , Dei auxilio expugnata , & recepta est . Dominico vero die post Dominicam Ascensionem , multis Romanis , & omnibus ferè Transiberinis sollemniter cū maxima frequentia , præfatus electus à Romanis Episcopis Ostiensi videlicet Tusculanensi , Portuensi , atque Albanensi ; Cardina-


Ann. 1087

Desiderius
us conse-
cratur.

Translatio
S. Nicolai.

Cardinalibus quoque & Episcopis, atque Abbatibus quam plurimis assistentibus, more Ecclesiastico consecratus, & in Apostolicam sedem locatus est, septimo idus Maij. Quo etiam die corpus confessoris Christi Nicolai, à ciuitate Myrensi, in qua per annos septingentos septuagintaquinque quieuerat, Barium delatum est. Prædictus autem Pontifex per octo circiter dies Romæ remoratus, vna cum prædictis Principibus ad hoc Monasterium redijt.

CAPVT LXVII.



Victor ter
tius Ro-
mam pro-
ficilcitur.

DOST exiguum vero temporis spatium, Comitissa Mattilda urbem adiens, magnis eundem Pontificem supplicationibus per Legatos interpellauit, quatenus eius frui aspectibus, eius potiri colloquijs mereretur. Eam quippe causam sibi Romam veniendi fuisse per maximam suggerebat. Cogebat corporis languor loco non abscedere: sed quia pro sanctæ utilitate Ecclesiæ, se omnibus disposuerat periculis obiectare, iter per mare aggressus est. Cumq; ad urbem peruenisset, à Comitissa, & eius exercitu, ac cæteris B. Petri fidelibus deuotissime, officiosissimeq; susceptus est, atque apud Ecclesiam B. Petri octo diebus permansit. Deinde in festiuitate S. Barnabæ, super altare S. Petri missam sollempniter celebrans, eadem die, auxilio, & ope præfatæ Comitissæ per Transiberim Romam intrauit. Transiberim tunc totam, Romanorumq; per maximam partem nobilium, & penè omnem populum, castellum quoque S. Angeli, basilicam B. Petri, ciuitatem Ostiensem, ac Portuensem, in sui iurisdictione tenebat; morabatur vero apud Insulam Romæ, quæ & ipsa sui iuris extabat. Die igitur, qui Apostolorum natalitia præcedebat; Nuntius quidam, quasi ex Imperatoris parte adueniens, omnes Consules, Senatores, ac populum Romanum de corona submouit Imperij, cum subito Romani superveniētes, præter B. Petri Ecclesiam vniuersa cæperunt. Ecclesiam vero ipsam, quam supradicti Pontificis homines desuper tuebantur, ingredi nullo modo potuerunt. Sed quia Guiberti hære-

hæresiarchæ multitudo permaxima erat, ij, qui ex parte Papæ Victoris erant, contra tantam hostium manum obsistere non valentes, in Transiberim, siue in castellum S. Angeli discesserunt. Iam die mediante in Ecclesia S. Mariæ in Turribus Rauennas hæresiarcha missam cantauit: nam vtrumque campanile igne, & fumo supposito ceperat: sole iam ad occasum vergente, ij, qui in Ecclesia steterant, palam cum armis suis descendentes, reuersi sunt. Ita (heu, pro dolor) Apostolica, & vniuersalis B. Petri Ecclesia, eod die quo eius præcipua festiuitas extitit, omni tam nocturno, quàm diurno officio caruit. Sic Guiberti hæresiarchæ spes frustrata est, qui in Apostolorum sollemnitate missas illic celebrare affectabat. Altera die Apostolicum altare lotum, & missa est ibi per acta. Die vero sequenti omnes ad propria sunt reuersi, & eadem Ecclesia inditione Papæ Victoris redijt.

Guiber-
tus Anti-
papa.

Eo itidem tempore, dum quidam peregrini, orationis gratia, ad B. Benedictum venirent, obuius illis quidam vir canonicus factus est: quem quis esset interrogantes, B. Petrum Apostolum se esse respondit; Et illi: Quo tendis? Et S. Apostolus: Vado ad Fratrem Benedictum, ut cum illo passionis meæ diem celebrem; nam Romæ consistere non valeo; varijs enim procellis Ecclesia mea deprimitur. Quod cum Fratribus, viri illi postmodum reserassent, ad succedentium memoriam constituerunt, ita tanti Apostoli festiuitatem, sicut & Patris Benedicti, cum maxima deuotione sollemniter celebrare.

A D N O T A T I O.

Cardinalis Baronius tom. II. anno 1087. refert hanc eandem historiam, subiungitq. statim. que sequuntur. Sed quod ab eo (Apostolo Petro) per Christum fidei principium emanauit, ex quo omnis propago Sacerdotum feliciter germinauit, utiq. debuerat sollemnius celebrari. Tu autem (candide Lector) perpende diligenter Decretum, seu Statutum à Monachis Cassinensibus, super celebritate festi B. Apostoli Petri latum, & vide, quid amplius facere potuerint in honorem

rem tanti Apostoli, quam decernere, & ordinare, ut festum ipsius eadem veneratione, & sollemnitate cum festo Patriarchæ ipsorum Benedicti celebraretur. Hoc enim facit Ecclesia Romana, & ceteris faciendum præscribit, cum in ordine, seu regula sui breuiarij, festum Patroni, siue Tituli alicuius Ecclesiæ, festo Apostolorum Petri, & Pauli, equiparat, atque utrumque tamquam duplex primæ Classis celebrari decernit; quod tunc Monachi Cassinenses similiter decreuerunt, & statuerunt.

CAPVT LXVIII.



VIBERTVS interea hæresiarcha, qui post præstita Domino suo beatæ memoriæ Gregorio septimo Papæ fidelitatis sacramenta, & obedientiam nouem annis exhibitam, Apostolicum thronum inuaserat, cernens Victorem Papam ab omnibus in maxima veneratione haberi, Henricum Imperatorem soluens ab obseruatione iuramenti, quod apud Canusiam Tusciam oppidum, olim Papæ Gregorio fecerat, Romam attraxit, & cum eo expugnare catholicam Ecclesiam cepit. Hi vero, qui ex parte Papæ Victoris in Ultramontanis partibus erant, Imperatorem Romæ remorare cognoscentes, contra eum rebellare disponunt. Contra quos Henricus Imperator adueniens, factis, ut assolet, vario bellandi euentu, diutissime plurimis depredationibus, & incendijs, ac cædibus utrimque decertatum est. Tandem præfatus Imperator, relictis ad resistendum in Germania copijs, assumpto partim suo, partim conductitio, siue gregario exercitu, Romam, & suburbana eius depredationibus, & incendijs, ac cædibus, quibus valuit, quadriennio deuastauit: & tandem suo Simone, magis pretio, quam vi inthronizato, ab eodem Imperialem coronam accepit, & tam non fauentibus, quam non communicantibus sibi, suisque complicitibus, & Romæ, & in omni Romano Imperio sæuissimam, & diuturnam intulit persecutionem. Huius rei causa, & Ecclesiæ penè totius Romani Imperij desolatæ, & christiana religio propemodum dissipata, & vigin-

viginti millia hominum, & eo amplius in diuersis Regionibus (B. Papa Guiberto cooperante) cęsa sunt. Qui etiam pulsus catholicis Episcopis, & Abbatibus, & alijs Ecclesiarum Præpositis, scientia pariter, & religione pollentibus, sceleratos, & idiotas singulis ciuitatibus, & cęnobijs, vel Ecclesijs, singulos, interdum autem binos, vel annuos Prælatos, damnabilis prioris magistri sui Simonis magi mercimonio substituens, in depredationibus sanctorum locorum, & christianorum sibi non fauentium, imò & fauentium (dum non esset, qui armato resisteret) longe, lateq; voluntate quidem Neronis, & Decij, sed minori possibilitate, grassatus est. Idem vero Guibertus, qui multo rectius Papa Demens, quàm Papa Clemens, dici debuit, in oppidulo suo, quod Argentuum dicitur, quasi ad sui munitionem excelsa Turri fabricata præstolabatur simoniacos angelos, cum quibus volando in putentissimas stigas paludes rueret; Deo namq; Papæ Victori legitimo Ecclesiæ pastori in omnibus fauente, ipse viribus contractis ad nihilum redactus est. Cui nemo Apostolicam reuerentiam, siue obedientiam exhibebat, præter Imperatorem, & complices eius, vel qui se illi propter auariciam perpetuò, vel ad tempus, pacto vendiderunt: quorum plurimi, quibus eius perfidia claruerat, dum execranda sacrificia celebraret, non intererant, scientes eundem nulli Romanorum Pontificum successisse, sed præscripto modo periurum, & inuasorem, ac Simoniacum, Papæ Gregorio fuisse super iniectum. Nam qui fidem, & religionem zelo Dei tuebantur, Papæ Victori scientia, & religione præstantissimo adhærebant.


CAPVT LXIX.

AESTVABAT interea ingenti desiderio idem Victor Apostolicus, qualiter Saracenorum in Africa commorantium confunderet, atque contereret infidelitatem. Vnde cum Episcopis, & Cardinalibus consilio habito, de omnibus ferè Italix populis christianorum exercitum cōgregans, atque vexillum B. Petri Apostolici illis contradens, sub remissione omnium peccatorum, contra-

tra

tra Saracenos in Africa commorantes direxit. Christo igitur duce Africanam deuoluti dum essent ad Urbem, omnifusu illam expugnantes, Deo adiuvante, ceperunt: interfectis de Saracenorum exercitu centum millibus pugnatorum. Quod ne quis ambigat hoc absque voluntate accidisse diuina, illo die quo christiani de Saracenis victoriam adepti sunt, eo etiam Italiae diuinitus patefactum est.

CAPVT LXX.



PATEFACTVS autem Victor Papa tertius urbem egrediens, venit ad hoc Monasterium, sociatisque sibi Episcopis, & Cardinalibus Ecclesiam S. Nicolai in Pica sollemniter dedicauit, mense autem Augusto Synodum celebrare cum Episcopis Apuliae, & Calabriae, necnon Principatus statuens, Beneuentum perrexerit. In qua videlicet idem Apostolicus praesidens, ait.

Noscit dilectio vestra, charissimi fratres, & Coepiscopi, omni etiam orbi non latuit, sancta Romana, & Apostolica sedes, cui Deo auctore deseruio, quot aduersa pertulerit, quot denique per simoniaca haereseos trapezitas, malleis, crebrisque confusionibus subiacerit, adeo, ut columna Dei uiuentis videretur iam penè concussa nutare, & sagena summi piscatoris, procellis intumescens, cogeretur in naufragij profunda submergi. Guibertus enim haesiarcha (qui uiuente sanctae memoriae predecessore nostro Papa Gregorio, Romanam inuasit Ecclesiam) praecursor Antichristi, ac Satanæ effectus, non cessat oues Christi conculcare, & occidere, & dilaniare. Irritator enim, persecutor, exaggerator, & accensor iniuriarum Papae Gregorij factus, quantas calamitates, quantas tribulationes, & quantas persecutiones ei intulerit, referre quis valeat? conspirationes, & coniurationes aduersus eum excitauit, urbe fugauit, sacerdotio periuirus ipse, ac Simoniacus, quantum ad se fuit priuauit, atque contra eum Romanum Imperium, gentes, & Regna commouit, & quod à saeculo non est auditum, ipse excommunicatus,

eus, & damnatus, eundem sanctum Pontificem excommuni-
 care præsumpsit, & Romanam urbem hæcenus sacrilegijs,
 homicidijs plurimis, conspirationibus, flagitijs, & omnibus
 vicijs, & criminum ludibrijs deturpare non desistit, &
 Simonis Magi munitus perfidia, ipsiusq; officina factus, ne-
 quitiarum suarum complices ad tam impijsimum, & exe-
 crabile facinus euocans, Imperatorisq; exercitum congre-
 gans, Apostolicæ sedis inuasor est factus, contra præcepta
 Euangelica, contra Prophetarum, & Apostolorum decre-
 ta, contra canonum, & Romanorum Pontificum iura, nullo
 Cardinalium, Episcoporumuè præcedente iudicio, nullo
 Romani cleri approbante suffragio, nullo deuoti populi fa-
 uore adhibito, in sancta Romana Ecclesia, omnis malitiæ,
 nequitia, & perditionis caput est factus, Sed omnipotentis
 Dei clementia, prædictum Pontificem Gregorium post la-
 bores, & certamina ad æternam requiem euocante, cum
 iam vnanimi concordia Episcoporum, & Cardinalium, &
 comprouincialium Episcoporum, & cleri, ac populi Roma-
 ni, nostram paruitatem, omnibus modis contradicentem,
 & renitentem, Apostolicæ sedi præfecissent, non timens æter-
 ni Imperatoris iudicium, vsque nunc Christum, & oues, pro
 quibus suum sanguinem fudit, persequi non omittit. Idcir-
 co auctoritate Dei, & Beatorum Apostolorum Petri, & Pau-
 li, & omnium Sanctorum, omni sacerdotali officio, cum
 ac honore priuantes, & à liminibus illum Ecclesiæ separan-
 tes, anathematis vinculo innodamus.

Nostis præterea, & bene nostis, quantos dolos, quantasq;
 persecutiones mihi intulerint Hugo Lugdunensis Archie-
 piscopus, & Richardus Massiliensis Abbas, qui pro fastu, &
 ambitione sedis Apostolicæ, quam hæcenus latenter habue-
 rant, postquam se non posse adipisci peruiderunt, in sancta
 Ecclesia schismatici facti sunt: & Richardus quidem ele-
 ctionem nostram Romæ cum Episcopis, & Cardinalibus fe-
 cerat. Hugo autem postmodum ad nos veniens, pedum effu-
 sus vestigijs, dum obsequium nobis summi Pontificis inui-
 tis, ac retrahentibus exhiberet, Legationem à nobis in par-
 tibus Galliarum postulauerat, & acceperat; quoad itaque
 paruitatis nostræ infirmitatem, factæ & collaudatæ à se ip-

E c ls

sis electioni conspexerant repugnare, omnibus modis infestabant, ne onus abijceremus nobis pro Ecclesiæ necessitate impositum. Sed ubi nos ad id deflexos contemplati sunt, ceptam diu ambitionis flammam elibanus exturatus euomuit. Qua propter omnium sibi Fratrum videntes vnanimi-
tatem pertinacius in eo scandalorum scelere reluctari, ab eorum, & nostra continuo sunt communione seiuncti. Vnde vobis Apostolica auctoritate præcipimus, vt ab eis abstinere curetis, nec illis omnino communicetis, qui à Romanæ Ecclesiæ communione sua spontè seiuncti sunt, quoniam, vt beatus scribit Ambrosius, qui se à Romana Ecclesia segregat, verè est hæreticus æstimandus.

Constituimus etiam, vt si quis deinceps Episcopatum, vel Abbatiam de manu alicuius laicæ personæ susceperit, nullatenus inter Episcopos, vel Abbates habeatur, nec vlla tali Episcopo, seu Abbati obedientia exhibeatur. Insuper ei gratiam B. Petri, & introitum Ecclesiæ interdici-
mus, quousque locum, quem sub crimine, tam ambitionis, quàm inobedientiæ (quod est scelus idololatriæ) cepit, resipiscendo non deserit. Similiter etiam de inferioribus Ecclesiasticis dignitatibus constituimus.


Item si quis Imperatorum, Regum, Ducum, Marchionum, Comitum, vel quilibet sæcularium potestatum, aut personarum, inuestituram Episcopatus, vel alicuius Ecclesiasticæ dignitatis dare præsumpserit, eiusdem sententiæ vinculo se astrictum esse sciat: nec mirum, cum omnes vendentes, & ementes, trecenti decem & octo Patres in Nicæno Concilio congregati excommunicauerint, dicentes. Qui dat, & qui recipit, anathema sit. Quando ergo tales Episcopos, vel Abbates, vel reliquos clericos non deuitatis, si eorum missas audiat, vel cum eis oratis, cum illis excommunicationem subitis. Quos quidem sacerdotes esse omnino credere non debetis. Penitentiam vero, & communionem à nullo nisi à catholico suscipiatis, si vero nullus sacerdos catholicus affuerit, rectius est sine communione manere visibili, & inuisibiliter à Domino communicari, quam ab hæretico communicari, & à Deo separari; nulla etenim conuentio Christi ad Belial, ait Apostolus, neque pars fide-
lis

2. Cor. 6.

lis cum infideli, omnis enim hæreticus infidelis est. Simoniacus vero, quia hæreticus, ideo infidelis. Sacram enim communionem Christi, quàm visibiliter, & corporaliter catholici propter imminentes hæreticos habere non possunt; tamen dum mente, & corpore Christo coniuncti sunt, eiusdem Christi communionem inuisibiliter habent.

Hæc igitur dum cūctorum Episcoporum in eodem concilio residētium auctoritate confirmata fuissent, facientes exemplaria, per Orientem, & Occidentem disseminauerunt.

CAPVT LXXI.



In eodē vero Concilio idem Pontifex gra-
uiter infirmatus, post actum per tres dies
concilium, festinanter Cassinum redijt, at-
que cū Episcopis, & Cardinalibus ad hoc
Monasterium ascendēs, in capitulum Fra-
trum se ferri præcepit, & sub distri&issimo
anathemate interdixit, ne quis successo-
rum suorum (Abbatum videlicet Cassinensium) auderet
vendere, vel alienare Terras, Ecclesias, Villas, vel quas-
cumque possessiones huic Cassinensi cœnobio pertinentes.
Simili modo interdixit, ne quis Monachorum auderet face-
re chartam, vel libellum, absque scientia Abbatis sui, quod
si fecisset irritum esset. Hoc statuto, omnium Monachorum
vnanimi consensu præfatis Episcopis, in eodem Capitulo
residentibus, atque confirmantibus, Domnum Oderisium
religiosum valde virum, & Romanum Diaconum, qui tunc
in hoc nostro Monasterio Præposituræ fungebatur officio,
Abbatem constituit. Post hæc conuocatis eisdem Episco-
pis, atque Cardinalibus monuit, atque præcepit, vt iuxta
quod prædecessor suus Papa Gregorius iam dudum decre-
uerat, Ottonem Ostiensem Episcopum, in Papam eligere,
quanto possent citius, studerent, eumq; , quia præsens erat,
manu apprehendens, cæteris Episcopis tradidit, dicens:
Accipite eum, & in Romanam Ecclesiam ordinate.

His ita dispositis, atq; decretis, sepulchrū sibi constitui in
absida ipsius capituli iussit, atq; post diem tertium feliciter

Ee 2 migra-

Oderisius
fuit Abbas
Cassinen-
sis.

Papa Vi-
ctoris obi-
tus anno
1087.

migravit ad Dominum, sextodecimo Kalendas Octobris, Anno Domini millesimo octogesimo septimo, à Patris autem Benedicti, anno quingentesimo septuagesimonono, cum prafuisset in huius Monasterij regimine annis vigintinovem, mensibus quatuor, diebus sexdecim. In sede vero Apostolica ab ipso suæ electionis exordio anno vno sacrationis, mensibus quatuor, diebus septem.

A D N O T A T I O.

Mendum irrepsit in hoc capite circa numerum annorum, qui fluxere à transitu sancti Patris Benedicti, usque ad obitum Victoris Papæ Tertij. Afferitur enim, & vere, Victoris obitus decimosexto Kalendas Octobris, Anni millesimi octogesimo septimi, transitus verò sancti Patris Benedicti assignatus est supra libro primo capite primo, Anno Domini quingentesimo quadragesimotertio, à quo usque ad annum supradictum obitus Papæ Victoris tertij, tantum intercessere anni quingenti quadragintaquatuor, ut patet rectè calculanti: si enim dicas, ut habetur in textu, interfluxisse annos quingentos septuagintanovem, consequenter dicendum erit, Victorem tertium obiisse anno Domini millesimo centesimo vigesimo secundo, quod omnino falsum est, & rationi temporum repugnat.

CAPVT LXXII.



ISTA præterea ornaamenta idem Papa Victor ad mortem suam in hoc Monasterio dereliquit. Quæ omnia ferè post dedicationem Ecclesiæ partim ipse cum Fratribus huius cœnobij acquisiuit, partim ab alijs recollegit. Planetæ diaspræ quinque, & tres sine auro diarodanæ, tres deauratæ. Diapistin duæ, & alia cetrina. Purpureæ deauratæ septem, & aliæ quinque purpureæ, & duæ exametæ. Planetæ quotidianæ sex, quadragesimales quatuor. Dalmaticæ paratæ octo, & aliæ vndecim. Tunica paratæ quinque,

&

& alia decem & nouem. Pluuiales vero ornatos triginta octo, & alios octogintaſeptem. Albas lineas centum nonagintatres, de ſerico decem. Stola deaurata cum manipulis ſuis decem & nouem: de argento cum manipulis ſuis tres, stola alia decem & octo; ſemicintia ſeptem: fanones aurei pro Subdiaconibus tres, & alij quatuordecim. Camiſi magni deaurati cum ammiſtis ſuis duo, & alij de ſerico ſeptem. Panni de altare ſancti Benediſti duo, vnum cum margaritis, alterum deauratum. Coopertoria cum auro tria, & duo alia ſine auro. Circitoria magna, & optima vndecim. Panni de altare ſancti Ioannis. Circitoria quinque, & coopertoria quinque: panni de altare ſanctæ Mariæ facies vna purpurea cum auro, coopertorium cum ſmaltis. Circitoria quatuor; coopertoria quatuor. Panni de altare ſancti Grægorij circitorium aureum, & alios quatuor. Doſſales magni decem & nouem. Doſſales minores triginta. Hoſtiaria ſeptem. Calices aurei duodecim cum patenis ſuis, ſeptem maiores, & quinque minores. Fiſtula aurea cum angulo. Calices argentei ſaxonici duo, & alij ſeptem argentei, fiſtulas argenteas duas. Thuribula de auro duo, de argento deaurata duo, alia argentea maxima duo, & alia argentea octo. Candelabra de cryſtallo parium vnum, & aliud parium argenteum cum onichino, & aliud parium argenteum cum malis cryſtallinis, & alia candelabra quinque. Duæ lanternæ argenteæ magnæ, & vna quotidiana. Euangelium ipſius, Euangelium Imperatoris, Euangelium Papæ Stephani, Euangelium Imperatricis, Euangelium Abbatis Aligerni, Epistolaria duo, vnum cum tabula aurea, aliud cum tabulis argenteis. Regulam ſancti Benediſti cum tabulis argenteis. Capſa magna argentea cum gemmis, & ſmaltis. Scrinia argentea duo. Duas cruceſ auras magnas cum gemmis, & duæ alia aureæ minores, & tres argenteæ ad proceſſionem. Labrum aureum cum aquamანი ſuo. Fumigatorium græcum, aliud cum nigello, alterum cum ſmaltis: omnia hæc argentea. Pixis aurea cum ſmaltis pro corpore Domini, & alia maior argentea cum nigello. Coppetellæ de pernis tres. Bacilia argentea paria duo. Centum libras auri non laborati, fanonem Imperialem

E c 3 rialelem

rialem totum aureum . Scaramangæ Imperatorum duodecim . Coronam de argento super altare sancti Ioannis cum crucibus quinque, & aliam crucem græcam . Coronam argenteam deauratam, & lapidibus pretiosis ornatam ferens sex cruces . Aliam coronam super altare sancti Benedicti ferens tres cruces, lapidibus pretiosis ornatam . In sancto Nicolao coronam argenteam, & crucem argenteam fuscā . Coronæ argenteæ, quas in veteri Ecclesia inuenit vndecim . Hæc de Reuerendissimi Victoris tertij Papæ vita, & moribus, ac loci istius renouatione, seu adornatione dicta sufficiant . Ad laudem Domini nostri Iesu Christi, qui cum Patre, & Spiritu sancto vivit, & regnat Deus in sæcula sæculorum . Amen .

APPENDIX

AD TERTIVM LIBRVM

CHRONICI CASSINENSIS.



MULTA scribit Desiderius in suis Dialogis ad Monasterium Cassinense, & ipsius membra pertinentia, præter ea, quæ superioribus libris adnotauimus, quæ quoniam certum tempus præfixum non habent, visum est nobis in calce huius tertij libri ea simul reponere eodem ordine, & verbis, quibus ab ipso descripta sunt, ne aliquid ad historiam Cassinensem pertinuens per negligentiam prætermisisse videamur . Ait ergo libro primo .

De Mancuso Monacho .

Sed neque hoc taceam, quod de Mancuso monacho, Fratris referentibus agnoui, quem ipse in Monasterio positus vidi, nostroq; iam tempore defunctus est . Qui cum ex Apuliæ partibus conuersionis gratia huc venisset, à Richerio Abbate nostro prædecessore susceptus, Fratrum congregationi

tionem associatus est. Itaque in Monasterio corpore, in saeculo mente degens, semper terrena quaque, ac saecularia meditabatur, omne magisterium regularis disciplinae, sibi graue, ac importabile videbatur. Tunc capit ab Abbate licentiam petere, multasque occasiones adinuenire, quo patriam, parentesque, posset reuifere. Cumque ab Abbate suo saepius fuisset admonitus, ut viam veritatis, quam semel arripuerat, in melius proficiens, de die in diem ad finem usque perducere, deposita omnis torporis ignauia, summopere studeret, ne forte iuxta sententiam Domini, aratrum tenens retroque respiciens Regno caelorum aptus esse non posset, & uxorem Lot imitans, in statuam salis versus, horrendum cunctis spectaculum praeberet: ille nihilominus (cuius mens semel a maligno obfessa fuerat) nullo modo quiescebat, sed quotidie Abbatem, Fratresque precibus fatigando, ut eum patriam reuifere sinerent, omnimodis postulabat. Cumque spem redeundi sibi sublatam esse conspiceret, clam de Monasterio egressus, more fugacis serui nocturnas tenebras captans, ut canis ad suum vomitum, ad patriam, Diabolo instigante, reuersus est; atque in parentum domo mansitans, saeculariter ibi, ut iam dudum mente conceperat, viuere cepit. Sed cum ab Abbate suo per nuntium saepe fuisset admonitus, ut ad Monasterij claustra rediret, & ille salutaria monita paruipendens, obtemperare negligeret, ab eodem Abbate communionem priuatus est. Cum itaque post non multos dies paululum languore correptus in lectulo resideret, immanem leonem ingredientem ostium, ac contra se aperto ore venientem, cernit. At ille, ad ingressum ferocis bestiae territus, cepit magnis vocibus clamare, dicens: currite, currite, quia leo iste me deuorare contendit. Leo vero rugiens irruit in eum, & mordicus coxam illius apprehendens, maximum ex ea carnis fructum abstraxit: sicque eum cruentatum, & seminecem relinquens, disparuit. Cumque plures ad clamorem vocis illius obstupescere concurrerent, leonem quidem minime viderunt, sed cruentatum, ac semiuiuum monachum in terra prostratum inuenerunt. Itaque cum eum a terra eleuassent, paululum recepto spiritu, cuncta, quae sibi acciderant per ordinem pandit, & ut quantocius se ad Monasterium

Luc 9. v. 62.
sic 62.

Genel. 19.
vers. 26.

Mancusus
è claustro
fugit.

Ec 4. reducere.

reduceret propinquos, ac vicinos obnixè precatus est. Pro-
pinquis igitur eius voto obtemperantibus, ad cellam huius
nostri Monasterij, quæ intra Aseulanum oppidum sita est,
eum portauerunt: ibiq; post paululum recuperata sanitate,
hoc ad Monasterium est reuersus, ac experperata culpa pe-
nitentia recepta, plures postea in sanctæ conuersationis ha-
bitu vixit annos.

Ex libro secundo Dialogorum eiusdem.

De B. Fe-
lice Mona-
cho.

INterea nec ea, quæ de B. Felice (monacho videlicet hu-
ius Monasterij) audiui, silentio sunt prætermittenda.
Quodam tempore, nescio qua de causa, ad Theatinam vr-
bem venire me contigit; & cum ab Episcopo, & clericis il-
lius Ecclesiæ benigne, ac amicabiliter susceptus essem, at-
que orationis gratia ad Ecclesiam me duxissent: facta ora-
tione, ad dexteram me Ecclesiæ contuli, ibiq; ædiculam, &
altare conspexi: cumq; Episcopum, & clericos interrogas-
sem, in cuius honorem altare illud conditum esset, respõsum
mihi est, quod in honorem B. Felicis confessoris Christi al-
tare illud esset dedicatum. Cum autem quis fuerit ille Fe-
lix inquirerem, dicebant mihi, quod monachus Cassinensis
congregationis fuerit, atque ab Abbate suo illis in partibus,
vt Pastoribus gregis præesset missus, ibi vitam finierit. Et
cum ad corpus eius omnipotens Deus multa mirabilia ope-
raretur, à maioribus suis de loco, in quò prius iacuerat le-
uatus, atque in hac Ecclesia sub hoc, vt cernis, altare condi-
tus fuit. Igitur quoddam memorabile illo in loco nuper ab
eo patratum, omnipotente Domino largiente, narrabant.
Cum quidam cæcus ad cuncta obstantia pedes offendens, mi-
sericordem Deum rogaturus ante eius altare venisset, & pro-
stratus toto in terra corpore gemitu, ac suspirijs, vt meritis
B. Felicis, sui misereretur orasset: mox depulsis cæcitatis te-
nebris, ita sanus, & incolumis surrexit, vt mirantibus cun-
ctis, ipse suis oculis lucem ceperit cernere, quam semper ab
alijs desiderauerat audire.

De Ange-
lo Mona-
cho.

Alter quidam (vt Fratres, qui ad huc supersunt referunt)
Angelus, in hoc Monasterio monachus, dictus est, cuius pro-
fecto

fecto vita nomini dissimilis visa non est, qui dum infirmitate tactus corporis, ultimum diem clausisset, dæmoniacus, quidam in coquinam fortè intrauerat: Et ecce subito cepit strepere, ac se furibundus à terra dissiliens in aera eleuare, magnisq; vocibus clamans, vim se à Benedicto perpeti conquirebatur dicens. O quid mihi modo Benedictus fecit, animam Angeli monachi, ob paruum cucullum, quod gestauit in capite, mihi auferens, secum detulit. Cumq; omnes, qui aderant ad verba illius stupefacti intenderent, & quid diceret ignorarent, repentè signum, quo Fratrum obitus significari solet insonuit, statimq; Fratres omnes festinanter ad domum infirmorum pergunt, & Angelum monachum iam defunctū reperiunt. Qua in re aperte monstratum est, quod animam illius in aliquo nocere non potuit, de cuius morte coram Fratribus tam tristem, tamq; lugubrem, se antiquus hostis ostendit.

Frater quidam in nostro Monasterio Stephanus Veneticus dicebatur, qui ex Venetiæ partibus adueniens, in sanctæ conuersationis habitu studiosissime vixit. Cuius humilitatis, patientiæ, ac obedientiæ bonum omnibus, qui tunc in omnipotentis Dei seruitio ibidem congregati erant Fratribus, liquidissime patuit. Cumq; iam tempus esset, vt eius digna conuersatio à iustissimo Domino remunerari debuisset, molestia grauatus corporis, Fratribus coram positus, diem clausit extremum. Tunc quædam religiosissima anus, Agundia nomine, virgo mente, & corpore, quæ in sanctimoniali habitu, iuxta Ecclesiam B. Mariæ semper virginis sita in ciuitate, quæ circa radicem Cassini montis est condita, manebat, more solito, antequam clerici eiusdem ciuitatis ad reddendas nocturnas Deo laudes surrexissent, ante prædictam Ecclesiam Dei Genitricis stans, gemitu, lacrymis, & suspirijs Dominum precabatur. Cum ecce subito intempestæ noctis hora, respiciens vidit columnam igneam è cella, in qua infirmi Fratres quiescere erant soliti, exeuntem, cælumq; tendentem, quæ statim nuntium Monasterium subire præcepit, qui studiose inquireret, si aliquis ex infirmis Fratribus in cella illa degentibus, ex hoc mûdo migrasset. Tum is, qui missus fuerat nuntius, perniciter montem ascendit, Monaste-

DeStepha
no Vene-
tico.

Monasterium intrauit, domum infirmorum adiit, atque Stephanum religiosum monachum defunctum reperit, & studiosius inquirens, inuenit cum ea hora emisisse animam, qua columna ignea ab ancilla Dei visa est celsa penetrare Polorum.

De Ioanne Venetico.

Alter quidam in iam dicto nostro Monasterio Ioannes Veneticus dictus est, miræ patientiæ, obedientiæ, & humilitatis monachus, qui quanti meriti apud Iesum Christum Dominum fuerit, suum post obitum manifestissime claruit. Cum quidam Frater, cuius nomen à memoria excidit, casu in inguine crepuisset, ita ut interiora eius, membrana disrupta, inter carnem, & corium dilaberentur, sepulchrum ipsius adiit, ac se super illud prosternens, lacrymis, gemitibusque ut pro se Dominum precaretur, ex intimo cordis postulabat affectu, proculdubio credens eius meritis se posse sanitatem recipere, qui in hac vita positus, omnipotenti Domino totis viribus studuit deferuire. Cum igitur aliquantulum super sepulchrum eius orans incubuisset, ita restitutus est sanitati, ut languoris pristini, nec ullum quidem in eo indicium remansisse videretur.

Miraculum
meritis S.
Benedicti
patrati.

Smaragdus monachus, qui ad huc superest, & in nostro Monasterio commoratur, retulit mihi, quod narro, quod à Leone venerabili Presbytero, qui secularibus, ac diuinis literis, haud mediocriter eruditus, ab adolescentia usque ad vitæ exitum in saepe dicto Monasterio degens, omnibus penè in hac Prouincia notus extitit, accepit. Cum quidam, casu accidente (sicut prædictus Presbyter ex ore illius accepit) in secretiori loco crepuisset, & languore crescente, quotidie vehementer fatigaretur, medicum à quo secari, vel exuri deberet, si quoquo modo posset sanitatem recipere, conducere meditabatur. Timebat tamen si secaretur à Medico (ut multoties euenire solet) ne forte moreretur, & rursus si non secaretur sedurum sustinere dolorem, quod est ipsa morte deterius, periculosius sibi videbatur. Igitur cum intra se hæc diutius agitareret, vnum sibi remedium credidit fore, ut ad sepulchrum B. Benedicti pergens, ipsius misericordiam imploraret: sperans se eius patrocinio, posse saluari, sub cuius magisterio recedens à sæculo deuotissime se contule-

contulerat. Statim igitur Ecclesiam intrauit, ac se coram altare humiliter prosteruens, diutius orauit, vt omnipotēs Deus meritis sancti Patris salutem sibi conferre dignaretur. Expleta vero oratione, è pauimento in quo prostratus iacuerat surrexit, atque ex crepidine altaris puluerem collegit, & ligans in panno, loco in quo patiebatur superposuit, atque die altero ita sanus repertus est, vt nec signum quidem praterita infirmitatis in eo omnino remaneret.

Quidam puer in domo hospitem simul cum patre in lectulo cubans, cum ad necessitatem corporis in ipso noctis silentio surrexisset: subito ingens Leo dentibus frendens, & eum vnguibus paratus dilcerpere, sibi horrendus apparuit: qui pauore nimio exterritus, vociferans in terram corruit. Ad cuius vocem mox turbatus pater è lecto surrexit, festinus ad eum, valdeq; anxius accessit, cur ita clamaſſet, vel quid sibi euenisset, paterna diligentia sollicitus inquisiuit. Ille vero immanem Leonem contra se venientem tremebundus, ac palpitans vidisse se retulit: quem pater blanditijs demulcens, in vlnis proprijs acceptum, reduxit ad lectulū. Sed diabolus, qui in specie sibi Leonis apparuerat in eum ingressus post aliquot dies vehementissime infestare cepit. Cumq; ad Ecclesiam ante altare B. Benedicti esset adductus, mirum immodum in pauimento clausis oculis prostratus iacens, quicumque Monasterij portam ingrediebatur, mox eius nomen exprimebat, dicens: talis vel talis homo modo per portam Monasterij ingreditur.

Quidam autem Frater cum causa obedientie è Monasterio ad ciuitatem descendisset, duodecim à quodam accipiens denarios, eosq; propriæ vtilitatis gratia, occulte capiens, sibi in sinum milit. Cum autem ad Monasterium reuersus, ad puerum, in loco quo vexebatur, accessisset: statim diabolus hoc modo eum per os Pueri coram Fratribus infamare cepit, dicens. Monachus iste contra Regulam sui Ordinis, duodecim denarios à tali viro accipiens, causa proprii commodi occultatos retinet in sinu. Igitur cum à Fratribus interrogaretur, virum vera essent conuitia, quæ antiquus hostis per os vexati sibi obijceret: mox ille suam clamicans culpam, omnino id ita esse professus est.

De Puero
à Dæmo-
nio vexa-
to.

Alter

Alter quoque Frater (cuius nomen, ne verecundiam patiatur omitto) ex alio Monasterio, suæ salutis causa ad nostrum deductus: quadam nocte ad nocturnas vigilias lectionem de veteri testamento in Ecclesia, Fratribus more solito residentibus, recitabat: cum forte Puer, qui vexabatur adesset, & ecce subito diabolus per os eius exclamans, illa omnia, quæ legebantur se ad liquidum nosse, ibiq; fuisse protestabatur, & adiungens huiusmodi verbis lectori exprobrabat: sed si ea, quæ de te scio, referre coram præsentibus vellem, magnam profecto tibi verecundiam incutere possem; & re vera Fratrem illum abunde in suo Monasterio seculariter vixisse compertum est. Postquam igitur pro vexato Puerō ante sepulchrum B. Patris Benedicti diutius à Fratribus est oratum, ita sanus effectus est, ut amplius à maligno spiritu vexari minime visus sit.

Puer vexatus liberatur.

Alter puer à Dæmonio obsessus liberatur.

Eodem tempore alter puerulus ingentem Aethiopem super tectum domus astantem conspexit: qui valde territus mox fugam arripuit: sed idem dæmon eum insequens, ad ostiū domus impulit, in terram prostravit, statimq; in eum ingrediens acriter miserum fatigabat: cumq; ad oratorium ad sepulchrum prædicti Patris saepe fuisset adductus, eiusdē Patris meritis, qui eum inuaserat dæmon relinquens, abscessit: sic ut ad eum accedere ulterius ausus non fuerit.

Ioannes à Dæmonio meritis B. Benedicti liberatur.

Alius quidam Ioannes nomine, qui ætate prouectus adhuc superest, atque in infirmorum domo deseruit, ex Provincia Marforum, de qua ortus fuerat (cū à pessimo dæmone teneretur) ad hoc cœnobium gratia recuperandæ salutis à propinquis adductus est: proculdubio credentibus, eum meritis B. Benedicti salutem posse recipere, ad cuius limina, multos diuersis languoribus occupatos audierant salutem pristina restitutos, & ipse post non longum tempus expulso hosse, sanitate recepta, magnam exultationem videntibus intulit.

Alius obsessus à dæmone.

Theodoricus etiam Monachus, atque Sacerdos, qui adhuc viuit, ac nobiscum in hoc cœnobio, religiosam vitam ducens, conuersatur, nepotem habuit, quem valde diligebat in sæculo, quem antiquus hostis ingressus est, non tamen ut aperte eum vexaret, sed latenter languorē inferens, quasi paraly-

p̄alyticū videntibus exhiberet. Hunc itaq; p̄dictus auunculus eius, causa recuperandæ sanitatis, ad se, de B. Patris Benedicti meritis confidens, adduci fecit. Sed cum in hoc Monasterio aliquandiu infirmus, ita vt venerat perduraret, & à nullo, quod eum dæmon possideret æstimaretur: quadam die ab eodem auunculo suo ad venerabilem virum Lambertum nomine, qui in hac proxima silua, iuxta Ecclesiam sanctorum martyrum Cosmæ, & Damiani, solitarius habitabat (vt eius benedictione potiretur) delatus est. Cui vir Dei panem benedictum dedit, vtq; eum comederet imperauit. Cumq; sibi quod acceperat in os misisset, idq; comedens gustasset, dæmon, qui hactenus in eo latuerat, benedictionem tanti muneris ferrè non valens, strependo, vociferando, huc illuc dissiliendo, quæ causa languoris esset innotuit. Postquam vero cum auunculo ad Monasterium est reuersus, & apertè, quod à dæmone possideretur cognitum fuit, ductus in Oratorium est, quo omnipotentem Dominū pro eo rogaturi cuncti simul Fratres conuenerunt. Expleta itaq; oratione, & psalmodia, hora sexta, Fratres ad refectorium (dimissis cum eo duobus, vel tribus monachis) causa reficiendorum corporum pergunt. Igitur cum illi, qui remanserant diuinam pro eo misericordiam lacrymabiliter precarentur, quatenus intercessione beatissimi confessoris sui Benedicti liberare captiuum hominem dignaretur: Monachus veneranda canitie ante altare, eidem, qui vexabatur altare visus est: qui antiquo hosti ab eo recedere potenti virtute imperauit: Mox dæmon facto impetu, magno cum vomitu ab obsesso exijt, atque ad eum accedere vltius minime p̄sumpsit, quem videlicet senem B. Maurum proculdubio fuisse compertum est, cuius reliquias Fratres, qui cū eodem obsessio in Ecclesia remanserant, super pectus eius magna cum spe, ac deuotione posuerant. Is autem, qui liberatus à dæmone est, Monachus in hoc Monasterio cæteris cum Fratribus in Iesu Christi Domini seruitio perseuerans, constitit.

Rusticus quidam in vicinia huius Monasterij, in castello, quod S. Angeli nominatur, habitabat, qui festiuitatem B. Nicolai confessoris Christi per annos singulos, vna cum familia,

Lābertus
monachus

Pan̄is Be-
nedicti vir-
tus.

Vexatus à
Dæmone
eripitur.

Filius pa-
tri inobe-
diens à de-
mone ob-
siderur.

lia sua, prout poterat, deuotissime celebrabat. Ea igitur die, qua eius sacra à fidelibus celebratur sollemnitatis, ad basilicam illius nomini consecratam, cum vxore, & filio in puerili adhuc ætate manente, oblationem Domino oblaturus accessit. Postquam vero expletis missarum sollemnijs, & cōmunionem sacri corporis, & sanguinis Domini participata, ad domum propriam sunt reuersi: puer à patre agrum reuiscendi licentiam petijt, quem pater compescuit, dicens: Non est dignum, ò fili, in agrum hodie ad aliquod opus exercendum exire, quia licet indigni, diuina sacramenta percepimus, & festiuitas Patroni nostri B. Nicolai, ab omnibus magna cum deuotione ubiq; recolitur. Sed ille puerili leuitate ductus postquam, quod petierat à patre impetrare nequiuit, paterna iussa paruipendens, clam de domo auolans, solus ad rura visenda contendit. Vbi vero aliquantum in agro moratus, solem ad occasum vergere, & opacam noctem iam penè terris imminere conspexit, ad vicinam siluam (ne vacuus redire videretur, ac vt per hoc gratiam Patris, cuius verba contēpserat, recipere posset) ligna cēsurus, domumq; delaturus, accessit. Cumq; ligna iam componere cēpisset in sarcinam, subito quasi vehementis spiritus sonitum contra se venire præsensit, eleuatoq; sursum capite, nigerrimam auem, ad modum Vulturis, magno cum impetu per aera super se volantem conspexit, quæ haud longiuscule in semita, qua puer regredi debebat, se se obuiam posuit. Itaq; cum timore perterritus, ac tremebundus in eam intenderet, illa in speciem nigerrimi pueri, cuius capilli hispidi, ac sursum erecti, & extrema pars in ruborem desinere videbantur, se se transformans, ostendit.

Igitur puer dum id, quod videbat, pauidus vt erat animo, inspiceret: isdem antiquus hostis eum taliter allocutus est. Efficere, inquit, ò puer, ex toto meus, & vna mecum ad huius proximi fluminis oram accede, ibiq; auri, & argenti tibi copiam magnam tribuam, vt non lignis, sed auro, argentoq; domum reuertaris onustus: quatenus dum superfueris, omnes propinquos, vicinosq; tuos diuitijs excellens, nobili, & delitiosa fruaris vita in terris. Hęc autem antiquus hostis non ita persuadebat, vt ea, quæ pollicebatur tribueret, sed

ſed vt eum mergens, necare poſſet in flumine. At puer frequenter Chriſti nomen inuocans, crucis ſe ſtudebat munire ſignaculo, ſtebiliq; voce talia reſponſa reddebat. Abſit à me abſit, ne alicuius aliquando efficiar ſamulus, niſi omnipotentis Dei, qui me creauit, & Patris, qui me generauit. Cum itaq; iterum, atque iterum ſignum ſibi ſalutis apponeret, dæmon qui videbatur, inde ſe ſubmouēs, in vndas vicini fluminis magno cum ſtrepitu merſit, ibiq; ſerpentum more ſibilare, aſinorum rudere, taurorum mugire, rugire leonum, cepit: atque tantum timorem miſello incuſſit, vt tota ſilua rotari in vertiginem ſibi videretur. Cumq; in terra ferè iaceret exanimis, & quid ageret penitus ignoraret, ecce ſubito ſenex mitrato capite, candida ſtola indutus, ſibi aſtans apparuit, & inquit ad eum: Quid hic agis, cum iam tardior hora protrahatur, & recedentibus cunctis ſolitaria iam penè arua remaneant? Surge quantocius, domumq; redire feſtina, ne ſi amplius hic moratus fueris, graue periculum incurras. Surgens itaq; de terra, cum ſe ad leuandam ſarcinulam inclinaret, iſdem, qui viſus fuerat ſenex diſparuit: Ecce iterum malignus ſpiritus ante oculos eius ſe ingerens, eiſdem quibus prius verbis affari puerum cepit: ſed ille nihilominus, quæ hortabatur, ſe facturum omnino denegans, flens, & eiulans in terram decidit, ac prout poterat, & ſciebat, Saluatoris omnium Ieſu Chriſti clemēciam, vt ſibi præberet auxilium, ſtagitabat. Mox ille venerandus ſenex, qui ei dudum viſus fuerat, rurfus apparuit, & vt citius ſurgeret, lignaq. auferens aſportaret, hortatus eſt. Ad cuius aduentū inimicus, qui videbatur, vt ſumus euauit. Quem utiq. ſenem Beatum credimus fuſſe Nicolaum, cuius celebrandę feſtiuitati, prædictus ruſticus eo die operam dederat. At puer ad ſenis imperium ſurgens à terra, leuata ſarcinula, ſumma cum velocitate domum redijt, & vt ipſe poſtmodum referebat, tam leuis ſibi illa lignorum ſarcinula, quàm vehēbat, facta eſt, vt nihil ponderis habere videretur.

Cum autem domum reſgreſſus paululum remoratus eſſet, qui ei apparuerat dæmon in eum ingreſſus, cepit horribiliter fatigare. Vterq. turbatus parens affuit lugēs, & perſtrepens familiola cuncta circumſtetit. Sed cum nullum illi auxilium

S. Nicolaus
us puer
apparet.

Puer ve-
xatus Cas-
sinum per-
ducitur,
& sanatur

xilium impendere posse se cernerent, salubre reperto confi-
lio, hoc ad Monasterium, ad limina eum B. Benedicti perdu-
cunt, atque ad eius venerandum sepulchrum in dextera par-
te altaris, misericordiam Domini lacrymabiliter postulan-
tes prosternunt: ibiq. obsessus vehementer fatigatus obdor-
miuit. Igitur cum sic fessus obdormiens iaceret, aperiri si-
bi subito altare visum est, indeq. vir clarissimo aspectu, can-
didoq. habitu procedens, eius aluum, pectusq. diu contre-
ctans, ei vt surgeret, ac discederet, imperauit. Qui mox
expergefactus, ita sanus surrexit, vt dæmoniacam infesta-
tionem in se vltius non sentiret. Hæc omnia per ordinem
ex ore ipsius pueri, qui passus fuerat lacrymabiliter refe-
rentis, agnoui.

Monaste-
rium S. Li-
beratoris.

S. Benedi-
ctus curā
suorum
gerit.

In Diocesi Theatini Episcopatus est Monasterium nobi-
le, iuxta radicem Magellici montis, in honorem sancti Li-
beratoris constructum, & huic nostro Cassinensi cœnobio
subditum, vbi magna Fratrum multitudo commorantes,
iuxta almi Patris Benedicti mandatum, Christo Domino
vero Regi militantes deseruiunt. Quodam igitur tempore,
dum Fratres in eodem Monasterio in noctis silentio, iuxta
morem quiescerent, quidam Reuerendus vir monastico in-
dutus habitu, vni eorum apparuit, eumq. vt velociter de-
lectulo, in quo iacebat surgeret, hortatus est. Cumq. ille
ad eius imperium expergefactus, surrexisset, inquit ad eum:
Accelera, & excita omnes Fratres, & vt velociter surgant,
atque ad Ecclesiam pergant, magnis clamoribus insta, quia
hæc in qua quiescunt cella, sub omni est celeritate casura.
Ille autem iussis obtemperans, magnis vocibus clamare cœ-
pit: surgite Fratres, surgite, atque ex hac cella, quia protin-
us ruitura est, quantocius exite, ne moram in ea amplius
facientes, à ruinis (quod absit) opprimamini. Cum igitur
illi expergefacti, eiusq. clamoribus turbati; vnde hoc nos-
set inquirerent, ille quæ viderat, quæq. sibi dicta fuerant,
ordine retulit. Mox itaq. Fratres inde exeuntes, celeriter
Ecclesiam intrauerunt, nocturnamq. synaxim, more solito,
pulsatis signis, Domino decantare cœperunt. Cumq. inten-
tis mentibus officia consueta perfoluerent, subito prædicta
domus, dato magno strepitu, funditus corruit. Exterriti
Fra-

Fratres, festine pergunt, solliciti, ne quis eorum illa ruina oppressus esset inquirere, & cum delapsam materiam, huc illucq. deuoluerent, inuenerunt vnum ē Fratribus senectute grauatum, sub ruinis vndique circumiacentibus incolumem remansisse, extractumq. foras, quonam modo euasisset, curiose interrogarunt. At ille, cum domus, inquit, funditus fatiscens, super me dilaberetur, subito quidam splendidus vir, monastica veste indutus, mihi adstitit, ipsamq. ruinam iam super me cadentem, meq. opprimere minitantem, brachio suo sustentans, incolumem (ut ipsi cernitis) conseruauit. Qui videlicet B. Benedictus fuisse creditur, qui, & antea paterna pietate gregem, sub suo magisterio militantem, sua admonitione, & protectione eripuit, & senem fugere non valentem, manu sollicitudinis suæ, defendit.

S. Benedictus monachum suum saluat.

Quidam etiam Frater in eodem Monasterio Ioannes dicebatur, qui ætate, ac ægritudine præssus, extremum vitæ spiritum trahebat. Cum igitur quadam die aliqui ex Fratribus, more solito, decantaturi matutinas laudes ad eum venissent, ille eos voce qua potuit compescuit dicens: Nolo, ut mihi canonicas horas amplius decantetis, quia Dominus Abbas cum multis Fratribus albis vestibus indutis, ad me modo gratia visitandi venerunt, mihiq. matutinale officium decantantes, post paululum, se huc redituros, meque secum assumpturos esse dixerunt. Dum itaque Fratres, qui ad eum venerant ad eius visionem intenti, si vera essent, quæ retulerat solliciti præstolarentur, post vnius horæ spatium, Frater ille magna cum exultatione, emisit spiritum. Ex quo animaduertere possumus, beatissimum Patrem Benedictum fuisse, qui ei cum illa albatorum concione apparuit, eumq. secum, ut promiserat, assumpsit.

De Ioanne monacho.

Modus libelli huius nos ad finem tendere cogit, sed bonum obedientiæ, quæ inter cæteras virtutes prima est, non finit nos virtutem cuiusdam Fratris, qui eam tota cordis humilitate vsque ad mortem sectatus est, penitus silentio præterire: illum videlicet imitans, qui factus obediens Patri vsque ad mortem, obedientiæ nobis, pariter ac patientiæ reliquit exemplum. Qui videlicet Frater huius nostræ

Ff congre-

De Rainerio monacho.

congregationis Rainerius nomine, iuuenis quidem ætate, sed moribus grandæuus fuit, cui multi è Fratribus, qui adhuc supersunt, & eum optimè nouerunt testimonium perhibent, quod scilicet tantæ humilitatis, tantæq; obedientiæ fuerit, vt ex hoc mirabilis ab omnibus haberetur, cui dum quadam die ab Abbate suo esset iniunctum ad aliquod opus pro vtilitate Monasterij peragendum, Theatinum adire territorium. Ille læto, vt semper animo, ad obediendum promptus, iussa implere festinans, iter arripuit. Qui dum pergeret, & aliquanti iam itineris spatium perfecisset, à latrunculis cuiusdam potentis viri Oderisij, qui ex præcepto eius (si quid ex huius Monasterij rebus diripere possent) viam obseruabant, omnibus, quæ deferebat sublati, interfectus est. Cuius quidem corpus, vel propter inimicorum insidias, vel quia longè aberat, ad hoc cœnobium deferri non potuit, sed in quadam Ecclesia iuxta posita, humi traditum est.

Sed quantum illius obedientia omnipotenti Deo fuerit accepta, ad extinctum eius corpus ostendere dignatus est. Ceperunt namq; multæ in infirmitate detentæ personæ, ad eius sepulchrum accedere, & recepta sanitate ad sua incolumes remeare, inter quos Atto Comes magni Attonis Comitissæ filius, præfati Oderisij gener, cum grauius detentus à febribus fatigaretur, ad sepulchrum illius, fama ducente peruenit, ibiq; in oratione prostratus, recedente febre, ita sanus surrexit, vt malæ illius valetudinis, qua antea laborabat, nihil prorsus in se sentiret. Qui pro recepta sanitate gratias referens, ob retributionem tanti muneris, optimo super eius sepulchrum oblato pallio, gaudens discessit.

Ex libro tertio Dialogorum eiusdem.

Monasterium S. Sophiae de Beneueto.

IN Beneuentana Vrbe Monasterium est, quod sanctæ Sophiae dicitur, huic Cassinensi cœnobio subditum, in quo quidam à pueritia sanctæ conuersationis, & magnæ humilitatis monachus extitit: qui infra annos adolescentiæ nimio languore præuentus ad extrema perductus est. Ad cuius

enius exitum congregati Fratres, ut moris est, hymnis, & psalmis Deo, cui omnia viuunt, eius experunt animam commendare, sanctorum ceterum in eius auxilium attentius inuocare: qui crescente languore defunctus est. Sed cum ad lauandum eius corpus aqua prępararetur, per vnam ferre horam exanimis iacuit. Cumq; qui aderant orationi, & psalmodiæ insisterent, subito corpus eius omne contremuit, ac paulatim reuiuiscens, cunctis, qui adstabant, admirantibus, in lectulo resedit. De hinc interrogatus, cepit illis, quæ egressus de corpore viderat, referre dicens. Cum anima mea, vobis litanias canentibus, Sanctosq; Domini inuocantibus, de corpore egrederetur, mox ad preces vestras, Sancti, quos inuocastis, meum in auxilium aduenerunt. Cumq; illi ab eo requirerent si illos, quos nunquam viderat, cognoscere potuisset, respondit. Sanctum Benedictum, sanctum Gregorium cognoui, Beatum Donatum, & Felicem cum reliquis, qui in hac Ecclesia requiescunt Sanctis, meum in auxilium venire conspexi: inter quos Beatus Mercurius Patronus noster, velut splendidum sydus rutilans videbatur. Quem cum interrogassent utrum, nam esset in hac vita moraturus: minime, inquit, nam Beatus Mercurius se ad me assumendum venire spopondit. Quę omnia, ut dixerat, vera fuisse, rei exitus comprobauit.

Defunctus
Monach.
reuiscis

Sanctorum
patroci-
nium.

Eodem namq; die ex hac luce substractus, ab illis proculdubio est receptus, quos antea, moriens, suum in auxilium venire conspexit. Ego denique in eodem Monasterio positus vnum ex illis, qui adfuerant testibus, Siconolfum nomine, superstitem vidi, qui cuncta hæc, ut dicta sunt, se vidisse, & audisse profitebatur. Hactenus Desiderius in Dialogo.

Libri isti Dialogorum Desiderij Abbatis Cassinensis asseruantur manuscripti in Bibliotheca Vaticana, unde nobis data fuit copia eos transcribendi. Citantur hi libri à Cardinale Baronio sæpius in notis ad Martyrologium Romanum, necnon & in Annalibus: suntq. magnę auctoritatis, conseruaturq. eorum transumptum in archiuo sacri Monasterij Cassinensis.

De libris
Dialogo-
rum Desi-
derij Ab-
batis.

In Prouincia Aprutij celebris habetur memoria sancti

Ff 2 Amici

432 Liber Tertius Cassinensis Chronici.

De Sancto
Amicomo
nacho ad
ditio.

Amici confessoris, cuius corpus venerandum in castro sancti Petri de Auellana (quod in spiritualibus, & temporalibus sacro Cassinensi Monasterio subditum est) honorifice conditum requiescit: de quo antiquum Cassinense Martyrologium die tertia Nouembris agit in hunc modum. Eodem die apud castrum sancti Petri depositio sancti Amici monachi, & Eremita, qui multis claruit miraculis. Habentur eius acta manuscripta in Bibliotheca Cassinensi, sed non produnt quo tempore floruerit. Eius festum praedicto die celebratur in Ecclesia Cassinensi sub duplicis officij ritu. Arbitror posteriorem fuisse Desiderio, ac consequenter Sanctis illis monachis, de quibus ipse scripsit, ideoq. hoc ultimo loco ipsum cum alijs coniungere placuit, ut qui simul viuunt in caelis simul etiam reperiuntur descripti a nobis in terris.

Finis Libri Tertij.



CHRO

CHRONICI CASSINENSIS

Liber Quartus.



Patri in Christo venerabili, & semper recolende
memoriæ Rainaldo Sanctæ Romanæ Ec-
clesiæ Cardinali, & sacri Cassini
Montis Abbati.

Petrus Diaconus debitæ obedientiæ famulatum.

PRISCI quondam veterum rerum
Doctores, ob sapientiæ ingenium demon-
strandum; assidue retexere non desi-
nebant, quæ, quanta, vel qualia pro-
spere, aut secus in Romano Imperio
euenissent. De quibus, vel in quibus li-
lum ingenij sui exacuere, & eliminare modis omnibus cu-
piebant, & renitentes sui magisterij flores, per historias
diu desideratas, Imperatoribus ostendebant: summumq;
apud eos studium erat, ut perituram elationis gloriam
longè, lateq. per Orbis circulum propagarent. At Pater in
Christo beatissime, venerabilitas vestri studij, huius sa-
cri Cœnobij residuam historiæ partem texere cupiens, no-
stræ exiguitati hoc præcipere dignati estis, simili quidem
feruoris studio, sed dispari tamen amore; illi namq. scrip-
sere, ut perituram, transitoriam, momentaneam, ac laben-

Plalm 33.

1. Cor. 3.

tem laudem acquirerent, vestra vero à Deo pertegenda beatitudo id exigit, ut pretiosi, præclari, fulgidi, atque laudabiles apud omnipotentem. Dominum simus in futura quietis gloria: illud sæpe, sapiusq. in nostræ mentis archano replicantes: In Domino laudabitur anima nostra, audiant mansueti, & latentur. Ego nempe vestræ iussionis Imperio ceruicem submittens, quartam nostri Chronici decisionem quam vir facundissimus Leo Ostiensis Episcopus, morte præuentus, explere nequiuit, sicut disposuerat, scribere ordiar, illis maxime inductus verbis, quibus hoc onus iniungere dignati estis, dicendo. Ad ea, quæ tibi iniunguntur accingi ne cuncteris, verte oculos ad montes, idest ad præcepta legis, & gratiæ, & inde tibi auxilium veniet. Illius enim est perficere, quod nos velle adiacet, hominum namq. est plantare, Dei autem incrementum dare: ipse namq. suscitatur de terra, & de lacu miseriæ pauperem, eumq. locat cum principibus populi sui. Ergo de illius fidens auxilio aggredere illud, quod tibi à nobis obedientiæ merito imperatur, simul etiam, & quicquid à Patris Desiderij felici ad cœlestia transitu, in hoc euenerit cœnobio, seu in alijs terrarum partibus, studiosius inquirens, exarare sollicitè studeas: illa nihilominus suis in locis adiiciens, quæ nostro videlicet tempore in Orientali climate per peregrinos milites operatus est Christus: simulq. tempora, loca, & personas, & præcipua dumtaxat gesta, ac bella annectens, ex eo videlicet tempore, quo iidem peregrini ipsum bellum auxiliante Deo aggressi sunt, quousque ciuitatem sanctâ Ierusalem receperunt, & sanctum, ac venerabile Christi sepulchrum (propter quod utiq. specialiter profecti sunt) de prophanorum manibus eruerunt. Hoc ubi pectore hausi, conatus sum pro viribus quod iniunxeratis, fidens in illo, cui omnia possibilia sunt, quiq. ea, quæ abscondita sunt Philosophis, & vana gloria

surgit

turgidis, sua largiflua pietate saepe reuelat paruulis, & insipientibus, causam etiam reddens, quæ excusabit nostræ inscitiae culpas, tanti Patris præcipientis auctoritas. Et quia Abbatum series à Patris Benedicti temporibus, usque ad renouationem Ecclesiæ Beati Martini à prædicto Leone fuerat exarata, nos ab eiusdem Ecclesiæ renouatione scribendi sumentes initium, ea, quæ de sanctissimi Desiderij vita descripta non erant, eidem historiæ adiungere curauimus, ne ex maxima parte tertius liber detruncatus videretur. Deinceps Reuerendissimum, & religiosissimum Oderisum, cum reliquis Abbatibus sibi succedentibus, litteris, utcumque mandaturi.

Notandum sane, quia ea, quæ conscribenda sunt, ex registris Romanorum Pontificum, Gregorij septimi, & successorum eius, necnon Principum, & Ducum gestis decerpimus, aliquando sensum tantum, nonnunquam vero illorum verba, & acta, ut descripta erant interferentes. A Girardi porro Abbatis tempore (qui me in hoc sancto Cassinensi cenobio, primo ætatis meæ lustro suscepit) usque ad hunc diem, partim ex ore venerabilis Abbatis Senioreti, sui temporis singularis nostri Ordinis viri, audiui, partim oculis proprijs vidi, partim seniorum nostrorum, aliorumque fidelium relatione comperi. Quod si vestræ sanctissimæ Paternitati non displicere perspexero, alijs me placere confido. Enimuero, ut nostis, disciplinis liberalibus nequaquam operam dedi, sed à quinto ætatis meæ anno, quo ad hunc locum, sicut supra retuli, Christo largiente perueni, diuinis lectionibus, & priscis annalibus, prout Dominus dedit, secundum nostrum scire, & posse adhasi. Quod si aliquis contra nos propter hoc locutus fuerit, & me insulsum, atque indoctum dijudicans, tantum opus nequaquam aggredi debuisse clamauerit, liquido noscat, quia tunc Redemptoris magnalia penè annihilantur,

ff 4

si huma-

- Num. 22.** *si humana rationis astutia inuestigentur. Ille enim, qui brutum animal olim resoluit in verba loquentem, ipse in cordibus seruorum suorum, prout vult, & quantum vult, & quando vult dat verbum. Vnde & per psalmographum*
- Psal. 80.** *Vatem clamat: Aperi os tuum, & ego adimplebo illud; & Iacobus: Si quis indiget sapientia, postulet à Deo, qui dat omnibus affluenter, & non impropert, & dabitur ei. Si quid scientiæ, si quid ingenij, si quid in nobis boni conspiciatur, ad cūctorum bonorum auctorem ex toto necesse est, ut referatur. Ipse namq. dixit: non enim vos estis, qui loquimini, sed spiritus Patris vestri, qui loquitur in vobis, per quem in quo, & à quo omnis sapientiæ, & omnis scientiæ, & omnis bonitatis norma, & principium constat, & finis. Et quia sunt aliqua forsā, in quibus possem à sapientibus merito reprehendi hoc nostrę inscitie imputent, si quæ vero irreprehensibilia, Deo, non mihi ascribant, quia ego distractus necessitate, & perturbatione temporis, hoc opusculum, non quo debui stilo digessi. Qua propter Rainalde Pater in Christo Beatissime, qui nos ad hoc opus eligere censuistis, vestro id, si placet, elimato splendidoq. sermone corrigito, nec simplicis verbi imperitiā, sed historiam nostro Cœnobio attendatis utilissimā.*

CAPVT PRIMVM.

Oderifius
electus Ab
bis anno
1087.




ODERISIVS huius Monasterij Abbas tricesimus octauus, sedit annis decem & octo, mensibus duobus, diebus decem & octo. Hic ex Marforū Comitum origine ducens sanguinis lineam, in ipso pueritię lux tempore, dum in hoc Cassinensi cœnobio à reuerēde memorię Richerio Abbatre suscepit, & habitu sanctę conuersationis indutus fuisset, cernens eum supradictus Abbas luxus sæculi spernere, diuinis

diuinis lectionibus intentum eſſe, contemplatiuam vitam inſiſtenter appetere, & regularis vitæ egregium ſectatorem, Caſſinenſem Abbatē illum futurum eſſe prædixit, qui à prædeceſſore ſuo ſanctæ, ac ſemper venerandæ memoriæ Victore Papa, huius loci Præpoſitus ordinatus, dum idem Pontifex, vt ſupra retulimus, grauiter infirmatus, ad hunc locum veniſſet, in Capitulo Fratrum ſe deferri in lecto præcepit, ibiq; in præſentia Episcoporum, & Cardinalium, qui cum eo erant, admonuit Fratres, vt iuxta quod B. Benedicti Regula præcipit, Abbatem ſibi de ipſa congregatione eligerent; inter Fratres vero habito conſilio, omnes pari conſenſu Oderiſium ad tantum ordinem recipiendum dignum, proclamantes, elegere: quod cum ſupradicto Papæ Victori retuliſſent, ipſe voluntatem eorum, & electionem valde laudabat, eundemq; protinus vocari faciens, omnino inuitum, & renitentem, & virtute, qua poterat proclamantem, & per ipſum Deum, ne hoc faceret obteſtantem, per virgam, & regulam de Abbatia inueſtiuit.

Lib. 3. cap.
pit. 72.

C A P V T I I.



OST mortem autem ſupradicti Pontificis, triſtitia ingens, & deſperatio cunctos noſtræ partis inuaſit, & iam ſerè quid agerent, vel qualiter ſe de Eccleſia intromitterent ignorabant. Prædictis igitur Episcopis circumquaque diſperſis, rursus frequentes Nuntij, crebriq; Legati, tam Romanorum, quàm Ultramontanorum, & Comitiffæ Mattildæ ad eoſdem Episcopos tranſmiſſi, hortabantur pariter, atque rogabant, vt de Romanæ Eccleſiæ ordinatione ſtuderent: vt in vnum conuenientes caput facere chriſtianitatis ſatagerent, membra, Dei auxilio, capiti non deſutura, facile, & in proximum caſuram, & confundendam Eccleſiam, niſi Paſtorem haberet: tandem itaq; rursus vndiq; coadunati, vna cum noſtro Abbate Oderiſio, miſerunt litteras Romanis clericis, & laicis S. Petri fidelibus, vt quotquot ex eis poſſent, prima hebdomada quadrageſimæ Tarracinam venirent, quotquot ve-

ro

ro non possent assensum suum in persona, quam ipsi concordi voto eligerent, proprijs litteris repræsentarent: similiter etiam miserunt litteras vniuersis circumquaque per Campaniam, Principatum, atque Apuliam manentibus Episcopis, atque Abbatibus, vt quicumque possent absque canonica excusatione per se ipsos ad prædictum locum, & tempus occurrerent: non autem valentes, aut per idoneas personas, aut certe per litteras consensum suum transmittere, perfluderent.

Ann. 1088

Factum est, & quarta feria primæ hebdomadis quadragesimæ, octauo scilicet idus Martij, congregati sunt apud Tarracinam Campaniæ ciuitatem cum Episcopis, & Cardinalibus Romanis superius notatis, Archiepiscopi, Episcopi, at Abbates, ex diuersis partibus numero quadraginta; ab Vrbe autem Roma Ioannes Portuensis Episcopus omnium Cardinalium, & clericorum catholicæ dumtaxat parti fauentium, Benedictus vero Præfectus vniuersorum laicorum fidelium legationem, & consensum vnanimen per litteras attulere. Legatorum autem Ultramontanorum, & Matildæ Comitissæ, nonnulli fuerunt orantes instanter, vt eidem propter quam conuenerant rei, cum auxilio, & gratia Spiritus sancti, ita studerent, vt lata illis, à quibus fuerunt legati, nuntia referre valerent.

Altera igitur die conuenerunt omnes pariter ad Episcopatum prædictæ ciuitatis in Ecclesia B. Petri Apostolorum Principis, & sancti Leuitæ Cæsarij, & cum resedissent, surgens in medium Tusculanensis Episcopus, retulit per ordinem omnia, quæ de ordinatione Ecclesiæ, vel Papa Gregorius antea, vel postmodum Papa Victor statuerant, simul etiam, quam ob causam ipsimet vniuersi, tunc in eodem loco conuenerant. De hinc surgens Episcopus Portuensis, & Benedictus Præfectus retulerunt, & ipsi tam clericorum, quam laicorum fidelium à Roma super hoc negotio Legationem pariter, atque consensum, videlicet, vt quemcunque ipsi tunc vnanimi voto ad hoc officium promouerent, eundem pari, & simili consensu in Apostolica sede statuendum reciperent. Cumq; huius Monasterij Abbas, & Archiepiscopus Capuanus, & ad postremum cuncti, qui conuenerant benefactum,

nefactum, recteq; dictum laudassent, atque omnipotentem Deum, ut miseriam, & afflictionem Ecclesiæ, quandoq; respicere, ac releuare dignaretur, multis precibus implorassent, statuere demum cōmuni consilio, ut per tres illos dies, idest quintam, & sextam feriam, ac sabbato, triduanum specialiter ieiunium celebrarent in abstinentia, & orationibus, ac eleemosynis, ut diuinitus ostendi sibi personam tantæ dignitatis condignam, continuis precibus impetrarent.

Dominica itaq; die valde mane omnes iterum in eadem Ecclesia congregati, cum inter se pariter nonnulla de re huiusmodi tractauissent, exurgentes tres Cardinales Episcopi, qui caput eiusdem concilij erant. Portuensis scilicet, Tusculanensis, & Albanensis, ambonem ascendere, factoq; silentio, vno simul ore pronunciant Octonem Episcopum placere sibi in Romanum Pontificem eligendum. Cumq; utrum omnibus idem quoque placeret, sicut est cōsuetudo, requirerent: repente mirabili, ac summa concordia omnes magna voce, hoc sibi placere, dignumq; illum vniuersi conclamant Apostolicæ sedis Papam existere. Tunc Albanensi Episcopo pronuntiante, Urbanum illū placere vocari, mox cuncti surgentes capiunt, eumq; cappam laneam exuentes, purpuram induunt, & cum acclamatione, atque inuocatione S. Spiritus ad altare B. Petri Apostoli illum pertrahentes, in Pontificali solio ponunt, quarto idus Martij, sicq; ab eodem Pontifice missa sollemnis celebrata, vniuersi gaudentes, Deoq; gratias referentes, redire ad sua. Sed de his hactenus, nunc qualiter noster Abbas veteres officinas diruens nouas extruxerit describamus.

Urbanise-
cundi Pa-
pæ electio

CAPVT III.

QUERNENS igitur Oderisius renouationē cœnobij Desiderio ad votum cessisse, ad officinas, quæ ex veteribus supererant, renouandas non segnis accingitur: domum nāq; infirmorum, quam dudum prædecessor suus Desiderius magno sumptu, ac studio, vna cum balneo ædificauerat à fundamentis est orsus euerrere.

Et

Et Monasterij ampliandi occasione ipsam infirmorum domum ampliorem, & meliorem efficere. In decliuo igitur montis latere domum illam construens, tam in longitudine, quam in latitudine, & altitudine maiorem, ac firmiorem erexit. Quæ videlicet longe priore speciosior, mirifice satis est lateribus tecta, & pictorum studio decorata, habens ab Oriente fenestras plures; in cuius capite per pulchram Abbatis cameram constituit, iuxta quam etiam Ecclesiam S. Andreae Apostoli construxit. Desuper autem trabibus, tabulisq; est mirifice laqueata, ac lateribus cooperta, parietibus in gyro figuris pulcherrimis decoratis, pauimenti vero opus quam speciosum, quam solidum, quam multigena marmorum sit diuersitate constratum obtutibus omnium patet. Circuitum etiam claustri magnis marmorum tabulis sepfit: fenestras præterea in absida duas, in frontispicio, ab vno latere, & ab altero totidem instituit, quæ videlicet Ecclesia ab vno capite absidæ sanctissimi Patris Benedicti, ab altero hæret domui infirmorum, iuxta vero eiusdem Ecclesiæ frontem, cisternam arcuato opere fabricauit: à Septentrionali porrò eiusdē Ecclesiæ parte cimiterium construens, lateribus cooperuit: iuxta infirmorum vero domum ab interiori parte coquinam, ac balneum, atque cisternam opere per pulchro extruxit. Claustrum quoque infirmorum inibi super marmoreas columnellas erigens, & picturis decorauit, & tegulis texit. Nihil hoc, vir strenuissimus, expleto moratus, circa atrium maioris Ecclesiæ palatium, in quo nobiles quiq; hospitarentur, fabricauit, & idem trabibus contignans, tegulis cooperuit, iuxta quod etiam cisternam arcuato opere patrari mandauit.

CAPVT IV.

HOC præterea tempore quidam Frater in hoc cœnobio Maio dictus est, qui qualiter à diabolo interfectus, qualiterq; per sanctissimum Patrem Benedictum ereptus sit, præsens textus declarat. Hic igitur dum in domo infirmorum senio fessus maneret, in natiuitate Domini, ob sui corporis necessitate ad secessus pergebat,

pergebat, cui diabolus in humana effigie apparens, dixit ad eum, scio quo pergis, sed quia decrepito iam senio fessus, absque adminiculo tendere illuc inter noctis tenebras minime vales, sequere me: Ego ero dux itineris tui. Hæc dum supradictus Frater audisset, putans eum hominem, non diabolum esse, post eum pergere cepit; cumq; ad fenestram magnam, quæ in medio domus est peruenissent, antiquus hostis senem in eandem fenestram imponens, cumq; exinde præcipitans, interfecit. Fratres vero eum per totam noctem inquirentes non inuenere. Igitur cum eum ubiq; quærent, & non inuenirent, monachus quidam ad eandem fenestram accedens, eumq; mortuum aspiciens, Fratribus ubi iaceret ostendit. Alio vero die idem Abbas, æternæ iustitiæ referatorem precibus pulsare, Fratres admonuit, ut qualiter, vel quo ordine prædictus Frater ex hoc mundo recessisset, pandere dignaretur. Tunc is, qui defunctus fuerat, cuidam Fratri per visionem apparens, quid circa se actum fuerat, narravit, adiungens, quia postquam defunctus est, cum eum diabolus per viam carbonibus plenam duceret, & illum sæpissime in eodē igne volutaret, Pater illico Benedictus adueniens, eumq; de potestate demonum auferens, suo cætui aggregavit. Tunc prædictus Abbas, una cum Fratribus ob eiusdem animæ liberationem Deo gratias referens, constituit; ut quotquot Fratres obirent, tot etiam pauperes usque ad trigessimum diem ad mandatum hospitem addi deberet. Adiuncto insuper vno paupere pro anima Desiderij sui antecessoris, & omni tēpore cum à Capitulo Fratres surgunt, cantent pro defunctis psalmos quatuor, & quotquot Fratres defuncti fuerint, tot etiam psalmi de canticis graduū super præfatos quatuor, usque ad diem trigessimum addantur: insuper sexta feria per totum annum mox, ut missa defunctorum expleta fuerit, psalmos decantantes ad cimiterium pergant, ibiq; dantes orationem, postea de more Capitulum soluant.

Optimum
statutum.

CAP V T V.

HIS porrò diebus dum supradictus Papa Urbanus ad hunc locum venisset, consuetudinario sibi lateris dolore

Urbanus
Pontifex.

¶ S. Benedi-
cto sana-
tur.

Corpus S.
Benedicti
Cassini
quiescit.

lore grauissime tactus est. In vigilijs igitur Patris Benedi-
cti, dum eodem languore cruciaretur, & de præsentia cor-
poris eius dubitaret, visibiliter ei sanctus apparens, dixit
ad eum: Cur de mei corporis præsentia dubitas? ad quem
Pontifex: Tu quis es? & sanctus: Sum Frater Benedictus.
Quia autem tu me in hoc loco dubitasti quiescere, id ne am-
plius dubites, & me certissime in hoc Cassinensi cœnobio
quiescere credas, hoc tibi signum erit. Cum primum ad no-
cturnalem synaxim pulsatum fuerit, statim sanus eris, & his
dictis disparuit. Adueniente autem hora, Pontifex sanus ef-
fectus, Oderisium Abbatem vocauit, dicens: quia vsque nunc
de corpore B. Benedicti dubitavi fateor; sed quia in hac no-
cte me visibiliter sanauit, & suum, suæq. sororis corpus hic
certissime quiescere docuit, surgamus, & Deo laudes per-
maximas reddamus; Et his dictis, quæ sibi Pater Benedictus
reserauerat per ordinem pandit: quanta autem tunc læticia,
& quanta mentis exultatio, de tanti Pontificis sanitate om-
nibus fuerit, quia adhuc ferè omnes, qui videre supersunt,
omitto referre.

A D N O T A T I O.

EXtat de hac re diploma eiusdem Urbani, datum Capue
die Kalendarum Aprilium, per manum Ioannis Dia-
coni Cardinalis, indictione quartadecima, Anno Dominica
incarnationis millesimo nonagesimo secundo, Pontificatus ve-
rò Domini Urbani Papæ secundi, anno quarto: cuius tenor
talis est. Urbanus Episcopus seruus seruorum Dei, omnibus
Ecclesiæ catholicae filiis, Redemptoris nostri sanguine pretio-
so redemptis, salutem & apostolicam benedictionem. Scriptum
est: Sine penitentia sunt dona, & vocatio Dei. Illud verò do-
num quod omnipotens Deus Beatissimo Patri nostro Benedi-
cto, & per eum suo Cassinensi concessit cœnobio, nulla potest
ratione conuelli, nulla violentia permutari quin ipse omnium
Monachorum Pater, & eius iam dictum Cassinense Mona-
sterium caput omnium Monasteriorum perpetuò habeatur,
& meritò: nam ex eodem loco de Benedicti pectore Mona-
stici ordinis veneranda religio, quasi de paradisi fonte mana-
uit:

uit: quem etiam idem venerabilis Pater virtutibus, & sua corporali requie memorabilem toti orbi effecit Cuius dum sacratissima limina, more prædecessorum nostrorum, ipso die vigiliarum eiusdem Patris visitassemus: consuetudinario lateris dolore affecti, ad extrema deuenimus: cumq. iam salutis spes funditus nobis adimi videretur, ac de corporali eiusdem Patris Benedicti in eodem loco presentia in nostro animo dubietas versaretur, nocte, qua eiusdem Patris agebatur sollemnitas, idem sanctissimus Benedictus nostra exiguitati visibiliter apparens, dixit. Cur de nostra corporali presentia dubitas? quem dum quis esset, interrogassemus, Sanctus Domini respondit. Ego sum Frater Benedictus huius Cassinensis cœnobij custos, & habitator in sempiternum. Quia autem tu me hic dubitasti quiescere, id ne amplius dubites, meumq. hic quiescere corpusculum credas, hoc tibi signum erit. Cum primum ad nocturnale officium pulsatum fuerit, ulterius dolore isto non laborabis; & his dictis disparuit. Adueniente autem hora (iuxta quod Sanctus Domini dixerat) sanitati pristinae redditi, cum Episcopis, & Cardinalibus, Deo, & sanctissimo confessori Benedicto grates permaximas referentes, eius festiuitatem digna cum veneratione peregimus. Ob quam rem rogamus, & obsecramus in Domino Iesu, qui pro nostra salute incarnari, & mori dignatus est. & ex auctoritate B. Petri Apostolorum Principis, cuius vice Romanę Ecclesię præsidemus, & in virtute Spiritus sancti expressè precipimus, ne quis ulterius falsam Patris Benedicti translationem celebrare præsumat. Contradictoribus huius nostri Apostolici constituti diuinum iudicium intentantes, & anathematis vinculo innodantes Et quia ex dispensatione sacratissimæ sedis B. Petri Apostolorum Principis, cui Deo auctore, licet indigni administramus, totius Dominici gregis curam gerere pastoralis sollicitudine compellimur; & quæ sequuntur, & ad nostrum propositum minimè spectant.

Aduerte (optime Lector) qualiter summus Pontifex in presenti decreto translationem corporis S. Benedicti falsam, ac per consequens nullam esse decernit. Nec villo modo satisfecit, quod modernus quidam scriptor dicit: Urbanum quidem prohibuisse celebrationem falsæ translationis, non autem ve-

ra,

ra, quasi fuerint duæ S. Benedicti translationes, una vera, altera falsa: quod gratis, & absque ullo fundamento asseritur. Si autem aliqua S. Benedicti translatio vera dicenda est, illa profectò erit non corporis, sed festi eius, translata à die vigesima prima Martij, ad undecimam diem Iulij: hac enim die antiquitus solitum fuisse celebrari in Ecclesia Transitus, seu Natalem S. Benedicti docuimus ex Radulpho Tungrensi in libello de translatione S. Benedicti cap. 5. Hoc autem ita esse euidenter constat ex Sacramentario, siue Antiphonario S. Gregorij Papæ: in quo Sanctorum festa, & missas in eis dicendas disponens, & ordinans sanctus Pontifex, iuxta ordinem temporis, quo tunc celebrabantur: festum S. Benedicti in mense Iulio, post festum sanctorum septem Fratrum, collocavit, cum hoc titulo. In natali S. Benedicti. Gregorium autem multis annis, prætersam corporis S. Benedicti translationem præcessisse, nemo est, qui dubitet. Vnde nullo modo dici potest festum illud translationis corporis S. Benedicti quæ, secundum omnes necdum fuerat facta. Ceterum processu temporis, reducto festo illo mensis Iulij ad suum proprium locum, nempe ad diem 21. Martij: placuit quibusdam Patribus utrūque festum S. Benedicti celebrare: & festo Martij nomen Transitus siue Natalis: festo vero Iulij nomen Translationis indiderunt. Quod multis (primam illius festi institutionem ignorantibus) ansam præbuit, & occasionem errandi, atque opinandi corpus S. Benedicti aliquando fuisse translatum, cum reuera, non corpus, sed festum ipsius translatum fuerit, ut dictum est.

Cardinalis Baronius tom. 11. Annal. anno 1088. videtur respicere ea quæ in hoc capite de Urbano secundo referuntur; eo vel maxime, quod diploma de hac re ab eodẽ Urbano editum, sibi videtur continere non leuia de impostura inditia. Cui nunc respondendum esset: nisi in nostro libello de existentia corporis S. Benedicti apud Casinum cap. 20 à nobis diluta fuissent omnia, quæ aduersus diploma istud adducuntur argumenta. Quare in presenti solummodo dicimus, Cardinalem Baronium deceptum fuisse falsa ipsius diplomatis scriptura quæ habetur in calce Chronici Casinensis impressi Venetijs anno 1513. ubi asseritur datum anno Pontificatus Urbani

bani nono, cum tamen in autographo habeatur quarto, ut a nobis positum est.

CAPVT VI.

TVNC temporis, Gentilis filius Balduini Comitis, vna cum Transmund onepote suo, obtulere B. Benedicto Monasterium S. Mariæ in Luco, cum omnibus suis mobilibus, & immobilibus, & Ecclesiam S. Nicolai in valle Sorana, S. Stephani in Rigo viuo, S. Restitutæ, & S. Mariæ in colle Longo, cum omnibus pertinentijs illarum. Præterea & Morinus Venafranus Comes obtulit B. Benedicto castrum Aquæfundatæ, quod videlicet antiquitus (sicut præcepta Imperatorum continet) intra huius Monasterij fines situm esse dignoscitur, cum omnibus pertinentijs suis, pro quo videlicet castro, idem Abbas centum & quindecim libras ei contradidit.

CAPVT VII.

SEQVENTI tempore supradictus Papa Urbanus, iterum ad has partes deueniens, Ioannem Caietanum, loci huius à pueritia Monachum, Diaconum in Lateranensi Patriarchio ordinauit. Quo etiam tempore, dum apud Troiam Apulię ciuitatem Synodum celebraret, Abbas noster Oderisius proclamationem fecit de cella S. Sophiæ in Beneuento, sed causis bellorum ingruentibus nil iustitiæ habere exinde potuit. His porrò diebus defuncto in Caietana Ecclesia Leone Episcopo, Rainaldus huius cœnobij monachus, in eadem Ecclesia Episcopus ordinatur: similiter in Sardinie Insula Benedictus huius Monasterij monachus Episcopus substituitur. Huius autem Benedicti miracula nosse, qui cupit librum, qui de miraculis prænotatur, à nobis ante hoc ferè septennium exaratum relegat.


Hic fuit
postea Pa-
pa, infra
cap. 64.

Tunc temporis Richardus, cui nomē de Aquila inditum
Gg est,

est, ad hoc Monasterium veniens, Abbatē nostro iureiuran-
do firmavit, quod castrum Suum non recognosceret ab vl-
la persona, nisi tantum ab hoc Monasterio Cassinensi, & ex
prædicto castro seruiret inde S. Benedicto secundum teno-
rem, quem Galfridus Monius Desiderio Abbati fecerat: ad
mortem vero suam, absque alicuius contradictione in huius
cœnobij ditionem rediret .

CAPVT VIII.

Ann. 1090
dedicatur
Ecclesia
S. Martini




DORRO cum à dedicatione maioris Ec-
clesiæ annus iam nonuldecimus, & ab in-
carnatione Dominica millesimus, & no-
nagesimus volueretur, tribus iam annis,
& tribus, ac sexaginta diebus à transitu
reuerendæ, ac semper honorifice memo-
rādæ memoriæ Papæ Victoris tertij elap-
sis, præsidente, atque iubente suprædicto Patre Oderisio, de-
dicata est Ecclesia sancti confessoris Christi Martini, quam
prædictus venerabilis Abbas Desiderius, sicut supra retuli-
mus, in loco ipso, vbi olim à B. Patre Benedicto constructa
fuerat, circa portam scilicet Monasterij, mirifice, ac pul-
cherrime in sedecim marmoreis colūnis erexerat, quamq;
tam musuo, quàm & diuersis picturarum coloribus optime
decorauerat. Dedicata est autem quartodecimo Kalendas
Decembris, ipsa videlicet die octauarum eiusdem B. confel-
soris Martini, feria secunda, cum tribus altaribus suis, in-
genti frequētia ordinis diuersi virorum, & maxima vniuer-
sorum læticia. Quorum primum, atque præcipuum in hono-
re ipsius B. Martini dedicauit vir venerabilis D. Ioannes
Episcopus Tusculanensis, illud autem quod ad dexteram,
ipsius basilicæ situm est in honore S. Erasmi martyris, con-
secrauit Domnus Rainaldus Episcopus Caietanus, qui ipso
anno ex hoc nostro Monasterio, sicut supra retulimus, eidē
Ecclesiæ fuerat datus Episcopus. Tertium vero, quod à par-
te sinistra statutum est in honore gloriosi confessoris Chri-
sti Ambrosij, benedixit Domnus Honestus Reuerendissimus
Episcopus Verulanus. In altare vero S. Martini hæ reliquiæ
conditæ

condita sunt: Matthæi Apostoli, & Euangelistæ, Marci Euā-
gelistæ, Martini Episcopi, Cornelij, & Cypriani, Cirini, &
Maximi, Stephani Papæ & martyris, Sebastiani, Focæ Epi-
scopi, & martyris, ac Quadraginta martyrum. In altare S.
Erasmi habentur reliquiæ eius, Casti, Secundini, & Hippo-
lyti martyrum. In altare S. Ambrosij sunt reliquiæ eius, Au-
gustini Episcopi, Pancratij martyris. Fuere autem cum eis
in hac dedicatione Episcopi etiam alij tres, idest Lamber-
tus Alatrensis, Roffridus Soranus, necnon & Leo Episcopus
Venafranus. Quod autem tamdiu post Patris Desiderij trā-
situm consecratio basilicæ huius dilata est, hoc fuit in cau-
sa, quoniam & picturæ partem aliquam, & pauimenti non
modicam ad complendum, morte præuentus, idem Abbas
reliquerat. Bis enim illam construxit, primo namq; postquā
columnas, & epistilia locauit, Desiderio Capuam adeunte,
Ecclesia ipsa funditus corruit, quod ubi agnouit, in hæc ver-
ba prorupit: Sacerdos Dei Martine pastor egregie ora pro
nobis Deum. Moxq; vir strenuissimus ad hunc locū remeās
Ecclesiā, sicut cernitur, à nouo construere fundamine cē-
pit; sed ut diximus, morte præuentus, hanc explere nequi-
uit; quam successor illius studiosissime complere, & addere,
quæq; necessaria videbantur, curauit: & sic eam dedicari,
quatenus præmissum est; honorificentissime fecit.

Quo tempore Sicelgaita Ducissa coniux bonæ memoriæ
Ducis Roberti, cuius supra meminimus, vita decedens, pro-
pter summam spem, quam in Patre Benedicto habebat, ad
hoc se Monasterium duci fecit, & in paradiso huius Ecclesiæ
ante basilicam B. Petri Apostoli tumulari rogauit.

CAPVT IX.



IODEM præterea tempore, quidam miles
Richardus nomine, in castro degens, quod
Spinium nuncupabatur, horreis alimenta
negantibus, ad eundem Abbatem quanto-
cius properauit, ac preces pro pretio offe-
rens, aliquantum tritici, quo suam conso-
laretur inopiam, magnopere postulauit; at ipse postulantis

G g 2 necessi-

necessitati compatiens, bis quinque tritici modios se ei indubitanter daturum alicriter spondit, & dictis fidem factururus, ut certiores illum redderet, prædixit, quando vel unde esset accepturus. Ille vero substantia pauper, sed mente pauperior, vice contraria persecutionem pro benignitate, pro misericordia impietatem B. Patri Benedicto rependere deliberauit, maiora potius eligens cum execratione possidere, quam paucis contentus, cum benedictione manere; Nam diabolo suggerente, vnius consolationi, alterius compassioni grauiter inuidente, quid apud Abbatem inuenerat idem Richardus Rainaldo Ridello suo Domino in oppido, quod Traiectum dicitur tunc manenti, festinauit referre. Non tamen, ut charitatis exemplo informaretur; scilicet, quod sub recipiendi occasione tritici, castrum quod Fractæ vocatur, in quo erat repositum, locus sibi tradendi congruus haberetur.

Tunc ille aurem accomodans consilio traditoris, eundem Richardum sacramento securum reddidit, quod dimidiam partem supradicti castri sibi esset daturus. Adueniente ergo festiuitate S. Priscæ, Dux nefandi sceleris sub amici specie prædictum castrum ingressus est. Quem nonnulli iuvenes bini, ac bini sequentes, ab inhabitatoribus castrum communi hospitio recipiuntur; recepti autem non virtutis merito, sed fraudis magisterio, de hospitalitate, ad dominationem subito transeunt. Quod ubi Oderisio Abbati nuntiatum est, eidem Rainaldo rogando mandauit, ut accepto centum solidorum pretio castrum Monasterio redderet. Hoc dum ille etiam audire contemneret, per integram hebdomadam ab eodem Abbate commonitus iusticiam huic loco facere contemnens, ante Patris Benedicti corpus excommunicatus est. Quarta autem die Adenulfus Aquinensis Comes ab eodem Abbate, illuc cum exercitu directus, ab oppidanis in castro receptus, arcem oppugnare modis omnibus cepit; Mira dicturus sum, verissima tamen: Nam cum hi, qui in arce erant, super obsidentes viritim lapides, & iacula mitterent, nullus quispiam in aliquo læsus est: sicq; auxilio Dei, & meritis B. Patris Benedicti interuenientibus, eadem, vi arcem cepere, captis omnibus eiusdem Rainaldi fidelibus, qui ibidem re-

perti

periti sunt. Nam ut ista B. Benedicti auxilio, ac voluntate gesta credantur, in exercitu deambulans, quidam monachus apparuit, cum nullus monachorum tunc se illi pugnae miscuerit.

Septimo vero die dum præfatus Abbas cū Papa Urbano Capuæ esset, astantibus multis clericis, atque nobilibus Capuanis, prædictus Rainaldus cum omnibus, qui secum erant veniens, discalciatis pedibus, publice satisfecit: sicq; ab excommunicatione solutus est. Eo etiam die, quo supradictum castrum recepimus, Anno Dominicæ incarnationis millesimo nonagesimotertio, indictione secunda, mensis Ianuarij, die tricesima, dedicata est Ecclesia S. Andreæ Apostoli, quàm idem Abbas à fundamentis, sicut supra retulimus, ædificauerat, à Domino Rainaldo Caietano Episcopo, & huius cœnobij monacho.

Ann. 1093
Dedicatio
Ecclesiæ S.
Andreæ.

Tunc temporis Oderisius filius Oderisij Sangrorum Comititis ad mortem veniens, obtulit B. Benedicto duo sui iuris castella, Fracturam scilicet, & collem Angeli, & quicquid sibi à paterno, vel materno iure pertinere videbatur in toto Comitatu Sangretano.

CAPVT X.

PER idem tempus Iordanus Princeps, cuius supra meminimus, cum vniuersam ferè Campaniam à iure sedis Apostolicæ subductā in deditionem accepisset; apud Pipernum vita decessit: corpusq; eius ad hoc Monasterium delatum, & iuxta Ecclesiam B. Petri Apostoli reconditum est. Capuani autem, vbi mortem Principis agnouere, cōtra Richardum supradicti Iordani Principis filium, eiusq; matrem conspirantes, Capuanæ ciuitatis munitiones capiunt, Normannosq; omnes vrbe depellunt. Richardus autem Auersam vna cum matre recedens: ducem Rogerium in suum auxilium euocat, qui astiuo adueniente tempore, cuncta Capuanæ ciuitati adiacentia flamma, ferroq; consumpsit, & tamdiu eos expugnauit, vsque quo Capuani, necessitate coacti, prædicto Richardo munitiones redderent, eumq; recipientes, sibi in Principem consecrarent.

Gg 3 Idem

Idem præterea Rogerius Dux eo tempore fecit præceptū B. Benedicto de omnibus, quæ Robertus Dux pater eius, una cum vxore sua loco isti concefferant, & de Monasterio S. Anastasie, cum pertinentijs suis in territorio Follo castri. Insuper & decem homines in eodem castro cum familijs, & rebus suis in hoc sancto cenobio per præceptum aurea bulla bullatum concessit; necnon & Monasterium S. Nicolai in Bisiniano, S. Angeli in Troia, & alia multa; sed & Boamundus frater eius, eo anno similiter per præceptum aureo sigillo bullatum, confirmavit omnia, quæ pater eius in hoc loco tradiderat cum Monasterio S. Petri Imperialis in Tarranto, cum omnibus omninò pertinentijs suis, & decimam suam de frumento, vino, hordeo, animalium, piscium, quas tunc habebat, vel deinceps habiturus erat.

CAPVT XI.

Ann. 1095
Signum
mirabile.



Multarum
gentium
comotio.

ANNO autē Dominicæ Incarnationis millesimo nonagesimo quinto, pridie nonas Aprilis, quarta feria post octauas Paschæ, & quarta fermè vigilia noctis vsq; in crepusculum, stellæ innumerabiles de cælo versus occidentalem plagam, ubiq; terrarum cadere visæ sunt. Eodem tempore innumerabilis, & inestimabilis multitudinis occidentalium gentiū facta est comotio; omnibus certè retroactis sæculis inaudita, & admirabilis, cum profecto tot simul gentes, tot Principes, tam subito, tam vnanimiter, tamq; cōstanter absque hominis vllius imperio conspirauisse, nemo qui legerit, nemo qui vel audierit aliquando, vel viderit, alicubi valeat reperiri. Vnde non sine cælesti nutu, ac dispositione diuina, id geri, vel etiam incipi potuisse, nemo est, qui possit ambigere; de quorum omnium magnis, & multiplicibus gestis summa dumtaxat, & excellentia, quæq; breuiter, & compendiosè opusculo isti decreui inferere, quoniam quidem nec mei propositi est per ordinem vniuersa litteris tradere, & certè tot sunt, & talia, quæ prudentis cuiuslibet non parua exigunt ocia, & prolixi, ac specialis voluminis opera.

Fer-

Fertur autē commotionem hanc apud Gallias, occasione quorundam penitentium, principium accepisse. Qui videlicet propterea, quod de innumeris sceleribus digne apud suos penitere nequibant, & quod sine armis, utpote saculares, inter notos conuersari vehementer erubescabant, auctoritate, atque consilio sanctæ memoriæ Papæ Urbani (prudētis planē, & verē Apostolici viri) qui tunc temporis pro negotijs Ecclesiæ partes illas adierat, vltamarinum iter ad sepulchrum Domini à Saracenis eripiendum in penitētiā, & remissionem peccatorum suorum illis iūctum, fide promptissima se arripere spondere, certi, & indubij redditī, quod quidquid aduersi, quidquid periculi, quidquid denique incommodi illis contingeret, loco penitentiæ à Domino recipiendum, si tamen se à præteritis nequitijs continerent. Paulatim igitur ab vno ad alterum, & à Prouincijs ad Prouincias verbo huiuscemodi volitante, incredibile est, ad quantam multitudinem breui tempore conspiratio ipsa peruenerit. Ad indicium autem euident, ac speciale huius expeditionis, communi consilio in vestibus suis signum sanctæ Crucis fecere assuere, & simul altis vocibus DEVS LOVOL, DEVS LOVOL, DEVS LOVOL, per totum iter decreuere frequentius inclamare, & re vera diuinæ iam voluntatis erat, & hoc ipsum clementissima simul, & omnipotentissima illa sua miseratione disposuerat, ut & christianos illarum partium, ex tanto iam tempore sub iugo, & ludibrijs Saracenorum degentes, à dominio illorum erueret, & sancta illa loca salutiferæ natiuitati, passioni, ac sepulture eius dicata, quæ ab impijs per tot annorum curricula, propter iniquitates nostras, & patrum nostrorum, occulto suo iudicio inuadi, ac prophanari permiserat, ipsamq; sanctam ciuitatem Ierusalem, à nostris recuperari sua pietate concederet: atq; ad ea visitanda, & adoranda vniuersos per orbem fideles, sine periculo aliquo properantes, misericorditer exaudiret.

Factis igitur tribus turmis ex omni illa, quæ ad id iam consenserat multitudo, vna pars eorum cum duce Gotifredo, & eius fratre Balduino, & cum Comite Balduino de Monte simul, & cum quodam Petro Eremita, quem sequebatur ingens turba Alemannorum, Vngariam ingressi per viā,

G g 4 quam

Huiusmodi commotionis occasio.

Expeditio Ierosolymitana.

Petrus B. Eremita.

quam olim Rex Carolus strauerat, abiire Constantinopolim: vbi iam illos Longobardorum maxima multitudo prauenerat.

Adnota-
tio.

*Ioannes Bonifacius Societatis Iesu Presbyter lib. 2. de his-
tor. virgin. cap. 15. ex chronico Abbatis Stadenfis, notat de
hoc Petro, quæ sequuntur. Petrus genere Hispanus Ordinis
Benedictini, dum christianos Principes ad Terræ sanctæ re-
cuperationem excitat, numerum hunc excogitauit salutandi
Mariam Virginem, Ave Angelico ter, & sexagies repeten-
do, in memoriam tot annorum quos vixisse Virginem crede-
bant; corona hæc vulgo dicitur. sic ibi. Hic est Petrus Ere-
mita in presenti nominatus.*

Pars vero alia cum Raimundo Comite S. Aegidij, & cum Episcopo Podiensi per Sclauoniam perrexit. Tertia autem pars per antiquam stratā Romam venit, cum Roberto scilicet Comite Flandrensi, & Roberto Comite Normanniæ, & Hugone, qui vocatus est magnus, & Gulielmo Marchisij filio, cum alijs pluribus: qui videlicet per nostrum Monasterium Cassinense transeuntes, & Benedicto Patri, ac Fratribus se plurimum commendares, Barium profecti sunt.

Interea Boamundus filius bonæ memoriæ Ducis Roberti cognomento Guiscardi, qui primo cum patre, de hinc per se, multa cū Constantinopolitano Imperatore, eiusq; exercitibus prælia iam dudum prospere gesserat, cum esset in expeditione, vna cum patruo suo Comite Rogerio in partes Campaniæ, & hæc omnia per ordinem ad aures peruenisset ipsius, mox ad eiusmodi seruitium subeundum cælitus animatus, pannum sericum sibi protinus conferti præcipiens, totum in frusta diuisit, & tam sibi, quàm & omnibus suis, & pluribus alijs, ob id negotium ad se cōfluentibus, sicut alios fecisse audierat, cruces inde in vestibus suis, & simul omnes DEVS LOVOL, inclamare magnis vocibus iussit. Qua fama exciti omnes Rogerij milites, tam multi ad huiuscemodi cōfederationem subito cōfluxere, vt paucis sibi relictis, prædictus Comes, mēstus ad Siciliam remeauerit. Mox Boamundus ad sua regressus, ad præfatum iter aggrediendum se præparauit. Perrexere autem cum eo Capitanei hi: Tancredus Marchisij filius, Robertus filius Girardi, Richardus de Prin-

Principatu, & Rainaldus frater eius, Robertus de Anſa, Hermanus de Cannis, Robertus de ſurda valle, Robertus filius Froſtoni, Hunfridus Ser Rao, Richardus Ser Comitſ Rainulſi, Gotfridus Comes de Ruſcilione, & Girardus frater eius Episcopuſ de Ariano, Boellus Carnotenſis, Alteredus de Caniano, & Ioffredus de Montecalſoſo, & plures alij, quorum ad præſens non reminſcitur.

Cum vero trãſfretaſſent venire ad Velonam, ibiq; ſocia- ti ſunt eis Flandrenſis Comes, & Comes de Normannia, & alij plures, qui cum illis tranſierant. Inde progreſſi venire in partes Bulgariae, in vallem Andrinopolis, inde Caſtoriã, inde Paſſagoniam, demum ad flumen Bardanum. Cumq; audiſſet Imperator venire Boamundum, miſit europalatem quemdam, qui illum cum omnibus ſuis ſecure, & hono- riſce conduceret, vſque ad Conſtantinopolim: venientes autem ad Ruſſam ciuitatem Boamundus relicto ibi vniuerſo exercitu, cum paucis abiit Conſtantinopolim, cum Im- peratore locuturus, ibiq; inuenit Ducem Gotfridum cum fratre eius.

Vocaba-
tur Impe-
rator hic
Alexius
Cõnenus.

Comes interea S. Aegidij cum Podienſi Episcopuſ, poſt multa pericula, vix de Sclauorum terrã egreſſus, venit Dir- rachium, indeq; progreſſus poſt dies aliquot, introiit Con- ſtantinopolim. Huc vſque tamen omnes hi, quos prædixi- mus, & maxime primi, non ita facile, verum cum magna difficultate, multisq; anguſtijs, & periculis perueniſſe cre- dendi ſunt, quæ videlicet tam à Turcis, & Pizinacis, alijsq; Barbaris, quã etiam, & ab ipſius Imperatoris exercitibus, per diuerſa loca perpeſſi ſunt: pluresq; ex eis alij fame, alij gladio, quidam verò diuerſis infirmitatum, mortiumq; ge- nerbus periire: multoties tamen ex prædictis Barbaris vi- ſtoriam Chriſtus ſuis peregrinis conceſſit.

Cepit præterea Prouidus, & Callidus Imperator cum Duce, & Comite, atque Boamundo, cæteriſq; eorum ſocijs agere, quod ſi vellent ei ex ſacramento ſecuritatem, & fi- delitatem facere, ipſe quoque omnibus illis fidem nihilomi- nus, & ſecuritatem daret, iuraret etiam, quod ſimul cum eis, & ipſe cum exercitu ſuo in viam ſancti Sepulchri per terram, & per mare pergeret, & mercatum illis concederet,

ret, & quęq; perdita liberaliter restauraret; insuper & Bozā mundo quindecim dierum terram in longitudine, octo autem in latitudine ex ista parte Antiochię daret. Sed dum hoc facere diu ex consilio detrectarent, ita tandem (multa, & ineuitabili necessitate coacti) iurare assensi sunt: ut si Imperator iuramentum, quod se facere pollicebatur, illis fideliter obseruaret, isti quoque suum nullatenus pręterirent. Quo factō mox omnis supradictorum exercitus transmeato brachio, profecti sunt ciuitatem Nicomediam.

Ann. 1096
mense Ma
io Nicā
obsident.

Videns itaq; Dux Gotfridus, quod tanto exercitui arctā nimium esset via per quam transire ad Nicām debebant, utpote per valde ardua, & excelsa montana, pręmisit tria millia hominum cum securibus, & alijs ferramentis, qui eādem viam viriliter inciderent, & spatiant: crucesq; ferreas, ac ligneas fieri, ac supra stipites pro signo vię iussit affigi. Ventum tandem est ad Nicām, quę videlicet ciuitas nobilissima, & valde munita totius Romanię caput esse dignoscitur, ibiq; castrametati sunt sexto die incipiente mense Maio, obsederuntq; illam per continuas hebdomadas septem; ipso autem primo biduo, tam acriter nostri ciuitatem ipsam aggressi sunt, ut quandam muri partem perfoderent. Tertia vero die cum Soliman Rex Hunnorum (quos nunc Turcos vocamus) cum ducentis millibus equitum ā meridiana porta, quę nondum custodiebatur ad auxiliandum socijs vellet intrare, repente irruit super eos Comes S. Aegidij, & tanta eos virtute contriuit, ut vix paucis euadentibus, ceteros obruncaret: itemq; alios cum tanta superbia accedentes, ut etiam funes secum, quibus nostri vincirentur afferrent, Dei auxilio deuicere; eorumq; capita ad reliquorum terrorem, cum fundis, & alijs instrumentis intra eiuitatis muros iacere. Tunc ad omnem penitus ciuitatis adytum disturbādum, fecere in circuitu eius vnusquisque de prędictis magnatibus, vnum castellum ligneū, & cępere cum diuersis machinis ciuitatis turres confringere.

Post hęc, consilio habito, elegere de suis tres prudentissimos viros, & misere Babyloniam ad Amirarium cum litteris huiuscemodi, videlicet, ut sciret, quod vniuersi Francorum Principes Ierosolymam vnanimiter pergerēt, & iter ad

ad ſepulchrum Domini aperire diſponerent, deq; prophanorum paganorum dominio, chriſtianorum terram eripere, eosq; inde turpiter eijcere, cum Chriſti auxilio vellent: videret nunc, quid ſibi agendum eſſet, & eligeret, vtrum vellet, aut fide Chriſti recepta, illorum de cætero amicum manere, aut amicitia paganorum præſata, obuiam illis in bellum exire. Erat igitur iuxta ciuitatem lacus quantitatis non modicæ, per quem Turci cum nauibus exeuntes, nonnulla ciuibus ſubſidia deferrebant; Accepſto itaq; conſilio, miſere ad Imperatorem orantes, vt mandaret illis aliquot naues vſque ad portum ciuitatis, ac deinde faceret eas cum bobus, deferre per montana vſque ad prædictum lacum: factumq; eſt, cumq; naues applicuiſſent, nocte miſere eas in lacum plenas armatis Turcopolis, quos cum eiſdem nauibus Imperator tranſmiſerat, & facto mane cæpere properare contra ciuitatem, quod Turci videntes cæpere valde mirari, ignorantes vtrum de ſuis eſſent, an de Imperatore: cum autem cognouiſſent naues illas Imperatorem mādāſſe, cumq; noſtris fauere, de ſuis vero neminem illis poſſe ſuccurrere, conſuſi, atque perterriti, & penitus desperantes, miſere Imperatori, quod ſi eis cum vxoribus, & filiis, & armis ſuis exire impune liceret, ipſi ſponte ciuitatem protinus redderent. Tum Imperator mandauit illis, vt redita ciuitate ad ſe ſine aliqua trepidatione fiducialiter properarent. Quoniam autem Imperator iam dudum promiſerat, ſe omne aurum, & argentum, & equos, omneſq; ſuppelleſilem ciuitatis noſtris contradere: ſed & Monasteriū ibi latinum, ac xenodochium conſtituere, ſperantes in verbis eius veritatem eſſe, deditionem ipſam, & laudauere, & miſere. Sed Imperator ciuitate recepta lætiſſimus redditus, nihil eorum, quæ fuerat pollicitus fecit.

Poſt hæc mouentes inde tentoria, cum iam tertia die ante lucem iter arripuiſſent, noctis errore conſuſi, in duos ſeorſum cuneos per duos ferme dies diuiſi ſunt. Interea ingēs multitudo Turcarum, atque Perſarum, Arabumq; coadunata, verſus cuneum in quo Boamundus erat, ſummo diluculo tendere cæpit: immenſis vocibus more ſuo garrientes, ſtridentes, atque frendentes. Quod Boamundus magnanimus

vir

vir prospiciens, cepit hortari socios dicens: O fortissimi Christi milites, nolite terreri, scientes quod Dominus cuius bella bellamus, nobiscum est. Equites igitur abeant contra illos, pedites vero festinanter extendant tectoria, quod vult Deus de nobis hoc faciat. Erat tunc cum illo Comes de Normannia, & Tancredus; misit interea Nuncios ad ceteros Principes, ut quantocius festinarēt succurrere illis, cincerant enim illos undiq; Turcæ, & Arabes, quorum non esset numerus, & nequaquam tanti prælij pondus ferre soli valerent. Quod illi audientes, quamvis id minime crederent, & hæc sub ludo mandata esse putarent, profecti tamen protinus sunt, & cernentes tantam hostium multitudinem, valde mirati sunt. Tunc accepta à Deo fiducia ordinauere acies, steterunt in sinistro cornu Boamundus, & Comes Normanniæ, & Tancredus, & Richardus de Principatu, & Robertus Ser Girardi eorum signifer. In cornu vero dextro Comes S. Aegidij, Dux Gotfridus, Hugo magnus, & Comes Flandrensis: Episcopus autem Podiensis per montana cingebat eos, statimq; ut à nostris omnibus pariter inclamatum ex more est DEVS LOVOL, tanto mox terrore Barbari omnes arrepti sunt, ut quantotius fugam inirent, quos nostri instantissime persequentes, multitudinem ex eis maximam occiderunt, per diuerticula quæq. vix cæteris euadentibus.

Christia-
norum vi-
ctoria.

Christiani
celitus ad-
iuti.

Deut. 32.
vers. 30.

Fertur relatione fidelium, & ipsorum quoque Turcarum, qui euaserant, testimonio comprobatur: quod tres egregij milites super albos equos sedentes, & alba nihilominus vexilla crucibus insignita gerentes, exercitum nostrorum præcedere, & aduersarios quosq. insequi, ac perimere videbatur, Georgium scilicet, & Demetrium, atque Theodorum insignes Christi milites coniicientes. Nec mirum plane illud, nec incredibile debet videri: quomodo enim persequetur vnus mille, & duo fugarent dena millia: nisi, quia Dominus vendidit eos, & Deus tradidit illos? Nam itinere trium dierum postea inueniebant nostri Turcas occisos, & equos illorum, cum nondum aliquis illuc de nostris transisset. Fertur autem ad illam expeditionem Turcarum, atque Persarum quadringenta sexaginta millia conuenisse, præter Arabes, quorum numerus ignoratur. Præda omnis in auro,
&

& argento, veſtibus, atq; animalibus ſatis magna inter omnes diuiſa. Durauit autem pugna hæc ab hora fermè tertia uſque in veſperam, acta ipſa die Kalendarum Iuliarum, cecideruntq; in eo prælio de noſtris duo nobiles, ac feliciffimi milites, cum maximo certe dolore cunctorum, Ioffredus ſcilicet de Montecalloſo, & Gulielmus frater Tancredi, & quingenti ſexagintaſex equites, & vndecim millia pedites, Saracenorum vero pluſquam centum millia.

Accidit poſt hæc, vt Soliman Dux Niceæ ab inde fugiēs, obuius fieret exercitui Arabum circiter decem millium, venienti in auxilium ſuorum, qui percūſus ab eis, cur nam ſic fugeret, reſpondit: Si mihi credere, vobisq; conſulere vultis, vertite curſum, alioquin, ſi vel parum teritis moras, nemo veſtrum euadet manus Frācorum: Deus enim eorum pro certo cum illis eſt. Nam cum nudius tertius ita eos vndiq; cinctos, & ſuperatos iam ferè in manibus haberemus, reſpicientes, ſubito vidimus tam innumeram gentem, quā tam nemo vnquam hominum vidit. Siquidem tam montana, quā plana omnia repleta erant armatis, moxq; vociferantibus cunctis, tanta nos repentè formido, tantus tremor arripuit, vt nihil aliud quā fugam meditari poſſemus: mirum valdè ſi quiſquam de tanta illa multitudine noſtra viuus euafiſſet. His Arabes, & huiuſcemodi verbis auditis, protinus terga verterunt, & dum fugerent ante noſtros, vbicumque applicabant, glorificabantur, dicentes. Nos ſumus, qui ſuperauimus Francos, & deuſtabant Eccleſias, & domos, & villas, & filios chriſtianorum ducebant captiuos, & incendebant omnia, quæ noſtris fore neceſſaria viderentur; Noſtrorum itaq; exercitus, dum illos indefinenter inſeque- retur, per inaquoſa, & deſerta loca maximam equorū multitudinem amiſit, ipſi quoque per dies aliquot nil niſi ſolas agrorum ſpicas reperiebant ad comedendum. Tandem per Iconium deuenere Heracleam, ibi quoque cum non parua Turcorum manu congreſſi, ſuperatos fugere compulere.

Hinc Tancredus, & Balduinus frater Ducis Gotfridi, ab exercitu diuidentes, ingreſſi ſunt vallem de Botrentot. Inde Tancredus cum ſuis tantum progreſſus, venit Tharſum, ibiq; cum Turcis, qui illi haud procul à ciuitate occurre-

Victoria
partu Ka-
lendas Iu-
lij anno
1096.

Noſtri
Tharſum
oppugnat

runt confligens, intra eandem illos se tutari coegit, moxq; ante ipsius Urbis portas tentoria fixit. Balduinus etiam superueniens similiter fecit, quod Turcæ videntes exterri- ti, omnes nocte illa fugere. Facto mane exeuntes ciuitatis maiores, Tancredo illam spontaneæ tradidere, quem vide- licet tam strenuè viderant cum Turcis pridie dimicasse; quàm Tancredus Balduino relinquens, & in anteriora con- tendens, Adenam, & Mamistam similiter acquisiuit: necnon & vniuersa castella vsque Antiochiam. Cæteri vero ad He- raceam digressi sunt, castella, seu ciuitates ipsius partim vi, partim deditione recipientes, & versus Antiochiā quam- totius properantes. Cum autem prope iam essent, præcur- sores exercitus nostri, non paruam Turcarum manum, qui Antiochiæ ad suffragia ferenda veniebant, offendunt; quos in Christi nomine vnanimiter aggressos, plures eorum in- terfecere, cæteros vero in fugam verterunt, pradamq; ma- ximam equorum, & camelorum, quos diuersis victualibus oneratos deduxerant, acceperunt, atque iuxta ripam flu- minis Pharphar eo die castrametati sunt.

Meminit
huius flu-
uij sacra
scriptura
4. Reg. 5.
vers. 12.

CAPVT XII.



IS diebus Richardus de Aquila, cuius su- pra meminimus, obtulit B. Benedicto Ec- clesiam S. Helix in Ambrise, S. Mauritij in Monte, supra castellum S. Ioannis de Carica, S. Mariæ ad fontem de monte Ceruario, & S. Ioannis de Fabrateria, lo- co Campusani, cum terris, vineis, casis, molendinis, & omnibus tam mobilibus, quàm immobilibus illarum. Quo tempore idem Abbas dedit ei libras viginti- quinque. Similiter Pandulfus de Præsentano obtulit B. Bene- dicto partem suam de castro Mirtula, & Bantra Comitale, & S. Saluatoris in Cucuruzzo cum vniuersis pertinentijs il- lorum: pro qua etiam re Abbas Oderisius nonaginta sex li- bras ei contradidit. Rodulfus etiam de Molisio Bouianensis Comes, chartam fecit huic loco de Monasterio S. Crucis in Hisernia, necnon de castello, qui vocatur Balneus, cum ca- sis,

ſis, terris, vineis, aquis, molendinis, ſiluis, Eccleſijs, & vniuerſis pertinentijs ſuis, tam intus, quàm foris: Accipiens ab eodem Abbate libras centum. Petrus quoque filius Atenulfi cum Ioanne cognomento Rouere fratre ſuo, idem fecit de S. Ioanne in campo Samni cum pertinentijs ſuis, territorio Ceperano. Idiplum fecit, & Rainaldus Comes Pontificurui de Monafterio S. Pauli in Foreſta cum pertinentijs ſuis. Sed & Lando Dux olim Caietanorum, eodem tempore fecit, & ipſe chartam B. Benediſto de omniſus, quæ ſibi à paterno, vel materno iure pertinebant in toto Ducatu Caietano, ac Principatu de ciuitatibus, caſtellis, villis, Eccleſijs, ſiluis, & alijs omnibus.

CAPVT XIII.

HIS porrò diebus, Cidrus Vicecomes Richardi Principis ad hunc locum veniens, ſanctæq; conuerſationis habitum accipiens, monachus factus eſt. Opportunum vero videtur, tam ad præſentium, quàm ad poſteriorum notitiam ſcribere, quid iſte diuerſis temporibus huic loco obtulit. Prima igitur vice dedit Domino Deſiderio Abbati, quando cepit renouare Eccleſiam S. Benediſti, ſolidos Amalphitanos octingētos. item alia vice dedit ei ſolidos quadringentos. Item dedit ei ſolidos trecentos, de quibus emit Circitorium optimum ad altare S. Benediſti. Item alia vice dedit ei centum libras argenti. Item alia vice pro tabula altaris B. Martini libras vigintiquatuor. Poſt Patris autem Deſiderij tranſitum, obtulit B. Benediſto crucem auream pretioſam cum gemmis, & margaritis, & ſerinium aureum miſificum, & calamarium aureum, margaritis, & gemmis pretioſiſſimis vndiq; adornatum; veſtem etiam Imperialem totam deauratam, gemmis ſmaltis, ac margaritis decenter ornatam. Pallium purpureum, & liſtam auream pro pluuiale. Item pro corona argentea libras quadraginta; pro conſtructione cimiterij libras viginti; item libras argenti quinquaginta. Pro tabula altaris S. Andreæ libras viginti, necnon & plura alia in vtilitatibus Fratrum in diuerſis temporibus.

Arnulfus

Arnulfus interea vir nobilis, cum omnibus parentibus suis eo tempore fecere huic sancto loco chartam oblationis de Rocca, quæ vocatur Ciuitella, necnon & de Monasterio S. Saluatoris ibidem constructo, & Ecclesiam S. Petri de Montescopulo, ac medietatem de Ecclesia S. Mariæ, & de Ecclesia S. Agnelli in Cæse, & curtem in Petracle, & in Alano, in Paganica, & in Porcaria cum omnibus pertinentijs illarum, tam mobilibus, quàm immobilibus.

CAPVT XIV.




DOMINUS quoque tempore, cum Aquinenses Comites ferali aduersus Soranos odio defauirent, ab eisdem Soranis contra eos Ionathas filius Iordani Principis est euocatus, qui desiderium acquirendæ Campaniæ, per hos se inuenisse lætatus: Normannos ad se euocans, urbem Soranam ingressus est. Vbi cum per aliquot annos remoratus, pugnas ibi nonnullas fecisset, & recepisset: ab eodem Ionatha Adenulfus Comes captus, atque in carceris est vincula coniectus. Tunc capti Comitæ fratres Landulfus, Pandulfus, & Lando, Oderisium Abbatem adeunt, utq; sibi in tantis necessitatibus subueniret, modis omnibus poscunt. Abbas vero Oderisius sociatis sibi aliquot fratribus, Ionatham apud Soram remorantem adiit, ibiq; cum eo colloquens, prædictum Comitem à vinculis soluit, sub hoc videlicet tenore, ut quousque mille libras Ionathæ persolueret, filios suos obfides illi pertraderet, quod & factum est. Post hæc autem, idem Comes ad Monasterium veniens idem Abbas dedit ei libras cētum, & alias centum accomodauit, & Comes Adenulfus dedit in ciuitate de sancto Urbano omnes illos, quos beatæ memoriæ Dominus Desiderius Abbas cum eo cōcambiauera cum omnibus eorum pertinentijs in integro, sicut Dominus Desiderius Abbas ante commutationem tenuerat tali tenore, ut à proxima Paschali festiuitate veniente vsque ad aliam Resurrectionem, vel antea si potuerit fieri, si Comes Adenulfus reddiderit centum libras, siue de alia tali merce.

merce, quæ Abbati, vel Monachis complacuerit, reddant ex integro ipsi supradictos homines: si vero ad prædictum terminum easdem libras non reddiderit, per chartam legaliter scriptam, testibusq. roboratam, amittat omnes homines iam dictos cum omnibus illorum pertinentijs, quæ supradicti sub Abbate Desiderio tenere, ita tamen, ut usque ad prædictum terminum sic possideant, & habeant ipsos homines, ut hodie habere videntur. Excipitur mons de Albeato cum vineis, & terris, si tamen ibi castrum ædificauerit. Excipitur, & Miluezu cum rebus soceri sui, & Presbyteri Landonis Auunculi sui; Refutauit etiam terram huic Monasterio pertinentem, quæ est ad Petram scriptam, quam post mortem patris sui, idem Comes ab huius loci ditione subdlexerat. Adueniente vero reddendi pretij termino ab Oderisio Abbate Adenulfus Comes conuentus, ut supradictas libras, Cassinensi cœnobio redderet, se non habere professus est unde has nobis restituere posset.

CAPVT XV.

HIS quoque diebus, Paldus Comes filius Ioānis Venafraui Comitis, reddidit B. Benedicto Ecclesiam S. Benedicti in Venafro, & S. Benedicti Pizzuli cum omnibus pertinentijs suis, quas videlicet Desiderius Abbas inconcambium dederat Ioanni patri ipsius; sed & Tefendus vir nobilis obtulit huic sancto cœnobio Ecclesiam S. Petri subtus Castrum Murolum, S. Angeli, & S. Martini supra castrum idem, necnon octo familias hominum cum vniuersis substantijs suis in hoc loco deuotissimus obtulit.

CAPVT XVI.



Vbi huius Abbatis temporibus, Balduinus Dominus castelli, quod vocatur Pōs S. Anastasiæ, in Comitatu Telefino, obtulit B. Benedicto Ecclesiam S. Dionysij de prædicto castello S. Anastasiæ, quā ipse valde paruulam reperiens, ac vetustam, à fundamentis

H h reno-

renouauit, & ampliauit, eamq. nonnullis possessionibus, atque colonis ditans, & mansiones in circuitu construens, Dōnum Roffridum Beneuentanum Archiepiscopum illam dedicare sollemniter fecit (commonitus à supradicto Papa Urbano) cum terris, vineis, superpositis, & filuis cum arboribus cultis, & incultis, & Ecclesijs antiquis constructis intra easdem pertinēcias, videlicet Ecclesia sanctæ Dei Genitricis, & virginis Mariæ, quæ ad Aruente vocatur, Ecclesia S. Angeli, quæ dicitur ad Gruttam, Ecclesia S. Barbati, Ecclesia S. Iuliani, quæ constructa est in territorio castelli Limatæ, quæ dicitur ad pugnam, cum omnibus pertinentijs suis. Insuper & Ecclesia S. Erasmi intra fines ipsius castelli Pontis S. Anastasiæ, in loco, vbi dicitur Ferrarii, cum molendinis sex in fluuio Aleteo, qui vadit iuxta prædictum castellum Pontis S. Anastasiæ, & piscaria in fluuio eodem, in loco, vbi dicitur de Combi, & vinea, & filua, quæ ad dominica sita est. Osbertus etiam filius Rainulfi Comitis, restituit huic sancto loco Ecclesiā S. Mariæ de Cinglis cum pertinentijs suis, nec multo post Nicolaus Presbyter de Venafro iudicauit, & tradidit huic cœnobio Ecclesiam S. Nicolai in ciuitate Venafri cum omnibus pertinentijs suis.

Ann. 1096

Adelgrima quoque Comitissa filia Pandulfi Principis Capuani habitatrix in territorio Carseolano, in castello, quod vocatur Auricula, relicta Rainaldi Comitis filij Berardi Comitis, iudicauit, & tradidit quatuor castella in dicto territorio Carseolano, Anno Dominicę incarnationis millesimo nonagesimosexto. Primum quidem castellum, quod vocatur Auricula, secundum, quod vocatur Fossaceca, tertium, quod dicitur Camerata, quartum, quod nominatur Piretus: necnon tria Monasteria, videlicet Monasterium S. Ioannis cum ipso hospitali, S. Ioannis de valle Caluula, & S. Petri de Pireto. Castella, & Monasteria supradicta cum omnibus omnino pertinentijs suis.


Eodem anno stella cometes apparuit, & Vrbs Antiochena à christianis capta est. Sequenti vero tempore, idibus Iulij, christicolæ ciuitatem Ierusalem cęperunt, & in cœlo ignea via per totam noctem visa est, quinto Kalendas Octobris.

A D.

A D N O T A T I O.

Antiochia capta est à christianis, Anno millesimo nonagesimo sexto, Ierosolyma vero, Anno millesimo nonagesimo septimo, idibus Iulij.

CAPVT XVII.



LEXIVS Imperator Constantinopolitanus, per Ioannem Curopalatem suum, transmissit B. Benedicto, vestem de dorso suo totam deauratam, quem profecto legatum prædictus Abbas honorifice satis suscepit, eundemq; Imperatorem participem bonorum, quæ in Cassino operantur in perpetuum constituit, legatumq; suum cum litteris ad eum direxit, per quas Christianos, qui ad expugnandam Paganorum perfidiam Ierosolymam perrexerant, illi commendare curauit, ac præterea curam domus peregrinorum, quæ in Cassino est, ad remissionem omnium peccatorum ei gerendam iniunxit. Pari etiam modo litteras Gotfrido Regi Ierosolymitano, ac Boamundo Principi Antiocheno, ne Imperatorem debellerent, transmittere studuit. Alia vice libras octo solidorum Michalatorum misit idem Imperator, causa memoriæ, & pallium triacontasimum pro altari nostræ Ecclesiæ. Tunc temporis Abbas noster Oderisius à præfato Urbano Papa priuilegium generale accepit de liberatione huius cœnobij, tam in capite, quàm in membris, Ecclesiarum, atq; castrorum.

CAPVT XVIII.

IDEM præterea Pontifex Apostolicæ sedis Urbanus pro negotijs Ecclesiasticis, vt supra diximus Galliam ingressus in plenario Turonensi, vbi ipse præsidebat concilio, Monasterium S. Mauri in Glanhnofolio à Tyrannide Fossatensium Monachorum abstrahens, pristina libertati restituit, sub magisterio tantum, & tutela Monasterij Cassinensis perpetuò manlurum.

Hh 2 Per

Per hos dies idem Abbas Oderisius per Georgium Monasterij sui monachum, Henrico quarto Imperatori, litteras destinavit, per quas se Desiderio in Monasterij regimine, & Imperatoris fidelitate, & seruitijs successisse monstravit. Quo etiam tempore iam dictus frater Georgius in presentia prædicti Imperatoris Henrici, & Henrici quinti filij eius, & Mattildæ Comitissæ, proclamationem fecit de possessionibus cœnobij Cassinensis apud Liguriam constitutis, quæ Patri Benedicto Aysulfus, & Desiderius Reges Longobardorum, necnon Carolus, Pipinus, & Lotharius Imperatores, ac cæteri Dominum timentes concesserant. De Monasterio S. Benedicti in Persiceta territorio Mutinensi intra fines fluij Fusculi, & limitis Manimeliaci, quod videlicet Petrus Dux ciuitatis Rauennæ B. Benedicto sub Abbate Angelario obtulerat cum tota curte Persiceta, & curte de Greniano, & curte de Monterione, cum molendinis duorum fluuiorum idest Fusculi, & Gallici. Deinde Monasterium S. Mariæ in Laurentiatico vltra fluuium Gallicum: inde non longe est Monasterium S. Donnini in curte Argellæ, vna cum silua alta, & silua maiore, & tota piscaria, quæ dicitur Caucenna vsque in fluuium Gambacane, & vsque in Rosalese, & vsque in curtem Ragogusala. Deinde subtus viam publicam Monasterium S. Vitalis cum tota curte Calderaria, prope castrum Sala. Monasterium S. Ioannis in Frassenetula cum tota curte ipsa, vsque ad stratam Petrosam, situm prope castrum Cedula. Monasterium S. Martini iuxta stratam petrosam in casali Marciano cum tota ipsa curte, prope castrum Vnciola, & omnia dominicalia. Monasterium S. Saluatoris in Pontelongo cum tota eadem curte per Comitatum Mutinensem. In pertinentia de Monterione ex superiori, & inferiori parte ipsius castri, quamplurimæ petiæ de terra, & molendinum in loco, qui dicitur Campalda, in fluio Fusculo, & curtes, quæ sunt in Benselio, quæ Berca filia Compalacij Ticinensis obtulit B. Benedicto, intra hos fines. Ab Oriente limes Bisentulæ. A meridie via, quæ appellatur maior, & limites de Maleandroni. Ab Occidente flumen Riolum, subtus Castellionem. Hæc inquam omnia cum vniuersis pertinentijs, & appenditijs suis in circuitu,

cum

cum casalibus, fundis, & cum Dominicalibus, cum villis, rusticis, colonis vtriusque sexus, cultum, incultum, diuisum, indiuisum, subter, & super ad ius pertinuerant antiquitus Monasterij Cassinensis: de his omnibus Imperator, veritate cognita, Matildæ Comitissæ præcepit, vt cuncta iam dicta eidem Fratri reassignaret pro parte, & vice Monasterij Cassinensis, centum librarum auri pœna apposita.

Per idem tempus Monasterium S. Mariæ de Cinglis, de quo etiam tempore Abbatis Desiderij, & huius Abbatis, diu proclamatum fuerat contra Abbatissam S. Mariæ in Capua, quæ ibidem violenter ingressa fuerat, visis vtriusque partis iuribus, prædictus Pontifex nobis restituit; & per priuilegium sub dominio huius cœnobij, & ordinatione manere constituit, Anno Dominicæ Incarnationis millesimo nonagesimooctauo,


Ann. 1098

Eodem anno bonæ memoriæ Vrbanus Apostolicæ sedis Præsul obiit, cui Raynerius Abbas sanctorum Laurentij, & Stephani in Apostolicam sedem Pontifex subrogatur, Paschali nomine illi imposito.

CAPVT XIX.

DER idem tempus Anso Rector Beneuentani Principatus, ad fidelitatem Romanæ Ecclesiæ, & nobiles viri fratres sui, Dauferius & Atenulfus, Ioannes & Berardus, Petrus & Alfamus, & Luitprandus filij Dñi Dacomari Beneuentani Præsidis, obtulerunt B. Benedicto Ecclesiæ S. Nicolai constructam sursum in terra Beneuentanæ ciuitatis, quæ vocatur Pagana, quàm ipse genitor eorum ampliauerat, cum casis, terris, molendinis ad fluuium Sabbarum, & cum omnibus pertinentijs suis. Ipsi enim fratres ante hoc tempus fecerant priuilegium dictæ Ecclesiæ de omnibus rebus suis. Berardus etiam Marforum Comes illis diebus obtulit huic cœnobio Ecclesiæ S. Martini in territorio Marficano, iuxta lacum Fucinum, loco qui Filimiti appellatur cum omnibus pertinentijs suis terris, vineis, & vno seruitio piscatorum, & rebus suis.

Hh 3 CA-



INTEREA Roccha filia Draconis Comititis, obtulit quadraginta & sex homines in vico Sellectano, & in Castellione septē homines cum omnibus rebus eorum stabilibus, vel mobilibus, & filiis eorum, & alios cum reuersi fuerint, qui exiuerant de ipsis terris. Sed Comes Rogerius Sicilia & Calabria confirmauit omnia, quæ Roccha neptis sua huic cœnobio dedit, videlicet omnia illa, quæ in vico Sellectano possederat. Pari etiam modo Berardus Comes filius Oderisij Sangretani Comititis, obtulit B. Benedicto totam, & integram pertinentiam, quæ sibi pertinebat intra fines montis Azæ pro pascuis, exceptis cultis terris, pratis, defensis, necnon obtulit cunctum & integrum locum, qui dicitur de Lacuiuio, & euactum, & integrum locum, qui dicitur Godi, & quantum sibi pertinuit de Pantano: totamq; & integram clarenam, & muricetum, & quantum sibi pertinuit, & de loco, qui dicitur Saphinum, & campum de Ar.

Simili modo nobilis vir Maxanus habitator ciuitatis Albæ in territorio Marficano, obtulit huic sancto loco Ecclesiam suam S. Martini in dicto territorio, vbi dicitur Sclau, cum triginta modijs de terra, & omnibus pertinentijs suis. Ijs etiam diebus Abbas noster Oderisius commutationem, fecit cum Benedicto Tarracinensi Episcopo de Ecclesia B. Andreæ Apostoli, quæ posita est in ciuitate ipsa prope Episcopium, cum cimiterio, & domibus, & plateis, pro qua recepit Ecclesiam B. Nicolai sitam extra ciuitatem ipsam, iuxta portam Albinam, cum cimiterio, & horto, & domo, centum solidorum pena apposita, si id remouere quassisset.

Ann. 1100.

Porro cum à creatione Paschalis secunda, secundus iam annus esset elapsus, & ab incarnatione Dominica centesimus, & millesimus volueretur. Guibertus Hæresiarcha inuasor Romanæ Ecclesiæ vita priuatus est.

Post non multum tēporis spatium, Landulfus Comes filius Raidolfi Comititis obtulit B. Benedicto, totam & integram Roccham de Comino cum suo castro, & suis pertinentijs.

Sequenti

Sequēti autem anno Roccha, quam supra nominauimus, fecit priuilegium de hominibus vndecim, quos habebat in vico Sellectano cum famulis, terris, & vineis eorum, & cum omnibus, quæ ad ipsos pertinebant. Obrulit etiam per priuilegium Ecclesiam S. Petri, quæ est ad Ferulitum, & medietatem Ecclesiæ S. Demetrii, quæ est oblata prædictæ Ecclesiæ S. Petri, & medietatem de omnibus terris cultis, & incultis, montibus, planis, aquis, molendinis, pascuis, atque paludibus, & portibus ipsius maris.

CAPVT XXI.

D E M V M Abbas noster Oderisius à supradicto Papa Paschali priuilegium concessionis de S. Nicolao in Beneuento, & libertate eius, cum omnibus, quæ tunc possidebat, idest molendina duo sub vno tegmine, centimolum, hortos cum diuersis arboribus, curtes decem, cum terris, & siluis suis, & domibus, accepit. Addidit etiam idem Pontifex Ecclesias has videlicet Ecclesiam S. Nicolai, in Urbiliano prope Petram pedicinam cum pertinentijs suis, Ecclesiam S. Nicolai, quæ vocatur Rode-nandi cum pertinentijs suis, Ecclesiam S. Mariæ, quæ vocatur Rotunda cum pertinentijs suis, & Balneum iuxta Ecclesiam S. Potiti.

CAPVT XXII.

V N C temporis Laydolfus filius Tentori Raydolfi, vir nobilis de ciuitate Capuana obtulit B. Benedicto integram turrem quæ vocatur de Mari, quæ est infra fines Sueſſanæ ciuitatis, iuxta fauces Gariliani fluminis, & aquam, & alueum prædicti fluminis, cum ripis eius, & terram, & siluam, quæ nominatur Pineta, cum alijs tribus ibi coniunctis. Per idem tempus Gualterius Comes donauit casas, & casalinga infra ciuitatem Teramnēsem, & vineam, terram, & mo-

Hh 4 lentina

Iendina in Caſtaldatu Teramnenſi, & ſilvam infra Ducatum Spoletinum, in locis, vbi dicuntur Cifalanum, & Pracele pātanum, & quartam portionem caſtelli Ioannis & Pauli, cum pertinentijs ſuis. Dedit etiam idem Gualterius omnes res, quæ ſuere Aſcari in valle, quæ dicitur Pratacelæ, & Interānes, excepta Eccleſia S. Paterniani, cum ſuis pertinentijs, & dedit medietatem Cifelani cum pertinentijs ſuis, & omne, quod fuit Vualdi in Gruttola, & in Cinqualio, & in Sallano, & alijs locis.

CAPVT XXIII.

Ann. 1103

HOC præſidente Abbate, anno Domini milleſimo cēteſimo tertio, ſeptimodecimo anno promotio- nis ſux, dedicata eſt Eccleſia S. Stephani, à Benedi- cto Tarracinenſi Epifcopo, nonis Nouembris: in qua ſunt recōditæ ſanctorum reliquiæ, quæ ſubtus adſcri- ptæ ſunt. De panno vbi inuolutus fuit Chriſtus quādo natus eſt, S. Matthæi Apoſtoli, Bartholomæi Apoſtoli, Stephani Protomartyris, Laurentij, Vincentij, Sebaſtiani, Ciriaci, Duodecim fratrum, Coſmæ & Damiani, Lucie & Geminiani, Marij & Marthæ, Tiburtij & Valeriani, Georgij, Hippolyti, Martini Turonenſis, Stephani Papæ, Calliſti Papæ, Cornelij Papæ, Cypriani, Priſcæ, & Adelberti.

Paulinus,
& Augu-
ſtinus ſan-
cti Benedi-
cti disci-
puli.

In hac Eccleſia cum inuenta fuiſſent corpora ſanctorum Monachorum, Paulini & Auguſtini, B. Benedi-cti diſcipulo- rum, cum alijs duobus ſepulta, Dæmoniacus quidam ibidem veniens clamare cepit dicens: Paulinus & Auguſtinus diſci- puli Benedi-cti cum duobus ſocijs ſuis me eiſciunt. Hęc dum crebro per os illius diabolus diceret, cum ſanguine immun- dus ſpiritus egreſſus eſt. Oderiſus autem Abbas ſanctorum inde corpora eleuans, in muro Eccleſiæ S. Andreæ Apoſtoli reuerenter locauit.

CAPVT XXIV.

INTER hæc Gulielmus Comes ciuitatis montis S. Mi- chaelis Archangeli ſecit priuilegium B. Benedi-cto de Xenodo-

Xenodochio extra dictam ciuitatem cum pertinentijs ſuis , & conceſſit eidem Xenodochio, terras, & Eccleſias. Henricus verò frater eius cōceſſerat prius cuidam Ziano ſuo terras pro conſtruendo ipſum Xenodochium: demum conceſſit Xenodochio ipſi Eccleſiam S. Nicolai in Tiliata cum pertinentijs ſuis . Ioannes quoque Comitellus obtulit partem ſuam , ideſt integram medietatem , de Eccleſia S. Benediſti Xenodochio memorato, Vrfus etiam cognomento Spina , partem ſuam obtulit dictæ Eccleſiæ S. Benediſti in ipſo Xenodochio ; ſed & Sico Presbyter , & Marcus , Vrfus, & Leo nobiles viri de dicta ciuitate, obtulerunt Eccleſiam S. Alciſſimi dicto Xenodochio conſtructam in ſilua ad Marruta , quam habebant à paterna, vel materna ſubſtantia .

Huius Abbatis anno vltimo, Rogerius Dux fecit priuilegiū huic cēnobio de terris in pertinentijs Troiang ciuitatis.

CAPVT XXV.

RICHARDVS quoque ſecūduſ Princeps, interuentu Roberti Comitis, dedit huic loco oppidum Pontiscurui cum pertinentijs ſuis, exceptis caſtellis de foris cum illorum pertinentijs , & excepto feudo Richardi de Aquila , quod ibi habebat in vita Gualguani. Quod videlicet oppidum idem Gualguanus nomine dotis vxori ſux dedit , & moriens dereliquit , ſed illa debitam ſecuritatem dicto Principi facere contempſit, & contra voluntatem ſuam hoſtibus ipſius ſe iunxit, & guerram ſibi fecit, & negotium cum eis commiſit, & annonam eis tribuit, ob quam culpam prædictum oppidum in Principis iuriſdictionem, & poteſtatem deuenit, & præfato Roberto Comiti fratri dictæ vxoris Gualguani prædicti dedit, per quem videlicet Comitem, & à quo præfatum oppidum noſtro cēnobio datum fuit. Sed & Robertus Caiacianorum , atque aliorum multorum Comes, filius Raynuliſ Comitis ſuperius nominati, partim dono, partim pretio conceſſit, & confirmauit huic cēnobio oppidum de Pontecuruo cum ſuis pertinentijs, ex conceſſione Richardi ſecundi Principis , qualiter

ter à prædicto Principe sibi concessum fuit, quod videlicet Gualuanus antequam moreretur possidere visus est. Nobilis etiam mulier Berta filia Vualdi dedit, & obtulit huic cœnobio Ecclesiam S. Martini constructam in Spoletina ciuitate, in loco, qui dicitur porta S. Laurentij, cum omnibus pertinentijs suis.

Demum Theobaldus, & Petrus Caldina viri nobiles, & alij quatuor obtulere huic loco, Gessum in monte de Treguazano in castro Argentij. Robertus quoque de Buthone vir nobilis cum vxore sua Sica obtulere, & tradidere S. Benedicto medietatem de Ecclesia S. Petri constructa ad Ferulitum, cum omnibus dotibus, quæ eidem Ecclesiæ pertinent, & cū Ecclesia S. Demetrii, cum terris, siluis, planis, montibus, pascuis, aquis, molendinis, atque paludibus. Circa hos dies Mattilda Comitissa concessit huic loco tertiam partem decurte S. Benedicti, quæ dicitur in Pastorini. Hugo Comes de Molisso filius Comitis Raulis obtulit B. Benedicto integrum castellum nomine Vitecosum cum pertinentijs suis. Præterea præfatus Abbas recepit à supradicto Papa Paschali priuilegium generale, prout receperat ab Urbano secundo.

Huic quoque Abbati, & successoribus eius Ptolemæus Consul, & Comes Tusculanus affidauit vnum nauigium, in qualicumque nauigio sint, huius cœnobij monachi, vt in mari, & terra securi sint à se, suisq; hominibus, & omnia mercimonia eorum, & omnes homines, qui fuerint inuenti in nauigio ipso eundo Sardiniam, & redeundo Caietam. Obijt autem præfatus noster Abbas Oderisius, quarto nonas Decembris.

Oderisij
obitus an
no 1105.

CAPVT XXVI.



OTTO Abbas huius Monasterij tricesimus nonus, sedit anno vno, mensibus decem. Hic nobilissima Fundensium Cōsulum pro sapia ortus, in ipsis infantia annis omnipotenti Deo oblatas, atque à venerandæ memoriæ Patre Desiderio sanctæ conuersationis habitum indutus est, qui cum aliquātos annos in sanctæ reli-

religionis studio peregrisset, in Monasterio S. Nicolai in Pica Praepositus ordinatus est. Defuncto autem patris memorie Abbate Oderisio, cum Fratres (ut in talibus rebus consuetudo est) ad huius cœnobij Abbatiam regendam unusquisque suum Abbatem eligere vellent: priores quorum pars sanior, & religiosior erat, nimis hæc indignè ferentes, de eodem viro fratribus suum velle notificantes, eum in huius loci regimine Abbatem elegerunt.

Princeps autem Richardus eo tempore infirmitate gravissima laborabat, & cum non posset in servitio eiusdem Abbatis venire Cassinum, ex latere suo strenuos destinauit viros: qui eidem Abbati servitia sua fideliter offerrent. His ita peractis ingrauescente infirmitate vita decessit, & Robertus frater eius illi in Principatu succedit. Per idem tempus defuncto quarto Imperatore Henrico, qui cum Gregorio septimo Papa de Ecclesiarum inuestitura plurimum disceptauerat. Henricus quintus filius eius Romani Imperij gubernacula regenda suscepit.

Hic Abbas concessit Girardo filio Girardi de Coruazzano, libellario more, terras pertinentes Ecclesie S. Benedicti de Pastorino, usque in tertiam generationem, recipiens in presenti Lucensis monetae solidos centum viginti, annualiter vero pro censu solidos tres, de omnibus frugibus, quæ ibidem annualiter fuerint. Similiter fecit Alberto Raynaldo, & Sicefrit de Falsabrina, & Albertino filio Bonifacii de alijs terris ibidem, recipiens ab eo tantumdem pretij. Huic Abbati Robertus Princeps privilegium fecit, confirmans de more omnes pertinentias Monasterij huius.

CAPVT XXVII.

HOC interea anno Alexius Constantinopolitanus Imperator, per Apocrisarios Imperij sui, transmisit B. Benedicto pallium purpureum optimum, de quo prædictus Abbas pluuiale aureis listis ornauit, & tunicam eiusdem subtegminis fieri iussit. Direxit autem cum eiusdem legatis ad Imperatorem nuntium suum cum litteris, per quas Oderisium Abbatem, de hac luce migrasse,

grasse, & se in Monasterij regimine, & in amore, ac serui-
tijs eiusdem Imperatoris successisse notificauit. Eodem ve-
ro anno Carbonellus vir nobilis obtulit B. Benedicto Eccle-
siam S. Gregorij, & S. Nicolai, & S. Agathæ in Tarfia, ad lo-
cum Peccianum, cum omnibus rebus, ac pertinentijs suis,
centum librarum auri pēna appōita.

CAPVT XXVIII.

Bruno Si-
gniæ Epi-
scopus.



SEQVENTI tempore idem Abbas Ca-
puam pergens, cappellā S. Angeli ad For-
mas, quæ in honore S. Nicolai nouiter cō-
structa erat, fecit à Brunone Signiēsi Epi-
scopo, & huius cœnobis monacho dedica-
ri: conuocato etiam ad hoc Senne Capua-
no Archiepiscopo. Facta itaq; dedicatio-
ne, alia die idem Archiepiscopus coadunata multitudine
Capuanorum, vel aliorum virorum, armata manu misit il-
los ad eandem Ecclesiam violandam, altareq; destruēdum,
& reliquias inde diripiendas, sibiq; asportandas. Quo factō
conquerebatur contra nostrum Abbatem, & iam dictum
Episcopum, quod contra canones erga se egissent in eadem
dedicatione, non cedentes sibi metropolitano in his, quæ
Archiepiscopum agere decet. Nostri autem, & iam dictus
Episcopus dicebant, quia simul concorditer fecissent om-
nia, quæ ibidem acta sunt. Hac de re proclamantibus nostris
Romæ in Synodo idem Archiepiscopus, & irruptionem Ec-
clesiæ, & destructionem altaris, ac reliquiarum oblationem
vna cum clero, & populo ciuitatis honorifice se emendare
humiliter spopondit, quod & fecit. Hic Abbas rogatu Fra-
trum nostrorum concessit, & confirmauit eis caltrum Ci-
trariæ cum pertinentijs suis.

CAPVT XXIX.

EO igitur tempore cum Fratres necessitates multimo-
das sustinerent, Abbati nostro Ottoni ex inde conque-
rētes rogabant, vt iuxta regulæ præceptum eis necessitatem
corporum

corporū tribuat, remiſci illum debere, quod Patris Ode-
riſij tempore, idem ipſe iam dicto Oderiſio exinde ſapius
conqueſtus fuerat. Abbas autem nimis hæc indignè, & eger-
rime ferens, fatetur ſe deliquiſſe, fatetur male egiſſe, quod
Abbati Oderiſio multoties obſtiterit, quod contradixerit,
Fratres, & in Deum, & in Patris Benediſti regulam delin-
quere, quod neceſſitates corporis animarum ſaluti præpo-
nerent, remiſci illos debere, primum eſſe quærendum re-
gnum Dei, & iuſtitiam eius, & hæc omnia adiſcientur illis.
Quid multis? Videntes Fratres eundem Abbatem contra
Patris Benediſti præceptum, ſtudere plus timeri, quam
amari, iam dicto Papæ Paſchali nonnulli ex ipſis, cæteris
ignorantibus, abſcondite litteras dirigunt. Quod non Fra-
trum vnanimi conſenſu electus eſſet, quod ſeditioſe, & ne-
quaquam canonicè ad Caſſinenſis Abbatij officium promo-
tus fuiſſet. Hæc ergo cauſa Romanum Pontificem contra
eundem Abbatem commotum omnimodo reddidit. Quod
cum Abbas certo certius agnouiffet hoc à Fratribus adita-
tum, occasione contra eos accepta, illos de Monafterio ex-
pulit. At Fratres è Caſſino expulſi Romam adeunt, acta, &
dicta Pontifici per ordinem pandunt, Pontifex autem eoſdē
Fratres ad remorandum ad B. Pauli Apoſtoli Monafterium
dirigens, nonnullos ex ipſis in ſua met curia ſecum manere
conſtituit, vñemq; egrediens, pro cauſis Eccleſiaſticis Gal-
liam ingreſſus, venit ad Floriacenſe Monafterium Benedi-
ſti Patris nomine conſecratum.

Matth. 6.

Monaste-
rium Flo-
riacense.

Agebatur porrò ab illis tunc falſiſſimę Trãſlationis B. Be-
nediſti celebritas, at Pontifex eandem trãſlationem falſam
eſſe affirmans, non feſtiuitatis, ſed diei officium celebrare
cum Cardinalibus Italicis cepit. Monachi autem ſupradi-
ſti loci cum nonnullis Epiſcopis, & Cardinalibus Gallica-
nis, Trãſlationem celebrare incipientibus, Papa orationem
fudit ad Dominum obnixè expoſtulans, vt de eadem re ve-
ritatis indicium ſibi oſtendere dignaretur. Celebrantibus
autem illis nocturnalem ſynaxim, tantus ſupor, & hebetu-
do mentis eos inuaſit, vt omninò quid dicerent ignorarent.
Attoniti autem tanto miraculo, regulare officium decan-
tare inoffenſè ceperunt: mox autem, vt Tranſlationis cantū
celebrare

De trãſſa-
tione ſan-
cti Patris
Benediſti.

celebrare disponebant, horrore simul, & stupore replebantur. Quod Reuerendissimus Pontifex aduertens, glorificare cepit, & benedicere Deum, & Benedictum famulum eius. Facto autem mane Abbatem ad se, & Monasterij Priores conuocans, præcepit, vt altare de loco tolleretur, quatenus omnes patenter agnoscerent, vtrum nam vera esset, nec ne Translatio illa: nolle vltius aliquos de corpore B. Benedicti illorum ambagibus decipi, quem ipse temporibus Papæ Alexandri in Monasterio Cassinensi inuentum esse certissime nouerat. Illi autem prostrati pedibus eius rogare ceperunt, ne altare effodere præciperet, ne Monasteriū destrueret, se nihil certi de corpore B. Benedicti, nisi famam tantum à maioribus suis accepisse: si reliquæ non inuenirentur, scirent certissime Monasterium destruendum, & possessiones, à quibusq; diripiendas. Tunc Papa illorum precibus inclinatus conticuit, interdicens omninò, & ex parte sedis Apostolicæ præcipiens, vt vltius eamdem falsissimam Translationem celebrare nequaquam præsumerent. Idem præterea Apostolicus, ordinatis in Gallia negotijs suis, Romam reuersus est.

Et quoniam, vt supra taxauimus, facientibus nostris, de Cassinensis Abbatis electione prædictus Pontifex vltra modum commotus erat: Fratres, qui à nostro Abbate ad eum directi fuerant monuit, vt de Abbatis electione Patris Benedicti instituta seruarent. Cumq; illi Abbatis electionem vnanimi Fratrum consensu factam esse astruerent, & nequaquam seditiose, sed canonice ad id officium promotum dicerent: Papa respondit. Quomodo canonice vester Abbas electus est, qui sibi deuotis, & fidis concessit obedientias, repugnantes de Monasterio expulit? Sed nunc ad Monasterium redite, ibi per me, siue per nuntios nostros electio illius pleniter exanimata, quod erit canonicum statuam. Egressis igitur illis, cum hi, qui supradictum Abbatem exorsum habebant, commotum Apostolicum aduersus eum cognouissent, molestias, quas poterant illi inferre non desinebant.

Comites interea Aquinenses, cū ab huius loci infestatione nequaquam cessarent, ad illorum nequitiam refrēnandā,
idem

dem Abbas animum dedit, ſingula namq; Monafterij Caſtra vallo in gyro muniuit, ibiq; ruricolos, qui eatenus in villis deguerant, manere conſtituit, ſicq; contra eoſdem Comites ſe præparare modis omnibus cepit.

Dignum ſanè videtur ad poſteriorum memoriam hiſtoriæ præſenti annectere miraculum, quod in hoc Monafterio omnipotens Deus, ad laudem, & gloriam ſui nominis oſtendere dignatus eſt.

C A P V T X X X.



INTEMPORE ſiquidè ipſo, dum Ioannes cognomento Affidatus in manſiuncula, quæ turri Patris Benedicti collateralis eſt, nocturno tempore ſopori membra dediffet, enigilans, audiuit dulciſonum officium, ante nocturnalem ſynaxim in B. Patris ædícula ab Angelis celebrari, ad quod ſtupefactus, Sebastianum, (qui ſupra eum quieſcebat) interrogat, ſi iam Fratres ad nocturnale officium ſurrexiſſent, qui cum ad huc primam noctis vigiliã manere dixiſſet, iam dictus Ioannes exurgens ad turrem acceſſit, quã immenſi ſplendoris, & inauditi odoris replebat fragrantia. Stupefactus autem, & id, quod in re erat, aduertens, Ottonem Abbatem adiit, quæ viſa, & audita fuerant ſeriatim enuntiauit, qui Deo omnipotenti gratias agens, quod venerandæ memoriæ Victori tertio Papæ, & Theodemario ſeruo Dei reuelatum fuerat, iam dictam turrem cum largo habitaculo in oraculum Domini Saluatoris, & eius Genitricis Virginis Mariæ dedicari conſtituit, conuocatisq; artiſtibus cellarium inter dormitorium, & titulum S. Protomartyris Stephani conſtruxit, ſed morte præuentus explere nequiuit. Iam dictæ vero cantilenæ ſuanitas, & odoris fragrantia, ac lucis immenſitas, ab antiquis viris in iam dicta turri, in præcipuis feſtiuitatibus viſa, & audita narrantur, ſed quam maxime vnoquoque anno deſignationis die B. Patris Benedicti adueniente, audiri, & videri ſolitum eſt. Obijt autem præſatus Abbas die Kalendarum Octobrium, & ſepultus eſt iuxta Eccleſiam S. Andree Apoſtoli in.


Angeli-
cus cõcen-
tus in ædi-
cula S Be-
nediti au-
ditur.

Ann. 1107.

in cimiterio Fratrum, introeuntibus iam dictum cimite-
rium ad lauam.

CAPVT XXXI.

Vide ad-
notata in-
fra post
cap. 42.



BEATISSIMVS Bruno, Abbas huius
Monasterij quadragesimus, sedit annis
tribus, mensibus decem. Hic Liguria Pro-
uincia ortus ex illustri Astensium ciuium
prosapia, sed illustriores ab infantia pos-
sidens mores, liberalibusq; studijs à pue-
ritia sufficienter instructus, Astensis Epi-
scopij canonicus extitit. Qui desiderio regni cœlestis pa-
triam, parentesq; relinquens, huc properans, vt Deo libe-
rius sub monachali habitu deseruire valeret, Romanam
primum accessit ad urbem. His porro diebus Urbanus Pa-
pa secundus vniuersali præsidebat Ecclesiæ. Factum est au-
tem, vt eo tempore, quo idem vir ad hunc locum tendebat.
Signensis Episcopus vita decederet, quem idem Reueren-
dissimus Pontifex in diuina seruitute feruere aspiciens, di-
xit ad eum: Sicut tranquillitas maris multoties infert pericu-
lū nautis, ita & monachis à sæculi turbine remotis, quies,
& securitas ipsa perniciosissimum solet inferre naufragium,
vnde nostris monitis te obedire conuenit, & Signiensis Ec-
clesiæ curam, quæ tibi à nobis iniungitur, tanto diligentius,
ac religiosius, quanto scientia, ac sapientia polles, regere
stude. Cuius cum ille sermonibus minime præberet assensū,
præcepit ei, vt ad ciuitatem prædictam pergeret, ibiq; vi-
ce Romani Pontificis Episcopum ordinans, iret quo vellet,
tunc supradictus vir illuc adueniens, cum sibi iniuncta im-
plere satageret: idem Papa clam Signiensibus apices desti-
nans, eum Episcopum ordinari præcepit, talia dum ad eius
notitiam peruenissent intempestæ noctis silentio, B. Mariæ
Ecclesiam egrediens, fugam arripuit. Itaq; dum meditata
implere satageret, in quodam truiō, virgo quædam Impe-
riali trabea adornata, cuius facies splendebat sicut Sol, illi
eminus astitit, quam vnde, qualis, quæuē esset, & quo ten-
deret, dum requisisset, illa respondit: Sponsam, quam non
bene

bene fugis, me noueris esse: qua propter, vt ad Ecclesiam redeas, ex Dei omnipotentis parte præcipio, & caue ne Dei vltius velis resistere voluntati, & his dictis disparuit. Percussus ad hæc Bruno tanto virginis famine, Deiq; in sua ordinatione voluntatem aduertens, succubuit, ac Pontificij cathedram lætantibus cunctis suscepit. Ordinatus autem, in ea, qua fuerat mentis intentione, permansit: vnde adinuenta opportunitate, sub supradicto Abbate Oderisio ad hunc locum perueniens, flentibus, qui cum eo venerant, & nihil tale de ipso suspicantibus, monachus factus est. Significes autem grauerit illius ferentes absentiam, Paschalem Papam secundum adeunt, rogant vt illum potius Episcopatus sui curam gerere cogeret, quam sibi tantum consulens, in Cassinensi cœnobio quietum, & remotum, à sæculi turbine velle quiescere. Pontifex autem illorum ad verba commotus, strenuos à suo latere destinat viros, per quos eidem Brunoni ex parte sedis Apostolicæ, mandat, vt curæ ouium suorum studeat, & Romano Pontifici pro causis Ecclesiasticis semper adhæreat, arguens insuper illum, & increpans, cur absque Apostolicæ sedis licentia, ausus fuisset Monasterium petere, quo illum omninò esse non permetteret ipse. Ad hæc præfatus Bruno per Episcopos, & Cardinales amicos rescripsit.

Cuncti proculdubio, qui in Romana sunt Ecclesia noscunt, quia nisi contra Ecclesiam schismaticorum sæuieret insania, hoc quod nunc egi, à multis iam annis opere impleuissem: nunc vero quia in Romana Ecclesia, Petro clauum regente, tota per orbem Christi Dei nostri gratulatur Ecclesia, ventorum iam turbines silent, maria pacata quiescunt. Idcirco quod Deo semel deuoueram, reddere cogor: Melius est enim non vouere, quam vouere, & non reddere. Quod si quis fortasse mihi obijciat, quod semel acceptum Episcopatum relinquere non debebam, licetè respōdeo, quod multi sunt, qui Pontificatus iura non deserunt, & de sinistris sunt, dicēte Domino: Principes fuere, & non cognoui, Iudices extiterē, & non per spiritum meum; ij autem, qui recta intentione Episcopatum dimiserunt, certum est eos de æterna felicitate perenniter cum Christo gaudere. Mihi porrò exē-

Epistola
S. Bruno-
nis.

Eccles. 5.
vers. 4.

Osee 8.
vers. 4.

I i pla

pla Sanctorum non desunt, quorum vestigia secutus sum; qui relicto tumultu sæculi, quietam vitam adepti sunt. Unde, per vos, summum Pontificem obnixè deprecor, ut de reliquo amplius mihi molestus non sit, & quietum portum, in quem Christo gubernante perueni, ne me relinquere cogat, suppliciter posco.

Bruno. fit
Abbas Cas-
sin.
Ann. 1107

S. Bruno-
nis scrip-
ta.

Cumq; nulla ratione eundem Apostolicum, nec Signinum populum flectere valeret, supradictus Abbas Oderisius rogauit eundem Pontificem, ut prafatum virum sub monachali habitu in hoc Monasterio Deo militare permitteret, cuius precibus idem Papa aurem accommodans, quieuit. Post hæc autem ab eodem Pontifice vna cum Boamundo in Gallias directus, vice Romani Pontificis in eisdem partibus Synodum, secundum traditionem Ecclesiasticam, tenuit. Inde quoque Romam reuersus, quadragesimoquarto die ab Ottonis Abbatis depositione extante, ad hoc Monasterium redijt, atque à Fratribus est in huius cœnobij regimine, ac cura Prælatus. Idem vero Apostolicus ad hunc locum postea veniens, non solum dignum illum esse Abbatem in conuentu Fratrum peroratus est, verum etiam in Apostolicam sedem dignum sibi successorem fore testificatus est. Non autem idem vir otiose hic vixisse credendum est, qui tales, ac tantos nobis scripturarum exposuerit libros, de quibus summam illorum scilicet, qui in nostris manibus venere, pandere curamus, super Psalterium, super Genesim, super Exodum, super Leuiticum, super Numerum, super Deuteronomium, super Isaiam, super Cantica canticorum, super Iudicum, super Apocalypsim. De totius autem anni festiuitatibus, atque diebus Dominicis, composuit sermones sexagintanouem, Homilias centum quinquagintaquinque.

C A P V T X X X I I .

HOC præterea tempore Adenulfus, Lando, & Atenulfus Aquinenses Comites, diabolica debriati vefania, castrum Terame rusticorum proditione ingredienti, & eiusdem castri habitatores in suâ fidelitatem iurare facientes, oppida Monasterio pertinentia

etia depradare ceperunt. Hoc ubi prædicto Abbati nūciatum est, ad eosdem Comites dirigēs, vt castrum Monasterio redderent, & à tantis iniquitatibus, & direptionibus cessarent, monere cepit. Illi autem eius dicta non solum facere, sed etiam audire spernentes, deteriora in dies agere minabantur. Tunc Abbas cum Fratribus communicato consilio, eosdem sacrilegos à liminibus Ecclesiæ separauit, ac è vestigio Robertum Principem euocans, ad eiudem castri recuperationem inuitauit, qui copioso valde congregato exercitu, super eundem castrum adueniens, illum oppugnare modis omnibus cepit. Cumq; hostiliter ibi per dies fermè quindecim resedisset, iidem Comites misere ad eundem Abbatem, quod si illos cum armis suis exinde exire permitteret, idem castrum absq; omni controuersia protinus Monasterio redderent. Quod dum Abbas annuisset, supradictum castrum in Monasterij huius potestatem redijt, die iduum Augustarum, Anni Dominicæ Incarnationis millesimo centesimo octauo; pro quo videlicet castro, idem Abbas Capuano Principi libras ducentas contradidit. Ann. 1108

CAPVT XXXIII.



MENSE itaq; Octobrio adueniente, idem Apostolicus ad hunc locum adueniens, sociato sibi nostro Abbate, Synodum celebraturus, Beneuentum perrexit. In qua videlicet vestigia prædecessorum suorum secutus, constituit, vt quicumque inuestituram Ecclesiæ, vel Ecclesiasticam dignitatem de manu laici acceperit, & dans, & accipiens communione priuetur. Vestimenta vero sæcularia, & pretiosa clericis repræhendit, & talibus vti interdixit. Cum autem Capuam deuenisset, rogatus ab eodem Abbate, Ecclesiam S. Benedicti, quam Desiderius Abbas intra eandem ciuitatem renouauerat, sollemniter dedicauit, in qua etiam de vestimentis sanctissimi Patris Benedicti recondidit, sicq; ad hoc Monasterium veniens, Romam reuersus est.




IS porrò diebus Rogerius Dux præceptū fecit B. Benedicto, de ouibus loci istius, vt nullam dationem, vel censum vltius inde exigeret, tam ipse, quàm successores sui, in omni pertinentia montis Gargani, & licentiam hospitandi semper habeāt cum eisdem ouibus, ab Ecclesia, quæ dicitur Passari, vsque ad Salpitanum pontem, qui Lambardone dicitur, vsque in mare, & vsque in vadum defico, decem librarum auri pena apposita.

Tunc temporis Laydulfus filius Pandulfi Comitis de Præfenzano, in præsentia eiusdem Abbatis manifestauit, & renuntiavit se de vniuersa parte sua de castello Mortula, & casa Fortini, & Cucuruzzo, & Rocca de Bantra, pena apposita centum librarum auri, si hoc remouere quæsisset. Sed & Ioannes Triuentinæ sedis Episcopus, vna cum Roberto filio Tristaini Limeffani castri Domino, obtulit huic loco Ecclesiam S. Illuminata infra fines prædicti castri Limeffani, loco, vbi dicitur Petra maiore, cum omnibus Ecclesijs, & pertinentijs suis.

CAPVT XXXV.

Ann. 1110



ANNO autem Dominicæ Incarnationis millesimo centesimo decimo, indictione tertia, mense Iunio, sexto eiusdem, stella cometes apparuit. Eo etiam tempore iam dictus Paschalis Papa secundus vrbe egrediens ad has partes deuenit, & Ducem, ac Principem, omnesq; Comites Apuliæ, Calabriæ, ac Principatus aduocans, accepit securitatem ab eis, quatenus illum adiuuarent, contra Henricum Imperatorem, si necessitas sibi incumberet, & ad hoc prouocati fuissent. His ita peractis Romam redijt, & omnes procures Romanorum simili sacramento constrinxit.

Hêricus interea Imperator, immensum valde exercitum congreg-

congregans, intrauit Italiam prædecessorum suorum, antiquorum videlicet Imperatorum dignitates, & iura, & Imperij coronam ab eodem Pontifice Romæ accipere cupiens, sicq; cursum suum quotidie accelerabat; erat iam hyemis tempus, cumq; in Tusciam deuenisset, missis Romam in porticu S. Petri nuntijs, cum Petro Leonis, & alijs Pontificis nuntijs, hoc pactum inter eos deliberatum est. Ut Imperator scripto retuleret omnem inuestituram omnium Ecclesiarum in manu Pontificis, in conspectu cleri, & populi Romani, in die coronationis suæ, & (postquam Papa fecerit de regalibus sicut in alia charta scriptum est) sacramento firmabit, & dimittet Ecclesias liberas cum oblationibus, & possessionibus, quæ ad regnum manifestè non pertinebāt, & absoluet populos à iuramentis, quæ contra Episcopos facta sunt. Patrimonia, & possessiones B. Petri restituet, & concedet, sicut à Carolo, Ludouico, Henrico, & alijs Imperatoribus factum est, & tenere adiuuabit secundum suum posse; & non erit in facto, aut in consilio, ut idem Papa perdat Papatum Romanum, aut vitam, vel membra, vel capiat mala captione, aut per se, aut per submissam personam, nec ipse, nec fideles ipsius, qui pro ipso securitatem ei fecerint, idest Petrum Leonis cum suis filijs, quorum bona, damnum studiose non patiantur, & si quis eis malum fecerit, Rex eos fideliter adiuuabit. Pro huius securitatis obseruatione, mediatores dabit eidem Pōtifici Fridericum filium sororis suæ, Engilbertum, & Theobaldum Marchiones, Hermannum, & Gotfridum Comites, Fridericum palatinum Comitem, de Saxonia, Berengarium de Baioaria, Fridericum Saxonē, Albertum Cancellarium, Cononem fratrem Berengarij, Sigeboth de Baioaria, Henricum Ducem Carinthiæ, Bertulfum filium Ducis Bertulfi, qui iurabunt Papæ securitatem de vita, de membris, de Papatu, de captione, & si Imperator hæc omnia supra scripta nō obseruasset, ipsi cum honoribus suis, ad Romanam Ecclesiam se tenerent: obsides pro securitate Pontificis Rex dare pollicitus est proxima quinta feria, & securè mitteret ad Insulam in potestate Papæ, Fridericum Ducem nepotem suum, Brunonem Episcopum Spirensem, Conradum nepotem Comitis Hermanni, & filium eius, &

l i 3 Henri-

Henricum fratrem Comitis Friderici. Obsides si recepisset, redderet in die coronationis suæ, transito ponte, & si forte coronatus non fuisset, aut non transisset similiter reddere apud castellum S. Angeli; Legatos autem, quos Papa ad eum misisset, in eundo, & redeundo securos faceret, tam à se, quàm à suis, & si eis nescientes iniuria illata fuisset, ad emendandum fideliter adiuuaret. Et postquam Rex hoc adimpleuerit, Papa præciperet Episcopis præsentibus in die coronationis eius, ut dimittant regalia Imperatori, & regno, quæ ad Regnum pertinebant tempore Caroli, Ludouici, Henrici, & aliorum prædecessorum eius: scripto firmabit sub anathemate auctoritate sua, & iustitia, ne quis eorum, vel præsentium, vel absentium, vel successores eorum intromittant se, vel inuadant regalia, idest ciuitates, Ducatus, Marchias, Comitatus, Monetas, Thelonium, Mercatum, Aduocantias Imperij, iura Centurionum, & Curtes, quæ manifestè Imperij erant cum pertinentijs suis, milicias, & castra Imperij, nec ipse Imperatorem, nec Romanum Imperium super his vltius inquietaret, & priuilegio sub anathemate confirmaret, ne posterij sui inquietare præsumerent. Imperatorem benigne, & honorificè susciperet, & more prædecessorum ipsius catholicorum Imperatorum coronabit, & ad tenendum Imperium officij sui auxilio adiuuabit: si Papa hoc non adimpleuerit, Petrus Leonis cum omnibus suis teneret se ad Imperatorem. Obsides autem, nisi effugerent, redderet altero die post coronationem, si per Papam remanserit, ut non coronetur, similiter reddet.

Cumq; hoc inter eos constitutum fuisset iureiurando firmavit hoc Imperator, Albertus Cancellarius, Hermannus, Fridericus, & Gotfridus Comites, Fridericus Saxo, & Cono frater Berengarii, Sigebodo de Baioaria, Henricus Dux Carinthiæ, & Bertulfus filius Ducis Bexrulfi. Hi omnes post Imperatorem eo ordine iurauere; ut si Imperator hoc implere nollit, ipsi cum omnibus suis tenerent se ad Romanam Ecclesiam.

POSTQVAM autem hæc ita firmata ſunt, idem Apoſtolicus direxit ad eum litteras, per quas ei mandauit, quod illuminatori omnium gratias ageret, qui cordis ipſius oculos illuminare dignatus eſt, vt patris eius nequitiam toto iam ſæculo diffamata, & interius cognosceret, & grauius abhorreret. Apoſtolica namq; ſedes, eum ad æterni Patris viſcera confugientem, paterna benignitate ſuſciperet, & inter matris Eccleſiæ filioſ familiarius conſouere optaret: Si enim, ſicut ſuarum litterarum allegatione Apoſtolicæ ſedi promittebat, plena mentis deuotione, ſibi ſuiq; legitimis ſucceſſoribus obediẽtiam exhibere iuraſſet, quam ſiue Reges, ſiue Imperatores catholici ſuis prædeceſſoribus exhibuerant, ipſe proſecto, eum vt catholicum Imperatorem haberet, & honorem eius per Dei gratiam ſeruaret, atque augere curaret. Nam ſi in capta vellet probitate perſiſtere, magna Romano Imperio ſalus per Apoſtolicæ ſedis obediẽtiam proueniret, quam ob cauſam non ſolum in partes illas venire, ſed extremis quoque periculis perſonam ſuam exponere paratus eſſet. Cæterum quia ad præſens ad ipſum venire temporis qualitas, rerumq; non pateretur, per ſuos nuntios voluntatem ſuam aperire, & Imperator ſuam inſinuare valeret.

Postulat interea Imperator, vt patris ſui cadauer in Eccleſia ſepeliri permitteret. Ad quod Papa reſpondit, quod Sanctarum ſcripturarum exinde ſibi obſtaret auctoritas, & miraculorum prohiberet reuerentia diuinorum. Ipſos enim Dei martyres iam in cœleſtibus poſitos id terribiliter exigiſſe ſciret, vt ſcleratorum cadauera de ſuis Baſilicis pellerentur, vt quibus viuẽtibus non cõmunicamus, nec mortuis communicare poſſimus. Menſe autem Februario, Cæſar cõcite caſtra ſua mouens, ad urbem tendebat. Pontifex autem exhortatorios ubiq; dirigens apices, non ceſſabat Normannos, & Longobardos ad Romanæ Eccleſiæ ſeruitium inuitare. Poſt hæc Imperator Romam acceſſit, tertio idus Februarij, ſabbato videlicet ante quinquageſimam. Roma;

Ann. 1118

li 4 nis

nis vero instantibus, ut honorem, & libertatem urbis sacramento firmaret, callide illos Cæsar circumuenire cupiens; Theutonice lingua iuxta suum velle iuravit; nonnulli autem ex Romanis hoc agnoscentes, & fraudem esse in negotio proclamantes, in urbem se recepere.

CAPVT XXXVII.

Imperato-
ris iura-
mentum.

IGITUR vbi Pontifex Imperatorem venisse cognovit, directis nuntiis securitatem ab eo, & obsides ex-
petebat, cui Cæsar obsides tradens, & ab eo obsides recipiens, iureiurando firmavit de ipsius Apostolici vita de honore, de membris, de mala captione, de regalibus etiam, & patrimonijs B. Petri, & nominatim de Apulia, & Calabria, Sicilia, & Capuano Principatu, factis etiam sacramentis, quod omnem inuestituram Ecclesiarum, & earum res omnino quietas dimitteret. Altero die obuiam ei Pontifex misit in montem gaudij, qui & Marij dicitur, Baiulos, Cereostarios, Stauroferos, Aquiliferos, Leoniferos, Lupiferos, Draconarios, Candidatos, Defensores, Stratores, & maximam populi multitudinem cum floribus, & palmis. Duo iuxta priorum Imperatorum consuetudinem iuramenta, vnum iuxta Ponticulum, alterum ante portam Porticus, Romano populo fecit. Ante portam à Iudæis, in porta à Græcis, cantando exceptus est. Illic omnis Romanæ Urbis clerus ex Pontificis præcepto conuenerat, & eum ex xquo descendente usque ad S. Petri gradus cum laudibus deduxere, cum vero ad superiora graduum ascendisset, illic Dominus Papa cum Episcopis pluribus, cum Cardinalibus, Presbyteris, & Diaconibus, cum Subdiaconibus, & cæteris scholæ cantorum ministris affuit. Quem Imperator, ut vidit, de equo descendens, procidit ad pedes eius; Demumq; exurgens, in nomine Trinitatis, in ore, & fronte, & oculis, ei pacem dedit, ac Stratoris officium exhibuit, moxq; dexteram Pontificis tenens, cum magno populorum gaudio, & clamore, ad portam peruenit argenteam, ibi ex libro professionem Imperatoriam fecit, & à Pontifice Imperator designatus est, & iterum à Pontifice osculatus, mox super eum oratio-

orationem primam, ſicut in ordine continetur, Lauicanus Episcopus dedit.

Post ingreſſum baſilicæ, cum in rotam porfireticam veniſſet, poſitis vtriſque ſedibus conſedere. Pontifex reſtaurationem inueſtituræ, & cætera, quæ in conuentionis charta ſcripta fuerant requiſiuit, paratus, & ipſe, quæ in alia conuentionis charta fuerant adimplere. Ille cum Episcopis ſuis, & Principibus ſceſſit in partē iuxta Secretariū, ibi diutius, quod eis placuit tractauerunt, in quo tractatu interfuere Longobardici Episcopi tres, Bernardus Parmenſis, Bonus Senior Regitanus, Aldo Placentinus. Cum autem hora longior ſe protraheret, miſſis Nuntijs Pontifex conuentionis ſupradictæ tenorem petijt adimpleri. Tunc Episcopi Tranſalpini ad Pontificis veſtigia corruerunt, & ad oscula ſurrexere; ſed poſt paululum familiares Regis dolos ſuos paulatim aperire experunt, dicentes. Scriptum illud quod conditum fuerat, non poſſe firmari auctoritate, & iuſtitia; Quibus dum Euangelica, & Apoſtolica obijceretur auctoritas, quia & reddenda Cæſari, quæ ſunt Cæſaris, & nemo militās Deo implicat ſe negotijs ſæcularibus, & iuxta B. Ambroſium ab Episcopali officio alienus ſit talia agens. Cum hæc, & alia illis Apoſtolica, & canonica capitula obijcerentur, illi tamen in doſoſitate ſua, & pertinacia permanebant.

Pontificis
& Imperatoris cō
greſſus.

Doli, &
fraudes
imperialium.

Matth. 23
verſ. 21.
2. Tim. 2.
verſ. 4.

C A P V T X X X V I I I.

IMPERATOR interea cupiens ſuis aſſertionibus Pontificem decipere, ait. Discordiam, quæ inter te, & Stephanum cognomento Normannū vſque nunc ſuit, volo vt iam finem accipiat. Is enim Stephanus ob ſidelitatem eius multa pericula ſuſtinuerat. Ad hæc Papa: Dies maxima ex parte præterijt, & officium prolixum erit hodie, ideoq; præmitus, ſi placet, quod veſtrum eſt impleatur: Vnus autem ex his, qui cum Imperatore venerant, conſeſſim ſurgens in medium, ait. Quid verbis opus eſt tantis? Indubie noueris, Dominum noſtrum Imperatorem ita vellet accipere coronam, ſicut illam Carolus, Pipinus, ac Ludouicus ſumpſere, quod cum Papa ſe id non poſſe implere dixiſſet:

Imperator niti-
tur decipere Pon-
tificem.

Miseran-
dum pror-
sus.

Leo Osti-
ensis fugit.

Impera-
tor vulne-
ratur.

dixisset: Caesar iratus, & seductus consilio Alberti Archie-
piscopi Maguntini, & Burchardi Episcopi Saxonum, non
veritus est eum suis armatis militibus circumdare. Sed cum
iam dies declinaret in vespem, consultum à Fratribus est,
vt Imperator eodem die coronaretur: ceterorum tractatus
in sequentem hebdomadam differrentur, illi etià hoc auer-
sati sunt. Inter hæc tam Pontifex, quàm omnes, qui cum
eo erant, à militibus armatis custodiebantur: vix tandem
ad altare B. Petri pro audiendis missæ officijs conscendere,
vix ad sacramenta diuina conficienda, panem, vinum, aquã
inuenire potuerunt. Post missam ex cathedra descendere con-
pulsus Pontifex, deorsum ante confessionem B. Petri cum
Fatribus sedit, ibi vsque ad noctis tenebras ab armatis mi-
litibus custoditus, inde ad hospitium, extra Ecclesiæ atrium,
cum Fratribus deductus est: capta est cum eo, & clericorum,
& laicorum numerosior multitudo. Pueros etiam, ac diuer-
sæ ætatis homines, & clericos, qui obuiam cum floribus, &
palmis processerant, alios detruncavit, alios expoliavit,
alios verberavit, alios in captione detinuit. Ioannes inte-
rea Tusculanensis Episcopus, & Leo Ostiensis, Papam in
vinculis tentum, vt perspexere, habitu plebeio induti, in
urbem se receperunt.

C A P V T X X X I X.

I G I T V R Romani Papam captum, vt audire, repen-
tinus illos tumultus, dolor, & gemitus inuasit, atque
è vestigio Alemannos, qui caula orationis, seu nego-
tij, aut visendi in urbem ingressi fuerant interficiunt.
Altera autem die ab vrbe egredientes pugnam conferunt,
multosq; de exercitu Imperatoris interficientes, & eorum
spolia capientes, aduersus Theutonicos acrius pugnaverunt,
adeo vt eos ex porticu penè propellerent, ipsi etiam Im-
peratorem equo deicerent, & in faciem vulnerarent. Hoc
vbi Otto Comes Mediolanensis perspexit, pro Imperatore
se ad mortem obijciens, equum suum ei contradidit: nec
mora à Romanis captus, & in urbem ductus, minutatim
concisus est, eiusq; carnes in platea canibus deuoranda re-
lictæ.

liæ. Tunc Imperator, vbi Romanorum victoriam, & suorum perditionem aspexit clamauit, & dixit: Videtis o milites mei, me interfici à Romanis, & non me defenditis? Ad hanc vocem videres Alemannorum, & Romanorum micare enses, alios discindi à capite vsque ad pectus, nullaq; erat requies morientium. Perniciosissima dies illa Romanis, & hostibus eorum fuit, cum hinc, & inde multa millia hominum caesa viderentur. Iam ad occasum dies vergebat cum Theutonici bello resoluti, à pugna se subducere ceperunt, virtus namq; eorum, vt ait Eutropius, sicut primo impetu maior est quam aliorum, ita sequens minor est, quam seminatam. Habent namq; aliquid simile cum niuibz suis, nam statim, vt tacti calore fuerint, in sudorem conuersi deficiunt, & quasi à sole soluuntur. Igitur Romani, vt Cimbros bello cecisse viderunt, ad spolia, & prædas conuersi, spolijsq; preceptorum onusti, in urbem redire ceperunt. Hoc vbi Cæsar aduertit imperat suis, vt Romanos, qui spolijs onusti in urbem redibant vnanimiter invaderent. Quod cum factum fuisset plures oppressione, & suffocatione, quã gladio mortui sunt. In tanta igitur perturbatione, varia fortuna, varijq; erant euentus; at Theutonici cum ad castrum Crescētij peruenissent, Romani pilis de castro emissis, illos in fugam conuertunt, quibus omnibus rebus Alemanni permoti, cum multitudine Romanorum castra sua compleri, & suum exercitum præmi vidissent, in castris se receperunt, tantusq; terror eos inuasit, vt per totum sequens biduum, die ac nocte in armis essent.

Nocte autem adueniente Episcopus Tusculanensis omnē Romanum populum aduocans, dixit ad eos. Licet verba charissimi filij vobis virtutem non addant, neque strenuus ex imbecillo, neque robustus reddatur ex timido, omnis tamen vobis causa est pro vita, pro gloria, pro libertate, pro defensione sedis Apostolicæ. Omnia namq; hæc in vestris dextris portatis; nam qui desiderat pacem, præparet bellum. Filij vestri contra ius, contra fas in compedibus detinentur, & Apostoli Petri basilica toto Orbe veneranda, armis, cadaueribus, atque cruore est repleta. Quid autem aliud exinde nisi malum edicere possumus? Ecclesia namq;
penitus

penitus attrita, & desolata est, vnde rogamus, & obsecramus, vt ei subueniatis, & ad tantam iniuriam vlciscendam, totis viribus insurgatis: nam vbi viri sunt, qui eis obstant, velocius sunt ad fugiendum, quam ad resistendum: de Dei nostri, & Beatorum Apostolorum Petri, & Pauli misericordia confidentes, ab omnibus vos peccatis absoluiamus.

Hac igitur Romani hortatione animati, omnes insimul contra Imperatorē sacramento se constrinxerunt, & omnes qui eos adiuuarent loco Fratrum habendos statuerunt.


Imperato-
ris fuga.

Henricus
expoliatus
Pontificem
ligat.

Hoc vbi Imperatori nuntiatum est, eadem nocte eūdem Apostolicum exinde abstrahens, tanto metu ex porticu profugit cum suo exercitu, vt non solum sarcinas, sed multos etiam socios in hospitij reliquerit. Post duos autem dies milites aduocans, praecepit Pontificem expoliari vestimentis suis, quod dum factum fuisset, vinculis alligatum secum duxerunt. Dehinc vsque ad pedem Soractis progredientes, iuxta B. Andreae Monasterium Tiberis alueum transierunt, & per Sabinos ad Lucanum pontem iter agentes, vltiores Romanae Urbis partes aggressi sunt. Trahebantur inter haec clericorum, & laicorum nonnulli funibus alligati, Pontifex autem cum duobus Episcopis Sabinensi videlicet, & Portuensi, & Cardinalibus quatuor, apud castellum Trebicum, ceteri vero Cardinales apud Conodilum, in custodia tenebantur. Latinorum vero nullus cum eodem Pontifice audebat colloqui. Custodiebatur autem a magnatibus Imperatoris, ab ipsis etiam, & obsequebatur: ad vltimum vero tam causa suspicionis, quam & concordiae gratia, reductus est in castra. Fuit autem idem Apostolicus in eodem carceris ergastulo diebus sexaginta, & vnum.

Ioānes interea Tusculanensis Episcopus per Epistolas non cessabat confortare, sollicitare, ac roborare animos fidelium ad succurrendum, & auxilium ferendū sedi Apostolicę afflicte, ac destitute. Tunc Princeps in Patenariam cū suis adueniens eligit milites fermē trecentos, & misit in adiutorium Romanis, qui venientes Ferentinū, inuenerunt Ptolemaum, & oēs procures illarum partium fauētes Imperatori. Imperator autē cum omni suo exercitu iā trāsmeauerat Tiberim; qua de re cū non possent urbem intrare, Capuā repedarunt.

C A.



Hic porrò perturbationibus instātibus, Dux Rogerius cum Boamundo fratre suo vita decessit. Horum itaq; mors Normānis magnum timorem, Imperatori autem, & exercitui eius, ac omnibus Longobardis audaciam maximam tribuit: re enim vera vehementer conturbati fuerant de aduentu Imperatoris, ne videlicet pellerētur de Principatibus, Apulia, seu Calabria, & munitissima loca eligebant omnes, & ædificabant ibi munitiones contra aduentum Imperatoris. Princeps autem habito cum suis consilio, ad Imperatorem legatos direxit, pacem ab eo, & securitatem expetens, itaq; cum & agros Romanorum Imperator quotidie depopularet, & eorum animos dolis, ac pecunia pertentaret, tantam Deus populo constantiam tribuit, vt nihil cum eis pacis, sine Papæ, & Cardinalium liberatione potuerit.

Dux Rogerius moritur.

Diuersis inter hæc consilijs distrahebatur, videns itaq; sibi euenisse, quod non putabat, cepit iureiurando firmare, quod nisi Pontifex voluntatem suam implere morigeraret, & ipsum, & omnes, quos habebat in vinculis, alios interficeret, alios membris detruncaret. Sed cum flectere in hoc Pontificem minimè posset, in hoc tandem plena deliberatione conuenit, vt omnes quos ceperat, liberos faceret, dūmodo securitatem sibi apud Papam futuri temporis prouideret. Hoc profecto per Principes suos, hoc per clericos, hoc per laicos, hoc per ciues Romanos sollicitus satagebat; cæterum Dominus Papa facilius vitam exponere, quam inuestituris Episcopatum, & Abbatiarum consentire malebat, quamuis ille per inuestituras illas non Ecclesias, non officia quælibet, sed sola regalia se dare assereret. Proponebatur grauissimū schismatis periculum, quod penè vniuersæ Latinorum Ecclesiæ immineret. Victus tandem miserijs filiorum, laborans grauib. suspirijs, atque gemitibus, & in lacrymis totus effusus, cogor, ait, pro Ecclesiæ liberatione, ac pace, hoc pati, hoc permittere, quod pro vita mea nullatenus consentirem; ad hanc enim securitatem confirmandam,

Pontificis constantia.

Pontifex flectitur.

dam, Episcopi, & Cardinales, qui capti fuerant expetebantur, nec omnino aliter, aut captiuorum dimissio, aut Ecclesiarum pax, quantum in ipsis erat, poterat prouenire.

Pontificis
iuramen-
tum.

Imperato-
ris iura-
mentum.

Cum itaque Comes Albertus de Blanderada, & ceteri Imperatoris laterales iuramentis condiciones præscribi non sinerent, Pontifex ait, quandoquidem conditionem perscribi non patimini, verbis apponam. Tunc totus ad Imperatorem conuersus, dixit. Iuramenta hæc ideo facimus tibi, ut vos illa, quæ pacti estis faciatis, & obseruetis: quod Imperator cum suis omnibus latissime, ac libentissime annuit; Ex verbo igitur Papæ ab eis iuratum est in agro iuxta Pontem Mammeum, qui Romanos à Theutonicis dirimebat, in hoc videlicet modo. Quod ulterius non inquietaret Imperatorem, neque eius imperium de inuestitura Episcopatum, & Abbatiarum, & de iniuria sibi illata, & suis; in persona, & bonis Imperatoris aliquod malum sibi, vel alicui personæ non redderet pro hac causa, & penitus in persona Imperatoris nunquam anathema ponat, & concedit eidem Imperatori, & eius Imperio, & priuilegio suo sub anathemate confirmat Episcopos, & Abbates libere electos assensu Imperatoris sine simonia, quos idem Imperator annulo, & virga inuestiat, & Episcopus inuestitus libere consecrationem accipiat ab Archiepiscopo ad quem pertinuerit; si quis vero à populo, & à clero eligatur, nisi ab Imperatore inuestiatur, à nemine consecratur, & Archiepiscopi, & Episcopi libertatem habeant consecrandi inuestitos ab Imperatore: & Regnum, & Imperium, & Patriciatum officij sui auxilio tenere adiuuabit. Cumque hoc sacramento firmasset, demum Imperator iurauit, quod dimitteret eundem Pontificem, cum Episcopis, & Cardinalibus, & omnes captiuos, qui cum eo, vel pro eo capti sunt, & obsides, & securos perduceret intra portas Transiberinæ ciuitatis, nec ulterius caperet, aut capi permetteret. His qui in fidelitate sedis Apostolicæ manerent, & populo Romanæ ciuitatis pacem, & securitatem seruaret, tam per se, quam per suos, & in personis, & rebus, qui pacem sibi seruassent: eundem Papam fideliter adiuuaret, ut Papatum securè, & quiete teneret: patrimonia, & possessiones Romanæ Ecclesiæ, quæ abstulit restitueret,

ret, cætera, quæ iure habere debet more antecessorum recuperare, & tenere, adiuuaret bona fide, & eidem Pontifici fideliter obediret, saluo honore Regni, & Imperij, sicut catholici Imperatores, catholicis Pontificibus Romanis. Post hæc Colonienſis Archiepiſcopus Fridericus, Gebeardus Tridentinenſis, Bruchardus Monasterienſis, Bruchardus Spirenſis, Albertus Cancellarius, Fridericus Terimannus, Albertus, Fridericus, Berengarius, Fridericus, Gotfridus, & Guanerus Comites, ac Bonifacius Marchio in hunc modum iurauerunt.

Reſtabat illa exactionis, & extorſionis portio, ut de inueſtituræ promiſſione priuilegiū Imperatori perſonaliter ſcriberetur, nec ipſe igitur, nec ipſius laterales paſſi ſunt, ut intra urbem ſcriptura ipſa inferretur, ubi ſigillum Pontificis diſmiſſum fuerat, altero itaq; die in eodem campo, qui ſeptē Fratrum dicitur, dum caſtra mouerent, illud dictari oportuit: & tranſito iuxta Pontem Salarium Tiberis fluuiio, dum apud Octauū caſtra ſita eſſent, accitus ab vrbe ſcriniarius, ſcriptum illud inter nocturnas tenebras exarauit, cui nimirum ſcripto ibidem, quamuis inuitus, Pontifex ſubſcripſit. Porro cum ibidem chartam ipſam Imperator accepiſſet, poſtmodum tamen cum ad B. Petri Eccleſiam perueniſſent; poſt coronæ acceptionem eam ad manum Pontificis retulit, nec ſolum contra eius voluntatem, ſed etiam cōtra omnem conſuetudinem de eius manu accepit. Coronatus eſt autem ibidem Imperator portis omnibus Romanæ Urbis, ne quis ciuium ad eum accederet, obſeratis. Cumq; ad hoſtiæ conſecrationem veniſſet, partem ipſe accipiens, partem Imperatori contradens, dixit. Sicut pars iſta viuifici corporis diuiſa eſt, ita diuiſus ſit à Regno Chriſti, & Dei, qui eumque pactum iſtud dirumpere tentauerit. Poſt coronationem, finitis miſſarum ſollemnijs, Imperator ſtatim ad caſtra in campum egreditur, Pontifex autem Urbem ingreſſus eſt; ab hinc igitur in Romana Eccleſia ſcandala diſſenſionum, & ſchiſmatum oriri cæperunt.

Henricus
corona-
tur.


S. Bruno
obsessam
à dæmone
liberat.

HIS quoque diebus dum Abbas noster Bruno Ecclesiam S. Thomæ Apostoli, extra castrum vallis Frigidę sitam, sollemniter dedicasset, mulier quædam, quam immundus acriter vexabat spiritus ad eum delata est, cuius calamitati compatiens, oratione præmissa, aquam, de qua manus lauerat, patienti fœmina in potum tribuit, moxq; ab ea diabolus effugauit.

Eo etiam tempore Presbyter in Alemāniæ partibus, dum quemdam puerulum psalmum cētesimum tertiumdecimum edoceret, & eo relicto alio perrexisset, puer somno fessus, deprimitur: moxq; rediens Presbyter excitauit illum, imperans illi legere psalmum. Puer autem perterritus, capit cordetenus dicere versus: increpatus autem à magistro, vt psalmum potiusquam versus diceret, ille magis, ac magis capit illos repetere. Intelligens autem Presbyter puerum per spiritum loqui, capit illos ex ore illius describere, versus autem hi sunt.

Rex morietur, & vrsus interficietur, & erit terror in diuersorio: Sol & Luna emittent venenum suū, & Stellæ pluent sanguinem. Regina destuetur, & non stabit Regnum eius, & erit superstes. Rex christianorum processit ex aluo matris, quem genuit interfecit. Oculi eius, vt faces ardentes, & vngues eius sicut Gris. Alia autem die puer interrogatus, nihil se ex hoc scire professus est.

CAPVT XLII.



PRAEFATVS autem Abbas sociatis sibi Guala Regiensi Episcopo, & Roberto Pasiēsi, & alijs Cardinalibus, capit omnimodis instare Pontifici, vt priuilegium, quod Imperatori fecerat, disrūperet, eūq; anathematis vinculo innodaret. Hi autem, qui cum Papa in vinculis fuerant dicebant: Quod antea prædicauimus prædicamus vna, & consoa voce, & quod damnauimus damnamus: alij autem non solum

solum non damnabant ea, quæ contra Apostolicam, & vniuersalem Ecclesiam facta fuerant, verum etiam satis impudenter defendere conabantur. Igitur dum istiusmodi dissensionibus Apostolica Ecclesia quateretur, relatum est eidem Pontifici, quod supradictus vir, illius dissidij, & scādali Dux, & signifer esset, quod ubi prædictus Abbas audiuit, temporis opportunitate reperta, dixit ad eum.

Inimici mei dicunt tibi, quia te non diligo, & quia de te male loquor, sed mentiuntur. Ego enim sic te diligo, sicut patrem, & Dominum diligere debeo, & nullum alium, te uiuente, volo habere Pontificem, sicut ego cum multis alijs tibi promisi. Audio tamen Saluatorem meum mihi dicentem. Qui amat patrem, aut matrem plusquam me, non est meus dignus. Vnde & Apostolus dicit: Si quis non diligit Dominum Iesum, sit anathema maranatha. Debeo igitur diligere te, sed plus debeo diligere illum, qui & te fecit, & me. Huic enim tanto amoris nihil vnquam præferendum est. Fædus autem illud tam fædum, tam violentum, cum tanta prodicione factum, tam omni pietati, & religioni contrarium, ego non laudo; quis enim illud laudare potest in quo fides violatur, Ecclesia libertatem amittit, Sacerdotium tollitur, vnicum & singulare ostium Ecclesiæ clauditur, multa ostia aperiuntur, per quæ quicumque intrat fur est, & latro? Habemus canones: habemus sanctorum Patrum constitutiones à temporibus Apostolorum vsque ad te, via Regia incendendum est, neque ab ea in aliquam partem declinandum. Apostoli omnes illos damnant, & à fidelium communione segregant, quicumque per sæcularem potestatem Ecclesiam obtinerent: laici enim quamuis religiosi sint, nullam tamen disponendi Ecclesiam habent facultatem. Hæc namq; constitutio Apostolorum sancta est, cui quicumque contradicit catholicus non est: omnis autem, qui hæresim defendit hæreticus est, nemo autem hanc non esse hæresim dicere potest, quam sancta, & Apostolica Ecclesia in multis Concilijs hæresim nominauit, & simul cum suis auctoribus damnauit, & excommunicauit.

Talis allocutio inter Pontificem & Abbatem, inuidiæ & odij fomitem ministravit. Inter reliqua autem, quæ tunc

K k contra

S. Bruno
Pōtificem
alloqui-
tur.

Matth. 10
vers. 37.
1. Cor. 16
vers. 22.

Leo Episcopus Ostiensis.

contra eundem Abbatem locutus est, ait: Si non accelera-
uero tollere ei Abbatiam, futurum est, ut ipse suis argumē-
tationibus Romanum mihi tollat Pontificatum: qua pro-
pter eidem Abbati ab vrbe direxit epistolam, per quam
mandat, quod non debet Episcopus simul esse, & Abbas,
nec ulterius ferre sedem Apostolicam, aliquem Episcopum
tam famosissimę Abbatia pręesse. Fratribus etiam per Leo-
nem Ostiensem Episcopum, & huius cōnobij monachum,
litteras misit, in quibus pręcepit, ut ulterius eidē viro obe-
dientiam non exhiberent, sed secundum Deum regulariter
sibi Abbatem eligerent, quod si aliter agerent, in omnibus
cellis huic cōnobio subditis Abbates proprios ordinaret.
Hoc ubi Abbas audiuit, Fratres conuocans, cepit ostende-
re illis dissensionem, quę inter se, & Pontificem pro causis
Ecclesiasticis erat, simulq; etiam monuit illos, ut si vellent
Abbatem, quem ipse eligeret, & illos, & hunc locum pro
suo posse protegeret, atque defenderet. Erat tunc in hoc
Monasterio Frater quidam Peregrinus nomine, natione Li-
gur, sæculari astutia callidus, cui eandem Abbatiam dare
decreuerat. Quod cum Fratres pręscissent, dixerunt Abba-
ti: Quia quamdiu ipse vellet Abbatis iure pręesse, omnes
illi, ut Patri, & Domino obedirent: sin autem Abbatiam
vellet relinquere, electionem, quę illis pręcepto regulę de-
bebatur nulli omnino contraderent, sed ipsi antiquo more
Abbatem sibi eligerent. Hoc ubi ille audiuit: nolo, inquit,
ut propter me inter vos, & Romanam Ecclesiam scandalum
oriatur, ideoq; virgam pastorem, quam mihi tradidistis
recipite, & mox eam super altare ponens, Fratribusq; ab-
solutionem faciens, ad Episcopatum suum reuersus est, ubi
in sancta conuersione feliciter, vsque ad Oderisij secundi
Abbatis tempora viuens, è mundo recessit, decimoquinto
Kal. Augusti, sepultus vero est in ciuitate Signina in Eccle-
sia sanctę Dei Genitricis, & virginis Marię, ad cuius me-
moriā miracula Dominus patrare non desinit vsque in
hodiernum diem.

Anno Do-
mini 1125.

His diebus defuncto in Tarraeinenſi Ecclesia Benedi-
cto Episcopo, Gregorius huius cōnobij à pueritia Monachus,
& in scripturis sanctis eruditissimus, à Romano Pontifice in
eadem

eadem Ecclesia Episcopus substituitur, similiter etiam in
cœnobio sancti martyris Christi Vincentij, Amicus huius
Cassinensis Monasterij Decanus Abbas praficitur, & in
Romana Ecclesia Oderisius, & Roscemannus Diaconi Car-
dinales ordinantur.

Oderisius
fit Cardi-
nalis.

A D D I T I O de sancto Brunone.

Beatus Bruno (ut eius acta testantur) natus est in Lon-
gobardia in villa Soleria, patre Andrea, & matre
Scyila, educatus in Monasterio S. Perpetui Astensis Episco-
patus. Inde Senis inter canonicos cooptatus, inde Romam
veniens, à Petro cognomento Igneo Episcopo Albanensi susce-
ptus hospitio, anno millesimo septuagesimonono in Concilio
Romæ à Gregorio septimo coacto, aduersus Berengarium
hereticum, negatē veritatem corporis, & sanguinis Christi
in sacramento Eucharistia, disputauit: postea Signine est Præ-
fectus, licet inuitus, Ecclesiæ, cogentibus eum ostensis diuini-
tus visionibus, quæ narrantur in vita ipsius. Sedit in Epis-
copatu annos quadragintaquatuor, usque ad annum Domini
1125. iuxta veriore computationem, & non trigintaqua-
tuor, ut habent lectiones officij eius, Romæ impressi 1592. Asse-
ritur enim factus Episcopus à Gregorio septimo, qui obiit an-
no 1085. à quo usque ad annum 1125. quo S. Bruno dicitur
obijisse, fluxerunt anni quadraginta, sedit ergo plures quam
trigintaquatuor annos.

Hic itaq. postquam per aliquot annos commissam sibi Ec-
clesiam sanctissime gubernasset, Cassinum montem petijt, at-
que monachalem habitum induit temporibus Oderisij Abba-
tis. Quod cum rescuisset Pontifex auctoritate Apostolica, ut
ad ouium suarum curam redeat, præcepit: arguens illum,
quod absque permissione sua ausus esset Monasterium pete-
re, ad quæ Bruno, respondit ea, quæ superius cap. 31. retulit
Petrus. Cumq. nulla ratione Pontificem sedare posset, Ode-
risius tunc Abbas Cassinensis, & Cardinalis, qui Brunonem
cucullo induerat monastico, rogauit Apostolicum, ut illum
in eodem Monasterio Deo militare permetteret, cuius præ-
cibus exoratus Papa quieuit.

K k 2 Verum

Verum non fuit ibi eum immorari diutius, sed cum titulo Episcopi Signiensis, legatum eum in Gallias misit cum Boamundo Principe Antiochia, ubi vice Romani Pontificis synodum celebrauit, de hac S. Brunonis in Gallijs Legatione frequens est mentio apud Iuonem in suis Epistolis ad diuersos, precipue Epistola 190. & 191.

In vita vero eiusdem Sancti, ubi de hac ipsa Legatione agitur hac in eius reditu contigisse narrantur. Cum autem de Gallia reuerteretur, in itinere latrones insidias posuerunt, volentes ipsum suis facultatibus spoliare. Cum autem Sanctus illis appropinquasset, tanto eius aspectu sunt diuinitus terrore percussi, ut ad pedes eius cum reuerentia procidentes, de malo proposito veniam peterent, ipsiq. in conductu itineris, quantum ipsi placuit, obsequium exhiberent. Præter hanc legationem, alia ad huc ipsum perscriptum esse ab eodem Paschali Papa sibi commissæ ad Rogerium Comitem, idem auctor vitæ ipsius affirmat. Denique bonis operibus plenus quieuit in Domino, & ab Ecclesia Romana in sanctorum numerum ascriptus est, cuius festum in Martyrologio descriptum habetur, die decimoctaua Iulij, quo etiam die apud montem Cassinum sollemniter celebratur.

Martyro-
logium
Romanū.

CAPVT XLIII.




SIRARDVS huius Monasterij Abbas quadragesimus primus, sedit annis vndecim, mēlibus tribus. Hic ex nobilissima Marforū Comitum progenie originem ducens, in primis pueritiæ suæ annis, omnipotēti Deo in hoc Monasterio oblatus, atque à Desiderio Abbate susceptus, & in Monasterio S. Nicolai in Pica Præpositus constitutus. Demum verò ab Oderisio, qui Desiderio in Monasterij successit regimine, huius loci Decanus ordinatus est; sed cum post Ottonis transitum, Bruno ordine, quo supra retulimus, Abbas effectus fuisset, Romanus Pontifex grauitè, ut antea iam diximus, eius ferens electionem, scripsit ei, ut Abbatiam dimitteret, ac Episcopatum suum peteret. Ille schismatis, & discordiæ periculum metuens,

tuens, Abbatiam reliquit. Post hæc Fratres in Capitulum conuenientes, Girardus omnium vnanimitate Abbas ordinatus est.

His quoque diebus Rogerius Dux Apulię vita decedit, & in loco eius Guilielmus filius eius substituitur.

Rogeri
Ducis obi
tus.

CAPVT XLIV.



HUNC temporis Hugo quidam Transalpinus miles, cui de Albaspina cognomen inditum fuerat, istis in partibus apud plerosq; Comites suis armis deseruiens, ditiaq; stipendia lucrans, rebus satis prosperis, dulcissimę iuuentutis voluptatibus utebatur: Erat enim cum manu promptus, tum etiam sermone facundus. Is cum Raone Rahelis filio Theanensis ciuitatis Comite, ipsa cœnæ Dominicæ sollemnitate, sanctum Pascha celebraturus, ad hoc Monasterium deuotione non modica veniens, decliui montis scabrosa via, equitatura concidens, horribilem nimis crurium fracturam passus est, & non aliter quam in lectulo huc asportari prauaui; moxq; se ante B. Benedicti corpus poni instantissima prece deposcit, ibiq; magnis clamoribus vociferans, totum diem flendo consumpsit. Cũq; iam sequentis noctis tenebrę diei finem imponerent, Mansionarius Ecclesię foras illum deferre famulis quibusdam mandauit. Ille autem magnis sacramentis contestari cepit, se nullo modo inde, nisi conualesceret, exiturum, & aiebat. Hic hic ante illius corpus, cuius cum ardenti desiderio curiam visitarem, tanto mei corporis vsus sum infortunio, hic inquam, ad illius iniuriam iacens, continuo naturę satisfaciam, nisi consuetam sibi, protinus mihi tulerit opem; quibus dictis recedentibus cūctis, ipse quoque semisopitus paulisper obticuit. Cum ecce videt sacrosanctum altarium, in quo Benedicti Patris est corpus reconditum, quasi diuinitus aperiri, indeq; venerandę canitiei virum egredi, illo scilicet habitu, quo in festiuis processionibus Abbates uti consueverunt: qui propius accedens, & fracturę locum benigna manu contingens, dixit: Ecce sanus factus es, minitare iam de-

Hugo de
Albaspina

B. Benedi-
ctus Hu-
gonem sa-
nat.

Kk 3 fine.

Hugo sa-
culo renū-
tiat.

sine. Aeger autem continuo sanus surgens, & incolumis; no-
ctem illam in omnipotentis laudibus expēdit. Mane autem
facto rem gestam innotuit, gratiarumq; actiones Deo, &
Patri Benedicto per magnificas reddidit. Post festum itaq;
non minori quam decuit mentis lætitia celebratum, Thea-
num Hugo redijt, cœlestisq; ignis ardore calefcens, mundo
mundanisq; omnibus vale dicens, se ipsum quoque secun-
dum diuinum præceptum abnegans, nudus & expeditus se-
cutus est Christum, moxq; ad fontem de Corrigha xenodo-
chium construens, tam religioso vitæ tramite ad supernam
patriam currere cepit, vt calciamentis quidem nullis, vesti-
mentis vero tantum laneis vsus sit. Idem etiam post quin-
decim annos rursus huc veniens, quasi adeptæ salutis repen-
dio, B. Benedicto perpetuo se tradidit seruum, veridicoq;
ore superius dicta multoties fatebatur.

Eo etiam die Rao filius Rahelis, remisit super altare B.
Benedicti cunctam pertinentiam cellæ nostræ de Theano, &
iuravit, quod quietam nobis dimitteret, quemadmodum
temporibus Iordani Principis fuerat, reseruans sibi hoc tã-
tummodo, quod homines nostri duobus diebus per hebdo-
madam suo seruitio deputentur, vsque in quatuor annos, &
ipse ob hoc dimitteret de solito censu, quem accipit de ca-
sa Flamma, vel alijs, annuatim tarenos centum. Completo
ergo termino, cætera omnia quæta dimittat in perpetuum.


C A P V T X L V.

MITTIT de hinc Pontifex nostrò Abbati, quate-
nus præparatis omnibus ad urbem pergat vide-
licet, vt proximo mense Martio Abbatæ conse-
crationem accipere debeat. Præparatis igitur
necessarijs iter accipiens, Romam aduenit, ibiq; consecra-
tionem indeptus, priuilegium ab eo de omnimoda Mona-
sterij huius libertate recepit.

Mense itaq; Martio adueniente, facta est ibi Synodus, in
qua cum omnibus Episcopis de negotio sedis Apostolicæ, &
Romani Imperij tractaretur. Papa professus est, se non tam
sua, quàm aliorum concaptiuorum liberatione, cum Impe-
ratore

ratore feciſſe, quod fecit; ſeq; omnino catholicum eſſe, firma, ac vera ratione oſtendit. Priuilegium etiam, quod fecit contra omne ius, & fas, neceſſitate feciſſe confeſſus eſt, quidquid vero ſui prædeceſſores ſtatuerūt, & damnauerunt, omnia ſimiliter confirmauit, & damnauit. Hoc Epifcopi audientes, illud ſcriptum priuilegium (ſi priuilegium vocandum) omnino in perpetuum condemnauerunt.

CAPVT XLVI.



ODEM vero anno Alexius Imperator, cuius ſupra memorauimus, ſtrenuiſſimos de ſuo Imperio viros cū litteris Romam direxit, per quas ſignificabat, ſe primitus de iniuria, & captiuitate ſummi Pontificis, à Romanorum Imperatore ſibi illata; nimium dolere: deinde gratias agens collaudat illos, qui viriliter contra eum ſtetiſſent, nec illi ad votum ceſſiſſent, atque ob id ſi animos illorum promptiſſimos, ac paratiſſimos inueniret, prout ſibi ab iſtis partibus iam dudum mandatum fuerat, vellet ipſe, vel Ioannes filius eius, ſecundum morem antiquorum, fidelium videlicet Imperatorum, à ſummo Pontifice Romæ coronam accipere. Romani autem ſe omnino paratiſſimos fore ſecundum voluntatem illius per eoſdem Nuntios mandauerunt. Menſe autem Maio elegere de ſuis fermè ſexcentos, & direxerunt Imperatori ad conducendum eum, qui venientes Caſſinum, honorabiliter à noſtro Abbate recepti ſunt, atque cum illis Legatos ad Imperatorem direxit, per quos ſeruitium, & orationem ei ſpoſpondit. Igitur cum Conſtantinopolim reuerſi fuiſſent, & vna cum Romanis eiſdem Imperatori narraſſent, quod illis noſter Abbas feciſſet, cenſuit Imperator, eum in loco amicorum habendum, ac per huius cœnobij Fratres octo libras ſolidorum michalatorū, & pallium tria centeſimum B. Benediſto direxit; inſuper etiam eidem Abbati mandauit, vt cum ipſe Romam coronandus veniret obuiam ei vſque Dirachium exiret, atque cum eo vſque ad urbem in eius ſeruitio permaneret.


Alexius
Impera-
tor Lega-
tos Romā
mittit.

Kk 4 CA.

CAPVT XLVII.

HIS diebus Hugo filius Hugonis infantis de castro Feniculi, vna cum Landulfo Beneuentano Archiepiscopo, reddidit B. Benedicto Ecclesiam S. Petri in Russano, & S. Ioannis in pertinentijs de castro Helicuso, & S. Georgij in castro Feniculi, & S. Martini in pertinentijs de castello, qui dicitur Torre Palatium, & S. Ianuarij in pertinentijs ciuitatis Beneuentanae cum pertinentijs illarum, quas videlicet Pater eius ad diem obitus S. Benedicto tradiderat.

CAPVT XLVIII.



ALIO vero anno praefatus Papa Paschalis iterum ad has partes deueniens, cum nostro Abbate, Synodum celebraturus, Beneuentum perrexit: in qua videlicet, per Sennem Capuanum Archiepiscopum proclamationem fecit de Ecclesia S. Sophiae in Beneuento, quae violenter à ditione huius loci subducta fuerat, sed nihil exinde habere iustitiae potuit; proclamauit etiam super Benedictum Terrae Maioris Abbatem, quod Ecclesiam S. Mariae in Casali plano, quae iuris huius loci extiterat, inuasisset. Tunc Pontifex, licet ab Abbate Oderisio olim exinde pulsatus fuisset, missis iterum, atque iterum litteris, apposita etiam interdictione, vel loci, vel ordinis, eundem Abbatem ad se venire coegit. Data est igitur per bidduum iurispritis licentia disputandi; nouissimè actores Monasterij Terrae maioris probationem possessionis quadragenariae intenderunt. Caterum eorum testes non ex visu, & auditu, sed ex fama testimonium profitentes, nec legibus, nec canonibus suscipi potuere. At contra nostri quadragenariae, vel tricenariae possessionis interruptionem modis talibus astruebant: testes duos notae religionis monachos, vnum Episcopum, alterum Diaconum protulere, qui se praesentibus supradictam Ecclesiam S. Mariae de Casali plano, per Desiderium memoriae felicitis Abbatem, locatam Rodulfo Presby;

Præsbytero afferbant, ſicut in locationis deſcriptione oſtē-
debat, ſub cenſu ſex bizanciorum: tres etiam ab eis laici
teſtes probati ſunt, qui ſe viſiſſe profitentur per annos qua-
draginta, priuſquam Eccleſiam illam Terræ maioris Mona-
ſterium inuaſiſſet, huius cœnobij monachos ibidem fuiſſe,
Præpoſitos. Legum igitur, Pontifex, auctoritate perſpecta,
Monafterio Terræ maioris ſuper hoc negotio perpetuum
ſilentium indixit, & demum Eccleſiam de Caſali plano cum
poſſeſſionibus ſuis, apud noſtrum Monafterium, per priuile-
gium, quietam in perpetuum manere conſtituit.

Tunc tēporis, & Robertus Comes de Laurotello quadra-
geſimali tpe cauſa orationis ad hoc Monafterium veniens,
vna cū Oldiberto milite ſuo, obtulit B. Benediſto, quidquid
ſibi pertinebat in territorio S. Martini in Piſile. Sequenti ve-
ro anno Gulielmus Dux filius Rogerij Ducis ad hūc locum
deueniens, per præceptum cōfirmavit in hoc loco, quidquid
Robertus, & Rogerius Duces S. Benediſto tradiderunt: con-
firmans inſuper Terram, quam olim in Troiano apud S. Iu-
ſtam in hoc loco conceſſerat: adiiciens inſuper, vt animalia
noſtra, quæ annualiter in ſuam terram deuenerint, pascua
in ſolitis locis habeant, & abſque ſua hominumq; ſuorum,
vel alicuius perſonæ contrarietate, vel infeſtatione, ſeu re-
ditione maneant, & redeant, mille librarum auri pēna indi-
cta. Fecit & aliud præceptum de Caſtellione de Baroncel-
lo, cum pertinentijs ſuis, vt homines, qui in eo manent, ſo-
lidi quieti, & liberi ſint à ſe, & à ſuis ab omni datione, vel
cenſu. Sed & Conſtantia filia Regis Francorum, cum Boa-
mundo filio ſuo, eodem anno obtulit in Eccleſia S. Petri Im-
perialiſ in ciuitate Tarento, oſtogintaſex familias homi-
num cum rebus ſuis, & quidquid eidem loco conceſſum eſt
per præcepta, & oblationes.

Guliel-
mus Dux.

C A P V T X L I X.

E O D E M vero anno Papa Paſchalis, cum apud Ce-
peranum Synodū celebraret, Archiepiſcopus Con-
ſentinus proclamationem fecit ſuper Rogerium
Comitem Sicilia, qui cū de Archiepiſcopatu deſi-
ciens,


ciens, inuitum, & renitentem monachum fieri iusserat. Ad hæc Papa, hoc ad me non attinet, Abbatis Cassinensis est iudicare, & discernere de talibus, cui hanc prærogatiuam prædecessores nostri contulerunt. Dona namq; & vocatio Dei, sicut Apostolus, ait, sine penitentia sunt. Illud ergo donum quod omnipotens Deus Beato concessit Benedicto, ac per eum Cassinensi cœnobio nulla potest ratione conuelli. Abbas ergo Cassinensis super re tali respōdeat, tunc Abbas. Non vult Deus coacta seruitia, vnde si contra vestram voluntatem Monasticum institutum arripuistis, vestrum erit, vel relinquere, vel tenere: qua propter sanctæ religionis habitum, quod inuitus sumpstis, vt ad pedes Domini nostri Apostolici deponatis, præcipimus; demum vestrum erit, vel recipere, vel dimittere. Ille autem continuo ad pedes summi Pontificis vestimenta deponit monastica, sed nullo modo ei ab aliquo persuaderi potuit vterius relumere. In eodem etiam concilio idem Apostolicus inuestiuit Gulielmū Ducem de Ducatu Apuliæ, & Calabriæ. Ibi etiam cum Landulfus Beneuentanus Archiepiscopus accusatus fuisset, & se purificare de obiectis non valeret, ad hunc locum fugit, Papæ sententiam audire declinans, sed qualiter rogatu nostræ congregationis, & Pontificij ordinem, & Papæ gratiam rursus habuerit, loco suo scribemus.

CAP V T L.

HOC etiam anno, cum Fratres nostri cœnobij a Sardinia remearent, Piratæ Saracenorum super eos irruētes in Africam victos duxere, quod vbi noster Abbas agnouit, pretium pro redemptione eorum illuc transmittersse studuit: sed hi, qui deferebant vētorum vi in Siciliam appulsi sunt. Igitur dum hæc ad notitiam Rogerij magnifici Comitis peruenissent, amore sanctissimi Patris Benedicti ductus, Nuntios suos ad Regem ciuitatis Calamensis, quæ à Saracenis Alchila dicitur, destinavit: quatenus illos ad hoc Monasterium redire permitteret, si eius frui amore, si eius pace vti desideraret. Annuit protinus Calamensis Rex tantis postulationibus, eosdemq; Fratres

Fratres Legatis ipſius Comitis tradidit. (Iam autem Azzo huius ſancti loci Decanus in eadem captione vita deceperat,) qui per Africam Siciliam venientes, honorabiliter ab eodem Comite ſuſcepti, atque ad hunc noſtrum Monasterium retransmiſſi ſunt.

CAPVT LI.




OPERAE pretium reor ea, quæ omnipotēs Deus ad iam dicti Decani declaranda ostēdit merita, opusculo præſenti annexere. Hic igitur dum in eadem Prouincia defunctus fuisset, corpus eius in Ecclesia B. Mariæ, ante altarium sepultus est. Factum est autem intempeſtæ noctis ſilentio, Saraceni inde tranſeuntes, dum Luna radios ſuos emitteret, viderunt eum foris iuxta ostium baſilicæ ſedentem, librumq; in manu tenentem. Tunc illi obſtupefacti, alios Saracenos clamare ceperunt, dicentes; currite citius currite, huc properare ſtudet, nam Presbyter chriſtianorum, qui in isto menſe mortuus est, ante ostium Eccleſiæ ſedentem conſpicimus. Hoc igitur reliqui audientes, portas ciuitatis egreſſi, illuc tendere ſeſtinauerunt. Cumq; ad eum appropinquaffent, vir Domini inter limen, ostiumq; baſilicæ ingreſſus, nulquam cōparuit. Quadam vero die, Mansionarius ingreſſus, Eccleſiam reperit lampadem, quæ ſuper ſepulchrum eius pendeſcit ardentem. Tunc iratus puerum, qui ei iugiter in Eccleſia ſeruiebat vocauit, eiq; dixit: Cur lampadem accenſam reliquiſti? Ad quem puer reſpondit Ego quando Eccleſiam clauſi lucernas omnes extinxi: hanc autem quis accenderit ignoro. Animaduertens autem vir ille, quod in re erat, lampadem extinxi, Eccleſiam clauſi: alioq; die ingreſſus Eccleſiam, eam ardentem reperit. Hoc igitur dum ſæpius fieret, nuntiatum eſt Regi Saracenorum, qui in re inſolita admiratus, & putās à chriſtianis iſta cōſingi, deſtinat Saracenos, qui lampadem extinguerent, oleum inde traherent. Quod dum factum fuisset, alio die Eccleſiam ingreſſi, lampadem lucentem, atque aquam in morem olei ardentem inuenere. Qui præ-

De Azone
Decano
in captiuitate mor-
tuo.

Lāpas ad
ſepulchrū
Azonis ce-
litus accē-
ditur.

pete cursu inde egredientes, ad Regem venerunt, & cuncta, quæ euenerant per ordinem pandunt. Tum Rex lampadem extinguï, & Saracenos die, ac nocte Ecclesiam custodire præcepit, ne quis Christianorum ibidem intraret, qui præceptis eius parentes Ecclesiam custodire cõpere. Noctẽ autem adueniente Saraceni, qui Ecclesiam obseruabant, oculos in cœlum leuantes, stellam de cœlo super lampadem Ecclesiæ radiantem aspiciunt. Tunc obstupesci, fores Ecclesiæ referant, lampademq; lucentem aspiciunt, cursuq; celeri ad Regis tendentes palatium, seriatim, quæ viderant narrare cõperunt. Rex vero talia dum audisset ab ore suorum, dictis derogans fidem, lampadem extinguï, & Ecclesiam sicut prius custodire præcepit: exurgensq; ad domum Callise, quæ Ecclesiam liminabat perrexit. Cum iam nox aduenisset eleuatis in cœlum oculis, vidit stellam super lampadem Ecclesiæ radiantem, eandemq; radio suo accendentem, statimq; Saracenos ad Ecclesiam mittens, lampadem ardentem reuersi nunciarunt. Tunc Rex proponit edictum, vt Christiani liberam in Ecclesiam ingrediendi facultatem haberent.

CAPVT LII.



EODEM quoque tempore Robertus Auer-
sanus Episcopus, præsentẽ Romano Ponti-
fice, promouit litigium contra hoc Mona-
sterium, de Ecclesia S. Agathæ in Aversa.
Cumq; diu inter nos, & illos in Romana
curia hæc causa sæpius ventilata fuisset. Ex
præcepto Romani Pontificis, & Cardinalium, quibus graue
videbatur totiens eãdem causam in iudicio audire, vna cum
clericis Auersanæ Ecclesiæ, idem Episcopus eandem Eccle-
siam huic nostro Cassinensi cœnobio in perpetuum habendã
concessit. Hic Abbas fecit libellum hominibus habitantibus
in castro S. Angeli, de terris, & siluis huic Monasterio per-
tinentibus in loco, qui dicitur Tabulella, iuxta tenorem
antecessorum suorum, vnde recepit libras denariorum de-
cem. Huic Abbati Robertus Princeps iureiurando firmavit
totam

totam ex integro Abbatiam, & omnem terram, Caſtra & Monasteria ſicut illa tenuit Otto Abbas, octo dies antequā mortuus eſſet, & omnia, quæ hoc Monasterium retinebat infra Principatum Capuanum. Id ipſum fecit Andreas Cōſul, & Dux Caietanorum de terra S. Benediſti, & nominatim de caſtro Pontifcurui cum pertinentijs ſuis.

C A P V T L I I I.



V N C temporis Benediſtus Fundanæ Eccleſiæ Episcopuſ, & huius cœnobij monachus, contendere cepit aduerſus hoc Monasterium pro pecunia, quā Contarduſ prædeceſſor ſuus in hoc loco depoſuit, cuiuſ pecuniæ partem idem Episcopuſ redditam fatebatur, partem vero non. Noſter vero Abbas cauſam ſe ignorare dicebat, & cum huiuſ rei negotium diuulgatum, ac ventilatum fuiſſet, quoniam, & de quantitate pecuniæ dubitabat, & vtrum minus eſſet redditum, quā in depoſito fuiſſet acceptum. Tandem ad hanc venimus conuentionem, quod huiuſ rei gratia noſter Abbas conceſſit eidem Episcopuſ, vſque ad obitum ſuum, Monasterium S. Nicolai in Pica, vt haberet inde omnem redditum, quem hoc Monasterium eſſet habiturum, præter conſuetas ſalutes temporibus ſuis.

Hic Abbas cum adhuc Præpoſituræ officio fungeretur, in Eccleſia S. Nicolai in Pica, tempore Patris Deſiderij, acquiſiuit à Girardo, Richardo, & Leone Fundaniſ Conſulibus Eccleſiam S. Honuſrij cum pertinentijs ſuis, & quoniam ſupradictuſ locus in deuexo montis latere conſtructuſ, latronum direptionibus ſemper patebat, illam Girarduſ diruens in monticulo iuxta poſito conſtruxit Monasterium in honorem ſancti confeſſoris Chriſti Honuſrij, atque de Monasterio S. Nicolai in Pica omnium mobilium medietatem auferens, partem etiam Monachorum eiufdem loci ibi trāſmitrens, ſedecim Fratres illic Chriſto ſeruituros aggregauit. Pari etiam modo in Aliphano territorio, Eccleſiam S. Marię in Cingla à fundamentis diruens, magnificam, & ſpecioſiſſimam

Monasteriū S. Honuſrij.


S. Marię in Cingla

simam ad similitudinem huius Ecclesiæ S. Martini, in priori loco renouauit.

Hic Abbas concambiauit cum Crimaldo filio Maionis de Aquino terram in Vlmitu, recipiens aliam petiam terre in Asprano, cum pertinentijs suis.

CAPVT LIV.


Ann. 1173



VB ijsdem ferè diebus, cum iam ab Incarnatione Domini annus millesimus centesimus, ac quintusdecimus elaberetur vndecimo Kalendas Martij, castrum huius nostri Monasterij, quod Suium dicitur, quodq; à Patris Desiderij tempore ab hoc Monasterio subtractum fuerat, post decessum Richardi de Aquila, qui eundem castrum tenuerat: captoq; Alexandro, qui vxorem eiusdem Richardi acceperat, Suienses non ferentes insolentiam exactorum eiusdem Alexandri, eundem castrum in manus præfati Abbatis reddiderunt. Rangarda igitur vxor præfati Richardi hoc agnito, Turrem, quæ ad mare dicitur, proditione custodum, in sua accipiens, villam Laurianam, casam Maiorem, S. Benedictum in Sueffa, & omnia, quæ in sua ditione ad Cassinense cœnobium pertinebant, ab huius loci potestate subtraxit, & deinceps quidquid aduersi, quidquid incommodi Cassinensi cœnobio excogitare poterat, inferre non desinebat. Abbas autem, non segnis ad hæc, aggregato exercitu Sueffanam Terram igne, ferroq; deuastare omnimodis cepit. Richardus etiam tunc Bartholomæi de Caleno filius, propter pugnam, quam cum eadem Rangarda pro Ducatu Caietano habebat, eidem Abbati per sacramentum firmavit totam ex integro Abbatiam, & omnia quæ recuperare posset in Terra Fundana, vel in Terra Guidonis de Castro, vel Comitum de Cicciano, & Capuano Principatu, in Comitatu Aquinensi, Venafrano, Aliphano, ac Theanensi, & nominatim castellum de Suio cum pertinentijs suis; & spetialiter viam per flumen Garilianum eundi, & redeundi cum nauigijs ad portum de Suio, & spetialiter Terras, quæ ab eadem Rangarda sublata fuerant, idest curtem

tem S. Ioānis ad Currentē, curtem de Landō de mari, casam
Maiorem, Laurianam, S. Benedictum de Suesla, & Terras,
quas retinebat Gezzolinus. Id ipsum fecit, & Robertus
Princeps iureiurando confirmans B. Benedicto supradictum
castrum de Suio cum pertinentijs suis.

CAPVT LV.



SEQUENTI anno, mense Maio, iam
dictus Papa Paschalis Romam egrediens,
venit ad hoc Monasteriū, nostrumq; Ab-
batem secum ducens, Synodum celebra-
turus, Troiam perrexit, indeq; regrediēs,
Ecclesiam S. Vincentij, quam Girardus
huius cœnobij monachus, iuxta ortum

Ann. 1116
Paschalis
Papa Cas-
sinum ve-
nit.

Vide cap.
4. lib. 1.

Vulturni fluminis à fundamentis construxerat, sollemniter
dedicauit, in qua etiā noster Abbas duo pallia obrulit. Hu-
ius Abbatis tempore Almannus huius sacri cœnobij Mona-
chus defunctus est; cuius vita quantum Deo placuit, exitus
illius patefecit. Hic itaq; ē Melfia ciuitate, de qua oriundus
erat, ad hunc locum perueniens, districte satis, & con-
tinentissime vixit: omnibus enim noctibus iuxta Ecclesiam
S. Andreæ Apostoli in cimiterio Fratrum nudus permanens,
& psalmos canens, duris scoparum ictibus carnem suam af-
fligere non desinebat: sub istius autem Abbatis tempore,
cum idem vir intempestæ noctis silentio esset defunctus. Ni-
colaus Cellararius extra Monasteriū manens, eleuatis ocu-
lis, vidit tectum domus desuper aperiri, & ex eo maximum
globum ignis egredi, atque in cœli alta deferri; statim ve-
ro ad Monasterium Nuntium mittens, inuenit ea hora fuis-
se Almanni obitum, qua globum ignis de Monasterio egre-
di, cœliq; alta petere vidit. Hanc autem visionem sicut Cel-
lararius à foris, ita & Carbo, vnus ex huius loci Prioribus,
qui adhuc superest, in Monasterio positus vidit. Hic ve-
ro quamdiu vixit, tribus diebus in hebdomada panem, &
aquam comedit, & nunquam nisi certa soluit festiuitate
ieiunium.

Almannus
monachus

C A-

Ann. 1117
Girardus
Ianulæ ar-
cem con-
struit.

INTEREA cum homines de ciuitate S. Germani nostro Abbati sæpe inquieti, & rebelles existerent, ad horum nequitiam refrenandam Girardi animus ingens erigitur, vna cum Oderisio Præposito, & Senioreto Decano, qui post Abbates huius cœnobij extitere, alijsq; prudentibus viris communicato consilio, quosq; huius loci fideles in suum auxilium euocans, septimodecimo Kalendas Februarias, nocturno tempore monticulum Ianulæ, qui eidem ciuitati imminet, cœpit, atque à ciuibus obsides accipiens, eãdem Ianulæ Arcem, quæ à temporibus Aligerni Abbatis destituta, ac desolata fuerat, restituere, vir strenuissimus, cœpit. Primo itaq; in montis summitate turrem speciosissimam, ac valde maximam extruxit, iuxta quam duas veteres turres dirutas reparauit. Iam vero Abbas cameram cum cappella, & reliquis officinis pulcherrime satis construens, ipsius arcis ambitum muro firmissimo sepsit, & sic demum rebelles, & infidos, quietos manere coegit. Pari etiam modo castrum Pontiscurui, Cardetum, Vitecusum, ac Suium, muris, turribusq; muniuit.

CAPVT LVII.

IN diebus defuncto in Caietana Ecclesia Alberto Episcopo, Richardus huius cœnobij à pueritia monachus, eidem Ecclesiæ Episcopus datur. Romanus interea Pontifex cum ad Paganorum sauitiam edomandam sollicitus esset, Romanos, Pisanos, aliosq; de diuersis partibus euocans, sub remissione omnium peccatorum illos ad Insulas Baleares direxit. Quo dum venissent, diu multumq; illas expugnantes, tandem in ditionem acceperunt, centum millibus Saracenorum gladio interempris.

Hoc præterea tempore Hector, Pandulfus, & Gisulfus filij Pandulfi de Presenzano, antiqui hostis malitia debricati, castrum

strum huius Monasterij, quod Cominum dicitur, furtive,
 surripientes, terras huius cœnobij sibi cōtiguas modis om-
 nibus infestare cœperunt. Abbas autem, vt erat magnani-
 mis, exercitum congregans, terram illorum igne, ferroq;
 consumpsit. Eodem vero anno prædictus Papa urbem egre-
 diens venit ad hoc Monasterium vbi honorifice nimis rece-
 ptus, cum ei relatum fuisset de supradictis sacrilegis, qui
 ante iam fatum castrum Comini inuaserant, inter ipsa
 missarum sollempnia, tanti mali auctores, nisi respiscerent, a
 liminibus Ecclesiæ separauit. Quid tantis? Videntes sibi
 Deum in omnibus resistere, eūdem castrum in manu nostri
 Abbatis reddidere, atque ad hoc Monasterium venientes,
 cuncta congregatione astante, supradictum castrum supra
 B. Benedicti altarium refutauere. Lando interea filius Lan-
 donis Comitis, more parentum suorum, ab huius loci infe-
 statione nequaquam quiescens, in silua huic Monasterio cō-
 tigua, quæ Tirellæ dicitur, castrum construere cœpit. Erat
 tunc in hoc sancto cœnobio Ioannes Romanæ Ecclesiæ Cā-
 cellarius, & huius Monasterij monachus, cuius superius me-
 moriam feci, qui tantam insolentiam nequaquam ferendam
 censens, Senio retum Decanum, aliosq; ex Fratribus secum
 assumens, eundem Comitem adiit, atque illum ex parte
 Romani Pontificis obtestare cœpit, vt in possessione B. Be-
 nedicti castrum non edificaret, nisi anathema Apostolicum
 experiri veller. Tunc ille, & Pontificis, & B. Benedicti iusti-
 tia agnita, de eodem loco confestim recessit.

Ioannes
 Cancellarius.

CAPVT LIII.

TVNC temporis quidam miles in Apulia, in quo-
 dam consiliu, a quodam iniquissimo captus, atque
 Boia, catenisq; deuinctus, in foueam demersus est.
 Cumq; per dies plurimos eodem neruo detinere-
 tur astrictus, & die, noctuq; sanctissimi Patris Benedicti au-
 xilium anxie flagitaret, quadam nocte ei apparuit dicens;
 dormis, an vigilas? Et ille: vt cernis plus in meæ mentis ar-
 chano de morte, quam de somni quiete pertracto. Sed tu
 quis es, qui ad me venire dignatus es? Et sanctus. Ego sum

LI Frater

Otto Mo-
nachus.

Frater Benedictus, quem in tuo adiutorio venire rogasti. Nunc vero surge celerius, catenas vero cum quibus ligatus es, quoniam propter itineris longitudinem ad corpus meum in Cassino ferre minime vales, ad sepulchrum Fratris Ottonis inclusi (qui meam regulam optimè observavit) suspende, & ob tuam liberationem laudes Deo reddendas ire ne tardes Cassinum. Hæc cum dixisset, continuo miles surgens, inuocato Redemptoris nostri, ac B. Benedicti nomine, confestim catenarum, quæ in pedibus eius erant solutæ sunt, & continuo surgens, quæ sibi iniuncta fuerant omni instantia implere curauit. Demum vero Cassinum veniens Deo, Patriq; Benedicto laudes quam maximas retulit.

Arderadus huius loci Oltarius, dum noctis medio per plana, quæ Cassinensi monti subiacent iter ageret, oculos ad sanctissimi Patris Benedicti cœnobium vertens, vidit super eundem locum ad instar solaris splendoris descendisse maximam lucem, quæ prius Ecclesiam, postmodum vero totum Monasterium operiens, usque ad dimidium ferè horæ spatium mansit, ac sic demum lux, quæ ante oculos eius apparuerat subtracta est.

Sargius
monachus

Eo etiam tempore Sergius huius cœnobij monachus, natione Amalphitanus, dum vita decederet, Gregorium huius loci Presbyterum rogauit, ut eum non dimitteret, qui postulationi eius obtemperans, cum eo permansit. Cum vero vitæ eius appropinquasset iam vltima hora, respiciens vidit Beatissimam Dei Genitricem Mariam ad se venientem, illicoq; manus sursum erigens, clamare cepit, Domina mea, Domina mea: quem interrogantes, quid videret, ait: Num quid nam non Beatissimam Virginem Mariam videtis? Hic nempe est. Hæc dum dixisset, animam exhalauit.


C A P V T L I X.

PER hos dies Petrus filius Petri Mayni de ciuitate Aquinensi, obtulit B. Benedicto quidquid sibi pertinere videbatur infra fines supradictæ ciuitatis in valle Opplosa, & Surgili, & Cisternola, & omne quod sibi pertinebat apud Suium, loco qui vocatur casa Maiore. Adenul-

Adenulfus quoque filius Bernardi de Aquino, & ipse ad hoc Monasterium veniens obtulit huic sancto loco, quidquid sibi à paterno, vel materno iure pertinebat in S. Urbano.

Hoc etiam tempore, Abbas Girardus concessit in vestuario huius sacri cœnobij ob Fratrum utilitatem, quidquid S. Benedicto pertinebat in Comitatu Termulensi, necnon & Terras, quæ fuere Oldiberti militis, quas Comes Robertus, sicut supra retulimus, huic loco obtulit, anathematis inondatione apposita, si aliquis successorum suorum hoc à vestuario Fratrum subtrahere vellet. Concessit etiam in Monasterio S. Ioannis de Capua Petram mellariam cum pertinentijs suis. Sciendum sanè, quoniam in Monasterio puellarum S. Ioannis, Abbatisa quidem debet eligi cum necesse est à sanctimonialibus, sicut ego ipse recolo me legisse in privilegio Abbatis Aligerni, quod apud Capuanum B. Benedicti Monasterium habetur, sed approbari, & confirmari debet iudicio Cassinensis Abbatis, cuius etiam auctoritate consecrationem ipsa Abbatisa accipere debet.

CAPVT LX.



Superius autem Pontifex, sociato sibi nostro Abbate, Romam rediens, mediante quadagesima Synodum celebrare disponit; in qua etiam noster Abbas proclamationem fecit de cella S. Sophiæ in Benevento, sed nullam exinde habere iustitiam valuit. Quo etiam tempore dum Pontius Cluniacensis cœnobij Abbas ad Synodum veniens se Abbatem Abbatum esse iactaret, interrogatus à Ioanne Cancellario, si Cassinenses accepissent regulam à Cluniacensibus, an Cluniacenses à Cassinensibus, Pontius respondit, quod non solum Cluniacenses, verum etiam omnes monachi in orbe Romano degentes, regulam Patri Benedicti à Cassinensi cœnobio acceperunt: tum Cancellarius, ergo si ex Cassinensi cœnobio, tamquam à viuo fonte Monastica religionis norma manavit, iure, ac merito Cassinensi Abbati hæc prærogatiua à Romanis Pontificibus concessa

Ll 2 est,

Potius Abbas Cluniacensis.
Ioannes Cancellarius.


est, ut ipse solus, qui Benedicti Legislatoris est Vicarius, Abbas Abbatum vocetur.

Romano-
rum diffi-
dium.

Per idem tempus Romani aduersus iam dictum Pontificem ferali inter se odio dissidebant. Nam pars maxima illorum, qui filium nuper defuncti Praefecti contra voluntatem Papae elegerant, omnibus nisibus contra Petrum Leonis agebant adeo, ut nonnullas eius Turres destruerent, quia pro ipso, & cum ipso non consenserat Pontifex voluntati eorum. His auditis Henricus Imperator, qui defuncta Matilda, tunc apud Liguriam degebat, gratia disponendarum rerum illius, latus effectus, quia non bene cum Papa conueniebat, Xenia Imperialia urbis Praefecto, & Romanis transmisit, aduentum suum illis praenuntians affuturum. Pontifex interim loco cesserat, & Petro Leonis in munitionibus degenti, quoquo modo poterat, subsidia ministrabat.

CAPVT LXI.

Ann. 1117
Henricus
Impera-
tor Romae
venit.



ANN O autem Dominicae Incarnationis millesimo centesimo septimodecimo, idem Imperator congregato exercitu Romam aduenit, quod dum Papa Paschalis comperisset, urbem egrediens venit ad hoc Monasterium, atque ab vniuersa huius loci congregatione rogatus. Landulfum Ar-

chiepiscopum Beneuentanum, quem supra depositum retulimus, in gradu suo restituit; sicque per Capuam Beneuentum ingressus est. Imperator interea urbem Romam ingrediens, & Pontificem exinde discessisse praenosens, Consules, Senatores, ac Proceres partim donis, partim promissis ad se attrahens, Ptolemaeo illustrissimo Octauia stirpe progenito, Ptolemaei magnificentissimi Consulis Romanorum filio, Bertam filiam suam in coniugio tradidit, eique dona per plurima conferens, quidquid auus eius Gregorius, alijque parentes habuerant, vel retinuerant, praedicto Ptolemaeo, & heredibus eius Imperiali auctoritate in perpetuum confirmauit.

Agit interim Papa cum Principe, aliisque Normannis, quatenus contra Imperatorem conglutinetur, illique obstant, vel

vel certe contra iam dictum Ptolemæum Romanorum Cō-
sulem generum eius, hominibus supradicti Pontificis arma-
torum auxilium subministrant. Henricus præterea Impera-
tor in Vrbe Roma persistens, Paschalis diei sollemnitatem
cum ingenti gaudio Senatus, Populiq; Romani celebrare
studuit, & quia Pontificem ibidem non inuenit, & rationes
suas cum rationibus eius internuntijs mediantibus minime
conuenire videbat, coactus, feruore ætatis secessit cum
suis in hyperboreis regionibus, spondens se temperato aere
agiliter Romam redire. Normanni vero Imperatorem ab
Vrbe egressum dum agnouissent, elegere de suis fermè tre-
centos, ac diebus Pentecostes contra Ptolemæum direxe-
runt. Qui Campaniam ingressi, iuxta Pylum eiusdem Pro-
uinciæ oppidum castrametati sunt, prædam inde hominum,
ac iumentorum facientes. Hoc vbi Ptolemæo Consuli nun-
tium est, è vestigio milites, quos Imperator in adiutorium
suum reliquerat euocans, per noctem eos ex aduerso contra
castra illorum dirigere studuit. Normanni interim cognito
illorum aduentu, præpete cursu ad castrum Acutum fugien-
tes peruenere, quos Theutonici insequentes, quotquot in-
uenire poterant neci tradebant: magnamq; stragem de eis
fecissent, nisi castrum Normannos recepisset: victoria itaq;
Alemani positi, Normannos exequitatos, & deprædatos,
per vicos, & oppida persequebantur, taliq; ordine Normã-
ni iniurijs affecti, vnus post vnum ad propria remearunt.

CAPVT LXII.

HOC præterea tēpore terramotus magni per vni-
uersam ferè Italiā facti sunt, ita quod muri mul-
tarum ciuitatum ruerent, Ecclesiæ à fundamen-
tis subuerterentur, & excelsæ Turres demergerē-
tur, & multorum hominum strages fierent. Fontes etiam
ferè omnes turbidati sunt, & lampades Ecclesiarum nullo
impellente turbine per aerē mouebantur. Tunc quoque in
ciuitate Veronensi maxima pars ædificiorum corruit. Hia-
tus etiam in eisdem partibus magni facti sunt, & innumera
arbores virentibus folijs radicitus euulsæ foras eiectæ sunt,

Terramo-
tus magni
in Italia.

Ll 3 humoq;

humorq; loca illa obteſta; infans etiam contra ætatem locutus, quædam portentosa vaticinatus est, quæ postea euenerunt. His perturbationibus insistentibus, Simon filius Hugonis de Molisi apud Hiserniam vita decessit. Corpusq; eius ad hoc Monasterium delatum, atque in atrio Ecclesiæ B. Benedicti reconditum est.

CAPVT LXIII.

Robertus
Anglorum
Rex.

HIS porrò diebus Robertus Rex Anglorum Legatos ad hoc Monasterium direxit, petens, ut pro se, atque pro statu Regni sui Domini clementiam exorarent, calicemq; aureum quantitatis non modicæ B. Benedicto per eos dirigere studuit. Eo etiam tempore Rogerius filius Landonis Caluensis Comitæ ad hunc locum deueniens obtulit B. Benedicto in Sicilia, in loco ubi dicitur Melazzeti, Ecclesiam S. Andreæ iuxta flumen Platonion.

CAPVT LXIV.



Paschalis
Papæ obi-
tus anno
1118.
Gelassij II
electio.

PER hos etiam dies Alexius Imperator Nouæ Romæ Cōstantinopoleos, qui multa bona huic sancto cœnobio contulerat, & super omnia latini nominis Monasteria dilexerat, quadragesimo quarto anno Imperij sui, huius vitæ metas exoluit, & Ioanni Porfirogenito filio suo Orientaliū Romanorum summam reliquit. Similiter & iam dictus Papa Paschalis à Beneuēto Romam regressus, duodecimo Kalendas Februarias, vita decedit, & Ioannes Cancellarius, huius Cassinensis cœnobij à pueritia monachus, à Clero, Senatu, Populoq; Romano, in Gelasium Papam eligitur.

Talia dum Henrici Imperatoris venissent ad aures, festinus Romam aduenit, Nuntios ad eundem electum trāsmittere studuit, per quos ei direxit, quod si fidem quam Papa Paschalis cum Imperatore fecerat obseruaret, & conuentiones, quæ inter Romanum Imperium, & sedem Apostolicam

stam-

statuta fuerant firmaret, Imperator confestim fidelitatem eidem electo, & Romanæ Ecclesiæ faceret, sin alias, alium Pōtificem in Romana Ecclesia inthronizaret. Videns igitur idem electus rationes suas cum rationibus Imperatoris cōuenire non posse, per fluuium Tyberim mare ingressus, vna cum Episcopis, & Cardinalibus, alijsq; clericis Romanæ Ecclesiæ, necnon & Præfecto Romanæ Urbis, multisq; alijs nobilibus Romanis aduenit Caietam. Hoc vbi Imperatori nuntiatum est, è vestigio Mauritium Bracarensem Archiepiscopum à Papa Paschali depositum, inuasorem Romanæ Ecclesiæ constituit. Supradictus autem electus Caietæ remorans in quadragesima Presbyter ordinatus, & ab eisdem Episcopis, & Cardinalibus in Papam Gelasium consecratus est.

Tunc temporis Capuanus Princeps Robertus, & Gulielmus Dux ad eundem Pontificem in eadem ciuitate venientes, fidelitatem fecere. Deinde Capuam veniens, vna cum Episcopis, & Cardinalibus excommunicauit eundem Imperatorem, vna cum prædicto inuasore, eorumq; complicitibus. In festiuitate autem Paschali imposito sibi Romani orbis diademate, cum magna laude, & gloria ad Patris Benedicti Monasterium Capuæ situm venit, celebrataq; missa, sollemniter ad Episcopatum ciuitatis redijt, ornatis plateis, & arcibus Romano more. Post hæc idem Pontifex ad hoc Monasterium veniens, cum immenso honore, ac gaudio ab vniuersa congregatione susceptus est, atque per plurimos dies in hac Terra moratus est. Robertus interea Princeps exercitum congregans ad hoc Monasterium venit, Romam, sicut promiserat Pontifici, cum eo iturus: audiens autem, quod Imperator oppidum, quod Turricula dicitur obsideret, Cassini substitit, vbi etiam Nuntios Imperatoris suscipiens, Capuam repedauit. Imperator interea cum oppidanis fœdus iniens Romam redijt, ibiq; diebus Pentecostes ab eodem Hæresiarcha coronatus, Liguriam redijt. Hoc vbi Pontifex supradictus agnouit Romam reuersus est, indeq; egressus ciuitatem Pisanam adiit, Ecclesiamq; inibi S. Mariæ, quæ ad Domum nuncupatur dedicans, primus in eadem Vrbe Archiepiscopatum instituit. In eadem verò ciuitate

Gelasius
Cassinum
venit.

Gelasius
Pisanū Ar-
chiepisco-
patum in-
stituit.

Ll 4 supradi-

Gelasij o-
bitus.

supradicto Pontifice persistente, auctoritate eius, ac Petri Archiepiscopi ciuitatis illius, oblata est B. Benedicto Ecclesia S. Siluestri in eadem ciuitate Pisana, ab Odemundo, & filiis eius cum pertinentijs suis. Huic concessioni Lambertus Ostiensis Episcopus, post autem Papa Honorius, cum alijs Cardinalibus interfuit. Exinde verò supradictus Pontifex discedens cum Episcopis, & Cardinalibus, Cluniacense cœnobium petijt, atque à supradicti loci Abbate honorifice nimis receptus, & ibi aliquamdiu remoratus, post paucos dies vita decessit, atque in eodem Monasterio decenti est sepultura reconditus.

Callisti II
electio.

Cardinales igitur, videntes se tanto destitutos esse pastore, consilio habito, ne diutius Romana Ecclesia moribus schismaticorum pateret, Guidonem Viennensem Archiepiscopum, regali stirpe progenitum, in rebus sæcularibus, & Ecclesiasticis apprime eruditum, ibidem sibi in Papam Callistum præficiunt. Idem præterea Pontifex per aliquantum temporis ibidem remoratus, Roscemmanumq. Cardinalem, & huius cœnobij monachum ex parte Itatorum, catholicæ dumtaxat parti fauentium, de sua ordinatione consensum vnanimem per litteras excipiens, vna cum Episcopis, & Cardinalibus ad Monasterium B. Mauri in Glanofolio situm, & huic Cassinensi cœnobio subditum peruenit, rogatusq. à Monachis Cassinensibus, qui secum venerant, necnon à Girardo iam dicti loci Abbate, eiusdem confessoris Christi Mauri Ecclesiam sollempniter dedicauit, in qua etiam corpora sanctorum Antonij, & Constantini, qui de hoc Cassinensi cœnobio ad Gallias cum B. Mauro perrexerant, cum maxima reuerentia posuit, sicq. Romam veniens à Clero, Senatu, Populoq. Romano honorifice satis susceptus est.


Antonius
& Constantinus
sancti Mauri
socij.

A D D I T I O de Gelasio secundo.

IN præfatione Bibliothecæ Cluniacensis impressæ Parisijs Anno 1614. hæc de Gelasio secundo habentur. Anno Dominicæ Incarnationis millesimo centesimo decimonono, Pontificatus sui anno primo, & die quinto, cum apud Martisconem

tisconem proxima quadragesima, Concilium Remis celebrandum adornaret, ibidem correptus graui morbo, decubuit : se Cluniacum lectica citius de ferri iussit, accitis ad se Cardinalibus, orationem habuit, & omnibus Ecclesie sacramentis susceptis, iuxta normam monasticam, strato terra corpore, quarto Kalendas Februarij, sanctissime quieuit : rebus ijs, quarum causa venerat, plane infectis. Visitur monumentum eius inter crucem, & aram, quæ est post chorum magna basilicæ marmoreum quidem illud, sed ex lapide candido, opere Tusco constructum. Vacauit sedes biduo. Vir omni laude dignus, si vita sanctissima, si mores integri, si denique sacra doctrina spectentur. Petrus Pietauiensis (cuius res ei notæ erant) epitaphium ei postea scripsit: quod Lector videre poterit inter ipsius Pietauiensis versus, operibus Petri venerabilis præpositos, in eadem Bibliotheca col. 617. & 618.

CAPVT LXV.



O igitur tempore, cum iam ab Incarnatione Domini Annus vicesimus centesimus, atque millesimus volueretur, tam magni terræmotus in hac Terra facti sūt, vt in Comino palatium dirueret, in Curuzzo Ecclesiam cum curia subuerteret, apud Bantram, Ecclesiam, Domos, & campanaria ad terram deijceret, multiq. sub ipsa ruina interirent, & nunc quidem nouem, nunc decem & septem, nunc viginti, & eo amplius, idq. per dies singulos sentiremus.

Quo tempore Pater Benedictus cuidam Hispano apud Termulas, tribus vicibus visibiliter in quodam triuio apparens, dixit: Vade dic Abbati, vt omnes, qui in ditionis sue Terra habitant, discalciatis pedibus ad Monasterium meum in Cassino constructum, omnipotentem Deum rogaturi, conuenire faciat, & ipse vna cum Fratribus per omnes Monasterij Ecclesias litanias faciant discalciatis pedibus. Incredere enim peccata hominum, & delicta eorum multiplicata sunt valde, forsitan ignoscet Deus delictis illorum, ac perficiet vota, & supplicationes ad eum. Percontatus quis

nam

Ann. 1120

Terræmotus magni

Beatus Benedictus
cuidam
Hispano
apparet.

nam esset, Fratrem Benedictum se esse respondit: Ille autem exurgens venit ad Abbatem, & quid viderit, vel audierit seriatim p̄dit. Igitur cum iuxta Patris Benedicti p̄ceptum sursum ad Monasterium omnes Deum rogaturi conuenirēt; Diabolus claudi specie assumpta in deuexo montis latere illis factus est obuiam, dicens: Gloriosa Virginis Mariæ Ecclesiam, maximamq; ciuitatis partem terramotu dirutam esse, illi autē falsitati eius aurem accomodantes, & id quo cęperant ocius dimittentes, ad ciuitatem reuersi sunt, quodum venissent videntes illusionem diabolicam, alio die litaniam, quam stulte dimiserant discalciatis pedibus implere studuerūt. Igitur prima noctis vigilia magno ultra modum terramotu facto, Frātres ē stratis suis surgentes, discalciatis pedibus, flentes, & eiulantes ad Patrem confugiunt Benedictum, atque ante eius sacratissimum corpus preces ad Deum fundentes, per omnia Monasterij altaria litanias decantare cęperunt. Fidelis Dominus in verbis suis, qui inuocantes se, & de sua misericordia p̄sumentes exaudire promisit, nam supplicatio litanie à Fratribus explicita, ne vnus quidem lapis vltorius de hoc loco motus est. Hęc dum ad notitiam vicinorum circummanentium peruenissent, omnes ferē, qui in Principatu manebant, nudis vestigijs huc ad B. Benedictum venire, omnipotentis Dei clementiam suppliciter postulantes, vt tanti Patris interuentu illis miserrī dignaretur. Nec sunt frustrati sua aestimatione: nam, confestim tremor terrę quieuit.

B. Benedicti meritis cessant terræ motus.

Hoc interea anno Robertus Capuanorum Princeps, cuius supra meminimus vita decedit, & Richardus filius eius a Capuanis in Principatū substituitur: quo paulo post mortuo Robertus patruus eius illi in Principatu succedit.

CAPVT LXVI.

Alberici pueri vitiō.

HIVS Abbatis tempore in Campania Prouincia insigne miraculum factum est. In Comino, namq; in castro, quod in honore sanctorum septē Fratrum constructum est, nobilis cuiusdam militis filius fuit, nomine Albericus, qui puer decimo annu natiuitatis

trinitatis suæ inchoante, languore correptus ad extrema perductus est, quo tempore nouem diebus, totidemq; noctibus immobilis, ac sine sensu. & velut mortuus iacuit, in quo spatio à B. Petro Apostolo, & duobus Angelis per loca pœnarum deportatus, ductus est ad os infernalis barathri, deum verò ductus ad Paradisum, vidit mansiones Sãctorum, & à B. Petro Apostolo sufficienter instructus, de veteri testamento, de pœnis peccatorum, & de perenni gloria Sãctorum, vitæ redditus est. Huius igitur visionem nosse, qui cupit rei seriem à Guidone huius Cassinensis cœnobij Monacho compositam relegat, quã, quia per omnium ferè ora voluitur, referre omisimus. Exinde vero idem Albericus, relictis, & spretis sæculi pompis, hoc Cassinense dēnobium petijt, atque à Patre Girardo gratanter nimis susceptus, & sanctæ cōuersionis habitu indutus, Christo vero Regi militaturus cum cæteris Fratribus est aggregatus. Tanta vero vsque in hodiernum abstinentia, tanta morum grauitate pollet, vt pœnas peccatorum perspexisse, & pertinuisset, & gloriam Sãctorum illum vidisse nemo dubitet. Non enim carnes, non adipem, non vinum ab illo tempore vsque nunc, Deo annuente, sumpsit, calciamentis nullo penitus tempore utitur, & sic in tanta cordis, ac corporis contritione, & humilitate, vsque in hodiernum in hoc Cassinensi cœnobio perseverat, vt multa illum, quæ alios laterent, vel metueda, vel desideranda vidisse, etiam si lingua taceret, vita loqueretur.

His porrò temporibus Petrus Diaconus, Anno Domini-
cæ Incarnationis quintodecimo centesimo, atque millesimo, primo ætatis suæ lustro, à parentibus suis B. Benedicto oblatu, & à iam dicto Girardo Abbate susceptus, & habitu sanctæ conuersionis indutus, atque sub eodem Abbate per annos bis quatuor eruditus, vicesimo primo anno ætatis suæ, scripsit ad Oderisum secundum supradicti Girardi successorem, passionem beatissimi martyris Marci, & sociorum eius: vitam egregij confessoris Falconis; passionem sanctissimi martyris Placidi discipuli B. Patris Benedicti, & vitam S. Apollinaris Abbatris ad Reuerendissimum Raynaldum, Abbatem: vitam Sãctorum Guinizonis, & Ianuarij ad Richardum

Albericus
fit Monachus.

De Petro
Diacono
Cassinensi
Ann. 1111

Præfati Petri
lucubrationes

Chroni-
con Cassi-
nense.


chardum Monachum Cassinensem: vitam S. Constantij Episcopi, & confessoris ad Guarinum Episcopum Aquinensem: vitam S. Seueri Episcopi Cassinensis ad Senioretum Abbatem, Rythmum de nouissimis diebus. Destructionem, & restorationem ciuitatis Atinæ, & inuentionem corporis B. martyris Marci descripsit: vitam S. Dariæ vxoris S. Nicandri: scripsit etiam sermones multos: librum illustrium viro-
rum cœnobij Cassinensis ad Pādulfum Theanensem Episcopum. Miracula Cassinensium Monachorum, quæ scripta ad huc minime erant descripsit. Ortus, & vitas iustorum cœnobij Cassinensis. Chronicon cœnobij Cassinensis à renouatione Ecclesiæ B. Martini à Desiderio facta vsque ad hunc diem. Solinum de miraculis breuiavit. De generibus lapidum pretiosorum ad Conradum Imperatorem librum exarauit. Expositionem super regula S. Benedicti componens in quatuor libros diuisit. Scholias in vetus testamentū. Epistolas plures ad diuersos: vitam sancti Papæ Leonis exarauit. Fecit & prologum in librum priuilegiorū huius Monasterij. Hymnos duos in laudem S. Iustæ virginis, & martyris dictauit. Miracula sanctorum martyrum Marci, Nicandri, & Marciani exarauit. Hymnos sex in eorum laude composuit. Cantus B. martyris Marci dictauit. Exhortatorium ad Monachos, in quo ostendit, quid custodire, quid cauere debeant. De septem vitijs, & virtutibus. De septem petitionibus. De Rebecca, & Isaac. De Rege Ozia, & Sacerdotibus. De Moyse, & via trium dierum, ac tribus temporibus. De visione Isaïæ. Librum salutationum, exhortationum, & opprobriorum. De terra repromissionis Itinerarium ex omnibus veteribus libris collegit: multaq; alia scripsit, quæ longum esset recensere.

CAPVT LXVII.

SV B iam dicto Abbate Girardo, Gūnarius Sardorum nobilissimus, parentum suorum Barefonis, & Torchitorij Regum vestigia sequens, cum licentia Archiepiscopi sui, obrulit B. Benedicto Ecclesiam S. Petri in Nurci, & S. Nicolai, ac S. Ioannis, & S. Petri in Nugulbi;

bi, & S. Helix, ac S. Ioannis in Setin, cum omnibus pertinentijs earundem Ecclesiarum ad vtilitatem vestimentorum nostrorum. Id ipsum fecit, & Furatus de Gytel cum voluntate eiusdem Archiepiscopi, & Episcopi sui Boni de Ecclesia S. Nicolai in Solio, & S. Mariæ cum pertinentijs suis. Sed & Comita Sardorum nobilissimus, tunc tēporis ad hoc Monasterium veniens, chartam fecit huic loco de Ecclesia S. Michaelis in Ferrucefi cum attinentijs suis. Pari etiam modo Marianus de Zori obtulit in hoc loco Ecclesiam S. Georgij in Banarcata, cum omnibus, quæ tunc temporis habere videbatur. Huius exemplo ducta Muscunionia chartam fecit de domo sua in Solio cum seruis, & ancillis, & omnibus rebus suis. Susanna etiam illam ad bonum æmulata obtulit B. Benedicto domum suam in Yscano, & in Mulana, & in Cortina, & in Mirra, & in Amendula cum seruis, & ancillis, & omnibus suis. Vera quoque filia Gunnarij de Thori, cōcessit similiter in hoc loco domum suam in Coquina cum seruis, & omnibus, quæ habere videbatur. Id ipsum & Constantinus de Ceruia fecit oblationis chartulam de Ecclesia S. Petri in Symbrano cum omnibus pertinentijs suis.

CAPVT LXVIII.



VNC temporis præfatus Papa Callistus urbem egressus, venit ad hoc Monasteriū, & à prædicto nostro Abbate cum ingēti honore susceptus, die illo missam sollemniter celebravit, atque in hac Terra per duos ferè menses est remoratus. Quem videlicet Pontificem, noster Abbas honorifice nimis sustentavit, & in omnibus necessitatibus eius strenue satis deferuire curavit. Inde vero Beneuentum veniens, in Apuliam vsque descendit, ac more antecessorum suorum à Duce Gulielmo fidelitate recepta, Romam reuersus est. Dehinc verò exercitum congregans, Mauritium Hæresiarcham in ciuitate Sutrina obsidens, cepit, & in Arce huius Monasterij, quam idem Abbas à fundamentis construxerat, exilio relegauit. Hic autem Reuerendissimus Pontifex dum Beneuenti resideret,

Callistus
Papa ve-
nit Cassi-
num.

roga-

Callisti
Privilegiū

rogatus ab eodem Abbate nostro, vel Fratribus, Ecclesias S. Petri, & S. Nicolai de Nugulbi, S. Helix in Setin, & S. Petri in Nurci, quas vir illustrissimus Gunnarius, de quo supra retulimus B. Petro obtulerat, & postmodum eiusdem Pontificis iussu B. Benedicto concesserat, per Apostolicæ sedis privilegium congregationi nostræ in perpetuum confirmavit, ut de ipsarum Ecclesiarum redditibus, prout facultas ministraverit, indumenta semper huic nostro conventui præpararentur. Saluo nimirum censu quatuor solidorum Papiensis monetæ singulis annis Lateranensi sacro palatio persolvendo. Adijciens insuper, ut possessiones, & dona omnia, quæ supradictus Gunnarius B. Benedicto contulit, vel collaturus est, omnia similiter in necessitate vestimentorum in perpetuum conseruentur: & si quis eiusdem Gunnarij oblationes auferre, vel minuere, aut à constituta vestimentorum præparatione huius sancti Cassinensis conventus subtrahere, vel mutare præsumpserit, anathemate plecteretur. Idem præterea illustri viro Gunnario, vxoriq; eius Helenæ litteras direxit, gratias agens simul, & monens, ac in remissionē peccatorum illis iniungens, ut in eo, quod capissent constātius permanerent, Romana enim sedes, & Ecclesias, & donum, quod nostro cœnobio fecerant sua auctoritate firmaverat. Pari etiam modo litteras Vulterano Episcopo destinavit mandans, quoniam specialiter hoc Cassinense cœnobium ad protectionem Romanæ spectaret Ecclesiæ, ut donum, quod B. Benedicto ab illustri viro Gunnario, & vxore eius factum fuerat, pro B. Benedicti reuerentia, quietum, & ab omnium infestatione liberum faceret permanere, quia Apostolica sedes donum illud scripti sui auctoritate firmasset, & Ecclesias, quas Gunnarius cum vxore sua Helena B. Petro obtulerant, huic nostro cœnobio ex Apostolicæ sedis liberalitate concessisset. Nollet ergo, ut per quorumlibet violentiam subtraherentur, vel infestarentur, sed omnia quiete, & libere ad Cassinensium vtilitatē conseruentur.

CAPVT LXIX.

FACTVM est autem dum idem venerabilis Papa apud Beneuentum maneret, Otto Capuanus Archiepiscopus conque-

cōquestus est Capuanam Ecclesiam spoliata[m] tribus Ecclesijs, quæ essent iuris S. Stephani, quas hæc Cassinensis Ecclesia possideret, scilicet S. Benedicti Pizzuli, S. Angeli ad O. sal. discos, & S. Ruffi, quarū sibi possessiones restitui per Romanam curiam postulabat. Ad hæc noster Abbas respondit: Cassinensem Ecclesiam, eiusq; ministros Capuanam Ecclesiam non expoliasse, asserens se de prænominatis rebus, pro quibus impetebatur multiplici ratione munitum, tam instrumentorum, quàm legitimam, & inconcussa temporis detentione: ostendens insuper quod appellatio, quæ à parte Archiepiscopi facta fuerat, neque canonica esset, neque legitima, idq; pluribus, & evidentibus rationibus assererat. Cumq; inter utramque partem diu super hoc decertatum, fuisset, Apostolicus præcepit, ut rationes, quas noster Abbas habebat ostenderet. Tridui igitur dilatione concessa, iterum nostra, illiusq; pars curiam adeuntes, de eisdem questionibus causa denuo ventilata est. Verum ubi à parte Archiepiscopi nulla ratione, neque canonica, neque legitima posset ostendi, quod Cassinense Monasterium prædictarum Ecclesiarum possessionem ei restitueret, cum constaret Capuanam Ecclesiam à Cassinensi non fuisse expoliata[m], atque in hoc prolixius immoratum esset, iussit tandem prædictus Papa sibi rationes nostri cœnobij ostendi. Quibus exhibitis, & diligenter à Cardinalibus, clericisq; Romanis studiose relectis, & perspectis, qualiter illas Richardus Princeps, & Iordanus filius eius huic cœnobio concesserant, & præcepto suo firmaverant: Pontifex accepto consilio, tum pro multimodis rationibus instrumentorum scilicet & temporum, tum pro privilegijs Romanorum Pontificum, huic nostro cœnobio concessis, præcepit prædictarum Ecclesiarum possessiones apud hoc Monasterium, prout tunc fuerant, remanere.

G A P V T L X X.

HO C præterea tempore in eiusdem Apostolici præsentia, prædictus noster Abbas proclamationem fecit de Ecclesia S. Mariæ in Cingla, quam à iure huius cœnobij Raynulfus

S. Mariæ
in Cingla

nulfus Comes violenter abstulerat, & Ecclesiæ S. Mariæ de Capua subiugauerat. Tunc Pontifex Abbatissæ S. Mariæ de Capua litteras dirigere studuit, præciens, vt quinta feria post octauas Pentecosten, se sedi Apostolicæ præsentaret, & ius Ecclesiæ suæ, præsentibus Episcopis, & Cardinalibus, Romano Pontifici ostenderet. Illa autem muliebri furore exarsuans, ad Pontificis curiam nequaquam ire, eiusq; præceptis nullo pacto se obedire respondit: quod dum supradicto Papæ nuntiatum fuisset, litteras ad eam direxit mandans, quod in nostri Abbatis quærimonia super Cinglensi Ecclesia subterfugium quærere iam videretur, nam secundis transactis terminis, ad iudicium minime venisset, neque personas pro se rationabiles direxisset. In his tamen omnibus Romana Ecclesia hæcenus sibi, & Monasterio suo percipisse, sed diutius causæ huius discussionem protendere non valeret, omni ergo occasione seposita, Pontificis conspectui se repræsentaret, vel tales pro se personas dirigeret, quæ vice sua negotium illud sufficienter valerent pertractare. Alioquin Romana Ecclesia Cassinensi cœnobio de Cinglensi Ecclesia restitutionem, cooperante Domino, faceret. Tali igitur Abbatissa conuentione perterrita, accedit ad Comitem Raynulfum, rogat, obsecrat, vt pro se Romano Pontifici litteras mittat. Annuat illius voluntati Comes, & vt ab Abbatissa rogatus fuerat, supradicto Papæ litteras mittit. Relectis igitur supradicti Comitis litteris Pontifex, eius petitioni assensum præbuit, & terminum ei dedit mandans eidem Comiti, vt nullum super hoc impedimentum faceret, quin negotium illud suo tempore decideretur. Nisi enim Abbatissa termino constituto sedi se Apostolicæ repræsentaret, vel personas pro se idoneas mitteret, ipse Cassinensi cœnobio restitutionem de Cinglensi Ecclesia faceret. Adueniente autem termino, Abbas noster Romam perrexit, iusticiam nostri cœnobij recipere cupiens, simul etiam, & munimina nostra secum deferens. Abbatissa verò Nuntium destinare, vel pro se ire omnino negauit.

Tum Papa cum Episcopis, & Cardinalibus consilio habito eidem Abbatissæ litteras misit. Quas cum illa contempnisset, & Ecclesiam Cinglensem omnibus mobilibus spoliasset,

set, Romanus Pontifex Apostolicæ sedis iniuriam non amplius ferens, mandat Comiti Raynulfo, vt infra viginti dies postquam Apostolicas litteras accepisset, Cassinense Monasterium de Cinglensi Ecclesia in integrum reuelleret, neque interim eiusdem Ecclesiæ bona diripi à quibuscumque, vel auferri permetteret. Quod si ipse quoque Apostolici mandati contemptor existeret, qui spoliationis huius causa, & principium extitisset, in persona, & in tota terra ipsius excommunicationis sententiam, auxiliante Domino, proferret. Suscipiēs igitur Apostolicas litteras Comes, Abbatissam euocat, quid sibi à Papa mādātum sit oer ordinem pandit. Illa verò facibus succensa fœmineis Principem, & Comitem, vniuersosq; illorum satellites, rogat, poscit, obsecrat, vt Comitem flagitent, vt contra Papæ sententiam tueri Abbatissam studeat, vtq; in tanto articulo temporis subueniat modis, ac nisibus, quibus valet exorat. Remuneratus itaq; Abbatissæ pecunia Comes, illam contra Papæ sententiam, pro suo posse tueri promittit. Quod dum supra dicto Pontifici relatum fuisset, mandat Comiti, quia cum ipse B. Petri, & Papæ fidelis esset, Romana Ecclesia vera eum dilectione diligeret, & inter alios strenuos, & illustres viros personam ipsius præcipuè dilectionis brachijs amplexaretur, & nisi per eum remaneret, id ipsum deinceps facere præoptaret: propter quod tunc vsque Ecclesia nihil egisset in quo grauari à sede Apostolica videretur. Præciperet ergo, vt omni penitus dilatione, & occasione postposita, Cassinensem Abbatem de Cinglensi Ecclesia, & de possessionibus eius faceret reuelleri. Quod si contra hoc ire præsumpisset, ipse eidem Comiti diuina officia, & omnium Ecclesiarum introitum interdicere, & ad viginti dierum terminum constitutum, personam ipsius excommunicaret, donec Cassinensem Abbatem de Cinglensi cella plenarie reuelleret. Pari etiam modo litteras Ortoni Archiepiscopo Capuano direxit, præcipiens vt Alferadam Abbatissam, vt depositam, & excommunicatam haberet, & in eodē B. Mariæ Monasterio nullum diuinum officium celebrare permetteret, datam à Romano Pontifice interdictionis, & excommunicationis sententiam per suam Parrochiam nuntiari, &

M m teneri

teneri faceret; clericis vero, & laicis omnimodo prohibuit, ne contra suum interdictum Ecclesiam ipsam ingredi, aut cum excommunicatis participare vllatenus præsumerent. Comes interea Raynulfus & greferens se pro feminea superbia excommunicatum, & ab omnibus diuinis mysterijs separatum, Apostolici voluntatem se impleturum spopondit, si Cassinensium Fratrum munimina perspicere posset. Relictis igitur in præsentia Papæ Callisti, & omnium Episcoporum, & Cardinalium antiquis, & authenticis nostri cœnobij chartulis: idem Comes coram Ioanne Cardinali tituli S. Eusebij, & Hermanno Romanæ Ecclesiæ Subdiacono, reddidit B. Benedicto totum ex integro prædictū S. Mariæ Monasterium cum omnibus pertinentijs suis, quæ tempore patris sui tenuit, chartulamq; renuntiationis, & restitutionis exinde conscribi faciens, illamq; propria manu roborans, super altare B. Benedicti posuit, violatoribus illius decisionis mille librarum auri pœnam indicens.

CAPVT LXXI.

HOC interea anno Sparanus Abbas de Monasterio S. Martini in Arci, ad hunc locum veniens, obtulit B. Benedicto eadem Ecclesiam S. Martini cum pertinentijs suis. Id ipsum fecit, & Rao de Bantione cum Auristella vxore sua de Ecclesia S. Petri sira in finibus Cosentia, in loco qui vocatur Guarano, & Ecclesia S. Martini, loco qui dicitur Cupplatu cum omnibus pertinentijs illarum. Similiter etiam Milo, & Litulfus filij Bernardi de Aquino, & Milo filius Milonis ad hoc Monasterium venientes, obtulere B. Benedicto nouem familias hominum, sibi pertinentium in oppido, quod Pesmontis dicitur, & in villa sanctæ Lucie.

CAPVT LXXII.

TVNC temporis, cum Fratres Monasterij Capuani quemdam agrotum iam ferè morti proximum monasticum habitum induissent, clerici Capuanæ Ecclesiæ cum armata

armata manu illuc conuenientes, eum iam defunctum reperiunt, & stimulis nequitiae debriati, monastico habitu illum spoliantes, eadem indumenta, quibusq; ambulantibus conculcanda in platea proiecerunt. Quod ubi Papa Callistus agnouit, Capuano Archiepiscopo precepit, ut inauditam, & nouam tantæ temeritatis præsumptionem, sic per Dei gratiam corrigeret, ne aliquatenus talia agere præsumerent, neque idem Archiepiscopus in hoc Dominum, & Romanam Ecclesiam offenderet, & quia Cassinense Monasterium Romanæ Ecclesiæ iuris esse sciret, loca ei pertinentia, nec per se, nec per suos ullatenus inquietaret. Ab hoc etiam venerabili Papa, prædictus Abbas priuilegium de omnimoda loci istius libertate recepit, adiiciens insuper, ut si qui huius nostri Monasterij, vel cellarum eius possessiones, aut res violenter auferrent, postquam Episcopi ipsorum à nostro Abbate commoniti, iustitiam de eis facere omnino noluerint: Abbas super eosdem raptores, secundo, tertioque commonitos, canonicam excommunicationem proferat.

Callisti Papæ priuilegium.

Quo etiam anno peccatis exigentibus, Capuana ciuitas igni tradita est, & tota ferè ciuitate consumpta, S. Benedicti Monasterio ignis undiq; minabatur. Fratres autem humanis rebus diffidentes, & in solo Dei adiutorio sperantes, corporale calicis sumentes, extra Monasterium in medio ignis posuerunt. Mirum immodum reuersus ignis, ultra propius accedere non audebat. Ciuibus etiã omnibus quædam manus à Monasterio ignem propellens visa est: corporale vero prorsus ab ignis iniuria illa sum mansit, præter quæ causa testimonij eius in medio foramen paruum factum est.

Capuanæ Ciuitatis incēdium.

Miraculū.

CAPVT LXXIII.



HIC interea Abbas, cum apud Beneuentum in Apostolici seruitio permaneret, & certo certius brachium S. Apostoli, & Euangelistæ Matthæi in eadem ciuitate reconditum esse didicisset: ad se iam dicti brachij custodes conuocans, qualiter, vel quo ordine eiusdem S. Apostoli brachium habuissent percontari studio-

De brachio sãcti Apostoli, & Euangelistæ Matthæi.

M m 2 sissime

ssime cepit; Qui dum retulissent, qualiter illud secum Robertus Dux detulisset in expeditione, quam contra Alexium Imperatorem habuerat, ac demum cappellanis suis ad mortem reliquerat, ipsiq; postmodum in die obitus sui sibi dimiserant, Abbas monere illos attentius cepit, ut tanta pigra Cassinensi cœnobio conferrent. Illi autem ocus se hæc adimplere fatentur, si Abbas illos quacumque hora ad conuersionem venire vellent in hoc Monasterio reciperet. Quod cum Abbas libentissime se impleturum spondidisset, illi confestim sanctas reliquias ad hunc locum ferendas eidem Abbati contradunt. Suscipiens igitur idem Abbas sanctas reliquias, diuq; deosculans, per huius nostræ congregationis Fratres ad hoc Monasterium transmittere studuit. Ad cuius aduentum omnes, qui hanc terram inhabitabant, cum ingenti deuotione, & gaudio obuiam processerunt; sanè cum hæc ad huius nostræ congregationis notitiam peruenissent, inestimabili exultatione repleti, ac sollemnibus vestimentis induti, cum lampadibus, & thimiamatibus, usque ad portam veterem exierunt, ac terræ prostrati, sanctum Euangelistam adorauerunt, surgentesq; cum maxima reuerentia deosculati sunt, & cum hymnis, & laudibus, illud in Monasterium introducentes, atque argentea capsula, turrium instar aptata, sanctum brachium reducentes, in argentea, trabe ante B. Benedicti altarium suspenderunt. Anno Domini Incarnationis millesimo centesimo vicesimo secundo.

Ann. 1122

A D D I T I O.

De sancto
Berardo
Monacho
& Episcopo
Aprutino.

Hoc eodem anno decimoquarto Kalendas Ianuarij (ut refert Baronius tom. 12. Annal.) Callisti Papæ secundi anno quarto, migravit ex hac vita S. Bernardus (seu Berardus) Episcopus Aprutinus. septimo sui Episcopatus anno, huius temporis lucerna super candelabrum posita ardēs, & lucens in Ecclesia Dei. Hic enim ex monacho Benedictino ad Episcopatum inuitus assumptus, egregia claruit sanctitate, illustratusq; est miraculis, ut eius res gestæ tunc scriptæ declarant. Hæc Baronius. Cui adstipulantur acta eiusdem sancti à Reuerendissimo Patre Vincentio de Monte sancto Episcopo

Episcopo Aprutino, ex scriptis antiquitus reconditis & conseruatis in scrinio Cathedralis Ecclesie Aprutinae, in lucem edita, impressaq. Venetijs apud Ioannem Antonium Rampazzettum, anno millesimo sexcentesimo primo. Fuit autem S. Berardus ex illustri genere Comitū Palla aurea, qui cum toto sue pueritiae tempore Christo adhaesisset, in Monasterio montis Cassini alimfici Patris Benedicti habitum suscepit. In quo priores (regularium mandatorum obseruantia) transcendere videbatur. Et cum seipsum alijs imperfectiorem existimaret, amulabatur in dies (ut ait Apostolus) charismata meliora. Quamobrem ad Monasterium S. Ioannis in Venere (in quo tunc dicta sacra Religionis vigeat obseruantia) superiorum beneplacito transiit. Ibiq. virtutibus, ac vitae sanctitate adeo resplenduit, ut eius fama non solum ad adiacentes Prouincias, verum etiam ad exterarum nationes aduolauerit. Interea mortuo Vberto Aprutinorum Episcopo, conuenientibus in unum Canonicis Cathedralis Ecclesie, vniuersisq. ferè clericis, & proceribus Aprutinis (iuxta morem dictae Ecclesie) vnanimitè eum in Episcopum elegerunt, electione autem praedicta per summum Pontificem confirmata, de Monasterio illum (licet nimis reluctantem) extrahentes, ad Episcopalem pertraxerunt sedem. In qua ita se gessit, ut suae professionis obseruantiam minime prateriret. (& dēptis corporis necessitatibus) pastoralis cura totum vitae suae tempus daret. Pater erat praecipue pauperum, & miserabilium, afflictorumq. solatium. Cumq. singulari cordis simplicitate, pietate, ac charitate pastoris functus esset officio, anno Domini millesimo centesimo vigesimo secundo, sui vero Praesulatus anno septimo, decimoquarto Kalendas Ianuarij, à Domino vocatus, cœlos aduolauit.

Erst Paschalis secundus.

Antequam Cassinum proficisceretur, suis bonis dotauit Monasterium S. Saluatoris de Castellis Ordinis S. Benedicti, in eodem Palla aurea Comitatu situm, quod destructum fuerat, & a Bernardo, & Benedicto Abbatibus ceperat renouari & restaurari. Extat de his diploma Paschalis secundi in fauorem praefati Monasterij S. Saluatoris, sub datum Beneuenti per manus Ioannis S. R. E. Diaconi Cardinalis, duodecimo Kal. Maij, Indictione decima, Incarnationis Do-

Monasterium S. Saluatoris de Castellis.

M m 3 minice

minice, Anno millesimo centesimo decimo septimo, Pontificatus eiusdem Paschalis secundi anno decimo octauo, tenoris sequentis.

Paschalis Episcopus seruus seruorum Dei, dilecto nobis in Christo filio Amico Abbati venerabilis Monasterij Ecclesie S. Saluatoris de castro Castellorum nullius Diocesis, vallis Siciliana, in Prouincia Aprutij, Fratribusq. & suis omnibus successoribus regulariter promouendis in perpetuum, salutem & Apostolicam benedictionem. Diuinis preceptis, & Apostolicis monitis informamur, ut pro Ecclesiarum omnium statu impigro vigilemus affectu. Nostri quidem diebus tam pro tua, quam pro tuorum predecessorum Bernardi, & Benedicti Abbatum industria, Monasterium ipsum S. Saluatoris in dicta Prouincia vallis Siciliana renouatum, & restauratum extitit: ac bonis mobilibus, & stabilibus, feudilibus, & burgensaticis, montaneis, montibus, siluis, pascuis, herbagijs, molendinis, aquis, aquarumq. decursibus, collectis S. Marie, vassallis, vassallorumq. redditibus, fructibus, censibus, & prouentibus omnibus hereditario iure relictis, & donatis pro dote, & dotis nomine à venerabili Fratre nostro Berardo, nunc Episcopo Aprutino, de Comitibus Pallè aureæ; & per eundem dotatum ornatum, & communitum, ac per nos prestante Domino, dedicatum, & approbatum. Hoc igitur venerabile cœnobiū iuxta petitionem tuam, & Fratrum tuorum, presentis nostri decreti pagina communimus: uti (sicut à predecessoribus nostris statutum fuisse dignoscitur) semper Apostolicæ sedi subditum, absque ullo medio, sub eius perpetua protectione futuris temporibus iugiter seruetur, tam in capite, quam in membris acquisitis, & acquirendis. Itaq. nulli Episcoporum, & precipue Pennensi, liceat spiritu prauitatis dictum Monasterium temere perturbare, seu eius possessiones auferre, minuere, vel vexationibus fatigare; seu Abbatem, Sacerdotes, & Monachos suæ ditioni subycere, contra id, quod ab origine ordinis statutum esse dignoscitur. Imò priuilegia, & libertates eidem Monasterio à nobis, & Apostolica sede indulta, ac eius consuetudines rationabiles, & antiquas, firmas, & liberas volumus ab vniuersis perpetuis temporibus obseruari, ita quod concessa eidem valeat perpetua.

petua tranquillitate gaudere. Ergo tibi dilecto in Christo filio
 Amico Abbati (quem nuper praſtante Domino in noſtr. .
 Romana curia Presbyterum Cardinalem fecimus , & confe-
 crauimus) Monasterium , & Eccleſiam ipſam cum iuribus ,
 rationibus , & actionibus ſuis conferimus , & aſſignamus ,
 tuiſq. ſucceſſoribus regulariter promouendis in perpetuum ,
 cum omnibus Eccleſijs, Praepoſituris, Dignitatibus, Grangijs
 Cappellis, Hoſpitalibus, rebus, & bonis alijs omnibus, prout
 inferius continetur, videlicet Eccleſia S. Petri de Aquauia,
 S. Ioannis, & S. Rufinae in Faiano, Praepoſitura S. Andree
 ad Collem graecum cum omnibus ſuis . Praepoſitura S. Luciae
 ad Collem aureum cum omnibus ſuis , S. Mariae de Riua ni-
 gro, S. Andree de Coſtis, S. Luciae de Benediſtis , S. Silueſtri
 de Coſſeto, S. Mariae de Mortaro , S. Maximi de Palla au-
 rea, & Cappella intus caſtrum Palae aureae , S. Euſanij de
 Batatis , S. Laurentij in Coſtauerte , S. Angeli de Pennino ,
 cum toto tenimento circumcirca, à Riua Caſtellarij uſque
 ad Collem S. Michaelis , & flumen Conocbie cum omnibus
 ſuis, S. Mariae de Recepto cum Turri, & planitie ipſius rece-
 pti, uſque ubi iunguntur riuula cum flumine, cum omnibus
 ſuis , S. Martini, S. Andree, S. Mariae de Pratis , S. Mariae
 ad Lucum, in pertinentijs caſtri Biſſari cum omnibus ſuis ,
 S. Mariae de Podio , S. Aegidij , & S. Leonardi cum omnibus
 ſuis, S. Mariae de Montanea Sigelle cum Hoſpitali eius, ſita
 in confinibus Caſtri montis , cum herbagijs, paſcujs, ſiluis ,
 montibus, & omnibus alijs circumcirca dictam Eccleſiam ,
 prout ex dote tenet, & poſidet, cum tenimentis ſuis antiquis
 confinibus limitatis, videlicet Confine primo uſque ad ſcala-
 tam, Confine ſecundo uſque ad fontem fiſſulae, Confine tertio
 uſque ad Vetecam, Confine quarto uſque ad Aram poli, cum
 arboribus fructiferis, & infructiferis, vineis, oliuetis, & alijs
 bonis tam in ciuitate Pennae, & dicto Caſtro montis, quam
 in caſtro Caſtillionis Raimundatij, & alibi ubiq. locorum .
 Eccleſia Saluatoris in caſtro S. Georgij ad actum pium , cum
 turri dicti caſtri, & alijs poſſeſſionibus, & terris donatis, &
 reliſtis eidem Monasterio per quondam nobilem Aitonem
 Pium regulari euſdem Monasterij habitu uita ſunctum, pro
 quinta parte euſdem caſtri: S. Flauiani, & S. Laurentij de

M m 4 Biſen;


Bisento, S. Flauiani, & S. Maria de Bulgaris de Basciano, cum Castris, Casalibus, villis, cellis, grangijs, montaneis, siluis, fagis, nemoribus, pascuis, fidis, & diffidis, collectis, vassallis, molendinis, aquis, aquarumq. decursibus, & alijs omnibus iuribus, & actionibus, bonis feudilibus, & burgenfaticis ad Monasterium ipsum concessione Pontificum, liberalitate Regum, & Principum oblatione fidelium, seu quibusvis alijs iustis modis in presentiarum tenere, & possidere dignoscitur, seu in posterum acquiri contigerit, firma tibi, tuisq. successoribus in dicto Monasterio, & illibata permaneant, perpetuis temporibus annexata decernentes. Obeunte autem te eiusdem loci Abbate, vel tuorum quolibet successorum, nullus ibidem qualibet subreptionis astutia, vel violentia praeponatur, nisi quem Fratres de communi consensu, vel Fratrum pars consilij sanior, secundum Dei timorem, & B. Benedicti regulam, de suo, vel de alieno collegio elegerint. Chrisma, oleum sanctum, extreme unctionis, consecrationem altarium, munus benedictionis Abbatum, ordinationes monachorum, & cetera huiusmodi, à quocumque malueritis catholico, communionem S. R. E. habente, accipietis Episcopo. Interdicimus ne quis Archiepiscoporum, & Episcoporum ex eodem Monasterio Abbatem, Monachum, vel Sacerdotem aliquem ad suam Synodum prouocare, vel excommunicare praesumat, nec missarum sollemnia ibidem celebrare, nisi ab Abbate fuerit inuitatus. Clericos, & laicos regularem vestri ordinis habitum postulantes suscipiendi, nullius contradictio vos inibeat. Liceat insuper Monasterio, & locis vestris significare horas operis Dei, tam in die, quam in nocte quando-cumque volueritis. Concedimus quoque tibi tuisq. successoribus iudicare non solum tui Monasterij monachos, sed etiam omnes clericos, & laicos in cunctis locis eiusdem Monasterij iurisdictione subiectis, habitantes. Auctoritatem insuper casus omnes absoluendi, praeter illos, pro quibus esset merito sedes Apostolica consulenda. Sepulturam quoque & cetera obsequiarum iura tam in capite, quam in membris liberam dicti Monasterij esse concedimus. Ad hac pro speciali ipsius Ecclesiae dilectione, quam nostris manibus superna dignatio voluit consecrari, & dedicari ad honorem altissimi Dei, &

Domi-

Domini nostri Iesu Christi (cuius reliquias ibidem recondimus) mitrae, crociae, chirothecarum, ac sandaliorum in praecipuis festis usum inter missarum sollemnia, in conciliorum confectis, quorumque interueneris inuitatus, aut requisitus : calicum consecrationem, linteaminum, & ceterarum missalium vestium benedictionem, ex Apostolicae sedis gratia, & benignitate, tibi tuisque successoribus in dicto Monasterio concedimus, & perpetuo confirmamus. Nulli ergo omnino hominum liceat, &c.

Plura quidem continentur in eo diplomate, sed nos haec tantum describenda duximus, tum propter honorem S. Bernardi, qui illud dotauit, tum vero propter dignitatem ipsius Monasterij, cui nos (quamuis indigni) concessione sanctae sedis Apostolicae presumus.

C A P V T L X X I V.



ODEM quoque anno, quidam Claudus de territorio Turonensi, orationis gratia montem statuerat adire Garganum. Cumque Aquinatem deuenisset ad urbem, intempestae noctis silentio quiescenti ei, Beatissimus Pater Benedictus apparuit, dicens : Surge velociter, & castrum pete Cassinum, ibique ante corporis mei praesentiam sanitatem sine dubio percipies. Tum Claudus. Quis es tu, qui tanta nobis, taliaque promittis ? Et Legislator ad haec : omni dubitatione seposita noueris me esse Fratrem Benedictum Cassinensis coenobij Fundatorem. Et his dictis disparuit : Claudus vero confestim exurgens, rem gestam, socijs per ordinem pandit. Illi vero visioni fidem derogantes, ut diuersi diuersa sensere. Alij namque dicebant, fallacibus somnijs credere nullum debere, nam multos errare fecerunt somnia. Nonnulli autem, quorum fides sanior, ac deuotior erat, cessabant a Benedicto Patre sanctissimo promissum beneficium expetendum. Tunc Claudus exurgens ad montem celeri gradu, ac nisu, quo poterat ascendit Cassinum. Cumque in Ecclesiam Benedicti Patris corpore, & nomine consecratam ingressus

Ann. 1122

S. Benedi-
ctus clau-
dum sanat

ingressus fuisset, & ante columnam argenteam, in qua ce-
rens magnus ponitur peruenisset, Benedicti confestim suf-
fragantibus meritis cœpit in pristinum Claudus restitui
gradum.

Tunc Andreas Mansionarius, qui eo die Ecclesiæ curam
gerebat, Claudum vociferantem audiens, ad eum celeri
cursu peruenit, vidensq; callos, qui in membrorum contra-
ctione exorti fuerant, disruptos, & sanguinem ex coniu-
ctione profluentem, ad Fratres, ut rei gestæ ordinem prome-
ret, concito gradu perrexit. Claudus vero Ecclesiam egre-
diens inscijs Fratribus concito gradu ad socios, qui eum
apud ciuitatem S. Germani expectabant, lætissimus redijt.
Illi autem tanta perspicientes mirabilia, Girardum Abba-
tem adeunt, ac rem gestam per ordinem pandunt. Venera-
bilis autem Abbas ob eius sanitatem lætissimus redditus,
omnipotenti Deo gratias reddidit, eumq; Calsinum ad Pa-
tris Benedicti corpus remisit.

Post hæc vero quidam Senatorum ab vrbe Romana egre-
dientes ad montem peruenere Calsinum, videntesq; eum
Claudum, quem prius ante Lateranense palatium iacere
cognouerant, inquirebant qualiter, quouè modo sanatus
fuisset. Qui dum seriatim suam erectionem retulisset, eius
dictis Senatores nequaquam assensum præbentes, eius ar-
tus nudantes, & callos in frustra diuisos videntes, omni-
potenti Deo, & Patri Benedicto laudes retulere quam maxi-
mas. Ad huius vero perpetuæ rei indicium eiusdem Clau-
di Cambutas ante fores Ecclesiæ iam dicti Patris Benedi-
cti suspenderunt.

Lib. 3. ca-
pit. 47.

Aliud mi-
raculum.

Operæ pretium reor annexere celebre, totoq; orbi fa-
mosum miraculum, quod tunc Dominus ad eiusdem Patris
sanctissimi artus ostendit: ipsa namq; resurrectionis Do-
minicæ die, dum quidam Etruseus cum socijs suis mutus,
cæcus, & surdus ad Patris Benedicti sanctas exuias perue-
nisset, salutem recepit in omnibus membris.

C A P V T L X X V.

HIS porrò diebus Pandulfus, cui cognomen de Sexto in-
dictum est, antiqui serpentis nequitia debriatus, socia-
to

to sibi Odaldo quodam sui sceleris complice, terras nostri Monasterij sibi contiguas infestare non desinebat: contra quem noster Abbas exercitum congregans, omnem illorum terram igni, ferroq; consumpsit. Pandulfus autem, sera penititudine ductus, ad hoc Monasterium venit, & iureiurando refutauit S. Benedicto, & eidem Abbati per chartam castrum Vitecusum cum pertinentijs suis, unde pugna illa exortu fuerat. Idipsum etiam fecit, & Odaldus de Castro, quod dicitur Aquafundata, obligando se, una cum Pandulfo, & heredes suos huic Monasterio, ut si ipsi, vel heredes sui aliquo tempore litem, aut calumniam per se, vel per aliquam submissam personam exinde S. Benedicto facere tentauerint componerent auri optimi libras centum.

His quoque diebus Rao filius Raelis, collecta latrocinantium manu, castra B. Benedicti suum, & Morculam depredatus est. Quod dum Papa Callistus audisset, Pandulfo Teanenſi Episcopo, qui de hoc nostro cenobio, sub Papa Paschali, eidem Ecclesiae Episcopus datus fuerat, praecepit, ut supradictum Raonem exinde conueniret, quatenus totam terram restitueret, & talequid in B. Benedicti bonis, quae sub protectione Romanae consistebant Ecclesiae, ulterius facere non praeumeret. Si vero super hoc eidem Episcopo, imò Romanae Ecclesiae, obtemperare nollet, idem Episcopus canonicam de eo iustitiam faceret, quia quidquid inde dictante iustitia fecisset, Papa, auctore Domino, & ratum haberet, & confirmaret.

Tunc etiam Dominus Pontius Cluniacensis Abbas, ob maximae deuotionis reuerentiam, quam Patri Benedicto habebat, cum duodecim suae Ecclesiae Fratribus, hoc Cassinense cenobium petijt, Abbatisq; nostri Girardi vestigijs prouolutus, officinas Monasterij dum perlustrasset, dixit: Mallem prius esse Decanus Cassinensis, quam Abbas Cluniacensis. Demum vero Fratrum vestigijs prouolutus, illorum se orationibus commendans, Ierosolymam petijt, B. Benedicto spondens, post suum regressum pastorem curam relinquere, & Deo attentius in hoc sancto Cassinensi cenobio deservire.

Potius Abbas Cluniacensis Cassinum venit.

CAPVT LXXVI.

Monaste-
riū S. Mau-
ri in Glā-
nofolio.



ER idem tempus cum possessiones Monasterij B. Mauri, quod in Glannofolio situm est, à quibusdam diriperentur, Girardus eiusdem cœnobij Abbas Girardo Abbati nostro litteras misit, rogans, vt Papam Callistum hac de re exorare stude- ret, quod & fecit. Cuius postulationibus Pontifex inclinatus, Glannofoliensi Abbati, & Fratribus Apostolicas litteras, Episcopis Germaniæ directas, misit: mandans, vt possessiones Monasterij B. Mauri, quod ad ius pertinebat cœnobij Cassinensis, quæ præreptione iniusta à Comite Andegauensi, & ab alijs quibusq; inuasa fuerant, ex integro restituerentur. Eodem etiam tempore Girardus Abbas noster concessit in vestiario Fratrum Ecclesiā S. Mariæ de Casali plano, & Monasterium S. Benedicti in Pettinari, & Ecclesiam S. Nicolai in castro S. Martini cum omnibus pertinentijs earundem Ecclesiarum.

CAPVT LXXVII.

IDEM verò Abbas, cum ad grandæuam iam dierum suorum peruenisset ætatē, Anniversario Oderisij Abbatis die, dum pro eo in cappella S. Sebastiani defunctorum officium decantaret, post finitam primam vigiliam, cum imposuisset antiphonam, Anima mea Deo viuit, supradictus Abbas Oderisius eidem Abbati Girardo, post altare eiusdem Ecclesiæ, visibiliter apparuit, atque vt ad se veniret manu innuit. Hoc Girardus Abbas, vt vidit, in faciem proruens, flere incontolabiliter cepit: completoq; officio, ad cameram suam flens, & eiulans redijt. Percontatus autem à Fratribus, cur fleret, causam aperuit, seq; in proximo moriturum esse prædixit: nec multo post idem Abbas languore tactus, sextodecimo Kalendas Februarij mortem perdidit, & vitam inuenit. Sepultus vero est in capitulo Fratrum ad caput Abbatis Desiderij.

Ann. 1113

C A.



ODERISIVS Abbas à B. Benedicto quadagesimus secundus, sedit annis tribus, mensibus quatuor, diebus quindecim. Hic ex Sâgrorum Comitum prosapia suâ originis lineam ducens, sub sanctæ memoriæ Oderisio in hoc loco susceptus, & habitu monastico indutus, & liberalibus disciplinis apprimè eruditus est. Qui à prædecessore suo Girardo huius Monasterij Præpositus ordinatus, cum prudentia, & sapientia multa polleret à venerabili Papa Paschali Diaconus in Lateranensi Ecclesia est constitutus. Girardo autem Abbate viam vniuersæ carnis ingresso, Fratres (vt in talibus consuetudo est) in vnum conueniunt, & quoniam nostra congregatio plurimis erat tunc dissensionibus scissa, vnusquisque Abbatem ad suam voluntatem eligere proponebat: nouissime tandem vna sententia eundem Oderisium Abbatem eligentes, supradicto Papæ Callisto, ocius litteras dirigunt, Girardi decessum, & Oderisij electionem notificantes. Pontifex autem eius electione agnita, Apostolicas litteras Fratribus huius cœnobij dirigens, eiusq; electionem confirmans, mandat, vt illi in omnibus parere studeant. Mense itaq; Martio adueniente, præparatis his, quæ itineri necessaria erant, prout à Pontifice ei directum fuerat, Romam consecrandus aduenit. Ibi ab eodem Papa, qui tunc forte Synodum celebrabat, honorifice satis consecratus, & à Cardinalibus, nobilibusq; Romanis in magna est gloria habitus.

Electus 2^{us}
no 1123.

In qua etiam Synodo Episcopi, & Archiepiscopi aduersus monachos proclamationem fecerunt dicentes: nil aliud superesse, nisi vt sublati virgis, & annulis deleuerent monachis: illi enim Ecclesias, villas, castra, decimationes viuorum, & mortuorum oblationes retinent; & rursum hæc sæpius ante Pontificem conquerentes: Decidit pudor, canonicorum honestas oblitterata est, clericorum religio cecidit, dum monachi contempto cœlesti desiderio, iura Episcoporum insatiabiliter concupiscunt, & omnes, quæ suæ sunt

Episcopo-
rū aduer-
sus mona-
chos que-
rela.

sunt quærun, & qui mundum cum suis concupiscentijs reliquerunt, his quæ in mundo sunt inhiare non desinunt. Et quibus per B. Benedictum à curis mundialibus vltro quiescendi locus offertur, ad tollenda ea, quæ Episcoporum sunt oportune, importune fatigantur. Cumq; super huius rei negotium diuersi, diuersa sentirent, tandem ex commissione nostri Abbatis surgens in medium quidam ex nostris dixit.

Fratres Cassini degentes, die, ac nocte omnipotentis Dei clementiam pro totius orbis salute supplicare non cessant, quid igitur acturi sunt, si concessionem Romanorum Pontificum violantur? Non enim ita Cassinenses Abbates Romanæ Ecclesiæ obsecuti sunt, vt ea, quæ S. Benedicto Imperatores, Reges, Duces, ac Principes, atque Romani Pontifices obtulerunt, nos vestri Apostolatus tempore perdere, & exhereditari mereamur. Cumq; hæc, & alia multa proferret, quidam Episcopus Liguriæ, dixit. Licet Coepiscoporum religiositas conquestum contra monachos fecerit, non tamen sine causa prædecessores nostri Monasteria ditauerunt. A principio namq; nascentis Ecclesiæ, duo ordines fuisse notissimum est, vnus qui laboraret in verbo, & doctrina, alius qui orationi vacaret, vnus qui actiua, alius, qui contemplatiua deseruiret. Vnde non immerito monachos nos potius diligere, quam insequi conuenit.

Callisti Pa
pæ senten
tia.

Ad hæc Papa Callistus, imperato silentio, dixit. Cassinensis Ecclesia per Iesum Christum fundata est, cuius imperio Pater Benedictus ad eundem locum deueniens, illumq; ab idolorum sordibus emundans, sanctæ Regulæ descriptione, & miraculorum prodigijs, & sui corporis sepultura, toti orbi spectabilem reddidit, & totius Monastici Ordinis caput effecit: atque idem venerabilis locus à Romanis Pōtificibus restauratus, & Romanæ Ecclesiæ filiorum vnicum in aduersis solatium, & in prosperis infatigata requies perseuerat. Et nos ergo sanctorum prædecessorum nostrorum Romanorum Pontificum vestigijs insistentes: Cassinense cœnobium cum omnibus attinentijs suis, ab omnium mortalium iugo quietum semper, & liberum manere, & sub solius S. R. E. iure, defensioneq; perpetua manere decernimus. Cætera vero Monasteria in eo ordine, quo antiquitus fuerunt manere iubemus.

bemus. Supradictus autem Abbas explicitis Romæ suis negotijs ad hoc Monasterium redijt, atque ab vniuersis Fratribus honorifica est, & sollemni processione receptus.

CAPVT LXXIX.

INTEREA homines de S. Angelo in Todi, qui omnium tribulationum, & persecutionum, in hoc loco venientium semper caput, & auctores fuerunt, sociatis sibi, his qui castrum S. Victoris incolebant, contra eundem Abbatem conspirant, & iurisiurandi nexibus se mutuo obligant, vt nequaquam huic Cassinensi cœnobio, Abbatiq; fidelitatem faciant, nisi ad suum vel relaxationes illis, & placita tribuat. Quod dum Abbati nuntiatum fuisset, è vestigio exercitum congregans, illorū adiacentia quæq; deuastare modis omnibus capit. Illi autem videntes euenisse, quod non sperabant, penitudine ducti, & solotenus Abbatis vestigijs prostrati, se deliquisse, se impie gessisse testantur, atque sibi Abbatis veniam de perpetrato scelere instantissime rogant. Annuit illorum postulationibus Abbas, commissā dimittit, sicq; non parua quantitate pecuniæ ab eis extorta, & fidelitate recepta, infidos, & peruersos, quietos, & fideles manere coegit.

Hoc interea tempore anno Dominicę Incarnationis millesimo cētesimo vicesimotertio, pridie nonas Aprilis, quarta vigilia noctis, cum Fratres nocturnalem synaxim decantaret, stellæ de cœlo innumerabiles cadere, & quasi pluerē visæ sunt, vbiq; per totum orbem terrarum. Tunc temporis Pandulfus Comes de Sexto, cuius supra meminimus, ad hoc Monasterium veniens, iureiurando firmavit eidem Abbati totā ex integro Abbatiam, & nominatim castrum Viteculum, cum pertinentijs suis, vnde, vt supra retulimus, litigium cum Girardo Abbate habuerat.

Ann. 1123
Stellæ cadere visæ sunt.

CAPVT LXXIX.

HIS quoque diebus Sauinus vir nobilissimus, Dalmatino genere ortus, direxit in hoc Monasterium duos icyphos

Oderisus
Monach. i
Dalmatiā
mittit.

scyphos argenteos librarum circiter nouem, rogans, & multa prece deprecans, ut de nostris Fratribus idem Abbas, ad monasticum ordinem demonstrandum, in Dalmatiam mitteret: pollicens non minimum proficuum per hoc loco isti venturum. Abbas autem nihil moratus, tres de hoc Monasterio ibidem Fratres direxit, diuinarum scripturarum codices, & Ecclesiasticum apparatus illis abundantissime tribuens. Susceptis itaq; sauinus eisdem Fratribus, permittente supradicto Papa Callisto, ac concedente Rago eorum Archiepiscopo, obtulit B. Benedicto Ecclesiam S. Mariæ in loco, qui dicitur Rabiata, prope ciuitatem Ragusam, cum portu, & piscatione sua, cum seruis, & ancillis, & cum omnibus omnino pertinentijs, & finibus suis.

Callistus
Papa Cal-
sinum ve-
nit.

Sequenti tempore Papa Callistus ad hoc Monasterium veniens, Gotfridum Comitem Ciccianensem, qui Monasterium S. Petri in Insoleta ab huius loci ditione subduxerat, usque ad dignam satisfactionem à liminibus Ecclesiæ separauit, sicq; Patri Benedicto, & Fratribus se commendans attentius, Beneuentum perrexit.

His porrò diebus in Sardinia Homodei, & Albertus Episcopi, in Dalmatia vero Petronius, & Adenulfus Abbates ab hoc Monasterio dati sunt. Eo etiam tempore iam dictus Abbas Oderisus portas æreas pulcherrimas in ingressu huius nostræ Ecclesiæ fieri iussit.

C A P V T L X X X I.

Leo Osti-
fis Episco-
pus.

LAMBERTVS præterea Ostiensis Episcopus, post autem Papa Honorius, tunc temporis ad hoc Monasterium veniens, eundem Abbatem rogare cepit, ut hospitium sibi, & suis in Monasterio S. Mariæ in Palladio concederet, quemadmodum Leo prædecessor suus à parte nostri Monasterij habuerat. Abbas autem perspicies, illum hoc ex iure sui prædecessoris querere, simulq; precauens, ne hac occasione locum illum Ecclesia nostra amitteret, id se agere posse negauit. Episcopus autem indignatione simul, & ira repletus recessit, læsionis, & contrarietatis contra eundem Abbatem tempus expectans.

C A-

CAPVT LXXXII.



PER idem tempus Richardus cognomen-
to Pignardus Picani castri Dominus, Ri-
chardi de Caleno promissionibus illectus,
euocans ad se Leonem Fundanum Cōsu-
lem, & Petrum filium eius, post datum
ei prandium in domo sua, dum esset cum
eo in securitate per sacramentum, com-
pater quoque eius, & amicus, ritu proditoris Iudæ, hostili-
ter eum cum suis omnibus capiens, Richardo de Caleno,
(quemadmodum inter se occulte coniurauerant) tradidit.
Hoc dum ad noticiam Papæ Callisti peruenisset, & de tam
nefaria, ac flagitiosa prodicione plurimum commotus, ei-
dem Abbati mandauit, quatenus supradictum Richardum
modis, ac nisibus, quibus valeret impugnare studeret.

Accidit forte, vt tunc quidam ex nostris (quia res ita
exigebat) Fundanam ciuitatem peteret, qui in ipso itinere
ab eiusdē Richardi hominibus captus, ac de equo deiectus,
& dehonestationibus quamplurimis affectus, negotio pro
quo abierat infecto, ad Abbatem rediret. Tali igitur Abbas
occasione accepta, cum Octauiano prædicti Leonis fratre
confederatur, & vallatus militum turmis, Picani castri at-
tinentias deuastare modis omnibus cepit; sed cum per in-
tegrum ferè annum eundem castrum deuastasset, & affli-
xisset: Richardus certo certius agnoscens, Papam Callistū
cum exercitu super se esse venturum, ignorantibus cunctis,
cum fratribus suis occulte de castro recessit. Quod dum Ab-
bati relatum fuisset ingenti coadunato exercitu ad eundem
castrum accedit, & recipientibus eum eiusdem castri inco-
lis, arcem diu, multumq; expugnans, eandem in deditio-
nem accepit, Anno Dominicæ Incarnationis millesimo cē-
tesimo vicesimoquarto. Oppido vero Oderisius Abbas, vt
optabat, potitus, Papæ Callisto per litteras hæc notificare
curauit, qui Deo omnipotenti super hoc gratias referens,
per annulum, quod manu gestabat, B. Benedictum absque
ullo consorte, vel participante, de eodem castro inuestiuit.

Richardus præterea Caleni Dominus agnito, quod no-

N n ster

Ann. 1124

ster Abbas supradictum castrum obtineret, tactus dolore cordis, Capuam properat, & Principis prouolutus vestigijs rogat, ut sibi opem ferendo subueniat, quatenus castrum recipere valeat. Annuit propinqui sui postulationibus Princeps, & exercitum congregans, ad expugnandam, & depredandam hanc terram erigitur. Abbas autem ipse militum vallatus agminibus, ad castrum Bantrense deueniens, terram B. Benedicti illum ingredi non sinebat. Ob id itaque Princeps Papæ Callisti litteris commonitus, & per sacramentum, quod Romanæ Ecclesiæ fecerat adiuratus, ut terram B. Benedicti non deuastaret, sin alias excommunicatio subiaceat, Abbatem ad se euocat, & trecentas ab eo libras accipiens, principale de supradicto castro præceptum huic nostro cœnobio fecit, sicq; Capuanam est regressus ad urbem. Per idem tempus Comitissa Adelasia, vna cum Hildebrando Comite, ex iussione supradicti Papæ Callisti, reddidit B. Benedicto Ecclesiam S. Martini in Arimino, & S. Columbanum cum pertinentijs suis, centum librarum auri pœna apposita.

CAPVT LXXXIII.

Ann. 1124


Honorij
secundi
Papæ ele-
ctio.



IS diebus defuncto Romæ iam dicto Papa Callisto, Cardinales diuiduntur, & alij Lambertum Ostiensem Episcopum, de quo supra mentionem fecimus, in Papam Honorium: alij Theobaldum Cardinalem tituli S. Anastasiæ sibi, in Cælestinum Papam præficiunt: verum quia fortior, & potior pars cum Honorio erat, hi qui iam dicto Theobaldo fauebant, rerum euentum videntes, penitudine ducti, ad eundem Honorium reuersi sunt. Mandat dehinc idem Papa nostro Abbati, nauem Petri periclitari in fluctibus, monēs uti subueniat, ut pecuniæ subsidium mittat, proteſtans illos, qui se in tanto articulo adiuuarent, habituros ut filios, qui non ut priuignos. Commotus ad talia Abbas fatetur, quod ipse, qui tunc de adiutorij ope ferenda pulsabatur, interesse debuisset electioni, ut qui particeps erat tribulationum, consors

conſors eſſe deberet, & conſolationum. Interrogātibus Fratribus de prædicto Pontifice, cuius filius eſſet? Quis, qualis & quantus? Abbas reſpondit, ignorare ſe cuius filius eſſet, vñum tamen pro certo ſcire, quia plenus eſſet litteris à capite vſque ad pedes. Hæc ergo cauſa inter eundem Pontificem, & Abbatem perpetuum diſcordiæ malum, & perenne odium ſuſcitauit.

CAPVT LXXXIV.



LEON temporis Leo Fundanus Conſul, vñ cum Petro filio ſuo, à captione, qua à Richardo Caleni Domino detinebatur ſolutus, venit ad hoc Monafterium: ſuſceptus itaq; honorifice ab eodem Abbate, poſt celebratum reſurrectionis Dominicæ feſtum, rogatus à ſupradicto Leone, & iam dicto filio eius, quinquaginta libras eis donauit, & quinquaginta accomodauit, earatione, vt eaſdem quinquaginta libras vſque ad vñum annum Caſſinenſi cœnobio redderent in auro, & argento, ſiue in pannis ſericis, & in alijs rebus, quæ monachis apta eſſent ad recipiendum, & pro ſupraſcripta pecunia, quam eis idem Abbas donauit, & accomodauit ante iam dictus Leo cum Petro filio ſuo, quietas dimiſit B. Benedicto, & Caſſinenſi cœnobio omnes obedientias, quæ à quibuſq; hominibus in terra ſua huic Monafterio oblata ſunt: ſcilicet Eccleſiam S. Magni cum pertinentijs ſuis, & partem de piſcaria Fundani lacus, Monafterium S. Honufrij, S. Helix in Ambrife, S. Martini de Nola, S. Martini in Tirille, & quidquid in terra ſua à quibuſq; hominibus B. Benedicto oblata ſunt, vt ſecure, & quiete Caſſinenſis Eccleſia, eiſq; Abbates teneant, & poſſideant, & liberam habeant facultatem in eiſdem Eccleſijs ordinandi Præpoſitos, & faciendi prout ipliſ placuerit, ſine omni illorum contradictione, vel moleſtatione.

CAPVT LXXXV.

INTEREA cum Aquinenſes Comites ſerali aduerſus Landulſum de S. Ioanne odio deſuurent, contra eum-


N n 2 dem

dem Abbatē conqueri cæperunt, quod Landulfum illis præferret, illi pecuniam, terras, & domos tribueret, se vero cōtemni, & pro nihilo haberi. Sed cum ad ista Abbas non præberet auditum, iuncti quibusdam ex nostris, eum Papæ Honorio accusare cæperunt, illum Apostolicæ sedis inimicum, prodigum, & dilapidatorem rerum Monasterij astruentes.

Richardus porrò Caleni Dominus à nostri Monasterij infestatione, nequaquam quiescens, congregato exercitu insperate terram istam ingressus, castra huic Monasterio pertinentia S. Apollinarium videlicet, S. Ambrosium, & S. Stephanum, & partem de castello S. Georgij igni, ferroq; consumpsit, indeq; digrediens, Monasterium S. Nicolai in Pica, ex toto deprædauit, sicq; ad sua redijt.

CAPVT LXXXVI.

Honorius
Papa Cas-
sinum ve-
nit.



HOC anno Papa Honorius urbē egrediens, ascendit ad hoc Monasterium, atque à supradicto Abbate, & Fratribus honorifica satis processione receptus, super altare B. Benedicti missam sollemniter celebrans, sero iam ad ciuitatem redijt: demum vero Mauritium hæresiarcham de Ianula, in qua eum Papa Callistus exiliauerat, abstrahens, apud Fumonem exilio relegauit. Ibi itaq; in plenario laicorum conuentu, eundem Abbatem Papa Honorius euocans, ingenti eum increpatione redarguit, militem illum non Abbatem, dilapidatorem, & prodigum substantiæ Monasterij esse inclamitans, confestimq; ciuitatem egrediens Beneuentum perrexit.

CAPVT LXXXVII.

Henrici
quinti o-
bitus.

HOC præterea tempore, Henrico quinto Imperatore defuncto, Consules, Præfeti, Dictatores, Duces, & Principes in vnum conuenientes, de Imperatoris electione tractare cæperunt, visum demum omnibus est, vt electionem ipsam in arbitrio Archiepiscopi Maguntini, & Lotharij Ducis Saxonie ponerent, vt quem illi

illi utilem Romano Imperio esse astruerent, hūc proculdubio eligerent vniuersi. Archiepiscopus autem ferali zelo aduersus cognitionem Henrici Imperatoris desuuiens, & de Imperiali culmine Fridericum, & Cōradum nepotes eius propellere cupiens, ob illorum odium, supradictum Lotharium armis experientissimum, religione, & prudentia multa pollentem, qui perplura annorum curricula Leuticos expugnans, sub Romano Imperio redegerat, utilem atque idoneum ad Imperiale fastigium accipiendum iudicauit: sicq; huius calliditate, Romanum Imperium à Theutonicis ad Saxones translatum est. His quoque diebus Rodulfus Consentinorum Archiepiscopus obtulit B. Benedicto Ecclesiam S. Petri in Pruda cum pertinentijs suis; idipsum fecit, & Augustinus Narniensis Episcopus, vna cum Comite, de Ecclesia S. Nicolai in Guaytanello, & de Ecclesia S. Lucie cum portu suo, & cum omnibus in integrum pertinentijs suis.

Lotharij
Imperatoris electio

CAPVT LXXXVIII.

HONORIO interea Papa à Beneuento ad urbem regresso, Adenulfus Comes lethali odio eundem Abbatem insequens, eidem Pontifici litteras misit, æmulum Pontificij honoris, Cassinensem Abbatem inclamitans. Papa eius dictis fidem accomodans discernit cum à Cassinensi Abbatia remouere, & è vestigio Gregorium Tarracinensem Episcopum, & huius cœnobij monachum, qui sub Papa Paschali, ex hac nostra Ecclesia eidem ciuitati Episcopus datus fuerat, ad eum direxit, mandans Abbati, vt Romam veniret, & de his, quæ sibi obijciebant, iuxta canonum sanctionem, satisfacere studeret. Renuente igitur illo urbem adire, nisi Pontifex suam gratiam ei reddidisset, ter cum Papa, occasione accepta, vocauit: sed cum ille ob hoc, quia Papam aduersum se commotum, sciebat, ire distulisset, in hebdomada quinta quadragesimalis ieiunij, idem Pontifex sententiam depositionis in eum vibrauit, vno tantum repertus in crimine, quod vocatus ad curiam, ire distulisset: dicente Pontifice; & si in nullo alio culpandus est, eius tamen superbia crimen est damnationi

Honorius
Oderisū
deponit.
Ann. 1126

Nn 3 sufficiens,

sufficiens, quia omnia peccata remittuntur hominibus, superbis autem Deus resistit.

Sacro autem palmarum die adueniente, idem Oderisius consiliatorum suorum verbis deceptus, & in Abbatis cathedra resedit, & pastorem baculum manu gestauit, & vniuersa Abbatis officia, sicut & antequam deponeretur, exercuit. Hæc ergo causa, Papam magis iratum reddidit, ac in Resurrectionis Dominicæ sollemnitate, eundem Oderisium, & omnes fautores eius à liminibus Ecclesiæ separauit, obedientes vero à communione Ecclesiastica extorres esse præcepit. Hinc ergo seditio, & dissensio inter monachos, & populum ciuitatis grauissima exorta est.

Germani-
sui nequi-
tia.

Accidit autem tunc, ut quosdam pedites supradictus Oderisius cum armis suis ad castrum Ianulæ custodiendum transmitteret. Ciues vero propter excidium S. Germani inclamantes, eosdem pedites capiunt, armisq; sublati, illos de ciuitate proijciunt. Oderisius autem euentum rei agnoscens ciuitatem egressus, ad Pontemcuruum exercitum congregaturus perrexit, minitans eandem ciuitatem cum suis habitatoribus perdere. Illi autem consilio inito montem ascendunt, Decanum, & reliquos Fratres conueniunt, rogant, ut eidem Oderisio litteras destinent, ut ad ciuitatem redeat, & si quam aduersus illos querelam haberet, legalem inde iustitiam sumeret. Hæc quidem dictis, factis vero aliter, quippe qui disposuerant in ipso itineris biuio interficere eum. Decanus vero habito consilio statuit, ut ad ciuitatem redeant, atque de suis duodecim sapientiores, & meliores eligant, & cum eis die altero ad hoc Monasterium veniant, ut una cum illis, Fratres exinde salubre consilium sumant. Recedentibus interea illis, Decanus nocturno silentio Oderisio nuntium destinat, acta, & dicta seriatim enuntiat, utq. ad eos redeat instanter exorat; ille autem ciuium noscens versutiam, ad eos se tunc redire posse denegauit. Illucelcente autem die, ciues uti statutum fuerat montem subeunt, vnus post vnum Monasterium intrant, & ad capitulum conuenientes, quæ alio die inter monachos, & laicos de pacis conuentione statutum fuerat, replicare caperunt. Cumq. inter eos de eadem re se longior sermo protraheret, vnus è
ciuibz

ciuibz surgens in medium ait: Cur frustra sermonem longius trahitis? Certissime scitote, nos Monasterium non egressuros, nisi deposito Oderisio, alium nostro consilio substituat is Abbatem. Quod cum Fratres nulla ratione, nullo pacto se hoc facturos dixissent, illi è vestigio Monasterij munitiones fraude occupauerunt, sicq. in vnum summi Archimandritæ conuenientes, per Archipresbyterum suum in eundem Oderisium sententiam depositionis, & excommunicationis promulgant, confestimq. ad Ianulæ Arcem pergentes, & illos, qui in ea residebāt pecunia corrupētes, ad suam voluntatem inflectunt, eandemq. munitionem ab his, qui illam custodiebāt accipientes, diruunt, monachosq. contradicentes, ante portas Ecclesiæ B. Benedicti gladijs percusserunt, & per diuina, & humana omnia iurare ceperunt, quod nisi confestim Abbatem ad suam voluntatem eligerent, alios gladio trucidarent, alios de Monasterio pellerent, alios ad Papam victos transmitterent. Quid tantis? Fratres in discriminis articulo se constitutos videntes, ad Oderisium nuntios dirigunt, mandant, vt ad Monasterium redeat, & aut laicis satisfaciāt, aut ad voluntatem illorum Abbatiam dimittat. Quod cum Oderisius minime se facturum dixisset, Fratres, necessitate coacti, laicorum voluntatem se facturos promittunt. Taliter Oderisius ab æmulis suis est proiectus, & à propria sede depulsus: vir certe magnanimis, scientia clarus, eloquentiæ decore ornatus. Nam inter tantas persecutiones constitutus, sermones de præcipuis festiuitatibus, lucidos satis, & disertos composuit. Ab illo autem tempore, non defuerunt huic Cassinensi cœnobio varix, ac ingentes ærumnæ. Iam vero qualiter Nicolai electio, & electio facta sit describamus.

Germanō
ses occi-
dunt quos
dam mona-
chos.

CAPVT LXXXIX.

NICOLAUS natione Tusculanus sedit anno vno mense vno, diebus sedecim. Hic à sanctæ memoriæ Oderisio primo in hoc Cassinensi cœnobio receptus, & monachus factus, atque à Girardo Abbate Rector apud Suium ordinatus, post ab Oderisio secun-

Nh 4 do

do Decanus huius loci est constitutus, quam cum per mens-
sem ferè administrasset, à Fratribus huius cœnobij est in Ab-
batem electus; quidam verò ex prioribus, nimis hæc indi-
gne ferentes, cæteris ignorantibus clanculo ad Papam Ho-
norum litteras dirigunt, seditiose illum, & nequaquam ca-
nonice electum esse affirmantes. Pontifex autem cum Nico-
laum ad huc electum esse nesciret, Gregorium Cardinalem
tituli Apostolorum ad hoc Monasterium dirigens, mandat
quatenus eiusdem Gregorij consilio, Senioresque Capuani
Monasterij Præpositum in pastorem, & Abbatem Cassinen-
ses fratres vnanimiter eligerent, de quo, & Deus honorare-
tur, & religionis status, in famoso Cassinensi Monasterio, per
eius industriam roboratus, bona Ecclesiæ, tam spiritualia,
quàm temporalia in melius auferentur; ipse namq; si opor-
tunum esset, Monasterium manu tenere, defendere, & adiu-
uare paratus esset. Veniens autem prædictus Cardinalis ad
Monasterium, Fratres conuocat, & quod Papa præceperat
seriatim enuntiat, quod dum Fratres audissent, murmur in-
ter eos ingens repente exoritur, dicentes non debere Cassi-
nensis Abbatis electionem in alterius potestate transire, &
nimis indignum, & inconueniens esse, vt Cassinensis Eccle-
sia, quæ sub antecessoribus suis libera semper extiterat, ad
sua confusionis opprobrium Cardinalibus subijceretur.

Tunc Gregorius, imperato silentio, Fratribus dixit. In-
dubiè noueritis me non pro Papæ Honorij huc lucro, & ho-
nore Romanæ Ecclesiæ venisse, sed pro salute animarum
vestrarum, cum Christi auxilio, si permittitis, prouidenda.
Romana enim Ecclesia, vestro auxilio, & laude non indiget,
quæ laudis præconium in Petro ex ipsius ore meruit Redē-
ptoris. Quæ autem Ecclesia, vel Abbatia à Romanæ sedis
iugo extranea reperitur, cuius arbitrio ipsum cœlum liga-
tur, & soluitur? omnes namq; Ecclesiæ à Pontificibus, Im-
peratoribus, & Regibus, vel quibusq; fidelibus fundatæ sūt,
Romanam vero sedem, solus filius Dei fundauit, & super
Petri Apostoli fidem erexit, cui etiam terreni, simul, & cœ-
lestis Imperij iura commisit, & illud verbum, quod condi-
dit cœlum & terram, Romanam fundauit Ecclesiam. Et vt
cæteris omissis ad ea, de quibus nunc sermo agitur venia-
mus,

mus, sicut Apostolorum Princeps Petrus & Paulus Romanam Ecclesiam suo sanguine consecrarunt, ita Cassinense cœnobium per B. Benedictum, qui Romæ edoctus fuerat, & per ciues Romanos, Maurum, & Placidum habuit fundamentum. Illud quoque vobis notissimum esse non ambigimus, qualiter eo destructo à Longobardis, Cassinensis cœnobij Fratres iuxta Lateranense palatium per centum quadraginta annorum curricula habitauerint, & demum Cassinensem Ecclesiam, Romani Pontifices Gregorius, & Zacharias reſtruxerunt: quæ rursus à Saracenis cremata, iterum à sancto Papa Agapito in Monastico est ordine reformata. Cum ergo huius cœnobij Fundatores, ex Romanæ Ecclesiæ prodierint disciplina, eiusq; restauratores Romani Pontifices fuerint, conueniens est, iuxta sanctorum Patrum statuta, ut Ecclesia Romana mater, & domina, Cassinensis vero filia, & subdita iure dicatur. Reuoluite Cassinensis cœnobij munimina, eiusdem libros perscrutamini, & id vnde nunc sermo agitur, poteritis inuenire: si verò non potestis, mendacij arguite, sin autem potestis, nolite veritati resistere, nolite Romanæ Ecclesiæ repugnare, nolite eius iussionibus contraire, sed ex cuius vberibus fidei salutem suxistis, eius iussionibus studete in omnibus obtemperare. Tunc Fratres Apostolici voluntatem, se impleturos fatentur, sicq; discessum à capitulo est. Oderisus verò cognita Nicolai insperata electione, agiliter ad Roccam, quæ Bantra dicitur peruenit, pecuniam opportune importune dispensat, & milites vndecumque congregans igni, ferroq; castra, quæ eidem Nicolao fauebant, demolire solotenus cepit.


CAPVT XC.

HOC interea anno, Goffridus filius Richardi de Aquila, vna cum Richardo Caleni Domino, & Raone Raelis filio, castrum Suium, diu multumq; expugnans, incolarum fraude, & proditione, illud obtinuit. Nicolaus vero hoc agnito, Robertum filium Iordani Principis in suum auxilium euocat, è vestigioq; ad hoc Monasterium dirigens, ad se deferri præcepit Aquimania

nilia argentea librarum nouem, & vnciarum totidem, quæ Savinus sicut supra retulimus B. Benedicto direxerat: Aquimania argentea Stephani Papæ. Altare aureum cum gemmis speciosis, calicem aureum librarum quatuor, calicem magnum saxonicum, quæ Theodoricus Saxonum Rex B. Benedicto olim transmiserat, Epistolarium aureum Desiderij Abbatis, textum Euangelij Henrici Imperatoris cum gemmis pretiosis, alium textum Euangelij, thuribula argentea nouem, coronas argenteas totidem, pensantes singulæ, aliæ nouem aliæ duodecim libras, quas Otto Imperator, ac Hugo Marchio, aliq; fideles S. Benedicto obtulerunt, calicem librarum nouem, alios calices quinque, concam librarum septem, candelabrorum paria tria, coronas quatuor, habentes per vnamquamque decem & octo libras, concas duas librarum octo, cucumellum librarum sex, textum Euangelij, scutellam magnam. Hæc inquam omnia de ista Ecclesia abstrahens, castrum non recollegit, & indissolubile odium Monachorum aduersus se suscitauit.

CAPVT XCI.

Rursus fuerunt Germanenses.



STATVENTIBVS interea ciuibus, iterum Monasterium capere, quemdam ex prioribus adeunt, Decaniam, & non paruum pecuniæ summam illi promittunt, si eorum tam nefando negotio cooperator pro suo posse existeret; quod dum ille Fratribus referasset, è vestigio fideles quosq; in Monasterij munitiones immittunt. Ciues autem rem gestam ignorantes, nocte adueniente, insidias iuxta Monasterium locant, sed cum agnouissent sua patefacta consilia, confusione; & militia repleti, ad sua reuersi sunt.

Tunc temporis Adenulfus quidam castri Spinij Dominus anxians, & exæstuans, qualiter hoc Monasterium infestare; quoquomodo posset, locutus primo cum Richardo Caleni Domino, & Gotfrido Sueffano, cordis sui intima pandit, & ut eorum adminiculo, & iunamine conceptam parturire, & ad effectum malitiam posset perducere, instanter exorat. Illi autem

autem latissimi reddituri, rogant uti meditata opera expleat, auxilium suum ei non defuturum. Hoc enim sibi salutiferum, hoc delectabile, hoc iucundum esse fatentur. Euocat interea idem Adenulfus illos, qui arcem Castri noui custodiebant, pecuniam spondet, egregios illos, & felices facturos promittit, si supradicti Castri noui arcem sibi traderent. Ast proditores tantis promissionibus illecti, intempestæ noctis silentio cum quibusdam latrunculis eum euocantes, monacho, & cæteris oppidanis ignorantibus, supradictam arcem contradunt. Quod dum Nicolao nuntiatum fuisset, quid ageret, vel quid diceret nesciebat. Tandem cum quibusdam, dextro genu claudicantibus, communicato consilio, ut supradictum castrum recolligere posset, Picanum oppidum, quod Oderisius prædecessor suus adquisierat, & Papa Callistus per anulum confirmauerat, & Iordanus Princeps sacramento, & præcepto concesserat, in Normannorum ditione remisit, taliq; ordine iam dictum Castrum nouum recollegit. Reddidit etiam tunc supranominatus Goffridus turrem, quæ dicitur ad mare, Monasterium S. Benedicti in Sueffa, curtem de Lauriana, casam Maiorem, curtem de Lando de mari, & S. Ioannem ad currentes, cum vniuersis, quæ ad iam dictas curtes, & obedientias pertinebant.

C A P V T X C I I .


IS quoque diebus, duo Fratres ex Hispania Philippus, & Philibertus, cœlesti desiderio tacti, ad Patris Benedicti limina valde deuoti venerunt, atque Ecclesiam, quam dum ipsi in Hispania in solo proprio iuxta ciuitatem Lucruniū, loco qui ad Granium appellatur, construxerant in hoc sancto loco obculere.

Quorum-
dā Hispanorum
oblatio.

Oderisius interea cernens Romanum Pontificem sibi in omnibus aduersari, penitentia ductus, Romam adiit, & Patre prostratus vestigijs, Cassinensem Abbatiam in manu eiusdem Apostolici refutauit, arcem vero Bantrensem in huius cœnobij iura remisit. Tunc temporis Rao filius Raelis ad hoc Monasterium veniens per scriptum renuntiavit B. Benedicto,

nedicto, omnes lites, querimonias, & calumnias, quas aduersus hoc Monasterium habuerat de hominibus, qui fuere de ciuitate Theano, & eo tempore in hac terra residebant. Per idem tempus Iordanus secundus Princeps ad hunc locū deueniens iureiurando firmavit eidem Abbati totam ex integro Abbatiam secundum morem antecessorum suorum.

CAPVT XCIII.




PER idem tempus Pandulfus filius Landonis Aquinēsis Comitis in silua huius Monasterij, quæ Tirilla dicitur, castrum construere cepit. Quod ubi Papæ Honorio nuntiatum est, per Apostolicas litteras ei interdicens direxit, ne in possessione B. Benedicti castrum ædificaret; sed Deum, in eodem contemnens Pontifice, intentione sacrilega idem castrum ob huius loci oppugnationem, sicut hodie cernitur, à nouo construxit. Nicolaus autem capta eius præpedire cupiens in montem, qui Timmari appellatur castrum contra eum erexit.

Honorius
deponit
Nicolaum
Ann. 1127

Tantas porrò Cassinensis cœnobij perturbationes, tantæq; infortunia Papæ Honorij dum peruenissent ad aures, eundem Nicolaum Cassinensis Abbatia à regimine sequestrauit, omnesq; ei fauentes, vel adhærentes à liminibus Ecclesiæ separauit: litterasq; ad hoc Monasterium direxit, mandans, quatenus instanti animo, & diligenti studio laborarent, vt in nobili, & famoso B. Benedicti Monasterio antiqua possit reformari religio. Proinde, si in manu, & consilio suo Monasterij Cassinensis dispositionem, & ordinationem libere, & absque contradictione aliqua posuissent, quanto tuis ad Cassinense Monasterium venire festinaret, & ob honorem, salutem, & reformationem cœnobij, tam in spiritualibus, quàm in temporalibus, præstante Domino studeret laborare. Fratres verò, qui eundem Nicolaum, pro thesauri Ecclesiastici dilapidatione, & terræ amissione, valde exosum habebant, Nicolao ad hoc Monasterium venienti portas claudunt, illicoq; Nuntios ad Papam Honorium destinantes,

nantes, quæ gesserant per ordinem pandunt: se, & Monasterium in eius potestate ex toto tradentes. Ille vero super huius rei negotio lætissimus redditus, Matthæum Episcopum Albanensem ad hoc Monasterium direxit, Fratribus mandans, ut quem utilem ille, & idoneum tanto officio, ex Romanæ sedis auctoritate astrueret, hunc ipsi absque aliqua procrastinatione eligerent. Hoc ubi supradictus Pandulfus agnouit insperate super castrum, quod idem Nicolaus construxerat veniens, illud ad solum usque prostravit, & Nicolai quidem talis rerum exitus extitit.

CAPVT XCIV.



SENIOR ET VS huius cœnobij Abbas d. B. Benedicto quadragesimus quartus, sedit annis nouem, mensibus sex, diebus decem & nouem. Hic ab ipsis infantie annis B. Benedicto oblatas, atque à sanctæ memoriæ Oderisio Monachus factus, & in disciplinis regularibus studiosissime in omnibus educatus, & enutritus, primo ad Monasterium S. Marię in Luco, deinde ad Monasterium S. Nicolai in Pica regendum, Præpositus est transmissus: qui ad huius cœnobij Abbatiam taliter est electus. Cum satis strenue per sex annorum curricula huius sancti cœnobij Decaniam administrasset, ac deinde Capuani Monasterij Præposituram satis prouide gubernasset (eiecto iussu Papæ Honorij Nicolao) de eadem Capuani Monasterij Præpositura, ad huius Abbatiam eligitur. Enimuero dum ex parte supradicti Pontificis Matthæus Episcopus Albanensis, ut diximus, hac de causa ad hunc locum venisset, nunc singulatim, nunc communiter cū illis pertractaret, de eadem congregationi voluntatem Apostolici pandit. Tunc ex consulto mandatur illi, ut quanta potest instantia ad hoc Monasterium venire studeat, quatenus de Cassinensis Abbatis electione in commune simul ab omnibus tractaretur. Qui cum imperata implere satageret à Goffrido de Aquila, qui partibus Nicolai fauebat, capitur, & apud Suium, custodię mancipatur. Quod dum Fratribus

Vocatur
Seniore-
tus à Cas-
sienibus

Seniore-
tus capi-
tur.

Albanen-
sis Episco-
pus Senio-
retum eli-
gendum
proponit.

tribus relatum fuisset, afluare ceperunt, quid agerent; & sicut est consuetudinis, diuersi diuersa sentiebant, & alij Oderisum reducere, alij pro suo velle Abbatem eligere disponebant. Tunc præfatus Albanensis Episcopus Matthæus in capitulum veniens, capit de ipsa Abbatis electione tractare, & si præceptis Apostolicis parere vellent interrogare. Fratres autem cum hoc in eius posuissent deliberatione, seque per omnia Romano Pontifici obedire velle dixissent, & quem cum Fratrum consilio nominaret, ipsi Abbatem eligere promississent: tunc proprio illum nomine vocans, interrogat senes, deinde iuuenes, vtrum illis talis electio placeat. Cumque omnes, tum voce, tum capitum inflexione hunc se velle respondissent, mox omnium vnanimitate, cum absens esset (ex præcepto, vt ante iam diximus Apostolici) quarto idus Iulias elegerunt eum in Abbatem. Quamuis nonnulli, & ex maxima parte timore ducti, hoc ægre ferrent, ob hanc scilicet causam, quia tempore Decanatus sui, nimium austerus, & rigidus in huius Monasterij ordine extitisset.

Senioretum
studium
optimum.

Dimissus itaque Senioretus à Goffrido, ad hoc Monasterium venit, atque eius electio à Fratribus confirmata, illum in Patris Benedicti cathedra honorifice locauere. Suscepta itaque Abbatia Senioretus, cepit omnibus perinde modis studere, quatenus nouiter adimpleret, id ad quod Abbas à Romano Pontifice factus fuerat. Angebatur itaque nimium interdum eius animus, tum pro nostri Ordinis emendatione, tum pro Fratrum sustentatione, & terræ recuperatione. Interea oppidani, occasione accepta, ad suum velle relaxationes, ac placita exquirebant, & licet vi, recipiebant. Ex abbas igitur noster Nicolaus, fauente, & iuuante se Goffrido de Aquila, quamdam huius terræ partem, videlicet Mortulam, S. Andream Vallem frigidam, atque Castellum nouum, retinens, terram, quæ huic loco residua erat, infestare non desinebat: ob quam rem Iordanus Princeps ab eodem Abbate euocatus, extemplo cum non parua militum manu venit, atque super Castrum nouum, quo nepos supradicti Nicolai residebat tendens, adiacentia quaque igni, ferroque demoliri præcepit. Ille autem perspiciens oppidanos disfluere à se, & ad Abbatem clam nuntios destinasse, protinus eidem Abbati

Abbati dirigere ſtudit, quod ſi eum cum omnibus ſuis ſecure exire permetteret, ſine dilatione, caſtrum illi continuo redderet. Quo impetrato, in Abbatis manibus conſeſtim eundem reddidit caſtrum.

CAPVT XC V.

INTER EA Apoſtolicus urbem egrediens, venit ad hoc Monafterium, à quo idem Abbas in hac Eccleſia Abbatix conſecrationem ſuſcepit. Poſtea verò cepit ab eo ſacramentum vehementer exquirere, atque ut Romanæ Eccleſiæ fidelitatem faceret omnino inſiſtere. Et Fratres modis omnibus reniti, & contradicere, & hoc Caſſinenſes Abbates numquam feciſſe dicebant. Quibus Pontifex è diuerſo reſpondebat, quia quod omnes fere Epiſcopi, Archiepiſcopi, & Abbates faciunt, Caſſinenſis Abbas agere debet, è diuerſo noſtri dicebant: Ideo ab illis Romana Eccleſia fidelitatem extorſiſſe, pro eo quod ſæpius in hæreſim lapſi, contra Romanam Eccleſiam ſenſiſſent: Caſſinenſis vero Eccleſia, numquam in hæreſim decidit, numquam contra ſedem Apoſtolicam ſenſit: qua ratione Papa accepta conticuit: exinde vero Pontifex, ex hoc loco diſcedens Beneuentum ingreſſus eſt. Sed de his hætenus.

Honorius
Caſſinum
venit, &
Senioretū
nonſecrat

CAPVT XC VI.

DVX igitur Gulielmus cum iam annis fere ſedecim Ducatum rexisset mortuus eſt, atque in ipſo omnis Roberti Guiſcardi familia, quæ ex ipſo deſcenderat finita eſt. Deſuncto itaq; Duce Rogerius hæres, & filius quodam Rogerij Siciliæ Comitidis, fratris prædicti Roberti Guiſcardi Ducis, Ducatum occupat, contra quem Apoſtolicus cum expeditione properat: demum facta concordia, eidem confirmavit Ducatum. Ijs porro diebus Iordano Principe obeunte Robertus eius filius eidem

dem successit in Principatu, qui huic Monasterio priuilegiū fecit de hominibus casæ Gentianæ, de scadentijs, de modijs terræ viginti in territorio S. Mauri ad Casale, de piscatione in mari, & flumine in omni territorio Castelli ad mare, de his quæ dederunt, Iordanus secundus pater eius, Richardus secundus, & Robertus patruus, Iordanus auus, & Richardus proauus sui, & de venientibus ad habitandum in Terra S. Benedicti, vel aliquid Monasterio largiendum, pœna librarum auri centum apposita. Robertus etiam Comes de Molifio fecit priuilegium huic loco de medietate castri Serræ, quod est sub iure Larinensis Episcopatus, pœna librarum auri centum apposita.

Præterea Rogerius Dux, fecit priuilegium S. Benedicto, de his, quæ obtulerunt Robertus Dux, & Sicelgayta vxor eius. Rogerius, & Guilielmus filij in Apulia, Calabria, Principatu, Salerno, & Amalfia, de concessionibus Principum, Baronum, & aliorum fidelium, pœna librarum auri trecentarum apposita, anno Domini millesimo centesimo trigesimo, per manum Guarnerij Mazariensis Decani.

CAPVT XC VII.

Papæ Honorij obitus.

Innocentius II.



INTEREA Papa Honorio vita decedente, electi sunt Gregorius Diaconus Cardinalis S. Angeli in Papam Innocentium secundum, & Petrus Presbyter Cardinalis S. Callisti in Anacletum. Innocentius vero per aliquantum temporis spatium, in vrbe permanēs cum Episcopis, & Cardinalibus, qui suæ parti fauebant, ad ciuitatem Pisanam perrexit, Conradum Sabinensem Episcopum, Vicarium in vrbe relinquens. Petrus præterea Cardinalis Rogerio Duci Apuliæ coronam tribuens, & per priuilegium Capuanum Principatum, & Ducatum Neapolitanum, cum Apulia, Calabria, & Sicilia illi confirmans, Regemq; constituens, ad suam partem attraxit, præcipiens, vt Episcopi, & Abbates, qui in suæ ditionis terra manebant, ei hominum facerent.

Per idem tempus Robertus Princeps, cuius supr a meminit, m

aimus, fecit priuilegium huic loco, sicut antea fecerat, & de relaxatione quinquaginta tarenorum, & Gualdo, & de portu molendini, quod est in flauio Vulturni loco Cazoli, cum portu ex vtraque parte fluminis. Post hæc prædictus Princeps abiit Pisas, & Rex Rogerius venit super Principatum, ob quam rem hic Princeps à Pisis stipatus nauali exercitu, Neapolim venit, Auerſani se eius Imperio subdunt, contra quem Rex Rogerius veniens, eum fugauit, Auerſam in cinerem redegit, Alfuso filio Capuanum tradidit Principatum. Tunc temporis Hubertus Pisanus Archiepiscopus Apostolicæ sedis Legatus, fecit priuilegium huic Monasterio de S. Georgio de Baray, & S. Maria de Gennor.

Innocentius igitur Alemannorum, & Lotharingorum Terram ingressus, iuxta Leodium à Lothario Rege excipitur, virgam, & annulum ei iuxta morem antiquum confirmans, necnon & Terram Comitissæ Mattildæ ei contradēs. Deinde Lotharius Rex venit Romam, & accipiens coronam ab Innocentio, reuersus est. Et dum in conspectu eius totus, vt ita dicam, Romanus orbis pacatus quiesceret, & sub eius ditione calcati iacerent, à Papa Innocentio Pisis remorante, frequentibus litteris monitus, vt Romani Imperij coronam ab hostium iugo defenderet, & Ecclesiam scissam ad pacem, concordiam, & vnitatem, Cæsar strenuissimus, & clementissimus, reduceret. Anno Dominicæ Incarnationis millesimo centesimo trigesimoquinto, immensum valde nimis totius Romani Imperij exercitum congregans, vna cum Richiza Augusta vxore sua, intrauit Italiam. Ingens interea pauor, & hebetudo mentis corripuit Aufoniam, & quid dicerent, vel facerent vnus ab alio inquirebat.

Lotharius
ab Inno-
cencio Ro-
mæ coro-
natur.

Ann. 1135

CAPVT XCVIII.

INTER hæc Regis Rogerij Cancellarius Guarinus nomine, Canzolino, qui tunc Capuæ præerat, mandat, quatenus Cassinensi Abbati, vt ad se veniat, destinet, venientem protinus capiat. Abbas autem talia dum persensisset, abnuitt, ac se minime tunc illò posse ire remittit. Cancellarius vero magis, ac magis in suspicionem ve-
niens,

O o

niens, mandat Abbati, ut sibi Capuam venienti cum festinatione occurrat, quatenus de Regni negotijs, cum ipsius Terræ Baronibus, insimul tractent. Casu itaq; tunc accidente, Abbas grauitè infirmatus est, & ob hanc rem ire ad eum distulit. Sanitati autem redditus duos fratres ante natiuitatem Domini, Cancellario apud Beneuentum constituto, direxit, infirmitatis magnitudinem pandens. Cui cancellarius remisit, ut post celebratam festiuitatem ad eum Capuam pergeret, alias autem ipse ad eum veniret. In festo autem Euangelistæ Ioannis prædicti fratres reuersi, rumorē, quem hauserant pandunt. Nam inter eundem, & redeundum per amicos, & fideles Monasterij de hac re interrogantes, nil aliud, quam ut illum capere vellet, audierunt. Abbas autem quid in tali re faceret ignorans, simulat infirmitatem. Cancellarius vero iuncto sibi Capuano electo, & Canzolino, Cassinum, ut disposuerat, venit.

Aquinensis interea electus inuidiæ stimulis incitatus, & veneno nequitie debriatus, Regis Cancellario per quemdam scutiferum mandat, quod Cassinensis Abbas non ipsis, sed contra ipsos ad suscipiendum Imperatorem Lotharium, & Papam Innocentium se præparet. Quod si illum veritatem dicere minimè crederent, Cassinense Monasterium ab eo expeterent, si daret, scirent illum esse mentitum, si non, veritatem illum dicere certissime crederent. Epistolarum vero portitor, sciens quid in ipsis continebatur epistolis, ad Monasterium venit, & id quod in re erat Abbati per ordinem pandit. Abbas autem à scutifero Epistolam accipiens, & relegens, omnia prout idem retulerat inuenit. Cancellario itaq; cum Capuano electo, & Canzolino apud S. Germanum adueniente: Guarinus electus Aquinensis, pro eadem re ad illos aduenit. Cumq; Abbati in dolo mandarent, ut omni seposita occasione, ob regni negotia ordinanda, ad illos descenderet, remisit, se ad eos ob infirmitatem ire non posse; misit tamen Monasterij Priores ad Cancellarium, qui in eius præsentia Aquinensem electum de prædicta causa reprobarent, atque illum falsissimū omnino ostenderent. Cumq; electus hoc se fecisse negaret, ostendunt Epistolam, pandunt per ordinem omnia. Tunc ille confusus nesciebat,

sciebat, quid euidenti rationi responderet. Ceperunt autem hi, qui ex parte Regis erant, capta omittere, ac simulato animo, & ira, Cassinensibus faceta verba proferre (utpote qui electo Aquinensi fauebant) atque se ob hanc rem, neque venisse, neque id credere iureiurando affirmabant. Sed post paululum, qui dolorem conceperant, pepercere iniquitatem, cum protinus earumdem litterarum portitorem apprehendentes, & diuersis supplicijs excruciantes, oculis priuauerunt. Electus vero timore ductus, ac minantium ciuium furore perterritus, Canzolino illum de ciuitate educente, Aquinum redijt.

Altera autem die in ipsis Epiphaniarum vigilijs ad Monasterium ascendentes, post salutationem ex more factam, ac nonnulla inter se colloquia, cæteris exeuntibus, ceperunt Abbatem super mandatum Regis, de datione Monasterij requirere, atque ut sibi statim in præsentiarum (quod est à sæculis inauditum) traderetur, omnino præcipere. Ipse vero cum viginti, aut quantis ex Fratribus vellet, cum omni thesauro Ecclesiastico, & cuncta suppellectili Monasterij, ad arcem quæ Bantra dicitur demigraret, reliqui vero per obedientias diuiderentur: in Monasterio quatuor Sacerdotes, cum tribus aut quatuor Fratribus dimitteret, qui diuinum officium ad Patris Benedicti corpus peragerent: asserentes se hoc pro nulla alia causa facere velle, nisi quod Cassinensis Ecclesia magnam per totum orbem Romanum haberet famam esse in omnibus locupletem, atque præ omnibus Italiae Ecclesijs in auro, & argento, alijsq; pluribus opibus pollere. Quod si omnia hæc Lotharius Imperator, vel alij inimici Regis obtinere valerent, multa detrimenta, & damna, per hoc in Regno eius euenirent. Dicebant autem hæc mentientes, quia ut post in propatulo clauit, illum inter eundem comprehendere; & supradicta omnia surripere disposuerant: sicq; iam Monasterium, & cuncta securè detinerent. Post hanc ergo tam inauditam, tamq; nefandam iussionem, absque communi Cassinensium Fratrum consilio Abbas hoc se agere posse negauit. Accepta itaq; consiliandi licentia, hi qui ex parte Regis erant egressi sunt foras.

Dehinc Abbas, Monasterij priores conuocans, quam ob

O o 2 causam

Ann. 1136

Optima
Cassinen-
sium Mo-
nachoru
delibera-
tio.

causam Cancellarius venerat pandit. Quid cuiq; super hoc videretur interrogat, atque quid in tali negotio opus sit, consilio cum eis communi pertractat. Omnium tamen vna-nime votum, vna sententia fuit, quatenus Cassinense Mo-nasterium, nullo pacto nulla ratione in laicorum potestate traderetur. Promittentes se, vsque ad mortem pro tanti lo-ci defensione certare paratos esse. Ante se canum, murici-pum, & equorum carnes comedere, quam Cassinense cœ-nobium in aliorum potestatem, atque dominium venire permitterent. Quoniam quidem si caput incolume perma-nere constaret, reliqua membra, si quid incommodi, si quid aduersi eueniret, salutem sperarent: Si autem caput peri-ret, cætera etiam membra, licet sana viderentur, cum capi-te pariter in interitum irent. Hoc communi consilio deli-berato, Cancellario aduenienti cum Canzolino, Abbas ta-liter orsus est loqui. Super Cassinensis cœnobij negotijs, vn-de nos requirere voluistis, tam pro rei magnitudine, quam etiam, & pro ipsius temporis breuitate, neque consiliari, neque quid vobis respondere possemus inuenimus: vnde ro-gamus quatenus nobis terminum detis, quousque cunctos nostræ congregationis Fratres, qui per obedientias positi sunt, conuocemus: sicq; cum eis, quid nobis agendum sit, communi consilio pertractemus.

Tunc Cancellarius amaritudinis felle succensus respon-dit dicens: Quod consilium hic est? aut quod consilium vul-tis habere? hic non est consilium, non erit dilatio aliqua, nisi vt iussionem Regis impleatis: Nam ego vobis consiliã-di terminum non do, sed omnino ex parte illius impero, at-que præcipio, quatenus extemplo, quid de hac re statuistis respõdere curetis. Cui Abbas respondit. Hoc profecto, quod dicitis implere minime possumus, & maxime, quia si hoc Rex præcepit, vel qua ex causa, hæc fieri mandauit ignora-mus. Ad quem Cancellarius, tale confestim dedit respon-sum. Ego sum os, & lingua Regis, per me loquitur, & sua iura disponit. Qua vero ex causa fieri mandauit, hæc est. Letharius cum suo Papa Innocentio veniet, & in hoc volumus vos probando tentare, si nobiscum debetis in fidelitate Regis permanere, ac pro eius conseruanda corona contra

Lotha-

Lotharium decertare . Ad quem Abbas. Parati sumus, inquit, hoc cum necesse fuerit adimplere, & sacramento inde vos, in presenti per nostros fideles firmare; insuper promittimus nos contra inimicos Regis strenuè præparare, & posse Cassinense cœnobium, contra Imperatorem defendere, & manutenere. Cui cum Cancellarius dixisset, cum quibus Cassinense cœnobium contra Imperatorem defensurus esset. Abbas respondit, cum opportunum fuerit, de ciuitate S. Germani, & omni Terra S. Benedicti fortiores, & robustiores quosq; eligentes, hic habere studebimus, sicq; cum vestro consilio, & vestris militibus in adiutorium (si res ita exigeret) venientibus, Cassinensem Ecclesiam contra Imperatorem, & contra milites eius defendere, & manutenere curabimus, ita vt per Cassinense cœnobium, nulla Rex detrimenta, vel damna patiatur. Exclamans protinus Cancellarius dixit cum magna indignatione. Ecce Regis fideles, videte, cum quibus putat se Cassinensis Abbas Imperatori resistere, cum examinatis videlicet, infidis, & periuris, & qui numquam B. Benedicto fidem seruauerunt. Qui Brunonem, Oderisium, & Nicolaum de Abbatia expulerunt, qui Cassinense cœnobium contra fas, & ius caperunt, qui castrum Ianulæ destruxerunt, monachosq; contradicentes, ante B. Benedicti altarium gladijs percusserunt. Cæpit autem & multa cum suis contra Abbatem dicere, & monachos, & laicos deturpando iniuriare, multis & varijs opprobrijs dehonestare, fallaces, & callidos declamare, cumq; ad hæc omnium ora in silentio essent, recessit tandem cum magna indignatione, & ira: præcipiens, ac dicens, vt per totum ipsum diem de eadem re responsum sibi reddere omnino deberent.

Recedente itaq; eo omnes Priores in vnum cum Abbate conueniunt, causam inter se conferunt, trahunt longa suspiria, & quid agere debeant nesciunt. Angustia illis erant vndiq; & quid eligerent nesciebant, dicentes: si Monasterium in manibus laicorum damus, incurrimus in mortem animæ, & corporis, si autem non damus non effugiemus manus illorum, sed melius est nobis incidere in manus hominum, quam derelinquere legem Dei nostri, & videre mala gentis

O o 3 nostræ,

nostræ, & sanctorum. Hoc vnum omnes à minimo vsque ad maximum dicebant, in hoc omnium diffinita sententia erat, vt quamdiu possent, numquam Cassinense cœnobium pro vita amittenda in laicorum traderent potestatem. Visum demum omnibus est, vt ad eundem Cancellarium nuntios destinarent, qui eum suppliciter exorarent, quatenus illis spatium daret quousque de tanta re, sicut deceret, consiliari, eiq; respondere valerent. Cancellarius autem dum Monasterium cum satellitibus suis deambulans circuiret, ad dormitorium veniens iussit metiri altitudinem muri, quatenus illius exemplo scalas ad cœnobij captionem aptare valerent. Quod videns vnus ex Fratribus nuntiauit Abbati.

CAPVT XCIX.

Visio cui-
dam Ioan-
ni mona-
cho osten-
sa.



DO etiam tempore quidam Frater, Ioannes nomine, dum naturæ debitum solueret, & iam sine motu, & voce iaceret, subito in se rediēs, retulit se vidisse Patrem Benedictum cum multitudine monachorum defunctorum in Ecclesia stantem, & Regem Rogerium eādem Ecclesiam ingredientem, non nemq; Cassinensis Ecclesiæ thesaurum asportantem. Qui cum ad gradus maioris Ecclesiæ peruenisset, mortui, qui in Ecclesia eminus erant, irruentes interficiebant eum. Hæc cum dixisset adiunxit, vt certius sciatis me vera proferre, noueritis me statim è mundo recessurū, quod si post hæc vltterius vixero, indubitanter, quæ protulisse falsa fuisse noscatis. His dictis obdormiuit. Hæc quidem Frater. Nos verò præfatam visionem pertractantes, atque in memoriam retinentes, iam penè totam impletam esse videmus, quando ferè omnem huius loci thesaurum Rogerij Regis factione sublatum esse videmus. Acta sunt autem hæc omnia vigiliarum Epiphaniarum die.

Ann. 1136

CAPVT C.

Monachi
audis pe-

POST hæc ab Abbate, & Fratribus statutum est, vt duodecim ex Monasterij senioribus, discalciatis pedibus ad ciuitatem.

ciuitatem pergerent, vbi iam dictus Cancellarius, & Capua-
 nus electus morabantur, suppliciter flagitantes, vt spatium
 darent in quo Fratres, qui in obedientijs erant congrega-
 rentur, quatenus cum eis in vnum communicato consilio
 congruum responſum, de re ſupraſcripta, proferre valerēt.
 Quod dum factum fuiſſet cum luſtu, & gemitu vſque ad ia-
 nuam Monasterij illos eſt omnis congregatio ſubſecuta; il-
 lis autem recedentibus, Fratres ad Eccleſiam B. Benedi-
 reuerſi ſunt, vbi quantæ lacrymæ effuſæ ſint referre quis va-
 leat? omnes enim in terram ſe proſternentes, & capita in
 pauimento Eccleſiæ percutientes, Domini miſericordiam,
 cum luſtu, & voce cordis implorabant, vt locum iſtum re-
 ſpiceret. Demum vero ad B. Benedictum conuerſi, ac ſi præ-
 ſentem eum viderent. Pater ſanctiſſime tu præſentiorum te
 diſcipulis tuis poſt carnis reſeſſum, quam ſi viueres polli-
 citus es, te eſſe futurum, vnde per Patrem, & Filium, & Spi-
 ritum ſanctum te adiuramus, vt quemadmodum pollicitus
 es, & nos, & locum iſtum protegas, & ab omnibus malis de-
 fendas. Poſt hæc viuificæ crucis lignum, & brachium ſancti
 Apoſtoli, & Euangeliftæ Matthæi, & ſancti confessoris Chri-
 ſti Mauri Fratres ſumentes, cum litanijſ per Eccleſias intra
 Monasterium ſitas pergere ſtatuerunt. Cumq; in Eccleſia B.
 Martini, vota Domino ſupplicationis, & laudis perſolue-
 rent, poſt finita ſuffragia exeuntes inde, ad Eccleſiam Bea-
 ti Protomartyris Stephani diuertere, vbi cum vnus eſt Fra-
 tribus ad portas baſilicę aperiendas præceſſiſſet, inuenit eas
 obſeratas, Frater enim, qui eamdem tenebat Eccleſiam,
 vnus erat ex duodecim illis, qui ad Cancellarium ierant, &
 clauem Eccleſiæ oblitus dimittere, ſecum detulerat. Regreſ-
 ſo autem illo, qui ad Eccleſiam aperiendam præceſſerat.
 quod in re erat denuntiat, & vt reuerterentur, qui primi in-
 cedebant dicebat: iterum alij, atque alij currentes, ſimili-
 ter clauſas ianuas inuenere, & Fratribus nuntiare curarūt.
 Frater autem, qui crucem ferebat, neſciens, quid ageret, ſe
 ſequentes hortatus ad ianuas peruenit Eccleſiæ, & mox ta-
 ctis ſeris, diuinitus ſunt apertæ: vnde aliquantulum lætifi-
 cati, gratias Deo peregerunt, atque cum omni deuotione,
 & cordis contritione ibi litaniarum ſuffragijs peraſtis, ad

dibus Cæ-
 cellarium
 adeunt.

Monachi
 Dei miſe-
 ricordiam
 implorant

Miraculū

O o 4 Patris

Amos 8.
vers. 10.

Nota hūc
locum.

Patris Benedicti Ecclesiam, sunt reuersi; sicq; missas ipsius Dei cum lusu, & tristitia peregerunt. Et tunc adimpletum est in illis, quod per Prophetam dicitur: Dies festi vestri conuertentur in luctum. At Fratres, qui missi fuerant ad Cancellarium, cum ad locum, in quo Pater Benedictus semel per annum cum Sorore sua locutus fuerat, peruenissent, Decanus, & qui cum eo ob eandem rem ante descenderat, cognito illorum aduentu, ad Monasterium remiserunt dicentes, quod pro tali facto Cancellarius magis prouocaretur ad iram, quam flecteretur ad misericordiam.

Cancellarius autem postquam audiuit, quod Fratres cum B. Mauri brachio per sanctorum Ecclesias Dei omnipotentis clementiam supplicarent, in superbiam eleuatus, cepit multa contra monachos minitare dicens, se incisuros illis, & labrum, & nares, & vestes illorum medias, vsque ad nates, & sicut alter Nicanor verba blasphemiae in Deum, & Sanctos eius proferre dicens. Quod spes, quam monachi in Benedicto, & in Mauro habebant, cassa esset, illisq; magis perniciem, quam salubritatem conferret. Vehementiq; post hanc indignatione permotus, litteras habitantibus in Campania, Samnio, Apulia, Lucania, & Calabria direxit, mandans ut quam citissime possent, cum diuersis bellorum machinis, ad Cassinense Monasterium obsidendum, & capiendum venirent. Abbas autem agnoscens, quod Cancellarius de sua morte, & coenobij captione cogitaret, cum paucis communicato consilio, Legatos ad Landulfum de S. Ioanne, qui tunc Imperatori fauebat, direxit: mandans, ut veniret, & Cassinense Monasterium sub cura sua susceperet, & contra eos, qui illud capere querebant defenderet: verum quia hoc per diem agi non poterat, per noctem impletum est, atque ex utraque parte factis sacramentis, tertia die post festiuitatem Epiphaniae, feria sexta, milites Landulfi iam dicti in Monasterium inducti, & munitiones contraditae sunt. Landulfus vero post hanc Cassinum deueniens, Abbati & Fratribus constantiam, & inimicis perturbationem maximam contulit.

Cancellarius autem agnoscens Landulfum Cassinum venisse, ciuitatem Aquinum, quo commorabatur relinquens, atque

atque per sanctum Angelum in Maiolisi Lirim fluvium transiens, Minianum perrexit, ubi infirmitate gravissima tactus, Notario præcepit, ut litteras scriberet, quatenus omnes, qui in Regno Regis Rogerij morabatur ad Cassinense Monasterium capiendum venirent, quod dum ille implere satageret, subitanea morte defunctus est.

Post hæc Abbas cum Fratribus statuit, ut per triduum Dei omnipotentis clementiam supplicarent, quatenus pacem, & quietem Cassinensi cœnobio largiflua pietate concederet; & quia silentium illis diebus, propter tumultum, & perturbationem, tenere non poterant, decreuerunt, ut tribus diebus post completorium, vnum per noctem Psalterium in Ecclesia cantaretur; sed antequam eandem triduanam inchoarent, Abbas in capitulo surgens, iuxta Monasterij consuetudinem veniam petijt, & confessionem de suis excessibus fecit. Similiter & omnes Fratres post illum, se in Patris Benedicti Regula deliquisse confessi sunt, sicq; Abbas indulgentiam illis conferens, de omnibus excommunicationibus in Cassinensi cœnobio factis, in quibus aliquando offenderant, eos absoluit.

A D N O T A T I O.

Cardinalis Baronius tom. 12. Annal. anno 1136. super Pag. 245. his, quæ à Petro hoc capite referuntur, hæc ait. At dicet aliquis, si schismatici erant hi, quomodo miraculo illo aperte sunt eis spontaneè fores Ecclesiæ? Dicam breviter: Non simul, ac Abbas, vel Episcopus aliquis schismaticus est, necesse est omnes sibi subditos pariter esse schismaticos, sed illos tantum, qui certo sciunt suum errare Præsulem, ceteros autem non peccare, qui persuasibilibus rationibus, putant ipsum recta incedere via, & se verum sequi Pastorem, nec tanta inest ipsis doctrina, vel adeo explorata rerum gestarum cognitio, nec facultas exquirendi, cuius potiora sint iura, hosq. sua ipsorum conscientia reddi crimine liberos, sicut & tunc evenisse putamus: nimirum, quod & si Abbas, & ex Præfatis aliquis apud Deum, & eius Ecclesiam rei fuerint patra-
ti sceleris, simplices tamen his subditi, bona fide, & conscientia

scientia pura cuncta gerentes, diuinis tantum rebus vacantes, omnis curiositatis expertes, nullo modo (ut canones docent) rei fuerint tanti criminis, quorum numerum haud exiguum fuisse, iure possumus existimare.

Hac quidem optime dicta sunt à sapientissimo Cardinali: verum vnde ipse habuerit, vel Senioretum Abbatem, vel Cassinenses Monachos, eo tempore fuisse schismaticos, ego penitus ignoro; & quidem Senioretus numquam legitur à vero, & legitimo Ecclesiae catholicae Pontifice se aliquando separasse, sed post eius obitum Rainaldus Calamentanus, Abbas tumultuaria electione factus, cum suae factionis monachis, filio Petri Leonis Antipapae, cuius Subdiaconus erat, adhaesit, sicq. ipse cum suis schismaticis facti sunt: ut docet auctor infra cap. 104. Restituendus ergo Senioreto Abbati honor sibi debitus, nec inter schismaticos, sed inter veros, & legitimos Ecclesiae catholicae filios annumerandus, cum nullibi appareat schismate se ipsum polluisse, sed semper in obedientia Innocentij secundi perseuerasse. Immo quia nec ipse, nec Monachi Cassinenses schismaticis adhaerere voluerunt, vniuersa mala, quae hic referuntur, sunt perpetrati.

CAPVT CI.

S. Benedictus Bono Monacho apparet.



MIS porrò diebus quidam Frater, Bonus nomine, dū in Ecclesia B. Protomartyris Stephani post matutinalem synaxim fatigatus obdormisset, B. Benedictus in visione ei apparens dixit. Multa incommoda, & perturbationes, & rerum maximum detrimentum pro hoc facto habebitis; sed confidite in Domino, & in potentia virtutis eius, quia adhuc domus mea reintegrabitur, & in suum statum reducetur, Beatissimum vero Maurum, ut omni instantia precum supplicetis, praecipio, ipsius sine dubio interuentu, ab instanti periculo, & perturbatione liberabimini, & his dictis disparuit. Euigilans autem Frater, Abbati & Fratribus, quae viderat, & audierat per ordinem pauidit, vnde in communi Fratrum capitulo statutum est, ut omnibus Dominicis diebus ad introitum Ecclesiae, post antiphonam

tiphonam B. Benedicti adderetur, & antiphona B. Mauri. Similiter, & in omnibus festis, in quibus collecta facienda est, sicut in quotidianis diebus antiphona, & oratio eius diceretur. Interea tota Terra à fidelitate Abbatis, præter castrum Cassinum, recessit; de quo facto homines de castro S. Angeli, causa, & initium extiterunt. Ipsi enim primitus inimicos Monasterij intra castrum suscipientes, Cassinense cœnobium oppugnare cœperunt. Post hæc Bertulfus Mansionarius, natione Cymber, & Adenulfus cognomento Marficanus, huius rei gratia ad Imperatorem Lotharium diriguntur. Dehinc omnes obedientia per Campaniam, Picenum, Samnium, Lucaniam, atque Calabriam captæ, atque à iure cœnobij Cassinensis subductæ sunt.

Cancellarius vero, qui tanti mali caput, & auctor fuit septimodecimo die, postquam huc in vigilijs Epiphaniæ peruenit, apud Salernum ad extrema perueniens clamabat. Benedicite, & Maure cur me interficitis? cumq; hæc crebro repeteret, vita decessit.

Cancellarij interitus. Anno 1136.

CAPVT CII.

Etiam tempore quidam Frater Crescencius nomine, natione Romanus, vidit in visione, quemdam lacum, nimia magnitudinis, & ignei coloris, cuius undæ ad cœlū ferri videbantur, in quibus undis, vidit eiusdem Cancellarij animam in aeris alta eleuari, & rursus ad ima demergi. Iuxta quem lacum, cum duos Monachos stare vidisset, interrogatus ab eis cuius esset anima, quam tantis tormentis affici videbat, se Frater nescire respondit. Ad quem qui videbatur senex, hæc est, inquit, anima Guarini Cancellarij, quæ idcirco talia patitur, propter perturbationem, & tribulationem, quam Cassinensi Monasterio excitauit. Quem Frater cum quis esset, qui talia promeret interrogasset. Fratrem Benedictum se esse respondit. Frater autem à somno exurgens, ita se vidisse, & audisse, Deum, & Sanctos eius testes inuocans, affirmabat..

Cancellarij æterna damnatio.

Inter

Inter hæc quidam ex nostris, contra voluntatem Abbatis, de pace, & concordia tractare cæperunt, cum ijs, qui ex parte Regis erant, mediante Richardo Episcopo Caietano. Demum vero, ad id ventum est, ut ex parte Fratrum, factò ab obedientialibus sacramento, & à cuncta congregatione promissione de pacta conuentione, atque ex illa parte factis sacramentis, pax fieret: sicq; commotio illa, & perturbatio, subito quieuit, sed ad tempus.


CAPVT CIII.

Seniore-
tus obiit
ann. 1136.



TERTIA vero die, postquam hæc facta sunt, supradictus Abbas languore depressus, vitam finiuit, quinta feria, nonis Februarij. Per totam vero noctem, qua vita decessit. Decanus cum Fratribus tractare cæpit, qualiter antequam mors eius diulgaretur, homines Landulfi superius nominati, qui Monasterium tenebant foras expellerentur. Remuneratis igitur illis, qui in capite eorum erant, & à Regis Baliuis securitate accepta, ut inde cum suis omnibus exirent, mediante iam die omnes de Monasterio, cum armis recedentes, ad sua reuersi sunt, qua ex re factum est, ut usque ad illam horam, mors Abbatis palam nesciretur. Hora autem nona iam propinquante, celebrato officio ipsius, sepulturæ traditus est, ad dexteram partem introeuntium in cimiterium, iuxta gradus, ubi quatuor discipuli B. Benedicti requiescunt.

CAPVT CIV.



SED ut ad id redeam vnde digressus sum, cum ad huc Abbatis feretrum in Ecclesia esset, destinati sunt à Canzolino, Capuani Principatus Camerario, milites, ut nullus eo absente de Abbatis electione tractare præsumeret. Dilatum itaq; est, & contradicentibus, ac mærentibus monachis, usque ad ipsius aduentum protelatum, cumq; illuc aduenisset, cum ei ostenderetur,

tur, de electione Abbatis Patris Benedicti iussio, & priuile-
giorum constitutio: Respondit, quod nil ad præsens istius-
modi valeret ostensio, sed differte vsque ad Domini mei Ro-
gerij Regis notitiam: sin autem, tradite arcem Bantrensem,
& eligite quem vultis, ita tamen, vt prius fidelitatem Regi
faciat; quod cum Fratres se non implere dixissent, ipse exer-
citus congregans, vniuersa Cassinensis cœnobij castra, ab
eius ditione subduxit.

Iam ferè sex dies in tali fluctuatione transierant, cum ad
festum virginis Christi Scholasticæ, Fratres vndiq; ad Mo-
nasterium conuenientes, & de electione Abbatis inter se
tractantes, diuiduntur in partes, & vna quidem Raynaldum
Calamentanum, qui post Abbas exitit. Alia Raynaldum
Etruriensem eligere disponebant; sed cum inter se plurima
conferrent, visum demum Prioribus est, vt electio differre-
tur, vsquequo ad Regem Rogerium, Romanumq; Pontifi-
cem, tunc Pisis remorantem, Nuntios destinarent, per quos
Cassinensis cœnobij fortunam notificare, & super tali nego-
tio illorum consilium præstolari valerent; sed cum ad hoc
alteram partem flectere nullo modo possent, contradicenti-
bus, & renuentibus alijs, qui supradictum Raynaldum Ca-
lamentanum eligere disposuerant, eundem Raynaldum
apprehendentes, in Patris Benedicti cathedra illum locan-
tes, sibi in Abbatem constituunt. Reliqui vero nimis hæc
indigne ferentes, clam ad Berthulfum Mansionarium, & ad
Adenulfum Cassinensis cœnobij Fratres, quos Abbas Senio-
retus Legatos direxerat ad Imperatorem Lotharium, Nun-
tium cum litteris destinant: per quas, & Senioretum de hoc
mundo migrasse, & eundem Raynaldum contra volunta-
tem suam seditiose, & non canonice electum esse notifica-
bant: postulantes, vt Imperatorem atque Pontificem ex par-
te totius congregationis rogarent, vt ex suis aliquem in
Cassinensi cœnobio Abbatem constituerent, & in Raynaldi
electione nullatenus præberent assensum, prius se Monaste-
rium destruere, prius inde egredi, quam illum sibi Abbatem
constitui proclamantes. Quod dum Raynaldus certo certius
agnouisset, clam cum Canzolino, alijsq; fidelibus Regis pa-
eiscitur, eiq; fidelitatem faciens, Abbatiam illi confirmant:

sicq;

Raynaldi
Calamen-
tani tu-
multuaria
electio.

Raynaldus
schismatici-
cis adhe-
ret.

ficq; sacramentum à colonis Monasterij accipiens, à filio Petri Leonis cuius Subdiaconus erat, in Cassinensi Abbazia firmatur. Cumq; Nuntius, qui litteras ferebat Rauennam, vbi tunc Imperator morabatur peruenisset, à supradictis Fratribus Imperatori Lothario cum litteris presentatur. Pandunt quæ Cassinensi Ecclesiæ, cametæ scilicet Romani Imperij accidissent, qualiter Seniores defunctus, & Raynaldus, qui fidelitatem Regi Rogerio fuerat, Abbas contra voluntatem multorum electus fuisset: & quia nonnulli ex Fratribus de Monasterio egredientes in manus inimicorum incidissent, & plurimas perpeffi essent calamitates. Post vero deshebant periclitari suos familiares, confundi Cassinense cœnobium, & quemadmodum ipsi omnia dimississent, pro Romani Imperij fidelitate, in quo solo spem suam post Deū, & Patrem Benedictum Cassinensis Ecclesiæ posuisset.

Lotharius autem Imperator misericordia motus, necnon & memor, qualiter sub antecessorum suorum tuitione Cassinensis Ecclesiæ fuisset, multo magis tamen propter odium Regis Rogerij, quem Romano Imperio inimicissimum esse iudicauerat, propensior erat apud prædictos Fratres, & iuxta tenorem edicti, quod Pipinus, & Carolus Magnus statuerant, illos inter cappellanos Romani Imperij, iuxta morem antiquum constituit. Cumq; Duces, Principes, ac Marchiones Imperij congregasset, beneficia prædecessorum suorum Cassinensi cœnobio concessa intimabat, & supradictum Raynaldum accusans, manifestum hostem Romani Imperij pronuntiat, quoniam Abbatiam ab inimico Romani Imperij sibi confirmatam acceperat, neglecto, & contempto Imperatore, à quo Cassinensis Ecclesiæ ciuitates, castra, & omnes possessiones acceperat.

CAPVT CV.

Innocen-
tius Papa
conatur
reducere
Cassinenses

EO tempore Henricus Dux Baioariæ gener Imperatoris, ab eodem Imperatore transmissus, vna cum Papa Innocentio intrauit Campaniam. Igitur cum in planitiæ, quæ Cassini contigua est, castra posuissent, Richardum supradicti Pontificis cappellanum, &

& Cassinensis cœnobij Monachum ad Monasterium destinant, mandantes quod si illos vellent recipere, & Papæ Innocentio obedientiam exhibere, ipsi pro suo posse, illos, ut filios, ut fratres, ut socios diligerent; & Cassinense Monasterium sub Imperatoris tutela, & defensione semper haberent. Sed cum huic rei Raynaldus aurem non accomodaret, & fratres illum de Monasterio exturbare, si facultas daretur, per omnia vellent, idem Raynaldus Fratres in capitulum conuocans, suadebat, ut in Regis Rogerij fidelitate manerent, ut filio Petri Leonis obedientiam conseruarent. Adiutorium illis non defuturum. Postremò fatetur se ab illis Abbatiam accepisse, non ab alio. Ad illorum libitum, si vellent, Abbatiam dimitteret, si non, retineret. Et hæc quidem ore non corde proferebat, iam enim occulte miserat ad Gregorium filium Adenulfi de S. Ioanne, ut cum suo exercitu per Tirillanam filuam. Cassinam veniret, quatenus eius ope, & auxilio fultus, Monasterium contra Papam, Ducem, & Monachos retinere valeret. Quo dum venisset cum eodẽ electo sacramento confederatur, & Monasterij munitiones ab ipso accipiens, & assultum, cum suis militibus Pontificis Nuntios inuadit: quos cum in fugam vertisset suis audaciã permaximam tribuit. Apocrisarij autem Pontificis dum ad ciuitatem, quæ monti adiacet peruenissent, ciues sub Imperatoris fidelitate sacramento constringunt, & sic ad castra redeunt. Raynaldus autem cum Gregorio intra Monasterium conclusus sata extra Monasterium incidebat, & omnia destruebat, ne quid ad alimentum hominum, vel iumentorum relinqueretur.

Raynaldus
in schifmate
perseuerat.

Iam ferè vndecim dies transierant, cum Dux videns Monasterij Cassinensis bona dilapidari, simul & pugnæ tempus transire, consilio habito, Raynaldum euocat, & calicem aureum, necnon & obsides pro quadringentis libris accipiens, Abbatiam ex parte Imperatoris (si in eius fidelitate permaneret) illi confirmat; & eum à se, suisq; securum reddens, Imperatoris vexillum in B. Benedicti Ecclesiam induci, ac demum in arcem, quæ Ecclesiæ imminet, cum ingenti laude imponi præcepit.

Alia vero die castra mouens cum ingenti exercitu supra
ciuitatem

ciuitatem Capuanam deuenit, ibi itaq; Rao Raelis filius, & Goffridus de Aquila venientes, & se, ac suos Pontificis, ac Principis Roberti, & Henrici Ducis Imperio subdunt. Capuani autem cernentes Barones cateruatim ad Papam, & Ducem confluere, solo prostrati veniam poscunt. Quo facto totus, vt ita dicam, Capuanus Principatus Rogerij iussa linquentes, Papæ vestigijs aduoluuntur, omnia imperata se facturos spondentes: multi namq; propter amicitiam, quam cum Roberto Principe habuerant, confluerebant ad eos, nonnulli propter illorum gloriam, & remunerationem beneficiorum, quam se ab ipsis accepturos sperabant: plures vero propter spem quam in eis, tanquam in proprijs Dominis habebant.

Innocen-
tius Bene-
uentanos
excommu-
nicat.

Henricus interea gener Imperatoris vna cum Papa Innocentio, Roberto Principi Capuanum Principatum restituētes, cum ingenti exercitu ad pontem S. Valentini iuxta Beneuentum castra locauit. Mādat post hæc Dux in ciuitatem ex parte Apostolici Nūcios, vt nisi anathema Apostolicum, & Imperialē vellent incurrere iram, Beneuentum in eorum manu remitterent, & nudinas foris urbem pararent. Contradicientibus autem illis, qui in vrbe ex parte filij Petri Leonis erant, Nuntij Papæ Innocentij infecto negotio de ciuitate exclusi sunt: nam Rogeriani milites, qui tunc in ciuitate erant, minimè pacis consenserunt, moxq; quingentorum militum, & triginta millia peditum congregantes exercitum, foris ciuitatem contra illos pugnaturi, conueniunt: ob quam rem Pontifex in iracundiam versus, Beneuentanos à liminibus Ecclesiæ separauit, Ducemq; cum exercitu contra eos congregi præcepit: sed cum scutiferi Ducis in prima acie terga vertissent: Dux euentum fortunę alteratum perpendens, præcepit militibus, vt fluuium transuadentes, montem, in quo ciuitas sita erat, ascenderent, & ab aurea porta ciuitatem inuaderent. Seditio tamen in vrbe de rebus præsentibus erat, quibusdam dicentibus Papæ Innocentio reddendam ciuitatem, debere iuxta patrium morem B. Petro, & eius Vicario deseruire: alij vero nequam, sed repugnare persuadebant; milites interea fluuium transuadentes ad ciuitatem tendebant. Beneuentani autem,

tem, hoſtes contra ſe venire dum perſpexiſſent, è pugna ſe ſubducentes, fugæ præſidium ſumunt. Hi autem, qui ex parte Ducis erant illos inſtantius inſequentes, ciuitatem cum eis ingreſſi ſunt, atque hoc modo Beneuentum in deditio- nem acceperunt. Vrbe vero potiti, Troiam Apuliæ urbem applicuere, quam abſque pugna à ciuibus accipientes, oppida quæq; adiacentia cum Gargano, atque Siponto in ſuum dominium vertunt.

Beneuen-
tum capi-
tur.

CAPVT CVI.

IOTHARIVS interea Imperator eo tē- pore Rauennam egrediens, Vmbriam, Aemiliam, Flaminiam, Picenumq; Prouincias ſub ſuo iure redegit, ciuitates contradicentes, ad ſolum vſque proſtrauit. Cumq; ad Monafterium S. Martini in Salinis perueniſſet, Tranſmundus Præpoſitus S. Liberatoris illū adiens, eumq; ex parte Caſſinenſis congregationis efflagitās, quidquid B. Benedicto in partibus illis ablatum fuerat, reddi præcepit. Inde vero caſtra mouens, ſupra Barium, quæ rotius Apuliæ caput eſt, tentoria fixit, & à ciuibus vrbiſ ſuſceptus, arcem quam Rex Rogerius magnifice conſtruxerat, oppugnare modis omnibus capit. Diu itaq; illam vallo, diuerſiſq; bellorum machinis oppugnans, plurimis ex vtraque parte interemptis, tandem cum magno labore illam obtinens, ad ſolum vſque deduxit, vniuerſasq; Apuliæ vrbes, ſub Romani Imperij iura redegit, ſicq; peractis omnibus, Ducem ordinaturus, Melphiam Apuliæ urbem perrexit: quo dum veniſſet, exercitum dirigens, Salernum obſidere præcepit.

His porro diebus Berthulfus, & Ioannes Caſſinenſis cœnobij Fratres proclamationem fecerunt contra Sipontinos, ante eundem Imperatorem, qui ſilvam Monafterij, quæ ſubditiōe hospitalis ſita erat, in ſuum dominium retorſerant. Horum itaq; Imperator precibus inclinatus, ſigillum ſuum illis conceſſit, ex parte ſua præcipiens, niſi Imperialem vel- leat incurrere iram, ex tunc, & deinceps ſilvam illam ſub

P p Caſſinenſi

Cassinenſi Monaſterio quietam manere permetterent, mille bizantiorum pēna appoſita, ſi hoc remouere tentaffent.

CAPVT CVII.

Lotharius
Raynaldo,
litteras,
mittit.



SENIORETO itaque vita decedente, Raynaldo, qui ei ſucceſſit Imperator litteras deſtinauit, mandans, quod ſemper moris ſui ſuit manuteneſe, & amplecti eos, qui ad Romanum ſpectarent Imperium, nec eos vnquam deſerere, qui fiduciam in ſe poſuiſſent: vnde proculdubio ſciret, quod Eccleſiæ Caſſinenſis ius, quouſque viueret tueretur, nec alienæ poteſtati ſubmitteret, quod ſui iuris eſſet, & quod ad Imperialem ſpectabat dignitatem. Quia vero in feſto Apoſtolorum Petri, & Pauli curiam pro ſtatuendo Duce, apud Melphiam condixiſſet, omneſq; Terræ Barones eo conuocaſſet, mandaret, vt aſſumptis ſecum ſapientioribus Fratribus, omnibus poſtpoſitis, ad eum veniret, omniaq; priuilegia ſecum deſerreret, ius Eccleſiæ ſuæ oſtenſurus, volens beneficijs ſuper hoc obtinere, vt apud Caſſinenſem Eccleſiam memoriale ſuum ſemper remaneret. Si ad feſtum præſatum venire poſſet, veniret, ſin. autem quantocius poſſet.

Aliam quoque ſacram Ottoni Decano, & Fratribus direxit, notificans, quia nollet, quantum Deus permetteret; in aliquo terminum antecęſſorum ſuorum Imperatorum excedere, & ius Eccleſiæ Caſſinenſis ad exemplum illorum in nullo minui pateretur, ſemper enim Caſſinenſis Eccleſia in vigore ſanctæ religionis permanſit, omnibuſq; forma bonæ conuerſationis fuit: vnde noſſe illos vellet, quia Abbatem ſuum, ad ſe venire feciſſet, & pro conſilio Principum ita Caſſinenſis Eccleſiæ cauſam diſſinire, vt nihil libertatiſ ſuæ tempore ſuo amitteret. Sed cum Abbas ad eum adhuc ire diſuſiſſet, iterum aliam direxit epiſtolam, per quam mandauit, vt ad ſe veniret, commonens illum, quod ſi timore alicuius coactus, ab vnitatē Eccleſiæ exorbitaſſet, ad eū, quem tota Eccleſia patrem recognouit, rediret.

Eleus

Electus ergo non sine titubatione , & pauere , ad iter se
 pręparauit , ac Fratres , qui secum irent designauit . Dice-
 bant autem amici , & inimici non impune ei prouenturas
 amicitias , quas cum inimicis Imperatoris habuisset . Ob
 quam rem , amici quidem desperabant , inimici vero , licet
 in prospectu contristarentur , in abscondito lætabantur , spe-
 rantes meliora sibi , rerum mutatione ventura , quod postea
 rei probauit euentus . Sed cum in suspitione quosdam Fra-
 tres haberet , Monasterium , & castra eius amicis , & propin-
 quis suis commendauit . At ubi legati Imperatoris , legatio-
 nis suę causam in conspectu omnium protulerunt , Pars tre-
 pidare , quod in Regno , & sub potestate Regis Rogerij po-
 siti , nequaquam cum inimico illius pacem faceret , vel ad
 eum ire debere censebant . Alia vero , quę & sanior videba-
 tur , ad Imperatorem ire , eius in omnibus pręceptis obedi-
 re dicebant . Tandem Abbas coactus , in natiuitate S. Ioan-
 nis Baptiste , iter arripuit : ducens secum ex Cassinensi con-
 gregatione quosdam ex sapientioribus monachis . Necnon
 Ioannem ciuitatis S. Germani Archipresbyterum . Aliosq;
 nonnullos nobiles sapientesq; laicos de Terra S. Benedicti .

Eo itaq; die , quo ciuitatem S. Germani egressus est , Thea-
 nensem deuenere ad urbem , ibiq; quatuor diebus , aliquid
 noui de Imperatore pręstolantes mansere : indeq; progressi
 Capuam deuenere , benignum , utpote in propria domo in
 Monasterio S. Benedicti , quod in eadem situm est ciuitate ,
 hospitium se habituros fore arbitrantur . Verum (uti postea
 rei probauit euentus) omnino eos sua fefellit spes . Nam
 Innocentius Papa secundus , litteras per omnia Cassinensis
 Ecclesię adiacentia Monasteria , ne supradicto electo , vel
 Fratribus obedirent , mandauerat . Ad quod cum peruenis-
 sent pulsantibus illis Monasterij ianuam , Fratres egressi , ta-
 lia illis responsa dedere . Nequaquam Domini ausi sumus ,
 vobis aliquid contradicere , cum luce clarius constet hoc
 Monasterium Cassinensi Ecclesię , & vobis subditum semper
 fuisse ; sed quia iureiurando Apostolicis Nuntijs , ne vobis
 hospitium daremus , coacti promissimus , nobis egressis ,
 quęq; vobis sunt de rebus Monasterij necessaria tollite .
 His electus auditis , ad S. Vincentij Ecclesiām , quę in eadem

Raynal-
 dus Ca-
 puamper-
 uenit .

P p 2 ciuitate

ciuitate constructa est, suos abire præcepit, quo dum peruenisset, tamen & ipsis, ne illos reciperent esset indictum, tamen quia præ verecundia illos iam ingressos minime eijcere poterant, affluenter, de quibus abundabant, eis seruire. Reliqua verò omnia, quæ erant necessaria, abundanter Abbatissa Monasterij S. Ioannis transmissit.

Alterâ die, captum iter arripientes, per furcas Caudinas Beneuentum applicuere, indeq. moti per Afrigentum, perq. Roccam Gesualdi ad castrum, cui Guardia Lombardorum nomen est, applicuere: vbi quondam Leo Papa sanctissimus, cum Normannis præliaturus sanguinem minuerat, & per aliquot dies ibi requieuerat. Nolentes igitur præ paruitate, & deformitate castellum ingredi, foris ad Monasterium sancti Papæ Leonis diuerterunt, ibiq. satis benigne honorabiliterq., in quantum videri poterat, sunt recepti.

Raynaldo
parantur
insidiæ.

Sed quia humana fragilitas, ad malum magis, quam ad bonum semper extenditur, illius loci homines supradictum electum, cum suis Fratribus, Giliberto de Baldana, & Roberto de Murra, qui exercitui Rogerij Regis præerant tradere conati sunt. Tamen omnipotentis Dei dispositio (quæ multo aliter fieri disposuerat) consilium confudit eorum. Quædam namq. sanctimonialis in eadem Ecclesia commanens, cum consilij illius esset conscia, Petrum Cassinensem Bibliothecarium (*huius historiae scriptorem*) ad se venire fecit, eiq. quæq. ab illis erant consilio inuenta aperuit: Quo Petrus, audito, electo, cæterisq. quæ illi erant reuelata aperuit, castellumq. quod valde erat proximum, petendum admonuit, quod electus, & quidam ex Fratribus despexere, seq. nullo modo eo die Monasterium egressuros affirmauerunt. At præfatus Petrus periculosum sibi esse, si ibi nocte maneret perpendens, Anfredum Monachum allocutus ad castellum cum suis rebus festinare cepit; nonnulli vero ex Monachis, quæ illi fecerant aduertentes, & ipsi relicto electo recessere. At vbi electus omnes penè suos recessisse perspexit, ipse quoque ascensis equis cum reliquis ad castellum perrexerit. Illucescente vero die, castellum egressi, captum summo studio peragebant iter, cum vix tribus diei elapsis horis, militum multitudinem contra se per latus descendere

re

re montis conspiciunt, subitoq. metu turbati, & in fugam conuersi sunt. At postquam milites omnem eos capiendi spem, illis fugientibus perdiderunt, ad locum proprium sunt reuersi. Monachi autem magis fugam, quam iter pacificum accelerantes, per Cisternam, Montemq. viridem Ausidum transfretantes, primo ad ciuitatem Melphiam, deinde ad Lacum pensilem, vbi omnis Imperatoris exercitus cum Papa Innocentio residebat, aduenere.

Sed cum Nuntij Papæ Innocentij extra castra Abbati obuiantes dixissent, Pōtificem iussisse, vt antequam castra intraret, discalciatis pedibus cum Fratribus, qui secum erant Papæ satisfacere, & pro obedientia, quam filio Petri Leonis exhibuerant, penitentiam recipere, & iureiurando firmare, vt quidquid Pontifex præciperet implere morigeraret, & filium Petri Leonis cum suis refutans, anathematizaret: Raynaldus timore ductus Cæsarem appellare, & de hac re cum Imperatore consiliaturum respondit, & sic castra ingressus est. Post hæc cepit in omnibus libertatem ostendere, & quosque venientes muneribus alligare. Moxq. antequam tentoria figerentur, missis Nuntijs, suum Imperatori aduentum notificare curauit. Tunc Imperator cum ipso, ac Fratribus pro B. Benedicti amore magnificentiam ostendit, moxq. misso à latere suo Henrico Duce Baioariæ genero suo, & Rodulfo, & Ottone Palatinis Comitibus, vt tentorium, quod iuxta Papilionem Pontificis, ipsius iussu fixum fuerat, remouerent. Illudq. iuxta suum tentorium figerent mandauit: asserens, cum Cassinensis Ecclesia per Carolum Magnum, & Pipinum, specialis camera sit Romani Imperij constituta, nequaquam iustum esse appellanos Imperatoris (Monachos scilicet Cassinensis Ecclesiæ) ab Imperatore separari, sed iuxta eum suum tentorium figi debere, quod & factum est.

Cæterum vbi Romanus Pontifex Cassinensem electum ab Imperatore susceptum esse cognouit, directis Cardinalibus cepit vehementer Imperatori instare, vt iureiurando filium Petri Leonis anathematizari à Cassinensibus Monachis, & per sacramentum fidelitatem, & obedientiam Papæ Innocentio, & eius successoribus promitti faceret. Conque-

Pontifex
Nuntios
Raynaldo
mittit.


Raynal-
dus Cæsa-
rem appel-
lat.

P p 3 rens

rens, cur excommunicati, & à liminibus Ecclesiæ separati ab Imperatoria essent Maiestate recepti. Renuentibus Monachis, atque dicentibus: Dominum in Euangelio, & Patrem Benedictum in Regula præcepisse ne iurarent, & se ac Priores suos nūquam iurandi consuetudinem habuisse, fidelitatem vero, neque Papæ, neque alicui se esse facturos, quippe cum sibi met ipsis fideles esse non possent, faciendo illa, quæ Deus per B. Benedictum veruit, & dimittendo, quæ obseruare præcepit. Sicq. eo die ab Imperatore discessum est. Alio vero die Pontifex, per Aymericum Cancellarium, & Girardum, ac Guidonem Cardinales direxit, vt aut à Monachis Cassinensibus filium Petri Leonis anathematizari faceret, aut ab illis sicut ab excommunicatis abstineret.

Clementissimus autem, ac religiosissimus Imperator volens Pontifici iusta iubenti satisfacere, locutus cum electo, ac socijs ipsius, eos ad abiurandum, & anathematizandum filium Petri Leonis, recipiendumq. verum Pontificem Innocentium secundum, induxit: sicq. Raynaldus abiurato schismate, quod hætenus secutus fuerat, Cassinum redire iussus est, cum quo misit Pontifex Balduinum Presbyterum Cardinalem, præcipiens, vt Anacletum pseudo Pontificem Petri Leonis filium à Cassinensibus Monachis anathematizari faceret, ac Papæ eiusq. successoribus obedientiam ab ipsis exigeret. Quæ quidem omnia libenter fecere Cassinenses Monachi. Acta autem sunt hæc apud Cassinum quarta, & quinta feria tertiæ hebdomadæ Septembris: cum iam Pontifex Innocentius cum Imperatore Lothario ad ciuitatem S. Germani peruenissent.

CAPVT CVIII.



S E Q V E N T I vero die ad Monasterium ascendit Imperator cum multis Prælati, atque optimatibus, qui cum Monasterium fuissent ingressi in capitulo resederunt; in quo post peractum ab Abbate Clareuallensi (*is fuit S. Bernardus, tunc tempore Clareuallensis Abbas*) sermonem, Cardinales à Pontifice missi auctorita-

auſtoritate Apoſtolica eidem Raynaldo Caſſinenſem Abbatiam interdixerunt. Sicq; vna cum Imperatore Archiepiſcopis, Episcopis, Abbatibus, Ducibus, Principibus, ac Marchionibus ſurgentes, B. Benediſti ſunt ingreſſi Eccleſiam: eumdemq; Raynaldum Aimericus Cancellarius, ac Peregrinus Patriarcha Aquileienſis, & Girardus Cardinalis euocantes, de poſitionis ſententiam in eum protulerunt; & ſic iuſſu illorum, præſente Imperatore, & vniuerſis Imperij magnatibus, virgam & annulum, necnon & regulam, ſupra corpus ſancti Patris Benediſti depoſuit; & Raynaldi quidem talis rerum exitus fuit.

Raynaldus depoſitur anno 1137.

CAPVT CIV.




RAYNALDO, vt præfertur, depoſito, Monachi de eligendo ſucceſſore tractare ceperunt. Venerat autem cum Imperatore de Tranſalpinis partibus Guibaldus Stabulenſis, propè Leodium, cœnobij Abbas: cuius ſapientia, probitas, atque morum honeſtas cum nota eſſet Caſſinenſibus, concordibus animis eum, licet inuitum, ac reluſtantem ſibi in Abbatem elegerunt, qui quaſi præuius futurorū loco ceſſerat. Miſit ergo Imperator ad Guibaldum Nuntios, vt ad ſe ad Monasterium veniret. Quo dum veniſſet, vbi Fratrum voluntatem aduertit, omninò renuere, & contradicere cepit. Conueniunt poſt hæc in camera, in qua Imperator morabatur Fratres cum Richiza Auguſta, & cum Peregrino Patriarcha Aquileienſi, Archiepiſcopis, Episcopis, Abbatibus, & vniuerſi Imperij optimatibus, ceperuntq; eum opportune de tali, tantoq; negotio monere. Sed ille conſtanter renuens, numquam ſe tam grauem, tamq; immenſam ſarcinam ſuſcepturum affirmabat. Cernens itaque Imperator Guibaldum modis omnibus reluſtare, Fratribus illum tradidit. Quem ſuſcipientes in Caſſinenſi Monasterio Abbatem ordinauerunt; & ab Imperatore per Romani Imperij ſceptrum, quod manu geſtabat, de Caſſinenſi Abbatia cum omnibus poſſeſſionibus ſuis, ſicut à temporibus an-

Guibaldus Abbas à Caſſinenſibus eligitur.

P p 4 ti quis

tiquis vsque ad illum diem Monasterio concessa fuerant, est inuestitus.

CAPVT CX.



DOST discessum autem Pontificis, & Imperatoris, Guibaldus cum Fratribus communicato consilio, Legatos ad Rogerium tunc Capuæ remorantem, destinat, pacem ab eo exquirens, & amicitiam spondens. Cuius verba Rogerius pro nihilo ducens, inefficaces Nuntios eius remisit: mandans se nulla ratione, nullo pacto ferre posse, ut Abbas ab Imperatore constitutus in Cassinensi cœnobio remaneret: quinimo, si aliquo modo idem Guibaldus in ipsius manibus veniret, absque dubio laqueo suspensum necaret. Tantis itaque, ac talibus minis Guibaldus perterritus, Cassinense cœnobium Landulfo de S. Ioanne ad custodiendum relinquens, quarto nonas Nouembris, in seijs Fratribus, eodem Landulfo sibi ducatum præbente, nocturno tempore recessit, dans potestatem Fratribus eligendi quem vellent.

CAPVT CXI.

Raynaldus Etruscus fit Abbas.



Act. 9.


AM duodecim dies à Guibaldi recessu transierant, cum Fratres conuenientes in vnum, & Spiritus sancti gratia inuocata: elegere Raynaldum eiusdem cœnobij monachum virum utiq; habitu, incessu, & moribus honestissimum, & diuina humanaq; scientia clarum. Hic itaque nobilissimo Marforum Comitum genere, in Valeria scilicet Provincia, sanguinis sui lineam ducens, tertio ætatis suæ lustro, sub Oderisio secundo B. Benedicto oblatas, tanta morum suauitate, tanta honestate, ac constantia, super omnes coæuos sui temporis splenduit, ut illud Dominicum ei possit aptari: Vas electionis est mihi iste, sed ego ostendam ei quanta illum oporteat pati pro nomine meo: contra hunc namq; coniura

coniura verè gentes, & Regna ; & vt ita dicam orbis terrarum contra eum surrexit: sed galea salutis, & lorica fidei indutus, & Patris Benedicti protectione munitus, aduersantium, & æmulantium insidias pro nihilo duxit.

Eo etiam tempore cum Rex Rogerius ciuitates, & castra vsque ad confinia Cassinensis cœnobij recepisset, fortissimoq; atque durissimo Imperio suo iuri subditas retineret, eiq; nullo modo, nullo pacto idem Abbas, prout Rogerius volebat consentire veller, se ciuitates, & castra, omniaq; Monasterio pertinentia demoliturum minari cœpit. Missisq; Nuntijs, hoc Abbati, Fratribus, cunctoq; populo nuntiari mandauit. Verum vt in talibus assolet, primum sœuire cœpit vulgus ignobile, deinde sœuitia in timorem mutata, suis cum omnibus, vxoribus quoque, & filijs Cassinense ad Monasterium confugerunt. Non post multum præfatus Rex paciscens cum Cassinensibus, treugam interim, vt omnes, qui ob timorem illius aufugerant cum suis ad propria reuerterentur, concessit.

Rogerij
maligni-
tas.

CAPVT CXII.



IS porrò diebus erat quidem Frater in Cassinensi cœnobio Albertus nomine, natione Pelignus, ætate senex, religiosam agens vitam, adeo vt cæteris Fratribus admirationis, & compunctionis sæpe causa existeret. Is cum senio fessus in domo infirmorum maneret, & populi sua reportare cupientis tumultum auribus haussisset: quosdam ex circumstantibus, quid sibi veller tam cōfusus populorum tumultus, interrogauit. Ad quem vnus: Num tibi, inquit, incognitum esse potest, quis, vel cur sit populorum iste tumultus cum omnibus has plagas incolentibus sit notissimū? Cui cum ille nil horum se nosse respondisset, ait. Rex Rogerius nuper nobis minatus est se, & Cassinense Monasterium, & omnem terram adiacentem destructurum. Sed omnipotentis Dei misericordia placatus, treugam nobis concessit, & inde est tumultus iste, quem audis, cum ea, quæ ob timo-

Albertus
monach.

rem

rem illius in Cassinensi Monasterio fiendo delata fuerant à populo, gaudento reportantur.

Pfalm. 42. His Frater auditis ingemuit, atque ex intimo longa trahens suspiria, hunc psalmum decantare cepit cum lacry-

Miraculū.

Viso Alberto monacho ostenso.

mis. Iudica me Deus, & discerne causam meam de gente non sancta; cum versum illum quo dicitur. Emitte lucem tuam, canere cepisset, subito (mirabile dictu) immensa corruscatio, super eum descendit, adeo ut ipse, qui iam per aliquot tempus, lumine priuatus fuerat, lumen reciperet oculorum, atque illius immensa lucis munere minime fraudaretur. Nec mora conspexit ianuam Ecclesie ipsius in qua residebat patefactas (*erat Ecclesia S. Andrea, ut habetur infra*) venerabiles vultu, habituq. viros duos ad se intrantes. Quos cum vidisset Deifico lumine circumdatos expauit, nec ultra oculos leuare ausus, resedit. Tunc illi propius accedentes dixerunt: Surge, age Frater Alberte; Abbatique & Fratribus, ut penitentiam commissorum delictorum agere satagant edicito, discalciatisq. pedibus, Antiphonam B. Mariæ decantantes, egressi, litanias ante sacrosanctum Benedicti corpus peragant, si forte Deus vestrorum delictorum, lamentis, penitentiaq. immemor factus, ab his locis, tantas calamitates repellat. Tum Frater, qui essent, & quibus vocitarentur nominibus, inquisiuit. Ad hæc ille. Ego inquit sum Maurus sanctissimi Patris Benedicti discipulus. Hic vero eiusdem Patris, & ipse discipulus Placidus est, adiecitq. Hæc quæ nunc à te, vel audita, vel visa sunt, caue ne pigritia dicere, quibus tibi iussum est, prætermittas: sin alias contemptus pigritiaq. penam incurres. Sciasq. te idcirco diuino, iustoq. iudicio, corporali lumine fuisse priuatum: quia quæ aliquando in capitulo ad agendam penitentiam diuina dignata est Maiestas ostendere, tui cordis arcano condidisti, nulli quæ videras pandens. Namq. idem Frater dum adhuc sub districtione cœnobialis institutionis in claustro cum Fratribus reliquis degeret, seq. ieiunijs, orationibus, vigilijs, flagrisq. in conspectu diuinæ Maiestatis quotidie maceraret; nocte quadam ingressus capitulum in spiritu rapitur, iudiciariasq. sedes in absida capituli, Domino vna cum sancta ipsius Matre confedente (sicut ibi hætenus

Genus piæ cernuntur) aspexit: tantoq. liberius diuinis cepit intendere, quanto se ab humanis reddiderat alienum.

Cumq. tanta visione stupefactus assisteret, vidit repente sanctissimum Patrem Benedictum, Mauro, ac Placido dextera, læuaq. comitatum, in medium aduenisse Concilium, magnis vocibus omnipotentis Dei maiestatem, ita interpellare.

Rex Regum, Creator, Redemptorq. mortalium, sine cuius nutu subsistere fragilitas humana nō valet, has oro questus mei voces exaudias, meumq; quod te donante fabricandum, perpetuoq; regendum, Monasterium suscepi, respicias; Tu enim Domine, qui cogitationes de longe consideras, & vocas ea, quæ non sunt, tamquam ea, quæ sunt, hunc locum mihi mortali adhuc in carne constituto, destruendum esse monstraueras, gentibusq; barbaris, quæ Fratribus præparaueram, traditurum te occulto tuo iudicio dixeras, ac restituendum in melius pollicitus fueras; quod & factum hodie cernitur. Nunc autem insurrexerunt contra hunc locum iniquissimi quidam, & execrabiles, ipsum conantes euerte-
re. Sed & Rectores ipsius nequaquam boni Pastoris, sed rapacis lupi vestigia sequentes, oues sibi commissas voracibus dentibus laniant, Tyrannorum more; opes ad seruitium, & honorem tuum congregatas, in usus turpissimos conuertunt; commissum sibi populum, vt lasciuiantes vaccas vagari sinunt; pupillorum, & viduarum causas contemnentes, ad munera sola conuertuntur. Quem das his cladibus finem, Rex magne Polorum? His dictis Sanctus conticuit, factoque ibi sine quieuit.

Cum ecce innumerabilis multitudo dæmonum furcis igneis, & vncinis armata, ante se Crescentium Marforum Comitem habentes, adueniunt; thuribulaq; argentea magna, quæ ex Cassinensi Monasterio quidam in pignus acceperat, & quæ contra voluntatem Senioreti Abbatis recollegerat, in manibus, veluti de fornace prodirent, habentem. Quem idem Frater, cum interrogasset, cur his supplicijs afficeretur; quia maiora thuribula retinisset, se torqueri, ait. Cæpitq; rogare Monachum, vt quæ de se viderat Berardo filio diceret, & vt supradicta thuribula Monasterio redderet,

Oratio S.
Benedicti
ad Deum
facta.

Notæ hæc
Abbat
Cassinens.
ses.

ret, rogaret. Addens, hoc illi signum sit, quod eadem thuribula, & aureum calicem, ab alijs rebus dum viueret segregasset; idq; exceptis Fuscione, & Transmundo Consiliarijs suis, neminem scire. Hoc ille ubi ad se redijt, dicere dubitauit. Ex hinc iusto Dei iudicio excaecatus, & qui lumen æternum, quod viderat, talentumq; quod erogandum acceperat, noluit cæteris erogare conseruis; sed in terram, vt piger seruus, occuluit, iuste talentum proprij luminis perdidit.

Et vt ad ea, quæ omisimus reuertamur, auditis Beati viri Mauri monitis, illisq; recedentibus, lux quoque, quæ eius illustrauerat oculos, vna abscessit; adeo vt cæcus (sicut antea fuerat) remaneret. Verum ne delirus, aut mendax haberetur, nec sic quidem, quæ audierat, vel viderat, dicere voluit. Trigesimo autem die postquam hæc viderat illustrante, cum idem Frater in eodem loco, ubi prius visionem viderat, sederet (in Ecclesia scilicet S. Andreæ Apostoli) idem qui supra sanctissimus Maurus illi apparuit; & cur ea, quæ viderat, vel audierat dicere renuisset increpans, talia verba profudit. Ego quidem Frater, præcepi, vt secreta Dei, quæ tibi per me reuelata sunt, hominibus panderes; sed tu negligens, desidia te dedisti, vnde veluti Maiestati diuinæ obnoxius, tradendus esses inextinguibilibus ignibus. Sed quia omnipotentis Domini misericordia (quæ melior est super vitas) hoc tibi commissum indulget; præcipio, vt quæ à me tibi reuelata sunt, dicere vltra non moreris. Quod nisi feceris (quod absit) æternis traderis incendijs. Hæc fatus, in tenues subito Sanctus euauit auras. Frater autem continuo surgens, Abbatem ad se euocat; & cuncta, quæ audierat, vel viderat, per ordinem pandit. Abbas autem conuocans Fratres, quæ supradictus Frater viderat, narrat. Omnesq; discalciatis pedibus, capitulum, quo resederant egressi, litanias cum fletu, & lacrymis ante Patris Benedicti corpus peregerunt. Cæterum quidam ex Fratribus, cum hæc deliramenta putarent, nullumq; præbere assensum vellent; die quadam prædictus Albertus me accersiri fecit, remq. eandem, quo supra diximus ordine, se vidisse Sacramento firmavit. Nullos igitur hæc vlla ratione dubitare

dubitare commoneo, ne forte incredulitatis suæ pena ple-
ctantur; & dum me falsitatis reprehendunt, ipsi falli testes,
mentientes apud districtum examen superni Iudicis ha-
beantur.

Haftenus Petrus Diaconus.

ADMONITIO

AD LECTOREM.


IN Chronicis Cassinensibus haftenus im-
pressis, adiecta reperiuntur huic quarto li-
bro acta quadam per modum disputationis
inter S. R. E. Cardinales, & Petrum Dia-
conum Cassinensem, coram Lothario Im-
peratore habita; de quibus audi iudicium
Cardinalis Baronij tom. 12. Anno 1138.

pag. 275. sic dicētis. Cuius acta de disputatione Cardinalium
cum ipso Petro coram Lothario Imperatore, ab aliquo pro
arbitrio concinnata, cum multipliciter arguantur falsitatis,
indigna putamus, quæ Annalibus intexantur. Ita Deus men-
tienti resistit, ut quamuis vaser, & callidus sit, qui orditur
telam mendacij, eius obscuret, veluti fascino intellectum,
ut videre non sinat, quæ alijs sunt perspicua, ut sic inde pos-
sit redargui falsitatis. Recensentur ipsa in quarto libro Chro-
nici Cassinatis, quem Petrus posuit appendicem ad Leonem
Ostiensē. Est autem illorum exordium huiusmodi. In no-
mine Domini, & Salvatoris nostri Iesu Christi, Anno ab In-
carnatione eius millesimo centesimo trigesimo octavo indi-
ctione prima, septimo idus Iulij, Anno Imperij Domini Lotharij
Cesaris septimo & c. Hucusque Cardinalis Baronius, qui in
consequentibus plures crasses errores, quibus acta illa referta
sunt, demonstrat.

Mibi certe, cum primum ea legi, fateor displicuisse; cum
autem iterum, ac de nouo attentius perlegissem, & vniuersa,
quæ

que in eis tractantur maturius considerassem, manibus, pedibusq. in sententiam consensi Cardinalis Baronij, iudicauit. à quopiam prorsus indocto, & penitus ocioso, pro animi arbitrio (seu potius absque aliquo arbitrio) fuisse conficta, & concinnata. Et prater rationes à Cardinale Baronio in eorum confutationem allatas, ego, qui librum ipsum manuscriptum, in quo huiusmodi acta continentur, diligenter inspexi, addo sequentes, videlicet. caracterem, chartam, & atramentum esse valde diuersa ab his, quibus antecedentia eiusdē libri sunt scripta; apparent etiam multo recentiora, assuta, & adiecta superioribus. Imo qui ea voluit præcedentibus connectere, quædam erasit, quædam verò superscripsit, tum ex indice capitum eidem libro quarto Chronici præfixum: tum etiam ex fine, ut vel sic aliqua videretur esse connexio, & dependentia inter vera, & supposititia. Caterum comprehensus est in astutia sua, cum vniuersa, quæ à nobis notata sunt, & animaduersa, facile pateant oculis intuentium. Quemadmodum igitur Cardinalis Baronius indignum iudicauit, (& merito) eiusmodi acta suis intexere Annalibus; ita & ego dignum omnino censui, eadem ab hoc Cassinensi Chronico penitus excludere, quod Lector veritatis amator æqui, boniq. consulat, obsecro.

Breuis, ac succineta Chronologia Abbatum
Cassinensium, qui in hoc Chronico continentur.

1  Antiquissimus Patriarcha, & Legislator Monachorum Benedictus, sacri cœnobij Cassinensis Fundator, Patria Nursinus, Cassinum venit, ibiq. sedem fixit, Anno quingentesimo vigesimonono. Obijt ibidem Anno quingentesimo quadragesimotertio. Præfuit huic sacro Monasterio annis tredecim, & aliquot insuper mensibus. Pag. 26.

2 Constantinus Reuerendissimus valde vir (sic enim eum appellat

- appellat Gregorius lib. 2. Dialog. in principio) B. P. Benedi-
dicto in regimine huius Monasterij ſucceſſit. pag. 93.
- 3) Simplicius tertio loco Caſſinenſi Monasterio Praefectus:
eſt, ut docet idem S. Gregorius. ubi ſupra. pag. 93.
 - 4) Vitalis quartus in Ordine Caſſinenſi Monasterij Abbas:
efficitur. pag. 93.
 - 5) Bonitus, quintus poſt ſanctum Benedictum eidem Mo-
nasterio praefuit; quo praefidente (Anno Domini quin-
geſimo octogeſimonono) Monasterium Caſſinenſe a
Longobardis devaſtatum eſt. pag. 93.
Ab obitu S. Patris Benedicti uſque ad Caſſinenſis Mo-
nasterij deſolationem, fluxere anni quadraginta ſeptem.
non penitus completi, quibus quatuor praedicti Abbates
eiufdem coenobij moderatores extitere, non tamen conſtat:
quanto tempore quilibet ipſorum gubernacula tenuerit.
 - 6) Petronax Brixiensis ſextus poſt B. Benedictum Abbas,
primus verò huius Monasterij reſtaurator, electus anno
731. praefuit annis 22. obiit anno 753. pridie nonas Maij.
pag. 96. 97. 99. 107.
 - 7) Optatus ſeptimo loco Abbas ſedit annis quatuor obiit an-
no 757. pridie nonas Iunij. pag. 107.
 - 8) Hermeris praefuit anno vno completo, obiit anno 758.
decimoquinto Kalendas Auguſti. pag. 108.
 - 9) Gratianus praefuit annis quatuor, menſe vno, obiit anno
762. undecimo Kalendas Septembris. pag. 109.
 - 10) Tomichis praefuit annis ſex, menſibus quinque, diebus:
viginti vno, obiit octavo Kalendas Februarij anno 769.
pag. 110.
 - 11) Poto praefuit annis quatuor, & menſibus quinque,
obiit tertio Kalendas Iulij anno 773. pag. 111.
 - 12) Theodemar praefuit annis decem & nouem, vita functus
eſt nonis Iunij anno 792. pag. 112. & ſequentibus.
 - 13) Giſulfus ex nobili Beneventanorum Ducum proſapia
originem ducens, praefuit annis viginti vno. deſunctus eſt
nono calendas Ianuarij anno 813. pag. 119. 120.
 - 14) Sanctus Apollinaris praefuit annis quindecim, miracu-
lis clarus obdormiuit in Domino, quinto calendas Decem-
bris Anno 828. pag. 122. 124. 135.

San-

- 15 *Sanctus Deusdedit presuit annis sex, spiritum Deo reddidit septimo idus Octobris anno 834. quo etiam die recolitur eius memoria ab Ecclesia catholica in Martyrologio Romano. pag. 125. 126.*
- 16 *Hildericus sedit diebus decem & septem, obiit anno 834. pag. 127.*
- 17 *Ansbertus, siue Ansbertus. sedit annis tribus, natura debitum soluit decimo calendas Martij, Anno 837. pag. 127.*
- 18 *Bassatius presuit annis decem & nouem, defunctus est decimosexto calendas Aprilis, anno 856. pag. 128. 135.*
- 19 *Sanctus Bertharius presuit annis vigintiseptem, & mensibus septem, a Saracenis martyrio coronatus occubuit undecimo calendas Nouembris, anno 884. pag. 141. 155. 226.*
Huius Abbatis ultimo anno Monasterium Cassinense a Saracenis inuasum flammisq. traditum est, nec multo post, Monasterium, quod deorsum erat, ab eisdem deuastatum, pariterq. incensum est. pag. 155.
- 20 *Monachi autem, qui euadere potuerunt, Theanum cum Angelario Preposito profecti, ibidem aliquot annis permanserunt. pag. 155.*
- 20 *Angelarius primus apud Theanum Abbas, sed vigesimus in serie Cassinensium Abbatum, presuit annis sex, usque ad annum 890. quo tempore in Theanensem Episcopum electus est. pag. 159.*
- 21 *Ragemprandus presuit annis nouem, & mensibus decem, mortuus est octauo idus Nouembris, anno 899. Theaniqu sepultus est. Huius Abbatis septimo anno, Monasterium Theanense occulto Del iudicio combustum est. pag. 161. 163.*
- 22 *Leo presuit annis quindecim, mensibus septem, obiit Theani decimosexto calendas Septembris, anno 915. Hic cepit restaurare Monasterium Cassinense; vacauit Abbatia anno vno pag. 165. 166.*
- 23 *Ioannes primus ex Archidiacono Capuano Abbas Cassinensis effectus, sedit annis decem & nouem, mensibus septem. Huius suasu Monachi Theani commorantes Capuam profecti,*

profecti, ibi per aliquot annos habitauere. Obijt pridie calendas Aprilis anno 936. & apud Capuanum Monasterium sepultus est. pag. 169. &c.

24 Adelpertus prefuit annis nouem, obiit Capua anno 944. pag. 162.

25 Balduinus genere Francus, prefuit annis duobus, post quos à Marino Papa Romam euocatus, ob ipsius prudentiam, atque in rebus gerendis firenuitatem Monasterio S. Pauli de Vrbe preficitur anno 946. pag. 174. 176.

26 Maielpotus prefuit annis sex, obiit Capua anno 952. pag. 177.

27 Aligernus vir per omnia Religiosus, atque laudabilis electus fuit Capue anno 952. prefuit annis trigintaquinque. Reduxit Monachos ad Cassinense cenobium, quod in integrum restituit, & reparauit, ubi & deinceps monachi habitauere. Obijt Cassini nono calendas Decembris anno 987. pag. 179. 181. & pag. 204.

28 Manso prefuit annis decem, cumq. à quibusdam impijs, ac perfidis Capuanis captus, atque oculis priuatus fuisset, Cassinenses Monachi Ioannem sibi in Abbatem elegerunt anno 997. pag. 198. 201. 203.

29 Ioannes secundus prefuit anno uno, Abbatia se abdicauit, atque in proximam eremum secedens, reliquum vite sue tempus sanctissime transegit, obiit tempore Abbatis Theobaldi. pag. 210. 211.

30 Ioannes tertius nobilis Beneuentanus, atque eiusdem Ecclesie Archidiaconus, prefuit annis duodecim, mensibus sex. Annus tertius istius Abbatis, fuit millesimus ab incarnatione Domini, ut scribit Leo lib. 2. cap. 24. fuit ergo electus anno 998. obiit decimoquinto calendas Aprilis, anno millesimo undecimo pag. 211. 212. 221.

Docibilis Abbas Cassinensis substitutus pag. 218.

Rotundulus Abbas Cassinensis certo modo pag. 222.

31 Athenulfus Pandulfi Principis Beneuentani filius, prefuit annis undecim, cumq. mare fuisset ingressus, ut Constantinopolim pergeret, marinis fluctibus absorptus periit anno Domini 1022. pag. 222. 225. 237.

32 Theobaldus prefuit annis tredecim, electus fuit quarto

29

calen-

calendas Iulij anno 1022. presentibus Benedicō Papa octauo. & sancto Henrico Imperatore; sequenti vero die natalitijs Apostolorum Petri, & Pauli dicato, præsatus Pontifex cum sacrauit. Obijt in cœnobio sancti Liberato-
ris tertio nonas Iunij anno 1035. ibidemq. honorifice sepultus est. vacauit Abbatia anno vno. pag. 239. 249. 258. 260. 263.

33 Basilius à Pandulfo Capuano Principe anno 1036. contra omne ius, & fas Abbas Cassinensis constitutus, præfuit annis duobus; veritus autem Conradi Imperatoris aduentum, vna cum suo Pandulfo Constantinopolim fugiens locum dedit monachis eligendi sibi Abbatem. pag. 266. 280. 307.

34 Richerius Bauarus electus anno 1038. præfuit annis decem & septem, mensibus sex. Obijt apud Aeternum tertio idus Decembris anno 1055. atque in Monasterio sancti Liberato-
ris in sepulchro sui prædecessoris Theobaldi conditus est. pag. 269. 272. 279. 306.

35 Petrus præfuit anno vno, mensibus quinque, Abbatia se abdicauit feria quinta post Pentecosten anno 1057. pag. 307. 314.

36 Fridericus Regio genere ortus primum sancti Leonis Papæ noni Cancellarius, postea huius Monasterij monachus; electus fuit feria sexta post Pentecosten anno 1057. atque eodem mense à Victore secundo Cardinalis Presbyter creatus, eidem in Pontificatu successit, die secunda Augusti eiusdem Anni, Stephanusq. vocatus est; præfuit mensibus decem, & clarus miraculis obijt Florentie quarto calendas Aprilis 1058. pag. 314. 315. 316. 320.

37 Desiderius ex nobilissima Beneuentanorum Principum progenie ortus, electus Abbas anno 1058. in ipsa solemnitate Paschali, præfuit annis vigintinouem, mensibus quatuor, diebus sexdecim, à Nicolao secundo in Ieiunijs mensis Martij anni sequentis Presbyter Cardinalis ordinatus, Gregorio septimo in Pontificatu successit, Victorq. tertius appellatus est; præfuit Ecclesie Dei anno vno, mensibus quatuor, diebus septem. Obijt Cassini decimosexto calendas Octobris anno 1087. sepultusq. est in Capitulo Fratrum,

Fratrum, inde verò ad cappellam sancti Bertarij translatus; eius praeclara gesta texuntur toto libro tertio huius Chronici.

- 38 Oderisius primus Marforum Comitum filius, à Nicolao secundo Diaconus Cardinalis creatus anno 1060 deinde Abbas electus, praesuit annis decem & octo, mensibus duobus, diebus octo, obiit quarto nonas Decembris anno 1105. pag. 343. 435. 456. 490.
- 39 Otto ex nobili Fundensium Consulum prosapia ortus, praesuit anno uno, mensibus decem, obiit calendas Octobris anno 1107. pag. 490.
- 40 Sanctus Bruno Astensis primum Signiensis Episcopus, postmodum Cassinensis Monachus, praesuit annis tribus, mensibus decem, post quos à Paschali secundo Papa ad suum Episcopatum redire iussus, Signae doctrina, & miraculis clarus beato fine quieuit. pag. 496. 512. 513.
- 41 Girardus ex Marforum Comitibus ortus, praesuit annis undecim, mensibus tribus, obiit decimosexto calendas Februarij, anno 1123. pag. 516.
- 42 Oderisius secundus ex Sangrorum Comitum progenie, dum esset Cassinensis Praepositus, à Paschali secundo Diaconus Cardinalis creatus est: post obitum vero Girardi Abbas electus, praesuit annis tribus, mensibus quatuor, diebus quindecim, iussu Honorij secundi depositus, anno 1125. pag. 557. 560. & pag. 569.
- 43 Nicolaus Tusculanus praesuit anno uno, mense uno, diebus sexdecim, ab eodem Honorio secundo depositus est, anno 1127. pag. 567. 569.
- 44 Senioretus adnitente Honorio Pontifice Abbas electus, praesuit annis novem, mensibus sex diebus decem & novem, obiit nonis Februarij anno 1136. pag. 573. 588.
- 45 Rainaldus Calamentanus, tumultuarie, ac seditiose electus, Anacleti Antipapae partes sequutus est, praesuit anno uno, mensibus septem, depositus est ab Innocentio secundo mense Septembri anno 1137. pag. 589. 597.
- 46 Guibaldus Lotharingus deposito Rainaldo inuitus, & renitens Abbas effectus est, praesuit autem usque ad quartam nonas Nouembris eiusdem anni 1137. pag. 599.

612 Liber Quartus Cassinensis Chronici.

- 47 Rainaldus Etruscus, duodecimo post Guibaldi disces-
sum die, unanimi consensu Abbas efficitur, postea verò
ab Innocentio secundo Cardinalis creatur. Eo iubente
Petrus Diaconus librum quartum huius Chronici scri-
psit; quare nec Præfectura, nec obitus ipsius tempus ibi
assignatur; ex alijs autem libris manuscriptis habetur,
præfuisse annis viginti octo, & mensibus octo, obiisseq. an-
no 1166. idibus Iulij. pag. 453.600.

Finis Libri Quarti.



DE

DE MONACHATV S. GREGORII MAGNI,

Sub Regula, & Instituto sanctissimi Patris Be-
nedicti, brevis & resoluta assertio.

A V C T O R E

DONNO MATTHÆO LAVRETO
Monacho eiusdem Instituti, & Abbate
Sancti Saluatoris de Castellis.

Beatissimum Pontificem Gregorium Ma-
gnum monachum fuisse, nemo unquam
in dubium reuocauit, sed nec reuocare
potuit, cum idem ipse pluries in suis scri-
ptis id expresse fateatur. Fuisse vero in-
stituti, seu ordinis sancti Patris Bene-
dicti, multi sanctitate, ac doctrina celebres, iam antiqui,
quàm moderni scriptores, testantur, ac suis scriptis confi-
gnatum reliquerunt, atque ita doctrinam ab vniuersis cre-
ditum est. Primus, qui huic vetustæ, & communiter re-
ceptæ sententiæ se opposuit, fuit Cardinalis Baronius tomo
septimo Annalium, Anno quingentesimo octogesimoprimo,
quo in loco, Beatum Gregorium ex albo monachorum
sub Regula Diui Benedicti militantium expungere, at-
que in alium, nescio quem, ordinem redigere conatus est.
Cum autem Chronicon Cassinense in lucem edere para-
rem, conuentus sum, immo compulsus, ab his, qui mihi po-
terant imperare, vt rem hanc paulo diligentius discute-
rem, atque peruestigarem de monachatu sancti Gregorij sub

29 3 Beati

Beati Benedicti Regula, sententia suppetias ferrem: opposita vero, auctoritatibus, seu rationibus responderem, satisfaceremq. Quibus cum reluctari nequaquam possem, assensum præbui, eo libentius, quod veritatis patrocinium mihi assumere arbitratus sum: atque ideo hic in calce huius Chronici ea de re breuiter, & succincte tractare decreui.

De quibusdam prænotandis ante disputationis exordium. Caput primum.



RO elucidatione, & intelligentia eorūq; dicenda sunt, sciendum, Ioannem Sanctæ Romanæ Ecclesiæ Diaconum Cardinalem circa Annum Domini octingentesimum septuagesimumquartum, iussu Ioannis Papæ octauæ, descripsisse sancti Gregorij vitam, quatuor libris digestam, quam ex scrinio sanctæ sedis Apostolicæ colligere, studiosè curauit. Hæc autem Gregorij vita, à Ioanne Diacono, ut præfertur, descripta fuit auctoritate præfati Pontificis approbata, publicè in officijs Ecclesiasticis lecta, atque generaliter ab vniuersis recepta: nec quisquam hæctenus repertus est, qui ijs quæ in ea scripta, & asserta reperiuntur contradixerit, eavè alicuius falsitatis reprehenderit. Testatur hoc ipsum idem Baronius loco supra citato, vbi sic ait.

Tomo 7.
Anno 581

Aggressuri itaque iam nos ordine temporum res mirificè gestas eiusdem sancti Gregorij recensere: quoniam continget interdum à Ioannis Diaconi, qui vitam eius scripsit, discrepare sententia: ne hoc nimium audax alicui videri possit, cum auctor absque reprehensione (nota verba) hæctenus lectus fuerit: hic primum de ipsius auctoris tempore quo scripsit, paucis agendum putamus. Docet deinde Baronius, Ioannem Diaconum, trecentis ferè annis post Gregorium, libros de rebus ab eo gestis elaborasse: quibus sic statutis concludit dicens. Sic igitur baud quisque prudens in verba auctoris dixerit esse iurandum, qui post annos, ut dixi, fer-
mè

mè trecentos, ea de sancto Gregorio scriptorum monumentis, posteris commendauit. Hæc Baronius.

Ex quibus liquidò constat, neminem ante ipsum Ioanni Diacono se opposuisse, nec quidquam eorum, quæ ab eo in vita Gregorij scripta sunt, reprehendisse. Et quamuis auctoritas Baronij sit plurimi facienda: in his tamen, quæ de sancto Gregorio scribit, non videtur auctoritati Ioannis Diaconi præferenda: nam regulariter loquendo, cum de rebus antiquis agitur, antiquioribus scriptoribus, potius quam iunioribus solet fides adhiberi. Cum ergo Ioannes Diaconus trecentis fermè annis post Gregorium de Gregorio scripserit, Baronius verò annis fermè mille; videtur ex hoc capite, standum potius sententiæ Ioannis antiquioris, quam Baronij innioris, nisi firmis auctoritatibus, & rationibus suam aduersus Ioannem Assertionem probet, atque communiat.

Hoc igitur diligenter inquirendum, & inuestigandum est in hoc tractatu, num scilicet, rationes & auctoritates, quas pro sua opinione adducit Baronius, ad euertendam antiquam Ioannis de monachatu sancti Gregorij sub Regula Diui Benedicti sententiam, solidæ sint, ac firmæ, necne: quod si stabiles, & concludentes fuerint, amplectenda erit sententia ipsius, quantumcumque noua videatur: si secus, retinenda erit inueterata, & tot annorum centurijs præscripta Ioannis Diaconi assertio, nec vllò modo recedendum ab ea, quam per tot sæcula, tot viri sanctitate, ac doctrina per celebres secuti sunt, & amplexati: semper enim (vt est in prouerbio) fuit veneranda senectus, in his præcipuè, quæ ad historiam, & narrationem gestorum pertinent antiquorum.

Proponuntur quæ Baronius scribit in fauorem suæ opinionis, aduersus Ioannem Diaconum.

Caput 1 I.

DVO præcipuè sunt, quæ Baronius in Ioannis narratione falsitatis conatur arguere. Primum, quod cap. 6. lib. 1. agens de primordijs monachatus sancti Gregorij,

Qq 4 asserit

asserit illum sub Hilarionis, & Maximiani regimine regulari tramite militasse. Alterum quod libro quarto cap. octogesimo, ait. Porro in exilitate Balthei, quæ unius pollicis mensuram non excedit, speciem propositi regularis olim à sancto Benedicto statuti, cuius ipse vitam describens in Dialogo, Regulam quoque laudauerat, eum seruasse, luce clarius manifestat: præsertim cum idem venerabilis Doctor Gregorius græcam linguam nescierit, & sui Monasterij monachos, Benedicti utique Regulæ mancipatos, in Saxoniam destinauit. Hæc Ioannes.

Tomo 7.
Anno 581

Baronius igitur, ut hæc quæ à Ioanne dicta sunt euellat, hoc ordine, atque his verbis ratiocinatur. *Sed & in eo redarguendus est Ioannes Diaconus, dum ait ipsum Gregorium vitam excoluisse Monasticam, primò sub Hilarione Abbate, inde verò sub Maximiano. Nam ipse diuersa his ponit, dum ait. Vitæ venerabilis Valentius (vel Valentio, siue Valentinus) qui post in hac Romana Vrbe, mihi (sicut nosti) meoq. Monasterio præfuit, prius in Valeria Provincia suum Monasterium rexit. Qui igitur haud diu permissus est degere in Monasterio, sed inde auulsus in Diaconum ipse Gregorius est assumptus, haud alium Abbatem post Valentium habuisse institutorem, putamus. Nam quod ad Maximianum spectat, licet ipse Gregorius testetur eum eidem suo Monasterio præfuisse, non tamen addidit, & sibi, sicut de Valentio dixerat. Post Maximianum vero præfuit eidem ipsius Monasterio, Pretiosus cuius idem Gregorius meminit. Inde autem Probus adhuc viuente Gregorio, qui de eo in constituto ad ipsum dato mentionem habet, Monasteriumq. illud titulo sanctorum Andreae Apostoli, atque Lucie, seu Potius Lucæ, cuius reliquias, sicut Andreae acceperat Constantinopoli, nominatum fuisse publica, intexta constituto, acta, referant. Quo extructo, in ipsum cum ingressus est Monasterium contigisse sanctam Romulam virginem ex hac vita migrare, idem affirmas. Homil. in Euangel. 40. & lib. 4. Dial. cap. 11.*

Porro instituto ab ipso Monasterio sancti Andreae in Vrbe, non ex proxime positis Cassinatibus monachis (ut multi putant) quibus Longobardos fugientibus apud Lateranensem basilicam

basilicam datum fuerat Monasterium: sed ex Prouincia Valeria, Monasterio sancti Equitij, in quo vigeant monastica instituta, petiturum primum Abbatem apparet: idque non ex ipsius Gregorij loco citato tantum, sed etiam alio eiusdem, dum sancti Equitij post obitum edita miracula recenset: dumq. ex relatione eiusdem Valentij, siue Valentini sui Abbatis, quæ narrat, se accepisse testatur, ubi ait. Silere non debeo, quæ de hoc viro Abbate quondam meo Reuerendissimo Valentio narrante cognoui: suum enim Abbatem dum iterum appellat, haud alium ab eo, de quo dictum est fuisse cognosce. Porro nullum aliud celebre eo tempore in Prouincia Valeria Monasterium fuisse reperitur, nisi sancti Equitij ex quo primus petendus esset Abbas Monasterij ab ipso erecti, a quo & habitum ipsa Gregorius monastica conuersationis accepit, & ab eo monachorum institutis est regulis.

Videant hinc ergo, quo iure nonnulli tradant fuisse Gregorium institutionis sancti Benedicti professorem, cum sanctus Equitius ante sanctum Benedictum in dicta Prouincia Monasterium erexerit, & monachis in eo positus præfuerit: congregauerat iam ille monachos, cum sanctus Benedictus petijt eremum. Nec est enim cui magis, quam ipsi Gregorio credi possit de se testanti. Sed neque est, ut quis Valentium hunc quem sibi præfuisse Abbatem fatetur iterum ipse Gregorius, illum existimet fuisse Valentinianum, secundum numeratum post sanctum Benedictum Abbatem, primum verò Lateranensis cœnobij: nam constat diuersum fuisse Monasterium sancti Andreæ ab illo Lateranensi, ut ex diuersa etiam Abbatum serie intelligere potes. Lateranensi enim primum Valentinianus Abbas, inde Simplicius, & post eum præfuit Honoratus, ut idem Gregorius docet: in Monasterio vero sancti Andreæ, primo (ut eiusdem Gregorij testificatione diximus) Valentinus, siue Valentinus, inde Maximianus, tertio loco, Pretiosus, atque postea substitutus est Probus. Sed de his modo satis.


Rursum tomo 3. Anno 604. respondens ad ea, quæ Ioannes Diaconus de Baltheo sancti Gregorij dixerat, sic ait. Caterum antiquitus cum diuersi essent ordines monachorum haud memini eosdem adeo valde habitu fuisse distinctos, ut

vel

vel ex cingulo, cuius quisque obseruantia esset, dignosci facile potuisset; & tomo 9. Anno 817. hac habet Qui in his, quæ asserit, ex cingulo cognitum Gregorium vixisse usque ad vitæ finem, obseruantia monachum id nulli dubium esse debet. Quod autem asserat ex balthei exilitate (ut ait) conuinci fuisse monachum instituti sancti Benedicti, id minime ex hoc probari potest, cum occidentales omnes monachi eiusmodi cinguli genere uterentur. Testatur enim sanctus Fulgentius Episcopus Ruspensis, consueuisse monachos pelliceo uti cingulo, etiam in Africa. Sed & tradit Cassianus de habitu Monachorum cap. 1. non Monachorum tantum, sed Apostolicorum quoque virorum fuisse consuetudinem eiusmodi uti cinguli genere.

Hæc sunt, quæ Baronius ad euertendam Ioannis Diaconi de Monachatu sancti Gregorij sub Beati Benedicti Regula, sententiam, suamq. nouam de hac re opinionem, firmandam, & stabiliendam, excogitauit argumenta.

*De quodam Apologetico pro sententia Cardinalis
Baronij edito. Cap. III.*



ANTONIUS Gallonius Congregationis Oratorij Presbyter, ut præfatam Baronij de monachatu sancti Gregorij opinionem, à duobus Monachis Congregationis Cassinensis acriter impugnata, propugnaret: Apologiam quandam edidit, Romæ impressam Anno 1604. in qua cum (ut ipse testatur pag. 77.) nil noui adducat ad eam sententiam corroborandam, sed solum nitatur aduersarios confutare, ideo argumentis, & rationibus à Baronio adductis dissoluendis incumbemus. Si quid autem præterea Antonius præfatus in Baronij fauorem attulerit, pariter, sed breuiter, confutabimus: nec enim intendimus dilatare philacteria, aut magnificare simbras, sed presic, & scholastico more, argumentis huius nouæ opinionis satisfacere curabimus, ut veritas antiquæ, & inueteratæ Ioannis Diaconi, aliorumq. asserentium Beatum Gregorium Monachum fuisse Benedictinum facta testis, & inconcussa permaneat.

Ante

Ante omnia vero opere pretium erit adnotare Regulam quandam à prædicto Patre Gallonio in suo Apologetico pag. 47. vniuersis iunioribus scriptoribus præfixam. Reijciens enim quandam Polydoni Virgilij, de propagatione Ordinis sancti Benedicti in Anglia, sententiam: contendit non esse admittendam, quia nulla antiquorum auctoritate fulcitur, atque hunc constituit Canonem.

Non enim recentioribus de antiquioribus testantibus si dem adhibemus, nisi quæ dicunt, vel ratione, vel antiquorum testimonia fulciatur. Alioquin si via ista aperitur, ut nouissimo cuique quælibet asserenti absque auctoritate, vel ratione probata credatur, in potestate cuiuslibet erit, quod vult asserere, & antiquitas tradita dissipare. sic ille. Regula quidem optima, sed male à pluribus obseruata: videturque desumpta ex Diuo Gregorio Homil. 34. in Euangelij circa medium, vbi disputans vtrum omnes Angeli mittantur, necne, ita concludit. Nos affirmare nolumus, quod apertis testimonijs non approbamus. Subdit deinde Gallonius hæc verba. At sic est Baronius comparatus, ut scriptis suis nullam fidem adhiberi velit, nisi antiquorum testificatione, quæ scribit assermet, & comprobet. Et iterum pag. 77. eadem fere repetit dicens. Ita enim comparatus est Baronius, ut cum veritatis vindicem agat, & defensorem, quemcumque libenter audiat monitorem, summisq. gratiarum actionibus prosequatur eum, per quem ipse proficiat, cum veritatem interdum læsam, labantemq. ipsam, ita firmari contingat. Baronius quoque ipse in præfatione ad appendicem tom. 10. Annal. sic de se dicit. Secunda felicitas illa debet existimari, si quæ humana imbecillitate errata noscuntur, eadem cognita emendare: quam nos assequi cum exoptemus, ita comparati sumus, ut monitores nostros tamquam insignes colamus benefactores.

Regula
notanda.

Excutiamus ergo, iuxta tenorem præfatæ regulæ, ea quæ Baronius pro sua de Monachatu sancti Gregorij opinione adducit, & quidem si probata ratione, vel antiquorum auctoritate suffulta fuerint, admittamus, sin minus, reijciamus. Cum enim veritatis vindicem agat, & defensorem, si in humanis adhuc esset libenter audiret quemcumque monito-

monitorem, nosq. gratiarum actionibus prosequeretur; quippe qui veritatem læsam labantemq; firmare, atque stabilire contendimus. Nec putamus, defensionem pro veritate susceptam ingratam fore defuncto, quæ ita apparet placuisse viuenti.

Responsio ad primum argumentum Baronij. Cap. IV.



ONTENDIT in primis Baronius probare, Beatum Gregorium non fuisse institutum regulis Monasticis sub magisterio Hilarionis, & Maximiani, ut asserit Ioannes Diaconus, ratio vero eius talis est. Credendum est potius Gregorio de se testanti, quam cuilibet alteri, sed Gregorius solum Valentium nominat Abbatem suum, ergo nullum alium habuisse credendus est, eo vel maxime, quod haud diu permissus fuit in Monasterio degere.

Hoc argumentum non concludere, viderunt viri docti, qui à Clemente Octauo, restituendo, ac corrigendo Breuiario Romano fuere Præfetti. Cum enim in Lectionibus legis solitis in festiuitate B. Gregorij, alia quædam emendauerint, hæc quæ de ipsius Institutione sub magisterio Hilarionis, & Maximiani asserit Ioannes intacta omnino reliquerunt, atque in eisdem Lectionibus publice ab omnibus legi in Ecclesia Dei voluerunt. Argumentum autem à correctione Romani Breuiarij tanti facit Gallonius, (& merito) ut pag. 20. sui Apologetici inde se arbitretur convincere erroris Ioannem Diaconum, asserentem Beatum Gregorium à Benedicto Papa creatum Diaconum Cardinalem: hec enim ait. *Cum enim in restitutione Breuiarij Romani sub Clemente Octauo elaborata, expunctum sit nomen Benedicti Papæ, quod à Ioanne sciretur errore positum, ea expunctione, non solum Ioannis Diaconi de his sententia aboletur, sed omnium illorum, qui post Ioannis tempora floruerunt.* Tantundem Gallonius pro Baronio. Liceat nunc mihi pro Ioanne similiter argumentari. Cum in eadem Romani Breuiarij restitutione non sit expunctum nomen Hilarionis, & Maximiani,

ni, immo ibi asseratur expresse Beati Gregorij fuisse magistros, ea assertionem non solum Baronij contraria de his sententia aboletur, verum etiam ipsius Gallonij, & eorum omnium, qui postea illos secuti fuerint.

Sed ad argumentum Baronij in forma respondentes, concedimus Valentium Beati Gregorij fuisse Abbatem, ex ipsius Gregorij attestazione, verum cum nusquam neget alios se habuisse Abbates, vel magistros, non oportet ad solum Valentium illius restringere institutionem. Quod autem pro confirmatione subiungit Baronius, Gregorium videlicet haud diu permissum fuisse in Monasterio degere falsum omnino esse censeo, quia eidem Gregorio penitus aduersatur. Ipse enim libro quarto registri epist. 45. asserit Marinianum, quem constituerat Episcopum Rauennatem, diu secum in Monasterio conuersatum fuisse. Quod etiam concedit Baronius tom. 8. Anno quingentesimo nonagesimo quinto. Rursus lib. 3. Dialog. cap. 33. *Eleutherius, inquit, Pater Monasterij Beati Euangelistae Marci, quod in Spoletana urbis pomerijs situm est, diu mecum est in hac urbe, in meo Monasterio conuersatus.* Et infra eodem capite referens sanitatem sibi à Deo precibus eiusdem Eleutherij impetratam, sic ait *Cumq; in dispositione Monasterij mens occupata fuisset, obliuiscabar funditus aegritudinis meae.* Ex quibus aperte constat, Beatum Gregorium, & diu in Monasterio permanisse, & Abbatem eiusdem sui Monasterij, antequam Constantinopolim proficisceretur, extitisse, ut capite sequenti docebitur. Quae cum ita sint, veram putamus sententiam Ioannis Diaconi asserentis, Gregorium tempore Benedicti Papae, qui Pelagium praecessit, fuisse iam Monachum.

Nec argumentum, quod adducit Baronius in contrarium, quidquam probat. Arguit enim sic Gregorius ipse testatur quo tempore Laurentius Iunior electus fuit Archiepiscopus Mediolanensis, se fuisse verbis praefectum; sed Laurentius electus fuit Anno Domini quingentesimo octogesimo primo, qui fuit quartus Pontificatus Pelagij, ergo ante hunc annum non potuit esse monachus. Ad hoc argumentum respondeo negando Laurentium non fuisse electum ante annum quingentesi-

Gregorius diu in Monasterio vixit.

Lib. 3. Epist. 2.

Martyro-
logium ad
diem 20.
Nonéb. K.

gentesimum octogesimum primum. Probat Baronius auctoritate (vt ait) omnium qui res Ecclesiæ Mediolanensis profecuti sunt. Si vero quæras quor, & qui sint omnes isti, duos tantummodo profert recentissimos scriptores, videlicet Panuinum, & Galefinum, qui nostris diebus scripserunt. Quibus (iuxta regulam nobis præscriptam) fidem non adhibemus, quia cum sint adco noui, recentesq; scriptores; & de rebus valde antiquis agant, nec suam assertionem antiquiorum auctoritate, aut aliqua probata ratione, confirmant: non est cur propter eos à Ioannis Diaconi, immo ab ipsius Gregorij sententia discedamus: cum idem ipse Baronius in multis alijs, & peculiariter in ijs, quæ de Episcopis Ecclesiæ Mediolanensis scribunt, alicubi ab eorum sententia recedat. Teneamus ergo ex eiusdem Gregorij testificatione, ipsum diu in Monasterio deguisse, antequam à Benedicto, siue Pelagio Diaconus S. R. E. crearetur, atque Constantinopolim mitteretur: habuisseq; præter Valentium, alios Patres, siue educatores in monastica disciplina, vt Ioannes Diaconus testatur, & retinet Breuiarium Romanum nouissime correctum, & emendatum.

Hæc nostræ assertioni adstipulatur idem Baronius tom. 8. Anno quingentesimo nonagesimo quarto ad finem, dum asserit, Maximianum fuisse Diui Gregorij Patrem, & educatorem in monastica disciplina. Verba ipsius sunt. *Hoc eodem anno Maximianus ille vir sanctissimus Abbas olim Monasterij sancti Gregorij, eiusq. Pater, & educator in monastica disciplina, ac postea ab eo creatus Episcopus Syracusanus (de quo superius sæpè) hoc inquam anno, mense Nouembri, ex hac luce migravit.* Habuit ergo Beatus Gregorius, præter Valentium, alium Patrem, & educatorem in monastica disciplina, vt disertis verbis asserit ipse Baronius. Nec tamen inde colligas, Maximianum Abbatem fuisse sancti Gregorij, succellit enim Gregorio in regimine Monasterij, non præcessit: vocatur autem Gregorij Pater, quod magister, & institutor illius in monastica disciplina fuerit.

De Hilarione vero cenfeo, illum fuisse magistrum, & institutorem sancti Gregorij, vt docet Ioannes Diaconus, & retinet

retinet Breuiarium Romanum nuper correctum: vtrum
verò fuerit Abbas Monasterij sancti Gregorij, nolo temere
definire. Quis autem ipse fuerit, ignoro. Similiter, vtrum
in scriptis Iohannis Diaconi, loco Valentionis irrepserit no-
men Hilarionis (vt quidam viri docti non improbabiler
asserunt, & fieri sapius in aliorum scriptis videmus) quia
nescio, decidere non præsumo.

Sed esto, concedamus Baronio, non diu permanisse in
Monasterio Gregorium, numquid propterea nõ poterat eo-
dem tempore Valentius Abbas esse Monasterij sancti Gre-
gorij, & Hilarion, ac Maximianus eiusdem Gregorij magi-
stri, & institutores in monastica disciplina? Certè argumen-
tum Baronij, quod ab auctoritate negatiuè procedit, con-
trarium minimè concludit.

Proponitur, & dissoluitur secundum argumentum
Cardinalis Baronij. Cap. V.

TEXIT deinde Baronius seriem Abbatum
Monasterij sancti Gregorij, & Monasterij
Lateranensis, quod tempore Beati Gre-
gorij Cassinates monachi incolbant, ex
quorum diuersa serie tam ipse, quam
Gallonius videntur probare voluisse Bea-
tum Gregorium monachum Benedicti-
num non fuisse. Ostendam ergo in texenda horum Abba-
tum serie plures commissos fuisse errores, argumentumq;
ab eius diuersitate sumptum, nihil aduersum nos conclu-
dere.

Numerat Baronius inter Abbates Monasterij sancti Gre-
gorij, Pretiosum, qui non Abbas, sed tantum Præpositus,
(vulgo Prior) fuit: sic enim eum vocat Gregor. lib. 4. Dia-
log. cap. 55. In Monasterio vero sancti Gregorij, Abbas erat
diuersus à Præposito, vt patet ex eodem Gregorio lib. 9.
epist. 38. & 42. Quod etiam fateretur Gallonius pag. 85. Quod
si Præpositus idem erat, qui Abbas, non debuit profecto in
hac Abbatum serie prætermitti sanctus Augustinus Anglo-
rum Apostolus, qui & ipse eiusdem Monasterij Præpositus
fuit,

Gregori-
us fuit Ab-
bas sui Mo-
nasterij.

fuit, ut scribit Gregorius lib. 9. epist. 114. Probum autem quem quarto loco enumerat, fuisse Abbatem concedo, Monasterij vero sancti Gregorij, nego. Nec enim usquam à Gregorio vocatur Abbas Monasterij mei, quemadmodum ceteri; sed Abbas Monasterij sanctorum Andreae, & Luciae, quod Baronius nititur transformare in Monasterium sancti Gregorij, supponendo Lucam pro Lucia. Sed prius probandum erat Monasterium sancti Gregorij unum & idem cum illo sanctorum Andreae, & Luciae fuisse, ut rectè Probum in Abbatum illius serie annumerare potuisset. Præerat etiam Monasterio sancti Gregorij tempore quo Dialogorum libros scripsit, Petrus quidam, ut testatur idem Gregorius lib. 4. cap. 47. meminit etiam Gregorius lib. 7. epist. 13. cuiusdam Candidi Monasterij sui Abbatis, & epist. 125. cuiusdam Cyriaci, pariter eiusdem Monasterij Abbatis, qui omnes in hac serie à Baronio prætermissi sunt. Quin & ipse Gregorius (qui proculdubio Abbas sui Monasterij fuit) debuit in hac serie inter alios Abbates connumerari. Certe Baronius tomio 7. Anno 584. & Gallonius pag. 17. sui Apologetici, non solum fatentur, sed probant Beatum Gregorium Abbatem fuisse sui Monasterij, quamvis errent in tempore Præfecturæ ipsius, asserentes illum Abbatem fuisse post reditum à Constantinopoli, usque ad electionem suam in summum Pontificem. Quod nullo modo stare potest, præerat enim eo tempore Monasterio sancti Gregorij Maximianus, ut expresse testatur idem Gregorius lib. 3. Dialog. cap. 36. ubi sic ait. *Neque hoc silendum puto, quod omnipotens Deus super Maximianum famulum suum, nunc Syracusanum Episcopum, tunc autem mei Monasterij Patrem, dignatus est monstrare miraculum. Nam dum iussione Pontificis mei in Constantinopolitana urbis palatio responsis Ecclesiasticis deservirem: illuc ad me idem venerabilis Maximianus, charitate exigente, cum fratribus venit. Qui cum ad Monasterium meum Romam rediret, &c.*

Ex quibus liquidò constat Maximianum eo tempore Abbatem Monasterij sancti Gregorij exstitisse, quo ipse Gregorius Constantinopoli responsis Ecclesiasticis deserviebat: in qua Præfectura perseveravit donec à Beato Gregorio Syracusanus

raculanus Episcopus ordinatus est . Non ergo fuit Gregorius sui Monasterij Abbas post reditum è Constantinopoli usque ad electionem suam in summum Pontificem , vt auctores isti volunt , sed antequam Constantinopolim proficisceretur : quod optime fieri potuit , cum diu in Monasterio (vt ipsemet tellatur) conuersatus fuerit . Perpendat igitur Lector , quot errores in hac breui Abbatum serie recensenda commissi sunt : nec deinceps miretur , si in quibusdam alijs erratum fuisse perspexerit : sæpe namq; falluntur homines etiam oculatissimi .

Nec minus erratum est in recensenda serie Abbatum Lateranensis Monasterij , in qua asseritur Valentinianum primum Abbatem Lateranensem , fuisse secundum post sanctum Benedictum : Gregorius namq; in proemio lib. 1. Dialog. Constantinum facit secundum post Beatum Benedictum Abbatem . Deinde Baronius post Valentinianum constituit Simplicium Lateranensis cœnobij Abbatem , cum iuxta Gregorium , vbi supra , fuerit tertius Cassinensis Abbas , vt nos latè probauimus in libello de existentia corporis sancti Benedicti apud Cassinum . Afferit præterea Baronius præfuisse tertio loco eidem Lateranensi cœnobio Honoratum , cum Gregorius , vbi supra expresse dicat , Honoratum eo tempore , quo ipse Dialogorum librum scribebat . præfuisse Monasterio Sublacensi ; & Faustus in vita sancti Mauri asserat , tertium Lateranensis Monasterij Abbatem fuisse Theodorum .

Sed concedamus vltro his auctoribus horum Abbatum seriem verissimam esse , recteq; procedere , quid inde probare contendunt ? Ex diuersa , inquiunt , serie Abbatum vtriusque Monasterij , apparet Beatum Gregorium non fuisse monachum Benedictinum , cum non fuerit monachus Lateranensis cœnobij , quod incolebant Benedictini ; sed alterius omnino diuersi . Hoc argumentum probat quidem diuersa fuisse duò illa Monasteria , non autem diuersi fuisse instituti , & regulæ . Imo neque probat Valentium non fuisse Valentinianum Lateranensis cœnobij Abbatem , cum facile potuerit ex vno Monasterio in aliud transferri .

R r *Propo-*

Proponitur, & soluitur tertium Baronij argumentum. Cap. VI.



Ex his, quæ præcedenti capite scripta sunt apparet bonum aliquando dormire Homerum, cum sapius adducat Gregorium pro se loquentem, cum tamen ille diuersum omnino scribat, in præsentī quoque disputatione, cum Beatus Gregorius nusquam dixerit se fuisse ordinis sancti Equitij monachum, ita illum inducunt pro se testantem Baronius, & Gallonius, ac si hoc ipsum apertissimis verbis affirmasset: Quod an ita sit, modo à nobis assumitur examinandum.

Tomo 7.
anno 581.

Baronius, vt probet Beatum Gregorium non fuisse monachum Benedictinum, sed sancti Equitij, in hunc modum ratiocinatur. Primus Monasterij sancti Gregorij Abbas fuit Valentius, sed hic fuit assumptus ex Prouincia Valeria, Monasterio sancti Equitij, ergo non fuit Benedictinus. Quod si Valentius Benedictinus non fuit, nec Gregorius, qui ab illo fuit Regulis monasticis imbutus.

Sunt nonnulla in hoc argumento, quæ iure possunt in dubium reuocari, quæq; ad veritatem historię pertinent. Primum vtrum Valentius fuerit primus Monasterij sancti Gregorij Abbas. Cum enim id Gregorius nusquam asserat, nec antiquorum auctoritas, aut probata ratio conuincat, non cogimur credere Valentium fuisse primum Abbatem Monasterij sancti Gregorij. Et ideo nego Valentium fuisse primum Abbatem Monasterij sancti Gregorij, vt supponit argumentum Baronij. Secundo dubitatur num Valentius fuerit assumptus in Abbatem Monasterij sancti Gregorij ex Prouincia Valeria: quamuis enim aliquando fuerit Abbas cuiusdam Monasterij in prædicta Prouincia constituti, tamen quo tempore Præfectus fuit Monasterio sancti Gregorij, cœnobium illud suum à Longobardis fuerat deuastatū, iuxta eiusdem Baronij computationem, qui Monasterium Valentij euersum asserit Anno quingentesimo septuagesimo tertio, Monasterium vero sancti Gregorij erectum fuisse.

Tomo 7.
Annal.

se anno quingentesimo octogesimo, vel octogesimo primo, annis videlicet septem, vel octo post euerfionem Monasterij Valentij. Quo tempore Valentius, non in Prouincia Valeria, in qua Longobardorum furor, & rabies grassabatur, sed Romæ commoratus est, vbi familiaritatem cum Beato Gregorio contraxit, eiq; narrauit miracula illa, quæ ipse refert lib. i. Dialog. cap. 4. ad finem, & lib. 4. cap. 21. Habitasse vero toto illo tempore Valentium in Monasterio Lateranenfi cum monachis Benedictinis, eo quod eiusdem esset Regulæ, & instituti, atque ex inde ad regimen, & Præfecturam Monasterij sancti Gregorij assumptum fuisse, probabilissimum est, immò fere certum, & euident, vt inferius patebit. Nego igitur, Valentium assumptum fuisse ad regimen Monasterij sancti Gregorij ex Prouincia Valeria, sed ex Monasterio Lateranenfi.

Tertium, quod non solum in dubium reuocamus, verum etiam expresse negamus, quia falsum esse censemus, illud est: Valentium ex Monasterio sancti Equitij fuisse assumptum ad Præfecturam Monasterij sancti Gregorij. Hoc inquam, penitus, & omninò negamus, quousque auctoritate antiquorum, aut ratione probata id nobis certum, exploratūq; reddat. Quod quidem Baronius efficere conatus est, sed an illud præstiterit modo discutiendum est.

Argumentatur ergo auctoritate desumpta ex lib. i. Dialog. Beati Gregorij cap. 4. ad finem, vbi refert Gregorius se accepisse à prædicto Valentio Abbate suo quoddam miraculum in Monasterio sancti Equitij, post obitum eiusdem Sancti, in defensionem monachorum sui Monasterij, aduersus Longobardos patratum, ex cuius narratione infert Baronius, Valentium fuisse Monasterij sancti Equitij monachum. Verum conclusio prætensa, ex huiusmodi narratione nullo modo inferri potest. Vt enim asserit Gregorius, miraculum illud publicè in Ecclesia exhibitum, non solum monachis illius Monasterij, sed & multis alijs innotuit: ergo ex huius miraculi narratione non sequitur Valentium Monasterij sancti Equitij monachum extitisse. Quod si hoc modo argumentari licet, argumentabor ego sic. Narrauit idem Valentius Beato Gregorio 3. lib. Dialog. cap. 22. aliud

R r 2 miracu;

miraculum à quodam venerabili Sacerdote in eadem Prouincia Valeria post obitum factum, ergo Valentius fuit huius Sacerdotis discipulus. Si negaueris hanc consequentiam negabo & ego illam superioris argumenti, vtraque enim eodem pede claudicat. Auctoritas ergo illa, ex 1. lib. Dialog. Gregorij desumpta, nihil iuuat ad probandum Valentium fuisse Monasterij sancti Equitij monachum: nisi velimus asserere, quotquot alicuius Sancti gesta, vel miracula narrant, illius Sancti esse discipulos: quod quam falsum, & absurdum sit, nemo non videt.

Ratio vero qua vitur Baronius ad idem probandum, talis est. Valentius Monasterij sancti Gregorij Abbas assumptus est ex Prouincia Valeria, sed tunc in ea nullum aliud celebre Monasterium extabat præter illud sancti Equitij, ergo ex illo assumptus est Valentius.

Huic argumento respondeo primum, negando consequentiam. Gregorius enim ad conferendas dignitates Ecclesiasticas, non celebritatem loci, sed probitatem, & honestatem personæ promouendæ requirebat: vt patet ex eodem Gregorio lib. 4. epist. 43. & lib. 6. epist. 10. & lib. 7. epist. 93. & lib. 9. epist. 22. Quid enim prodest ad regimen animarum, manere siue morari in loco celebri, nisi virtute, & sanctitate polleas? Aut quid obest degere in loco humili, & abiecto, si vita, & moribus fueris celebris, atque conspicuus? Non ergo assumptus est Valentius ad Præfecturam Monasterij sancti Gregorij, eo quod in loco celebri moraretur, sed quia monastica religione, omniq; virtutum genere polleteret, & clarus haberetur.

Secundò respondeo negando minorem, videlicet eo tempore in Prouincia Valeria nullum aliud celebre Monasteriū extitisse præter illud sancti Equitij. Gregorius namq; Homil. 35. in Euangel. meminit cuiusdam Monasterij iuxta Reatinæ vrbs mœnia constituti (quæ proculdubio in Prouincia Valeria sita est) cuius Abbas vocabatur Stephanus vir valde sanctus, & virtute patientiæ singularis. Præterea Monasterium illud in quo primum sanctus Benedictus à monachis summis precibus exoratus Abbatis officio functus est, vt habetur lib. 2. Dialog. cap. 3. Quem postea eiusdem

Monaste.

Monasterij monachi veneno tollere conati sunt, in Prouincia Valeria situm erat, vt patet intuenti locum, vbi ipsius vestigia hæcenus ostenduntur: nec arbitror fuisse ex his, quæ sancto Equitio parebant. Immo & illa duodecim Monasteria, quæ referente Gregorio vbi supra, Beatus Benedictus apud Sublacum construxit, si rectè fines Prouinciæ Valeriæ perpendas, intra ipsam fuisse reperies. Sed & ipsum Valentij Monasterium diuersum omninò fuit à Monasterio sancti Equitij, vt ex eiusdem Gregorij relatione constat. Agens namq; Gregorius lib. 1. Dialog. cap. 4. de Monasterij sancti Equitij inuasiōe, refert Longobardos, qui illud inuaserant, à spiritibus immundis arreptos, nihil mali monachis illius Monasterij inferre potuisse. Cum autem postea lib. 4. cap. 21. De Monasterio Valentij à Longobardis itidem inuaso agit, duos illius monachos in cuiusdam arboris ramis suspensos, atque necatos asserit. Ex attestatiōe igitur Gregorij Monasterium Valentij, diuersum erat à Monasterio sancti Equitij. Sed respondet Gallonius pag. 90. Monasterium Valentij non fuisse illud sancti Equitij primarium, sed vnum ex eis, quæ sancto Equitio parebant: idq; supposuisse Baronium tanquam certum, & exploratum. Ego vero dico, hoc non debuisse supponi, sed probari. Licet enim Gregorius dixerit sanctum Equitium multorum Monasteriorum in Valeria Prouincia Patrem fuisse, tamen cum numquam dixerit omnium, non bene infertur: Monasterium Valentij erat in Prouincia Valeria, ergo erat vnum ex ijs, quæ sancto Equitio parebant. Quod etiam ex modo loquendi ipsius Gregorij facile colligere possumus. Sic enim ait lib. 4. Dialog. cap. 21. *Vita venerabilis Valentius, qui post in hac Romana urbe, mihi meoq. Monasterio præfuit, prius in Valeria Prouincia suum Monasterium rexit*: suum dixit, vt Monasterium illud ipsius Valentij, & non alterius esse monstraret: sicq; ab alijs eiusdem Prouinciæ Monasterijs discerneret. Eodem modo loquendi vtitur Gregorius plerisque in locis dum agit de Monasterio Romæ à se cōstructo, quod semper suum Monasterium vocat, quamuis non fungeretur Abbatis officio. Ita & Monasterium in quo Valentius Abbas fuerat, suum nuncupauit, quasi diceret, Valentium illud

Valentij
Monasterium.

R r 3 erexisse,

erexisse, ipsiusq; Fundatorem fuisse. Si autem Gregorius indicare voluisset Valentium sancti Equitij, monachum extitisse, vel ipsius Monasterium vnum fuisse ex ijs, quæ sancto Equitio parebant, oportebat id in primis exprimere. Quod cum nec ipse Gregorius, nec quisquam ex antiquis scriptoribus illud asserat, nec ratio probata conuincat, non est adhibenda fides neotericis scriptoribus, asserentibus; contra regulam ab ipsis traditam, & alijs præscriptam, Valentium monachum fuisse sancti Equitij, Monasteriumq; illius vnum ex ijs, quæ sancto Equitio parebant extitisse.

Martyro-
logiū Ro-
manum.

Ex his, quæ dicta sunt, manifestè apparet multa fuisse in Prouincia Valeria, Monasteria, præter ea, quæ sub sancti Equitij cura, & obedientia degebant. Immo probabilissimum est, ac ferè euidens, fuisse in eadem Prouincia, multo ante erectionem Monasterij sancti Gregorij in vrbe, plura Monasteria sub Regula, & instituto sancti Benedicti, siue fuerint ab eo fundata, siue vltro se ipsius Regulæ subdiderint. Afferit enim Martyrologium Romanum die 21. Martij Beatum Benedictum monasticam disciplinam in Occidente penè collapsam restituisse, atque mirificè propagasse: constat præterea, eundem sanctissimum Patrem discipulos suos, causa propagandæ Religionis monasticæ, in Prouincias remotas misisse, vt Placidum in Siciliam, Maurum in Gallias, & alios in Hispaniam. In Italia etiam, tamquam in propria sibi reseruata Prouincia, multorum Fundator extitit sanctorum cœnobiorum, multaq; Domino acquisiuit millia perfectorum monachorum, vt asserit Beatus Maurus relatus à Fausto in vita ipsius. Cum ergo hæc ita se habeant, improbabile profecto, & valde improbabile est, solam Prouinciam Valeriam, adeò vicinam, atque locis, in quibus Beatus Benedictus vixit contiguam, expertem fuisse huius restorationis, & propagationis. Vnde censeo ante erectionem Monasterij sancti Gregorij, non solum extitisse in Prouincia Valeria aliquot Monasteria à Beato Benedicto, seu eius discipulis fundata, verum etiam alia multa prius existentia, Regulæ sancti Patris Benedicti se vltro subdidisse: inter quæ, si affirmauero vnum fuisse Monasterium sancti Equitij cum omnibus sibi subiectis, rem valde probabi-

probabilem asseram, quam Bernardus Abbas Monasterij sancti Honorati prope Fundanam ciuitatem, qui illis temporibus vixit, plane confirmat, in quadam Epistola ad Simplicium tertium Monasterij Cassinensis Abbatem, in qua sic ait.

Experientia compertum est multorum Rectorum mores varias viuendi normas in Monasterijs peperisse. Hinc factum est, vt iam omnia Monasteria Campaniæ, Samniæ, Valerix, Tuscix, Liguriæ, & aliarum Prouinciarum Italiæ certam, & rectam Regulam viuendi, quam sanctissimus, & Deo acceptissimus Benedictus magister tuus instituit seruare decreuerint, &c. Quam Epistolam ab impugnationibus Galionij defensam inuenies in libello nostro de existentia corporis sancti Benedicti apud Cassinum cap. 6. & 7.


Neq; vilo modo probro dandum est monachis illis, quod relicta priori, & antiquiori norma, & modo viuendi, sancti Benedicti institutionem susceperint: quin potius eos laude dignos esse censemus, quod Regulæ sanctissimæ, & discretissimæ colla submiserint; & iuxta Apostoli consilium, emulati fuerint charismata meliora, quemadmodum plura alia celeberrima, & sanctitate conspicua Monasteria fecisse constat: vt Monasterium Turonense, à sancto Martino, & Lyri-nense, à sancto Honorato, ante sancti Benedicti tempora, fundata: quorum monachi Regulam Benedictinam susceperunt, proprijs institutis dimissis. Romæ etiam Monasterium monialium sanctæ Mariæ in Campo Martio, primum sanctimoniales græcæ, sub Regula sancti Basilij incoluerunt, quibus successerunt Romanæ Virgines, quæ ibidem non sub Regula sancti Basilij, sed sub institutis sancti Benedicti hætenus perseuerant. Idem contigit Neapoli in Monasterio sancti Gregorij Armeni, quod vulgo sancti Ligorij appellatur. Videndus Baronius in notis ad Martyrologium Romanum die 11. Iunij. Quod si in ijs Monasterijs, in quibus certa Regula habebatur, illa omissa, sancti Benedicti institutio est recepta, quid mirum si monachi sancti Equitij, quibus ille nullam propriam, & peculiarem descripserat Regulam, habita notitia Regulæ sancti Benedicti, eam fuerint amplexati?

Epistola
Abbatis
Fundani :

R r 4 Cum

Cum igitur Beatus Gregorius nusquam asserat Valentini Abbatem suum, discipulum sancti Equitij extitisse, aut alicui ex Monasterijs eidem subiectis praefuisse; & Baronius uniuersam structuram de monachatu sancti Gregorij, sub Beati Equitij Regula, super hoc fundamentum construere, & stabilire conetur, eo diruto, atque conuulso, uniuersa moles desuper imposita, funditus corruat necesse est.

Vtrum Beatus Gregorius fuerit Regula sancti Basilij Professor. Cap. VII.



SENTENTIA quam haecenus impugnauimus, de monachatu sancti Gregorij sub Regula sancti Equitij, adeo improbabilis est, ac solidis destituta fundamentis, ut Antonius Gallonius, qui eam ex professo susceperat defendendam, tandem reiecerit, quamuis aliam non magis probabilem astruere conatus sit, videlicet, sanctum Equitium subditos sibi monachos, Diui Basilij regulis informasse, ac perinde sanctum Gregorium ab illis idem institutum didicisse. Audiamus, obsecro eundem Gallonium suis proprijs verbis loquentem, atque hoc suum adinuentum probantem: sic enim ait pag. 108. sui Apologetici.

Gallonij
ratiocina-
tio.

Dicere non praetermittam in antiquioribus sedibus sancti Equitij, in ipsa ciuitate Aquila, usque hodie perseverare Monasterium monialium titulo sancti Basilij, & in eo eiusdem Regulae obseruantiam, quod illud fuisse existimatur, cuius cum meminit sanctus Gregorius, sub cura sancti Equitij fuisse tradit. Quibus etiam appareat sanctum Equitium subiectos sibi monachos ad eiusdem sancti Basilij Regulas informasse, & sanctum Gregorium ab illis idem institutum didicisse. sic Gallonius.

Monaste-
rium san-
cti Basilij
in ciuitate
Aquila

Qui profecto in his, quae de Monasterio sancti Basilij in ciuitate Aquila constituto asserit, valde hallucinatur. Et quidem in ea ciuitate quoddam nobile Monasterium monialium titulo sancti Basilij, in quo a sui primaria institutio-
ne Regula sancti Benedicti seruatur. Hoc autem nullo mo-
do

do potest esse illud, cuius cum meminit sanctus Gregorius, sed cura sancti Equitij fuisse tradit. Constat enim quodam publico instrumento, quod in eodem Monasterio asseruatur, prædictum cœnobium fundatum fuisse à quibusdam sceminis religiosis, tempore Ioannis Papæ vigesimisecondi, Anno Domini millesimo trecentesimo vigesimo, indictione tertia, die quinta mensis Iunij. A tempore vero quo floruit sanctus Equitius, usque ad huius Monasterij erectionem, fluxerunt anni circiter octingenti. Nequit ergo esse illud, quod sanctus Gregorius asserit sub cura sancti Equitij fuisse. Quod si esset, exinde probaretur monachos sancti Equitij inbuitos fuisse Regulis Diui Benedicti, & non Basilij, cum idē Monasterium ab exordio suæ foundationis, non Basilij, sed Benedicti Regulam seruasse noscatur.

His circa veritatem historiarum illius Monasterij positis, expendamus, quam vim habeat Gallonij ratiocinatio ad probandum sanctum Gregorium fuisse Regulæ sancti Basilij professorem. In ciuitate, inquit, Aquila est quoddam Monasterium monialium sub titulo, ac Regula sancti Basilij. Sub titulo, concedo, sub Regula, nego. Sed esto, ut asseris. Quid inde? subdit. Hoc illud esse existimatur, quod Beatus Gregorius asserit sub cura sancti Equitij fuisse. Quo fundamento nititur ista tua existimatio? Sicut enim gratis à te asseritur, ita recte à nobis negatur, cum præfatum Monasterium nouum sit, ut ostendimus. Sed hoc ultro tibi concessio. Quid subinde inferre intendis? Addit: quibus appareat, sanctum Equitium subiectos sibi monachos ad eiusdem sancti Basilij Regulas informasse. Hæc apparentia, & superior existimatio, eiusdem farinae sunt, multa siquidem sunt hodie Monasteria alterius instituti, & Regulæ, quam ab exordio, & primæua institutione fuisse, ut docuimus supra de Monasterio Lyrinenfi, Turonensi, & alijs. Vnde istiusmodi collectio non valet. Hoc cœnobium hodie obseruat sancti Basilij Regulam, ergo ab initio suæ foundationis eam obseruauit. Si enim huiusmodi valeret discursus, acum esset de causa ista, & nobis adiudicanda, cum præfatum Monasterium Regulam sancti Benedicti obseruet. Sed concedimus tibi gratis sanctum Equitium monachos sibi subiectos sancti Basilij Regulis

lis imbuiffe: vnde, obsecro, infers sanctum Gregorium ab illis idem institutum accepisse? Petis profecto principium, & quod in primis probandum erat (Gregorium scilicet à monachis sancti Equitij regularibus disciplinis fuisse instructum) tanquam certum, & exploratum supponis, eo solo fundamēto innixus, quod ita tibi videatur. Faceffant isthęc. Si tibi fidem adhiberi optabas, oportebat te (iuxta Regulam à te traditam) auctoritatem antiquorum, vel rationem aliquam probatam adducere, quod cum non feceris, tuo te iudicio, ac sententia condemnamus. Hoc vnum ex his verbis tuis libenter accipimus (quia verum esse censemus) nempe, Beatum Gregorium non fuisse Regulis sancti Equitij informatum, cum nullam Regulam monasticam ipse condiderit.


De Cingulo sancti Gregorij. Cap. VIII.

IN octauo, & nono Annalium tomo, niti-
tur Baronius illi rationi responderē, qua
Ioannes Diaconus, ex balthei, seu cinguli
Gregoriani exilitate, probat Beatum
Gregorium monachum fuisse Benedi-
ctinum; cuius quidem responsio, sicut & il-
la, quam reddit Gallonius pag. 109. non
videtur esse sufficiens. Quamuis enim concedamus omnes in
vniuersum monachos cingulo, vel baltheo fuisse vsos, nega-
mus tamē huiusmodi cinctoria fuisse omnia eiusdem mate-
riæ, seu formæ; sed quosdam funibus, vt modo Franciscani.
Alios zona pellicea, vt nunc Augustiniani fuisse præcinctos.
Hoc ita esse constat ex cap. 22. Regulæ sancti Benedicti, vbi
S. Pater decernit, vt monachi cingulis, aut funibus sint præ-
cincti. Quemadmodum ergo nunc Fratres Ordinis sancti
Augustini, illa sua peculiari, & lata, qua vtuntur zona, ab
alijs distinguuntur Religiosis, ita & tunc monachi Benedi-
ctini balthei exilitate (vt ait Ioannes Diaconus) à cæteris
distinguebantur. Cumq; hoc discrimen, temporibus illis,
fuerit omnibus cognitum, & exploratum, optimè potuit
Ioannes dicere, huiusmodi balthei exilitate luce clarius in-
notuisse

notuisse, Beatum Gregorium seruasse propositum vitæ regularis à sancto Benedicto traditæ.

Ex his, quæ hætenus disputata sunt apparet opinionem Baronij de monachatu sancti Gregorij sub regula sancti Equitij esse nouam, atque ab ipso primitus assertam, absque vlla antiquorum auctoritate, vel ratione probata. Neque enim Gregorius asseruit aliquando de se, vel de monachis sui Monasterij, militasse sub regula sancti Equitij, vel sancti Basilij, immo nusquam harum meminit regularum: vnde nec Baronius aliquem sancti Gregorij locum pro se adducere potuit. Solum inuenimus Gregorium asseruisse, Valentium Abbatem suum, antequam Monasterio sancti Gregorij præficeretur, suum in Prouincia Valeria monasterium, rexisse. Ex quo nullo modo inferri potest, Valentium sancti Equitij, vel sancti Basilij monachum extitisse. Non ergo resiliere debemus ab antiqua, & recepta de monachatu sancti Gregorij sub regula sancti Benedicti sententia, cum (vt inferius patebit) antiquorum auctoritate, & ratione probata suffulta sit, & roborata.

Alia probationes pro monachatu sancti Gregorij sub regula sancti Benedicti. Cap. I X.



ROBAT præterea Ioannes Diaconus quadam validissima ratione, Gregorium monachum extitisse Benedictinum, ex eo, quod monachi ab eo in Angliam missi fuerint instituti Benedictini professores. Miramur autem valde Baronium huic rationi nusquam occurrisse: quod ideò fortè facere omisit, quia ratus sufficienter probasse Beatum Gregorium non fuisse monachum Benedictinum, consequenter probatum censuit monachos ab eo in Angliam missos, (vt potè Monasterij Gregoriani alumnos) non fuisse eiusdem sancti Benedicti Regulæ professores. Hæc enim duo inter se adeò sunt annexa, & connexa, vt vnum ex altero pendeat. Constito namq; monachos à Beato Gregorio in Angliam missos Ordinis fuisse sancti Benedicti, statim sequitur ipsum Grego-

Monachi
Benedicti-
ni Angliam
ad fidem
conuenerunt.

Gregorium eiusdem fuisse instituti, cum fuerit eiusdem Monasterij monachus. Vidit hanc dependentiam, & connectionem Antonius Gallonius in praefato Apologetico, pag. 58. vbi de his agens, sic ait.

Dicimus non diuidendam hanc quaestionem à primaria de qua agitur, sed eandem esse cum illa, nempe, an sanctus Gregorius fuerit monachus sancti Benedicti, cum satis constet ex Monasterio sancti Gregorij, Augustinum, & alios collegas in Angliam missos, esse progressos. Quamobrem, si sancti Benedicti Gregorius monachus fuit, certum est eiusdem Ordinis suos misisse in Angliam monachos, si non fuit, stultum est dicere missos suos monachos fuisse alterius ordinis, cuius ipse non erat. Tantundem Gallonius, cui & nos hac in parte suffragamur, & assentimur, dicimusq; cardinem huius disputationis in hoc puncto versari. Vtrum monachi à Beato Gregorio in Angliam missi fuerint ordinis sancti Benedicti, ut Ioannes Diaconus testatur: quod si constiterit, eo ipso Gregorius inter monachos Benedictinos erit adnumerandus.

Argumen-
tum Gal-
lonij.

Nititur itaq; Pater Gallonius probare Augustinum, & socios in Angliam missos non fuisse instituti Benedictini, ut sic ab eodem instituto sanctum excludat Gregorium. Argumentatur autem his verbis pag. 59. *Atque primum ex Augustini consultatione de bis ad sanctum Gregorium scribentis, & Gregorij ad eum respondentis argumentum accipiamus. Est ista interrogatio Augustini. Quaro Pater Beatissime de Episcopis qualiter cum suis Clericis conuersentur. Respondit ita inter alia ad ista, Gregorius. In Ecclesia Anglorum, quae auctore Deo, nuper ad fidem perducta est, hanc debes instituire conuersationem, quae in initio nascentis Ecclesiae fuit Patribus nostris, in quibus nullus eorum ex his, quae possidebant, aliquid suum esse dicebat. sed erant illis omnia communia. Haec ad interrogationem Augustini, praeter haec nibili amplius. Cui, si fuisset ipse Gregorius sancti Benedicti monachus & eiusdem Patris Regulam Anglicanis Clericis praescribendam in Angliam intulisset, eamq; ab eisdem obseruari voluisset: haud satis sufficienter ab eodem Gregorio responsum videri potuisset, ut tantum seruarentur ab eis, quae in*

in Ecclesia primitiua Apostolorum tempore seruabantur, nimirum, quod omnia inter eos communia essent: sed addi necesse fuisset, vt præter hæc, sancti Benedicti Regulam eisdem seruandam proponeret, sic ratiocinatur Gallonius.

Argumentum hoc, vt ex se patet, nullam habet vim ad probandum Augustinum, & socios, à Beato Gregorio in Angliam missos, non fuisse monachos Benedictinos: siquidem Augustinus non quaesuit, qualiter monachi in suis Monasterijs conuersari deberent: neq; enim hoc poterat ignorare, qui fuerat Præpositus monasterij sancti Gregorij, & Regulis monasticis apprime imbutus; sed solum quaesuit de Episcopis, qualiter cum suis Clericis viuere, & conuersari deberent: cui Gregorius respondit, vt supra. Quod si ex eo colligere velis Augustinum, & collegas nō fuisse monachos Benedictinos, quod Beatus Gregorius non proposuit eis regulam sancti Benedicti seruandam: poteris etiam inde colligere nullius Regulæ fuisse, quia nullam peculiarem illis seruandam proposuit: cum tamen constet euidenter fuisse monasterij sancti Gregorij monachos, vt ipse Gregorius sæpius in suis testatur Epistolis, & Gallonius, vbi supra confitetur. Nullam igitur monasticam regulam illis, de quibus consulebat Augustinus, seruandam proposuit Gregorius: quia cum non essent monachi, sed clerici, nulla regula monastica illis iure poterat præscribi. Nec est cur Gallonius clericos transformet in monachos, nec è contra, sed vtrique in suo ordine persistentes, regulas sibi præscriptas obseruent: Clerici, apostolicam regulam à Gregorio in sua responsione propositam: monachi vero, & hanc, & illam quam in professione sui ordinis promiserunt.

Arguit secundo Pater Gallonius aduersus eandem Ioannis Diaconi sententiam pag. 105 & sequentibus: sed cum nimis longa, & prolixa sit eius argumentatio, nos eam succinctè, & fideliter ad formam, & modum argumentandi scholasticum redigemus. Venerabilis, inquit, Beda, qui luculenter prosecutus est historiam rerum Ecclesiæ Anglicanæ, cum ab eo frequentissima fiat mentio monachismi in Angliam iugiter propagati, nusquam tamen de sancto Benedicto, vel Benedictinis monachis vllus sermo: signum er-

Responso.

Secunda
argumen-
Gallonij.

Tertium
argumen-
tum Gal-
lonii.

Ad secun-
dum argu-
mentum
Gallonij.

S. Benedi-
ctus An-
glus.

Venerabi-
lis Beda.

go euidens est, tempore venerabilis Bedæ non fuisse adhuc introductum in Angliam ordinem monasticum, iuxta regulam sancti Benedicti. Præterea sanctus Benedictus Anglus, qui fuit Abbas venerabilis Bedæ, diuersa Monasteria in Italia, & alijs Prouincijs peragrauit, vt monastica disceret instituta, quæ alios docere posset, vt asserit Beda in sermone de eodem sancto Benedicto. Similiter Beatus Bonifacius monachus, & ipse Anglus, si Regulam sancti Benedicti præmanibus habuisset, atque in Angliā nota fuisset, non misisset Cassinum Sturium discipulum suum monachum Anglicanum, sub regulari obseruantia educatum, ad discendum, quod iam in Patria à pueritia didicisset, sic Gallonius.

Hæc argumenta non solum contra regulam sancti Benedicti, sed etiam contra omnes regulas monasticas, procedunt. Nam venerabilis Beda, sicut non meminit expressè regulæ sancti Benedicti, ita nec asseruit monachos illos, à quibus ordo monasticus in Angliam est introductus, & propagatus, fuisse Regulæ sancti Basilij, Pachomij, vel alterius Sancti peculiariter addictos: cum tamen certo certius constet eos, & monachos fuisse, & alicuius Regulæ professores. Argumenta ergo ista, quæ procedunt ab auctoritate negatiuè, nihil probant. Si autem modus iste argumentandi parti aduersæ placet, & validus esse censetur, facile concludam pro nostra sententia, quod intendo. Argumentabor enim, sic. Sanctus Gregorius summa cum laude meminit Regulæ sancti Benedicti, non autem Regulæ sancti Basilij, nec sancti Equirij, fuit ergo monachus sancti Benedicti.

Ad illud de sancto Benedicto Anglo respondeo: illum, non fuisse monachum Anglicanum, sed Angliam reliquisse antequam monachus fieret: sic enim de illo scribit venerabilis Beda in sermone de eodem sancto. *Derelictis omnibus secutus est Christum, quando spretis eis, quæ in ministerio regali acquisierat, vel acquirere valebat. cum esset nobilis natus, ad Beatorum Apostolorum limina peregrinaturus aduolauit, vt quia rudis adhuc in gente Anglorum fides, & Ecclesiarum institutio florebat, ibi potius perfectam viuendi formam sumeret, ubi per summos Christi Apostolos totius Ecclesie caput eminet eximium. Ibi ergo eruditus in Christo, il-*
lis

lis in partibus attonsus, ibi est monasterialibus imbutus institutis: ibidem totum vite sue cursum erat exaclusus, si non Apostolica Domini Papæ prohiberet auctoritas. Hæc Beda. Ex quibus constat floruisse tunc Ecclesiarum institutionem in Anglia, voluisse nihilominus sanctum istum Benedictum ad Beatorum Apostolorum limina peregrinari, ut inde perfectam viuendi formam sumeret, vnde Ecclesiæ Anglicanæ eam se accepisse gloriabantur. Fuisse autem hunc sanctum Benedictum monachum Benedictinum asserunt Matthæus Vuesimonasteriensis, ad annum septingentesimum tertium, & Florentius Vuigorniensis ad annum sexcentesium sexagesimum quintum. Cumq; prius Biscopus vocaretur; postea ab auctore ordinis, cui se deuouit, Benedicti nomen accepit.

Similiter respondendum est ad illud de sancto Bonifacio, misisse videlicet Cassinum Sturmun discipulum suum, non ut regulam sancti Benedicti, quam in suo Monasterio iam pridem fuerat professus, addisceret, sed ut in Monasterio sancti Patris Benedicti, quod tunc, sub Petronacis regimine, magna florebat sanctitate, experiretur, probaretq; modum, & formam, quam prædicti Monasterij monachi, in seruanda sancta regula tenebant. Ita docet Baronius tomo nono anno septingentesimo vigesimo quinto. Sanctus Bonifacius, inquit, ut quam exactissimam monasticam disciplinam Germaniæ populis traderet, ab ipso fonte eam haurire curauit: nimirum ex domo ipsa prima, atque primaria sancti Benedicti Abbatis, hoc est, ex Monasterio Cassinate, cuius rei gratia misit illuc Sturmun discipulum suum, ut aliquandiu illic moratus, disceret cultum perfectissimum monasticæ vite, quamuis ipse Bonifacius à puero monasticis fuisset imbutus institutis in Anglia. Hæc Baronius. Videndus Surius tomo quinto, die vigesima octaua Septembris, in vita sanctæ Liobæ virginis cap. 10. Similiter sancti Adelardus, Ludgerus, & alij quamplurimi, postquam in Gallia, & Germania multa fuissent erecta Monasteria sub beati Benedicti Regula, Cassinense cœnobium adierunt, ut inde tamquam ex quodam limpidiſſimo Religionis monasticæ fonte haurirent, non quidem regulam ipsam, quam tenebant, sed optimum modum

Ad tertium
argumen-
tum de S.
Bonifacio

Cassinense
Monasterium.

dum eam seruandi, qui apud Cassinum vigeat. Argumenta ergo Gallonij non probant monachos à Beato Gregorio in Angliam missos non fuisse Benedictinos, sed nec Regulam eiusdem sancti Patris illis temporibus fuisse Anglis incognitam.

Ostenditur monachos à Beato Gregorio in Angliam missos fuisse Ordinis sancti Benedicti.

Caput X.



UAMVIS ad retinendam Ioannis Diaconi sententiam asserentis monachos à Beato Gregorio in Angliam missos fuisse Ordinis sancti Benedicti, sufficeret ostendisse, ac demonstrasse, argumenta aduersus eam inducta non concludere: nihilominus, ut veritas, quam defendimus magis, ac magis elucescat, operæ pretium me facturum putavi, si præter dissolutionem argumentorum partis aduersæ, aliquid in medium proferrem ad corroborandam, & fulciendam Ioannis Diaconi, quam nos sequimur, assertionem: fulti, & innixi auctoritate certa antiquorum, & ratione probata, & efficaci, iuxta regulam à Gallonio superius nobis præscriptam.

Venerabilis Beda.

Refert venerabilis Beda lib. 2. Historiæ Anglicanæ, tempore Bonifacij Papæ Quarti Romam venisse Mellitum Londoniæ Episcopum, de necessarijs Ecclesiæ Anglicanæ causis tractaturum: atque eundem Bonifacium Papam Synodum congregasse, de vita, & quiete monachorum ordinaturum: inter quos ipse etiam Mellitus assedit, ut quæq; essent regulariter decreta, sua quoque auctoritate subscribens, confirmaret, atque in Britanniam rediens, Anglorum Ecclesiæ mandata obseruanda secum deferret. Quod quidem Concilium asserit celebratum anno 8. Imperij Phocæ, indictione decimatertia, die tertio Kalendarum Martiarum. Baronius tomo 8. Annalium pag. 214. Asserit celebratum esse hoc concilium Anno Domini sexcentesimo decimo, Pontificatus eiusdem Bonifacij Papæ anno quarto, qui fuit quintus, vel sextus

sextus ab obitu sancti Gregorij Magni. Tomo etiam Conciliorum tertio pag. 50. ante initium eiusdem Concilij habentur ea, quæ ex venerabili Beda retulimus: post quæ sequitur decretum ipsius Concilij, tenoris sequentis.

Sunt nonnulli nullo dogmate fulti, audacissime quidem, zelo magis amaritudinis, quam dilectionis inflammati, asserentes monachos, quia mundo mortui sunt, & Deo viuunt, Sacerdotalis officij potentia indignos, neque penitentiam, neque christianitatem largiri, neque absolvere posse per Sacerdotalis officij diuinitus sibi iniunctam potestatem: sed omnino falluntur. & infra. Neque enim Beatus Benedictus Monachorum Præceptor almsificus, huius rei aliquo modo fuit interdictor, sed eos sacularium negotiorum edixit expertes fore tantummodo. Refertur hic canon totidem verbis à Gratiano no 16. q 1. cap. sunt nonnulli.

Decretum
Concilij
sub Boni-
facio IV.

Gratianus

Ex actis huius Concilij, adiunctis ijs, quæ Beda refert; apparet exortam fuisse in Anglia controuersiam inter Clericos sæculares, & Monachos, super ministerijs Ecclesiasticis obeundis, contendentibus clericis, non posse monachos ad Sacerdotalis officij culmen ascendere, neque sacramenta ministrare: cuius rei gratia Mellitus Romam venit. Hanc controuersiam, ut dirimeret Pontifex, Concilium præfactum coadunauit; cui & ipse Mellitus interfuit, ut quæ fuissent decreta subscriberet, ac in Brittaniam rediens Anglicanæ Ecclesiæ seruanda deferret. Cum autem in eo Concilio nullum aliud, præter hoc circa monachos, decretum fuerit statutum, seu promulgatum, euidenter apparet Concilium illud, vel solum, vel præcipue propter hanc causam fuisse congregatum. Vnde Beda, ubi supra, tantum asserit, Bonifacium Concilium congregasse, ut de vita, & quiete monachorum disponderet, & ordinaret: qua de re Mellitus in Angliam rediens nullum aliud decretum huius Concilij, præter illud, secum deferre potuit: modo ex huius Concilij actis argumentor sic in confirmationem sententiæ Iohannis Diaconi.

Concilium hoc fuit congregatum solum, vel præcipue propter Ecclesiæ Anglicanæ monachos, quos à muneribus Ecclesiasticis excludere nitebantur clerici. Decretum au-


ss tem

tem Concilij super ea controuersia, tale fuit. Liceat monachis fungi Sacerdotio, & alijs huic officio annexis. Ratio vero à Patribus Concilij adducta, hæc est. Quia Beatus Benedictus monachorum Præceptor almificus, hoc eis non interdixit. Qui obsecro iuuaret hoc decretum monachos Anglicanos, aut quid ponderis haberet ratio illi adiecta, si non fuissent alumni sancti Benedicti? Quid, inquam, ad monachos alterius instituti pertinet, quid sanctus Benedictus suis monachis concesserit, vel interdixerit? Sicut enim monachi Benedictini legibus aliorum ordinum non tenentur, ita nec monachi alterius professionis regulis sancti Benedicti sunt astricti. Ne ergo cogamur dicere Patres illius Concilij, vna cum summo Pontifice, futilem, & ineptam sui decreti reddidisse rationem, fatendum omnino est monachos Anglicanos, ad quos Mellitus hoc decretum obseruandum detulit, regulæ sancti Benedicti fuisse subiectos. Profecto si monachi illi non fuissent Benedictini, quando Mellitus in Angliam reuersus, hoc decretum tam illis, quàm clericis Ecclesiæ Anglicanæ ex parte Concilij obseruandum proposuit, & intimauit, potuissent clerici illi aduersus tale decretum legitimè se opponere, dicereq; . Cum isti non sint monachi Benedictini, non est pars illis in decreto isto. Quid enim refert utrum sanctus Benedictus concesserit, aut non interdixerit suis monachis sacerdotium, cum isti ad ipsius gregem non pertineant? Quis modo non rideret, seu potius irrideret, si cuiquam interroganti. An liceat religiosi sancti Francisci de Obseruantia redditus, & prouentus possidere, responderet alter, licet: & rationem dicti sui reddens subiungeret: Quia Beatus Benedictus hoc illis non interdixit? Exhibenda profecto ab omnibus ratio ista foret, cum illi religiosi sancti Benedicti regulis non subdantur. Cum igitur summus Pontifex, & Patres Concilij decernunt, licere monachis fungi sacerdotio, & cæteris muneribus Ecclesiasticis, quia hoc eis non interdixit Beatus Benedictus monachorum Pater almificus: satis superq; declarant monachos illos Ordinis sancti Benedicti extitisse. Nec possumus dicere Patres Concilij ignorasse, cuius instituti essent monachi Anglicanæ Ecclesiæ, maximè cum inter illos sederet

ret Mellitus eiusdem Ecclesiæ monachus, & Episcopus. Cū ergo à Patribus Concilij sanctus Benedictus illorum monachorum Præceptor appelletur, sequitur ex communi huius Concilij Patrum consensu, monachos Ecclesiæ Anglicanæ fuisse Benedictinos, rationemq; huius decreti legitimam, & optimam esse. Exinde vero necessario inferitur sanctum Gregorium fuisse monachum Benedictinum, siquidem monachi illi Anglicani eius discipuli erant, ipsiusq; Monasterij alumni, ut plurimis in locis testatur idem Gregorius, & fatetur Gallonius pag. 58.

Proponitur, & soluitur obiectio quadam Gallonij aduersus ea, quæ cap. præcedenti sunt dicta.

Caput X I.



DA T E R Gallonius pag. 64. sui Apologetici, ut ea, quæ præcedenti capite tradita sunt eneruet, ait: desiderari in canone à nobis citato quædam verba, quæ apud Iuonem Carnotensem, & quosdam alios decretorum collectores, in eo leguntur; quæ si huic decreto inferantur, robur, & vim argumenti nostri euacuant. Verba vero inferenda dicit esse ista. *Nam si hac ex causa veteres amuli vera prædicarent, Apostolica sedis compar Beatus Gregorius monastico cultu pollens, ad summum nullatenus apicem conscenderet; Augustinus quoque eiusdem sanctissimi Gregorij discipulus Anglorum prædicator egregius, ac Pannoniensis Martinus Beatissimus, cuius sanctitatis famam longe, lateq. diffusam totus personat mundus, aliq. quamplurimi sanctissimi, pretiosissimo monachorum habitu fulgentes, nequaquam annulo Pontificali subarrarentur. sed quia monachi fuerunt prædictis uti prohiberentur. Neque enim Benedictus monachorum Præceptor alimifcus huiusmodi rei aliquo modo fuit interdictor.*

Hæc verba si legantur in isto canone (ut vult Gallonius) non poterimus ex eo deducere, quod intendimus, videlicet Gregorium, Augustinum, & socios fuisse monachos sancti

SS 2 Benedi-

Benedicti, cum ibi nominetur sanctus Martinus multo antiquior Benedicto, quique monachus eius esse nequivit. Sicut ergo ex isto canone probare non possumus, sanctum Martinum fuisse monachum Benedictinum, ita nec Gregorium, Augustinum, & socios in Angliam missos. Et quemadmodum ratio huic decreto appositae nullo modo probat sanctum Martinum regulam sancti Benedicti observasse, ita ex ea probari nequit Gregorium, & Augustinum fuisse eiusdem instituti professores.

Ad objectionem
responsio.

Ad hoc argumentum dico primum, nihil efficere contra nos, qui decretum illud allegauimus, sicut habetur in tertio tomo Conciliorum, & in Decreto 16. q. 1. quibus in locis Gregorius, Augustinus, & Martinus nullatenus nominantur. Sed admissa lectione, quam prætendit Gallonius, respondeo: nullo modo minui per illam, aut labefactari discursum, & argumentationem à nobis superius factam. Nos enim ex vi, & ratione huius decreti non intendimus directè, & per se probare tres illos sanctissimos Pontifices in eo nominatos fuisse monachos Benedictinos: sed tantum Ecclesiæ Anglicanæ monachos ad quos illud dirigebatur decretum, & propter quos, & eorum quietem fuerat statutum, & ordinatum, fuisse instituti Benedictini, propter rationem à nobis superius allatam. Et quamvis ex ratione huius decreti non probetur sanctum Martinum Turonensem fuisse monachum Benedictinum, quia inter ipsum, & monachos Anglicanos nulla erat connexio, & dependentia: probatur tamen ex ea sanctum Gregorium, & Augustinum, Mellitum & socios, Anglicanæ Ecclesiæ monachos, fuisse Benedictinos, cum constet eos omnes eiusdem Monasterij, & Regulæ fuisse alumnos.

S. Martinus Bracharen-
sis Episcopus

Respondetur præterea, negando Martinum, de quo loquitur decretum Concilij fuisse Episcopum Turonensem, (ut arbitratur Gallonius) sed Martinum Archiepiscopum Bracharensem, qui floruit temporibus Pelagij Primi, & Ioannis Tertij. Interfuitq; primo Bracharensi Concilio, & præfuit secundo, ut habetur tomo tertio Conciliorum.

Greg. Turonensis.

Fuisse autem Martinum huic Pannoniensem, testantur multi, qui de ipso scribunt. In primis Gregorius Turonensis libro

bro quinto Historiæ Francorum cap. 37. sic ait. *Hoc eodem tempore sanctus Martinus Galliciensis Episcopus obiit, magnum populo illi faciente placitum. Hic Pannoniæ ortus fuit, & exinde ad visitanda loca sancta in Orientem properans, in tantum se litteris imbuit, ut nulli secundus suis temporibus haberetur; & exinde in Galliciam venit, ubi cum Beati Martini reliquia portarentur, Episcopus ordinatur. In quo Sacerdotio impletis plus minus triginta annis, plenus virtutibus migravit ad Dominum.*

Venantius quoque Fortunatus Pictaviensis Episcopus, qui tempore eiusdem Martini floruit, sic de eo cecinit.

Martino servata nouo, Gallicia plaude,

Sortis Apostolica, vir tuus iste fuit.

Qui virtute Petrum prabet tibi, dogmate Paulum,

Hinc Iacobi tribuens, inde Ioannis opem,

Pannonia, ut perhibent, veniens è parte Quiritum,

Est magis effectus Gallica vera salus.

Venantius
Fortuna-
tus.

Aymoinus etiam libro tertio Historiæ Francorum cap.

38. *Ea tempestate, inquit, Beatus Martinus Galliciensis mi-*

grauit ad Dominum. Hic Pannonia oriundus, loca sacra

in Oriente circumiens, abunde se illic litteris imbuit. Sanctus

vero Isidorus libro de viris illustribus cap. 22. ita de illo

scribit. Martinus Dumienfis Monasterij sanctissimus Pon-

tifex, ex Orientis partibus nauigans. Galliciam venit: ibiq.

uniuersis ab Ariana impietate ad fidem catholicam conuer-

sis, Sueuorum populis regulam fidei, & religionis constituit,

Ecclesias informauit, Monasteria condidit, copiosaq. præ-

cepta piæ institutionis composuit, &c. Ioannes Peresius Se-

gobienfis Episcopus, qui librum Isidori de viris illustribus

suis scholijs illustrauit, in scholio huius capituli duo carmi-

na ab eodem sancto Martino de se ipso composita adducit,

videlicet.

Pannonijs genitus, transcendens æquora vasta

Gallicia in gremium diuinis nutibus ætus.

Denique Baronius tomo septimo, Anno quingentesimo

octogesimo tertio, de ipso hæc scribit. *Sicut nomen, & pa-*

triam, ita & sanctitatem Martini Turonensis adeptus est;

& infra. Dies autem quo tantus vir ex hac vita ad cælum

migravit.

Aymoi-
nus.

S. Isidorus

Baronius.

ss 3 migra-

migrauit, celebri solemnitate anniuersario cultu resulget ad decimumtertium Kalendas Aprilis. Quo in loco tenet eundem esse Martinum Galliciensem, Dumiensem, & Bracharensem: quem in Martyrologio ad diem vigesimamprimam Iunij in tres Martinos diuiserat. Vocatur autem Gallicienfis eo, quod Prouinciam illam ad fidem catholicam, ab Ariana impietate reuocauit. Dumienfis vero, quia Abbas eius Monasterij extitit: Bracharenfis denique, quia Archiepiscopus illius sedis effectus, ibi diem clausit extremum. Agunt de eo Sigebertus de scriptoribus Ecclesiasticis cap. 19. Trithemius lib. 2. de uiris illustribus ordinis sancti Benedicti cap. 13. Necnon & vniuersi ferè scriptores, qui res Hispanicas prosecuti sunt.

Ex his omnibus constat sanctum Martinum, de quo agimus, virum fuisse sanctissimum, doctissimum, totiq; christiano orbi notissimum. Quibus sic constitutis, dicimus. Quando sacrum Concilium in suo illo decreto, post Gregorium, & Augustinum, sanctum Martinum nominauit, non de Beato Martino Turonensi, sed de hoc secundo Martino, quem Venantius nouum Martinum appellat, qui fuit Pannonienfis, & Episcopus Gallicienfis, seu Bracharenfis, loquutum fuisse. Hoc autem, ita esse ex ipsius decreti contextu, atque ratione satis euidenter apparet. Nam quorsum, obsecro, post nominatum sanctum Martinum Turonensem subnecterent Patres Concilij, verba illa: Neque enim Benedictus monachorum Præceptor almificus, huius rei aliquo modo fuit interdictor? Numquid sanctus Martinus Turonensis, qui multis annis Beatum præcesserat Benedictum, poterat aliquo modo regulis, aut legibus Benedicti ligari, vel absolui? Verum quia Concilium adduxerat in exemplū, & confirmationem sui Statuti tres illos sanctos Pontifices, Gregorium, Augustinum, & Martinum, de quo agimus, qui omnes ex ordine sancti Benedicti ad Pontificalem fuerant dignitatem assumpti: vt doceret nihil propterea fuisse factum, seu attentatum contra regulam, & institutum, quod professi fuerant, optime consequenterq; subiunxit: Neque enim Benedictus monachorum Pater almificus huiusmodi rei fuit interdictor. Maneat ergo firmum, & fixum Gregorium,

rium, Augustinum, & Martinum in præfato decreto nominatos, necnon & monachos Anglicanos, propter quos decretum illud fuit promulgatum, Benedictini ordinis extitisse, ac perinde liberè, & licitè potuisse vniuersa munia Ecclesiastica obire: quia Benedictus eorum Præceptor almi-
ficus hoc eis non interdixit.

*Proponitur grauiſſimum ſancti Aldelmi Episcopi te-
ſtimonium in fauorem noſtræ ſententiæ.*

Caput X I I.



VT ea, quæ duobus præcedentibus capitulis asseruimus, monachos scilicet Anglicanæ Ecclesiæ fuisse instituti Benedictini, magis, ac magis corroborentur, confirmentur, solidenturq;: ecce producimus in medium testem omni exceptione maiorem, sanctum Aldelmum Episcopum, cuius memoriam recollit Ecclesia catholica in suo Martyrologio die 25. Maij, de quo agit venerabilis Beda lib. 5. Historiæ Anglicanæ cap. 19. Fuit sanctus Aldelmus Anglus nobilissimus, regia stirpe natus: adolescens vitam monasticam in Monasterio Molduniensi est amplexus, inde Presbyter ordinatus, & Abbas eiusdem Monasterij constitutus, tandem Episcopus Schireburnensis creatus, migrauit ad Dominum anno septingentesimonono. Hæc ex Beda, qui asserit eum fuisse virum vndequaque doctissimum, scripsisseq; librum eximium de laudibus virginitatis, in quo promiscuè celebrat, & laudat plerosq; sanctos tam viros, quam feminas: quem librum ad exemplum sedulij geminato opere versibus exametris, & prosa composuit, cuius quidem libri sæpius meminit Baronius in notis ad Martyrologium. Floruit autem hic sanctissimus, ac doctissimus Pater eo sæculo, quo Augustinus, Mellitus, & alij monachi à Beato Gregorio missi, Christi fidem in Anglia disseminarunt, atque monachismum introduxerunt, potuitq; cognoscere aliquos ex discipulis sancti Gregorij. Fuit ergo sanctus Aldelmus oculatus testis eorum, quæ de monachatu monachorum Angli-

S. Aldel-
mus.

SI 4 canæ

canx Ecclesiæ sub regula sancti Benedicti scribit. Cumq; in eo tot qualitates, & conditiones optimi testis concurrant, minime dubito, testem omni exceptione maiorem, eum appellare. Primum ratione professionis, quia monachus, & de monachis agens: deinde ratione dignitatis, quia Abbas, & Episcopus: tertio ratione probitatis, quia sanctus ab vniuersali Ecclesia receptus: quarto ratione eruditionis, quia vndeque doctissimus, vt ait Beda: quinto ratione patrie originis, quia Britannus, & de rebus Britanniae scribens: sexto denique ratione temporis, quia quæ suo sæculo contigerunt litteris mandauit, ad posterorq; transmisit, ita vt dicere valeat. Quod scimus loquimur, & quod vidimus testamur. Cuius assertio sufficere debet ad plenam nostræ sententiæ probationem.

S. Benedi.
cti Enco-
mium.

Hic itaq; talis, ac tantus vir, in eo libro quem scripsit de laudibus virginitatis, siue de laudibus virginum, agens de Beato Patre Benedicto, mirificè eum extollit, multisq; encomijs ornat; sed quod ad rem præsentem attinet, sic inter alia de ipso canit.

*Primus, qui statuit nostræ certamina vitæ
Qualiter optatam teneant cœnobîa normam,
Quoque modo properet directo tramite sanctus
Ad superum scandens cœlorum culmina cultor.
Et infra.*

*Huius alumnorum numero glomerantur ouantes,
Quos gerit in gremio fœcunda Britannia ciues,
A quo iam nobis baptismi gratia fluxit,
Atque magistrorum veneranda caterua cucurrit.*

Citauit hos versus cum pluribus alijs ante hos sexcentos annos Aymœinus Floriacensis in quodam sermone habito in festo sancti Benedicti, quem reperies in bibliotheca Floriacensi opera Ioannis à Bosco Celestini edita Lugduni apud Horatium Cardon, Anno Domini 1605. pag. 293. Extant præterea ex membranarum manuscriptis Monasterij sancti Galli in Eluetia desumpti prædicti versus, tomo quinto antiquæ lectionis Henrici Canisij in editione Lugdunensi pag. 292. in editione Ingolstadiensi pag. 822.

Duo sunt tituli, quibus Beatus Aldelmus sanctissimum
Patrem

Patrem Benedictum exornat, & laudat. Primus est, monastica institutio, quod nempe ipse fuerit primus, qui per sui ordinis monachos, normam monasticæ religionis in Angliam inuexerit: erat enim, ut dictum est, Beatus Aldelmus Anglicanæ Ecclesiæ monachus, & loquitur in his versibus de se, & de alijs eiusdem instituti religiosi, quos asserit à Beato Benedicto accepisse: qualiter optatam teneant cœnobio normam, eundemq; extitisse: qui primo statuit nostræ certamina vitæ. Videbat ipse Monasteria Anglicana, à sanctis primis monachis Beati Gregorij discipulis nouiter erecta, eaq; sub Regula sancti Benedicti constituta esse cernebat, inter quæ vnum erat cœnobium Molduniense, vbi ipse sanctus Aldelmus monachum agebat. De his ergo cœnobijs, quæ tunc in Anglia sanctitate, ac monastica disciplina fulgebant, agens sanctus Aldelmus, asserit Beatum Benedictum auctorem, & institutorem vitæ ipsorum fuisse, dum canit.

Primus, qui statuit nostræ certamina vitæ,

Qualiter optatam teneant cœnobio normam.

Secundo laudibus effert Beatum Benedictum, quod ab ipso baptismi gratiam receperit Britannia, quodq; magistri, qui eam ad fidem catholicam perduxerunt, fuerint huius Beatissimi Patris alumni. Id asserit expresse quatuor ultimis versibus à nobis superius adductis, videlicet.

Huius alumnorum numero glomeramur ouantes, &c.

Hi autem, qui Britanniam, seu Angliam ad Christi fidem perduxerunt, & à quibus ciues Britanni baptismi gratiam susceperunt, fuere Augustinus, Mellitus, aliq; monachi à Beato Gregorio ex suo Monasterio illuc directi, atque transmissi, ut idem Gregorius sapius testatur, & apud omnes est in confesso. Eos cum dicat sanctus Aldelmus, alumnos fuisse Beati Benedicti, euidenter docet ipsius extitisse ordinis, & instituti. Cumq; rursus asserat accepisse Britannos à Beato Benedicto baptismi gratiam, atque magistrorum venerandam cateruam: hoc enim apertè dicit duobus ultimis versibus, scilicet.

A quo iam nobis baptismi gratia fluxit,

Atque magistrorum veneranda caterua cucurrit.

Constan-

Augustinus, & socij fuerunt monachi Benedicti.

Constanter affirmat Augustinum, Mellitum, & socios fuisse monachos sancti Benedicti, per quos tamquam per discipulos, & alumnos, Britannis gratia baptismi à Beato fluxit Benedicto, atque ab eodem, per sanctum Gregorium eiusdem instituti monachum, venerandum accepit tam fidei, quàm monastica religionis magistrorum cateruam. Hæc autem omnia, ideo refert sanctus Aldelmus in Beati Benedicti laudem, & honorem, quia quæ filiorum sunt in gloriam Patris redundare noscuntur.

Præterea sanctus Aldelmus in eodem libro de laudibus virginum, agit de sancto Basilio, & eius Regula, sed breuiter admodum, sancti vero Equitij, nec meminit quidem. Qui ergo fieri potuit, ut monachi Anglicani illius temporis fuerint instituti sancti Basilij, aut sancti Equitij? Postremo traditio perpetua Ecclesiæ Anglicanæ (cui in his, quæ ad ipsam pertinent, videtur omnino standum) à priscis illis temporibus usque ad nos deriuata, incunctanter tenet, Anglo Saxones à monachis Benedictinis ad Christum conuersos. Huic autem traditioni, nullum scriptorem Anglum, neque exteræ nationis, reperi contradicentem ante Baronium, qui primus de monachatu sancti Gregorij sententiam toti antiquitati repugnantem asseruit.

Errat ergo Pater Gallonius, & longius à veritate discedit, dum asserit Ioannem Diaconum vnum, & primum auctorem, inuentorem, & assertorem monachatus sancti Gregorij, & discipulorum eius sub regula sancti Benedicti, extitisse. Sic enim ait pag. 79. sui Apologetici. *Fuit vnus, & primus Ioannes Diaconus, qui ita ab antiquitate resiliit; & iterum pag. 104. Fuit, inquit, hoc argumentum Ioannis Diaconi, qui primus, post annos fermè trecentos, auctor inuentus est, & assertor monachatus sancti Gregorij sub Regula sancti Benedicti.* Hoc inquam falsum est, nam Ioannes sequutus est sanctum Aldelmum, & Concilium sub Bonifacio congregatum, de quo superius actum est. Sed liceat, obsecro, mihi dicere. Fuit vnus & primus Baronius, qui ita ab antiquitate resiliit, & post annos fermè mille auctor inuentus est, & assertor monachatus sancti Gregorij sub Regula sancti Equitij, sibi & omnibus hætenus incognita.

Errat

Errat præterea Gallonius dum pag. 107. tamquam omnibus exploratum asserit, nec viuentem Bedam, nec Bonifacium, adhuc in Angliam sancti Benedicti Regulam allatam, neque à monachis receptam; sed Ioannes, inquit, Diaconus, falsa dum coniectura, id primus asseruit, & alij ipsum incautè sequentes, eodem cum ipso errore lapsi, affirmarunt. Incautè profecto loquutus est Gallonius: ex his enim, quæ superius dicta sunt liquido constat, ante tempora, Ioannis Diaconi, Bonifacii, & Bedæ fuisse cognitam, & seruatam à monachis Regulam sancti Benedicti in Anglia, quod sanctus Aldelmus multo antiquior Ioanne expressè asserit, & ante ipsum Bonifacius Papa, & Patres in Synodo superius allegata, congregati, qui floruerunt exordio nascentis Ecclesiæ Anglicanæ, idem docuerunt. Post Ioannem etiam multi sanctitate, & doctrina illustres scriptores id ipsum affirmarunt: inter quos (ut ceteros omittamus) fuit sanctus Thomas opusculo 17. cap. 16. quem non credo incautè loquutum fuisse, sed veritatem ipsam expressisse, cum Baronius nullum pro se proferre potuerit antiquum scriptorem, qui ipsius suffragetur opinioni. Gregorius enim quem sibi fauere gloriatur, nihil umquam dixit, quod ipsius sententiam iuuare, aut confirmare possit.

S. Thomæ

Errat denique tertio dum pag. 78. de sententia Ioannis Diaconi loquens, ita pronuntiat. *Proscribenda est Ioannis Diaconi primi vestra sententia auctoris assertio, quæ nullas habeat ab antiquitate traduces.* Hoc, inquam, non satis cautè dictum est: nam sententia Ioannis, optimè ab antiquitate traducitur, ex Concilio videlicet Bonifacii, & attestatione sancti Aldelmi, qui ducentis annis Ioannem Diaconum præcessit. Proscribenda potius noua contraria sententia, quæ nullas habet ab antiquitate traduces. Retinenda verò inueterata illa Ioannis Diaconi de monachatu sancti Gregorij sub Beati Benedicti Regula, in quam copiosè originalij fontes influunt antiquitatis.

Quod autem opinio de monachatu sancti Gregorij sub diuersa Regula à Benedictina, noua omnino sit, & nullum habeat stabile, & firmum antiquitatis fundamentum, non solum ex eo apparet, quod nec Baronius, nec Gallonius in
sui

sui fauorem aliquem antiquorum scriptorum adducere potuerunt, verum etiam ex eo, quod nec ipsi inter se conueniunt. Hæc autem discordia, euidens signum est nouitatis, ne dicam falsitatis: quæ cum non habeat certum, ac tutum locum, seu Asylum, quo se recipere, & tueri, nec firmum, solum super quod pedes suos stabilire possit, cogit vnumquemque ipsorum in viam suam declinare: inde est, quod alter Equitianum, alter vero Basilianum monachum Gregorium facit.

Claudamus tandem caput istud quadam argumentatione ex verbis ipsius Gallonij pag. 78. desumpta. *Habet, inquit, nouitas illa crimen, vel criminis suspensionem non vitat, quæ à nulla deducitur antiquitate: laudanda vero, & amplectenda, fouenda, atque arctius retinenda, si à vetustatis fonte deriuari intelligatur, quæ non nouitas adinuenta, sed antiquitas restituta sit potius appellanda.* Optimè profecto dicit, sed pro nobis, contra se, nolens sententiam profert. Si enim nouitas illa, quæ à nulla deducitur antiquitate, habet crimen, vel criminis suspensionem non vitat, profecto assertio ipsius de monachatu sancti Gregorij sub Regula sancti Equitij, vel sancti Basilij, quæ à nulla deducitur antiquitate, crimen habet, vel criminis suspensionem non vitat. Assertio verò Ioannis Diaconi de monachatu sancti Gregorij sub Regula sancti Benedicti, laudanda, amplectenda, fouenda, atque arctius retinenda, cum à vetustatis fonte deriuata ex dictis euidenter appareat.

Proponuntur alia rationes pro monachatu sancti Gregorij sub Regula sancti Benedicti. Caput X I I I.



VONIAM Baronius, & Gallonius suis scriptis persuadere conati sunt nouam hæc ipsorum de monachatu sancti Gregorij sub Regula sancti Equitij, vel sancti Basilij assertionem, ex eiusdem Beati Gregorij scriptis desumpsisse, cum tamen apud Gregorium, nec tenuè quidem vestigium inueniri possit, ex quo saltem

saltem apparenter colligi liceat, ipsum seu Valentium Abbatem suum sub Regula sancti Equitij, vel sancti Basilij aliquando militasse, ut à nobis superius satis, superq; ostensum est: ideo operæ pretium me facturum existimo, si lectori proponam nonnulla, quæ ex gestis, & scriptis ipsius sancti Gregorij, in fauorem nostræ sententiæ videntur deduci posse: ut exinde appareat, Gregorium non contrariæ, sed nostræ sententiæ fautorem esse, ac Patronum.

Obseruandum autem in primis (quod obseruatione dignissimum censeo) quosuis cuiuscumque instituti monachos, tenacissimos esse gloriæ, & honoris Patris, & institutoris sui: unde quoties se se offert occasio cum miris laudibus ornant, ipsiusq; actiones, & gesta laudare, extollere, ac magnificare non desistunt. Huic nostræ obseruationi ad stipulatur Barenius tomo octauo, Anno sexcentesimo sexagesimoquarto, dicens. Videmus exemplis, quosuis etiam regularis disciplinæ solutissimos monachos, sui ipsorum institutoris memoriæ tenacissimos esse, ut pro ea conseruanda parati sint vitam quoque profundere. Addimus nos esse etiam cupidissimos dilatationis, & propagationis ordinis sui. Nec enim religiosi vnus Ordinis Monasteria ædificant, nisi pro se ipsis, vnusquisque propria sui Ordinis curat: priuilegia, indulta, gratias, fauores, & exemptiones pro maiori gloria, amplitudine, & decore sui ordinis querunt: ceteros vero ordines, tamquam ad se non pertinentes, negligunt.

His politis, tamquam per se notis, & manifestis, videamus cui Ordini fauerit Gregorius, quem laudauerit, cuius propagationem curauerit, ut inde elicere valeamus, cuius Ordinis ipse fuerit. Et ut à Patre, & institutore Ordinis incipiamus: Consueuerunt, qui aliorum Sanctorum gesta narrant, in Patroni sui laudibus non esse contracti, sed illius encomia vberius, ac plenius prosequi, ut & suam filialem affectum, & pietatem in optimum Patrem, & magistrum ostendant, necnon deuotionem, & amorem omnium filiorum eius in communem parentem acuant, & accendant. Hoc autem in spiritualis sui parentis illustribus exemplis recensendis, in primis Gregorium facere oportuit. Cum

enim

enim septem Monasteria ædificasset, sex in Sicilia, septimum in Vrbe, in quibus plurimi diuinis obsequijs mancipati erant: quid illis ad vitam spiritualem, & monasticam disciplinam diligenter conſectandam, vtilius præſtare potuiſſet, quam ſi illius vitam, exempla, & mores mentis oculis perſpicienda eis propoſuiſſet, cuius regulam, & monaſtica inſtituta, & illis ſeruanda tradidiſſet, & ipſe poſtmodum exequenda ſuſcepſiſſet? Quamuis enim omnia Sancto- rum exempla miræ virtutis ſint, ac energiæ ad vitam, & mores optimè formandos, & componendos: tamen maiorem quamdam vim, & efficaciam habent illa, quæ à proprio ſpirituale Patre filiis tradita eſſe noſcuntur: dum illis oſtenditur ipſum per illam vitæ viam præceſſiſſe, ad quam ingre- diendam alios verbis, & ſcriptis inſtigauit, & erudiuit. Qua- liter autem, & in cuius perſonam iſtud Gregorius præſtite- rit, modo videndum eſt.

ſæctus E-
quitius.

Notum omnibus eſt, ac manifeſtum, Beatum Gregorium ſcripſiſſe in libris Dialogi Patrum Italicorum geſta, ad in- ſtanciam, & petitionem monachorum ſuorum: vt ipſe ſcri- bit Maximiano Epifcopo Syraculano Epifſtola 50. lib. 2. di- cens. *Fratres mei, qui mecum familiariter viuunt, omni modo me compellunt, aliqua de miraculis Patrum, quæ in Italia facta audiuiſimus, ſub breuitate ſcribere.* Inter ceteros autem Patres lib. 1. Dialog. cap. 4. ſcribit de ſancto Equi- tio: cuius cum Petrus Beati Gregorij collocutor, cuperet vitam, & mores plenius noſſe, idque à Gregorio precibus poſtuläſſet, huiusmodi ab eo reſponſum accepit. *Ne vitæ eius cognitione frauderis, bene hanc Reuerendiſſimus vir Albinus Reatina Antifſtes Eccleſiæ cognouit; & adhuc ſuper- ſunt multi, qui ſcire potuerunt.*

Perpendat mecum, obſecro, Lector, quare Gregorius ip- ſe, Petri deſiderio minimè ſatiſfecit. Cur ad Albinum Rea- tinum Epifcopum ipſum ablegauit? Cur, inquam, Grego- rius geſta, & acta ſancti Equitij non reſerauit, neque ſuis ſcriptis poſteritati legenda, & imitanda propoſuit? Certe nihil aliud poſſumus aptius reſpondere, quam non illa no- uiſſe, & ideo non potuiſſe ſcribere, quod ignorabat: pro- ptereaq; Petrum ad Albinum Epifcopum, qui ea probe co- gnouerac,

gnouerat, remisisse. Sed dico, nonne Valentius sancti Gregorij Abbas, fuit Beati Equitij discipulus? Qui ergo fieri potuit, vt gesta Patris, & institutoris sanctissimi, Gregorio discipulo suo non referauerit? Neque ipse Gregorius discere curauerit? Vnum tantum miraculum à Beato Equitio patratum narrauit Valentius Gregorio, reliqua pauca, quæ de ipso scribit, ab alijs se accepisse testatur. Profecto si amborum Pater, & magister fuisset sanctus Equitius, oportebat eos in primis optime nosse gesta, & exempla præclara sanctissimi sui Parentis, & institutoris, eaq; scriptis consignata, monachis (propter quos Dialogorum libros scribebat Gregorius) tradere, vt ad illius normam, & exemplar vitam, moresq; suos informare studuissent. Cum igitur, nec Valentius Gregorio, nec Gregorius suis monachis, acta sancti Equitij propalare curauerint; sed cupientes illa scire, ad Albinum Reatinæ Ecclesiæ antistitem, remiserint: euident est neutrum ipsorum fuisse Beati Equitij discipulum, nec tamquam eorum instituti auctorem ab eis habitum, & reputatum.

Sancti vero Benedicti, qualis ab ineunte ætate fuerit vita, qualis in progressu, qualem denique, quamq; admirandum habuerit exitum, dulcissima facundia vbertim promulgauit, atque prosequutus est: integrumq; librum in ea recensenda consumpsit. Nec quidquam valet responsio Galbani pag. 104. dicentis, ideo Gregorium pauca de sancto Equitio narrasse, quia paucos de illo habuit relatores: cum enim ipse Gregorius asserat, Albinum Reatinæ Ecclesiæ Præfulem, vitam sancti Equitij bene cognitam, ac perspectam habuisse: poterat facilimo negotio illum ad se vocare, vel per litteras cum illo agere, vt descriptam diligenter sancti Equitij vitam, ad se transmitteret: quemadmodum in prænotata Epistola scripsit Maximiano Syracusano Episcopo multo longius distito, vt quæ de miraculis Patrum Italicorum, & peculiariter de Donno Nonno, nosset, sibi sub celeritate transmittere curaret. Cur non ita scripsit Albino Reatino antistiti pro cognoscendis B. Equitij gestis? Quia non fuit illi animus, acta illius scribendi: ideoq; neglexit illa conquirere, & inuestigare.

S. Benedictus.

Præterea

Præterea, intentio Gregorij in describendis Dialogorum libris, fuit (ut ipse in præallegata Epistola ad Maximianum testatur) aliqua de miraculis Patrum Italicorum sub breuitate scribere. Hanc autem breuitatem in Equitio, & alijs Patribus obseruauit. Cum autem ad describendas res mirandas sancti Benedicti ventum est, intentionem mutauit, vitamq; illius diffuse, toto secundo libro Dialogi, prosequutus est, cum sancto Equitio, vnum tantum ex duodecim capitulis primi libri attribuerit; ut vel hinc appareat, Gregorium filiali amore, quo in parentem, & institutorem suum flagrabat Benedictum, impulsus, vitam ipsius, non strictam, neque contractam, ut aliorum Sanctorum, sed late, ac diffuse descripsisse. Econtra vero, cum tam facile potuerit vitam sancti Equitij ad plenum cognoscere, & euulgare, nec tamen voluerit; apparet defuisse animum Gregorio illam cognoscendi, & euulgandi: ac per consequens non agnouisse, nec habuisse sanctum Equitium tamquam parentem, & auctorem Ordinis, & instituti, sub quo Gregorius ipse militabat.

Regula
s. Benedi-
cti.

Vtcrius, sanctus Gregorius nusquam meminit Regulæ sancti Equitij: cuius in primis mentionem facere oportebat, ut discipulis tanti Patris nota esset institutio, & norma viuendi ab ipso tradita. Regulam vero sancti Benedicti summè laudauit, commendauitq; lib. 2. Dialog. cap. 36. dicens. *Scripsit monachorum Regulam, discretionem præcipuam, sermone luculentam, &c.* Et super caput nonum libri primi Regum pag. 153. iuxta Romanam editionem, vocat sanctum Benedictum, arctissimæ vitæ magistrum optimum, & summæ veritatis discipulum eruditum: adducitq; ibidem, locum quemdam ex cap. 58. Regulæ eiusdem sancti desumptum. Certè (nisi mea me fallit memoria) neminem vmquam Gregorius in suis scriptis magistrum appellauit, præter vnum Benedictum hoc in loco: cumq; occasione Regulæ ipsius allegandæ, hoc illum titulo decorauerit, aperte satis insinuauit, se illius fuisse discipulum.

Denique, solam sancti Benedicti Regulam in Synodo approbavit, & confirmavit, ac per diuersas Italiæ partes, & vbiq; latine litteræ legerentur, præcepit, ut diligentissimè

tissimè obseruarent, quicumque ad conuersionis gratiam accessuri essent, vsque in finem mundi. Hanc autem approbationem, & confirmationem factam fuisse, anno Domini quingentesimo nonagesimo quinto, refert Baronius tom.8. pag. 91. Sequenti vero anno sanctus Gregorius monachos discipulos suos in Angliam destinauit.

Ex quibus manifeste apparet, sanctum Gregorium, eo tempore voluisse Apostolica auctoritate Diui Benedicti regulam communire, & roborare, quo sanctus Augustinus, & alij monachi ipsius collegæ, in Angliam, ad disseminandam fidem catholicam in illis regionibus, erant profecturi: quatenus, vna cum religione christiana, monasticam disciplinam, iuxta Regulæ sanctissimi Patris, & magistri sui Benedicti præscriptum, & normam, illuc introducerent. Quod & fecerunt: nec enim vilo modo credendum est, sancti Gregorij discipulos, diuersam regulam, & modum viuendi nouiter ad conuersionem venientibus tradidisse, ab ea, quam ipsi didicerant, & Gregorius eorum Pater, & magister laudauerat, approbauerat, atque ab vniuersis seruari præceperat.

Ex dictis planè constat Beatum Gregorium filiali quodam, ac peculiari amore, & dilectione, erga sanctum Benedictum, & eius Ordinem affectum fuisse: institutum, ac normam viuendi ab eo traditam eximie commendasse, Apostolica auctoritate confirmasse, atque ab vniuersis, qui ad conuersionem venirent seruari voluisse: ac perinde (iuxta obseruationes superius positas) monachum Benedictinum fuisse. Nec poterit Pater Gallonius hunc nostrum discursum reprehendere, seu inficiari, cum ipse pag.45. sui Apologetici similiter ratiocinetur. Postquam enim retulit laudes, & encomia, quibus Cardinalis Baronius sanctum Benedictum, eiusq; ordinem plerisque in locis suorum Annalium decorauit, atque ornauit, ista subnectit. *Nisi scirem, Baronium fuisse nostræ Congregationis Presbyterum, assererem fuisse Benedictinum, cum his, & alijs præclaris elogijs, Benedictinos, cum datur occasio, predicet. Optima profecto, & apposita ad rem, de qua agimus argumentatio, iuxta quam, ex ipsius Gallonij sententia, concludo, Beatum*

T c Grego-

658 De Monachatu S. Gregorij Magni.

Gregorium monachum fuisse Benedictinum, non autem Equitianum: siquidem summis laudibus, & elogijs plurimis, Dium Benedictum, Regulam, & institutum ipsius extollit, prædicat, commendatq;: Regulæ vero sancti Equitij nusquam meminit, atque ita omnino tenendum esse censeo.


Candidum Lectorem, obsecro, ut quæ à nobis in hoc tractatu scripta sunt, primum attente, ac simpliciter legat; omni priuato affectu semoto, postea vero de controuersia ipsa libere sententiam proferat. Ego enim paratissimus sum, non solum sacrosanctæ Ecclesiæ certo, & infallibili iudicio; verum etiam cuiuscumque melius sentientis, & iudicantis, arbitrio, me submittere, sicuti ex nunc submitto. Vale.

F I N I S.

Imprimatur.

Alexander Boschius Vicarius Generalis.


M. Cornelius Tiroboscus Prædicatorum Ordinis Curia Theologus.



NEAPOLI,
Ex Typographia Tarquinij Longhi. MDCXVI.

INDEX RERVM NOTABILIVM.

Quæ in hoc volumine continentur.



Bbatum Cassinensium series, & chronologia pag. 606.

Abbatum Cassinensium dignitas, auctoritas, & iurisdictio, pag. 24. 25. 312. 322. 331.

S. Adalbertus Episcopus, & martyr Cassinum venit, pag. 205. 206.

Adam monachus Cassin. sanctus, pag. 245. 260.

Agapitus secundus Papa, pag. 176. 177.

Agnes Imperatrix Cassinum venit, pag. 372.

Alax Archiepiscopus Beneventanus, pag. 220.

Albericus Marsorum Episcopus, pag. 202.

Albericus Diaconus monachus Cassin. pag. 380.

S. Aldelmus monachus Angliæ Episcopus, pag. 647.

Aldemarius monachus Cassin. sanctus, pag. 413.

Alfanus Archiepiscopus Salernitanus, pag. 319. 332. 334. 381.

S. Alferius primus Abbas Monasterij Cauensis, pag. 330.

Alexander secundus Papa, pag. 309. 352. 369. 382. Cassinum venit.

Alexius Constantinopolitanus Imperator, pag. 403. 473. 483. 491. 519.

Almannus monachus Cassin. sanctus, pag. 527.

S. Amicus monachus Cassin. pag. 452.

Angelus monachus Cassin. sanctus, pag. 440.

S. Antoninus Surrentinus monachus Cassin. pag. 100.

Antonius & Constantinus monachi Cassin. sancti, pag. 536.

Antiochia capitur à christianis, pag. 482.

Tt 2 Ardu-

I N D E X.

- Arduinus Græcos ab Apulia, & Calabria expulit, pag. 275.*
277.
S. Athanasius Episcopus Neapolitanus, pag. 151. 152.
Athanasius iunior Episcopus Neapolitanus, pag. 151. 152.
Azzo monachus Cassin. sanctus, pag. 229. 231.
Azzo alius monachus Cassin. sanctus, pa 23.
Baiocaria Dux, pag. 590. 592.
Baleares Insulæ à fidelibus expugnantur, pag. 528.
Bambergensis Ecclesia erigitur, pag. 244.
Baresio Sardorum Rex, pag. 355. 540.
Basilius Constantinopolitanus Imperator, pag. 236.
Basilius Protoſpatharius Imperialis, pag. 178.
Belgrinus Colonienſis Archiepiſcopus, pag. 237.

Sanctus Pater Benedictus.

- E**ius patria, & parentes, pag. 3. 4.
 Quoto anno atatis Eremum petijt, pag. 6. 7.
 Chronologia totius vite eius, pag. 26.
 Arctiſſimum vite genus arripuit, & ſeruauit, pag. 4. 5. 25.
26.
 Arctiſſimæ vite magiſter optimus à ſancto Gregorio voca-
 tur, pag. 61.
 Omnium iuſtorum ſpiritu plenus fuit, pag. 18.
 Florentius Preſbyter illum perſequitur, pag. 17.
 Inuidiæ Florentij cedit, pag. 18.
 Dei iuſſu Caſſinum migrat, pag. 19. 20. 21. 87. 89.
 Caſſinum perueniens quadraginta diebus in oratione permã-
 ſit, Idola contriuit, aras ſubuertit, lucos ſuccendit, pag.
20. 22. 23.
 Munus prædicandi à Deo immediate ſuſcepit, pag. 23.
 Apoſtolus iure merito nuncupandus, pag. 23.
 Infidelium multitudinem ad fidem conuertit, pag. 39.
 Propbetiæ ſpiritu pollet, pag. 28. 29. &c.
 Fratres ſuos ad prædicandum mittit, pag. 39.
 Totilum Gothorum Regem reprehendit, pag. 30. 31.
 Sacerdos fuit, pag. 45.
 Raptus eius mirabilis, pag. 56.

An

I N D E X.

- An uiderit diuinam essentiam, pag. 58.*
Regulam monachorum scripsit, pag. 59.
Eius regula valde commendata, & laudata, pag. 59. 60.
Diuinus legislator vocatus, pag. 60. 197.
Eius regula prima ab Ecclesia approbata, pag. 63.
Ipsius obitus gloriosus, pag. 64. 65. 88.
Corpus eius apud Cassinum requiescit, pag. 90. 240. 245. 364. 462.
Quedam ipsius laudes, & encomia, pag. 1. 8. 70. 91. 648.
Ipsius ordinis mirifica propagatio, pag. 8. 13. 62. 88. 91. 93. 99.
Ordo S. B. illustrium virorum feracissimus, pag. 92.
Conqueritur de suis monachis, pag. 283. 603.
Miracula innumera post eius obitum ipsius meritis patrata, pag. 37. 69. 115. 141. 239. 246. 260. 264. 271. 282. 384. 385. 389. 412. 420. 421. 442. 443. 444. 445. 448. 495. 517. 529. 553. 583.
S. Benedictus Anglus Ordinis sancti Benedicti, pag. 638.
Benedictus Papa tertius, pag. 188.
Benedictus Papa octauus, pag. 217. 225. Cassinum venit, pag. 239. 256.
Benedictus nonus, pag. 291. 293.

Beneuentum, & Beneuentani Principes.

- A***Ntbarit Longobardorum Rex Beneuentum caput multarum Prouintiarum constituit, pag. 99.*
Zoto primus Dux Beneuentanus, pag. 99. 164.
Gisulfus Beneuentanus Dux, plurima bona Monasterio Cassinensi concessit, pag. 101. 163. 185.
Aricus primus Princeps appellatus, pag. 109. 114.
Grimoaldus Princeps, pag. 115. 120.
Grimoaldus alter Princeps, pag. 121.
Sico Princeps, pag. 122.
Sichardus Princeps, pag. 128. 129.
Beneuentani Principatus diuisio, pag. 129. 138.
Radelchis Beneuentanus Princeps, pag. 129. 138.
Adelchis siue Radelchis Princeps, pag. 137. 150.
Aio Princeps, pag. 159.

Tt 3 Beneuen-

I N D E X.

- Beneuentani Principatus translatio à Longobardis ad Graecos*, pag. 161.
Gubernatur per Duces ab Imperatore Constantinopolitano missos, pag. 164.
Guido Dux Imperatoris Latini, expulit inde Gracos, pag. 164.
Beneuentanorum Principum post Guidonem successio, pag. 164.
Beneuentani pro corpore S. Bartholomæi Apostoli, corpus S. Pauli Nolani, Ottoni tertio tradiderunt, pag. 213.
Pandulfus Princeps Beneuentanus, pag. 222.
Beneuentum qualiter in ditionem Romanæ Ecclesiæ peruenit, pag. 244. 299.
Beneuentani excommunicantur à Papa, pag. 296. 592.
Landulfus Beneuentanus Princeps, pag. 329. 368.
Beneuentana Synodus sub Victore tertio, pag. 432.
S. Berardus Episcopus Aprutinus monachus Cassinas, pag. 548.
S. Bernardus Abbas Clareuallis Cassinum venit, pag. 598.
Berengarius Italiæ Rex, pag. 179. 180.
Boamundus Roberti Ducis filius, pag. 470. 472. 498. 509.
Bolanus Catapanus Imperialis, pag. 235. 236. 248. 257.
S. Bonifacius Episcopus Moguntinus, & martyr, Ordinis S. Benedicti, pag. 639.
S. Bonifacius alius cum S. Romualdo Cassinum venit, pag. 208.
Cai-tæ Duces, pag. 154. 234. 287. 339. 392. 525.
Callistus Papa secundus, pag. 536. 541. *Cassinum venit*, pag. 560.
Capitanata Prouintia, unde dicta, pag. 248.
Cappella S. Crucis in latere Cassini montis constructa, pag. 36. 37.

Capua, & Capuanus Principatus.

- P**rimus Capuanus Princeps Siconolfus, pag. 130. 131. 138.
Capuana Urbis destructio, pag. 130. 146.
Capue nouæ edificatio, pag. 139.

Capuani

I N D E X.

- Capuani Episcopum suum nequiter expellunt, pag. 153.*
Pandenolfus Capuanus Princeps, pag. 154.
Atenulfus Princeps, pag. 165. 168.
Landulfus, & Atenulfus fratres Principes, pag. 169. 171.
Capuana Ecclesia erigitur in Archiepiscopalem, pag. 194.
Ladenulfus Princeps cum matre Albara, pag. 195.
Pandulfus Princeps, pag. 197. 198.
Laidulfus Princeps, pag. 201.
Landulfus Princeps, pag. 201. filius Principis Beneuentani.
Ademarius Princeps, pag. 201.
Pandulfus Princeps pessimus, pag. 225. 236. vinculus abdu-
citur in Germaniam à S. Henrico Imperatore, pag. 238 in
cuius locum instituitur Capuanus Princeps Pandulfus
Theanensis Comes, pag. 238. 256. 57.
Pandulfus à vinculis solutus Capuanum Principatum inua-
dit, & multa mala facit, pag. 257. 258. 29. 287. 295. Eius
mors, & eterna damnatio, pag. 261. 263. 298.
Guaimarius Salernitanus fit Princeps Capuanus, pag. 270.
295.
Pandulfus iunior Capuanus Princeps, pag. 304.
Richardus Princeps, pag. 344. 345. 358. 368.
Iordanus Princeps, pag. 346. 396. 397. 398. 418. 469.
Richardus Princeps, pag. 469. 489. 491.
Capuanorum rebellio, pag. 469.
Robertus Princeps, pag. 491. 524. 538.
Robertus Princeps, pag. 538. 569.
Capuana ciuitatis incendium, pag. 547.
Iordanus Princeps, pag. 572. 575.
Robertus Princeps Capuanus, pag. 575. 576.
Carolus Mannus Rex fit monachus Cassinas, pag. 104.
Carolus Magnus Italiam venit, Cassinense Monasterium
visitat, pag. 113. 114. 118.
Christophorus Papa fit monachus, pag. 165.
Clemens Papa secundus, pag. 292. 294.

Comitatus, & Comites diuersi.

A *Lifanus Comes, pag. 188. 526.*
Aprutinus Comitatus, pag. 188. 199. 216. 254. 286.
Tt 4 Aqu-

I N D E X.

- Aquinensis Comitatus*, pag. 202. 204. 235. 278. 280. 480. 498.
Auersanus Comitatus, pag. 257. 270. 275. 277. 295.
Bouianenses Comites, pag. 478.
Calagzanzorum Comitatus, pag. 489.
Ciccani. & Signia comites, pag. 227.
Compsanus comes, pag. 124. 129.
Comitissa Iselgarda, pag. 156. 158.
Ifernenses comites, pag. 194.
Larinenses comites, pag. 286.
Lesinenses comites, pag. 215. 416.
Marforum Comites, pag. 144. 180. 192. 195. 200. 213. 214.
 228. 273. 305. 343. 350. 418. 419. 485.
Minlanenses comites, pag. 319.
Comites de Molisio, pag. 490. 576.
Comites de Morono, pag. 274.
Pennensis comitatus, pag. 148. 149. 158. 193. 199. 200. 216. 394.
Comes de Petra abundanti, pag. 189.
Comites de Pontecurao, pag. 349. 479.
Comites de Praefenzaano, pag. 256. 500. 528.
Sangrorum comites, pag. 459. 486. 557.
Comites de Sexto, pag. 278. 559.
Comites Sorani, pag. 189. 349.
Telefinus comitatus, pag. 481.
Termulensis comitatus, pag. 225. 250.
Theanensis comitatus, pag. 183. 199. 232. 278. 289.
Theatinus comitatus, pag. 143. 195. 302. 305. 310.
Traiectensis comitatus, pag. 231. 318. 416. 417.
Tusculanus comitatus, pag. 321.
Valuensis comitatus, pag. 190. 361. 388.
Venafrani comites, pag. 235. 349. 416. 455. 481.
Concilij Romani sub Bonifacio IV. decretum, pag. 640.
Conradus Imperator Casinum venit, pag. 257. 267. 268.
Constantinus Africanus monachus Casin. pag. 381.
Constantia Francorum Regis filia, pag. 521.
Corona B. Marie à quo primum excogitata, pag. 472.
S. Cunegundis virgo, S. Henrici Imperatoris uxor, pag. 244.
Damasus secundus Papa, pag. 294. 296.
Dedicatio Ecclesie Casin. celeberrima, pag. 367.

S. Domi-

I N D E X.

- S. Dominicus Soranus monachus*, pag. 263. 264. 387.
Draco Normannorum comes, pag. 277. 295.
Ecclesia Romana labores, & schismata, pag. 291. 292. 321.
 352. 424. 429. 430. 506. 535. 576.
Episcoporum aduersus monachos querela, pag. 557.
Exempla ambientium Ecclesiasticas dignitates pag. 202. 207.
 219.
Expediitio pro recuperanda terra sancta, pag. 470.
Faustus S. Benedicti discipulus, sanctus, pag. 78. 94.
Felix monachus Cassin. sanctus, pag. 410.
Formosus Papa, pag. 159. 161.
Fortunatus Cassin. Episcopus, pag. 24.
Fridericus Leonis noni Cancellarius, pag. 302. 304.
Gebizo monachus Cassin. sanctus, pag. 399.
Gelasius secundus Papa monachus Cassin. pag. 534. 536. *An-*
tea S. R. E. Cancellarius, pag. 465. 529. 531.
S. Germanus Capuanus Episcopus, pag. 56.
S. Germani ciuitas, pag. 119. 141. 226. 236. 528. 566. 570.
Gisulfus Salernitanus Princeps, pag. 299. 341. 368. 395.
Gothfridus Tusciae Marchio, pag. 358.
Gothfredus & Balduinus frater eius, pag. 471. 483.
S. Gregorius Magnus scripsit vitam S. Benedicti, pag. 1. *Re-*
gulam ipsius laudauit, pag. 59. *Eandem approbauit, &*
professus est, pag. 64. 613. &c.
Gregorius tertius Monasterij Cassin. restaurationem procu-
rauit, pag. 96. 98.
Gregorius Papa sextus, pag. 291. 294.
Gregorius septimus, pag. 383. 392. 402. 409. 410. 422. *Cassi-*
num venit.
Gregorius monachus Cassin. sanctus, pag. 407. 408.
Gregorij Cardinalis ad monachos Cassin. oratio, pag. 568.
Guaimarius Salernitanus Princeps, pag. 151. *fit monachus*
Cassin. pag. 154.
Guaimarius alter, pag. 166. 169.
Guaimarius tertius, pag. 224. 270. 278. 295. 299.
Guaimarius quartus, pag. 319.
Guarinus Regis Rogery Cancellarius, pag. 577.
Guido Italia Rex, pag. 172.

Guini.

I N D E X.

- Guinigo Hispanus monachus Cassin. sanctus*, pag. 398. 400.
Gulielmus Tancredi Normannorum comes, pag. 277.
Gulielmus Dux Regery filius, pag. 517. 521. 522. 575.
Gunnarius Sardorum nobilissimus, pag. 540.
S. Henricus Imperator, pag. 225. 226. *Cassinum venit*, pag. 239. 242. 243.
Henricus Conradi filius, pag. 272. 291. *Cassinum venit*, pag. 295. 310. *ubi error in margine irrepit, ut pro tertio, sit positum quartus.*
Henricus quartus, pag. 402. 403. 409. 430. 484. 491.
Henricus quintus, pag. 484. 491. 500. 504. 506. 532. 564.
Hildebrandus, qui & Gregorius VII. pag. 303. 320. 340. 352. 361.
Honorius secundus Papa pag. 560. 562. 565. *Cassinum venit.*
S. Hugo Abbas Cluniacensis Cassinum venit, pag. 407.
Hugo Italiae Rex, pag. 180.
Hugo de Albaspina, pag. 517.
Humbertus Episcopus Silvae candidae, siue S. Ruffinae, pag. 302. 311. 313. 332. 337.
Hunifridus Normannorum comes, pag. 277. 301.
S. Ianuarius Neapolitanae Urbis Protector, pag. 396.
Ianuarius monachus Cassin. sanctus, pag. 400.
Iarula arcis constructio, pag. 183. 528. 567.
Iaquintus monachus, pag. 326. 332. 343.
Ieiunium aestiuum quatuor temporum, pag. 315.
Ierosolyma capitur à christianis, pag. 482. 483.
Innocentius secundus Papa, pag. 576.
Ioannes Papa octauus, pag. 151.
Ioannes nonus, pag. 161.
Ioannes decimus, pag. 169. 172.
Ioannes undecimus, pag. 179.
Ioannes decimusquintus, pag. 182.
Ioannes Diaconus vitam S. Gregorij scripsit, pag. 614.
Ioannes Apulus monachus Cassin. sanctus, pag. 308.
Ioannes Veneticus monachus Cassin. sanctus, pag. 442.
Ioannes alius monachus Cassin. sanctus, pag. 449.
Ioannes Consul, & Lux Neapolitanus, pag. 173.
Lambertus Italiae Rex, pag. 180.

Landul-

I N D E X.

- Landulfus Princeps Salernitus*, pag. 215.
Leo Papa tertius, pag. 121.
Leo Papa quartus, pag. 136.
Leo sextus, pag. 172.
Leo nonus, pag. 295. 296. *Cassinum venit*, pag. 298. 300. 301.
 332. 596
Leo Ostiensis huius Chronici scriptor, pag. 79. 392. 506. 514.
Ligni sanctæ Crucis portio, pag. 196. 412.
Limbæum quo Christus Dominus exterfit pedes discipulorum
 pag. 228.
Liucius siue Lucius monachus Cassin. pag. 223.
Longobardi pag. 93. 99. 164.
Lotharius Regnum Francorum diuisit, pag. 127. 138.
Lotharius Italiæ Rex, pag. 180.
Lotharius Imperator, pag. 565. 577. 593. *Cassinum venit.*
Ludouicus Pius Imperator, pag. 125.
Ludouicus Imperator Cassinum venit, pag. 145. 146. 147.
Ludouicus Italiæ Rex, pag. 180.
Matella montis eremita, pag. 331.
Mancusus monachus Cassin. pag. 438.
Marcus Poeta S. Benedicti discipulus, pag. 22. 90. 91.
Mare dulce factum, pag. 188.
Marinus Papa secundus, pag. 174.
S. Martinus Episcopus Bracharensis monachus, pag. 644.
Mattilda Tusciæ Comitissa, pag. 401. 419. 423. 428. 484. 490.
S. Matthei Apostoli brachium, pag. 414. 547.
Matheus Episcopus Albanensis, pag. 573. 574.
S. Maximianus Diui Gregory institutor, pag. 622.
Melus & Datus illustres viri, pag. 234. 236.
Michael Constantinopolitanus Imperator pag. 387.
Mirabile signum in altari S. Benedicti de Capua, pag. 171.
S. Maurus discipulus S. Benedicti, pag. 13. 16. 62. 65. 66. 77.
 87. 88. 132. 133. 252.
Maio monachus Cassinas pag. 460.

Monachi, & Monasterium Cassinense.

Monasterium Cassinense à S. Benedicto fundatum. pag.
 1. 27. 28. 87.

A Longo.

I N D E X.

- A Longobardis destructum*, pag. 34. 93.
Quanto tempore mansit desolatum, pag. 93. 97. 98.
Desolationis tempore monachi ibi manebant, pag. 96.
A quo. & quando restauratum, pag. 96. 97. 369.
Succesit in locum Episcopatus Cassin. pag. 24.
Non est intra fines alicuius Diocesis, pag. 24.
Eius laudes, & encomia. pag. 99. 100. 197. 354. 370. 462. 558.
 639.
Monachi Cassinenses ad diuersas Prouincias mittuntur,
 pag. 95. 114. 167. 290. 355. 560.
Monachi Cassin. martyrio coronati, pag. 74. 95. 155. 167.
Monachorum Cassinensium ad dignitates Ecclesiasticas pro-
motio, pag. 315. 340. 341. 359. 465. 514. 515. 528. 560.
Monachi ducenti martyrio coronati, pag. 126.
Monasterium sancti Petri de Caradigna in Hispania,
 pag. 62. 126.
Monasterium sancti Vincentij ad Vulturum, pag. 96. 118.
 141. 170. 527.
Monasterium sanctae Sophiae in Beneuento, pag. 104. 109.
 175. 318. 392.
Monasterium Plumbariolae, pag. 107.
Monasterium sancti Liberators, pag. 156. 249. 400. 448.
Monasterium Theanense, pag. 155. 163.
Monasterium Capuanum, pag. 170. 175. 177. 452.
Monasterium sanctae Mariae de Albaneta, pag. 223.
Monasterium Insulae Tremitensis, pag. 304. 331. 360.
Monasterium sancti Michaelis Vallis lucis, pag. 198. 226.
Monasterium sancti Angeli de Barregio, pag. 148. 175. 187.
Monasterium sancti Pauli de Vrbe, pag. 175. 45.
Monasterium sanctae Crucis in Ierusalem de Vrbe, pag.
 297.
Monasterium sanctissimae Trinitatis Caunensis, pag. 223.
 329. 330.
Monasterium sancti Petri de Auellana, pag. 387.
Monasterium sanctae Euphemie in comitatu Theatino, pag.
 348.
Monasterium sancti Clementis iuxta flumen Piscariae, pag.
 148. 361.

Monaste-

I N D E X.

- Monasterium sancti Ioannis in Venere, pag. 304. 336.*
Monasterium sancte Scholasticae in comitatu Pennensi,
pag. 158. 304.
Monasterium sancti Saluatoris de Castellis, pag. 549.
Neapolis capitur a Pandulfo Principe Capuano, pag. 257.
Nicolaus secundus Papa, pag. 340.
Nicolaus Picingli Saracenos debellat, pag. 169.
S. Nilus Abbas Cassinum venit, pag. 196. 205. 206.
Normanni, pag. 233. 234. 275. 276. 277.
S. Odilo Abbas Cluniacensis Cassinum venit, pag. 251.
Olibanus Galliarum comes monachus Cassin. pag. 209.
Otto monachus Cassinas, sanctus, pag. 530.
Otto primus Imperator, pag. 180. 181. 187.
Otto secundus, pag. 194.
Otto tertius, pag. 195. 199. 212. Cassinum venit, pag. 213.
Paschalis solemnitas varie olim celebrata, pag. 66.
Paschalis secundus, pag. 485. 499. 509. 518. 527. 534. cassinum
venit.
Paulinus, & Augustinus sancti Benedicti discipuli, sancti,
pag. 488.
Paulus Diaconus Longobardus Cassinensis monachus, pag.
116. 117.
Paulus alius monachus cassinensis sanctus, pag. 255.
S. Petrus Apostolus Cassinum venit, pag. 429.
Petrus Damiani Cassinum venit, pag. 321. 353.
Petrus Eremita Ordinis S. Benedicti, pag. 471. 472.
Petrus Diaconus cassinensis, pag. 539.
Pipinus Francorum Rex, pag. 107. 108.
Pisani cassinenses monachos spoliant, pag. 356. 358.
Pisana Ecclesia erigitur in Archiepiscopalem, pag. 535.
Sanctus Placidus discipulus Diui Benedicti, pag. 1362. 73.
87. 88.
Pontiscurui oppidum, pag. 149. 273. 489. 528.
Pontius Abbas Cluniacensis Cassinum venit, pag. 531. 555.
Rachis Longobardorum Rex monachus cassinas, pag. 106.
Rainerius monachus cassinas, sanctus, pag. 450.
Randitius monachus cassinas, sanctus, pag. 407.
Regula a modernis scriptoribus seruanda, pag. 619.

Reli-

I N D E X.


- Religio decidit, ubi minima contemnuntur*, pag. 72.
Robertus Anglorum Rex, pag. 534.
Robertus Guiscardus Dux, pag. 277. 337. 344. 394. 403.
 413.
Rodulfus Italia Rex, pag. 179.
Rodulfus Normannorum Comes, pag. 281. 287. 289.
Rogerus Calabria Dux, pag. 416. 427. 469. 486. 500. 509.
Rogerus Sicilie Comes, pag. 521. 522. 575. 576. fit rex 576.
 601.
S. Romanus Beato Benedicto in Specu ministravit, pag. 5.
S. Romualdus Cassinum visitat, pag. 208.
S. Saluus monachus Cassinas, pag. 158.
Saracenorum in Italia gesta, pag. 125. 130. 134. 336. 137. 138.
 143. 147. 151. 154. 166. 169.
Saraceni in Africa debellantur, pag. 431.
Sancti duodecim Fratres martyres, pag. 109.
Sergius secundus Papa, pag. 134.
Sergius monachus Cassinas, sanctus, pag. 530.
Sergius Dux Neapolitanus a proprio fratre excacatur, pag.
 151.
Sergius alter Lux Neapolitanus, pag. 257. 260. 261. 368.
Sancta Scholastica Virgo soror Beati Benedicti, pag. 54. 55.
 584.
Sanctus Seuerus Episcopus Cassinensis, pag. 24. 251. 390.
 540.
Sicelgaita Roberti Ducis uxor, pag. 415. 416. 467. 576.
Soles duo apparuerunt, pag. 188.
Stephanus secundus, & tertius Papa, pag. 107. 108.
Stephanus nonus monachus Cassinas, pag. 317. 320.
Sanctus Stephanus Vngariae Rex, pag. 290.
Stephanus Veneticus monachus Cassinas, sanctus, pag. 441.
Stellae de caelo cadere visae sunt, pag. 470. 559.
Tarracinenarium votum S. Benedicto factum, pag. 200.
Terramotus per diuersa loca, pag. 137. 196. 214. 377. 533.
 537.
Todinus nequissimus feruus, pag. 258. 259. 266. 268.
Torchytorius Sardiniae Rex, pag. 357. 540.
Translatio S. Benedicti, pag. 242. 463. 493.

Transla-

I N D E X.

- Translatio S. Bartholomai Apostoli, pag. 128.*
Translatio S. Matthaei Apostoli, & Euangelistae, pag. 188.
Translatio S. Ianuarij Episcopi & martyris, pag. 124.
Translatio S. Nicolai Episcopi, pag. 428.
Translatio S. Germani Capuani Episcopi, pag. 149.
Victor secundus Papa, pag. 303. 316.
Victor tertius monachus Cassinas, pag. 426. 428. 431. 432.
435. 437.
Visiones, & apparitiones diuersae, pag. 212. 219. 243. 245. 247
334. 409 429. 537. 538. 582. 586. 587.
Vngari Capuarum territorium deuastant, pag. 172. 173.
Urbanus Papa secundus, pag. 459. 461. 485. Cassinum ve-
nit.
S. Zacharias Papa Cassinum venit, pag. 97. 98. 101.

F I N I S.



005647214

KONSERVIERT DURCH
ÖSTERREICHISCHE FLORENZHELFE
WIEN 1967